

Νyεμε Jορε Kadasι



The New Testament in Anufo (Chokosi)

Nyeme Jore Kadasi
The New Testament in Anufo (Chokosi)

copyright © 2009 Wycliffe Bible Translators, Inc.

Language: Anufo

Contributor: Wycliffe Bible Translators, Inc.

All rights reserved.

2020-11-13

PDF generated using Haiola and XeLaTeX on 21 Feb 2024 from source files dated 29 Jan 2022
fe36d0e6-2a60-5e15-8d1c-8bf275389598

Contents

MATIO	1
MARAKO	37
LUKA	59
YOHANE	96
SAYOOWAM	121
ROMAFŌM	156
1 KŌRINTOFŌM	172
2 KŌRINTOFŌM	187
GALATIYAFŌM	197
EFESOFŌM	203
FILIPYAFŌM	209
KOLOSİYAFŌM	213
1 TĒSALONIKAFŌM	217
2 TĒSALONIKAFŌM	220
1 TIMOTI	222
2 TIMOTI	227
TITOSI	230
FILEMON	232
HIBURUFŌM	233
YAKOBO	246
1 PETORO	250
2 PETORO	255
1 YOHANE	258
2 YOHANE	262
3 YOHANE	263
JUDA	264
SAYIKEREWA	266

Labari kpa n bo MATIO akere i ni

Kabo ba kere Yesu nam dura barasu ni

¹ Ahin dura kerewam kere ti Yesu Kristo nam busu wo, fiteeri Abraham ko tu Feme Davidi fa ba juuri sangha bo bu wuuri yiri Yesu ni. I nam n busu yaa ni, ² Abraham wuuri Izaki, na Izaki awu Jakobu, na Jakobu awu Yuda ni i niemam, ³ na Yuda awu Farese ni Zara bo bu ni yo la Tama ni, na Farese awu Hesarom, na Hesarom awu Aram, ⁴ na Aram awu Aminadabu, na Aminadabu awu Naasoni, na Naasoni awu Salemo, ⁵ na Salemo awu Boosi bo i ni yo la Rahabu ni, na Boosi gusu awu Yobedi bo i ni yo la Ruti ni, na Yobedi gusu anya awu Yese ⁶ bo i gusu wuuri Feme Davidi ni.

To, na Feme Davidi awu Feme Solomon bo i ni yo la Yuriya yi ni, ⁷ na Feme Solomon gusu awu Feme Robowam, na Feme Robowam awu Feme Abiya, na Feme Abiya awu Feme Asafu, ⁸ na Feme Asafu awu Feme Yosafati, na Feme Yosafati awu Feme Yoram, na Feme Yoram awu Feme Yoziya, ⁹ na Feme Yoziya awu Feme Yowatam, na Feme Yowatam awu Feme Ahazi, na Feme Ahazi awu Feme Hezekiya, ¹⁰ na Feme Hezekiya awu Feme Manase, na Feme Manase awu Feme Amoni, na Feme Amoni awu Feme Yosiya, ¹¹ na Feme Yosiya awu Feme Yekoniya ni i niemam. Nyini sangha n ye bu miere Yisarelifom fiteeri bu asien su koori Babiloniya asien su n a.

¹² Bu faari bu koori Babiloniya n dee n sin ni, na Feme Yekoniya awu Salatiyeli, na Salatiyeli awu Zorobabeli, ¹³ na Zorobabeli awu Abiyidu, na Abiyidu awu Eliyakimu, na Eliyakimu awu Azore, ¹⁴ na Azore awu Sadoki, na Sadoki awu Akim, na Akim awu Eliyudu, ¹⁵ na Eliyudu awu Eleyaza, na Eleyaza awu Matan, na Matan awu Jakobu nyinga beku, ¹⁶ na nyini Jakobu n awu Yosefu, Mariya hun. Mariya wuuri Yesu bo bu fere i ka Kristo n a, Tiidefo n bo Nyeme ase ka i sunma i ni.

¹⁷ To, nyini kere ka fiteeri Abraham fa ba juuri Feme Davidi, bu tiiri nanam buru ni nna wo, na fiteeri Feme Davidi fa ba juuri sangha bo bu miere Yisarelifom koori Babiloniya asien n su ni, bu tiiri nanam buru ni nna wo, na fiteeri nyini sangha n fa ba juuri sangha bo bu wuuri Kristo Tiidefo ni, bu gusu tiiri nanam buru ni nna wo.

Kabo bu wuuri Yesu Kristo ni

¹⁸ Kabo bu wuuri Yesu Kristo n yaa. Bu yo faari i ni Mariya ceeri Yosefu wo, ama, kana bu ba ja i ko i hun n dika ni, na ba fa nu ka i bita nyinse bo i fite Nyeme Awiewie Casi n dee yiko nu wo. ¹⁹ I hun Yosefu yo ti sono bo i yo sa bo i ko atin su Nyeme do o, nyini ti, wo koro ma ka i wura i yi n nyinse jama nu, na wo fa sunsunni ka i yaki i asiri nu. ²⁰ Sangha bo i wo birisi su n so ni, na Micera n dee mereke aba i do alele nu, aba ase i ka, "Feme Davidi anuma Yosefu, ma a soro sere ka a ja Mariya, na a fa i ko u dika, dama Nyeme Awiewie Casi ni maari i nyinse n a. ²¹ I wu baabieso na a fere i ka Yesu, i bu la ka Tiidefo, dama yiri ba yi i minem fite bu satiem nu a." ²² To, nyini n kere yoori so, adena i ma Nyeme noanie kanfo n noanie n ba yo yiiwa, kabo wo jojo ka, ²³ "Sunguru bo wo nya si ma bieso ba nyinse,

na i wu baabieso,

na bu fere i ka *Emanuweli*,"

i bu la ka, Nyeme wo ya do. ²⁴ Sangha bo Yosefu tengeeri ni, na wo yo kabo Micera n dee mereke n seeri i ni, na wo fa Mariya aba i dika. ²⁵ Ama, i ni yiri asangha ma bara ni bieso, haari Mariya ba wuuri baabieso, na Yosefu atun i dura ka Yesu.

2

Kabo asarambaa koresiyifom baari Yesu busu nie ni

¹ Sangha bo bu wuuri Yesu mie n bo bu fere i ka Betilehem na i wo Yudiya awore n nu ni, nyini sangha ni Herode ti nyini awore n nu feme a. Na asarambaa koresiyifom nbem afite wie afiri, aba Yerusalem aba abisa ka, ² "Baa n bo ba wu i na i ba yo Yudafofeme n wo ni wo? Ya nu i asarambaa wie afiri do, ye ya na ya ba na ya ba kutu i a."

³ Feme Herode tiiri so ni, na jore n amie i ni Yerusalemfom kere. ⁴ Na wo fere Nyeme sayoowa donguyofom nkpienkpienm, ni Nyeme noanie kerefom kere atien bu noo, na wo bisa bu ka, "Ye bu wu Kristo Tiidefo n ni wo?" ⁵ Na ba bo i nu ka, "Betilehem bo i wo Yudiya asien n su ni, dama kabo Nyeme noanie kanfo n kereeri i lee. Micera n na o, ⁶ Woro Betilehem bo a wo Yuda asien n su ni,

a ti má mié kaan.

Wɔɔ ti Yuda asien n su miem anyunuyifom kun a, dama ka femé n bo m yí i na i bá yo m mine Yisarelifom tiifó ni, i fite u dɔ ɔ.”

⁷ Na Femé Herode afere asarambaa kɔresiyifom n asiri nu na i si sanja bo asarambaa n tiɛeri ni. ⁸ Na wɔ kere bu ka, “Am kɔ Betiléhém, na am kɔ nienie nyunyumi, na nzen am njuuri baa ni, am kpie am nyi ba se m na m gusu kó kutu i.” ⁹ Femé n jɔjɔori bu dɔ wieeri sɔ n na ba de atin, bu wo kɔ su sɔ ni, na ba nju asarambaa n bo bu njuuri i wie afiiri ni, ka i du bu mɔ haari na wɔ kɔ ajina awuru n bo baa n wo nu n tií su. ¹⁰ Bu njuuri asarambaa n sɔ ni, na bu ahore ajo agaya. ¹¹ Na ba kɔ awura awuru n nu, na ba nju baa n ni i ni Mariya na ba kutu i, na ba yo i anse. Na ba nya ateke bu kurukum, na ba yi aceerim ace i. Aceerim n la sika, ni tulaalɛ nvanvanifo be, i ti samene wɔ, ni baka nyunvuin nvanvanifo. ¹² Nyini sin na ba fa atin be akpie bu nyi akɔ bu bɔsu, dama Nyeme ase bu alele nu ka má bu kɔ Femé Herode dɔ kun.

Kabo Yosefu faari Yesu ni i ni nmati kɔori Ijipiti ni

¹³ Asarambaa kɔresiyifom n kɔ wieeri ni, na Micera n dɛɛ mereke aba Yosefu dɔ alele nu, aba ase i ka, “Yasu fa baa n ni i ni na am nmati kɔ Ijipiti asien su, má nyini Femé Herode wo baa nienie su na i kun i. Am kɔ wo dɔ haari cɛɛn bo m bá kaaki ba ma am nɔɔ ka am yasu dɔ.” ¹⁴ Na Yosefu ayasu afa baa n ni i ni nmati kɔngue n kere, na ba kɔ Ijipiti asien n su, ¹⁵ na ba wo dɔ haari Femé Herode aba awu. Ahin yoori sɔ ni, i ma kabo Micera n ma i noanie kanfom n yo jɔjɔori n yo yiiwa a. I nja, “Ma fere m wa n afite Ijipiti asien n su.”

Kabo Femé Herode ma bu kuunri nbaabieso kan kanm ni

¹⁶ Sanja bo Femé Herode ba faari nu ka asarambaa kɔresiyifom n adadaka i ni, na wo fa yaa agaya, na wɔ ma i sojam nɔɔ ka bu kɔ Betiléhém mié n nu, ni i aheme aheme n kere su na bu kɔ kun nbaabieso kan kanm kere bo ba wu bu kisa, kɔ ju afɔ nnyɔ, dama i sunsun ka sanja n bo asarambaa kɔresiyifom n nja asarambaa n tiɛeri ni, wɔ ju ka afɔ nnyɔ. ¹⁷ Nyini kere ka, kabo Nyeme noanie kanfɔ Jeremiya yo jɔjɔori n ayo yiiwa. I nja, ¹⁸ “Ya ti awie bo nja Rama mié kpiri nu, sun ni ahoresaaki wo dɔ, bara Rakeli susun i nbaam busu.

Wɔ kete ka má be kpata i, dama i nbaam wo má bere kun.”

Kabo Yosefu faari Yesu ni i ni fiteeri Ijipiti baari Nazareti ni

¹⁹ Sanja bo Femé Herode ba wuuri ni, na Micera n dɛɛ mereke aba Yosefu dɔ alele nu Ijipiti asien n su, aba ase i ka, ²⁰ “Yasu fa baa n ni i ni, na am kpie am nyi kɔ Yisareli asien su, dama minem bo bu kpiiri ka bu kun baa ni, ba wu.” ²¹ Na Yosefu ayasu afa baa n ni i ni, na ba kpie bu nyi akɔ Yisareli asien n su. ²² Ama, sanja bo i tiiri ka Akilawu adi i si Femé Herode femeya n Yudiya awɔre n nu ni, na sere ati i ni kabo i kɔ wo dɔ. Na Nyeme mereke aba i dɔ alele nu, aba akere i kabo i yo, na wo yasu akɔ Galili awɔre n nu akɔ awo mié be bo bu fere i ka Nazareti n su. ²³ Nyini n kere ka, kabo Nyeme ma i noanie kanfom n jɔjɔori n yo yiiwa a, fa kɔ Kristo Tiidefɔ n dɔ. I nja, “Bu fére i ka Nazaretifo ɔ.”

3

Kabo Yohane Nyeme Nzue Biefɔ n kaanri Nyeme jɔre ni

¹ Nyini sangá n na Yohane Nyeme Nzue Biefɔ n akɔ Yudiya boro kpantain n nu, kɔ sukan Nyeme jɔre, i nja, ² “Am kaaki am wo, dama sanja n adodo bo Nyeme Femé bá nié i minem su.” ³ Yiri Yohane n ye Nyeme noanie kanfɔ Esaya yo jɔjɔori i jɔre n a. I nja, “Sɔnɔ be subo ndoori boro kpantain n nu se ka, ‘Am sese Mibié n atin n su, na am yo i atin n dɔnggu.’”

⁴ Yohane wuraari sutura bo bu faari nyɔɔma ndɔre wuuri i a. Na wɔ fa jina abo i wi nu. I diire yo la lalom ni wie wɔ. ⁵ Na mine afite Yerusalem mié kpiri n nu, ni Yudiya dɛɛ awɔre miem kere su, ni Yodan dɛɛ bue n kere aba i dɔ, ⁶ na ba kan bu ngasi ni bu satie kere akere Nyeme, na Yohane abie bu Nyeme nzue Yodan kunna n nu.

⁷ Ama, sanja bo i ba njuuri ka Farasifom ni Sadusifom dɔnggu suba i dɔ ka i bie bu Nyeme nzue ni, na wɔ se bu ka, “Ambere burukɔɔnufom bo am ti ka woom ni, nja seeri am ka am nmati fite nyini suicin kekereke n bo Nyeme sufa ba am dɔ n nu a?” ⁸ Am yo sakpa bo i kere ka am akaaki am wo. ⁹ Na má am sunsun ka Abraham ti am na n dɛɛ ti, na am koro fite nyini suicin n nu. M suse am wɔ lɛɛ, ka, Nyeme koro ma ahin yabuem

ni kaaki nbaam ma Abraham. ¹⁰ Nyeme asi i samba n nana ase baka kere bu na i kpie i ji sin nu, yiri bo i suuwa ti má kpa ni. ¹¹ Mini sufa nzue bie am a, na am yo casi, bo i kere ka am akaaki am wo, ama, yiri bo i wo m sin suba n tara m fieo, m ti kaan ni bo m dodo i. Yiri fá Awiewie Casi n ni sin yo am casi a, kabo sɔno bie nzue na i yo casi ni. ¹² I bita i ngani kpaja fieeba bo i ba bobo ngani n gbangba n su, na i kpája yi ngani mbaa n fa go i bondu nu, na i nyá yara kunkun n sin n bo i je na i nɔ má n nu."

Kabo Yohane bieeri Yesu Nyeme nzue ni

¹³ Nyini sangá n na Yesu afite Galili awore n nu, aba Yohane do Yodan kunma n nu ka Yohane bie i Nyeme nzue. ¹⁴ Ama, na Yohane akete ka i bie má Yesu Nyeme nzue ni. I ɲa, "Má i ti ye ni ka woro bie m Nyeme nzue a, ye nzu ti ye a ɲa mini bie u a?" ¹⁵ Ama, na Yesu abo i nu ka, "Ma ya yo so adena ya yo deke kere bo Nyeme koro ni." I seeri so n na Yohane asoro su. ¹⁶ Sangá bo Yohane bieeri Yesu Nyeme nzue n wieeri n na i fiteeri nzue n nu ni, kpenja na angoro ateke, na wo ɲu ka Nyeme Awiewie n ajura ka tiiwa dee su aba atana i ɲu. ¹⁷ Do na wo ti akonvi be ɲga angoro, i ɲa, "Ahin ti m wa a, m koro i agaya, m ahore ajo i ɲu."

4

Kabo Sitana yoori Yesu na i nie ni

¹ Nyini sin na Nyeme Awiewie Casi n afa Yesu ako boro kpantain n nu ka Sitana ko yo i na i nie, ka i yó yiri Sitana n dee koroowa nzen i yó má. ² Do na Yesu acici i nɔo haari ceen aburana, kɔngue ni wiesu bo i di má pui, na ahoe aba ati i. ³ Na Sitana bo bu kaaki fere i ka Ngeesofɔ n aba ase i ka, "Nzen a ti Nyeme Wa, se ahin yabuem n na bu kaaki diire." ⁴ Ama, na Yesu abo i nu ka, "Ba kere i Nyeme Jore Kadasi n nu ka, 'Má diire ngumi ma sɔno ɲgo a,

ama, i de noanie kere bo i fite Nyeme do n gusu.' "

⁵ Na Sitana n akaaki afa Yesu ako Yerusalem mie kpiri n nu, na wo ko afa i ajina Nyeme Sereebiri Awuru n tii su lenlenge, na wo se i ka, ⁶ "Nzen a ti Nyeme Wa, ti to asienngu na m nie. Dama ba kere i Nyeme Jore Kadasi n nu ka, 'Nyeme má i merkem nɔo na bu nie u dika.'

Ba kaaki akere i ka,

'Bu fá bu saa so u nu,

na má u jaa bo yabue be.' "

⁷ Na Yesu ase i ka, "Ba kaaki akere i Nyeme Jore Kadasi n nu bekun ka, 'Má a yo Micera Nyeme n na a nie kabo i yiko ti barasu.' "

⁸ Nyini sin na Sitana n afa i ako buka be tii su lenlenge, na wo kere i durunya n nu asien kere, ni kabo bu ti na bu yo nyumi barasu. ⁹ Na wo se i ka, "Nzen a kutu suuri m, m fá nyinim n kere ma u." ¹⁰ Na Yesu ase i ka, "Woro Sitana, fa cinsi m bi bere. Dama ba kere i Nyeme Jore Kadasi n nu ka,

'Kutu Micera u Nyeme ni,

na a su yiri ngumi.' "

¹¹ Na Sitana n ako ayaki i, na Nyeme merkem aba i do na ba ba asu i.

Kabo Yesu boori i juma bu Galili awore n nu ni

¹² Na sangá bo Yesu ba tiiri ka ba tara Yohane anyi i dansaraka ni, na wo fite bere ako Galili awore n nu. ¹³ I yasuuri Nazareti mie n nu ni, na wo ko awo Kapenam mie kpiri n bo i wo dodo Galili kunma kpiri ni, na i wo Zabulonfom ni Nafatalifom dee awore n nu ni. ¹⁴ I ko tanaari do ni, adena kabo Nyeme noanie kanfo Esaya yo jojooi n yo yiiwa. I ɲa,

¹⁵ "Zabulon ni Nafatalifom, am so am sui,

ambere bo am wo dodo kunma kpiri n bo i wo Yodan kunma n wie afiri dee bue ni,

ambere bo am wo Galili awore n ni, deke bo bu ti má Yudafom wo ni, am so am sui.

¹⁶ Minem bo bu wo awosin nu ni,

ba ɲu wein bambaka ni.

Na bo bu wo awosin ni yiwee nu ni,

bere ye sin ni je ta wein ma bu a."

¹⁷ Fite nyini sangá n na Yesu abo i bu sukan Nyeme jore, i ɲa, "Am kaaki am wo, dama sangá n aju bo Nyeme Feme bá nie i minem su."

Kabo Yesu fereeri jombaa tarafɔ nbem ka bu su i su ni

¹⁸ Na sangá bo Yesu sunati Galili kunma kpiri n nɔo su ni, na wo ɲu mine nnyo nbem, bu ti sɔno kun nbaam wo. Bere la Simon bo bu fere i ka Petoro ni, ni i niema Andere.

Bu wo bu diendie sandi su kunma kpiri n nu, dama bu ti jombaa tarafom wo. ¹⁹ Na Yesu ase bu ka, "Am bra na am ba su m su na m má am tien minem nɔɔ ma m, kabo am tara jombaam ni." ²⁰ I seeri so ni, na ba kaba ayaki bu diendiem ni, na ba su i su.

²¹ I nati kɔɔri i nyunu kaan, na wo ɲu mine nnyo nbem bekun, bu ni bu si, bu fere i ka Zebedi, bere la Yakobo ni i niema Yohane. Bu ni bu si n wo lee nu suyo bu diendiem dongu, na Yesu afere bu. ²² Do na ba kaba afite lee n nu ayaki bu si ni, na ba su i su.

Kabo Yesu kaanri Nyeme jore na i ma tukpakifom nyaari laifie ni

²³ Na Yesu abara aye Galili awore n kere nu, na i sukere minem bu tientienbunoo soom n nu, deke bo bu sere Nyeme na bu kere minem Nyeme jore nu ni, na i sukan labari kpa n fa ko Nyeme femeya n su, na wo ma minem bo bu la tukpaki barasu barasu n kere anya laifie. ²⁴ Na i duma ata abara aye Siriya awore n kere nu, na ba so minem bo bu la tukpaki barasu barasu kere, ni bo bu di yaari agaya bu ɲuniembaa nu, aba i do ka i ma bu nya laifie. Ajinim wo bu nbem ɲu, na nbem to ngbiti, na nbem gusu saam ni bu jaam awu, na wo ma bu kere anya laifie. ²⁵ Na jama beberebe afite Galili awore n nu, ni Mie Burum dee awore n nu, ni Yerusalem mie kpiri n nu, ni Yudiya dee awore n nu, ni Yodan kunma n sin do, na bu kere aba asu i su.

5

Kabo minem yo na bu nya terefie Nyeme do ni

¹ Yesu ɲuuri jama n ni, na wo fun ako atana buka be su. Na i susufom n aba i do. ² Na wo bo i bu ka i kere bu, i ɲa,

³ "Bere bo bu ti yaarifom bu ahore su ni,
terefie wo bu do,
dama Nyeme femeya n ti bu dee wo.

⁴ Bere bo bu ahore asaaki ni,
terefie wo bu do,
dama Nyeme da bu ahore a.

⁵ Bere bo bu yo bu ɲu kaan ma Nyeme ni,
terefie wo bu do,
dama Nyeme ba fa durunya n ma bere wo.

⁶ Bere bo bu nyunu aboro ka bu yo sa bo i ko atin su
kabo sono la konviki fa ko diire ni nzue busu ni,
terefie wo bu do,
dama Nyeme ba ma bu akunnuyi a.

⁷ Bere bo bu si anjuno ni,
terefie wo bu do,
dama Nyeme ba si bu anjuno a.

⁸ Bere bo bu ahorembaa ti casi ni,
terefie wo bu do,
dama bere ba ɲu Nyeme a.

⁹ Bere bo bu kpata aluwa ni,
terefie wo bu do,
dama Nyeme ba fere bu ka i nbaam a.

¹⁰ Bere bo bu yo sa bo i ko atin su n dee ti
na minem kere bu wuwuruwa ni,
terefie wo bu do,
dama Nyeme femeya n ti bere dee a."

¹¹ Na Yesu akaaki ase ka, "Amberɛ bo minem ba kpie am nzuko, na bu kere am wuwuruwa, na bu bu kore barasu kere so am, na i kere fite ka am ti m deem dee ti, terefie wo am do. ¹² Bu ba yo am so, am ma am ahore jo agaya, dama am nya nkato bambaka Nyeme do. I fite ka, kabo bu yo kereeri dawa dee Nyeme noanie kanfom n wuwuruwa n lee."

Kabo Yesu ɲa i susufom ti ka njin ni wein ni

¹³ Na Yesu ase ka, "Amberɛ, m susufom ni, am ti ka njin wo durunya n nu a. Ama, nzen njin fiefie nya ba saari wieeri, i koro yo ma i fiefie kun. Nyini sangga ni, wo ka ngbeen lee, ɲka bu fa butu wo, na minem tientien sangga i ni fa. ¹⁴ Amberɛ ti wein bo i ta ma durunya n nufom a. Mie kere bo i wo kperɛ su, sono kere ɲu i wo. ¹⁵ Sono be nya so ma fitana su na i fa ganga butu su, ama, i fa taka deke su angoro wo na i ta wein ma awuru n nufom kere. ¹⁶ Nyini ti, am ma am wein ta durunya n nu, na sono kere ɲu am sakpa yoowa, adena bu kansa am Si Nyeme bo i wo angoro ni."

Kabo Yesu ŋa ya su Nyeme noanie kpamaawa n su barasu ni

¹⁷ Na Yesu ase ka, “Fa kɔ Moyisi noanie kpamaawa n ni Nyeme noanie kanfɔm dɛɛ kereewa n su, má am sunsun ka ma ba ka m ba cɛ bu se wɔ. Ai, ma ba má ka m ba cɛ bu se wɔ, ama, ma ba ka m ma i kere bá yo yíiwa a. ¹⁸ Nahɔre ye m suse am n a, kabo aŋgoro ni asiengu toko wo bere ni, bu yí má noanie n be haari kampiti sɔ n mmɔɔ fite má noanie kpamaawa n nu, haari na i deke n kere ba awieeri. ¹⁹ Nyini ti, sɔno kere bo i buuri Nyeme noanie maawa n kampiti sɔ mmɔɔ ŋgbɛɛn, na i kereeri minem ka bere gusu yo sɔ, bu fére i mi ka sɔno kaan Nyeme femeya n nu. Ama, sɔno kere bo i suuri Nyeme noanie kpamaawa n su na i kereeri minem ka bu gusu yo sɔ, bu fére i mi ka sɔno bambaka Nyeme femeya n nu. ²⁰ Nyini ti, m suse am wɔ lɛɛ, ka, kana am bá wura Nyeme femeya n nu, má ka am yo sa bo i kɔ atin su Nyeme dɔ n tara Farasifɔm, ni Nyeme noanie kerefɔm dɛɛ ni.”

Kabo Yesu kere fa kɔɔri yaafa su ni

²¹ Na Yesu akaaki ase ka, “Am ati ka bu seeri ya nam ka, ‘Má a kun sɔno,’ na ‘Nzen wɔro kere bo a kuunri sɔno, bu dí u jɔre.’ ²² Ama, m suse am wɔ lɛɛ, ka, wɔro kere bo a faari yaa u benggu ŋu, wɔ yo daka ka bu di u jɔre. Sasu bekun, wɔro kere bo a seeri u benggu ka i ti sɔno ŋgbɛɛn, wɔ yo daka ka bu fa u jina Yudaɔm jɔredifo nkpienkpienm n nyunu na bu di u jɔre. Na nzen wɔro kere bo a seeri u benggu ka i ti sinnzin, Nyeme fá u wura cɛema sin n nu. ²³ Nyini ti, nzen a fa u aceeri aba ka a ba sere Nyeme, na a tenge su ka u ni u benggu be la ŋgasi, ²⁴ yaki u aceeri n yoowa yoobiri n ka, na a kɔ na am kɔ yo am afien dɔnggu, na a nya ba fa u aceeri n ma Nyeme. ²⁵ Nzen u ni be la jɔre, na nzen i koro ka i fa u kɔ jɔre diibiri, jɔkoti tara i mi n jaa, na má jɔre n ju jɔre diibiri n ni, má nyini, i mi ni fá u kɔ wura jɔredifo n saa nu, na yiri gusu fá u ma dansaraka niefo ni, na yiri gusu nyá nyi u. ²⁶ Nahɔre ye m suse u n a, nzen a woori dɔ na a tɔ má kaari n kere awie má, a nyá má atin fite má dansaraka n nu.”

Kabo Yesu kere fa kɔɔri ajaa ciire saaki su ni

²⁷ Na Yesu akaaki ase ka, “Am ati ka ba se ka, ‘Má a saaki ajaa ciire.’ ²⁸ Ama, mini, m suse am wɔ lɛɛ, ka, wɔro kere bo a nie bara, na u konvi wuraari i, i ti ka a saaki ajaa ciire u ahore su wɔ lɛɛ. ²⁹ Nzen u nyumbaa n kun cin u wuraari satie nu, lokoti yi i tu. I ti ye ni ka a fun u ŋuniembaa n bue kun, ni bo a fa u ŋuniembaa n kere wura cɛema sin nu. ³⁰ Nzen u saa fɔmbɔro cin u wuraari satie nu, kaba kpie i tu. I ti ye ni ka a fun u ŋuniembaa n bue kun, ni bo a fa u ŋuniembaa n kere wura cɛema sin nu.”

Kabo Yesu kere fa kɔɔri bara ajaa yaki su ni

³¹ Na Yesu akaaki ase ka, “Sasu bekun, ba kaaki ase am ka, ‘Sɔno kere bo i yaki i yi ajaa, i ti ye ni ka i mi ma bara n ajaa yaki kadasi bo i kere ka i hun ayaki i ajaa.’ ³² Ama, mini, m suse am wɔ lɛɛ, ka, sɔno kere bo i faari i yi jiiri, na wɔ yo má ka bara n ako somaya ye i fa i jiiri a, na nzen bara n kɔ jaari biesɔ fɔfɔre, i mi n ma bara n asaaki ajaa ciire lɛɛ. Na sɔno bo i faari bara n jaari, yiri gusu asaaki ajaa ciire lɛɛ.”

Kabo Yesu kere fa kɔɔri ndie taanwa su ni

³³ Na Yesu akaaki ase ka, “Am akaaki ati ka ba se ya nam ka, ‘Má a tan ndie na a kaaki wɔro u nɔɔ, ama, ma u sui wo ndie bo a tan i ama Micera n su, na a yo i.’ ³⁴ Ama, mini, m suse am wɔ lɛɛ, ka, má am tan ndie mmɔɔ fieo. Má am tan aŋgoro, dama Nyeme femeya n woobiri lɛɛ. ³⁵ Má a tan asiengu gusu, dama i ti Nyeme jaa gbagbaa jinaabiri wɔ. Má a tan Yerusalem, dama i ti ya Micera Feme n dɛɛ mie kpiri wɔ. ³⁶ Má a kaaki se ka a tan u tiiawa, dama a koro yo má u tiinmie kun mmɔɔ fofoe, wara biri. ³⁷ Am ma am noanie kere yo tika. Nzen i ti ‘Een,’ am se ka, ‘Een.’ Nzen i ti ‘Ai’ gusu a, am se ka, ‘Ai.’ Sin nyini sin, noanie kere bo i buka su n fite Sitana dɔ ɔ.”

Kabo Yesu kereeri ka má ya fa minem satie tɔ bu kaari ni

³⁸ Na Yesu akaaki ase ka, “Am ati ka ba se ka, ‘Nzen sɔno yi u nyumbaa, wɔro gusu yi i mi dɛɛ, na nzen i bo tuuri u jee, wɔro gusu tu i mi dɛɛ.’ ³⁹ Ama, mini, m suse am wɔ lɛɛ, ka, nzen sɔno yoori u satie, má a wɔro satie ma i mi. Haari nzen be fiinri u nyɔɔnu, kaaki bue nyiŋga n gusu ma i na i fin buka su. ⁴⁰ Nzen be cii u lekisi ka i fa u kɔ jɔre diibiri, na i de u tanlɛɛ kaan n be i wo i bu ni, kaba yi i tii su dɛɛ bambaka n mmɔɔ buka i su. ⁴¹ Nzen faŋgafo be mieeri u ka a sɔ i sɔori kɔ ju ajaari natiwa akpii kun ma i, kaba fa i kɔ ju akpii nnyɔ. ⁴² Sɔno bo i sereeri u deke be, má a kpie i, na sɔno bo i ŋa a fie i deke be, má a kete.”

Kabo Yesu kereeri ka ya koro minem bo bu kpo ya ni

⁴³ Na Yesu akaaki ase ka, “Am ati ka ba se ka, ‘A koro sɔno bo i koro u ni, na a kpo sɔno bo i kpo u ni.’ ⁴⁴ Ama, mini, m suse am wɔ lɛɛ, ka, am koro am kpɔfɔm, na am

sere Nyeme ma bo bu kere am wuwuruwa ni, ⁴⁵ adena am yó am Si Nyeme bo i wo angoro ni nbaam. Dama yiri ma wie fite ma satiefom, ni sakpayofom kere a, na i kaaki ma nzue to ma bo bu yo sa bo i ko atin su i do ni, ni bo bu yo ma sa bo i ko atin su i do n kere. ⁴⁶ Nzen am nya koroori minem bo bu koro am ngumi ni, nzu nkato, ye am nya i a? Dama haari lampodefom bo bu sisi minem ni mmoo yo so o. ⁴⁷ Na nzen am bisa am danfom ngumi ahin, am sunsun ka am ayo nzu sakpa ye be koro yo má i a? Bo bu su má Nyeme ni mmoo koro yo so, má so? ⁴⁸ To, am ma am woowa n ti kpa bo i la má anjusu, kabo am Si Nyeme bo i wo angoro n dee woowa n ti kpa bo i la má anjusu ni."

6

Kabo Yesu kereeri ya ka ya ce yaarifom aceeri barasu ni

¹ Na Yesu ase bu ka, "Am si am nu sa, na má am yi am nyemesu sayoowa fite fofoe nu, adena minem nu i na bu kansu am. Nzen am yoori so, am nya má nkato be, am Si Nyeme bo i wo angoro n do.

² Nyini ti, nzen a nga a ce yaarifom aceeri, má a bo ndoori na sono kere ti, kabo burukoonufom yo i bu tientienbunoo soo n nu, ni mie kunnu atingberem n su ni, dama bu yo so o, adena minem kansu bu. Nahore ye m suse am n a, bere nkato awieeri lee, ye ba du mo anya i n a. ³ Ama, nzen a nga a ce yaarifom aceeri, má a ma be nu i fieo, na bu si sa bo a suyo i ni, ⁴ adena u aceeri n yo asiri nu. Do na u Si Nyeme bo i nu sa kere bo a yo i asiri nu ni, n to u kaari."

Kabo Yesu kereeri ya nyemesere atin barasu ni

⁵ Na Yesu akaaki ase ka, "Nzen sangha bo am ba susere Nyeme, má am yo kabo burukoonufom yo ni, dama bere koro ka bu sujina bu tientienbunoo soom n nu, ni deke bo atingberem jaja nu ni, na bu sere Nyeme adena minem nu bu. Nahore ye m suse am n a, bu nkato awieeri lee, ye ba du mo anya i n a. ⁶ Ama, sangha bo a ba susere Nyeme, wura u soro na a nyi u ano, na a sere u Si Nyeme bo be nu má i ni, na u Si Nyeme bo i nu sa kere bo a yo i asiri nu ni, nya to u kaari.

⁷ Na sangha bo am ba susere Nyeme, má am yo nanmie kabo bo bu su má Nyeme n yo ni, dama bu sunsun ka bu jooori beberebe n ye Nyeme de bu sere a. ⁸ Má amberé yo ka bere, dama am Si Nyeme si am sa koroowa kere n mmoo ka, ye am nya sere i a.

⁹ Nyini ti, kabo i ti ye ni ka am sere Nyeme yaa.

'Ya Si, bo a wo angoro ni,
ma minem bu u дума casi ni.

¹⁰ Ma u femeya n bra.

Ma u koroowa yo asienngu fen, ka alecema nu.

¹¹ Ma ya nyuma dee ceen nu, ya noo nu diire.

¹² Fa ya ngasi fa ce ya,

kabo ya gusu afa ace bo bu do ya ngasi ni.

¹³ Má a ma deke be yo ya na ya wura satie nu,
ama, yi ya fite anyumbiri nu.

[Dama, u dee la femeya, ni fanga, ni jirima sangha kere. Ami.]'

¹⁴ Dama nzen am fa minem ngasi ce bu, am Si Nyeme bo i wo angoro n gusu fá am dee ce am. ¹⁵ Ama, nzen am afa má minem ngasi ace má bu, am Si Nyeme bo i wo angoro n gusu fá má am dee ce má am."

Kabo Yesu kereeri ya ka ya cici ya noo ni

¹⁶ Na Yesu akaaki ase ka, "Sangha bo am sucici am noo, má am nie anjuno nie kabo burukoonufom yo ni, bu yo má bu nu nyankandi, adena minem nu ka ba cici bu noo. Nahore ye m suse am n a, bu nkato awieeri lee, ye ba du mo anya i n a. ¹⁷ Ama, nzen a ba sucici u noo, yo u nu nyankandi, ¹⁸ adena má minem si nu ka a sucici u noo, má ka u Si Nyeme bo be nu má i ni, na yiri u Si Nyeme bo i nu sa kere bo a yo i asiri nu ni n to u kaari."

Kabo Yesu nga ya tien ajeki noo se Nyeme dika n nu ni

¹⁹ Na Yesu akaaki ase ka, "Má am tien ajeki noo se durunya n nu fen, bo watarawam muka i na i kporo, na i to ngambulaari, na awiefom gusu bá wura wo i. ²⁰ Ama, am tien ajeki noo se Nyeme dika n nu, bo watarawam koro muka má i, na i koro to má ngambulaari, na awiefom gusu koro wura wo má i. ²¹ Dama deke bo u ajeki wo ni, u ahorembaa kere gusu wó do o."

Kabo Yesu kereeri anyumbaa kpa jore ni

²² Na Yesu akaaki ase ka, “Ya nyumbaa ni ti ka fitana ma yo nuniembaa n a. Nzen u nyumbaa nya ti kpa, u nuniembaa n kere tá wein n wo lee. ²³ Ama, nzen u nyumbaa nya ti má kpa, u nuniere kere wo awosin nu wo lee. Nyini ti, nzen wein wo má u do, nyini n la ka, a wo awosin bambaka bo i la má anjusu nu lee.”

Kabo Yesu na ya daafi Nyeme nu barasu ni

²⁴ Na Yesu akaaki ase ka, “Sono kun koro sanja su má mibiem nnyo. Nzen i na i yó so, i kpó kun wo, na i kóro nyingga ni, wara i bóro i nyi su kun n wo, na i bú nyingga ni ngbeen. Am koro sanja su má Nyeme ni ajeki.”

²⁵ Na Yesu akaaki ase ka, “Nyini ti, m suse am wo lee, ka, má am tana sukoko fa ko am ngoo su, kabo am dí, ni kabo am nú, na má am kaaki sukoko fa ko am nuniere su, kabo am nyá suturam bo am fá wura na am kára. Dama ngoo n tara diire, na anuniembaa n gusu tara suturam, má so? ²⁶ Am nie anumam, haari ni bo bu do má ni, na bu kaaki kpie má ni, bu tambu go má bondo nu gusu, se am Si Nyeme ma bu diire ye bu di a. Amberere la anyunuyi tara anumam, má so? ²⁷ Am nu, nma tana koko fa ko i koroowam su ye i mi koro buka i ngoo tintiin su haari kaan so a? ²⁸ Ye nzu ti ye am ma suturam sa mie am a? Am nie kabo wuram bo pum barasu barasu a. Bu yo má juma be, bu tu má gise. ²⁹ Ama, m suse am wo lee, ka, haari Feme Solomon, ni i nenje n kere bo i yo la i ni, wo la má sutura bo i yo nyumi juuri nyini wura pum ni be. ³⁰ Nzen wuram bo bu wo bere nyuma, na ahunma a nju ka ba kpie bu na bu yara bu, ye Nyeme nie bu dika, nzu ti ye i nie má amberere bo am tara wuram co n a? Amberere, am yarada n ti kaan so. ³¹ Nyini ti, má am tana koko se ka, ‘Ye ya dí nzu wo?’ wara ‘Ya nú nzu wo?’ wara ‘Ya wúra nzu wo?’ ³² Dama bo bu su má Nyeme ni, bere sunsun so sanja kere a. Am Si Nyeme si ka am koro nyinin n kere. ³³ Nyini ti, am du mo kpini Nyeme femeya n ni sa bo i ko atin su i do n busu ka, na i nyá ba fa nyini dekem n kere buka am su. ³⁴ Nyini ti, má am koko fa ko ahunma su, ahunma mmoo kpini i dee. Dama nyuma dee sunsunni mmoo ase su.”

7

Kabo Yesu na má ya jajo be jore jaraki i ni

¹ Na Yesu ase bu ka, “Má am jajo be jore na am jaraki i, adena má Nyeme gusu jajo amberere jore jaraki am. ² Dama kabo am jajo am bengum jore jaraki bu ni, so ye Nyeme gusu jajo am gusu jore jaraki am a. Gongoo bo am fa susu ma minem ni, so ye Nyeme gusu fá susu ma am a. ³ Nzu ti ye a nie nu wura mbaa n bo i wo u niwa nyumbaa nu, ye a nie nu má yeenzin n bo i wo u dee nyumbaa n nu a? ⁴ A yo se koro se u niwa ka, ‘Ma m yi wura mbaa n bo i wo u nyumbaa nu ni,’ ye sanja kere yeenzin n wo u dee nyumbaa n nu a? ⁵ Woro burukoonufo ni, du mo yi yeenzin n bo i wo u nyumbaa nu n ka, na a nyá nu asi nyunyumi na a yi wura mbaa n bo i wo u niwa n dee nyumbaa nu ni.

⁶ Má am se ka am fa deke bo i ti casi fa ma caam, nzen am yoori so, bu kpie bu nyi fon tara am wo, na bu kán titi am nu. Sasu bekun, má am se ka am fa afere fofeom bo bu la go agaya, fa tu afam. Má nyini, bu tientien i su wura fa nu wo.”

Kabo Yesu na Nyeme de ya nyemesere barasu ni

⁷ Na Yesu akaaki ase bu ka, “Am sere deke bo am koro i Nyeme do, na i má am. Am nienie deke bo am koro i do, na am nju i. Am bobo ano ni, na i teke i ma am. ⁸ Dama sono kere bo i sere Nyeme deke be, i má i, na sono kere bo i nienie deke be, i nju i, na sono kere bo i bobo ano ni, i teke i ma i. ⁹ Amberere nu, nma ye i wa sere i diire, ye i mi kéte na i fá yabue ma i wa n a? Ai, be yo má so. ¹⁰ Wara, amberere nu, nma ye i wa sere i jombaa ye i kéte na i fá woo ma i wa n a? Ai, be yo má so. ¹¹ To, amberere, haari ni bo am ti satiefom ni, am si aceeri kpaam bo am fá ce am nbaam, nzu ti ye nzen am sereeri am Si Nyeme bo i wo angoro ni, i koro ma má am aceeri kpaam a?

¹² Nyini ti, kabo am koro ka minem yó ma am ni, am yo i so ma bu, dama Nyeme noanie kpamaawa n jore n kere lee, na i noanie kanfom dee buka su.”

Kabo Yesu jajo fa koori ano n bo i ti fii n jore ni

¹³ Na Yesu akaaki ase ka, “Am fa ano n bo i ti fii n na am wura. Dama atin n bo i fa minem ko saakiibiri ni, i ano n ti tetere wo, na i natiiri ti má kekere, nyini dee ti, minem dongu fa yiri wo. ¹⁴ Ama, atin n bo i fa minem ko ngoo woobiri ni, i ano n ti fii wo, na i atin gusu nati ti kekereke, nyini dee ti, minem bo bu nu nyini atin n na bu su i su ni, bu sunnu má.”

Kabo Yesu na ya fa minem sayoowa fa si bu ni

¹⁵ Na Yesu akaaki ase ka, “Am si am ŋu sa ni kɔrɛfɔm bo bu yo bu ŋu ka bu ti Nyeme noaniɛ kanfɔm ni. Bu yo bu ŋu benle ka nbɔɛm wɔ, ama, bu ti ka bedim wɔ, na bu ti tie. ¹⁶ Bu sayoowa n nu, ye am koro fa si kabo bu ti barasu a. Am anju ka buwe asu koto? Wara, am anju ka bedikantɔŋga asu ndɔrɔwa? Ai. ¹⁷ Ama, i ti sɔɔ lɛɛ, ka baka kpa kɛrɛ su suuwa kpa a, na baka ŋgbɛɛn kɛrɛ su suuwa ŋgbɛɛnŋgbɛɛn. ¹⁸ Baka kpa koro su má suuwa ŋgbɛɛn, na baka ŋgbɛɛn gusu koro su má suuwa kpa. ¹⁹ Baka kɛrɛ bo i su má suuwa kpa, bu kpɛ i wɔ, na bu fa ji sin nu. ²⁰ Nyini ti, bo bu yo bu ŋu ka bu ti Nyeme noaniɛ kanfɔm ni, bu sayoowa n nu, ye am koro fa si kabo bu ti barasu a.”

Kabo Yesu jɔɔ fa kɔɔri jina cɛɛn n jɔrɛ ni

²¹ Na Yesu akaaki ase ka, “Má sɔno kɛrɛ bo i bo fere m ka, ‘M Mibiɛ, m Mibiɛ,’ ni wura Nyeme femeya n nu a, se má ka bo bu yo m Si Nyeme bo i wo angoro n dɛɛ koroowa ni. ²² Jina cɛɛn n ba juuri, minɛ dɔŋgu bá se m ka, ‘Ya Mibiɛ, niɛ e. Ya yo faari u dɛɛ duma, na ya fa akan Nyeme jɔrɛ, na ya fa u duma n afɔn ayi ajinim afite minem ŋu, na ya kaaki afa u duma n ayo alekutura sam dɔŋgu.’ ²³ Na m nya se bu ka, ‘Ambɛrɛ satieyɔfɔm ni, am fa cinsi m bi bɛrɛ. M si má am cɛɛn n be cɛɛn n be da.’”

Miɛnu fa kɔ ataari tafɔ nnyɔ nbem jɔrɛ

²⁴ Na Yesu akaaki ase ka, “Nyini ti, sɔno kɛrɛ bo i tiiri m dɛɛ noaniɛm n na i deeri i na i fa yoori juma, i mi ti ka alecirafo be bo i taari i awuru na i seeri i jaa n yabue su n wɔ. ²⁵ Na nzue aba atɔ, na wawa n kɛrɛ ayi asandi, na anjuma akpisi awuru ni, ama, wɔ tɔ má, dama i jaa jina yabue su n dɛɛ ti. ²⁶ Ama, sɔno kɛrɛ bo i tiiri m dɛɛ noaniɛm n na wɔ de má i, afa ayo má juma, i mi ti ka sinnzin be bo i taari i awuru ŋmie nu n wɔ. ²⁷ Na nzue aba atɔ, na wawa n kɛrɛ ayi asandi, na anjuma akpisi awuru n na i kɛrɛ abereki atɔ liim. Nyini awuru n tɔowa n tiiri tie haari.”

²⁸ Saŋga bo Yesu ba jɔɔɔri sɔ wieweri n na jama n ayo alekutura fa kɔ i kereewa n su, ²⁹ dama i kereewa n awo i ŋgumi ni Yudafoɔm dɛɛ Nyeme noaniɛ kerefoɔm ni. I kereewa n nu la yiko.

8

Kabo Yesu tuntuunri kokɔfo be ni

¹ Saŋga bo Yesu juraari buka n su ba juuri n na jama beberebe asu i su. ² Na kokɔfo be aba i dɔ, na wɔ ba akutu i nyunu asere i ka i buka i, i ŋa, “M Mibiɛ, nzen a koro ka a ma m nya laifɛ, a koro ma m nya i.” ³ Na Yesu atenge i saa anana i ŋu, na wɔ se i ka, “M koro. Nya laifɛ.” Na kokɔbi n akaba ayaki sɔno n na wɔ nya laifɛ. ⁴ Dɔ na Yesu ase i ka, “Má a se ka a se be ahin jɔrɛ ni, ama, kɔ na a kɔ fa u ŋu kere Nyeme sayoowa dɔŋguyɔfo ni, na a kɔ yo yoowa n bo Moyisi yo kereeri dawafɔm ni, dama nyini kere minem ka a nya u ŋu a.”

Kabo soja kpɛn be yoori Yesu yarada agaya ni

⁵ Saŋga bo Yesu kɔ wuraari Kapenam miɛ kpɛri n nu ni, na Romafɔm soja kpɛn be aba asere Yesu jande ka i buka i, ⁶ i ŋa, “M Mibiɛ, m gbɛfɛne da awuru, i saa ni i jaa kɛrɛ awu, i sudi wahara agaya.” ⁷ Na Yesu ase i ka, “M bá na m na i nya laifɛ.” ⁸ Na soja kpɛn n ase i ka, “M Mibiɛ, m ti kaan ni be a ba m dika. Ama, haari a ma noaniɛ n mmɔɔ, m gbɛfɛne ni nyá laifɛ. ⁹ Dama mini mmɔɔ ni m ti n wo sɔno saa nu wɔ, na mini gusu nya la m dɛɛ sojam bo m niɛ bu su. Na bo m nya se i ka, ‘Kɔ fɛn,’ na i kɔ, na m se nyinga gusu ka, ‘Bra fɛn,’ na i ba. Na m se m akɔɔ n gusu ka, ‘Yo ahin,’ na i yo i.” ¹⁰ Saŋga bo Yesu tiiri sɔ ni, na wɔ yo alekutura, na wɔ se minem bo bu su i su n ka, “Nahore ye m suse am n a, ma nya anju má sɔno bo i la yarada agaya ka ahin sɔno n ŋusu, haari fa saŋga ni Yisarelifɔm mmɔɔ. ¹¹ M suse am wɔ lɛɛ, ka, minem beberebe fite durunya n wie afiiri, ni wie atɔɔri kere, na bɛrɛ, ni Abraham, ni Izaki, ni Jakɔbu bá saŋga tana Nyeme femeya n nu, na bu dí na bu nú. ¹² Ama, na minem n bo má i ti ye ni ka bɛrɛ wo Nyeme femeya n nu ni, na Nyeme fa bu tu awosin nu. Dɔ na bu sɔn, na bu kán bu saa.” ¹³ Na Yesu anya ase soja kpɛn n ka, “Kɔ awuru. Kabo a yo yarada ni, i yó sɔ ma u a.” Na soja kpɛn n gbɛfɛne n anya laifɛ, nyini saŋga n bo Yesu fa jɔɔɔri ni.

Kabo Yesu tuntuunri tukpakifɔm beberebe Petoro dika ni

¹⁴ Saŋga bo Yesu wuraari Petoro dika n na wɔ ŋu ka Petoro sibara da sɔrɔ, i la má i ŋu, yakɔko abo i. ¹⁵ Na Yesu aso i saa nu, na yakɔko n ayaki i, na bara n ayasu, na wɔ kɔ ayo diire ama i.

¹⁶ Nyini cɛɛn n naaso, na ba fa minem beberebe n bo ajinim wo bu ŋu ni, aba Yesu dɔ. Na wɔ ma ajinim nɔɔ na ba fite, na wɔ tuntun tukpakifɔm na bu kɛrɛ anya laifɛ.

17 I yoori so, na noanie n bo Nyeme noanie kanfo Esaya yo jooori i n yo yiiwa wo, i na, "Na wo de ya afite ya torem, ni ya tukpaki kere nu."

Minem bo bu koro ka bu su Yesu su n jore

18 Sanga bo Yesu njuuri jama n so ni, na wo se i susufom n ka bu kpie ko kunma kpiri n buekun do. 19 Na Nyeme noanie kerefo kun aba Yesu do, aba ase i ka, "Ya Kerefo, deke kere bo a ko, m su u su wo." 20 Na Yesu ase i ka, "Njaakum la kunmam, na anumam gusu la tieerim, ama, mini Adamande Wa n yiri, m la ma m tii daabiri." 21 Na i susufom n kun be gusu ase i ka, "M Mibie, ma m du mo ko yo m si sutura ka, na m nya ba su u su." 22 Ama, na Yesu ase i ka, "Woro su m su, na a yaki bo ba wu ni, na bu se bu bengu."

Kabo Yesu kereeri ka i la yiko tara anjuma ni nzue ni

23 Nyini sin na Yesu awura lee nu, na i susufom n asu i su. 24 Bu wo ko su so ni, na anjuma bambaka be ayasu nzue n nu, na i subo nzue go lee n nu. Ma lee ni suyi ni nzue wo. Ama, nyini sanga na Yesu wo daafiri su. 25 Na i susufom n ako atenge i, na ba se i ka, "Ya Mibie, de ya tii ji, ma nyini, ya wu awie." 26 Na wo se bu ka, "Nzu ti ye am soro sere so a? Amere, am yarada n ti kaan so." Na wo yasu atien anjuma n ni nzue n nu, na dika n kere atara jum. 27 Na ba yo alekutura, na ba se ka, "Nzu scombiri barasu la ahin, bo anjuma ni nzue n mmoo de i noanie a?"

Kabo Yesu fon yiiri ajinim fiteeri mine nnyo nbem nu ni

28 Sanga bo Yesu kpieri kunma kpiri n ko juuri awore n bo bu fere i ka Gadara n ni, na i ni mine nnyo nbem aye, bu fite fanjunmam nu wo, ajinim wo bu nu. Bu ti tie haari bo be koro nati sin ma nyini awore n nu. 29 Bu njuuri Yesu so ni, na ba tien afere i, bu na, "Nyeme Wa, a koro nzu ya nu fen a? A ba ka a ba ma ya nu anyumboro wo ka, na sanga n nya ju, nzen se?" 30 Nyini sanga afam beberehe wo di su, bu waari ma ni bere, 31 na ajinim n asere Yesu ka, "Nzen a na a fon ya fite minem n nu, ma ya ko fun afam n nu." 32 Na Yesu ase bu ka, "Am ko." Na ba fite ayaki minem ni, na ba ko afun afam n nu. Dika n nu bere, na bu kere ajmati accondi ako ato kunma kpiri nzue n nu, na nzue n adi bu. 33 Afa sasafom ni njuuri nyini n so ni, na ba ajmati ako mie n kunnu ako abo ndoori, fa ko sa n bo wo yo n su. Na ba kan sa kere bo i tuuri minem n bo ajinim woori bu nu ni. 34 Na mie n nufom kere pepere afite ako Yesu do. Sanga bo bu ko juuri i so ni, na ba sere i jande ka i fite bu awore n nu.

9

Kabo Yesu tuntuunri sono bo i saam ni i jaam awu ni

1 Na Yesu akaaki awura lee n nu, akpie ako i boso. 2 Do na mine nbem afa sono be aba i do, i saam ni i jaam awu. Bu soori i ni i dasu kere baari a. Yesu njuuri kabo bu yoori i yarada n so ni, na wo se sono n bo i saam ni i jaam awu n ka, "M wa, ma u ahore si, dama ma fa u satie ace u." 3 Do na Yudafofom Nyeme noanie kerefofom nbem asunsun bu ahore su ka, "Ahin sono n sujoko wura Nyeme ngasi nu." 4 Yesu siiri bu sunsuni nu so ni, na wo bisa bu ka, "Nzu ti ye am bita sunsuni tie am ahore su a? 5 Bono ti kekereke a, bo m se ka, 'Ma fa u satie ace u,' nzen, 'Yasu fa u dasu n na a nati' n a? 6 Ama, m kere am ka mini Adamande Wa n la yiko durunya n nu bo m fa minem satie ni bu ngasi ce bu." Na wo se sono n ka, "Yasu fa u dasu n na a ko awuru." 7 Na sono n ayasu, na wo ko awuru. 8 Sanga bo jama n njuuri nyini n so ni, na ba yo alekutura, na ba kansi Nyeme, kabo wo ma minem nyini yiko n ni.

Kabo Yesu fereeri Matio ka i ba su i su ni

9 Na Yesu ayasu do ako. I wo ko su so ni, na wo nu lampodefom be, bo bu fere i ka Matio, ka i tana i juma yobiri. Na Yesu ase i ka, "Yasu bra na a ba su m su." Na wo yasu asu i su.

10 Sanga bo Yesu wo Matio dika, sudi diire ni, na satieyofom, ni lampodefom beberebe aba Yesu ni i susufom n do, na ba sanga adi diire. 11 Farasifom njuuri nyini so ni, na ba bisa Yesu susufom n ka, "Nzu ti ye am kerefo n ni lampodefom, ni satieyofom sanga di diire a?" 12 Na Yesu ati bu jooowa n na wo bo bu nu ka, "Minem bo bu la laifie n koro ma ayirifo, ma ka bo bu la ma laifie ni koro a. 13 Am ko na am ko fiiti Nyeme noanie n nu na am ti i bu, kabo ba kere i ka, 'M koro anjuno si tara bo am yo yooowa ma m.' Ma ba ma ka m ba fere minem bo bu na bu yo sa bo i ko atin su Nyeme do n wo, ama, m baari ka m ba fere satieyofom wo."

Kabo Yesu kereeri nwo cici jore ni

14 Na Yohane susufom n aba Yesu do, aba abisa i ka, "Nzu ti ye yere ni Farasifom cici ya nwo, ye u dee susufom bere cici ma?" 15 Na Yesu abo bu nu ka, "Am sunsun ka

konyayafom koro wo ni ahoresaaki, sanja bo konyafan n toko wo bu do ni? Ama, sanja suba bo bu ba yi konyafan n fite bu nu, nyini sanja n ye bu nya cici bu noo a.”

¹⁶ Na Yesu akaaki ase ka, “Be koro fa ma sanvuin fofore kpa to ma tani dawa kunma, nzen i yoori so, sanvuin fofore ni son tani dawa n wo, na i teke i kunma buka su. ¹⁷ I kaaki ti so o bekun ka be koro fa ma nzan nyiwa fangafu go ma dundu dawa bebete nu, nzen i yoori so, dundu ni tie wo, na i ka ngbæen, na nzan n kere songi butu. Ama, i ti ye ni ka, bu fa nzan nyiwa fangafu go dundu fofore biiwa nu wo, na bu fa taka bo pui yo ma i.”

Bara tukpakifo be, ni baabara be yiwee jore

¹⁸ Sanja bo Yesu wo jojo su so ni, na Yudafo m kpian be bo i nie bu tientienbunoo so n su n aba akutu i nyunu, ase i ka, “M wa baabara awu, jina n nu bere. Bra na a ba fa u saa nana i nu, na i nya ngoo.” ¹⁹ Na Yesu ayasu, na i ni yiri ako, na i susufom n asu su.

²⁰ Do na bara be woori jama n nu, i bita abieeri i afo buru ni nnyo lee bo i kpu na i kpie ma. Na wo sakati awura jama n nu Yesu sin, afa i saa akan Yesu tanlee n jaa bu.

²¹ Dama i seeri i kunnu ka, “Haari m fa m saa kaanri i tanlee ni mmoo, m nya laifie.” ²² Na Yesu akaaki anie anu i, na wo se i ka, “M wa, ma u ahore si. Yarada n bo a yo m ni, yiri ma a nya laifie a.” Dika n nu bere, na bara n anya laifie.

²³ Sanja bo Yesu ko juuri kpian n dika ni, na wo nu see mbie kanfom, ni jamam ka bu wo nanmie su. ²⁴ Na wo se bu ka, “Am fa sin fite, baabara n awu ma, wo daafi wo.” Ama, na ba siri i. ²⁵ I foonri jama n kere fite wieeri ni, na wo nya awura so n bo baabara n da nu n nu, na wo ko atara i saa, na wo yasu. ²⁶ Na nyini labari n abara aye do dee aware n kere nu.

Kabo Yesu tuntuunri anyinsin nnyo nbem na bu nuuri asi ni

²⁷ Na Yesu afite bere, i suko n na anyinsin nnyo nbem asu i su, subo fere i, bu ja, “Feme Davidi anuma, si ya anunfo.” ²⁸ Na sanja bo Yesu ko wuraari awuru n nu ni, na anyinsin n aba i do na wo bisa bu ka, “Am yo yarada ka m koro ma am nya laifie?” Na ba bo i nu ka, “Een, ya Mibie, ya yo yarada.” ²⁹ Do na wo fa i saa akan bu nyumbaam, na wo se bu ka, “Kabo am ayo m yarada ni, i yo so ma am.” ³⁰ Na bu nyumbaam n ateke, na ba nu asi. Na Yesu abobo bu ni nahore su ka, ma bu ma be si sa n bo wo yo i ni. ³¹ Ama, na ba ko abo ndoori abara aye do dee aware n kere nu, fa ko sa n bo Yesu ayo i ni.

Kabo Yesu ma bobo be nyaari laifie ni

³² Sanja bo anyinsin n fite kori n dee sin, na mine nbem afa sono be aba Yesu do, ajini ayo i bobo wo. ³³ Yesu fon yiiri ajini n fiteeri sono n nu wieeri n na wo koro ajojo. Na jama n ayo alekutura, na ba se ka, “Ya nya nu ma ahin sa n be nusu cæn be, Yisareli asien n su.” ³⁴ Ama, na Farasifom n ase ka, “Ajinin kere dee feme ni ma i yiko ye i koro fon yi ajinin n a.”

Kabo Yesu siiri jama ni anunfo ni

³⁵ Na Yesu abara aye mie ngbingbirim, ni kan kanm n kere su, na i sukere minem, bu tientienbunoo soom n nu, na i sukan labari kpa n fa ko Nyeme femeya n su, na wo tuntun mine bo tukpaki barasu barasu n kere bita bu ni, na ba nya laifie. ³⁶ Sanja bo Yesu nuuri jama n na wo si bu anunfo, dama ba di wahara, na bu la ma bukafo. Bu ti ka nbæm bo bu la ma sasafu o. ³⁷ Na wo se i susufom n ka, “Fiesu diire n sunnu, ama, bo bu ko i tambu n sunnu ma. ³⁸ Nyini ti, am sere Mibie n bo i dee la fie n ka i sunma jumayofom na bu ko i tambu.”

10

Kabo Yesu yiiri mine buru ni nnyo ka bu yo i jaramasam ni

¹ Na Yesu afere i susufu buru ni nnyom ni, na wo ma bu yiko ka bu ko sufon yi ajinin fite minem nu, na bu ma tukpakifom barasu barasu kere nya laifie. ² I jaramasa buru ni nnyom n bo i yiiri bu n duma n la Simon, bo bu fere i ka Petoro ni, ni i namasa Andere, ni Yakobo ni i niema Yohane bo bu si la Zebedi ni, ³ ni Filipu, ni Batolomeyo, ni Tomasi, ni Matio bo i ti lampodefou ni, ni Yakobo bo i si la Alafeyo ni, ni Tadayo, ⁴ ni Simon bo i tu ngoni fa ko i asien su ni, ni Yudasi Isikariyoti bo i ba toori Yesu ni.

⁵ Na Yesu asunma nyini mine buru ni nnyom n na wo ma bu ahin noanie ni, i ja, “Ma am ko miem bo bu ti ma Yudafo miem n nu, wara am wura Samariyafom mie be nu.

⁶ Ama, am ko Yisarelifom bo bu ti ka nbæm na ba mini n do. ⁷ Am ko na am ko kan Nyeme jore kere bu, na am se bu ka, sanja n adodo bo Nyeme Feme ba nie i minem su.

⁸ Na am ma tukpakifom nya laifie, na am tege bo ba wu ni, na am ma kokofom nya

laifíe, na am fón yi ajinim fite minem ñu. Kabo ma ma am ahin yiko n na ma de má pui ni, am gusu yo sɔ n na má am de pui. ⁹ Má am se ka am bita ñwaa be, haari ñwaa kaan mmɔɔ. ¹⁰ Ahin atin n bo am suko i ni, má am se ka am bita kuruku, má am fa tanlɛɛ be buka bo am wura i n su, má am fa gbagbaa, má am fa kpama, dama jumayofɔ kere ti ye ni ka bu ma i diire wo.”

¹¹ Na wo se ka, “Mie kpiri, wara mie kan kan kere bo am kɔ wuraari nu, am nienie sɔnɔ kpa, na am kɔ wo i dɔ, haari am bá fite mie n nu. ¹² Awuru kere bo am kɔ suwura nu, am bisa bu dɔngɔ, na am se bu ka Nyeme yo bu kisi. ¹³ Nzen nyini awuru n nufɔm deeri am wɔfɔ, am ma nyini kisi n ka bu dɔ, ama, nzen ba de má am, am kaaki de nyini kisi n bu dɔ. ¹⁴ Sasu bekun, nzen awuru, wara mie bo am kɔ wuraari nu, na ba de má am wɔfɔ, wara ba soro má am su ka bu ti am nɔanie ni, am fite yaki nyini awuru n wara mie ni, na am kpɔnkpɔn yi am jaa tuturi kere. ¹⁵ Nahɔre ye m suse am n a, jina cɛen, Nyeme cín nyini mie n nufɔm sui tara Sodom ni Gomora miem n nu satiefɔfɔm ni.”

Kabo Yesu ña bu bá kere i jaramasam wuwuruwa barasu ni

¹⁶ Na Yesu akaaki ase bu ka, “Am ti fen. M susunma am wo lɛɛ kabo nbɔem kɔ sangɔ bedim nu barasu ni. Nyini ti, am fa ñgonlɛ na am tara am ñu ka woom, na am yo am ñu benlɛ ka tiwam. ¹⁷ Am si am ñu sa, dama mine bá fa am wura jɔredifɔm saa nu, na bu fin am ñgbere bu tientienbunɔɔ sɔɔm n nu. ¹⁸ Mini dɛɛ ti, bu cín am wura gominam ni nfemem saa nu. Nyini má am atin na am di m daani kere bere a, ni bo bu ti má Yudafɔm n kere. ¹⁹ Sangɔ bo bu bá faari am wuraari jɔredifɔm saa nu ni, má am ma am ahore saaki fa kɔ kabo am kɔ jɔjɔ barasu. Nyini sangɔ n ba juuri, Nyeme má am nɔanie ye am jɔjɔ a. ²⁰ Nɔanie ni fite má am dɔ, ama, i fite am Si Nyeme dɛɛ Awiewie n dɔ, ye am jɔjɔ a.

²¹ Gɔrom ni niemam bá tɔ bu bengɔ ma bu kpɔfɔm na bu kún bu, na nbaasim tɔ bu nbaam, na nbaam kéte bu wufɔm ñu, na bu má minem kun bu wufɔm ni. ²² Mini dɛɛ ti, sɔnɔ kere kpɔ am. Ama, wɔrɔ kere bo a mindi deeri nyini n kere kɔ juuri i awieeri su, Nyeme dé u tii ji. ²³ Sangɔ bo bu bá sukere am wuwuruwa mie be su, am ñmati kɔ mie nyingɔ su. Nahɔre ye m suse am n a, am koro kan má Nyeme jɔre bara ye má Yisareli miem kere su ka, ye mini Adamande Wa ni kpíe m nyi ba.

²⁴ Sɔnsɔnfɔ tara má i kerefɔ, akɔɔ gusu tara má i mibie. ²⁵ Nzen sɔnsɔnfɔ n ba juuri i kerefɔ n juubiri, i ti ye ni ka i nyunu yi i tii. Na nzen akɔɔ n ba juuri i mibie n juubiri, i ti ye ni ka i nyunu yi i tii. Nzen bu nya fereeri awurufɔbie n ka Belazebuli, bo bu kaaki fere i ka Sitana ni, nyini sangɔ bu fere i dikafɔm bere kere ka se wo lɛɛ?”

Kabo wo yo daka ka ya soro Nyeme ñgumi ni

²⁶ Na wo kaaki ase bu ka, “Nyini ti, má am soro sere ni minem. Dama deke be wo má bere bo i wo fieɛwa nu na bu bá ñu má i, deke be gusu wo má bere bo i wo asiri nu na bu bá si má i. ²⁷ Deke kere bo m jɔjɔ seeri am kongue, wo yo daka ka am jɔjɔ i wiesu wo. Na deke kere bo m tuuri i asuturi am dɔ, wo yo daka ka am bo i ndoori na sɔnɔ kere ti i. ²⁸ Má am soro minem bo bu koro kun anjuniembaa n na bu koro kun má awiewie n ni. Ama, am soro Nyeme bo i koro saaki awiewie n ni anjuniembaa n kere, cɛema sin nu ni. ²⁹ Am si ka njɔrem nnu ñwaa ti kaan sɔ ɔ, má sɔ? Ama, bu kun n kpein mmɔɔ tɔ má asiengɔ bo i ti má ya Si Nyeme koroyanu. ³⁰ Haari am tiɔɔmie kere mmɔɔ bo i wo am tii su ni, Nyeme si i kere nɔ. ³¹ Nyini ti, má am soro sere. Am la anyunuyi Nyeme dɔ tara njɔrem beberebe.”

³² Na Yesu akaaki ase bu ka, “Sɔnɔ kere bo i kan kereeri minem ka i ti m susufɔ, mini gusu bá kan kere m Si Nyeme bo i wo angoro n ka i mi ti m dɛɛ wo. ³³ Ama, sɔnɔ kere bo i keteeri minem nyunu ka i ti má m susufɔ, mini gusu bá kete m Si Nyeme bo i wo angoro n nyunu ka i mi ti má m dɛɛ.”

Kabo Yesu ña wo fa kpakpaakinu aba barasu ni

³⁴ Na Yesu akaaki ase ka, “Má am sunsun ka ma ba ka m fa tanalaifíe ba ma durunya n nufɔm wo. Ma ba má ka m fa tanalaifíe ba, ama, m faari lue baari a. ³⁵ M baari ka m ba kpura baa ni i si tii wo, na m kpura baabara ni i ni tii, na m kaaki kpura baa n ni, ni i wa yi tii, ³⁶ na sɔnɔ dikafɔm káaki i kpɔfɔm.

³⁷ Sɔnɔ kere bo i koro i si, wara i ni tara mini, i ti má ye ni ka i mi wo m dɔ. Na sɔnɔ kere bo i koro i wa baabiesɔ, wara baabara tara mini, i ti má ye ni ka i mi wo m dɔ. ³⁸ Na sɔnɔ kere bo i sɔ má i yiwee baka jaanu n na i su m su, i ti má ye ni ka i mi wo m dɔ. ³⁹ Sɔnɔ kere bo i ña i kpini i ñgɔɔ busu, i mi bá fun i, ama, na sɔnɔ kere bo i tɔɔri i ñgɔɔ mini dɛɛ ti, i mi nyá ñgɔɔ.”

Kabo sɔnɔ kere bo i deeri Yesu susufɔm wɔfɔ nyá i ñkatɔ ni

⁴⁰ Na Yesu akaaki ase bu ka, “Sɔnɔ kere bo i de am wɔfɔ, i mi de mini wɔ lɛɛ, na sɔnɔ kere bo i de mini, i mi de yiri bo i sunmaari m wɔ lɛɛ. ⁴¹ Sɔnɔ kere bo i de Nyeme noanie kanfo ka i ti Nyeme noanie kanfo n deɛ ti, i mi nya nkato kabo Nyeme noanie kanfo nya i n wɔ, na sɔnɔ kere bo i de sɔnɔ bo i yo sa bo i ko atin su Nyeme do, na wɔ de i ka i yo sa bo i ko atin su n deɛ ti, i mi nya nkato kabo sɔnɔ bo i yo sa bo i ko atin su n nya i n wɔ. ⁴² Nahore ye m suse am n a, sɔnɔ kere bo i saari nzue niniki kaan so mmɔ, maari m susufɔ n bo i ti bu kere kaan n kun, ka i mi ti m deɛ susufɔ n ti, i mi nya i nkato.”

11

¹ Sanga bo Yesu jɔjɔri i susufɔm n do wiewi ni, na wɔ jengbe Galili awore n nu mie niem su, sukere minem, na wɔ kan Nyeme jore.

Kabo Yohane Nyeme Nzue Biefɔ n sunmaari i susufɔm Yesu do ni

² Nyini sanga ni, ba nyi Yohane Nyeme Nzue Biefɔ n dansaraka soro. Na wɔ ti sam kere bo Kristo Tiidefo n suyo bu ni, na wɔ sunma i susufɔm ka bu ko bisa i ka, ³ “Woro ye bu yo seeri ka a ba n a, nzen ya nminda sɔnɔ fɔfɔre be wɔ?” ⁴ Na Yesu abo bu nu ka, “Am kpie am nyi ko se Yohane fa ko sam bo am ati bu na am anu bu ni, ka ⁵ anyinsinn anu asi, wobukam akoro anati, kokofom anya laifie, asuturim ati asui, minem bo ba wu n atenje, na yaarifom gusu akoro ati labari kpa ni. ⁶ Terefie wo minem bo bu yo m yarada na bu la ma sika be ni mini n do.”

⁷ Sanga bo Yohane susufɔm kaaki sukɔ ni, na Yesu ajɔjɔ jama n do, fa ko Yohane nusu jore, i na, “Sanga bo am fite kɔri Yohane do, boro kpantain n nu ni, am kɔri ka am ko nu nzu wɔ? Am kɔri ka am ko nu sɔnɔ bo i ti ka barankpaati fofoe bo anjuma n kankan i wɔ? ⁸ Nzen ma nyini, nzu ti ye am kɔri a? Am na am ko nu sɔnɔ bo i wura sutura ngbingbiri wɔ? Ai, am si ka minem bo bu wura nyini suturam ni, bu wo nfemem dika a. ⁹ Nzen ma nyini, nzu ti ye am kɔri a? Am kɔri ka am ko nu Nyeme noanie kanfo o? Eɛn, m suse am wɔ lɛɛ, ka, am anu sɔnɔ bo i tara Nyeme noanie kanfo. ¹⁰ Dama Yohane ye bu yo kerɛeri i Nyeme Jore Kadasi n nu ka,

‘Nyeme na o,

“M du mo sunma m sunmafo n na i du u mo,

yiri ko yo u atin n dongu se u a.”’

¹¹ Nahore ye m suse am n a, Yohane Nyeme Nzue Biefɔ n la ma abenggu, bo i tara i durunya n nu. Ama, sɔnɔ kere bo i ti kaan, Nyeme femeya n nu n tara yiri Yohane.”

¹² Na Yesu akaaki ase ka, “Fite sanga bo Yohane Nyeme Nzue Biefɔ n boori Nyeme jore kan n bu ni, fa ba ju ni kisa, ye Nyeme femeya n juuri kekereke a, na minem afa anyumboro ka bu wura nu de i. ¹³ Nyeme noanie kanfom kere, ni Moyisi du mo kerɛeri Nyeme Jore Kadasi n nu fa ko Nyeme femeya n su ka, ye Yohane nya baari a. ¹⁴ Nzen am yo bu noaniem yarada, Yohane la yiri n bo bu yo kerɛeri ka Eliya kaaki ba n a. ¹⁵ Bo i koro ka i ti ahin jore n bu, i ti ye ni ka i so i sui na i ti.”

¹⁶ Na Yesu akaaki ase ka, “Ye m fa nzu fa sunsun kabo nyumafɔ ti a? Bu ti ka nbaatuma kan kanm bo bu tana goosu wɔ. Na bu sufere bu benggu, ¹⁷ bu na, ‘Ya kan tere ama am, ama, am abo ma kereba. Ya di see jue ama am, ama, am asun ma.’ ¹⁸ Deke bo i ti na m se so n la ka, Yohane ba juuri ni, i ciciiri i noo o, i di ma diire, i nu ma nzan yiri fieo, nyini ti, na ba se ka ajini wo i nu a. ¹⁹ Ama, mini Adamande Wa n ba juuri, na m ni mine asanga adi, na ya sangga anu, na ba se ka, ‘Am nie, ahin sɔnɔ n yiri, i ti ayaakpirifo o, na i nu nzan nahore su. Wɔ tara lampodefɔm, ni satieyofom danfoya.’ To, minem kere bo bu su Nyeme deɛ alecira n atin n su ni, bu sayoowam kere ka i ti nahore a.”

Kabo Yesu na mie nbem n nufɔm ba nu anyumboro barasu ni

²⁰ Miem bo Yesu yoori alekutura sam beberebe nu ni, bu minem n akaaki ma bu wo, nyini ti, na Yesu akan bu ndie, ²¹ i na, “Amberɛ Korazinfom, am ba nu anyumboro. Amberɛ Besayidafom gusu, am ba nu anyumboro. Alekutura sam bo m yo maari am ni, ma nzen m yoori bu Tiro ni Sidon mie kpirim n nu, ma minem n akaaki bu wo dada kere na bu fa pirim boto, ni nzuin yo bu yoowa n bo i kere ka bu ahore asaaki, bu satie yoowa n deɛ ti ni. ²² Ama, m suse am wɔ lɛɛ, ka, jina cɛɛn, Nyeme ba cin am sui tara Tiro ni Sidon deɛ satieyofom. ²³ Amberɛ Kapenamfom gusu, am sunsun ka Nyeme ba ye am su ko angoro wɔ? Ai, i ba yo am kaan wɔ, na i fa am cɔndi ko Yiweefom Woobiri nu. Alekutura sam bo m yo maari am ni, ma nzen m yoori bo Sodom mie kpiri n nu, ma kisa, mie n toko wo bere haari ni nyuma. ²⁴ Ama, m suse am wɔ lɛɛ, ka, jina cɛɛn, Nyeme ba cin am sui tara Sodom deɛ satieyofom.”

Kabo Yesu jɔjɔ fa kɔri kabo i woowa ti barasu ni

²⁵ Nyini sangha n na Yesu ase ka, “M Si Nyeme, wɔɔ ti angoro ni asiɛngu kere Mibie a. M da u asi ka a fa nyini dekem bo alecrafom ni sifom si má i ni, ayi akere bo bu ti ka nbaatam ni. ²⁶ M Si, i ti nahɔre wɔ, kabo a koroori ka i yo lɛɛ.”

²⁷ Na wɔ kaaki ase bu ka, “M Si Nyeme afa deke kere awura m saa nu. Be si má Nyeme Wa ni, má ka i Si Nyeme si i a, na be gusu si má i Si ni, má ka Baa ni si i a, ni minem bo Baa n koro ka i yi i kere bu ni, bere si i a.”

²⁸ Na wɔ kaaki ase ka, “Amberɛ kere bo am sɔ sɔɔri nɔnɔɔri n na am afie ni, am bra m dɔ, na m má am numiyi. ²⁹ Am de m sɔɔri ni, na am ma am wo ti kabo m dɛɛ n ti ni, dama m ti benle wɔ, na m yo m ɲu kaan. Mini do ye am nyá numiyi a. ³⁰ Dama kereewa n bo m fa ma am n ti má kekereke, na sɔɔri n gusu bo m fa sɔ am n wo má nɔ.”

12

Kabo Yesu jɔɔ fa kɔɔri Numiyi cɛɛn jɔre ni

¹ Nyini sangha n na Yesu ni i susufom ni sunati sin alembaa fie be nu, Yudaɔm Numiyi cɛɛn ni. Na ahɔe ati i susufom ni, na ba bubu be akpese. ² Sangha bo Farasifom ni ɲuuri nyini sɔ ni, na ba se Yesu ka, “Nɛ fen. Kabo u susufom ni suyo ni, Nyeme nɔanie kpamaawa n kere ka má be yo sɔ, Numiyi cɛɛn ni.” ³ Na wo se bu ka, “Am nya kan má Nyeme Jɔre Kadasi n nu, kabo Feme Davidi yo yoori sangha bo ahɔe tiiri i ni i minem na ba si má kabo bu yo ni, nzen se? ⁴ Ahɔe n ti, na wo kɔ awura Nyeme Sereebiri Awuru n nu, na wo di kpɔnɔ n bo ba fa ama Nyeme ni, na wo ma i minem ni be. Ama, am si ka ya dɛɛ atin n su, Nyeme sayoowa dɔnguyofom ɲgumi ti ye ni ka bu di nyini kpɔnɔ n a. ⁵ Sasu bekun, am nya kan má Nyeme Jɔre Kadasi n nu, kabo Numiyi cɛɛn n kere cɛɛn, na Nyeme sayoowa dɔnguyofom ni saaki Numiyi cɛɛn n ciire ni, na bu yo bu yoowam Nyeme Sereebiri Awuru n nu, na be se má bu pui, nzen se? ⁶ M suse am wɔ lɛɛ, ka, deke bo i tara Nyeme Sereebiri Awuru n wo fen. ⁷ Ba kere i Nyeme Jɔre Kadasi n nu ka, Nyeme ɲa o, ‘M koro aɲunfo si tara bo am yo yoowa ma m.’ Nzen má am si nyini nɔanie n bu, má am ma má bu di minem jɔre cin bu sui, bere bo bu la má ɲgasi be ni. ⁸ Dama mini Adamande Wa ni ti Numiyi cɛɛn n Mibie n a.”

Kabo Yesu tuntuunri sɔnɔ asaa fuin be Numiyi cɛɛn ni

⁹ Na Yesu ayasu dɔ ako awura bu tientienbunɔ sɔ n nu. ¹⁰ Sɔnɔ asaa fuin be woori dɔ. Na mine nbem akoro ka bu sɔ Yesu ɲgeɛ na bu jára ki i ka na wɔ saaki Numiyi cɛɛn n ciire ni. Dɔ na ba bisa i ka, “Atin wo nu ka ya koro ma sɔnɔ nya laifie, Numiyi cɛɛn ni?” ¹¹ Na Yesu abɔ bu nu ka, “Am nu, ɲma ye i bɔɛ ti kun n kpein ye i toori kunma ɲgongɔ nu Numiyi cɛɛn n ye i mi wúra yi má i a? ¹² Adamande tara bɔɛ fieo. Nyini ti, ya dɛɛ atin n su, atin wo nu ka ya yo sakpa Numiyi cɛɛn ni.” ¹³ Na wɔ nya ase sɔnɔ n ka, “Tenje u saa ni.” Na wɔ tenje i saa ni, na i saa n ayo fanja bekun ka nyinɲa ni. ¹⁴ Dɔ na, Farasifom n afite ako asese bu ɲu su, kabo bu yó na bu kun Yesu.

Kabo amususufɔ n bo Nyeme ayi i n ti barasu ni

¹⁵ Sangha bo Yesu siiri nu sɔ ni, na wɔ yasu bere. Na jama beberebe asu i su, na wɔ ma bu tukpakifom kere anya laifie. ¹⁶ Na wɔ bobo bu ka, má bu ma be si i sɔnɔ nzuin nu. ¹⁷ I yoori sɔ, adena kabo Nyeme nɔanie kanfo Esaya yo jɔɔɔri n yo yiiwa a, i ɲa, ¹⁸ “Nyeme ɲa o,

‘M amususufɔ bo ma yi i ka i yo m sa koroowa n yaa.

Yiri ye m koro i a, m ahore ajo i ɲu.

M má m Awiewie n ba wura i ɲu.

Na i kó kan kere durunya n nufom kere kabo m nahɔre atin n ti barasu.

¹⁹ I ni be sé má akuruwa, wara i tientien má.

I káaki yo má nanmie atɲgberem su.

²⁰ I búbu má janja wura bo wɔ biri,

na i nó má fitana bo i je má nyunyumi.

I wó bere sɔ

haari na m nahɔre atin n bá kunma deke n kere.

²¹ Na durunya n nufom kere bá ti i duma ni, na bu yó i tama.’”

Kabo Farasifom tuunri Yesu nzuin ka i ni Sitana dɛɛ ti kun ni

²² Nyini sin na ba fa sɔnɔ be aba Yesu dɔ, ajini ayo i anyinsin ni bobo wɔ. Na Yesu ama wɔ nya laifie, na wɔ koro ajoɔ, na wɔ ɲu asi. ²³ Na minem kere ayo alekutura, na ba bisa bu ɲuɲu nu ka, “Feme Davidi anuma n lɛɛ, nzen se a?” ²⁴ Ama, Farasifom tiiri

so n na ba se ka, “Belazebuli bo i ti ajinim kere dee fema ni, yiri ngumi ma ahin sono n yiko dee ti, ye i koro fon yi ajinim n a.”

²⁵ Yesu siiri bu sunsuni n so n na wo se bu ka, “Femaya kere bo i nya kpakpaakiiri nu wieeri, nyini femaya ni ka ngbeen wo. Awuru, wara mie kere gusu bo i nya kpakpaakiiri nu wieeri, nyini awuru, wara mie ni sandi wo. ²⁶ Nyini ti, nzen ma Sitana bo i ti ajinim kere fema n nya fon i ajinim fite minem nu, ma nyini kere ka ba kpakpaakiiri nu lee. Ye i yo se ye i femaya ni koro jina a? ²⁷ To, ye nzen am na Belazebuli maari m yiko, ye m fa fon yi ajinim a, ye nma maari am dee minem ni yiko ye bu bita fon yi bu n a? Nyini ti, kabo am minem yoori ni, nyini kere ka am la ma nahore. ²⁸ Ama, Nyeme dee Awiewie ni ma m yiko ye m fa fon yi ajinim a. Nyini n kere ka Nyeme fema wo am nu sunie i minem su lee.

²⁹ Bekun, i ba yo se ye be koro wura sono fangafu dika na i fin i nenje a, ma ka wo tara i fangafu acin i nyama ka? Nyini sin na i nya koro fin i nenje bo i wo awuru n nu.

³⁰ Sono kere bo i jina ma m sin, i mi ti m kpofu o. Na sono kere gusu bo i buka ma m na ya tien minem noo, i mi sandi minem wo. ³¹ Nyini ti, m suse am wo lee, ka, Nyeme koro fa minem satie kere fa ce bu, haari fa ko sangga ni jore ngbeenngbeen kere bo bu jooori i fa ko Nyeme do, ama, sono kere bo i joo wuraari Awiewie Casi ni ngasi nu, Nyeme fa ma i mi ngasi ce ma i. ³² Sono kere bo i joo wuraari mini Adamande Wa ni ngasi nu, Nyeme fa i mi ngasi ce i. Ama, sono kere bo i joo wuraari Awiewie Casi ni ngasi nu, Nyeme fa ma i mi ngasi ce ma i, fite kisa haari fa ko fa ba.”

Kabo Yesu na ya fa minem woowa fa si kabo bu ti ni

³³ Na Yesu akaaki ase bu ka, “Baka kere bo i nya ti kpa, su suuwa kpa a, na baka kere gusu bo i nya ti ma kpa, su suuwa tietie wo. Dama baka kere suuwa, ye a fa si kabo i ti a. ³⁴ Ambere burukonufom ka woom ni, kabo am ti satieyofom so ni, am yo se koro yo sakpa bekun a? Dama dekem n bo am sunsun bu am ahore su n ye am joo bu a. ³⁵ Sono kpa ni i deke kpa kere bo i bita i, fa sakpa ba a. Na sono tie gusu ni i deke tie bo i bita i, fa satie ba a. ³⁶ M suse am wo lee, ka, jina ceen, Nyeme di sono kere jore fa ko jore ngbeenngbeen kere bo i yo jooori i. ³⁷ Dama u noanie jooowa ma a fite nu a, na u noanie jooowa gusu ma bu di u jore cin u sui a.”

Kabo Yesu keteeri ka i yo ma alektura sa bo bu koro i ni

³⁸ Na Nyeme noanie kerefom, ni Farasifom nbem ase Yesu ka, “Ya Kerefo, ya koro ka a yo alektura sa be kere ya na ya nu i.” ³⁹ Na Yesu ase bu ka, “Ambere nyumafu, satieyofom bo am su ma Nyeme ni, ye am koro ka m yo alektura sa be na am nie a? Ai, m yo ma alektura sa be na am nu i fieo, ma ka alektura sa n bo Nyeme yo yoori i maari i noanie kanfo Jona ni ngumi. ⁴⁰ Dama kabo Jona yo woori jombaa bambaka be kunnu ko juuri lesan, kongue ni wiesu ni, so ye mini Adamande Wa ni ba wo asien n bu ko ju lesan, kongue ni wiesu a. ⁴¹ Jona yo kaanri Nyeme jore kereeri Ninevafom na ba kaaki bu wo. Jina ceen, bere ba yasu jina na bu jaraki ambere nyumafom, dama kisa, m suse am wo ka, mini tara Jona, ama, am akete ka am kaaki ma am wo. ⁴² Feme bara be yo fiteeri haari i bosu Seba wo, na i ba ti Feme Solomon dee alecira jooowa noanie ni. Jina ceen, yiri ba yasu jina na i jaraki ambere nyumafom nahore su, dama kisa, m suse am wo ka, mini tara Feme Solomon, ama, am ade ma m noanie ni.”

Kabo ajini ba kaaki ba i woobiri dawa na i ti barasu ni

⁴³ Na Yesu akaaki ase bu ka, “Nzen ajini nya fite yakiiri sono, i ko jengbe bara ye boro kprantain nu wo, deke bo nzue wo ma, na i ko nienie woobiri bo i tana yi i nuni. Nzen wo nya ma woobiri, ⁴⁴ nyini sangga, a ti ka i na, ‘Ma m kpie m nyi ko m woobiri dawa ni.’ Na i kaaki ko, i ko nu ka ba kpara dika n nyunyumi, asese deke kere su, be wo ma nu. ⁴⁵ Na i nya ko fa ajinim nso, bo bu ti tie tara yiri ni i ti, na bu kere ba wura woobiri dawa n nu. Nyini sangga, a nu ka sono n woowa ayo tie atara kabo i yo ti dawa ni. So ye i ba yo ma ahin nyumafom bo bu satieyo asunnu n a.”

Minem bo bu ti Yesu ni, ni i ninbaam nahore su n jore

⁴⁶ Yesu toko wo minem do joo su ni, na i ni, ni i niemam aba aka ajina dasin, na ba se ka bu koro ka bu joo i do o. ⁴⁷ Na minem ni kun ase i ka, “Ti fen, u ni, ni u niemam jina dasin koro ka bu joo u do.” ⁴⁸ Sono n seeri i so wieeri ni, na Yesu ase i ka, “Ma m kere u bo bu ti m ni, ni m niemam.” ⁴⁹ Na wo fa i saa akere i susufom ni, na wo se ka, “Nie fen. M ni, ni m niemam n yaa. ⁵⁰ Dama sono kere bo i yo m Si Nyeme bo i wo angoro n dee sa koroowa, yiri ti m siwa, ni m niwa, ni m ni a.”

13

Miɛnu fa kɔ kabo dɔdɔɔrifɔ be sandiiri alembaa ni

¹ Nyini cɛɛn n na Yesu afite awuru n nu akɔ atana Galili kunma kpiri n nɔɔ su, ka i kan Nyeme jɔre kere jama ni. ² Na jama beberebe atien bu nɔɔ i do. Bu sunnuuri beberebe sɔ n dɛɛ ti, na wɔ wura lee nu atana, na bere aka ajina nzue n nɔɔ su. ³ Na wɔ bo miɛnum na wɔ kere bu dekem beberebe. I ɲa, “Dɔdɔɔrifɔ be fiteeri sɔ o, ka i kɔ sandi alembaa. ⁴ Saɲga bo i wo sandi su ni, na alembaa ni nbem atoto atin n nɔɔ, na anumam aba atambu bu ami. ⁵ Na nbem atoto tieka su, deke bo fa sunnu má ni, fa n sunnu má n dɛɛ ti, wɔ cɛ má, na wɔ fi, ⁶ ama, wiɛ ba fiteeri agaya ni, na ba waandi, dama bunlui n akpama abi má. ⁷ Na alembaa ni nbem atoto lolɔɛ nu, na lolɔɛ n anyi akata bu ɲu. ⁸ Ama, na alembaa ni nbem atoto asien kpa su, na wɔ nyi awura mbaa zoi zoi.” ⁹ Na Yesu ase bu ka, “Bo i koro ka i ti ahin jɔre n bu, i ti ye ni ka i so i sui na i ti.”

Deke bo i ti na Yesu boori bu miɛnu n ni

¹⁰ Nyini sin na i susufom n aba i dɔ, aba abisa i ka, “Nzu ti ye a nya ba ɲa a jojo minem dɔ, a bo bu miɛnu a?” ¹¹ Na Yesu abo bu nu ka, “Amberɛ ye Nyeme ma am asi i femeya n nu asiri jɔre kere a, ama, bere bo ba ka ni, i ma bu si má i. ¹² Dama sɔnɔ kere bo wɔ nya deke be Nyeme dɔ na i mi si i bita, Nyeme búka i su wɔ, na i nyá beberebe, ama, bo i si má i bita, haari ni nyini kaan n bo i la i ni, Nyeme dé i dɔ o. ¹³ Deke bo i ti na m bo bu miɛnu n la ka, bu niɛ wɔ, ama, bu ɲu má pui. Bu so bu sui wɔ, ama, bu ti má deke n bo bu so bu sui ka bu ti i n bu. ¹⁴ Bu ti sɔ n dɛɛ ti, ye Nyeme noaniɛ kanfɔ Esaya yo jojo niiri bu n a, i ɲa,

‘Nyeme ɲa o,
Am só am sui ni nahɔre su,
ama, am tí má deke bo am so am sui
ka am ti i n bu.

Am káaki niɛ ni nahɔre su,
ama, am ɲú má pui.

¹⁵ Dama ahin minem tii ti kekereke,
ba tɔ bu sui na má bu ti,
ba kata bu nyumbaa na má bu ɲu.

Má nyini, bu nyumbaa ɲú i wɔ,
na bu sui tí,

na bu sí bu ahore su,
na bu káaki bu wo,
na m má bu nya laifɛ.’

¹⁶ Ama, amberɛ la terefɛ, dama am ɲu asi, na am kaaki ti asui. ¹⁷ Nahɔre ye m suse am n a, Nyeme noaniɛ kanfom ni minem beberebe bo bu yo sa bo i kɔ atin su Nyeme dɔ n kere koroori ka bu ɲu deke bo am anju i ni, ama, ba ɲu má i, na ba koro ka bu ti deke bo am ati i ni, ama, ba ti má i.”

Kabo Yesu kereeri miɛnu n bu fa kɔ dɔdɔɔrifɔ n su ni

¹⁸ Na Yesu ase i susufom ni ka, “Am so am sui, na m se am miɛnu n bu, fa kɔ dɔdɔɔrifɔ n bo i sandiiri alembaa n su. ¹⁹ Nbem de Nyeme noaniɛ n fa kɔ i femeya n su kabo alembaa n tɔtɔori atin nɔɔ n wɔ. Bu nya tiiri Nyeme noaniɛ n na bu ti má i bu, i cɛ má, na Sitana bo i ti sɔnɔ tie ni, bá yi noaniɛ n fite bu ahore su, a ɲu ka bu wara afi i sa. ²⁰ Nbem gusu de Nyeme noaniɛ n kabo alembaa tɔtɔori tieka su n wɔ. Bu nya tiiri Nyeme noaniɛ ni, a ɲu ka ba de i ndende ni ahorejo, ²¹ ama, i da má bu ahore su. Bu kaaki ti ka alembaa n bo bu bunlui akpama abi má n wɔ. I woori bu dɔ kaan sɔ, na nzen wahara, wara kekereke be ba tuuri bu, fa kɔ bu Nyeme su n su, a ɲu ka ba fa ati. ²² Nbem gusu de Nyeme noaniɛ n kabo alembaa n tɔtɔori lolɔɛ nu n wɔ. Bu nya tiiri Nyeme noaniɛ ni, a ɲu ka bu sunsuni kere wo deke bo bu yó na bu asiri káta su, na bu koro kabo bu yó na bu nyá ajeke kere, na bu ahore bi fa kɔ durunya n nu nengem su, na Nyeme noaniɛ n koro da má bu ahore su na i yo juma. Bu ti ka alembaa n bo i wura má mbaa n wɔ. ²³ Ama, nbem de Nyeme noaniɛ n kabo alembaa n tɔtɔori asien kpa su n wɔ. Bu nya tiiri Nyeme noaniɛ ni, na bu de i, na bu fa yo juma, na i yo kperɛ beberebe.”

Miɛnu fa kɔ wura mbaa fiiwa ni

²⁴ Na Yesu abo bu miɛnu be bekun. I ɲa, “Kabo Nyeme Feme bá niɛ i minem su yaa. Sɔnɔ be kɔ sandiiri nvoni i fiesu a. ²⁵ Cɛɛn n be kongue n sɔ o, saɲga bo sɔnɔ kere ada adaafi ni, na i kpɔfɔ be anya ayasu akɔ afa jaɲmɔɲgu nvoni asandi nvoni fie n nu. ²⁶ Saɲga bo nvoni n ba fi sukɔ nyinse ni, na jaɲmɔɲgu nvoni n gusu atu asaɲga nvoni

kpa n nu. ²⁷ Na awurufobie ni akoom aba i do, aba ase i ka, 'Ya mibie, m na ya sandiiri nvoni kpa fie n nu e. Ye janmɔngu nvoni n fiteeri ni, ko saŋgaari nu a?' ²⁸ Na wo bo bu nu ka, 'M kpɔfo be ko yoori nyini a.' Na i akoom n abisa i ka, 'Ye a koro ka ya ko tutu janmɔngu nvoni n butu wo, nzen se a?' ²⁹ Na wo bo bu nu ka, 'Am yaki i, dama nzen am na am tutu janmɔngu nvoni ni, am saŋga tutu i ni nvoni kpa n kere wo. ³⁰ Am ma bu kere saŋga nyi, haari nvoni n kpie ba ju. Nyini saŋga na m nya se nvoni kpiefom ni ka bu kpie i kere na bu cin wɔɔ janmɔngu nvoni n tien i nɔɔ yara i ka. Nyini saŋga na bu nya tien nvoni kpa ba go m bondo nu.' "

Miɛnu fa ko alembaa kaan be jɔre su

³¹ Na Yesu abo bu miɛnu be bekun. I na, "Kabo Nyeme femeya n ti yaa, i ti ka alembaa kaan kabo nyem mbaa ti n wo, bo sɔno be doori i fiesu ni. ³² Yiri ti alembaam kere kaan, ama, bu nya ba doori na i fiiri, i tara toro nyawam n kere bambaka, i koro nyi na i tetereki asambaam bo anumam koro yo bu tieerim su."

Miɛnu fa ko kponɔ ayiri n su

³³ Na Yesu akaaki abo bu miɛnu be bekun. I na, "Kabo Nyeme femeya n ti yaa, i ti ka ayiri bo bu fa go kponɔ samene nu na i yasu ni, na bara be fa goori samene beberebe nu, na i kere yasuri n wo."

Deke bo i ti na Yesu boori nyini miɛnum ni

³⁴ Ahin n kere, Yesu boori jama n miɛnu wo. Nahore, i se ma bu pui, ma ka miɛnu ye i bo bu a. ³⁵ I yoori so, adena noanie n bo Nyeme noanie kanfo n yo jooori n yo yiiwa a. I na,

"Nyeme na o,

'M bo bu miɛnu wo,

na m ma bu si deke n bo ba si ma i,

fite haari durunya n bumboori ni.' "

Kabo Yesu kereeri wura mbaa fiwa n miɛnu n bu ni

³⁶ Saŋga bo Yesu cin yakiiri jama n na i ko wuraari awuru n nu ni, na i susufom n aba i do, aba ase i ka, "Ya koro ka a yi janmɔngu nvoni n dee miɛnu n bu kere ya." ³⁷ Na wo bo bu nu ka, "Sɔno n bo i sandiiri nvoni kpa n la mini Adamande Wa ni. ³⁸ Fie n la durunya ni, na nvoni n la minem bo bu fa Nyeme yo bu fema ni. Na janmɔngu nvoni n la Sitana dee minem ni. ³⁹ Ye kpɔfo n bo i fa janmɔngu nvoni n saŋga nvoni kpa n nu n la Sitana. Nvoni kpie saŋga n la durunya n awieeri, ye nvoni n kpiefom la Nyeme merékem ni. ⁴⁰ Kabo bu tientienri janmɔngu nvoni n nɔɔ, na bu yaraari i ni, so ye i ba yo durunya n awieeri a. ⁴¹ Mini Adamande Wa ni sunma Nyeme merékem, na bu ba tambu yi satieyofom kere, ni deke kere bo i wura minem konvi na bu yo satie. ⁴² Na Nyeme merékem ni fa bu tu cema sin nu, do na bu sun, na bu kan bu saa. ⁴³ Na bo bu yo Nyeme sa koroowa n yiri nya yo wein ka wie, bu Si Nyeme femeya n nu. Bo i koro ka i ti ahin jore n bu, i ti ye ni ka i so i sui na i ti."

Miɛnu fa ko ajekɛ n bo bu fundu seeri n su ni

⁴⁴ Na Yesu akaaki abo bu miɛnu be bekun. I na, "Kabo Nyeme Feme nie i minem su yaa, i ti kabo sɔno be ko nuuri ajekɛ be, bo ba fundu i ase fie be nu n wo. I nuuri i so n na wo kaaki akata su, na ahorejo aba i do agaya, na wo ko ato i nenje kere bo i la i ni, na wo kpie i nyi aba ato nyini asien ni."

Miɛnu fa ko afere fofoe be bo i la anyunuyi agaya n su ni

⁴⁵ Na Yesu akaaki ase ka, "Bekun, kabo Nyeme Feme nie i minem su yaa, i ti kabo watafo be bo i nati nienie afere fofoem bo bu la anyunuyi agaya na i to n wo. ⁴⁶ Saŋga bo i ba ko nuuri be bo i la anyunuyi na i la go agaya ni, na wo ko ato i nenje kere, na wo fa ato i."

Miɛnu fa ko jombaa tarafom diendie su ni

⁴⁷ Na Yesu akaaki ase ka, "Bekun, kabo Nyeme Feme nie i minem su yaa, i ti ka diendie be bo bu fa sandiiri nzue nu, na bu taraari jombaa barasu kere n wo. ⁴⁸ Saŋga bo diendie n yiiri ni jombaam ni, na ba cin i afite kperɛ su, na ba tana ka bu yiiri jombaam ni. Bo bu nya nuuri ka bu ti kpakpam ni, na bu fa bere ji bu jombaa tara botom nu. Na bu nya fa bo bu ti ma kpm fikindi tu. ⁴⁹ I ba yo so o, durunya n awieeri, Nyeme ma i merékem ni nati ba yi satieyofom n fite bo bu yo sa bo i ko atin su Nyeme do nu, ⁵⁰ na i fa satieyofom ni tu cema sin nu. Do na bu sun, na bu kan bu saa."

Miɛnu fa ko nenje fɔfɔre ni nenje dawa su ni

⁵¹ Na Yesu abisa bu ka, “Am ati ahin miɛɛnu n kere bu?” Na ba bo i nu ka, “Ya ti i bu.”
⁵² Na Yesu ase bu ka, “Tɔ, sɔnɔ kere bo i kere Nyeme nɔɔɔɔ ni, na i siiri kabo Nyeme Feme atin ti barasu, i mi ayo ka awurufɔbie bo i yi i nenje fɔfɔre ni i nenje dawa fite i nenje woobiri sɔɔ n nu, na i fa ma minem wɔ.”

Kabo Yesu ɲa Nyeme nɔɔɔɔ kanfɔ la má jirima i bɔsu ni

⁵³ Saɲga bo Yesu boori nyini miɛɛnu kere kɔ wieeri ni, na wɔ yasu dika n nu dɔ. ⁵⁴ Na wɔ kpɛ i nyi ako i bɔsu. Na wɔ kan Nyeme jɔre akere minem, bu tientiɛnbunɔɔ sɔɔ n nu. Na bo bu tiiri i kereewa n kere ayo alekutura. Na ba bisa bu ɲɲu nu ka, “Nifansu ye ahin sɔnɔ n nyaari nyini alecira n ni yiko koro yo nyini alekutura sam n a? ⁵⁵ Má kampaɲta n wa n lɛɛ? Má i ni la Mariya a? Má Yakobo, ni Yosefu, ni Simon, ni Yudas i n gɔrɔ n lɛɛ? ⁵⁶ Am ni e. Má i niema nbaram kere wo ya nu fen n a? Ye nifansu ye ahin sɔnɔ n kɔ sɔnsɔɔɔ ni i si n kere a?” ⁵⁷ Na ba bu i ɲgbɛɛn. Na Yesu ase bu ka, “Deke n kere bu ma Nyeme nɔɔɔɔ kanfɔ jirima a, má ka i bɔsufɔm, ni i gisannufɔm ɲgumi dɔ.”
⁵⁸ I bɔsufɔm ayo má i yarada n dɛɛ ti, wɔ yo má alekutura sam beberebe dɔ.

14

Kabo bu kuunri Yohane Nyeme Nzue Biefo n barasu ni

¹ Nyini saɲga ni, na Feme Herode ati Yesu ɲga. ² Na wɔ se i nkpiɛnkpiɛnm bo bu wo i nyunu n ka, “Yohane Nyeme Nzue Biefo n lɛɛ, ye wɔ tenge i yiwee n nu a, nyini ti ye i la yiko koro yo nyini alekutura sam kere a.” ³ Feme Herode yo ma bu taraari Yohane nyiiri i wɔ, dama yiri Feme Herode yo fiiri i gɔrɔ Filipu yi Herodiya jaari wɔ. ⁴ Má pui ti, Yohane yo seeri Feme Herode ka, “Nyeme nɔɔɔɔ kpamaawa n kere ka a la má atin ka a koro, se m, na m má u.” ⁵ Má Feme Herode yo koroori ka i kun Yohane wɔ, ama, i soroori Yudaɲm jama n wɔ, dama ba se ka Yohane ti Nyeme nɔɔɔɔ kanfɔ dɔ. ⁶ Na Feme Herode baawu cɛɛnkpiiri di cɛɛn, na Herodiya wa sunɲuru ago agore feme ni i jama n kere nyunu, na feme n ahore ajo. ⁷ Nyini ti, na wɔ tan ndie ase sunɲuru n ka, “Deke kere bo a koro, se m, na m má u.” ⁸ Na sunɲuru n ni ase i ka i kɔ se ka i koro Yohane Nyeme Nzue Biefo n tiiawa a. Na wɔ kɔ ase feme n ka, “M koro ka na a fa Yohane Nyeme Nzue Biefo n tiiawa ma m perente nu kisa kisa.” ⁹ Feme n tiiri sɔ ni, na i ahore asaaki, ama, ndie n bo i taanri i jama n nyunu n dɛɛ ti, wɔ koro akaaki má i nɔɔ. Na wɔ ma nɔɔ ka bu yo sunɲuru n koroowa ma i. ¹⁰ Nyini ti, na wɔ ma bu ako akpiɛ Yohane ti dansaraka sɔɔ n nu dɔ. ¹¹ Na ba fa i tiiawa n ada perente n nu, aba ama sunɲuru ni, na yiri gusu afa ako ama i ni. ¹² Na Yohane susufɔm n aba afa fuin n ako ase i, na ba kɔ ama Yesu labari.

Kabo Yesu maari nbiesɔm akpii nnu ni bu minem diire ni

¹³ Yesu tiiri Yohane n jɔre labari n sɔ ni, na wɔ fa lee ako deke bo mine n wo má, i ni i susufɔm ɲgumi. Minem tiiri sɔ ni, na ba fite mie miem su anati bu jaa su, asa i su. ¹⁴ Saɲga bo Yesu kɔ fiteeri lee n nu ni, na wɔ ɲu jama beberebe, na wɔ si bu aɲunfo, na wɔ ma tukpakifɔm bo bu woori dɔ n anya laifie. ¹⁵ Nyini cɛɛn n naasɔ saɲga, na i susufɔm n aba i dɔ, aba ase i ka, “Kisa wie atɔ, ya wo boro gusu wɔ lɛɛ. Ma minem n atin na bu kɔ mie kunnu, na bu kɔ nya diire be to di.” ¹⁶ Na Yesu ase bu ka, “I ti má deke bo bu kɔ pui, ambere mmɔɔ ni am tii nya deke be ma bu na bu di.” ¹⁷ Na ba se i ka, “Deke bo ya la i fen n kere ti kɔnɔ nnu wɔ, ni jombaa nnyo.” ¹⁸ Na wɔ se bu ka, “Am fa bu ba ma m fen.” ¹⁹ Na wɔ ma minem nɔɔ ka, bu tantana wura fieɲiewa n su. Na wɔ fa kɔnɔ nnu ni, ni jombaa nnyo ni, na wɔ ye i tii su angoro na wɔ da Nyeme asi. Na wɔ nya akpiekpie kɔnɔ n nu afa ama i susufɔm ni, na bere gusu afa ama minem ni. ²⁰ Na sɔnɔ kere adi, na bu kunnu ayi. Na i susufɔm n atambu kɔnɔ ni jombaa sinsin n bo bu diiri na i kaari ni, na ba nya kandie buru ni nnyo. ²¹ Minem bo bu diiri kɔnɔ n ni jombaa n kere kɔ yasuri nbiesɔm akpii nnu wɔ, ba kan má nbaram n nbaatumam awura má nu.

Kabo Yesu natiiri nzue su ni

²² Nyini sin na Yesu ama i susufɔm n awura lee n nu na bu du i mɔ kpɛ kɔ kunma kpiri n buekun, na yiri aka na i kaari jama ni. ²³ I kaariiri jama n wieeri ni, na wɔ fun ako kperɛ be su i ɲgumi ka i kɔ sere Nyeme. Haari wie ba tɔori kere, i toko wo dɔ i ɲgumi. ²⁴ Nyini saɲga na lee n yiri wo nzue n afien dede dɔ, na nzue nyama sukpara i, dama aɲuma sun bu kɔ bu sin wɔ. ²⁵ Na fa kɔ akɔnyuma ciciri su, na wɔ nati nzue n su suba bu dɔ. ²⁶ Saɲga bo bu ɲuuri ka i nati nzue n su ni, na sere ati bu agaya, bu ɲa, “ɲumi lɛɛ o.” Na ba bo awie, sere n dɛɛ ti. ²⁷ Kɔpɛɲga na Yesu ajojo bu dɔ, na wɔ se bu ka, “Am ma am ahore si, mini a, má am soro sere.”

²⁸ Na Petoro ase i ka, “M Mibie, nzen i ti wɔɔ nahɔre su a, se m ka m nati nzue n su bra u do.” ²⁹ Na Yesu ase i ka, “Bra.” Na Petoro afite lee n nu sunati nzue n su suko Yesu do. ³⁰ Ama, saŋga bo i ŋuuri ka aŋuma ni sukpie agaya so ni, na sere akaaki ati i, kpeŋga i suwura nzue n bu. Na wo bo awie ase ka, “M Mibie, de m tii ji.” ³¹ Kpeŋga na Yesu alaandi i saa aso i nu, na wo se i ka, “Wɔɔ, u yarada n ti kaan so. Nzu ti ye u sunsunni ti nnyo nnyo a?” ³² Na bu nnyo n kere awura lee n nu, na aŋuma n atara. ³³ Na i susufom bo bu wo lee n nu n kere akansi i, bu ŋa, “A ti Nyeme Wa a, nahore su.”

Kabo Yesu ma tukpakifom beberebe nyaari laifie ni

³⁴ Na ba kpie nzue n aba aju awore n bo bu fere i ka Genesareti ni. ³⁵ Na dofom asi ka Yesu lee, na ba sunma ako ase awore n nufom kere, na ba fa tukpakifom kere aba Yesu do, ³⁶ na ba sere i jande ka i ma bu fa bu saa kan i tanlee n jaa bu. Na bo bu yoori so n kere anya laifie.

15

Yudafom nana sayoowa jore

¹ Na Farasifo nbem, ni Yudafom Nyeme noanie kerefom afite Yerusalem mie kpiri n nu aba Yesu do, aba abisa i ka, ² “Nzu ti ye u susufom n akete ya nam sayoowa n a? Dama bu nmisi ma bu saa ka, na bu nya di diire.” ³ Na Yesu abo bu nu ka, “Nzu ti ye am akete Nyeme noanie maawa n ye am su am dee sayoowam su a? ⁴ Dama Nyeme ama noo ka, ‘Bu u si, ni u ni.’ Ye wo kaaki ase ka, ‘Sono kere bo i jooori i si, ni i ni jore tie, wo yo daka ka bu kun i mi.’ ⁵ Ama, ambere kere ka nzen sono be la deke be bo i ti ye ni ka i fa buka i si, ni i ni, i koro se bu ka, ‘Deke bo ma m ŋa m fa ma am ni, ma fa ayi saraka ama Nyeme.’ ⁶ Am use ka i mi koro kpie i si, ni i ni n nyini deke n lee. Nyini n kere ka am abu Nyeme dee noanie ni ngbeen lee, ye am su am dee sayoowam n su a. ⁷ Ambere burukonufom ni, nahore ye Nyeme noanie kanfo Esaya yo kaanri am jore n a. Wo kere i kadasi n nu ka, Nyeme ŋa o,

⁸ ‘Ahin minem ni, bu ma m jirima bu noo nu bere wo, ama, i wo ma bu ahore su.

⁹ Bu kansu m ngbeen wo, dama bu kere mine adamande dee kereewam wo, na bu se ka nyini kereewa n fite Nyeme do.’”

Kabo Yesu ŋa diire diiwa koro yo ma sono fin ni

¹⁰ Na Yesu afere jama n aba i bi, na wo se bu ka, “Am so am sui na am ti jore n bo m sujoko i ma am n bu. ¹¹ Ma diire bo i wura sono noo nu n yo i fin a, ama, jooowa bo i fite sono noo nu ni, yiri yo i fin a.”

¹² Na i susufom n aba i do, aba abisa i ka, “A si ka u jore n bo a jooori i n asun ma Farasifom n nu e?”

¹³⁻¹⁴ Na Yesu ase i susufom n ka, “Ma am bo bu nu, bu ti ka anyinsinm wo. Anyinsin gusu nya bitaari i berigu anyinsin n kpama, bu kere ko to kunma nu wo. Baka kere bo m Si Nyeme bo i wo aŋgoro n ata ma i, i cin tu i wo.”

¹⁵ Na Petoro ase i ka, “Kere ya anyundera n bu, bo a ŋa sono noanie jooowa yo i fin ni.” ¹⁶ Na Yesu abisa bu ka, “Nka ambere gusu ati ma jore n bu lee? ¹⁷ Deke bo i wura sono noo nu, wura i kunnu wo, na i ko je yi i, ma so? ¹⁸ Ama, jooowa bo i fite sono noo nu fite i ahore su wo, nyini yo i fin a. ¹⁹ Dama deke bo i wo sono ahore su ma i sunsunni tie a. I koro ma i nati sukun minem, na i suyo sakaraya, na i susaaki ajaa ciire, na i suwo, na i nati sudi kore daani, na i nati susaaki minem duma. ²⁰ Nyini dekem kere koro yo sono fin a. Ama, nzen sono di diire na wo nmisi ma i saa, i yo ma i fin.”

Kabo bara bo i ti ma Yudafu yoori Yesu yarada ni

²¹ Na Yesu afite bere ako awore n bo i dodo Tiro ni Sidon mie kpirim ni. ²² Na bara be aba Yesu do, i ti ma Yudafu, i ti Kananafu o, bo i fite nyini awore n nu. Na wo bo afere Yesu, ase i ka, “M Mibie, Feme Davidi anuma, si m aŋunfo. Ajinin wo m wa baabara ŋu, sukere i yaari agaya.” ²³ Ama, Yesu abo ma i nu. Na i susufom n aba i do, aba asere i jande, ase i ka, “Eon bara n na i ko. Nie kabo i su ya su, yo nanmie barasu a.” ²⁴ Na Yesu ase ka, “Nyeme asunma m Yisarelifom bo bu ti ka nbœm na ba mini ni ngumi do a.” ²⁵ Na bara n aba akutu i nyunu, ase i ka, “M Mibie, buka m.” ²⁶ Na Yesu ase i ka, “I ti ma ye ni ka, a fa nbaatumam diire na a fa ma caam.” ²⁷ Na bara n ase i ka, “M Mibie, a la nahore, ama, haari ni nyini mmoo, caam n tambu diire n bo bu fom di, na i toto asiŋgu n na bu fa di.” ²⁸ Na Yesu ase i ka, “A ti bara yaradayofu o, nahore su. Nyini ti, kabo a koro ni, i yo so ma u a.” Dika n nu bere, na i wa n anya laifie.

Kabo Yesu ma mine beberebe nyaari laifite barasu ni

²⁹ Na Yesu afite bere, asu Galili kunma kpiri n su, na wo ko afun atana buka be su. ³⁰ Na jama beberebe afa wobukam, ni anyinsinm, ni bo bu saam ni bu jaam awu ni, ni bobom, ni tukpakifom beberebe, ka i ma bu laifite, na wo ma bu anya laifite. ³¹ Na minem n ayo alekutura, ni kabo bu nuuri ka bobom sujojo, na minem bo bu saam ni bu jaam awu n anya laifite, na wobukam sunati, na anyinsinm suju asi ni, na ba kansi Nyeme n bo bere Yisarelifom su i ni.

Kabo Yesu maari nbiesom akpii nna ni bu minem diire ni

³² Na Yesu afere i susufom ni, na wo se bu ka, "Ahin jama n la m anjunfo, dama i nyuma lesan lee bo bu wo m do na bu la ma deke bo bu di. M koro ma ka m yaki bu na bu ko awuru ni ahoe, ma nyini, bu nbem to cin atin nu wo." ³³ Na i susufom n abisa i ka, "Ye nifansu ye ya nya diire ma ahin jama beberebe n so n na bu di na bu kunnu yi a?" ³⁴ Na Yesu abisa bu ka, "Am la kpono nye wo?" Na ba bo i nu ka, "Ya la kpono nso wo, ni jombaa kan kan nbem." ³⁵ Na Yesu ama jama n nwo ka bu tana asiengu. ³⁶ Na wo fa kpono nso n ni jombaa ni, na wo da Nyeme asi, na wo kpiekpie i nu, na wo fa ama i susufom ni, na bere gusu afa ama jama n ka bu di. ³⁷ Bu kere diiri, na bu kunnu ayi. Na i susufom n atambu sinsin kaawa n kandie nso. ³⁸ Minem bo bu diiri diire ni, nbiesom ngumi ko yasuri akpii nna a, ba kan ma nbaram ni nbaatumam awura ma nu. ³⁹ Na Yesu anya kaari jama ni, na ba ko awuru, na wo nya awura lee nu, ako awore n bo bu fere i ka Magadan n nu.

16

Kabo Yesu keteeri ka i yo ma alekutura sa bo bu koro i ni

¹ Na Farasifom, ni Sadusifom nbem aba Yesu do, na ba koro ka bu so i ngee. Nyini ti, na ba se i ka i yo alekutura sa be bo i kere ka i yiko n fite Nyeme do o. ² Na Yesu ase bu ka, "Sanja bo wie nya ba suto, na am nu ka angoro n kere ayo kokore, a ti ka am na, 'Ahunma dika ni bo, dama i ti kokore wo.' ³ Nzen ngarama fuun, na am nu ka angoro asanja kokore ni biri, a ti ka am na, 'Nyuma nzue to.' Am koro nie angoro n na am si sa bo i ba yo, ama, am koro si ma sam bo bu suyo jina n nu n yiri bu. ⁴ Ambere nyumafu, satieyofom bo am su ma Nyeme ni, ye am koro ka m yo alekutura sa be na am nie? Ai, m yo ma alekutura sa be na am nu i fieo, ma ka alekutura sa n bo Nyeme yo yoori i maari Jona ngumi ni." I seeri so wieeri ni, na wo yaki bu, na wo ko.

Bobowa fa ko Farasifom ni Sadusifom dee kereewam n su

⁵ Sanja bo Yesu susufom n kpie ko juuri kunma kpiri n bue kun do ni, na bu wara afi diire sa, ba bita ma kpono nu. ⁶ Na Yesu ase bu ka, "Am si am nu sa ni Farasifom ni Sadusifom dee kpono ayiri n bo bu fa go kpono nu na i yasu ni." ⁷ Na ba se bu nuju nu ka, "Ya bita ma kpono aba ma n dee ti, ye i se so n a." ⁸ Na Yesu afa nu kabo i susufom n sujojo bu nuju nu ni, na wo se bu ka, "Ambere bo am yarada n ti kaan so ni, nzu ti ye am sujojo am nuju nu ka am bita ma kpono a? ⁹ Am nya ti ma sa n bu, nzen se? Am tenje ma su ka m yo faari kpono nnu kpiekpie maari mine akpii nnu? Ye bo i kaari ni, kandie nye ye am sasaari a? ¹⁰ Ye kpono nso n bo m yo fa kpiekpie maari mine akpii nna n di? Kandie nye ye am sasaari a? ¹¹ Ye nzu ti ye am si ma ka m sujojo ma kpono jore a? M na am si am nu sa ni Farasifom ni Sadusifom dee kpono ayiri n bo bu fa go kpono nu na i yasu ni." ¹² Na ba nya asi ka i suse ma bu ka bu si bu nu sa ni Farasifom ni Sadusifom dee kpono ayiri n wo, ama, i na bu si bu nu sa fa ko bu kereewa n dee atin su wo.

Kabo Petoro keteeri ka Yesu ti barasu ni

¹³ Sanja bo Yesu fa ba juuri Sizariya Filipiya dee mie kan kanm su ni, na wo bisa i susufom ka, "Minem fa mini Adamande Wa n bu nma a?" ¹⁴ Na ba bo i nu ka, "Nbem na woro la Yohane Nyeme Nzue Biefo n a, nbem na woro la Nyeme noanie kanfo Eliya, nbem na woro la Nyeme noanie kanfo Jeremiya, ye nbem gusu na a ti dawo de Eliya noanie kanfo nyingam n kun wo." ¹⁵ Na wo nya abisa bu bekun ka, "Ye ambere fa m bu nma a?" ¹⁶ Na Simon Petoro abo i nu ka, "Woro ti Kristo Tiidefo n a, Nyeme n bo i wo bere sanja kere n dee Wa ni." ¹⁷ Na Yesu ase i ka, "Simon Jona wa, terefie wo u do. Dama ma adamande yiiri ahin jore n bu keteeri u ka a jojo a, ama, m Si Nyeme bo i wo angoro ni yi keteeri u a. ¹⁸ Nyini ti, m suse u wo lee ka, woro ti Petoro a, u duma bu la ka yabue ni. Nyini yabue n su ye m ma m jama minem kere jina a, na yiwee mmoo koro yo ma bu pui. ¹⁹ M fa Nyeme femeya n ano kadombaam ma u, na deke kere bo a ma minem atin ka bu yo i durunya n nu fen, i ti so o lee, Nyeme do. Na deke kere bo a

ma má minem atin ka bu yo i durunya n nu fen, i kaaki ti so o lee, Nyeme do." ²⁰ Nyini sin, na Yesu abobo i susufom ni ka má bu ma be si ka yiri ti Kristo Tiidefo n a.

Kabo Yesu jajo fa koori i yiwee n su ni

²¹ Fite nyini sangha n fa ko, na Yesu abo i bu sukere i susufom n ka, "Wo yo daka ka m ko Yerusalem na m ko di wahara donggu fite Yudafom nkpienkpienm, ni Nyeme sayoowa donguyofa nkpienkpienm, ni Nyeme noanie kerefom do na bu kun m. Ama, na i lesan ceen, na Nyeme má m tenje m yiwee n nu." ²² Na Petoro afa i ako aheme, na wo jaraki i ase i ka, "M Mibie, má a se ka a se so, Nyeme yo u kisi ni nyini sa ni. Nyini koro yo má ceen be da." ²³ Na Yesu ace anie Petoro na wo tien i nu ase i ka, "Sitana, fa cinsi m bi bere. A sukanda m atin wo. A sunsun má kabo Nyeme sunsun ni. A sunsun kabo adamane sunsun n wo."

²⁴ Na Yesu ase i susufom n ka, "Sono kere bo i koro ka i su m su, wo yo daka ka i mi wara fi i tienngu sa koroowa sa, na i fa i yiwee baka jaanu n so, na i su m su. ²⁵ Dama sono kere bo i koro ka i fa i ngoo fie, i mi ba fun i. Ama, sono kere bo i toori i ngoo mini ni m labari kpa n dee ti, i mi nya ngoo. ²⁶ Nzen sono nyaari durunya n nu deke n kere, na i fuunri i ngoo, i kperere la bono? Nzu deke ye sono fa kaaki i ngoo a? ²⁷ Dama mini Adamande Wa ni ba ba ni m Si Nyeme jirima woowa n nu, ni i merkem ni, na m nya to sono kere kaari, kabo i juma, wara i sayoowa ti barasu. ²⁸ Nahore ye m suse am n a, am nbem wo fen bo am wo má, má ka am aba anju ka mini Adamande Wa ni suba ka m ba nie m femeya n su."

17

Kabo Yesu nunie kaakiiri wo barasu ni

¹ Lesen ceen sin na Yesu afa Petoro, ni Yakobo, ni yiri Yakobo niema Yohane, afun ako buka lennge be su, bu ni yiri ngumi. ² Bu woori do n na ba nu ka i nunie akaaki wo, na i nyunuawa aje ka wie, na i tanlee n akaaki fofoe papasi. ³ Do na ba nu mine nnyo nbem atie bu nu, na bu ni Yesu subo anzama, bere la Moyisi ni Eliya, dawa dee Nyeme noanie kanfom ni. ⁴ Na Petoro ase Yesu ka, "M Mibie, i ti kpa ka na ya wo fen. Nzen má a soro su, m bo nambue nsan fen, u dee kun, Moyisi kun, na Eliya gusu dee kun." ⁵ Sangha bo i jina wo jooori su n na yinyingu papasi akata bu nu, na ba ti akonvi be nga yinyingu n nu, na wo jajo bu do, i na, "M wa koroowa lee bo m ahore ajo i nu. Am de i noanie." ⁶ I susufom n tiiri akonvi ni nga so ni, na sere ati bu agaya, na ba butu asiengu. ⁷ Na Yesu aba afa i saa akan bu, na wo se ka, "Má am ma sere ti am, am yasu." ⁸ Na ba ye bu tii su anie, ba nu má sono be kun, má ka Yesu ngumi.

⁹ Na sangha bo bu ba sujara buka n su ni, na Yesu abobo bu ka, "Má am be se ka i bo sa n bo am anju i n sufa kere sono be, haari fa ko sangha bo mini Adamande Wa ni ba wu na Nyeme bá ma m tenje m yiwee n nu ka." ¹⁰ Do na i susufom n abisa i ka, "Ye nzu ti ye Nyeme noanie kerefom n bita jajo ka wo yo daka ka Eliya dú mo ba ka, ye Kristo Tiidefo ni ba ba n a?" ¹¹ Na wo bo bu nu ka, "I ti nahore wo ka, Eliya dú mo ba na i ba sese deke n kere su. ¹² Ama, m suse am wo lee, ka, Eliya adu mo aba, na minem asi má i, na ba yo i kabo bu koro. So ye mini Adamande Wa n gusu bá di wahara minem saa nu a." ¹³ Do na i susufom n anya asi ka i jajo Yohane Nyeme Nzue Biefo n dee jore wo.

Kabo Yesu fon yiiri ajini fiteeri baa be nu ni

¹⁴ Sangha bo Yesu ni i susufom nsanm ni kpieeri bu nyi ba juuri jama n bi ni, na sono be aba akutu i nyunu, ¹⁵ ase i ka, "M Mibie, si m wa baabieso n anjumo. I to nggbiti wo, bo i di wahara agaya. Sangha kere bo i nya ba yasu i nu, i fa i wura sin nu wo, wara nzue nu. ¹⁶ Ma fa i aba u susufom n do lee ka bu ma i nya laifie, ama, ba koro atuntun má i na i nya laifie." ¹⁷ Na Yesu ase bu ka, "Amaa. Ambere satieyofom, am la má yarada fieo. Nyuma sa ye m wo am do fen a? Ye m yo sawore ni ambere ko ju se wo? Am fa baa n ba ma m fen." ¹⁸ Na Yesu atien ajini n nu, na wo fite ayaki baa ni. Dika n nu bere, na baa n anya laifie.

¹⁹ Nyini sin na Yesu susufom n aba i do, bere ngumi, aba abisa i ka, "Nzu ti ye yere akoro afon má nyini ajini n a?" ²⁰ Na Yesu abo bu nu ka, "I fite ka am yarada ni kaan so n dee ti a. Nahore ye m suse am n a, nzen am yoori Nyeme yarada bo i ko juuri kabo nyem mbaa ti ni mmoo, am koro se nyini buka n ka, 'Fite fen ko do,' na i ko. Deke wo má bere bo i yo kekereke ma am. [²¹ Ama, nyini ajini n nusu so koro fite yaki má sono ngbeen so, má ka nyemesere ni nso cici.]"

Kabo Yesu jajo fa koori i yiwee n su bekun ni

²² Sangha bo i susufom ba tienri bu nso Galili awore n nu ni, na Yesu ase bu ka, "Bu ba to mini Adamande Wa n ma mine nbem, ²³ na bu kun m, ama, bu kuunri m wiewi,

i lesan ceen, Nyeme má m tenge m yiwee n nu.” I jójóri so ni, na i susufom n ahore asaaki agaya.

Kabo Yesu tóori Nyeme Sereebiri Awuru n nu lampo kaari ni

²⁴ Sanga bo Yesu ni i susufom n ba juuri Kapenam mie kpiri n nu ni, na Nyeme Sereebiri Awuru n nu lampodefom n aba Petoro do, aba abisa i ka, “Am kprien n to Nyeme Sereebiri Awuru n nu lampo kaari, nzen i to má?” ²⁵ Na Petoro abo i nu ka, “I to wanla.” Sanga bo Petoro ko juuri awuru n nu n na Yesu adu mo abisa i do ka, “Simon, ye woro na se wo? Nmam to lampo njwaa ma durunya n nu fen nfemem a, mienbaam nzen wofom?” ²⁶ Na Petoro abo i nu ka, “Wofom.” Na Yesu ase i ka, “Nzen i nya tiiri so de, mienbaam to má lee. ²⁷ Ama, yere koro má ka ya wura bu ngasi nu. Nyini ti, ko kunma kpiri n nu na a ko fa u kuwa n ji nu, jombaa kere bo a du mo taraari i, nie i noo nu, a nju njwaa bo i ju mini ni woro dee Nyeme Sereebiri Awuru n nu lampo njwaa to. Fa i na a fa ko to mini ni woro tii su kaari.”

18

Kabo Yesu kereeri sono bo i tara bu kere ni

¹ Nyini sanga ni, na Yesu susufom n aba i do, aba abisa i ka, “Nma yo ya kere tii Nyeme femeya n nu a?” ² Do na Yesu afere baa kaan be, aba ajina bu afien. ³ Na wo se ka, “Nahore ye m suse am n a, am wura má Nyeme femeya n nu, má ka am kaaki am wo na am yo am nju ka baatuma kaan. ⁴ Nyini ti, sono kere bo i yo i nju kaan ka ahin baa ni, yiri ti minem kere tii Nyeme femeya n nu a. ⁵ Sono kere bo i deeri ahin baakan n nusu m dee ti, wo de mini wo lee.”

Kabo wo yo daka ka má sono wura satie nu ni

⁶ Na Yesu akaaki ase ka, “Woro kere bo u sayoowa ma ahin nbaatuma kan kanm n be bo i yo m yarada n be wuraari satie nu ni, i ti má kpa. Nzen má bu faari ngani san yabue bambaka ciciiri u kom na bu fa u ko tu tieku nu ka nzue di u, i ti ye tara bo a ma ahin nbaatuma kan kanm n be wura satie nu ni. ⁷ Durunya n nufom ba nju anyumboro, dama bu yo sam bo bu ma mine kaaki bu sin bo m dee atin n wo. Nyini sam ni yo wo, sanga kere, ama, sono kere bo i ma nyini sam yoori ni, yiri ba nju anyumboro.

⁸ Nzen u saa, wara u jaa cin u wura satie nu a, kaba kpie i fa tu na a ka asaasin, wara, ajaasin, na a nya u nju ko Nyeme do. I ti ye ni bo a la u saa nnyo ni u jaa nnyo n kere, na bu ba fa u tu ceema sin n bo i no má n nu. ⁹ Nzen u nyumbaa kun gusu cin u wura satie nu a, lokoti yi i tu na a ka anyunu kun, na a nya u nju ko Nyeme do. I ti ye ni bo a la u nyumbaa nnyo n kere na bu ba fa u tu ceema sin nu ni.”

Mienu fa ko bce bo wo mini n su ni

¹⁰ Na Yesu ase ka, “Má am se ka am bu ahin nbaatuma kan kanm n be ngbeen. M suse am wo lee, ka, bu dee merkem bo bu wo angoro ni, wo m Si Nyeme nyunu sanga kere a. [¹¹ Dama, mini Adamande Wa n baari ka m ba nienie bo ba mini n wo, na m de bu tii ji.]

¹² Nzen sono la nboem yaa, na bu nu kun miniiri, am sunsun ka i yo se wo? I yaki aburangona ni ngona n wura diibiri kpere n su, na i ko nienie kun n bo wo mini ni, má so? ¹³ Nahore ye m suse am n a, nzen i nienie ko njuuri nyini kun ni, i ahore jo i nju tara aburangona ni ngona n bo ba mini má ni. ¹⁴ I ti so o lee, am Si Nyeme bo i wo angoro n do, i koro má ka ahin nbaatumam kun n kpein mmoo mini.”

Kabo ya niwa yo ya satie na ya yo barasu ni

¹⁵ Na Yesu akaaki ase ka, “Nzen woro kere bo u niwa yoori u satie be, ko i do na u ni yiri mine nnyo ni ngumi, na a se i ka wo yo u satie. Nzen i tiiri i bu ka wo yo u satie, i toko ti u niwa lee. ¹⁶ Ama, nzen i keteeri, yo anie na a nya sono kun, wara mine nnyo buka u nju su, na am ko nju i, adena mine nnyo, wara mine nsan n bo ba ti jore n yo u daanifom. ¹⁷ Nzen i keteeri bere gusu, na a nya fa i sereya n ko Kristo jama n kere do. Nzen i nya keteeri Kristo jama ni, am fa i ka sono bo i su má Nyeme, wara satieyofa bo wo kete ka i kaaki má i wo lee.”

¹⁸ Na Yesu akaaki ase ka, “Nahore ye m suse am n a, deke kere bo am ma minem atin ka bu yo i durunya n nu fen, i ti so o lee Nyeme do, na deke kere bo am ma má minem atin ka bu yo i durunya n nu, i kaaki ti so o lee Nyeme do.

¹⁹ Nahore ye m suse am bekun n a, sanga kere bo am mine nnyo yoori am nookun, na am sereeri m Si Nyeme deke be, i yo i ma am. ²⁰ Dama deke kere bo mine nnyo, wara nsan tieenri bu noo m dee duma n nu, m wo bu do.”

Mienu fa ko kaari bitafon nnyo nbem su ni

²¹ Nyini sin na Petoro aba Yesu do, aba abisa i ka, "M Mibie, nzen m niwa nati yo m satie sanja kere, kpe nye ye m fa i satie ce i a? Kpe nso, nzen se?" ²² Na Yesu abo i nu ka, "Ai, m suse u wo lee ka, ma kpe nso co, ama, kpe aburasoso busu nso." ²³ Na Yesu akaaki ase ka, "Nyini ti, kabo Nyeme femeya n ti yaa. Feme be yo woori bere a, ceen n be na wo se ka i bu akunta ni i akoo bo bu wo i do yo juma ni, na i si nwaa bo bu bita i. ²⁴ Sanga bo i boori i bu na i bu akunta ni, na ba fa i akoo n kun be bo i bita i nwaa kaari bo i la ma noo, aba i do. ²⁵ Kabo nwaa n sunnu so na i koro to ma kaari n ni, na feme n ama noo ka bu to i ni i yi, ni i nbaam, ni i deke kere bo i la i, na bu fa to kaari ni. ²⁶ Na akoo n akutu i mibie n nyunu asienggu, asere i ka, 'Jande, si m anjuno, na m ko nienie nwaa n na m ba to kaari ni.' ²⁷ Na i mibie n asi i anjuno, na wo fa kaari n ace i, na wo yaki i aji. ²⁸ I fiteeri bere, na i ni i benggu akoo n kun be bo i gusu bita i kaari n aye, i dee n sunnu ma fieo. Na wo so i benggu n kom nu amie i, na wo se i ka, 'To m kaari n kisa kisa bere.' ²⁹ Na i benggu n akutu haari asienggu, asere i ka, 'Jande, si m anjuno, na m ko nienie u nwaa na m ba to u kaari.' ³⁰ Ama, na wo kete, na wo ko anyi i benggu n saraka, na wo se i ka ma ka wo to i kaari ni. ³¹ I benggu nyingam juuri sa n bo wo yo i n so ni, na bu ahore asaaki agaya, na ba ko ase feme n sa n bo wo yo i n kere. ³² Do na feme n afere i, ase i ka, 'Woro satieyofu ngbeen ni, a sereeri m dee ti, ye m yakiiri u kaari n kere bo a bita i n fa ceeri u a. ³³ Ama, na wo daka ka woro mmoosiiri u benggu n anjuno na a fa ce i, kabo m juuri u anjuno na m fa ceeri u ni.' ³⁴ Na yaa ati feme n agaya, na wo ma bu afa nyini akoo n ako anyi i saraka, ka i ko di wahara do, haari fa ko ju sanga bo i ba to kaari n kere wie." ³⁵ Na Yesu ase bu ka, "Nzen am afa ma am bengum satie ace ma bu am ahore su, so ye m Si Nyeme bo i wo angoro ni cin am sui a."

19

Kabo Yesu kereeri minem fa ko ajaa ni ajaa yaki atin su ni

¹ Sanga bo Yesu jooori ahin jorem n kere wieeri ni, na wo yasu Galili awore n nu, ako Yudiya dee awore n nu, na wo ko akpie Yodan kunma n bukun do. ² Na jama beberebe asu i su, na wo ma tukpakifom bo bu wo jama n nu n anya laifie.

³ Na Farasifo nbem aba i do, ka bu ba so i ngee fa ko i noanie jooowa n su, na ba bisa i ka, "Ya dee atin n su, atin wo nu ka sono koro fa i yi ji deke be dee ti?" ⁴ Na Yesu abo bu nu ka, "Ye ba kere i Nyeme Jore Kadasi n nu se wo? Ba kere ka, fite durunya n bumboori, sanga n bo Nyeme yiiri adamande ni, i yiiri bieso ni bara wo, ⁵ na wo se ka, 'Nyini dee ti, i ti ye ni ka bieso n kpaaki i gisan yaki i si ni i ni, na i ni i yi n sanga wo. Nyini sanga, bu mine nnyo n ayo deke kun lee.' ⁶ Bu wo ma bu ngungumi kun. Nyini ti, deke bo Nyeme anya asanga i awie, ma sono kpaaki i nu kun." ⁷ Na ba bisa Yesu bekun ka, "Ye nzu ti ye Moyisi yo maari atin ka, nzen sono koro ka i fa i yi ji, i ti ye ni ka i mi ma bara n ajaa yaki kadasi ka, na i nya fa i ji a?" ⁸ Na Yesu abo bu nu ka, "Am ahorembaa kekereke n dee ti, ye Moyisi yo maari am nyini atin n a. Ama, fite durunya n bumboori, i yo ti ma so. ⁹ M suse am wo lee, ka, sono kere bo i faari i yi jiiri, na wo yo ma ka bara n ako somaya ye i fa i jiiri, na i jaari bara fofore, i mi n asaaki ajaa ciire lee."

¹⁰ Na i susufom n ase i ka, "Nzen i nya tiiri so yiri, fa ko bieso ni bara do, i ti kpa ka ma be ja ajaa." ¹¹ Na wo se bu ka, "Ma sono kere koro su ahin noanie n su a, ma ka bere bo Nyeme adu mo afa ama bu ni. ¹² Dama deke bo i ti na mine nbem ja ma ajaa n la ka, bu bieso dika yo ma juma n dee ti, nbem gusu, ba sa bu wo, ye nbem gusu kete ajaa fa ko Nyeme femeya n jore dee ti. Nyini ti, sono kere bo i koro de ahin noanie ni, i mi de i."

Kabo Yesu yoori nbaatumam kisi barasu ni

¹³ Na mine nbem afa nbaatumam aba Yesu do, ka i fa i saa nana bu nu na i sere Nyeme ma bu. Ama, na i susufom n atien minem ni nu. ¹⁴ Na Yesu ase bu ka, "Am ma nbaatumam n bra m do, ma am fon bu. Dama bere nusu so ye Nyeme femeya n ti bu dee a." ¹⁵ Na wo fa i saa anana bu nu na wo yo bu kisi, na wo nya afite bere ako.

Gbefene nenjefo n ni i nyemesu jore

¹⁶ Ceen be, na gbefene be aba Yesu do, aba abisa i ka, "Ya Kerefo, m yo nzu sakpa ye m ba nya ngoo n bo i la ma awieeri n a?" ¹⁷ Na Yesu abo i nu ka, "Nzu ti ye a bisa m fa ko deke bo i ti sakpa su a? Sono kun n kpein wo bere bo i ti kpa. Nzen a koro ka a nya ngoo, su Nyeme noanie maawam n su." ¹⁸ Na wo bisa Yesu ka, "Noanie maawa nbomom?" Na Yesu abo i nu ka, "Ma a kun sono. Ma a saaki ajaa ciire. Ma a wo. Ma a di kore daani. ¹⁹ Bu u si ni u ni. Koro u benggu kabo a koro u nu ni." ²⁰ Na gbefene n ase i ka, "Ma su nyini noanie maawa n kere su, ye nzu kaari a?" ²¹ Na Yesu ase i ka, "Nzen

a koro ka u woowa n ti kabo Nyeme koro ka i ti n wo, ko na a ko to u aja kere, na a fa njwaa n ma yaarifom, na a ba nya ajeke Nyeme do, na a bra, ba su m su.”²² Sangga bo gbefene n tiiri nyini so ni, na wo yasu ako ni ahoresaaki, dama i la nenge agaya n dee ti.

²³ Na Yesu ase i susufom n ka, “Nahore ye m suse am n a, i yo kekereke ni bo nengefowura Nyeme femeya n nu.”²⁴ M suse am wo bekun lee ka, kabo nyoma sin misini bue nu ni, i ti ma kekereke tara ma kabo nengefowura na i wura Nyeme femeya n nu ni.”²⁵ Sangga bo Yesu susufom n tiiri nyini n so ni, na ba yo alekutura agaya, na ba bisa i ka, “Ye nzen i ti so, njma koro fite nu a?”²⁶ Na Yesu anie bu do, na wo se ka, “Ahin ti deke bo adamande koro yo ma i, ama, Nyeme do, i ti ma pui, dama Nyeme koro yo deke kere.”

²⁷ Na Petoro ase i ka, “To, ye yere ayaki deke kere susu u su e. Ye ya nya nzu wo?”²⁸ Na Yesu ase bu ka, “Nahore ye m suse am n a, sangga bo mini Adamande Wa n ba tanaari m jirima tanaabiri n durunya fofore n nu, m ma ambere bo am asu m su ni tana femeya bie buru ni nnyom n su, na am nie Yisarelifom ano buru ni nnyom n su.”²⁹ Na sono kere bo i yakiiri i awuru, wara i ninbaam, wara i si, ni i ni, wara i nbaam, wara i asienn, mini dee ti, i mi nya nyini n kere njusu yaa i ngoo su, na i kaaki nya ngoo bo i la ma awieeri.³⁰ Am mine dongu bo bu wo mo kisa ni ba ka sin, na bo bu ka sin kisa n ba du mo.”

20

Mienu fa ko fie fo be ni i npadifom su ni

¹ Na Yesu akaaki ase ka, “Nyeme femeya n ti ka sono be bo i yasuuri alecin ngarama fuun, ka i ko nienie npadifom na bu ko yo i fie juma n wo.”² Na i ni bere adi go, na wo soro su ka i to bu lekun jumayoowa njato, jete njwaa kun. Na wo fa bu ako fie n su.³ Na fa ko kerefi ngona sangga, na wo kaaki ako anju ka mine nbem tana goosu, bu yo ma pui.⁴ Na wo se bu ka, ‘Am ma ya ko m fie n su, na am ko yo m juma, na m to am kaari, kabo am jumayoowa ti barasu.’⁵ Nyini ti, na ba ko. Na kerefi buru ni nnyo sangga, na wo kaaki ako goosu, ako anju ka mine nbem jina, na wo fa bu ako i fie n su. Na kerefi nsan sangga, na wo yo so bekun.⁶ Na fa ko naaso kerefi nnu sangga, na wo ko anju ka mine nbem jina ngbeen, bu yo ma pui. Na wo bisa bu ka, ‘Nzu ti ye am ba jina fen ngarama kun kere ngbeen so, na am yo ma pui a?’⁷ Na ba bo i nu ka, ‘Be afa ma ya ka ya yo i juma.’ Na wo se bu ka bere gusu ko na bu ko yo juma i fie n su.⁸ Sangga bo wie ba toori n na fiefo n fere i juma niesufo n na wo se i ka, ‘Fere jumayofom n kere na a to bu kaari. Bo i bu to bo bu baari kasin n ka, na a nya ba to bo bu duuri mo baari ni.’⁹ Na bo bu baari ka sin n kere aba, na wo to bu jete njwaa kun kun.¹⁰ Sangga bo i ba kpuraari bo bu duuri mo baari ni, bu sunsuunri ka bu dee njato tara bo bu kaari sin baari n dee n wo. Ama, bu toori bu kere jete njwaa kun kun wo, kabo bu toori kasinfom ni.¹¹ Bu deeri njwaa wieeri so ni, na ba njunuti fie n fo ni.¹² Bu nj, ‘A to kasinfom bo ba yo ma juma kpa be ni njato nyunyumi, na kabo a toori bu ni, a to yere gusu bo ya baari ngarama kun kere, na ya ba adi yaari, na wie abo ya n gusu so o.’¹³ Ama, na fie n fo n abo nu, ase bu kun ka, ‘M don, ti fen, ma sisi ma am e. Bo mini si i n la ka, am soroori su ka am yo lekun juma, na am de jete njwaa kun wo.’¹⁴ Nyini ti, de u njwaa na a ko. M koro ka m ma kasinfo n kabo m maari u n wo.¹⁵ M la ma atin ka m yo m njwaa kabo m koro, nzen se? Wara, a si m kore fa ko m sakpa bo ma yo i n wo?”¹⁶ Na Yesu ase bu ka, “Ahin mienu n bu la ka, minem bo ba ka sin kisa ni, ba du mo, na bo ba du mo kisa n ba ka sin.”

Kabo Yesu jojo fa koori i yiwee n su kpe nsan su ni

¹⁷ Sangga bo Yesu ni i susufom, ni jama n sukoo Yerusalem mie kpri n nu ni, bu wo ko su so ni, na wo fere i susufo buru ni nnyom n ako aheme, na wo se bu ka,¹⁸ “Am ti fen. Ya sukoo Yerusalem lee, do ye bu ko tara mini Adamande Wa n a, na bu fa ma Nyeme sayoowa donyayofom nkpienkpienn ni, ni Nyeme noanie kerefom ni, na bu di m jore, na bu soro su ka bu kun m.”¹⁹ Na bere gusu nya fa m wura minem bo bu ti ma Yudafom saa nu, na bu yo m anzasi, na bu fin m ngbere, na bu nya kpama m baka jaanu n su na m wu, na i lesan een, na Nyeme ma m tenge m yiwee n nu.”

Kabo Yesu kereeri ka mfo yo i nj kaan ni

²⁰ Na Zebedi yi afa i nbaa nnyom n aba akutu Yesu nyunu, asere i ahoroma ka i yo sa be ma i.²¹ Na Yesu abisa i ka, “A koro ka m yo nzu ma u a?” Na bara n abo i nu ka, “M koro ka a ma noo ka sangga bo a ba diiri u femeya ni, a ma m ahin nbaa nnyom ni atin na bu nu kun tana u saa fomboro su, na kun gusu tana u saa bie su.”²² Na Yesu ase bu ka, “Am si ma deke bo am susere i n ti a. Am koro di wahara n bo m di i ni?” Na ba bo

i nu ka, “Ἐεν, ya koro yo i kerε.” ²³ Na Yesu ase bu ka, “Nahore, am dí wahara n bo m dí i ni. Ama, mini la má atin bo m má am be tana m saa fomborɔ su, na be tana m saa bie su. Ama, m Si Nyeme asese nyini tanaabiri n su, afa ase minem bo yiri ni i tii ayi bu n a.”

²⁴ Saŋga bo i susufɔ burum n ba tiiri kabo Zebedi nbaa nnyom n seeri Yesu ni, na ba fa yaa bu nu. ²⁵ Na Yesu afere bu kerε aba i bi, na wɔ se bu ka, “Am si tenle su ka minem bo bu su má Nyeme, na bu yo bu nu nkpienkpienm ni, bere mie bu minem a, na bu tereterefom gusu kere kabo bu yiko ti barasu. ²⁶ Ama, i ti má ye ni ka ambere yo so. Nzen sɔno bo i koro ka i wura i nu kpiri am kere nu, wɔ yo daka ka i mi yo i nu kaan, na i su am. ²⁷ Na bo i kaaki koro ka i yo am mofɔ, i ti ye ni ka i mi yo am kere akɔ, ²⁸ kabo mini Adamande Wa n ni m tii aba má ka minem su m ni, ama, m baari ka m ba su minem wɔ, na m wu ma bu, na m de mine donɔgu tii ji.”

Kabo Yesu tuntuunri anyinsin nnyɔ nbem na bu nuuri asi ni

²⁹ Saŋga bo Yesu, ni i susufom ni sufite mie kpiri n bo bu fere i ka Yeriko ni, na jama beberebe asu bu su. ³⁰ Bu sukɔ ni, anyinsin nnyɔ nbem tana atin n nɔɔ su. Saŋga bo bu tiiri ka Yesu susin ni, na ba bo afere i, bu ŋa, “Ya Mibie, Feme Davidi anuma, si ya aɔunfo.” ³¹ Na jama n atien bu nu ka bu yaki nanmie. Ama, na ba kaaki abo afere abuka su ka, “Ya Mibie, Feme Davidi anuma, si ya aɔunfo.” ³² Na Yesu aka ajina, na wɔ fere bu, na wɔ bisa bu ka, “Am koro ka m yo nzu ma am a?” ³³ Na ba bo i nu ka, “Ya Mibie, ya koro ka a ma ya nu asi wɔ.” ³⁴ Na Yesu asi bu aɔunfo, na wɔ fa i saa akan bu nyumbaa ni, kpenɔga na ba nu asi, na ba su i su.

21

Kabo Yesu fuunri kaako wuraari Yerusalem ka femε dεε su ni

¹ Bu kɔ ŋa bu dodo Yerusalem mie kpiri n nu, na bu ŋa bu wura mie n bo bu fere i ka Befage ni, nyini mie n dodo buka n bo bu fere i ka Oliva Buka n wɔ, dama oliva bakam go su wɔ. Do na Yesu asunma i susufom n nu nnyɔ, ² na wɔ se bu ka, “Am kɔ mie kaan n bo i wo am nyunu do ni, am kɔ juuri, am nu ka kaako be minda, i wa jina i bi bere. Am nyanɔi i ni baa n kere bra. ³ Nzen be bisaari am ka nzu ti ye am sunyanɔi i a, am se i ka Mibie ni koro bu a, na i má am kaaki fa bu ba kisa kisa.”

⁴ Ahin yoori sɔɔ, adena Nyeme noanie kanfo n noanie n bo i yo jɔɔori i n yo yiiwa a, i ŋa,

⁵ “Se Siyonfom ka,

Am nie, am femε ni suba n a.

Wɔ yo i nu taraka, i fun kaako wɔ.”

⁶ Na i susufom n ako ayo kabo i seeri bu ni. ⁷ Na ba fa kaako n ni i wa n aba, na ba fa bu suturam anana bu nu, na Yesu afun atana su. ⁸ Na mine beberebe afa bu suturam atereki ase atin n nu, na nbem gusu abubu nyawa asese atin n nu. ⁹ Na jamam bo bu du i nyunu n ni bo bu wo i sin n kere, subo kuyigindi, bu ŋa, “Hosana. Ya kansi Feme Davidi anuma ni.

Terefie wo yiri n bo i suba Micera n dεε duma n nu n do.

Ya kansi Nyeme bo i wo angoro ni.”

¹⁰ Yesu kɔ wuraari Yerusalem ni, na mie n abo nu, na ba bisa ka, “Ye sɔno bono la ahin a?” ¹¹ Na jama n abɔ nu ka, “Ahin ti Yesu wɔ, Nyeme noanie kanfo n bo i fite Nazareti mie n bo i wo Galili awore n nu ni.”

Kabo Yesu fɔnri watafom fiteeri Nyeme Sereebiri Awuru n nu ni

¹² Na Yesu ako awura Nyeme Sereebiri Awuru n nu, na wɔ fɔn nenɔge tofom ni tofom kere afite awuru n nu, na wɔ kaaki ŋwaa kaakifom teebirim, ni tiiwa tofom biem kere alanlanga. ¹³ Na wɔ se bu ka, “Ba kere i Nyeme Jore Kadasi n nu ka, Nyeme ŋa o, ‘M awuru ni, bu bá fere i ka awuru bo bu bá sere Nyeme nu wɔ.’ Ama, ambere afa i yo awiefom fieebiri.”

¹⁴ Na anyinsinm, ni wɔbukam aba i do, Nyeme Sereebiri Awuru n nu, na wɔ ma bu anya laifie. ¹⁵ Saŋga bo Nyeme sayoowa donɔguyofɔ nkpienkpienm, ni Nyeme noanie kerefom n nuuri sam n bo i yoori bu ni, ni kabo nbaatumam bo bu woori Nyeme Sereebiri Awuru n nu bo tuntuunri i ka, “Hosana. Ya kansi Feme Davidi anuma ni,” na yaa ati bu. ¹⁶ Nyini ti, na ba bisa Yesu ka, “A ti kabo nbaatumam n ase ni e?” Na Yesu abo bu nu ka, “Ἐεν, ma ti. Am nya kan má kabo ba kere i Nyeme Jore Kadasi n nu n wɔ? Bo ba kere ka,

‘Wɔɔ Nyeme ye a kere nbaatumam, ni nbaatuma kan kanm,

kabo bu kansi u nahore su a.’”

17 Na Yesu ayaki bu bere, na wo fite mie n nu ako Betani mie n nu, ako ada do.

Kabo Yesu yoori damba baka be ngbeen ni

18 I alecin ngarama fuun, na Yesu sukpie i nyi ko Yerusalem mie n kunnu, na ahoe ati i. 19 Na wo nie anu damba baka be, atin n noo, na wo ko anie ka i nya suuwa n be di. Ama, i ko juuri baka n bu ni, wo ngu ma pui su, se nyawa ngumi a. Do na wo se baka n ka, "Sin nyuma sin, woro su ma suuwa kun." Dika n nu bere, na baka n akaba awu. 20 Sangga bo i susufom n juuri nyini n so ni, na ba yo alekutura. Na ba bisa i ka, "Nzu ti ye baka n wuuri ndende so a?" 21 Na Yesu abo bu nu ka, "Nahore ye m suse am n a, woro kere bo a yoori Nyeme yarada na a yo ma sika, a koro yo sa n bo ma fa ayo ahin damba baka n be. Ma ahin ni ngumi, haari nzen a seeri ahin buka n ka, 'Yasu ko tieku n nu,' i yo so o. 22 Nzen am yoori yarada, deke kere bo am sere Nyeme ka am koro i, Nyeme yo i ma am."

Kabo bu bisaari Yesu deke bo i yiko n fite ni

23 Na Yesu akpie i nyi aba awura Nyeme Sereebiri Awuru n nu, na i sukere minem. I wo kere su so n na Nyeme sayoowa donguyofom, ni Yudafoim nkpienkpienm aba i do, na ba bisa i ka, "Nma dee yiko nu ye a yo nyini sam kere a? Nma ma u nyini yiko ni, ye a yo nyini sam n a?" 24 Na Yesu abo bu nu, ase bu ka, "Am ma m du mo bisa am bisaawa kun be ka, na nzen am boori m nu, na m gusu nya se am deke bo m yiko n fite. 25 Nma maari Yohane atin ye i ba bieeri minem Nyeme nze n a? Nyeme nzen adamande?" Na ba se akuruwa bu nju nu, kabo bu bo Yesu nu barasu. Bu na, "Nzen ya se i ka Nyeme maari i atin a, i bisa ya ka ye nzu ti ye ya da ma Yohane ngu a?" 26 Ama, nzen ya seeri i ka adamande do, ya soro sere ka jama ni yaki ma ya. Ma pui ti, dama sono kere soroori su ka Yohane yo tiiri Nyeme noanie kanfo o nahore su." 27 Nyini ti, na ba bo i nu ka, "Ya si ma." Na yiri gusu ase bu ka, "Mini mmoo se ma am sono bo i dee yiko nu na m yo ahin sam n kere ni."

Mienu fa ko sono be ni i nbaa nnyo nbem su

28 Na Yesu abisa bu ka, "Am sunsun ka ahin mienu bu la ka se wo lee? Sono be yo woori bere a, i la nbaabiesom nnyo. Ceen be na wo ko kpian n do, ako ase i ka, 'M wa, ko baka suuwam fie n nu, na a ko yo juma nyuma.' 29 Na baa n ase i ka, 'M ko ma.' Ama, kasin, na baa n aba akaaki i sunsunni, na wo ko. 30 Na wo ko nyinga n do, ako ase i gusu. Na baa n ase i ka, 'Ma ti, m ko.' Ama, wo ko ma. 31 To, bu mine nnyom n nu, nma yoori i si n sa koroowa?" Na ba bo i nu ka, "Baakpien ni." Do na Yesu ase bu ka, "Nahore ye m suse am n a, lampodefoim ni sakaram kere sufa Nyeme yo bu feme yaki am. 32 Dama ka, Yohane baari ka i ba kere am sa bo i ko atin su Nyeme do o, ama, am ayo ma i yarada, na lampodefoim ni sakaram, bere ayo i. Haari ni bo am juuri kabo bu yoori yarada ni, am akaaki ma am wo, na am yo i yarada."

Kabo Yesu boori mienu niiri Yudafoim nkpienkpienm ni

33 Na Yesu ase bu ka, "Am so am sui na am ti mienu n be bekun. Awurufobie be yo woori bere a, na wo do i baka suuwa barasu be fie, na wo kanda abara aye fie ni. Na wo lokoti yabue bambaka be kunma, ka i sumiemie baka suuwam ni nzue go nu. Na wo ta kpafiri lenlenge be ka bu tana su sunie fie n kere su, na wo nya afa fie n awura i npadifoim saa nu. Na wo ko atin. 34 Sangga bo i siiri ka wo ka kaan na baka suuwam n bi ni, na wo sunma i akoom i npadifoim n do ka bu ko de i dee bo ba nya i n bra. 35 Akoom n ko juuri ni, na ba bo bu nu kun, na ba kun nyinga, na ba tu nyinga n gusu yabue. 36 Na sono n asunma i akoo nyingam bekun, bu sunnu tara ciciri deem ni, na npadifoim n ayo bu kabo bu yoori ciciri su deem ni. 37 Na kasin, na wo ba asunma i wa, na wo se ka, 'Bu ma m wa n yiri jirima.' 38 Ama, sangga bo npadifoim n juuri ka baa ni suba ni, na ba se bu nju nu ka, 'I wa n bo i di i aja n lee suba n a. Am bra na ya kun i na aja n kere ka ya dee.' 39 Do na ba tara i, na ba cin i atu baka suuwa fie n aheme, na ba kun i." 40 Na Yesu anya abisa bu ka, "Am sunsun ka fie fo n ba baari, i yo nyini npadifoim ni se wo?" 41 Na ba bo i nu ka, "I ba ma nyini mine tiefoim n kere wu kenkesi yiwee wo, na i fa fie n wura npadifo fofoim saa nu, bere bo bu ma i nya i dee baka suuwam, sangga bo bu ba biiri ni."

42 Na Yesu ase bu ka, "Am nya kan ma kabo ba kere i Nyeme Jore Kadasi n nu ni, nzen se? Bu na,

'Yabue n bo bondo tafom n faari i tuuri ni,
yiri ye wo kaaki bondo n jaa yabuem n kere tii a.

Micera ni yoori i so a.

Ya ngu i na wo yo ya alekutura.' "

⁴³ Na Yesu ase bu ka, “M suse am wo ƔƔƔ, ka, bu dé Nyeme femeya n fite am do, na bu fá ma minem bo bu bita i na i la kperɛ ni.” [⁴⁴ Na wo kaaki ase ka, “Sɔno kere bo i kpaasiiri ahin yabue n su, i mi búbu nu wo mumuku, na sɔno kere gusu bo ahin yabue n tɔori i nu, i sán i mi samene wo.”]

⁴⁵ Nyeme sayoowa dɔnguyɔfɔm, ni Farasifɔm n tiiri miɛnu n bo Yesu boori i sɔ ni, na ba fa nu ka i boori i niiri bere wo. ⁴⁶ Nyini ti, na ba kpini atin kabo bu yo na bu tara i, ama, bu soroori jama n wo, dama bu kere ŋa i ti Nyeme nɔanie kanfɔ o.

22

Miɛnu fa kɔ konyaya di ni nu bambaka n su

¹ Na Yesu akaaki abo miɛnu be bekun, i ŋa, ² “Kabo Nyeme femeya n ti yaa. Feme be yo seseeri i wa konyaya di ni nu su fa seeri a. ³ Na wo sunma i akɔom ka bu kɔ fere minem bo wo du mɔ abaaandi bu ka bu ba konyaya di ni nu ni, ka bu bra. Ama, na ba kete ka bu ba má. ⁴ Na wo kaaki asunma akɔo nyingam ka bu kɔ se bere n bo wo du mɔ abaaandi bu n ka, ‘Am bra, dama ma yo m di ni nu n siriya kere awie. Haari ma kun m tooram, ni nengdɔre bo bu la lui ni, ayo siriya kere awie. Am bra na am ba konyaya di ni nu ni.’ ⁵ Ama, bu be mmɔo abo má bu nu. Na ba ka bu juma n yo su. Kun kɔori i fiesu wo, na nyinga gusu ako i juma yooobiri. ⁶ Na nyingam n atara i akɔom ni, na ba kere bu wuwuruwa, na ba kun bu. ⁷ Do na yaa ati feme n agaya, na wo sunma i sojam, na ba kɔ akun nyini mine kunfɔm ni kere, na ba yara bu mie ni. ⁸ Na wo fere i akɔom ni, na wo se bu ka, ‘Konyaya di ni nu n ayo siriya, ama, minem bo m duuri mɔ baandiiri bu ka bu ba di i ni, i ti má ye ni ka bu dí i kun. ⁹ Nyini ti, am fite kɔ atingberem su, na am kɔ fere minem barasu kere bo am ŋuuri bu ni, ka bu bra konyaya di ni nu ni.’ ¹⁰ Na akɔom n ako atingberem su, ako atien minem kere bo bu kɔ ŋuuri bu n nɔo aba, mine kpam ni tiem kere. Na konyaya awuru n ayi ni jama beberebe.

¹¹ Na feme n ako, ka i kɔ nie jama ni, na wo ŋu ka sɔno kun be wo jama n nu, i wura má konyaya sutura. ¹² Na feme n abisa i ka, ‘M dɔn, a yo se wuraari awuru n nu fen, ye a wura má konyaya sutura a?’ Ama, sɔno n akoro abo má i nu. ¹³ Na feme n ase i ngbefenem ka, ‘Am tara i, na am cici i saam, ni i jaam nyama, na am fa i tu dasin do, awosin n nu. Do na i sún, na i kán i saa.’ ” ¹⁴ Na Yesu anya ase bu ka, “Minem bo Nyeme afere bu n sunnu, ama, bo wo yi bu n sunnu má.”

Kabo bu sɔori Yesu ŋgɛ lampo tɔ busu ni

¹⁵ Na Farasifɔm n afite ako aseɛ su kabo bu sɔ Yesu ŋgɛ, na bu nya i taraabiri fa kɔ i nɔanie jɔɔɔwa su. ¹⁶ Na ba sunma bu susufɔm, ni Feme Herode minem Yesu do, na ba kɔ ase i ka, “Ya Kerefɔ, ya si ka a ti nahɔre sefo o, na a kere minem kabo Nyeme atin ti nahɔre su, na u cɛɛ wo má kabo minem jɔɔɔ nu, dama a nie má sɔno jinaabiri ti. ¹⁷ To, a ŋa se wo? Ya dɛɛ atin n su, atin wo nu ka ya tɔ lampo ma Romafɔm Feme Kpɔri Siza, nzen atin wo má nu?” ¹⁸ Ama, na Yesu asi ka bu bita sunsunni tie wo, na wo se bu ka, “Amberɛ burukɔonufɔm ni, nzu ti ye am sukoro ka am sɔ m ŋgɛ a? ¹⁹ Am fa ŋwaa n bo bu fa tɔ lampo kaari n bra na m nie.” Na ba fa ŋwaa n aba ama i, ²⁰ na wo de ŋwaa n anie, na wo bisa bu ka, “Ŋma dɛɛ tii ni i duma wo ŋwaa n su n a?” ²¹ Na ba bo i nu ka, “Feme Siza dɛɛ a.” Na Yesu ase bu ka, “To, deke bo i ti Feme Siza dɛɛ, am fa ma Feme Siza, na deke bo i ti Nyeme dɛɛ, am fa ma Nyeme.” ²² Sanɔga bo bu tiiri ahin nɔanie n sɔ ni, na ba mie, na ba kɔ ayaki i.

Kabo bu bisaari Yesu fa kɔori yiwee tenge jɔre su ni

²³ Nyini cɛɛn n gbingbin na Sadasifo nbem aba Yesu do. Bu dɛɛ kerewa la ka Nyeme tenge má minem bu yiwee n nu n a. Na ba ba abisa i jɔre be, bu ŋa, ²⁴ “Ya Kerefɔ, Moyisi yo seeri ka, nzen sɔno wu yakiiiri i yi, na i ni bara n anya má baa, wo yo daka ka i niema n fa kunafo n na bu wu nbaam ma yiri n bo wo wu ni. ²⁵ To, sɔno be yo laari nbaabiesom nso wo, ya nu fen, na baakpien n aja bara, na wo wu ayaki bara ni, ba wu má baa. ²⁶ So ye bo i to i su nnyo su, ni nsan su n yoori a, haari fa kɔ kpuraari nso su ni. ²⁷ Na bara n ni i tii aba aka sin awu. ²⁸ To, kabo bu mine nso n kere aja bara n na ba wu sɔ ni, cɛɛn bo Nyeme bá tenge minem bu yiwee n nu ni, bara ni ká ŋma dɛɛ tenle su a?”

²⁹ Na Yesu abo bu nu ka, “Am amini atin. Dama am ti má deke bo ba kere i Nyeme Jɔre Kadasi n nu n bu, na am kaaki si má kabo Nyeme yiko n ti barasu. ³⁰ Dama sanɔga bo Nyeme bá tenge minem bu yiwee n nu ni, ajaa wo má bere kun. Ama, nyini cɛɛn ni, sɔno kere kaaki ka Nyeme merekem bo bu wo angoro n wo, dama bu ja má ajaa kun. ³¹ Na fa kɔ kabo Nyeme bá tenge minem bu yiwee n nu barasu ni, am akan má Nyeme Jɔre Kadasi n nu kabo i yo seeri am n wo, nzen se? I ŋa, ³² ‘Mini ti Abraham, ni Izaki,

ni Jakóbu dɛɛ Nyɛmɛ n a.' " Na Yesu asa su ase bu ka, "Tɔ, kabo Nyɛmɛ ɲa i ti nyini minem n dɛɛ Nyɛmɛ ni, nyini kere ka bu toko la ɲɔɔ lɛɛ, dama Nyɛmɛ ti má bo ba wu n dɛɛ Nyɛmɛ, ama, i ti bo bu la ɲɔɔ ni dɛɛ Nyɛmɛ a." ³³ Minem n tiiri i kereewa n sɔ ni, na ba yo alekutura.

Nyɛmɛ nɔɔniɛ maawa n bo i tara bu kere n jɔre

³⁴ Sangá bo Farasifɔm tiiri ka Yesu ajojo ayi Sadusifɔm ni, na ba tien bu nɔɔ i dɔ. ³⁵ Na bu nu kun be, bo i ti Nyɛmɛ nɔɔniɛ kerefɔ n abisa Yesu bisaawa be ka i sɔ i ɲɛɛ. I ɲa, ³⁶ "Ya Kerefɔ, Nyɛmɛ nɔɔniɛ maawa n bo i wo i nɔɔniɛ kpamaawa n nu ni, bonɔ tara bu kere a?" ³⁷ Na Yesu abo i nu ka, "Ba kere ka, 'Koro Micera u Nyɛmɛ ni, ni u ahorembaa kun, ni u awiewie, ni u sunsunni kere.'" ³⁸ Ahin ti nɔɔniɛ maawa n bo i tara i kere a. ³⁹ Bo i tɔ su nnyɔ su n ti ka nyini n wɔ. Ka o, 'Koro u benngu kabo a koro u ɲu ni.' ⁴⁰ Kabo ba kere Nyɛmɛ nɔɔniɛ kpamaawam n kadasi n nu, ni Nyɛmɛ nɔɔniɛ kanfɔm n dɛɛ n nu ni, i kere jina ahin nɔɔniɛ maawa nnyɔm n su wɔ."

Kristo Tiidefɔ n bo i ti Fɛmɛ Davidi anuma n jɔre

⁴¹ Sangá bo Farasifɔm nbem ba tientienri bu nɔɔ ni, na Yesu abisa bu jɔre be fa kɔ Kristo Tiidefɔ n su. I ɲa, ⁴² "Am fa Kristo Tiidefɔ n bu ɲma a? Am sunsun ka i ti ɲma dɛɛ anuma a?" Na ba bo i nu ka, "I ti Fɛmɛ Davidi anuma a." ⁴³ Na Yesu abisa bu ka, "Ye nzu ti ye Nyɛmɛ Awiewie n ba wurari Fɛmɛ Davidi ɲu, ye i fereeri i ka i Mibie a? I ɲa,

⁴⁴ "Na Micera n ase m Mibie n ka,

"Ba tana m saa fɔmbɔɔ su fɛn,

haari m bá má u kpɔfɔm kere ba kutu u jaa bu."'

⁴⁵ Tɔ, nzen Fɛmɛ Davidi mmɔɔ ni i tii yo fereeri Kristo n ka i Mibie, ye Kristo n yo sɛ kaaki yo Fɛmɛ Davidi anuma a?" ⁴⁶ Be akoro anya má nɔɔniɛ be abo má i nu. Nyini ti, fite nyini cɛɛn n sin, be abo má su ka i bisa Yesu jɔre bekun.

23

Kabo Yesu ɲa mine si bu ɲu sa ni Yudaɔm tereterefɔ nbem ni

¹ Na Yesu ajojo i susufɔm n ni jama n dɔ, na wɔ se bu ka, ² "Nyɛmɛ nɔɔniɛ kerefɔm, ni Farasifɔm n ade Moyisi dɛɛ jinaabiri ni, ye bu kere minem Nyɛmɛ nɔɔniɛ kpamaawa n a. ³ Nyini ti, deke kere bo bu fa kere am ni, am soro i su, ama, má am yo sam bo bu yo bu ni, dama bere yo má sam bo bu kere ka minem yo bu ni. ⁴ Bu cici sɔɔri nɔɔri sɔ minem wɔ, ama, bere ni bu tii soro má su ka bu fa bu saa kan i. ⁵ Deke kere bo bu yo i, bu koro ka minem ɲu bu wɔ, na bu kansu bu. Bu kere Nyɛmɛ nɔɔniɛ n wɔ, na bu yo i ka sebe, na bu fa cici bu ɲuma su, adena minem ɲu i. Na bu yo bu tanlɛ nɔɔ ɲjɔrem tintiin. ⁶ Nyini minem n anya awura bu tientienbunɔɔ sɔɔm n nu ni, wara ba nya afere bu tientienbunɔɔ bambaka diire diibirin ni, bu koro ka bu tana kpirikoro tanaabirim wɔ. ⁷ Bu koro ka minem suyo bu anse ɔɔosu wɔ, na bu ma bu jirima, na bu fere bu ka, 'Ya Kerefɔ.'" ⁸ Ambere, má am ma be fere am ka 'Ya Kerefɔ,' dama am la kerefɔ kun n kpein wɔ. Ambere kere ti nibaam wɔ. ⁹ Má am fere be ka am si, durunya n nu fɛn, dama am la Si kun n kpein wɔ, yiri wo angoro n a. ¹⁰ Má am ma be fere am ka i kpɛin, dama am kpɛin ti kun n kpein wɔ, yiri la Kristo Tiidefɔ ni. ¹¹ Bo i ti am kere tii ni, wɔ yo daka ka yiri su am a. ¹² Sɔɔɔ kere bo i wura i ɲu kpɛri, Nyɛmɛ yó i mi kaan, na sɔɔɔ kere bo i yo i ɲu kaan, Nyɛmɛ wúra i mi kpɛri."

Kabo Yesu ɲa Yudaɔm tereterefɔ nbem bá ɲu anyumboro ni

¹³ Na Yesu akaaki ase ka, "Ambere Nyɛmɛ nɔɔniɛ kerefɔm, ni Farasifɔm n bo am ti burukɔɔnufɔm ni, am bá ɲu anyumboro. Am kanda minem wɔ, adena má bu su Nyɛmɛ fɛmɛya n atin su, dama ambere ni am tii kete ka am su má i atin n su, na am sukanda bo bu koro ka bu su i su ni. [¹⁴ Ambere Nyɛmɛ nɔɔniɛ kerefɔm ni Farasifɔm n bo am ti burukɔɔnufɔm ni, am bá ɲu anyumboro. Am sisi nkunafɔm na am fin bu nɛngem wɔ, na am jina sere Nyɛmɛ cɛ, adena minem ɲu ka am ti mine kpam wɔ. Jina cɛɛn, ambere bá nya suicin tara minem kere.]

¹⁵ Ambere Nyɛmɛ nɔɔniɛ kerefɔm ni Farasifɔm n bo am ti burukɔɔnufɔm ni, am bá ɲu anyumboro. Am kpɛie tiekum wɔ, na am kɔ miɛm bo bu waarim su, adena am nya sɔɔɔ kun mmɔɔ bo i káaki i wo na i su am su, na sangá bo am nya nyaari i mi, am ma i satie yoowa tara am dɛɛ wɔ, adena yiri dú am mɔ kɔ cɛɛma sin nu.

¹⁶ Ambere bo am ti ka anyinsinm na am kere minem atin ni, am bá ɲu anyumboro. Am ɲa nzen sɔɔɔ taanri ndie fa kɔ Nyɛmɛ Sereebiri Awuru n dɔ, i ti má pui. Ama, nzen sɔɔɔ kere bo i taanri sika nɛngem n bo bu wo Nyɛmɛ Sereebiri Awuru n nu ni, i mi ma i ndie taanwa n yo yiiwa. ¹⁷ Ambere bo am ti ka anyinsin sinnzinm ni, bonɔ tara i

benğu a? Sika nenğem ni, nzen Nyeme Sereebiri Awuru n bo yiri ma sika nenğem ni yo casi n a? ¹⁸ Am kaaki ŋa, nzen sono taanri Mikun n yoowa yoobiri ni, i ti má pui. Ama, nzen sono taanri aceerim bo ba fa ase Mikun n yoowa yoobiri n su ni, wo yo daka ka i mi ma i ndie taanwa n yo yiiwa. ¹⁹ Ambere bo am ti ka anyinsinm ni, bono tara i benğu a? Aceerim ni, nzen Mikun n yoowa yoobiri n bo i ma aceerim n yo casi n a? ²⁰ Nyini dee ti, sono kere bo i taanri Mikun n yoowa yoobiri ni, i mi atan i ni dekem kere bo bu wo su n wo lee. ²¹ Na sono kere bo i taanri Nyeme Sereebiri Awuru ni, i mi atan i ni Nyeme bo i wo nu n wo lee. ²² Na nzen sono kere bo i taanri angoro ni, i mi atan Nyeme femeya bie n wo lee, ni yiri Nyeme bo i tana su ni.

²³ Ambere Nyeme noanie kerefom, ni Farasifom n bo am ti burukoonufom ni, am bá ŋu anyumboro. Am yi am jakam ma Nyeme wo, haari ni am maakunm, ni ngetem, ni nvannvanm kere, ama, am yo má sam bo Nyeme noanie kpamaawa n kere ka am yo bu n na bu la anyunuyi tara bu kere ni. Bere la nahore sam, ni anjuno si, ni yaradayo. Wo yo daka ka na am yo nyini sam sangka kere, na am fa jaka yiwam buka su. ²⁴ Ambere ti ka anyinsinm na am kere minem atin ni. Am kpkoko yi njinsenm bo bu ti kan kanm n wo, am deke nuuwam nu, ama, na am sangka nu nyoomam bere, am deke nuuwam nu.

²⁵ Ambere Nyeme noanie kerefom, ni Farasifom n bo am ti burukoonufom ni, am bá ŋu anyumboro. Am njimi am kopum ni taalem sin wo, ama, na bu kunnu ayi ni dekem bo am fin bu fanğa, ni anyii sayoowam wo. ²⁶ Woro Farasifo bo a ti ka anyinsin ni, du mo yo u kopu n kunnu casi ka, na i sin n gusu nya yo casi.

²⁷ Ambere Nyeme noanie kerefom, ni Farasifom n bo am ti burukoonufom ni, am bá ŋu anyumboro. Am ti ka fanğunmam bo ba bo bu nzue fofoe kpakpari, na bu yo nyunyumi n wo, ama, bu kunnu yiri ayi ni fuin buwem wo, ni fin barasu kere. ²⁸ Am ti so o lee. Am ma minem ŋu am ka am ti minem bo bu yo sa bo i ko atin su Nyeme do n wo, ama, am ahore su ayi ni burukoonu, ni satiem wo.”

Kabo Yesu ŋa Nyeme bá cin Yudařom teretereřo nbem sui barasu ni

²⁹ Na Yesu asa su ase ka, “Ambere Nyeme noanie kerefom, ni Farasifom n bo am ti burukoonufom ni, am bá ŋu anyumboro. Am yo fanğunmam donđu fa ma Nyeme noanie kanfom wo, na am yo minem bo bu yo sa bo i ko atin su Nyeme do n fanğunmam nyunyumi. ³⁰ Na am se ka, nzen má ambere yo woori bere, am nam sangka ni, má am kun má Nyeme noanie kanfom n ni, kabo am nam yo yoori bu ni. ³¹ Nyini ti, am asoro su ka am ti bere bo bu yo kuunri Nyeme noanie kanfom n dee busu nufom wo lee. ³² To, i ti ye ni ka am de am nam jinaabiri ni, na am yo bu satie yoowam n ko wie. ³³ Ambere burukoonufom bo am ti woom na am ti ka pumpuni nbaam ni, am yo se ye am koro njmati fite nu, bo am wura má ceema sin n nu a? ³⁴ Nyini ti ye m sunma Nyeme noanie kanfom, ni mine alecirafom, ni kerefom am do n a. Am kún bu nbem, na am fá bu nbem sense baka jaanu n su, na am fin bu nbem nğbere, am tientienbunoo soom n nu, na am kó mie miem su na am kere bu wuwuruwa. ³⁵ Nyini dee ti, Nyeme cin ambere sui fa ko kabo am nam yo kuunri minem bo bu yo sa bo i ko atin su Nyeme do durunya n nu. Bu yo yoori so o fite sangka n bo bu kuunri sono be bo i yo sa bo i ko atin su Nyeme do n na bu fere i ka Abeli ni, fa ba juuri sangka n bo bu kuunri sono be bo bu fere i ka Zakariya, Berakaya wa ni. Yiri ye am kuunri i Nyeme Sereebiri Awuru n nu, Casi Kere Casi Soo n ni Mikun yoowa yoobiri n afien n a. ³⁶ Nahore ye m suse am n a, nyini n kere dee ti ye Nyeme bá cin ambere nyumafom sui n a.”

Kabo Yesu ahore saaki maari Yerusalemřom barasu ni

³⁷ Na Yesu abo awie ase ka, “Keto, keto, ambere Yerusalemřom. Ambere kuunri Nyeme noanie kanfom n a, na minem bo Nyeme sunmaari bu am do ni, am atu bu yabue. Sangka kere m koroori ka m tien am noo, na m fa m saa bara ye am, kabo ako tien i nbaam noo, i lanċpete nu ni, ama, am soro má m su. ³⁸ Am nie fen, Nyeme yáki am nu ji, na am mie n ká nğbeen. ³⁹ M suse am wo lee, ka, fite kisa fa ko, am ŋú má m kun, má ka sangka bo am bá se ka, ‘Terefie wo yiri n bo i suba Micera n dee duma n nu n do.’ ”

24

Kabo Yesu seeri ka Nyeme Sereebiri Awuru ni bá bereki barasu ni

¹ Sangka bo Yesu fiteeri Nyeme Sereebiri Awuru n nu na i wo ko su ni, na i susufom n aba i do, aba ase i ka i nie kabo Nyeme sereebiri n ti barasu a. ² Na wo se bu ka, “M ŋa am anu ahinm kere e? Nahore ye m suse am n a, yabue kun n kpein n mmoo bá nana má i benğu su. Bu bá bereki i kere go o lee.”

Kabo Yesu kere fa koori durunya n awieeri su dee jore ni

³ Sanja bo Yesu fun ko tanaari Oliva Buka n su ni, na i susufom n aba i do, bu ni yiri ngumi, na ba se i ka, "Ya Kerefo, se ya, sanja bono ye ahin sam kere ba yo a? Ye nzu deke ba kere ya ka sanja n adodo bo a ba bekun, na durunya n ba awieeri a?"

⁴ Na Yesu abo bu nu ka, "Am si am nu sa, na ma am ma be dadaka am. ⁵ Dama mine dangu ba fa m duma ba, na bu se ka, 'Kristo Tiidefo n la mini wo.' Na bu dadaka mine beberebe. ⁶ Sanja bo am ba ti aluwa nga fen, wara bu sukun lue do, ma am ma am ahore saaki. Wo yo daka ka nyini sam n kere ba yo sin ka, ama, ma am nie ka durunya n awieeri lee. ⁷ Daanfie daanfie ba kun lue ni bu bengum, na nfemem kun lue ni bu bengu nfemem. Na asien ba kpisi awore aworem nu, na ahoe to. ⁸ Nyini n kere ba yo kabo bara kutu een bumboori dee wahara n ti n wo.

⁹ Nyini sanja, na bu tara am ma yikofom na bu kere am wuwuruwa, na bu kun am. Mini dee ti, sono kere kpó am. ¹⁰ Nyini sanja n na mine dangu ba kete m na bu su ma m kun, na bu to bu bengu, na bu kpó bu bengu. ¹¹ Na korefo dangu bo bu yo bu nu ka bere ti Nyeme noanie kanfom ni ba ba, na bu dadaka minem beberebe. ¹² Satieyo ba sunnu n dee ti, mine dangu koro ba ko i sin. ¹³ Ama, woro kere bo a mindi deer nyini n kere ko juuri i awieeri, Nyeme de u tii ji. ¹⁴ Na bu ba kan ahin labari kpa n fa ko Nyeme femeya n jore su, kere durunya n nufom, na adamande kere ti i ka, na durunya n nya ba awieeri."

Anyumbaa ciire sa n bo i ba n jore

¹⁵ Na Yesu akaaki ase bu ka, "Am ba nu anyumbaa ciire sa be bo Nyeme mmoo kpo i n na Nyeme noanie kanfo Danieli yo jooori i jore ni, ka i jina soo casi n bo i wo Nyeme Sereebiri Awuru n nu ni. Ma sono kere bo i kan ahin kadasi n ti i bu nyunyumi. ¹⁶ Nyini sanja ni, woro kere bo a tiiri i nga na a wo Yudiya asien n su, nmati ko bukam n su. ¹⁷ Woro kere bo a wo kpata nu, ma a wura gisan nu fa pu. ¹⁸ Na woro kere gusu bo a wo fiesu, ma a kpie u nyi ko awuru ko fa u sutura be. ¹⁹ Nyini sanja ni yo kekereke agaya ma nyinsefom, ni nbaram bo bu nbaam toko nu ni. ²⁰ Am sere Nyeme ka ma nyini sa n yo buke sanja, wara Yudafofom Numiyi een ni. ²¹ Nyini sanja ni wahara bo mine di i, i tara wahara kere bo ba di i asin ni, fite sanja n bo Nyeme yiiri durunya ni, haari ni kisa. Nahore, nyini wahara n nusu ba ma kun. ²² Ama, Nyeme akpie nyini sanja n su. Nzen ma wo kpie ma i su, ma sono wo ma bere bo i nya ngoo, ama, i dee tiengu minem bo wo yi bu n dee ti, ye wo kpie sanja n su a. ²³ Nyini sanja ni, na nzen be ba se am ka, 'Am nie, Kristo Tiidefo ni wo fen n a,' wara, 'Am nie, yiri wo do n a,' ma am de i mi noanie ni. ²⁴ Dama korefo nbem ba ba, na bu yo bu nu ka bere ti Kristo n a, na nbem gusu yo bu nu ka bu ti Nyeme noanie kanfom wo. Bu yo alekutura sam beberebe fa kere am, na nzen bu koro nyaari atin, bu dadaka Nyeme dee minem mmoo bo wo yi bu ni. ²⁵ Ambers, am ti fen, ma se am wo lee ka, na sanja n nya ba ju.

²⁶ Na nzen be ba seeri am ka, 'Am nie, Kristo ni wo boro kpantain n nu do n a,' ma am ko do. Wara, nzen be ba seeri am ka, 'Yiri fie soro do n a,' ma am yo i mi yarada. ²⁷ Dama mini Adamande Wa n ba ni, i ba ti kabo nzue kpepe na i ta bara ye deke kere n wo, fite wie afiiri fa ko ju wie atoori n wo. ²⁸ Deke kere bo deke fuin nya wo, petem bara ye do o."

Kabo Adamande Wa ni ba kaaki ba barasu ni

²⁹ Na Yesu akaaki ase bu ka, "Sanja bo nyini wahara n kere ba siinri, 'Awosin kata wie n su, na sara n gusu ta ma bo minem nu i. Na asarambaam fite angoro titi toto, na angoro n kere kpisi.'

³⁰ Nyini sanja ni, na mine nu deke be angoro bo i kere ka mini Adamande Wa ni suba. Na minem bo bu wo durunya n nu n kere bo awie, na bu nya nu ka mini Adamande Wa ni sufite angoro yinyingu n nu suje piepieu suba ni yiko bambaka ni. ³¹ Na bu ti ka awie be sukpara ni fanja su, na m nya sunma Nyeme merekem durunya n awore n kere nu, na bu tien minem bo Nyeme ayi bu durunya n nu n kere noo."

Kabo Yesu na ya fa damba baka fa se nyaari barasu ni

³² Na Yesu akaaki ase ka, "Am fa damba baka n fa se nyaari. Sanja bo am ba nu ka i nyawa akponkon, na i sufefie fofore ni, am si ka dooori sanja adodo lee. ³³ Mini Adamande Wa n ba ni ba yo so o. Sanja bo am ba nu ka nyini sam kere ba suyo ni, am si tenle su ka sanja n adodo lee, i ce ma kun. ³⁴ Nahore ye m suse am n a, ahin nyumafom busu kere wu wie ma ka, ye nyini sam kere ba yo a. ³⁵ Angoro n ni asiengu n kere ba la awieeri, ama, m dee noanie n yiri la ma awieeri een be."

Kabo Yesu seeri ka ya si ya nu sa fa ko i ba n su ni

³⁶ Na Yesu akaaki ase ka, “Be si má sannga ni, wara cɛɛn n bo m bá kpíe m nyi ba ni. Haari Nyeme merékem bo bu wo i do ni, ni mini bo m ti i wa ni mmɔɔ si má. Má ka ya Si Nyeme ngumi si a. ³⁷ Mini Adamande Wa n ba sannga ni yó kabo sɔnɔ be bo bu fere i ka Nowa sannga na i yoori n wɔ. ³⁸ Sannga bo wɔmbu n nya di má durunya n ni, sɔnɔ kere woori di ni nu su wɔ, na nbaram ni nbiesom suja bu beɲgum, fa kɔ juuri haari cɛɛn n bo Nowa wuraari lee bambaka n nu ni. ³⁹ Minem ayo asi má sa bo i bá yo ni, haari cɛɛn n bo wɔmbu n ba diiri bu kere ni. I yó sɔ ɔ, fa kɔ sannga n bo mini Adamande Wa ni bá ba ni. ⁴⁰ Nyini sannga ni, mine nnyɔ bá wo juma yo su fiesu, na Nyeme má bu bá fa kun n kɔ yaki kun ni. ⁴¹ Na nbaram nnyɔ wo ngani saanbiri, na Nyeme má bu bá fa kun n kɔ yaki kun ni. ⁴² Tɔ, nyini ti, má am fa am ɲu ji na am daafi, dama am si má cɛɛn n bo am Mibie ni bá ni. ⁴³ Am si tenle su ka nzen má awurufɔbie n si sannga bo awiefɔ ni bá i dika na i bá wɔ i, má i tana ɲminda a, na awiefɔ n koro ba wura má. ⁴⁴ Nyini ti, ambere gusu kpa am ɲu sannga kere, dama mini Adamande Wa ni, m bá sannga bo am sunsun má ka m bá n wɔ.”

Miɛnu fa kɔ akɔɔ nbem dabuɲu n jɔɛ

⁴⁵ Na Yesu akaaki ase ka, “Akɔɔ kpíen n bo i la dabuɲu na i kaaki la alecira n la ɲma a? Yiri la bo i mibie n afa akɔɔ nyingam awura i saa nu ka i kpaaki diire nu ma bu, sannga bo i ti ye ni ka i ma bu ni. ⁴⁶ NZEN i mibie n ba ɲuuri ka i suyo i juma kabo i seeri ka i yo ni, terefie wo nyini akɔɔ n do. ⁴⁷ Nahore ye m suse am n a, mibie ni fá i aja kere wura nyini akɔɔ n saa nu wɔ, na i nie i dika. ⁴⁸ Ama, nzen i ti akɔɔ tiefo, i súnsun ka i mibie ni kpíe má i nyi nde. ⁴⁹ A ɲu ka i subo akɔɔ nyingam wɔ, na i sudi, na i ni nzan nufom sunu bo. ⁵⁰ Do, na i mibie n ba kpíeeri i nyi baari cɛɛn bo i sunsun má ka i bá, na i kaaki si má ba n sannga ni. ⁵¹ Nyini sannga n na i mibie n cín i sui agaya, na i fá i bo burukɔonufom n su. Do na i sún, na i kán i saa.”

25

Miɛnu fa kɔ nsunguru buru nbem jɔɛ

¹ Na Yesu akaaki ase bu ka, “Sannga bo mini Adamande Wa ni bá ba, na Nyeme Feme bá nie i minem su ni, i yó ka nsunguru buru nbem bo bu faari bu fitanam ka bu kɔ kpa konyafan atin n wɔ. ² Bu mine nnu tiiri alecirafoɲ wɔ, na nnu nyingam n ati sinnzinm. ³ Na sinnzinm n afa bu fitanam, ama, ba bita má ɲguin nu, ⁴ na alecirafoɲ n bere afa ɲguin abita nu. ⁵ Na ba kɔ ɲminda konyafan n aɛ, wɔ ba má nde, na daafiri aba ati nsungurum ni, na ba daafi. ⁶ Na jinanjin sannga, na ba ti ka bu subo ndoori ka, ‘Konyafan ni suba o, am fite na ya kɔ kpa i atin.’ ⁷ Na nsunguru burum kere ayasu, ayo bu fitanam doɲgu. ⁸ Na sinnzinm n ase alecirafoɲ ni ka, ‘Am bu am ɲguin n be ma ya, ya fitanam ni sunɔ.’ ⁹ Na alecirafoɲ n ase bu ka, ‘Ai, ya ɲguin ni koro ju má ya ni ambere kere. Am kɔ ɲguin tofoɲ do, na am kɔ to.’ ¹⁰ Na nsunguru sinnzinm n akɔ ka bu kɔ to ɲguin ni. Bu kɔ wieeri ni, na konyafan n aju. Na nsunguru nnum bo ba kpa bu ɲu ni, asu i su, awura konyaya awuru n nu. Na ba tu aɲɔ ni. ¹¹ Kasin, na nsunguru nyingam bo bu kɔɔri ɲguin to ni, aba ajina aɲɔ n nu, abo afere i ka, ‘Ya mibie, ya mibie, teke aɲɔ n ma ya na ya wura.’ ¹² Na konyafan n ase bu ka, ‘Ai, nahore ye m suse am n a, m si má am cɛɛn be cɛɛn be.’” ¹³ Na Yesu ase i susufom n ka, “Tɔ, nyini ti, má am fa am ɲu ji na am daafi, dama am si má cɛɛn n bo m bá ni.”

Miɛnu fa kɔ akɔɔ nsan nbem dabuɲu n jɔɛ

¹⁴ Na Yesu ase bu ka, “Sannga bo m bá ba ni, i yó kabo sɔnɔ be sukɔ atin, na i fereeri i akɔɔm, na i faari i neɲge kere wuraari bu saa nu, ka bu nie i dika n wɔ. ¹⁵ Na wɔ fa ɲwaa akpaaki bu kere nu, kabo bu koro bita i barasu. I faari ɲwaa n busu nnu maari kun wɔ, na wɔ fa busu nnyɔ n ama kun gusu, na wɔ nya afa busu kun n ama nyinga ni. Na wɔ kɔ atin ni. ¹⁶ Na bo i maari i busu nnu ni afa abo wata bu, na wɔ nya i ɲusu nnu abuka su. ¹⁷ Na bo i maari i busu nnyɔ n gusu ayo sɔ, na wɔ nya i ɲusu nnyɔ abuka su. ¹⁸ Ama, bo i maari i seseewa kun ni kɔ funduuri kunma wɔ, na wɔ fa i deɛ ɲwaa n awura nu, na wɔ kata su. ¹⁹ Na bu mibie n akɔ aɛ do, haari na wɔ ba aba ka i ba nie kabo bu bita i ɲwaa n barasu ni. ²⁰ Na bo i maari i busu nnu n afa i deɛ ɲwaa aba, na wɔ se i mibie n ka, ‘M mibie, nie. A maari m ɲwaa n busu nnu wɔ, ama, ma nya i ɲusu nnu abuka su.’ ²¹ Na i mibie n ase i ka, ‘Nfan. Wɔɔ akɔɔ kpa bo a la dabuɲu ni, kabo a kere ka a la dabuɲu nie deke kaan su ni, m fá doɲgu n mmɔɔ wura u saa nu na a nie i dika. Bra na a ba nya ahorejoɲ n bo ma nya i n be.’ ²² Na bo i maari i busu nnyɔ n gusu aba ase i mibie n ka, ‘M mibie, nie. A maari m ɲwaa n busu nnyɔ ɔ, ama, ma nya i ɲusu nnyɔ abuka su.’ ²³ Na i mibie n ase i ka, ‘Nfan. Wɔɔ akɔɔ kpa bo a la dabuɲu ni, kabo a kere ka a la dabuɲu nie deke kaan su ni, m fá doɲgu n mmɔɔ wura u saa nu

na a nie i dika. Bra na a ba nya ahorejo n bo ma nya i n be.’²⁴ Kasin, na bo i maari i seseewa kun ni aba, na wo se ka, ‘M mibie, m si u sa ka a ti sono fanjafu o. Deke bo a do ma i ni, a kpie nyini wo. Na deke bo a bobo ma i ni, a tientien nyini noo a.’²⁵ Nyini ti ye sefe tiiri m a, na ma fundu kunma afa u njwaa n afe i nu. Yiri yaa, de u deke.’²⁶ Na i mibie n akaaki ase i ka, ‘Woro akoo tie nviyafu ni, a si tenle su ka deke bo ma do ma i ni, m kpie nyini wo, na deke bo ma bobo ma i ni, m tientien nyini noo a.’²⁷ To, ma a si ka i ti so ni, ma wo yo daka ka a fa m njwaa n ko seeri banjifom do, na ma m ba kpieeri m nyi baari, ma m de m deke na m nya kperere buka su.’²⁸ Do na mibie n ase i minem ka, ‘To, am de njwaa ni i do kisa kisa, na am fa ma akoo n bo i bita njwaa n busu buru ni.’²⁹ Dama sono kere bo wo nya deke na i mi si i bita, bu ma i buka su wo, na i nya beberebe, ama, bo i si ma i bita, haari ni nyini kaan n bo i la i ni, bu cin de i do o.³⁰ Ama, m ahin akoo ngbeen ni, am fa i tu awosin n nu, deke bo i sun, na i kan i saa.”

Kabo Yesu ba di minem jore barasu ni

³¹ Na Yesu akaaki ase ka, “Sanga bo mini Adamande Wa ni ba baari ni m jirima woowa n nu ni, ni Nyeme meretekem kere ni, m ba tana m jirima femeya bie n su.”³² Na durunya n nu minem kere ba tien bu noo m nyunu, na m kpaaki bu nu, busu nnyo, kabo boesasafu kpaaki yi nbocem ni sirim nu barasu ni.³³ Na m ma m de minem bo bu ti ka nbocem ni jina m saa fomboro su, na m ma bo ba ka na bu ti ka sirim ni jina m saa bie su.³⁴ Na mini fema n se bo bu wo m saa fomboro su n ka, ‘Ambera bo m Si Nyeme ayo am kisi ni, am bra na am ba de femeya n bo wo sese i su ase ama am, fite durunya n bumboori kere ni.’³⁵ Deke bo i ti na m se am so n la ka, ahoe yo tiiri m, na am ama m diire. Nzuehoe yo tiiri m, na am ama m nzue. M yo baari am do ka wofu, na am ade m.³⁶ M yo kaari m bu ngbeen, na am ama m sutura. M yo daari tukpaki, na am aba anie m dika. Bu yo nyiiri m dansaraka, na am ako anie m busu.’³⁷ Do na m minem bo bu yo sa bo i ko atin su ni nya bo m nu ka, ‘Ya Mibie, sanga bono ye ya njuri ka ahoe ati u, ye ya maari u diire a, wara nzuehoe ati u, ye ya maari u nzue a?’³⁸ Sanga bono tenle su, ye a baari ya do ka wofu, ye ya deeri u a, wara sanga bono ye a kaari u bu ngbeen, ye ya maari u sutura a?’³⁹ Sanga bono ye ya njuri ka a daari tukpaki, wara sanga bono ye bu nyiiri u dansaraka, ye ya ko nierei u busu a?’⁴⁰ Do na m nya bo bu nu ka, ‘Nahore ye m suse am n a, sanga kere bo am yo yoori sakpa fa maari m ahin ninbaa kan kanm ni kun, am yo maari mini wo lee.’⁴¹ Na m nya se bo bu wo m saa bie su n ka, ‘Ambera bo m Si Nyeme ayo am ngbeen na wo fa noo tie ase am njuri ni, am fa cinsi m bi bere na am ko wura sin n bo i no ma n nu, nyini sin n ye ba toro i afa ase Sitana ni i de meretekem n a.’⁴² Deke bo i ti na m se am so n la ka, ahoe yo tiiri m, ama, am ama ma m diire. Nzuehoe yo tiiri m, ama, am ama ma m nzue.⁴³ M yo baari am dika, ama, am ade ma m wofu. M yo kaari m bu ngbeen, ama, am ama ma m sutura. M yo daari tukpaki, wara m yo woori dansaraka nu, ama, am ako anie ma m busu.’⁴⁴ Do na bere bo bu wo m saa bie su ni nya bo m nu ka, ‘Ya Mibie, sanga bono ye ya njuri u ka ahoe ati u, wara nzuehoe ati u, wara a baari ya wofu, wara a kaari u bu ngbeen, wara a daari tukpaki, wara a woori dansaraka, ye ya buka ma u a?’⁴⁵ Na m nya kaaki se bu ka, ‘Nahore ye m suse am n a, sanga kere bo am ayo ma sakpa, ama ma m ahin ninbaa kan kanm ni kun, am ayo ama ma mini wo lee.’⁴⁶ Na nyinim bere ko wo suicin n bo i la ma awieeri n nu. Ama, na bo bu yo sa bo i ko atin su Nyeme do ni, bere ko wo ngoo bo i la ma awieeri n nu.”

26

Kabo bu seseeri su ka bu tara Yesu ni

¹ Sanga bo Yesu kereeri nyini kereewam kere wieeri ni, na wo se i susufom ni ka,
² “Am si ka wo ka lennyo o, na bu di Butara ceenkpiri ni. Do ye bu nya mini Adamande Wa n taraabiri a, na bu kpaama m baka jaanu n su.”

³ Do na Nyeme sayoowa donguyofu nkpienkpienm ni, ni Yudafo m nkpienkpienm n atien bu noo bu kpien n dika, bu fere i ka Kayafasi, yiri ti Nyeme sayoowa donguyofom kere kpien a,
⁴ na ba fa seseesu ka bu tara Yesu asiri nu na bu kun i.
⁵ Na ba se bu njuru nu ka, “Ma am ma ya yo i ceenkpiri n sanga. Ma nyini, minem ni kete yo nanmie wo, na bu sutientien.”

Kabo bara be faari tulaalee goori Yesu tii su ni

⁶ Yesu woori Betani mie n nu wo, sono be dika, bu fere i ka Simon, i yo ti kokofu o.
⁷ Sanga bo Yesu wo diire di su ni, na bara be aba i do, ni tulaalee tuwa nvanvani bo i la go agaya. Na wo teke tulaalee tuwa n noo, na wo kaaki tulaalee n kere ago Yesu tii su.
⁸ Yesu susufom ni njuri i so ni, na yaa ati bu agaya, na ba bisa bu njuru nu ka, “Nzu ti ye wo saaki i so a?”
⁹ Ma ya toori nyini tulaalee ni, ma ya nya njwaa beberebe, na ma

ya fá nyini ñwaa n ma yaarifóm." ¹⁰ Na Yesu asi sunsunni bo bu bita i, na wó se bu ka, "Nzu ti ye am sukan bara ni ndie a? Sakpa læe ye wó yo ama m n a." ¹¹ Am ni yaarifóm ni wo bere sangga kere a, ama, mini, m wó má am dó sangga kere. ¹² Tulaalæe n bo wó kaaki agó m ñu ni, i kere ka i nzee bo wó fa ayo m siriya afa anminda m yiwee cæn læe. ¹³ Nahóre ye m suse am n a, deke kere bo bu bá kaanri Nyemé labari kpa n durunya n kere nu, bu kán i sayoowa n na minem tenje i su."

Kabo Yudasi seseeri su ka i tó Yesu ni

¹⁴ Na Yesu susufó buru ni nnyóm nu kun bo bu fere i ka Yudasi Isikariyoti ni, ako Nyemé sayoowa donyuyofó nkpienkpienm ni dó, ¹⁵ ako abisa bu ka, "Nzen m tóori Yesu maari am, am má m nzu wó?" Na ba kan jete ñwaa aburasan, afa ama i. ¹⁶ Fite nyini cæn n na Yudasi akpini atin kabo i yó na bu nya Yesu taraabiri.

Kabo Yesu ni i susufóm diiri cænkpiri diire ni

¹⁷ Na cænkpiri n bo bu di i ni kponó bo bu gó má ayiri nu na i yasu ni, i lekun cæn, na Yesu susufóm n aba i dó, aba abisa ka, "A koro ka ya kó ni kó sese Butara cænkpiri n diire n su se a?" ¹⁸ Na wó se bu ka, "Am kó mié n kunnu, sɔnɔ be wo dó, na am kó se i ka, 'Ya Kerefó n ña o, i sangga naju. Na i ni i susufóm ni bá di Butara cænkpiri diire ni, u dika n nu.'" ¹⁹ Na Yesu susufóm n ako ayo kabo i seeri bu ni, na ba sese Butara cænkpiri n diire n su.

²⁰ Na naasó sangga, na Yesu ni i susufó buru ni nnyóm n aba atana ka bu di diire ni. ²¹ Sangga bo bu tana wo diire n di su ni, na Yesu ase bu ka, "Nahore ye m suse am n a, am nu kun bá tó m ma m kpófóm a." ²² Na bu ahore asaaki, na bu kun kun n kere abisa i ka, "M Mibie, ye m ña má mini yiri e?" ²³ Na Yesu abo bu nu ka, "Am nu kun bo m ni yiri sangga fa ya saa wura taale kun nu ni, yiri tó m a." ²⁴ Mini Adamande Wa ni wú kabo ba kere i Nyemé Jóre Kadasi n nu ase ka m wú n wó, ama, sɔnɔ n bo i tó mini Adamande Wa n ni, i mi bá ñu anyumboro. Má ba wu má i mi n mmɔɔ, má i ti ye." ²⁵ Na Yudasí bo i tó Yesu n abisa i ka, "Ya Kerefó, m ña má mini yiri e?" Na Yesu abo i nu ka, "Kabo a jójóori ni, i ti sɔ o."

Ya Mibie kasin diire n jóre

²⁶ Sangga bo Yesu ni i susufóm ni wo diire n di su ni, na Yesu afa kponó, na wó da Nyemé asi, na wó bubu i nu, na wó fa ama bu, na wó se bu ka, "Am de ahin kponó n na am di, i ti m ñuniembaa a." ²⁷ Na wó kaaki afa awa ni nzan, na wó da Nyemé asi, na wó fa ama bu, na wó se bu ka, "Am kere nu be." ²⁸ Ahin nzan n ti m mbunja a læe, ye m sufa ma am n a. M mbunja n dæe ti, ye Nyemé sufa seseu na i di i di n a. Minem donyú satie dæe ti, ye m mbunja ni songi gó a, na Nyemé fa bu satie ce bu." ²⁹ Na wó kaaki ase bu ka, "M suse am wó læe, ka, m nú má ahin nzan bekun, má ka cæn be bo m ni amberé bá sangga nu i fofore, m Si Nyemé femeya n nu ni."

³⁰ Nyini sin na ba di jue akansi Nyemé, na ba fite ako Oliva Buka n su.

Kabo Yesu seeri i susufóm n ka bu bá ñmati yaki i ni

³¹ Dó na Yesu ase i susufóm ni ka, "Nyuma dæe kongue n nu, am kere ñmáti yaki m, dama ba kere i Nyemé Jóre Kadasi n nu ka, Nyemé ña, 'M kó kun bɔsasafó ni, na nbœm bá sandi.'

³² Ama, m bá tengeeri m yiwee n nu, m dú am mɔ kó Galili awóre n nu." ³³ Na Petoro ase i ka, "Nzen ahinm kere ñmati yakiiri u, mini ñmáti yaki má u da." ³⁴ Na Yesu ase Petoro ka, "Nahóre ye m suse u n a, nyuma kongue n nu, kana akonyuma bá bo, a kéte kpe nsan ka a si má m." ³⁵ Na Petoro akaaki ase i ka, "Mini sé má sɔ da. Nzen haari wó yo daka ka mini ni wó kere sangga wú mmɔɔ, ñka ya wú wó." Na i susufóm n kere ase sɔ.

Kabo Yesu jeke tiiri na i kó sereeri Nyemé ni

³⁶ Na Yesu ni i susufóm n ayasu ako ajú awóre be bo bu fere i ka Gesemane ni, na Yesu ase i susufóm ni ka, "Am tana fen ñminda m, na m kó dó kó sere Nyemé." ³⁷ Na wó fa Petoro ni Zebedi nbaa nnyóm ni, na ba kó mɔ kaan. Bu kó juuri dó, na ahoresaaki aba i dó agaya, na i jeke ati. ³⁸ Na wó se bu ka, "Ahoresaaki aba m dó agaya, i yo m ka m wu wó mmɔɔ. Am wo fen na am ñminda m. Má am daafi." ³⁹ Na wó kó dede kaan, na wó butu i kunnu su. Na wó sere Nyemé, i ña, "M Si Nyemé, nzen má a soro su, yi m fite ahin anyumboro n bo i suba m dó n nu. Haari ni nyini mmɔɔ, má a yo kabo m koro ni, ama, yo kabo a koro ni."

⁴⁰ I sere Nyemé wieeri ni, na wó kpíe i nyi ako anju ka i susufó nsanm ni wo daafiri su. Na wó bisa Petoro ka, "Nzu ti ye am mine nsan n kere be mmɔɔ koro kpíe má

daafiri haari kaan so mmoo a?" ⁴¹ Na wo kaaki ase bu ka, "Am kpie daafiri, na am sere Nyeme adena ma deke be yo am na am wura satie nu. Aforembaa n koro nyemesu, ama, anjuniembaa n ayoroki."

⁴² Na wo kaaki ako asere Nyeme bekun, i na, "M Si Nyeme, nzen i ti u dee koroyanu ka m fite ma ahin anyumboro n bo i suba m do n nu, ma u dee koroowa n yo." ⁴³ Na wo kpie i nyi aba i susufom n do, na wo ba anu ka ba daafi bekun, dama daafiri ati bu agaya. ⁴⁴ Na Yesu ayaki bu bekun, na wo ko asere Nyeme kpe nsan su, ni nyini noanie joojowa kun bo i du mo joojori i ni. ⁴⁵ Nyini sin, na wo kpie i nyi aba i susufom n do, aba anu ka bu toko wo daafiri su, na wo se bu ka, "Am toko daafi yi am nuni wo? Am nie, sangga n aju, wo to mini Adamande Wa ni ama satieyofom. ⁴⁶ Am nie, sono n bo wo to m lee. Am yasu na ya ko."

Kabo bu taraari Yesu barasu ni

⁴⁷ Na sangga bo Yesu toko wo joojori su ni, na Yudasi bo i ti Yesu susufo buru ni nnyom nu kun aju ni jama beberebe. Bu bita takobem ni koromam. Nyeme sayoowa donguyofom, ni Yudafo nkprienkpienm ni sunmaari bu a. ⁴⁸ Na Yudasi bo i tooori Yesu ni akere jama n nyaari su kabo bu si Yesu na bu tara i. I na, "Sono n bo m ko biti i ni, yiri lee. Am tara i." ⁴⁹ Sangga bo bu ko juuri deke bo Yesu wo ni, na Yudasi akaba ako i do, na wo se i ka, "Ya Kerefo." Na wo biti i, na wo yo i anse. ⁵⁰ Na Yesu ase i ka, "M don, yo deke n bo a koro ka a yo i ni ndende." Na minem n aba atara Yesu, na ba bita i kenken. ⁵¹ Na Yesu susufom n nu kun acin aworo i takobe, na wo kpie sono be sui, nyini sono n ti Nyeme sayoowa donguyofom kpien n akoo o. ⁵² Na Yesu ase i ka, "Fa u takobe n kaaki wura i bue nu. Dama minem kere bo bu fa takobe yo juma ni, bere gusu ba wu ni takobe wo. ⁵³ A si ma ka nzen ma m sereeri m Si Nyeme, i sunma i meretekem asese asese buru ni nnyo, na bu ba buka m kisa kisa bere? ⁵⁴ Ama, nzen m nya yoori so, kabo ba kere i Nyeme Jore Kadasi n nu ka wo yo daka ka i yo so ni, i yo se ye i ba yo yiiwa?"

⁵⁵ Na Yesu abisa jama n ka, "M ti finfo o, ye am fa takobem ni koromam na am ba tara m a? Een kere een m ni ambere wo Nyeme Sereebiri Awuru n nu a, ye m kere minem a, ama, am atara ma m. ⁵⁶ Ama, ahin kere yo so, adena kabo Nyeme noanie kanfom akere i Nyeme Jore Kadasi n nu n yo yiiwa a." Do na i susufom n kere anmati ayaki i.

Kabo bu fa Yesu korri jore diibiri ni

⁵⁷ Na bo bu taraari Yesu n afa i ako Kayafasi do, yiri ti Nyeme sayoowa donguyofom kpien n a. I dika n nu ye Nyeme noanie kerefo n ni, ni Yudafo nkprienkpienm ni tienri bu noo a. ⁵⁸ Na Petoro asu Yesu su, i woori dede kaan ni yiri, haari i ko wuraari Nyeme sayoowa donguyofom kpien n dika gisan nu. I wuraari gisan n nu ni, na wo ko asanga atana tintinjinafo n nu, adena i ju sa n bo i yo n awieeri. ⁵⁹ Na Nyeme sayoowa donguyofom nkprienkpienm ni, ni Yudafo tereterefo n n kere anienem minem bo bu ba di kore daani fa ko ngasi bo Yesu ado i ni, adena bu nya i taraabiri na bu kun i. ⁶⁰ Haari ni bo mine beberebe fite jina diiri kore daani n kere, ba nya ma jore bo bu fa kpie so i. Kasin na mine nnyo nbem ayasu ajina, ⁶¹ na ba se ka, "Ahin sono n na yiri koro fufu Nyeme Sereebiri Awuru ni, na i kaaki ta i lesan afien." ⁶² Na Nyeme sayoowa donguyofom kpien n ayasu ajina, na wo bisa Yesu ka, "A la ma bonu be fa ko ahin jore n bo minem ni akpie aso u n su?" ⁶³ Ama, na Yesu amo i noo. Na Nyeme sayoowa donguyofom kpien n ajojo i do bekun, i na, "Kisa, m koro ka a tan Nyeme bo i wo bere sangga kere ni. Nzen woro ti Nyeme Wa n bo i ti Kristo Tiidefo ni, se ya." ⁶⁴ Na Yesu abo i nu ka, "Kabo a joojori ni, i ti so o. Ama, m suse am kere wo lee ka, 'Fite nyuma fa ko, am ba ju mini Adamande Wa ni ka m tana Nyeme Yikofon n saa fomboro su, na am nu ka m fite angoro yinyinggu n nu suba.' "

⁶⁵ Yesu bo nu so wieeri ni, na Nyeme sayoowa donguyofom kpien n ason i tanlee. Na wo se ka, "Wo jojo awura Nyeme ngasi nu. Ya koro ma daanifo bekun. Ambere mmoo ti kabo wo jojo awura Nyeme ngasi n nu e. ⁶⁶ Ye am na se wo?" Na bu kere ase ka, "Wo kan ciire jore lee, wo yo daka ka i wu."

⁶⁷ Na ba yi nanzue ago Yesu nyunuawa nu, na ba bo i, na ba bo i nyooonu, ⁶⁸ na ba se i ka, "Woro Kristo Tiidefo ni, nma bo u a? Kan kere ya."

Kabo Petoro keteeri ka i si ma Yesu ni

⁶⁹ Bu wo nyini kere su ni, na Petoro toko tana gisan n nu, na afani be aba i bi, na wo se Petoro ka, "Woro mmoo yo woori nyini Yesu Gallifo n do o." ⁷⁰ Ama, na Petoro akete bu kere nyunu ase ka, "Ai, m si ma nyini jore n bo a suojo i ni mmoo." ⁷¹ Na Petoro afite ako gisan n ano n nu, na afani nyinja be aba anu i, na wo se minem bo bu jina bere

n ka, "Ahin sɔnɔ ni mmɔɔ yo woori Yesu Nazaretifo n dɔ ɔ." ⁷² Na Petoro akete bekun, na wɔ tan ndiɛ, i ɲa, "Mini si má nyini sɔnɔ ni mmɔɔ." ⁷³ Wɔ ɛ má na minɛ n bo bu jina bere n gusu ase Petoro ka, "Nahɔre, a ti bu kun wɔ, dama u jɔjɔwɔa ni kere sɔ a." ⁷⁴ Na Petoro atan ndiɛ afa i saa awura sin nu, i ɲa, "M si má nyini sɔnɔ ni." Kpɛngɔa na akɔnyuma abo. ⁷⁵ Na Petoro atɛngɛ su kabo Yesu seeri i ni, i ɲa "Kana akɔnyuma bá bo, a kéte kpe nsan su ka a si má m." Na wɔ fite akɔ asun agaya.

27

Kabo bu faari Yesu kɔ jinaari Gomina Pilato nyunu ni

¹ Na alectin sangɔa na Nyɛmɛ sayoowa dɔnguyofɔ nkpienkpiɛnm, ni Yudafɔm nkpienkpiɛnm n atana ase se su kabo bu yo barasu na bu kun i. ² Na ba wura i jɔrɔkɔ, na ba fa i akɔ ama Pilato bo i ti Romafɔm gomina ni.

Kabo Yudasi kuunri i ɲu ni

³ Sangɔa bo Yudasi bo i tɔɔri Yesu n tiiri ka ba ma nɔɔ ka bu kun Yesu ni, na wɔ yo m si n sɔ, na wɔ kaaki awɔrɔ jete ɲwaa aburasan n aba ama Nyɛmɛ sayoowa dɔnguyofɔ nkpienkpiɛnm, ni Yudafɔm nkpienkpiɛnm ni. ⁴ Na wɔ se bu ka, "Ma yo satiɛ kabo ma tɔ sɔnɔ bo i la má ɲgasi be na bu kun i ni." Na ba se i ka, "Ya ɛɛɛ bɔnɔ wo nyini nu a? U dɛɛ jɔrɛ lɛɛ." ⁵ Na Yudasi afa ɲwaa n atu Nyɛmɛ Sereebiri Awuru n nu, na wɔ fite akɔ awura i kɔm nyama akun i ɲu.

⁶ Na Nyɛmɛ sayoowa dɔnguyofɔ nkpienkpiɛnm n afa ɲwaa ni, na ba se ka, "Ahin ɲwaa n ti mbunja yiiwa ɲwaa a. Nyɛmɛ nɔɔniɛ kpamaawa n kere ka má be fa i ɲusu fa sangɔ Nyɛmɛ Sereebiri Awuru dɛɛ ɲwaa n nu." ⁷ Na ba yo anɔɔɛ, afa ɲwaa n ato asien be, bo bu fere i ka yakati tafɔ juma yoobiri ni, ka bu fa yo wɔfɔm seebiri. ⁸ Nyini ti ye bu fere nyini asien n ka Mbunja Asien, haari ni nyuma sɔ n a. ⁹ Dɔ na nɔɔniɛ n bo Nyɛmɛ nɔɔniɛ kanfɔ Jeremiya yo jɔjɔri n ayo yiiwa, i ɲa, "Ba fa jete ɲwaa aburasan n bo Yisarelifɔm kere soroori su ka bu tɔ i kaari, sɔnɔ n dɛɛ ti ni, ¹⁰ na ba fa ɲwaa n ato yakati tafɔ juma yoobiri, kabo Micɛra n seeri m ka bu yó lɛɛ."

Kabo Gomina Pilato bisaari Yesu jɔrɛ ni

¹¹ Na ba fa Yesu akɔ ajina Gomina Pilato n nyunu, na wɔ bisa Yesu ka, "Wɔrɔ ti Yudafɔm femɛ n a?" Na wɔ bo i nu ka, "Kabo a jɔjɔ ni, i ti sɔ ɔ." ¹² Na Nyɛmɛ sayoowa dɔnguyofɔ nkpienkpiɛnm, ni Yudafɔm nkpienkpiɛnm akpiɛ jɔrɛ asɔ Yesu, ama, wɔ bo má be nu. ¹³ Na Gomina Pilato abisa i ka, "A ti má jɔrɛ n kere bo ba kpɛi asɔ u ni?" ¹⁴ Ama, Yesu abɔ má jɔrɛ n haari kun be mmɔɔ nu, na gomina n abirisi agaya kabo wɔ bo má nu ni.

Kabo Gomina Pilato maari nɔɔ ka bu kun Yesu ni

¹⁵ Afɔ kɛrɛ afɔ, Butara ɛɛnkpiiri n nya ba ju, Romafɔm gomina yi dansaraka n bo jama n koro ka i yi i ji n wɔ. ¹⁶ Nyini sangɔ ni, sɔnɔ be woori dansaraka n nu dɔ, bu fere i ka Barabasi, i ti má jɔrɛ bu, sɔnɔ kɛrɛ si i sa. ¹⁷ Na sangɔ bo jama n kere ba tiɛnri bu nɔɔ ni, na Gomina Pilato abisa bu ka, "Am koro ka m yi ɲma ma am a, Barabasi ni, nzen Yesu n bo bu fere i ka Kristo Tiidefɔ ni?" ¹⁸ I seeri sɔ ni, dama i siiri tenle su ka bu si Yesu kɛrɛ ti ye bu faari i ba wuraari i saa nu a.

¹⁹ Sangɔ bo Gomina Pilato wo Yesu jɔrɛdi su ni, na i yi asunma ase ka, "Má a se ka a yo nyini nahɔrɛfɔ n sa be, dama anuma kɔngue, ma cin alele fa kɔ nyini sɔnɔ n dɔ bo wɔ mie m agaya."

²⁰ Ama, na Nyɛmɛ sayoowa dɔnguyofɔ nkpienkpiɛnm, ni Yudafɔm nkpienkpiɛnm n awura jama n bu sin ka bu sere Gomina Pilato ka i yi Barabasi ma bu, na i kún Yesu. ²¹ Ama, na Gomina Pilato akaaki abisa jama n ka, "Nyini mine nnyom ni nu, am koro ka m yi ɲma ma am a?" Na ba bo i nu ka, "Barabasi." ²² Na Gomina Pilato abisa bekun ka, "Ye ahin Yesu n bo bu fere i ka Kristo Tiidefɔ ni, am koro ka m yó i sɛ wɔ?" Na bu kɛrɛ abɔ i nu ka, "Kpama i baka jaanu n su na i wu." ²³ Na Pilato abisa ka, "Ye nzu satie ye wɔ yo i a?" Ama, na ba kaaki atiɛn kpa agaya bekun ase ka, "Kpama i baka jaanu n su na i wu."

²⁴ Sangɔ bo Gomina Pilato ɲuuri ka i koro yo má jɔrɛ n dɔngɔ, haari ni bo wɔ boro i nyi na i yo i dɔngɔ ni, jama n akete sukoro ka bu yo naɲmie. Nyini ti, na wɔ fa nzue aɲmisi i saa, jama n kɛrɛ nyunu, na wɔ se bu ka, "M saa wo má ahin sɔnɔ n yiwee nu. Am dɛɛ jɔrɛ lɛɛ." ²⁵ Na jama n kere ase i ka, "Tɔ, ma i yiwee ni ɲgasi su ya su, ni ya anumam kɛrɛ." ²⁶ Dɔ na Gomina Pilato ayi Barabasi aji, na wɔ ma sojam n afin Yesu ɲgbere, na wɔ nya afa i awura bu saa nu ka bu kɔ kpama i baka jaanu n su na i wu.

Kabo sojam yoori Yesu anzasi ni

²⁷ Na Gomina Pilato n dɛɛ sojam n afa Yesu awura i gisan n nu, na ba tien bu bɛngu sojam kɛrɛ nɔɔ abara aye i. ²⁸ Na ba yi Yesu sutura bo i wura i ni, na ba fa tanlɛ kɔkɔrɛ yorom be ka fɛmɛya tanlɛ dɛɛ su awura i. ²⁹ Na ba fa buwe aɲo i ka kaba dɛɛ su, na ba fa aforo i tii ka fɛmɛya kere dɛɛ su. Na ba fa kpama awura i saa nu, na ba kutu i nyunu suyo i anzasi, bu ɲa, “Yudafɔm Fɛmɛ ni, ya yo u anse.” ³⁰ Na ba yi nanzue ago i ɲu, na ba de kpama ni i do, na bu sɔfin i tii baka. ³¹ Bu ba yoori i anzasi n wieri ni, na ba yi tanlɛ kɔkɔrɛ yorom ni, na ba kaaki afa i tienɲu dɛɛ sutura n awura i. Na ba nya afa i ako ka bu ko kpama i baka jaanu n su.

Kabo bu kpamaari Yesu baka jaanu n su ni

³² Sanga bo bu suko ni, na bu ni Sirenefo bie be aye, bu fere i ka Simon. Na sojam n amie i ka i so Yesu baka jaanu ni. ³³ Na ba ko aju awɔre be bo bu fere i ka *Gologota* ni, *Gologota* n bu la ka Tereawa Woobiri. ³⁴ Na ba sangaa nzan ni ayiri wiwi barasu be ama Yesu ka i nu na i jo yaari ni, ama, i kaanri i nɔɔ o, na wo kete, wo nu má i. ³⁵ Na ba nya akpama i baka jaanu n su, na ba ye i su ajina. Bu yoori so wieri ni, na ba tu mbaa na bu si kabo bu kpaaki i suturam nu, bu ɲuɲu nu. ³⁶ Nyini sin na ba ka atana sunie Yesu. ³⁷ Na ba kere jore n bo bu kpɛ sɔri i ni, afa abo akpama i baka jaanu n tii su, kereewa n la ka, “Yesu bo i ti Yudafɔm Fɛmɛ n lɛɛ.” ³⁸ Na ba kpama finfo nnyo nbem baka jaanu su adodo i, bu kpamaari kun i saa fɔmboro su, na ba kpama kun n gusu i saa bie su.

³⁹ Na minem kere bo bu sin do ni, subobo bu tii, na ba kpɛ i nzuko, bu ɲa, ⁴⁰ “Woro bo a ɲa a fufu Nyeme Sereebiri Awuru n na a kaaki ta i lesan afien n lɛɛ, de u tii ji. Nzen a ti Nyeme Wa nahore su, jura baka jaanu n su.” ⁴¹ So ye Nyeme sayoowa donɲuyofɔ nkpienkpienm, ni Nyeme nɔanie kerefom, ni Yudafɔm nkpienkpienm n gusu yoori i anzasi a, ⁴² bu ɲa, “Wo de minem tii aji, ama, i sukoro de má yiri ni i tii. M ɲa i ti Yisareliɔm Fɛmɛ n wo e. To, ma i jura baka jaanu n su bra kisa kisa na ya nie, na ya yo i yarada. ⁴³ I daafi Nyeme ɲu a, ye i ɲa i ti Nyeme Wa a. To, nzen Nyeme koro i a, ma i de i tii ji kisa na ya nie.” ⁴⁴ Haari na finfo nnyom n bo bu kpamaari bu dodoori Yesu ni mmoo akpie i nzuko so.

Kabo Yesu wuuri ni

⁴⁵ Wiesu kerefi buru ni nnyo sangaa na awosin akata asien n kere su, haari naaso kerefi nsan. ⁴⁶ Na fa ko nyini sangaa ni, na Yesu abo awie kpa ase ka, “*Eli, Eli, lama sabatani?*” I bu la ka, “M Nyeme, m Nyeme, nzu ti ye a yaki m aji a?” ⁴⁷ Na mine nbem jinaari bere, bu nbem n tiiri so ni, na ba se ka, “Am ti, ahin sɔno n sufere Eliya.” ⁴⁸ Kpenɲa na bu nu kun aɲmati afa mene, adɔ nzan gagaraki be nu, na wo fa awɔ baka su alaandi ato Yesu nɔɔ ka i nu. ⁴⁹ Ama, na nyingam n ase ka, “Am yaki na ya nie, ka Eliya bá de i tii ji?”

⁵⁰ Na Yesu abo awie kpa, na wo nya ayo Nyeme dɛɛ. ⁵¹ Do na tani bambaka n bo bu fa kanda kpaakiiri Sɔɔ Casi n bo i wo Nyeme Sereebiri Awuru n nu n ati nu nnyo, fa i aɲgoro ko jura i asienɲu. Na asien n akpisi, na yabue ɲgbingbirim akpakpaaki nu. ⁵² Na fanɲunmam ateke, na Nyeme minem donɲu bo ba wu n atenɲe bu yiwee nu. ⁵³ Na ba fite fanɲunmam n nu, na sangaa bo Yesu ba tenɲeeri i yiwee n nu ni, na ba ko awura Yerusalem mie kpiri n nu, na mine donɲu aɲu bu. ⁵⁴ Na soja kpian n ni i sojam n bo bu jina nieeri Yesu ni, na bu ɲuuri kabo asien n kpisiiri barasu, ni kabo sa n kere yoori ni, na sere ati bu agaya, na ba se ka, “Ahin sɔno n ti Nyeme Wa a nahore su.”

⁵⁵ Na nbaram beberebe bo bu su i su fite Galili awore n nu na bu buka i ni, ajina dede sunie Yesu. ⁵⁶ Bu nu nbem la Mariya bo i fite Magadala mie n nu ni, ni Mariya n bo i nbaam la Yakobo ni Yosefu ni, ni Zebedi yi.

Kabo bu yoori Yesu sutura barasu ni

⁵⁷ Na naaso sangaa na nenɲeɲe be aba, i fite Aramatiya mie kpiri n nu wo, bu fere i ka Yosefu. Yiri mmoo ti Yesu susufom kun wo. ⁵⁸ Na wo ko asere Gomina Pilato ka i fa Yesu ɲunie n ma i. Na Gomina Pilato ama nɔɔ ka bu ko fa ma i. ⁵⁹ Na Yosefu ako ayi Yesu fuin n apɔndi nzee fɔfore nu, ⁶⁰ na wo ko ase i fanɲunma nu, yiri Yosefu dɛɛ tienɲu yabue bu fanɲunma n bo ba lokoti i fɔfore ni. Na wo nya akundu yabue bambaka afa ato fanɲunma n aɲo ni, na wo ko. ⁶¹ Na Mariya Magadalafɔ ni, ni Mariya nyinga n atana afa bu nyunu awɔ fanɲunma ni.

Kabo tintinijinafom jina ɲmindaari Yesu fanɲunma ni

⁶² Na alecin fɔfore bo i ti Yudafɔm Nɲumiye cɛɛn ni, na Nyeme sayoowa donɲuyofɔ nkpienkpienm, ni Farasifom n ako Gomina Pilato do. ⁶³ Na ba ko ase i ka, “Ya si, ya tenɲe su ka sangaa bo nyini korefo n yo la ɲgoɔ ni, na wo se ka yiri wuuri, i lesan cɛɛn, i tenɲe i yiwee n nu. ⁶⁴ Nyini ti, ma nɔɔ na bu ko jina ɲminda i fanɲunma ni, fa ko ju haari lesan cɛɛn ni, má nyini, i susufom ni koro ko wo yi i ɲunie ni, na bu bu kore ka wo tenɲe wo. Nyini sangaa, kasin dɛɛ kore ni tara bumboori dɛɛ ni.” ⁶⁵ Na Gomina Pilato

ase bu ka, “Am fa tintinijinafom, na am ma bu ko jina nminda i fanjunma n kabo am koro i barasu ni, na ma be koro yo pui.” ⁶⁶ Nyini ti, na ba ko ata ato fanjunma n ano n kere, na ba ma tintinijinafom n ajina anminda abara aye i, adena ma be koro yo pui.

28

Kabo Yesu tengeeri i yiwee n nu ni

¹ YudafoƆm Nnumiyi ceen n sin dee alecin, bakue n bumboori, mone ceen ngarama fuun, na Mariya Magadalafo ni, ni Mariya nyinga ni, ako ka bu ko nie Yesu fanjunma ni. ² Kpenga na asien n akpisi agaya, dama Micera n mereke be fiteeri angoro jura ba kundu yiiri yabue bambaka n fanjunma n ano n su a, na wo fun atana su. ³ Na wo ta fofoe papasi ka nzue kpeseeewa dee su, na i sutura n kere ayo fofoe ka cisen. ⁴ Na sere ati tintinijinafom ni, na bu nunie subobo bu, na ba yo ka ba wu dee su wo.

⁵ Na Nyeme mereke n ase nbaram n ka, “Ma am ma sere ti am. M si ka am nienie Yesu bo bu kpamaari i baka jaanu n su n wo. ⁶ I wo ma fen. Wo tenge i yiwee n nu, kabo i yo seeri am ni. Am ba nie deke bo bu faari i seeri ni. ⁷ Am kpie am nyi na am ko se i susufom ni ka wo tenge i yiwee n nu. Am ti fen, i sudu am mo ko Galili awore n nu, do ye am ko nu i a. Ma se am lee.”

⁸ Na ba fite fanjunma n nu ndende ni sere, ama, ni ahorejo, na ba nmati na bu ko se i susufom ni. ⁹ Bu sukoni, kpenga na bu ni Yesu aye, na wo yo bu anse. Na ba kutu i jaa bu, na ba ma i jirima. ¹⁰ Na wo se bu ka, “Ma am ma sere ti am. Am ko se m ninbaam ka bu ko Galili, do ye bu ko nu m a.”

Kabo tintinijinafom seeri sa n bo i yoori ni

¹¹ Saŋga bo nbaram n wo ko su ni, na tintinijinafom nbem ako mie n kunnu, ako ama Nyeme sayoowa donguyofon nkpienkpienm ni labari, fa ko sa n kere bo wo yo n su. ¹² Na Nyeme sayoowa donguyofon nkpienkpienm, ni Yudafo nkpienkpienm n atien bu noo, afa ase se su, na ba ma tintinijinafom ni nwaa beberebe, ¹³ na ba se bu ka, “Am se minem ka, saŋga bo am adaafi kongue n ye i susufom ni ba wo yiiri i a. ¹⁴ Na nzen haari gomina n ba tiiri nyini labari ni, yere kan de am tii, na i yo ma am pui.” ¹⁵ Na tintinijinafom n ade nwaa n na ba ko ase minem kabo nkpienkpienm n seeri bu ni. Nyini dee ti ye nyini labari n abara aye YudafoƆm do, fa ba ju haari ni nyuma n a.

Kabo Yesu faari i nu kereeri i susufom ni

¹⁶ Na i susufon buru ni kunm n ako Galili awore n nu na ba fun ako buka n su, deke bo Yesu seeri bu ka bu ko ni. ¹⁷ Saŋga bo bu ko nuuri i ni, na ba kutu ama i jirima, ama, bu nbem asunsun ka ma yiri lee. ¹⁸ Na Yesu acin adodo bu, na wo se bu ka, “Nyeme afa angoro ni asienngu fen kere yiko, afa awura m saa nu. ¹⁹ Nyini ti, am ko durunya n kere nu, na am ma daanfie kere yo m susufom. Na am bie bu Nyeme nzue, Si, ni Baa, ni Awiewie Casi n dee duma nu. ²⁰ Na am kere bu ka bu de m noanie maawa n kere bo ma fa ama am ni. Am ti fen, m wo am do, saŋga kere, fa ko haari durunya n awieeri.”

Labari kpa n bo MARAKO akere i ni

Kabo Yohane Nyeme Nzue Biefo kaanri Nyeme jore ni

¹ Ahin jore ni, i ti Nyeme Wa Yesu Kristo dee labari kpa n wo. Kabo i boori i bu yaa.
²⁻³ Nyeme yo seeri i wa n ka,

“Ti fen, m sunma m sunmafo n na i du u mo,
yiri sese u atin n su a.

Yiri ko subo ndoori boro kpantain n nu se ka,
‘Am sese Mibie n atin n su,
na am yo i atin n dongu.’”

Na Nyeme ama ba kere nyini jooowa n kere Nyeme noanie kanfo Esaya dee kadasi n nu. ⁴ Nyini sono n bo Nyeme sunmaari i n la sono be bo bu fere i ka Yohane Nyeme Nzue Biefo ni. I baari boro kpantain n nu, na i sukan Nyeme jore, i na, “Am kaaki am wo na m bie am Nyeme nzue, na Nyeme fa am ngasi ni am satie kere ce am.”

⁵ Na Yudiya asiensufom, ni Yerusalem mie nufom kere afite aba i do, na ba kan bu ngasi ni bu satie kere bo ba yo i akere Nyeme, na Yohane abie bu Nyeme nzue Yodan kunma n nu.

⁶ Yohane sutura wuraawa yo ti deke bo bu faari nyooma ndore wuuri i a, na wo fa jina abo i wi nu. I diire yo la lalom ni wie wo. ⁷ I kaanri Nyeme jore, i na, “Sono be wo m sin suba, i tara m fieo, m ti kaan ni bo m dodo i. ⁸ Mini afa nzue abie am a, na am yo casi, ama, yiri fa Nyeme Awiewie Casi n wura am nu yo am casi a, kabo sono bie nzue na i yo casi ni.”

Kabo Yohane bieeri Yesu Nyeme nzue ni

⁹ Nyini sangga n na Yesu afite Nazareti, mie n bo i wo Galili awore n nu ni, na wo ba Yohane do, na Yohane abie i Nyeme nzue Yodan kunma n nu. ¹⁰ Sangga bo Yesu fiteeri nzue n nu ni, kpegga na wo nu ka angoro n ateke, na Awiewie Casi n ajura ka tiwa dee su aba atana i nu. ¹¹ Na wo ti akonvi be nga angoro, i na, “Woro ti m wa a, m koro u agaya, m ahore ajo u nu.”

Kabo Sitana yoori Yesu na i nie ni

¹² Nyini jinaabiri n nu na Awiewie Casi n ama Yesu ako boro kpantain n nu. ¹³ I woori do een aburana, i ni boro nengem woori do a, na Sitana ayo i na i nie ka, i yo yiri Sitana n dee koroowa, nzen i yo ma. Ama, Yesu asoro ma su. Na Nyeme merkem aba asu i.

Kabo Yesu fereeri jombaa tarafu nna nbem ka bu su i su ni

¹⁴ Sangga bo bu taraari Yohane nyiiri i dansaraka n sin, na Yesu ako Galili awore n nu, na i sukan labari kpa n fa ko Nyeme atin n su kere minem, ¹⁵ i na, “Sangga n aju bo Nyeme Feme ba nie i minem su. Am kaaki am wo, na am de Nyeme labari kpa n na am yo i yarada.”

¹⁶ Ye i ba sunati sin Galili kunma kpiri n noo su, na wo nu jombaa tarafu nnyo nbem. Bere la Simon ni i niema Andere. Bu wo bu diendie sandi su kunma kpiri n nu. ¹⁷ Na Yesu ase bu ka, “Am bra na am ba su m su, na m ma tien minem noo ma m, kabo am tara jombaa ni.” ¹⁸ I seeri so ni, na ba kaba ayaki bu diendiem ni, na ba su i su.

¹⁹ I nati koori mo kaan bekun, na wo nu mine nnyo nbem. Bere la Yakobo ni i niema Yohane. Bu fere bu si ka Zebedi. Bu wo lee nu suyo bu diendiem dongu. ²⁰ Do na wo fere bu ka bu su i su, na ba yaki bu si ni, ni i npaadifom n lee n nu, na ba su i su.

Kabo Yesu fon yiiri ajini sono be nu ni

²¹ Na ba ko aju mie kpiri n bo bu fere i ka Kapenam su. Na Yudafom Njumiyi een na Yesu awura bu tientienbunoo soo n nu, bo bu sere Nyeme na bu kere Nyeme jore nu ni, na wo kan Nyeme noanie akere minem ni. ²² Na bu kere ayo alekutura fa ko i kereewa n su, dama i kereewa n awo i ngumi ni Yudafom dee Nyeme noanie kerefo ni. I kereewa n la yiko. ²³ Nyini sangga n nu na sono bo ajini wo i nu n aba bu do bu tientienbunoo soo n nu, na wo bo awie ²⁴ ase ka, “Yesu Nazaretifo, a koro nzu ya nu fen a? A ba ka a ba yo ya ngbeen wo? M si u sa, woro ti sono casi n bo Nyeme asunma u n a.” ²⁵ Na Yesu atien ajini n nu ase ka, “Mo u noo bere, na a fite yaki sono ni.” ²⁶ Na ajini n akpisi sono ni, na wo ciindi afite ayaki i. ²⁷ Na minem kere ayo alekutura ako asin su, na ba

bisa bu nju nu ka, “Ee. Nzu la ahin? I ti kereewa fofore wo. Ahin sono n la yiko bo i koro ma ajinim n mmoo nso na bu de i.” ²⁸ Nyini ti na Yesu duma akaba ata abara aye Galili awore n kere nu.

Kabo Yesu tuntuunri tukpakifom beberebe Simon dika ni

²⁹ Sangha bo i fiteeri tientienbunoo soo n nu ni, na i ni Yakobo ni Yohane ako awura Simon ni Andere dika. ³⁰ Bu ko juuri awuru n nu ni, na ba se Yesu ka Simon sibara la ma i nu, yakoko abo i, i da soro. ³¹ Na wo ko aso i saa nu aye i su atana, na yakoko n ayaki i, na wo ko ayo diire ama bu.

³² Nyini ceen n naaso, dika bibiri sangha, na minem afa tukpakifom kere ni minem bo ajinim wo bu nu n aba Yesu do. ³³ Na mie n nu jama n kere aba atien bu nso i do anungbere n nu. ³⁴ Na wo tuntun tukpaki barasu barasufom beberebe, na ba nya laifie, na wo fon ayi ajinim gusu beberebe. Wo du ma su na ajinim n jojo, dama bu si i sa.

Kabo Yesu kaanri Nyeme jore Galili awore n nu ni

³⁵ Na alecin akonyuma ciciri su, na Yesu ayasu afite ako dede awore be nu i ngumi, na wo ko asere Nyeme. ³⁶ Na Simon ni i bengum ako i niemie. ³⁷ Bu ko juuri i ni, na ba se i ka, “Sono kere sunienie u busu.” ³⁸ Na Yesu ase bu ka, “Am ma ya ko mie nyingam n su na m ko kan Nyeme jore kere bu gusu, dama ka nyini ti ye m baari durunya n nu a.” ³⁹ Na wo bara aye Galili awore n kere nu, sukan Nyeme jore bu tientienbunoo soom n nu, ye i fon yi ajinim minem nu a.

Kabo Yesu tuntuunri kokofu be ni

⁴⁰ Na kokofu be aba Yesu do, na wo ba akutu i nyunu asere i jande ka i buka i. I na, “Nzen a koro ka a ma m nya laifie, a koro ma m nya i.” ⁴¹ Na Yesu anu i anunfo, na wo tenge i saa anana i nu, na wo se i ka, “M koro. Nya laifie.” ⁴² Na kokobi n akaba ayaki sono n na wo nya laifie. ⁴³ Na Yesu ama i atin ka i ko, na wo bobo i ⁴⁴ ase i ka, “Ma a se ka a se be ahin jore ni, ama, ko na a ko fa u nu kere Nyeme sayoowa donguyofu ni, na a ko yo yoowa n bo Moyisi yo kereeri dawafom ni, dama nyini kere minem ka a nya u nu a.” ⁴⁵ Ama, na wo ko abo ndoori, na labari n abara aye deke n kere, nyini ti, Yesu akoro ayi ma i nu fofoe nu miem be nu kun, i fiere i nu aheme wo, na mine afite awore n kere nu aba i do.

2

Kabo Yesu tuntuunri sono bo i saam ni i jaam awu ni

¹ I yoori lennyo na Yesu akpie i nyi aba Kapenam mie kpiri n nu, na labari abara aye ka i wo awuru, ² na mine atien bu nso i do agaya haari fofoe anya ma ano n bo bu fa wura soo n nu mmoo, na Yesu akan Nyeme jore sukere bu. ³ I wo bu kere su ni, na mine nbem aba i do, bu nu mine nna so sono bo i saam ni i jaam awu. ⁴ Jama n sunnuuri so n de e ti, ba koro anya ma fofoe bo bu fa sono n dodo Yesu, na ba fiiti soo n bo Yesu wo nu n angoro bukun, na ba fa i ni i dasu n kere accondi afa i ada soo n nu. ⁵ Yesu juuri kabo bu yoori i yarada n so ni, na wo se sono n bo i saam ni i jaam awu n ka, “M don, ma fa u satie ace u.”

⁶ To. Yudafom Nyeme noanie kerefom nbem tana bere, na ba sunsun bu ahore su ka, ⁷ “Ahin sono n la atin sono ye i jojo wura Nyeme ngasi nu so a? Be wo ma bere bo i koro fa minem satie ni bu ngasi ce, sin Nyeme nu.” ⁸ Na Yesu afa nu i ahore su fa ko bu sunsunni bo bu bita i n su, na wo bisa bu ka, “Nzu ti ye am bita nyini sunsunni ni am ahore su a? ⁹ Bono ti kekereke a, bo m se sono n ka, ‘Ma fa u satie ace u,’ nzen, ‘Yasu fa u dasu n na a nati n a?’ ¹⁰ M kere am ka mini Adamande Wa n la yiko durunya n nu bo m fa minem satie ni bu ngasi ce bu.” Na wo se sono n ka, ¹¹ “Woro, yasu fa u dasu n na a ko awuru.” ¹² I kaba yasu faari i dasu n wo, na wo fite jama n kere nyumbaa nu. Na bu kere ayo alekutura, na ba kansu Nyeme, na ba se ka, “Ya nya nu ma ahin sa n nyusu ceen be.”

Kabo Yesu fereeri Levi ka i su i su ni

¹³ Na Yesu akaaki akpie i nyi ako Galili kunma kpiri n nso su, na jama beberebe ako atien bu nso i do, na wo kan Nyeme jore akere bu. ¹⁴ I wo natiiri su susin ni, na wo nu lampodefom be bo bu fere i ka Levi, Alafeyo wa ni, ka i tana i juma yobiri, na Yesu ase i ka, “Yasu bra na a ba su m su.” Na wo yasu asu i su.

¹⁵ Na Yesu ako Levi dika ka i ko di diire. Na satieyofom, ni lampodefom beberebe asu i su. Diire n diibiri do ni, na bu dongu aba atana Yesu ni i susufom n do, na ba sangha adi diire. ¹⁶ Na Nyeme noanie kerefom nbem bo bu su Farasifom de e atin su ni, anu ka Yesu ni satieyofom, ni lampodefom tana sudi diire, na ba bisa i susufom ni ka, “Nzu ti ye Yesu ni lampodefom, ni satieyofom sangha di diire a?” ¹⁷ Na Yesu ati bu jojowa n na

wɔ bo bu nu ka, “Minem bo bu la laifie n koro má ayirifo, má ka bo bu la má laifie ni koro a. Ma ba má ka m bá fere minem bo bu ɲa bu yo sa bo i kɔ atin su Nyeme do n wɔ, ama, m baari satieyofom n deɛ ti wɔ.”

Kabo Yesu kereeri nɔɔ cici jɔre ni

¹⁸ Cɛɛn be na Yohane deɛ susufom ni Farasifom sucici bu nɔɔ, na mine nbem aba na ba bisa Yesu ka, “Nzu ti ye Yohane susufom ni Farasifom deɛ susufom cici bu nɔɔ, ye u deɛm bere cici má?” ¹⁹ Na Yesu abo bu nu ka, “Am sunsum ka konyayafom koro cici bu nɔɔ sanɲa bo konyafan n toko wo bu do ni, nzen se? Ai, sanɲa bo konyafan n wo bu do ni, bu yo má nyini. ²⁰ Ama, sanɲa suba bo bu bá yi konyafan n fite bu nu, nyini sanɲa n ye bu nyá cici bu nɔɔ a.”

²¹ Na Yesu akaaki ase ka, “Be koro fa má sanvuin fɔfɔre kpa to má tani dawa kunma, nzen i yoori so, sanvuin fɔfɔre ni sɔn tani dawa n wɔ, na i téke i kunma n agaya buka su. ²² I kaaki ti so ɔ bekun ka be koro fa má nzan nyiiwa fanɲafo go má dundu dawa bebete nu, nzen i yoori so, dundu ni tie wɔ, na i ká ngbɛɛn, na nzan n kere songi. Ama, i ti ye ni ka bu fá nzan nyiiwa fanɲafo go dundu fɔfɔre biiwa nu.”

Kabo Yesu jɔɔ fa kɔɔri Numiyi cɛɛn n jɔre ni

²³ Yudafom Numiyi cɛɛn be, na Yesu ni i susufom ni sunati sin alembaa fie be nu, na i susufom n abubu be akpese. ²⁴ Na Farasifom n ase i ka, “Nie fen. Nzu ti ye u susufom ni suyo so a? Nyeme noanie kpamaawa n kere ka má be yo so, Numiyi cɛɛn ni.” ²⁵ Na wɔ bo bu nu ka, “Am nya kan má Nyeme Jɔre Kadasi n nu, kabo Feme Davidi yo yoori sanɲa bo i ni i minem miɛeri diire busu n wɔ, nzen se? ²⁶ Nyini sanɲa Abiyata yo ti Nyeme sayoowa donɲuyofom kere kpian n a. Ahɔɛ n ti, na Feme Davidi ako awura Nyeme Sereebiri Awuru n nu, na wɔ di kpono n bo ba fa ama Nyeme ni, na wɔ ma i minem be. Ama, am si ka ya deɛ atin n su, Nyeme sayoowa donɲuyofom ngumi di nyini kpono n a.”

²⁷ Na Yesu akaaki ase bu ka, “Adamande deɛ ti ye Nyeme yiiri Numiyi cɛɛn n a, má Numiyi cɛɛn n deɛ ti ye Nyeme yiiri adamande a. ²⁸ Nyini ti, Numiyi cɛɛn ni mmɔɔ, mini Adamande Wa ni ti i Mibie a.”

3

Kabo Yesu tuntuunri sɔnɔ asaa fuin be Numiyi cɛɛn ni

¹ Na Yesu akaaki ako tientienbunɔɔ soɔ n nu do bekun. Sɔnɔ asaa fuin be woori do. ² Na minem bo bu wo do n atu bu nyumbaa anie Yesu, na bu nie ka i tuntun asaa fuin n Numiyi cɛɛn ni, nzen i tuntun má i, adena bu só i ngeɛ na bu járaaki i ka wɔ saaki Numiyi cɛɛn n ciire ni. ³ Na Yesu ase asaa fuin n ka, “Ba jina afien fen.” ⁴ Na wɔ bisa bu ka, “Ya deɛ atin n su, atin wo nu ka ya yo sakpa Numiyi cɛɛn ni, nzen ya yo satie wɔ? I kaaki ti ye ni ka ya de ngeɔ, nzen ya yi ngeɔ ɔ?” Ama, ba bo má i nu. ⁵ Na Yesu anie bu nyunu abara aye, na wɔ fa yaa bu ɲu, na i ahore asaaki fa ko bu atii kekere n deɛ ti, na wɔ se sɔnɔ n ka, “Tenge u saa ni.” Na wɔ tenge i saa ni, na wɔ yo fanɲa bekun. ⁶ Na Farasifom n akaba afite tientienbunɔɔ soɔ n nu ako Feme Herode minem do, na ba sese bu ɲu su kabo bu yo na kún Yesu.

Kabo jama beberebe tieɛnri bu nɔɔ Yesu do ni

⁷ Nyini sin na Yesu ni i susufom n afite ako kunma kpiri n nɔɔ su, na jama beberebe afite Galili awɔre n nu asu i su. Nbem gusu fiteeri Yudiya deɛ awɔre n nu, ⁸ ni Yerusalem mie kpiri n nu, ni Idumeya deɛ awɔre n nu, na nbem gusu afite Yodan kunma n wie afiiri ni, ni Tiro ni Sidon deɛ bue ni. Bu tiiri kabo Yesu yoori alekutudan sam barasu ni, nyini ti ye bu baari i do a. ⁹⁻¹⁰ Yesu ama tukpakifom beberebe anya laifie n deɛ ti, bo bu la tukpaki kere koro ka bu mie bu nyi wɔ, na bu sakati wura na bu fa bu saa kan i. Nyini ti, na wɔ se i susufom ni ka bu kpa bu ɲu ni lee ma i, na nzen minem ba ɲa bu mie i ɲu na i koro wura lee n nu. ¹¹ Sanɲa kere bo minem bo ajinim wo bu ɲu n nya ɲuuri i, bu kutu i nyunu wɔ, na bu ciindi na bu se ka, “Wɔɔ ti Nyeme Wa n a.” ¹² Na wɔ boɔo ajinim ni ni anyumbo ro ka, má bu ma be si i sɔnɔ nzuin nu.

Kabo Yesu yiiri mine buru ni nnyɔ ka bu yo i jaramasam ni

¹³ Na Yesu afun ako buka be su, na wɔ fere mine n bo i koroori ka bu ba i do ni, na ba ba i do. ¹⁴ Na wɔ yi bu nu buru ni nnyɔ, na wɔ fa bu ayo i jaramasam ka bu wo i do, na i susunma bu ka bu ko sukan Nyeme jore, ¹⁵ na wɔ ma bu yiko ka bu ko sufɔn yi ajinim minem ɲu. ¹⁶ I jaramasa buru ni nnyɔm ni bo i yiiri bu n la Simon bo Yesu tuunri i duma ka Petoro ni, ¹⁷ ni Yakobo ni i niema Yohane, bo bu si la Zebedi na Yesu kaaki tuunri bu duma ka *Bowanaje*, i bu la ka bu tientien agaya ka nzue wɔ. ¹⁸ Bu nbem gusu la Andere, ni Filipu, ni Batolomeyo, ni Matio, ni Tomasi, ni Yakobo bo i si la Alafeyo ni,

ni Tadayo, ni Simon bo i tu ngoni fa ko i asien su ni, ¹⁹ ni Yudasi Isikariyoti bo i ba tɔɔri Yesu ni.

Kabo minem ɲa Yesu ni Sitana dɛɛ ti kun ni

²⁰ Na Yesu ako awuru, na jama aba atien bu nɔɔ bekun bo i ni i susufom n akoro anya má tana bo bu di diire mmɔɔ. ²¹ Na sanɲa bo i minem tiiri i ɲga ni, na ba ko ka bu ko fa i ba awuru, dama minem ɲa i nyunu akan i. ²² Na Yudafoɔm Nyeme noanie kerefom bo bu fiteeri Yerusalem mie kpiri n nu n ase ka, “Belazebuli bo i ti ajinim kere dɛɛ feme ni, wo i ɲu a.” Na ba kaaki ase ka, “Yiri ajinim kere feme ni ma i yiko ye i koro fon yi ajinim n a.” ²³ Bu seeri so ni, na Yesu afere bu, na wo bo bu miɛɛnu. I ɲa, “Sitana koro yo se fon yi i dɛɛ ajinim minem ɲu a? ²⁴ Ya fa i ka, nzen femeya nya kpakpaakiiri nu wieeri, nyini femeya ni koro jina a? Ai, i koro jina má. ²⁵ Na nzen awuru gusu bo i minem nya kpakpaakiiri nu, nyini awuru ni koro jina a? Ai, i koro jina má. ²⁶ Nzen Sitana dɛɛ femeya n nya kpaakiiri nu wieeri, i koro jina a? Ai, i koro jina má. Nzen i nya yoori so, i fanɲa wie wo. ²⁷ Be koro wura má sono fanɲafo dika na i fin i nenge, má ka wo tara i fanɲa acin i nyama ka, ye i nya koro fin i nenge n bo i wo awuru n nu a.”

²⁸ Na Yesu akaaki ase ka, “M suse am nahore wo lee ka, Nyeme koro fa minem satie kere fa ce bu, haari fa ko sanɲa jore ngbeɛnngbeɛn kere bo bu jojoori i fa ko Nyeme do, ²⁹ ama, sono kere bo i jojo wuraari Awiewie Casi ni ngasi nu, Nyeme fá má i mi ngasi ce má i, dama i mi ayo satie bo i la má awieeri lee.” ³⁰ Deke bo i ti na Yesu seeri so n la ka, bere Nyeme noanie kerefom ni, bu ɲa ajini wo i ɲu a.

Minem bo bu ti Yesu ni, ni i ninbaam nahore su n jore

³¹ Na Yesu ni, ni i niemam aba i do awuru n bo i wo nu ni, na ba ka ajina dasin asunma ka bu fere i. ³² Na jama beberebe atana abara aye yiri Yesu na ba se i ka, “Ti fen. U ni, ni u niemam wo dasin koro u.” ³³ Na wo se bu ka, “Am ma m kere am bo bu ti m ni, ni m niemam.” ³⁴ Na wo nie abara aye minem bo bu tana bara yeeri i ni, na wo se bu ka, “Am nie. M ni, ni m niemam n yaa. ³⁵ Sono kere bo i yo Nyeme sa koroowa, yiri ti m siwa, ni m niwa, ni m ni a.”

4

Miɛɛnu fa ko kabo doɔɔorifo be sandiiri alembaa ni

¹ Na Yesu akaaki ako Galili kunma kpiri n nu, na wo bo i bu sukere minem Nyeme jore, na jama beberebe atien bu nɔɔ i do. Jama n sunnuuri beberebe n dɛɛ ti, na wo wura lee nu atana nzue n nu, na jama n kere atien bu nɔɔ fa dodo nzue n nɔɔ su. ² Na wo bo miɛɛnu, na wo kere bu dekem beberebe. I ɲa, ³ “Am ti fen. Doɔɔorifo be yo fiteeri so ɔ, ka i ko sandi alembaa. ⁴ Sanɲa bo i wo sandi su ni, na alembaam nbem atoto atin n nɔɔ, na anumam aba atambu bu ami. ⁵ Na nbem atoto tieka su, deke bo fa sunnu má ni, na fa sunnu má n dɛɛ ti, na wo ce má, na wo fi, ⁶ ama, sanɲa bo wie ba fiteeri agaya ni, na wo waandi, dama bunlui n akpama abi má n dɛɛ ti. ⁷ Na alembaa ni nbem atoto lolɛ nu, na lolɛ n anyi akata i ɲu, nyini ti, wo koro awura má mbaa. ⁸ Ama, na alembaam ni nbem atoto asien kpa su, na wo nyi awura mbaa zoi zoi.” ⁹ Na Yesu ase bu ka, “Bo i koro ka i ti ahin jore n bu, i ti ye ni ka i so i sui na i ti.”

Deke bo i ti na Yesu boori bu miɛɛnu n ni

¹⁰ Na sanɲa bo i kaari i ni i susufo buru ni nnyom ni, ni minem bo bu wo i do sanɲa kere ni, na ba bisa i nyini miɛɛnu n bu. ¹¹ Na wo bo bu nu ka, “Amberɛ ye Nyeme ama am asi i femeya n nu asiri jore a, ama, minem bo bu su má m su ni, m bo i miɛɛnu kere bu a, ¹² adena i yó kabo ba kere i Nyeme jore Kadasi n nu ni, ka,

‘Bu nie ni nahore su,

ama, bu ɲu má pui.

Bu só bu sui ni nahore su,

ama, bu tí má deke n bo bu so bu sui ka bu ti i n bu,

dama nzen má bu tiiri i bu, má bu káaki bu wo wo,

na Nyeme fá bu satie ce bu.’”

Kabo Yesu kereeri miɛɛnu n bu ni

¹³ Na Yesu abisa bu ka, “Am ati má ahin miɛɛnu n bu? Ye am yó se ti miɛɛnu nyingam n kere bu a? ¹⁴ Ahin miɛɛnu n bu la ka, doɔɔorifo n ti ka sono n bo i kan Nyeme jore n wo. ¹⁵ Mine nbem de Nyeme noanie n kabo alembaa n totoori atin n nɔɔ n wo. Bu nya tiiri Nyeme noanie n na bu de i, i ce má, na Sitana bá yi noanie n fite bu ahore su, a ɲu ka bu wara afi i sa. ¹⁶ Mine nbem gusu de Nyeme noanie n kabo alembaa n totoori tieka su n wo. Bu nya tiiri Nyeme noanie ni, a ɲu ka ba de i ndende ni ahorejo, ¹⁷ ama, i da

má bu ahore su. Bu kaaki ti ka alembaa n bo i bunlui akpama abi má n wó. I woori bu dɔ kaan sɔ na nzen wahara, wara kekereke be ba tuuri bu fa kɔ bu nyemesu n su, a ɲu ka ba fa ati. ¹⁸ Nbem gusu de Nyeme noanie n kabo alembaa n tɔtɔri lɔlɔe nu n wó. Bu nya tiiri Nyeme noanie ni, ¹⁹ ama, bu sunsunni kere wo kabo bu yó na bu asiri káta su, na bu koro kabo bu yó na bu nyá ajekere kere, na bu ahore bi fa kɔ durunya n nu nengem su, na Nyeme noanie n koro da má bu ahore su na i yo juma. Bu ti ka alembaa n bo i wura má mbaa n wó. ²⁰ Ama, mine nbem de Nyeme noanie n kabo alembaa n tɔtɔri asien kpa su n wó. Bu nya tiiri Nyeme noanie ni, na bu de i, na bu fa yo juma na i yo kperere beberebe.”

Kabo sɔnɔ koro so má sin su na i fa fie ni

²¹ Na Yesu abisa bu ka, “Am nya ɲu ka sɔnɔ be aso fitana su na i fa ganja butu su, nzen má nyini i fa kɔ se gado bu? I fa taka deke su angoro wo bo sɔnɔ kere koro ɲu i, má sɔ? ²² Dama deke be wo má bere bo i wo fiewa nu, na bu bá ɲu má i, na deke be gusu wo má bere bo i wo asiri nu, na bu bá si má i. ²³ Sɔnɔ kere bo i koro ka i ti ahin jore n bu, i ti ye ni ka i so i sui na i ti.”

²⁴ Na wo se bu ka, “Am si am ɲu sa ni kabo am ti noanie barasu ni. Gɔngɔ bo am fa susu ma minem ni, sɔ ye Nyeme gusu fá susu ma am a, na bo Nyeme yó ma am ni tara sɔ n mmɔ. ²⁵ Dama sɔnɔ kere bo wo nya deke be Nyeme dɔ na i mi si i bita, Nyeme búka i su wó, ama, bo i si má i bita, haari ni nyini kaan n bo i la i ni, Nyeme dé i dɔ ɔ.”

Miɛnu fa kɔ kabo alembaa fi barasu ni

²⁶ Na wo kaaki ase bu ka, “Nyeme femeya n ti ka kabo dɔdɔrifɔ be kɔ sandi alembaa i fiesu n wó. I deɛ la ka i sandi wó, ²⁷ na i kɔ da kɔngue, na i tenge alecin. Nyini sanja n ye alembaa n fi a, na i sunyi, i si má kabo i yoori barasu. ²⁸ Asien n buka alembaa n ye i fi a. I nya fi wieeri, na i nyi, na i nyinse, na i wɔrɔ, na i nya bi mbaa. ²⁹ Alembaa n ba bi ni, i kpie sanja læ, na i kpie i.”

Alembaa kaan be jore

³⁰ Na wo kaaki ase bu ka, “Ya fá nzu deke fa sunsun Nyeme femeya n a? Wara ya fá miɛnu barasu bonɔ ye ya bó i fa kere kabo Nyeme femeya n ti a? ³¹ I ti ka nyem mbaa bo bu dɔ i wó. Yiri ti alembaa n kere kaan durunya n nu a. ³² Ama, bu nya ba dɔɔri i na i fiiri, i tara toro nyawam n kere bambaka, i koro nyi na i tetereki asambaa asambaa bo anumam koro yo bu tiɛrim nu.”

³³ Na Yesu afa nyini miɛnu n ni miɛnu nyingam beberebe akan Nyeme jore akere bu, kabo sɔnɔ kere koro ti i bu barasu. ³⁴ Jama n nya woori i dɔ, i se má bu pui, má ka miɛnu ye i bo bu a, ama, i ba kaari i ni i susufom ni, na i nya yi i bu kere kere bu.

Kabo Yesu kereeri ka i la yiko tara anjuma ni nzue ni

³⁵ Nyini cɛen n naaso sanja, na Yesu ase i susufom n ka, “Am ma ya kpie kɔ kunma kpiri n buekun dɔ.” ³⁶ Na i susufom n acin ayaki jama ni, na ba ba awura lee n bo Yesu wo nu n nu, na ba kɔ. Na nbem gusu afa lee nbem na ba su i su. ³⁷ Na anjuma bambaka be ayasu, na i subo nzue gɔ lee n nu. Má lee ni suyi ni nzue wó. ³⁸ Nyini sanja ni, Yesu afa piti ason i ti, ye i wo daafiri su lee n sin, na ba ba atenge i ase i ka, “Ya Kerefo, nzen ya suwu, u cɛɛ wo má ya nu fan?” ³⁹ Na wo yasu na wo tien anjuma n ɲu, na wo se nzue n ka, “Da surum.” Na anjuma n atara, na dika n kere atara jum. ⁴⁰ Na wo se bu ka, “Nzu ti ye am soro sere sɔ a? Am yo má m yarada?” ⁴¹ Na sere akaaki ati bu agaya, na ba bisa bu ɲunu nu ka, “Nzu sɔnɔmbiri barasu la ahin bo anjuma ni nzue n mmɔ de i noanie a?”

5

Kabo Yesu fɔn yiiri ajinim sɔnɔ be ɲu ni

¹ Na Yesu ni i susufom n akpie kunma kpiri n ako aju Gerasafom deɛ awɔre n nu. ²⁻³ Sanja bo Yesu fiteeri lee n nu ni, na sɔnɔ be afite fanjunma nu aba akpa i atin. Nyini sɔnɔ n nati da fanjunma nu wó, dama ajini wo i ɲu. Sɔnɔ be wo má bere bo i koro tara i cici i ni jorɔko n mmɔ kun, ⁴ dama sanja kere bu bo i tobari wo na bu wura i jorɔko buka su, ama, haari ni nyini n mmɔ i titi jorɔko n wó na i kaaki bo sandi tobari n nu. Be wo má bere bo i la fanga koro tara i jina kun. ⁵ Kɔngue ni wiesu kere i wo fanjunma nu sɔ ɔ, ni bukam su na i suciindi, na i sufa yabue kpiekpie i ɲu. ⁶⁻⁸ Na wo ɲu Yesu sanja bo i toko wo dede ni yiri ni, na Yesu atien ajini n ɲu ase i ka, “Ajini, fite yaki nyini sɔnɔ ni.” Na sɔnɔ n anmati ako akutu Yesu nyunu, na wo ciindi ase ka, “Yesu, Micera Nyeme Kpiri n Wa, a koro nzu m dɔ fen a? M sere u wó, Nyeme ti, má a ma m ɲu anyumboro.” ⁹ Na Yesu abisa i ka, “Bu fere u se?” Na wo bo i nu ka, “Bu fere m ka Jama Beberebefo, dama ya sunnu.” ¹⁰ Na wo sere Yesu jande ka má i fɔn bu fite nyini

awore n nu. ¹¹ Nyini sanja afam beberebe wo dodo bere, bu wo buka be su sudi, ¹² na ajinim n asere Yesu ka, "Ma ya ko fun afam n nu." ¹³ Na Yesu ama bu atin na ba fite ako afun afam n nu. Afam n ju akpii nnyo dika, na bu kere anjmati accondi ako ato kunma kpiri nzue n nu, na nzue n adi bu.

¹⁴ Afa sasafom nyuri nyini n so ni, na ba njmati ako abo ndoori mie kunnu, ni aheme aheme kere su. Na mine aba anie sa n bo i yoori ni. ¹⁵ Na ba ba Yesu do, na ba nu sono n bo ajinim n yo woori i nu n ka i tana Yesu bi wura tanlee, ni i nyunu koroya su, na sere ati bu. ¹⁶ Na minem bo bu nyuri sa n yooberi ni, akan jore n kere akere jama n fa ko sa n bo i tuuri sono n bo ajinim yo woori i nu ni, ni sa n bo i tuuri afam ni. ¹⁷ Bu tiiri jore n so ni, na ba nya asere Yesu jande ka i yasu bu awore n nu. ¹⁸ Sanja n bo Yesu suwura lee n nu na i ko ni, na sono n bo ajinim yo woori i nu ni, asere i jande ka i ma i su i su. ¹⁹ Ama, na Yesu akete, na wo se i ka, "Kpie u nyi ko awuru na a ko kan kere u lamokom fa ko sakpa n bo Mibie n ayo ama u ni, ni kabo wo si u anjuno barasu ni." ²⁰ Na sono n akpie i nyi ako akan sakpa n kere bo Yesu ayo ama i ni, abara aye Mie Burum dee awore n nu, na sono kere ayo alekutura.

Bara tukpakifo be, ni baabara be yiwee jore

²¹ Na Yesu awura lee n nu akpie i nyi akpie kunma kpiri n buekun do, na jama beberebe aba atien bu noo i bi nzue n noo su. ²² Na Yudafo kpian be wo bere, yiri nie bu tientienbunoo soo n su a. Bu fere i ka Yarusi. Na wo ba Yesu do nzue n noo su na wo kutu i jaa bu, ²³ na wo sere i jande. I na, "M wa sunjuru ato cin. Bra na a ba fa u saa nana i nyi na i nya ngoo ni laifie." ²⁴ Na Yesu asu i su na ba ko.

Na jama beberebe asu Yesu su haari bu ko sumie i nu. ²⁵ Bara be woori jama n nu, i bita abiexeri i afo buru ni nnyo lee bo i kpu na i kpie ma. ²⁶ Wo di wahara, na wo saaki i njwaa kere atuntun i nyi ayirifom do dede haari wo ba afie, ama, wo nya ma laifie se tukpaki n buka su ko. ²⁷ Na wo ti Yesu nga, na wo sakati awura jama n nu Yesu sin, afa i saa akan Yesu tanlee ni. ²⁸ Dama i seeri i kunnu ka, "Nzen m koro yoori anie faari m saa kaanri i tanlee n mmoo, m nya laifie." ²⁹ Na wo yo so n kpenja na i abiexeri n akpie, na yiri ni i ti anju ka wo nya laifie. ³⁰ Jina n nu bere na Yesu afa nu ka i yiko n be afite i njunie nu ako ayo juma. Na wo kaaki anie jama n nu, na wo bisa ka, "Nma faari i saa kaanri m tanlee n a?" ³¹ Na i susufom n ase i ka, "Woro mmoo anju kabo jama n amie u barasu, ye nzu ti ye a bisa ka, njma fa i saa kaanri u a?" ³² Ama, na wo nie abara aye na i si sono n bo i yoori so ni. ³³ Na sere ati bara ni, i jina, i njunie kere subobo i fa ko sa n bo i tuuri i ni, na wo ba akutu Yesu nyunu, na wo kan jore n kere ni i nahore atin su akere i. ³⁴ Na Yesu ase i ka, "M wa, yarada n bo a yo m ni, yiri ma a nya laifie a. Ko awuru ni ahoreda, na ma u tore n ba u nyi kun."

³⁵ Sanja n bo Yesu toko wo jojo su ni, na mine nbem afite tientienbunoo soo n kpian n dika aba ase i ka, "U wa n wo ma bere. Nyini ti, ma a dama ya Kerefo n kun." ³⁶ Na jore n ato Yesu sui nu, ama, na wo se kpian n ka, "Ma a ma sere ti u, woro yo m yarada." ³⁷ Wo soro ma su ka be su i su kun, ma ka Petoro, ni Yakobo, ni i niema Yohane. ³⁸ Bu ko juuri kpian n dika ni, na Yesu awura anju ka mine beberebe suyo nanmie, bu susun subo awie. ³⁹ Na wo bisa bu ka, "Nzu ti ye am suyo nanmie sun so a? Baabara n awu ma, wo daafi wo." ⁴⁰ Na ba siri i. Na wo fon bu kere afite, na wo fa baabara n si ni i ni, ni i susufom nsanm ni, na ba ko soo n bo baabara n da nu ni. ⁴¹ Na wo ko atara i saa, na wo se i ka, "Talita kumi." I bu la ka, "Sunjuru kaan, m na a yasu." ⁴² Kpenja na sunjuru n ayasu anati. I yo ti afo buru ni nnyo baa a. Na minem kere bo bu woori bere n ayo alekutura agaya. ⁴³ Na Yesu abobo bu ni nahore su ka ma bu ma be si sa n bo wo yo i ni, na wo se ka bu ma baa n deke be na i di.

6

Kabo Yesu na Nyeme noanie kanfo la ma jirima i bosu ni

¹ Ye Yesu yasu koori i bosu na i susufom n asu i su. ² Na Yudafo Njumiye ceen n na wo ko bu tientienbunoo soo n nu, na wo ko akan Nyeme jore akere bu. Minem bo bu tiiri i kereewa n kere yoori alekutura. Na ba bisa bu nyuru nu ka, "Nifansu ye ahin sono n ko sonsconri i si n kere a? Bu maari i alecira bono o? Ye alekutura sam bo i yo bu ni, i yo se yo bu a? ³ Ma Mariya wa n bo i ti kempenta n lee? Ma Yakobo ni Yose ni Yuda ni Simon n goro n lee? Am nie e. Ma i niema nbaram mmoo wo ya nu fen n a?" Na ba bu i ngbeen. ⁴ Na Yesu ase bu ka, "Deke kere bu ma Nyeme noanie kanfo jirima, ma ka i bosufom ni i lamokom ni i gisannufom do ngumi." ⁵ Nyini ti, wo koro ayo ma alekutura sa be i bosu do se i faari i saa nanaari tukpakifo nbem nyi wo, na ba nya laifie. ⁶ Na wo i awarabo kabo i bosufom n ayo ma i yarada ni.

Kabo Yesu sunmaari i susufɔ buru ni nnyɔm ni

Na Yesu abara aye aheme miem n kere su, na i sukere minem. ⁷ Na wɔ fere i susufɔ buru ni nnyɔm ni, na wɔ sunma bu nnyɔ nnyɔ, na wɔ ma bu yiko ka bu kɔ sufɔn yi ajinim fite minem nɔ. ⁸⁻⁹ Na wɔ se bu ka, "Má am fa puitiripui kɔ ahin atin n bo am sukɔ ni, diire o, kuruku o, njwaa o. Ama, am fa kpama ni gbagbaa yiri. Má am se ka am fa tanlɛ buka bo am wura i n su." ¹⁰ Na wɔ kaaki ase bu ka, "Am kɔ juuri miɛ be su, awuru kɛrɛ bo am kɔ wuraaari nu, am ka nyini awuru n nu, haari am bá fite miɛ n nu. ¹¹ Sasu bekun miɛ bo am kɔ wuraaari nu na ba de má am wɔfɔ, na ba kaaki asoro má am su ka bu ti am nɔaniɛ ni, am fite yaki nyini miɛ n ni, na am kɔnɔkɔn yi am jaa tuturi kɛrɛ. Nyini dí daani kere bu ka bu woowa ti má kpa." ¹² Na i susufɔm n afite ako akan Nyemɛ jɔrɛ akere minem ka bu kaaki bu wo. ¹³ Na ba fɔn ayi ajinim minem beberebe nɔ, na ba sere Nyemɛ ama tukpakifɔm dɔngɔ, na ba fa nɔguin agɔ bu nɔ, na ba nya laifɛ.

Kabo bu kuunri Yohane Nyemɛ Nzue Bieɔ n barasu ni

¹⁴ Na Fɛmɛ Herode ati nyini sa n kɛrɛ, dama Yesu дума ata abara aye deke kɛrɛ. Na mine nbem ase ka, "Yohane Nyemɛ Nzue Bieɔ n ye wɔ tenge i yiwee n nu a, nyini ti ye i la yiko koro yo nyini alekutura sam kɛrɛ a." ¹⁵ Ama, na nbem ase ka, "Yiri la Eliya a." Na nbem gusu ase ka, "I ti Nyemɛ nɔaniɛ kanfɔ ka dawa dɛɛm wɔ." ¹⁶ Ama, Fɛmɛ Herode tiiri nyini ni, na yiri ase ka, "Yohane bo m kpiɛeri i tii n ye wɔ tenge a."

¹⁷ Fɛmɛ Herode yo ma bu taraari Yohane nyiiri wɔ, dama yiri Fɛmɛ Herode afin i gɔrɔ Filipu yi Herodiya afa aja. ¹⁸ Má pui ti, dama Yohane ase Fɛmɛ Herode ka, "Nyemɛ nɔaniɛ kpamaawa n kere ka a la má atin ka a fa u gɔrɔ yi ja i nɔgɔ su." ¹⁹ Yohane seeri sɔ ni, na Herodiya afa i nɔgasi na wɔ fɔ anmindia i kabo i nya i na i kun i. Ama, wɔ koro anya má i, ²⁰ dama Fɛmɛ Herode ni i tii soroori Yohane ka i ti sɔnɔ fofoe bo i yo sa bo i kɔ atin su Nyemɛ dɔ o. Wɔ koro má ka pui yo i. Na Fɛmɛ Herode ajimi fa kɔ nɔaniɛ n kɛrɛ bo Yohane kan maari i n su, ama, haari ni nyini mmɔɔ, i koro ka i suti i nɔaniɛ n wɔ.

²¹ Cɛɛn be sɔ o na Herodiya aba anya Yohane taraabiri. Nyini cɛɛn n ye Fɛmɛ Herode sugɔ i baawu cɛɛn agɔrɛ n a. Na wɔ fere i gomina mine ngbingbirim, ni i soja nkpiɛnkpiɛn, ni Galili mine tereterefɔm kere ka bu ba di na bu nu. ²² Agɔrɛ n nu ni, na Herodiya wa sunguru awura agɔ akere Fɛmɛ Herode ni i jamam, na bu kɛrɛ ahore ajo. Dɔ ye femɛ n seeri sunguru n ka, "Deke kɛrɛ bo a koro, se m, na m má u." ²³ Na wɔ tan ndie ase i ka, "Haari a nɔa m kpaaki m femeya n buekun ma u mmɔɔ, m fá ma u." ²⁴ Na sunguru n afite ako abisa i ni ka, "Ye m sere nzu wɔ?" Na i ni n ase i ka, "Kɔ se i ka a koro Yohane Nyemɛ Nzue Bieɔ n tiiawa a." ²⁵ Na wɔ nmati akpie i nyi ndende aba ase Fɛmɛ Herode n ka, "M koro ka na a fa Yohane Nyemɛ Nzue Bieɔ n tiiawa ma m perɛnte nu kisa kisa." ²⁶ Fɛmɛ n tiiri sɔ ni, na i ahore asaaki agaya, ama, ndie n bo i taanri i jama n nyunu n dɛɛ ti, wɔ koro akaaki má i nɔɔ. ²⁷ Kpɛnɔa na femɛ n asunma soja nmindafɔm n kun ka i kɔ fa Yohane tiiawa bra. Na wɔ kɔ akpie i tii dansaraka sɔɔ n nu dɔ. ²⁸ Na wɔ fa ada perɛnte n nu aba ama sunguru ni, na yiri gusu afa ako ama i ni ni. ²⁹ Sangɔ bo Yohane susufɔm tiiri sɔ n na ba ba afa fuin n ako ase i.

Kabo Yesu maari nbiesɔm akpii nnu ni bu minem diire ni

³⁰ Na jaramasam n akpie bu nyi aba i dɔ, na ba kan sam kɛrɛ bo ba yo i n akere i, ni kabo ba kan Nyemɛ jɔrɛ akere mine barasu. ³¹ Jama n dɛɛ ti, ba nya má anyunɔkoro bo bu di diire. Nyini ti, na Yesu ase bu ka, "Am ma ya kɔ deke bo minem wo má, na am kɔ yi am nɔumi." ³² Na bɛrɛ nɔgumi afa lee ni na ba kɔ. ³³ Bu yasu sukɔ ni, na minem dɔngɔ anɔ bu, na ba si bu, na ba fite miɛ miem su anmati adu bu mɔ ako aju deke bo bu sukɔ ni. ³⁴ Sangɔ bo Yesu fiteeri lee n nu ni, na wɔ nɔa jama beberebe, na wɔ si bu anɔfɔ, dama bu ti ka nbɔɛm bo bu la má sasafɔ o, na wɔ kere bu dekem beberebe. ³⁵ Na sangɔ bo wie ba suto ni, na i susufɔm n aba i dɔ aba ase i ka, "Kisa, wie suto, ya wo boro gusu wɔ lɛɛ. ³⁶ Má minem n atin na bu kɔ miɛ kunnu ni aheme aheme miem su na bu kɔ nya diire be to di." ³⁷ Ama, na Yesu ase bu ka, "Amberɛ mmɔɔ ni am tii nya deke be ma bu na bu di." Na ba se i ka, "Nzen a nɔa ya to kɔnɔ ma ahin jama n kɛrɛ, ya dí njwaa beberebe." ³⁸ Na wɔ bisa bu ka, "Amberɛ la kɔnɔ nye wɔ? Am niɛniɛ na am nie." Na ba kɔ anie na ba bo i nu ka, "Kɔnɔ nnu ni jombaa nnyɔ wo bɛrɛ a." ³⁹ Na Yesu ase i susufɔm n ka bu ma jama n tana asese asese wura fiefiɛwa n su. ⁴⁰ Na ba tana asese asese yaa yaa ni aburunu nnu. ⁴¹ Na wɔ fa kɔnɔ nnu ni, ni jombaa nnyɔ ni, na wɔ ye i tii su angoro, na wɔ da Nyemɛ asi. Na wɔ kpiɛkpie kɔnɔ nnu n nu, na wɔ fa ama i susufɔm n ka bu fa ma minem ni, na wɔ fa jombaa nnyɔ n gusu akpaaki bu kere nu. ⁴² Na bu kɛrɛ adi na bu kunnu ayi. ⁴³ Na ba tambu kɔnɔ, ni jombaa sinsin bo bu diiri

na i kaanri ni, na ba nya kandie buru ni nnyo. ⁴⁴ Minem bo bu diiri kpono n ni jombaa n kere yasuuri nbiesom akpii nnu wo.

Kabo Yesu natiiri nzue su ni

⁴⁵ Nyini sin na Yesu ama i susufom n awura lee n nu na bu du i mo kpie ko Besayida mie nu kunma kpiri n buekun, na yiri aka na i kaari jama ni. ⁴⁶ I kaari bu wieeri ni, na wo fun ako buka n su ka i ko sere Nyeme. ⁴⁷ Sangba bo ale ba saanri ni, lee n aju kunma kpiri n afien, na Yesu ngumi aka kunma kpiri n sin. ⁴⁸ Na wo ju ka i susufom n sudi wahara lee n kaanbiri, dama anjuma sun bu ko bu sin wo. Na fa ko akonyuma ciciri su, na wo nati nzue n su suba bu do, na wo yo ka i susin bu ju. ⁴⁹ Sangba bo bu juuri ka i nati nzue n su ni, na ba sunsun ka, njumi a, na ba bo awie. ⁵⁰ Bu kere juuri i so ni, na sere ati bu agaya. Kpenga na Yesu ajojo bu do, na wo se bu ka, "Am ma am ahore si, mini a, ma am soro sere." ⁵¹ Na wo wura lee n nu, na anjuma n atara. Na i susufom n kere ayo alekutura agaya. ⁵² Dama ba koro ati ma i bu kabo i la yiko koro faari kpono nnu maari jama beberebem ni, bu ahorembaa ti kekereke n dee ti.

Kabo Yesu ma tukpakifom beberebe nyaari laifie ni

⁵³ Na ba kpie nzue n aba aju awore n bo bu fere i ka Genesareti n nu, na ba minda lee n aheme. ⁵⁴ Bu fiteeri lee n nu kpenga ni, na minem n asi ka Yesu lee. ⁵⁵ Na ba njmati abara aye miem n kere su, na deke kere bo bu tiiri i nja, bu so bu tukpakifom ni bu dasum kere ba i do o. ⁵⁶ Na nzen i koori aheme miem wara mie kunnu, deke kere bo i fa, bu fa bu tukpakifom ba i do so o, na bu sere i jande ka i ma bu fa bu saa kan i tanlee n jaa bu. Na bo bu yoori so n kere anya laifie.

7

Yudafom nana sayoowa jore

¹ Na Yudafom Nyeme noanie kerefom nbem bo bu fite Yerusalem mie kpiri n nu ni, ni Farasifom n aba atien bu noo Yesu do. ² Na ba ju ka Yesu susufom n nbem sudi diire bu saa fin, ba njmisi ma bu saa kabo bu nana sayoowa ti barasu ni. ³ Dama Farasifom ni Yudafom kere la bu saa njmisi sayoowa bo i ti bu nana sa a. Bu nya na bu di diire, bu du mo yo nyini sa n wo ka, na bu nya di. ⁴ Nzen haari bu fiteeri go ba juuri awuru, bu di ma nengem bo ba fa aba ni, ma ka ba njmisi i ka, na bu yo bu nana sayoowa bo bu yo na bu di ni. Bu sayoowam sunnu. Bu nbem la ka bu njmisi awam ni dundum ni ayabam wo. ⁵ Na Farasifom ni, ni Yudafom Nyeme noanie kerefom n abisa Yesu ka, "Nzu ti ye u susufom n su ma ya nam sayoowa n su, ye bu di diire bu saa fin a?" ⁶ Na Yesu ase bu ka, "Nahore ye Nyeme noanie kanfo Esaya yo kaanri am jore ka am ti burukoonufom n a. Wo kere i kadasi n nu ka, Nyeme na o, 'Ahin minem ni, bu ma m jirima bu noo nu bere wo, ama, i wo ma bu ahore su."

⁷ Bu kansi m ngbeen wo, dama bu kere mine adamande dee kereewam wo, na bu se ka nyini kereewa n fite Nyeme do o."

⁸ Na Yesu ase bu ka, "Am ace Nyeme noanie maawa n ase buekun, na am nya susu adamande dee sayoowam su."

⁹ Na wo se bu bekun ka, "Am la nahore bo am akpie mbenle ayaki Nyeme noanie maawa n na am asu am dee sayoowam su ni. ¹⁰ Dama Moyisi ase ka, 'Bu u si ni u ni.' Na wo kaaki ase ka, 'Sono kere bo i jooori i si, ni i ni jore tie, wo yo daka ka bu kun i mi.' ¹¹ Ama, ambere kere ka nzen sono be la deke be bo i ti ye ni ka i fa buka i si ni i ni, i koro se bu ka 'I ti Koroban wo.' I bu la ka, 'Deke bo ma m fa ma am ni, ma fa ayi saraka ama Nyeme.' ¹² Nyini sangba ni, am akere ka i mi n koro buka ma i si n ni i ni n lee. ¹³ Nyini n kere ka am abu Nyeme dee noanie n ngbeen lee, ye am su am dee sayoowam n bo am kere bu n su a. Na am la ahin sayoowam donju bo am kaaki yo bu so o."

Kabo Yesu na diire diiwa koro yo ma sono fin ni

¹⁴ Na Yesu akaaki afere jama n aba i bi bekun, na wo se bu ka, "Am kere so am sui na am ti jore n bo m sujojo ma am n bu. ¹⁵ Deke bo i wura sono noo nu koro yo ma i mi fin, ama, deke bo i fite i mi ahore su yo i mi fin a. [¹⁶ Bo i koro ka i ti ahin jore n bu, i ti ye ni ka i so i sui na i ti.]"

¹⁷ Sangba bo Yesu ba cinsi yakiiri jama n na i wuraari awuru n nu ni, na i susufom n abisa i nyini anyundere n bu. ¹⁸ Na wo se bu ka, "Nka ambere gusu ati ma jore n bu lee? Ambere si ma ka deke bo i wura sono noo nu koro yo ma i fin, ¹⁹ dama deke bo sono di, i wura ma i ahore su se i wura i kunnu wo, na i kaaki je yi i, ma so?" Yesu afa

ahin jojowa n akere ka diire be la má ciire. ²⁰ Na wo kaaki ase bu ka, “Deke bo i fite sono ahore su, nyini yo i fin a. ²¹ Dama deke bo i wo i ahore su ma i sunsunni tie a. I koro ma i nati suyo sakaraya, na i suwo, na i sukun mine, ²² na i susaaki ajaa ciire, na i nyunu suboro nenge kpini su, na i suyo satietiem, na i sudadaka minem, na i suyo sa ngbeengbeeen bo i cece wo má nu, na i susi kore, na i nati susaaki minem duma, na i la karamani, na i nati suyo sinnzinya sam. ²³ Nyini satie n kere mmoo nya fite sono ahore su, nyini ma i mi kaaki findifo a.”

Kabo bara bo i ti má Yudafo yoori Yesu yarada ni

²⁴ Na Yesu ayasu ako awore n bo i wo dodo Tiro ni Sidon mie kpirim ni, na wo ko awura awuru be nu benle ka má sono be nu i. Ama, wo koro afie má i nu. ²⁵ Na bara be ati i nga na wo ba ndende aba akutu i jaa bu. Ajini wo i wa baabara nu. ²⁶ Bara n ti má Yudafo, i ti Fonisiyafoo, bo i fite Siriya awore n nu wo. Na wo sere Yesu jande ka i fon yi ajini n bo i wo i wa n nu ni. ²⁷ Na Yesu ase i ka, “Ma nbaatumam n du mo di na bu kunnu yi ka, dama i ti má ye ni ka a fa nbaatumam diire na a fa ma caam.” ²⁸ Ama, na bara n ase i ka, “M Mibie, a la nahore, ama, haari ni nyini mmoo, caam n tambu nbaatumam n diire n bo bu di na i toto asienngu n na bu fa di.” ²⁹ Na Yesu ase i ka, “U noanie jojowa n dee ti, ko awuru. Ajini n afite ayaki u wa ni.” ³⁰ Na wo ko awuru ako anu ka i wa n da i dasu su, ajini n afite ayaki i.

Kabo Yesu tuntuunri asuturi be barasu ni

³¹ Na Yesu ayasu Tiro awore n nu ako aju Sidon mie kpiri n nu, na wo fa bere asin Mie Burum dee awore n nu, aba aju Galili kunma kpiri n noco su. ³² Na mine nbem afa sono be aba Yesu do, i ti asuturi wo, na i koro jojo má nyunyumi. Na ba sere Yesu jande ka i fa i saa nana i nu na i nya laifie. ³³ Na Yesu afa sono n afite jama n nu, i ni yiri ngumi, na wo fa i saa marakam awura i suim nu, na wo yi nanzue ago i saa su afa akan sono n taferema, ³⁴ na Yesu aye i tii su anie angoro na wo nuundi, na wo se sono n ka, “Efata.” Nyini la ka, “Teke.” ³⁵ Jina n nu bere, na sono n sui n ateke, na i taferema n gusu akaaki anyangi nu, na wo koro ajojo nyunyumi. ³⁶ Na Yesu abobo bu ka má bu ma be ti ka wo tuntun sono ni, ama, kabo i boboori bu barasu ni, bu boori ndoori n gusu so o bara yeeri a. ³⁷ Na mine ayo alekutura haari ako asin su, bu na, “I sayoowa kere kaba ti kpa a. I ma asuturim ti asu wo, na bobom jojo.”

8

Kabo Yesu maari minem akpii nna diire ni

¹ Nyini sanja n na jama beberebe aba atien bu noco Yesu do bekun, bu la má deke bo bu di, na wo fere i susufom ni, na wo se bu ka, ² “Ahin jama n la m ajunfo, dama i nyuma lesan lee bo bu wo m do na bu la má deke bo bu di. ³ M koro yaki má bu na bu ko awuru ni ahoe, má nyini, bu to cin atin nu wo, dama bu nbem fite dede.” ⁴ Na i susufom n ase i ka, “Ye nifansu ye ya koro nya diire ahin boro n nu fen ma ahin minem n kere na bu kunnu yi a?” ⁵ Na wo bisa bu ka, “Am la kpono nye wo?” Na ba bo i nu ka, “Nso.” ⁶ Na wo ma jamam n noco ka bu tana asienngu, na wo fa kpono nso n na wo da Nyeme asi. Na wo kpiekpie i nu ama i susufom n ka bu fa ma jama ni. Na bere gusu afa akpakpaaki bu nu. ⁷ Bu la jombaa kan kan nbem gusu, na wo fa ada Nyeme asi, na wo fa ama i susufom n ka bu fa nyini n gusu ma jama ni. ⁸ Bu diiri na bu kunnu ayi. Na i susufom n tambu sinsin kaawa n kandie nso. ⁹ Jama ni ju akpii nna dika. Na Yesu anya akaari bu na ba ko awuru. ¹⁰ Na i ni i susufom n awura lee ako Damanuta dee awore n nu.

Kabo Farasifom koroori ka Yesu yo alekutura sa na i keteeri ni

¹¹ Na Farasifo nbem aba i do, na ba se akuruwa ni Yesu. Bu koroori ka i yo alekutura sa be bo i kere ka i yiko n fite Nyeme do o, adena bu nya i ngee soobiri. ¹² Na wo nuundi ni dimi i ahore su, na wo se ka, “Nzu ti ye ambere nyumafom koro ka m yo alekutura sa na am nu i a? M suse am nahore wo lee ka, m yo má alekutura sa ma má ambere nyumafom fuu.” ¹³ Na wo yasu ayaki bu, na wo wura lee n nu akpie ako kunma n buekun do.

Bobowa fa ko Farasifom ni Feme Herode kereewam n su

¹⁴ Na i susufom n wara afi diire sa, ba bita má pui, má ka kpono kun n kpein woori lee n nu a. ¹⁵ Na Yesu atu bu fo, i na, “Am si am nu sa ni Farasifom, ni Feme Herode dee kpono ayiri n bo bu fa go kpono n nu na i yasu ni.” ¹⁶ Na ba jojo bu nuju nu ka, “Ya la má kpono n ti, ye i su se so n a.” ¹⁷ Na Yesu afa nu kabo i susufom n sujojo bu nuju nu ni, na wo bisa bu ka, “Nzu ti ye am sujojo ka am bita má kpono a? Am nya

si má deke bo m sujɔɔ i ni, am nya ti má sa n bu? Am ahorembaa ti kekereke wanla. ¹⁸ I baari se ye am la anyumbaa na am ɲu má asi a? Ye am la asui na am ti má? Am tenge má su ka ¹⁹ m yo faari kɔnɔ nnu kpiɛkpiɛ maari mine akpii nnu? Ye bo i kaari ni, kandie nye ye am sasaari a?" Na ba bo i nu ka, "Kandie buru ni nnyɔ." ²⁰ Na Yesu akaaki abisa bu bekun ka, "Ye kɔnɔ nso n bo m yo fa kpiɛkpiɛ maari mine akpii nna n di? Sinsin kandie nye ye am sasaari a?" Na ba bo i nu ka, "Kandie nso." ²¹ Na wo se bu ka, "Haari ni kisa, am nya ti má i bu?"

Kabo Yesu tuntuunri anyinsin be na i ɲuuri asi ni

²² Bu ko juuri Besayida mie n nu, na mine nbem afa anyinsin be aba Yesu do, na ba sere i jande ka i fa i saa nana i ɲu na i nya laifie. ²³ Na wo so sonɔ n saa nu afa i afite mie n nu, na wo yi nanzue ago i nyumbaa n nu. Na wo fa i saa anana i ɲu, na wo bisa i ka, "A nie, a ɲu deke be e?" ²⁴ Na anyinsin n aye i tii su anie, na wo se Yesu ka, "M ɲu minem ka bu nati, ama, bu ti ka bakam wo." ²⁵ Na Yesu akaaki afa i saa anana i nyumbaa n su bekun, na anyinsin n anie ghirim, na wo ɲu ka i nyumbaam n ateke, na wo ɲu deke kere casi. ²⁶ Na Yesu ase i ka, "To atin nu ko awuru, na má a se ka a fa mie n nu."

Kabo Petoro kereeri ka Yesu ti barasu ni

²⁷ Na Yesu ni i susufom n ayasu ka bu ko Sizariya Filipu mie kan kanm su. Bu wo natiiri su ni, na wo bisa i susufom n ka, "Minem fa m bu ɲma a?" ²⁸ Na ba bo i nu ka, "Bu ɲa woro ti Yohane Nyeme Nzue Biefo n a, nbem ɲa woro ti Nyeme noanie kanfo Eliya a, ye nbem gusu ɲa a ti dawa dee Nyeme noanie kanfo nyingam n kun wo." ²⁹ Na wo bisa bu bekun ka, "Ye amberɛ fa m bu ɲma a?" Na Petoro abo i nu ka, "Woro ti Kristo n a, Tiidefo n bo Nyeme ase ka i sunma i ni." ³⁰ Na Yesu abobo bu ka má bu ma be si ka yiri ti Kristo Tiidefo n a.

Kabo Yesu jojo fa kɔori i yiwee n su ni

³¹ Nyini sin na wo bo i bu sukere i susufom n ka, "Wo yo daka ka mini Adamande Wa n di wahara dongu, na Yudafo nkprienkpienm, ni Nyeme sayoowa donguoyofo nkprienkpienm, ni Nyeme noanie kerefom kere ba kete m ɲu na bu kun m. Ama, lesan ceen sin na m tenge m yiwee n nu." ³² Na wo kan sa n kere bu kpain akere bu. Na Petoro afa i ako aheme, na wo jaraki i ase i ka, "Má a se ka a kan nyini jore ni." ³³ Ama, na Yesu ace anie i susufom ni, na wo tien Petoro ɲu ase i ka, "Sitana, fa cinsi m bi bere. A sunsun má kabo Nyeme koro ni. A sunsun kabo adamande koro n wo."

Kabo Yesu jojo fa kɔori kabo minem su i su ni

³⁴ Na Yesu afere jama n ni i susufom n na wo se bu ka, "Sono kere bo i koro ka i su m su, wo yo daka ka i mi wara fi i tiengu sa koroowa sa, na i fa i yiwee baka jaanu n so, na i su m su. ³⁵ Dama sono kere bo i koro ka i fa i ngɔɔ fie, i mi ba fun i. Ama, sono kere bo i toari i ngɔɔ mini ni m dee labari kpa n dee ti, i mi nyá ngɔɔ. ³⁶ Nzen sono nyaari durunya n nu deke n kere na i fuunri i ngɔɔ, i kperɛ la bono?" ³⁷ Nzu deke ye sono koro fa kaaki i ngɔɔ a? ³⁸ Nyumafom ti satieyofom wo, bo bu su má Nyeme. Amberɛ bo am wo bu nu, na nyinse ti am fa ko mini ni m noanie n dee ti ni, so ye nyinse ti mini Adamande Wa n gusu fa ko am su, sangba bo m ba ba ni m Si Nyeme jirima woowa n nu, ni i mereke casim ni."

9

¹ Na wo se bu ka, "Nahore ye m suse am n a, am nbem wo nu fen bo am wú má, má ka am aba anu ka Nyeme femeya n aba ni yiko."

Kabo Yesu ɲunie kaakiiri wo barasu ni

² Lesen ceen sin na Yesu afa Petoro ni Yakobo ni Yohane afun buka lenlenge be su, bu ni yiri ngumi. Bu wo do n na ba ɲu ka i ɲunie akaaki wo, ³ na i tanlee n akaaki fofoe papasi bo i ɲusu nya má durunya n nu. ⁴ Do na mine nnyo nbem atie bu ɲu, na bu ni Yesu subo anzama. Bere la Eliya ni Moyisi, dawa dee Nyeme noanie kanfom ni. ⁵⁻⁶ Na sere ati Petoro ni susufo nyingam ni, na Petoro ajimi agaya na i nɔɔ afinfin i. Nyini ti na wo se Yesu ka, "Ya Kerefo, i ti kpa ka ya wo fen. Ma ya bo nambue nsan, u dee kun, Moyisi dee kun, na Eliya gusu dee kun." ⁷ Na yinyingu akata bu ɲu, na ba ti akonvi be ɲa yinyingu n nu, na wo jojo bu do. I ɲa, "M wa koroowa lee. Am de i noanie." ⁸ Bu tiiri jojowa n so ni, kpennga na ba nienie abara aye, ama, ba ɲu má sono be kun, má ka Yesu ngumi wo bu do a.

⁹ Na sangba bo bu ba sujura buka n su ni, na Yesu abobo bu ka, "Má am be se ka i bo sa n bo am anu i n su fa kere sono be, haari fa ko sangba bo mini Adamande Wa ni ba

wu na m ténge m yiwee n nu ka.”¹⁰ Na ba de i noanié ni, ama, na ba bakati abisa bu njuu nu ka, “Ye nzu la ka, i bá wu na i ténge i yiwee n nu a?”¹¹ Na ba bisa Yesu ka, “Ye nzu ti ye Nyeme noanié kerefom n bita jójó ka Eliya dú mó ba ka, ye Kristo Tiidefo ni bá ba n a?”¹² Na wó bó bu nu ka, “I ti nahore wó ka Eliya dú mó ba na i bá sese deke n kere su. Bu kereeri se Nyeme Jore Kadasi n nu fa kó Adamande Wa n dó a? Ba kere ka i bá di wahara agaya, na mine bú i ngbæen.”¹³ Ama, m suse am wó læ, ka, Eliya adu mó aba, na minem ayo i kabo bu koro, kabo ba kere i Nyeme Jore Kadasi n nu læ.”

Kabo Yesu fon yiiri ajini fiteeri baa be nu ni

¹⁴ Sangá bo Yesu ni i susufó nshanm ni kpieeri bu nyi ba juuri i susufó nyingam bi ni, na ba nu ka jama beberebe atien bu nóc abara aye bu. Ye Nyeme noanié kerefom n nbem bita bu ni akuruwa.¹⁵ Jama n juuri Yesu só ni, na ba yo alekutura, na ba bo nu ajmáti akpa i atin ayo i anse.¹⁶ Na wó bisa bu ka, “Am se nzu akuruwa a?”¹⁷ Sónó be woóri jama n nu na wó bó i nu ka, “Ya Kerefo, ma fa m wa baabiesó aba u dó ka a tuntun i ma m, dama ajini bobom wo i nu.”¹⁸ Sangá kere bo ajini n anya aba afa i, a nu ka wó fa i abo asiengú, na i nanzue sufite fufuku, na i sukpeše i jee, na i kese i nu. Ma sere u susufom n ka bu fon yi ajini ni, ama, ba kura má nu.”¹⁹ Na Yesu ase bu ka, “Amaa. Amberé nyumafom, am la má yarada fieo. Nyuma sa ye m wo am dó fen a? Ye m yó sawore ni amberé kó ju se wó? Am fa baa n ba ma m.”²⁰ Na ba fa baa ni aba i dó, na sangá bo ajini n juuri Yesu ni, kpennga na wó kpisi baa ni, na wó fa i abo asiengú, na wó da sukundu, na nanzue fufuku sufite i nóc nu.²¹ Na Yesu abisa i si n ka, “Sangá bonó ye tukpaki n taraari i a?” Na si n abo i nu ka, “I kaan nu kere a.”²² Sangá kere bo i nya ba yasu i nu, i fa i wurá sin nu wó, wara nzue nu ka i kun i. Nyini ti, nzen a koro buka ya, si ya anunfo na a buka ya.”²³ Na Yesu ase i ka, “Nzu ti ye a na nzen m koro buka u a? Deke be ti má kekereke ma má minem bo bu yo Nyeme yarada ni.”²⁴ Kpennga na baa n si asa Yesu nóc su ka, “Ma yo yarada, ama, i sunnu má. Buka m na i sunnu.”²⁵ Na Yesu aju ka jama n surmati ba i dó, na wó tien ajini n nu, i na, “Wóro ajini n bo a ma baa n ayo bobo ni asuturi ni, mini suse u ka a fite yaki i a, na má a kpie u nyi ba i dó kun.”²⁶ Kpennga na wó ciindi na wó kpisi baa n agaya, na wó fite ayaki i, na baa n aka ada ka wó wu deé su. Na minem n dongu ase ka wó wu wó.²⁷ Ama, na Yesu atara i saa aye i su, na wó jina.

²⁸ Yesu ba wuráari awuru n nu ni, na i susufom n aba i dó, bere ngumi, abisa i ka, “Nzu ti ye yere akoro afon má nyini ajini n a?”²⁹ Na wó bó bu nu ka, “Be koro fon má nyini ajini n nusu só, má ka nyemesere.”

Kabo Yesu jójó fa kóori i yiwee n su bekun ni

³⁰ Na Yesu ni i susufom n ayasu bere akó asin Galili awore n nu. Wó koro má ka be si i woobiri,³¹ dama i sukere i susufom wó. Na wó se bu ka, “Bu bá tó mini Adamande Wa n ma mine nbem na bu kún m, ama, bu kuunri m wieri, i lesan cæen sin, na m ténge m yiwee n nu.”³² I jójóori só ni, i susufom n ati má i bu, ama, sere deé ti, ba koro abisa má i jore be.

Kabo Yesu kereeri sónó bo i tara bu kere ni

³³ Na ba kó aju Kapenam mié kpiri n nu, na sangá bo bu wo awuru n nu ni, na Yesu abisa i susufom n ka, “Am wo atin n nu suba ni, am se nzu akuruwa a?”³⁴ Ama, na bu kere ato amuna, dama bu wo atin n nu dó ni, na ba se akuruwa bu njuu nu fa kó sónó bo i tara bu kere bu nu.³⁵ Na wó tana, na wó fere bere i susufó buru ni nnyom ni, na wó se bu ka, “Sónó kere bo i koro ka i kaaki mófo, wó yo daka ka i mi yo i nu kaan tara am kere na i kaaki yo am kere deé amuisufó.”³⁶ Na wó fa baa kaan be aba ajina bu afien, na wó biti i, na wó se bu ka,³⁷ “Wóro kere bo ade ahin baakan n njuu m deé ti, a deeri mini wó læ. Bekun, wóro kere gusu bo a nya deeri mini, a de m Si Nyeme bo i sunmaari m wó læ.”

Kabo Yesu na bo i fite má i sin, jina i sin ni

³⁸ Na Yohane ase i ka, “Ya Kerefo, ya juuri ka sónó be afa u duma sufa fon yi ajinim fite minem nu, ye ya na ya yaki má i, dama i wo má ya nu n deé ti.”³⁹ Na Yesu ase ka, “Má am se ka am kanda i, dama sónó kere bo i nya sufa m duma n yo alekutura sam, i mi bá koro kaaki jójó má jore tie fa kó m dó.”⁴⁰ Dama sónó kere bo i fite má ya sin, i mi jina ya sin wó læ.⁴¹ M suse am nahore wó læ, ka sónó kere bo i maari am nzue ka am nu dama am su mini deé ti, i mi nyá i nkato.”

Kabo wó yo daka ka má sónó wurá satie nu ni

⁴² Na Yesu akaaki ase bu ka, “Wóro kere bo u sayoowa ma ahin nbaatuma kan kanm n be bo i yo m yarada n be wuráari satie nu, i ti má kpa. Nzen má bu faari ngani

san yabue bambaka ciciiri u kom, na bu fa u ko tu tieku nu, i ti ye tara bo a ma ahin nbaatuma kan kanm n be wura satie nu ni. ⁴³⁻⁴⁴ Nzen u saa n be cin u wura satie nu a, kaba kpie i na a ka asaasin, na a nya u nju ko Nyeme do. I ti ye ni bo a la u saa nnyo n kere na a wura cema sin n bo i no ma n nu. ⁴⁵⁻⁴⁶ Nzen u jaa n be cin u wura satie nu a, kaba kpie i na a ka ajaasin, na a nya u nju ko Nyeme do. I ti ye ni bo a la u jaa nnyo n kere na bu ba fa u tu cema sin nu. ⁴⁷ Nzen u nyumbaa kun gusu cin u wura satie nu a, lokoti yi i tu, na a ka anyunu kun, na a wura Nyeme femeya n nu. I ti ye ni bo a la u nyumbaa n nnyo n kere na bu ba fa u tu cema sin nu. ⁴⁸ Do dee kakabam ni bo bu wura mine bo ba wu ni, bere wu ma cee be, na sin n gusu bo i je no ma.

⁴⁹ Kabo bu fa njin nyina saraka nenge kere su fa ma Nyeme, na i yo casi barasu ni, so ye Nyeme cin sono kere sui na i yo casi. ⁵⁰ Ya si ka njin yo fie, ama, nzen i fiefie nya ba saari wieri, i koro yo ma fiefie kun. Am ma am wo yo fie ka njin am benggu nu, na am wo ni tanalaifie.”

10

Kabo Yesu kereeri minem fa ko ajaa ni ajaa yaki atin su ni

¹ Yesu yasuuri Kapenam mie kpiri n nu, na wo ko Yudiya dee awore n nu, na wo kpie ako Yodan kunma n buekun do fan, na jama beberebe ayandi aba atien bu noo i do. Na wo kere bu kabo sanga kere na i kere bu barasu ni.

² Na Farasifo nbem aba i do ka bu so i nge fa ko i noanie n jojowa su, na ba bisa i ka, “Ya dee atin n su, atin wo nu ka sono koro fa i yi ji i?” ³ Na Yesu abo bu nu ka, “Noanie maawa bono ye Moyisi yo fa maari am a?” ⁴ Na ba bo i nu ka, “Moyisi yo maari atin ka nzen sono koro ka i fa i yi ji, i ti ye ni ka i mi ma bara n ajaa yaki kadasi ka, na i nya fa i ji.” ⁵ Na Yesu ase bu ka, “Am ahorembaa kekereke n dee ti ye Moyisi yo kereeri nyini noanie maawa n maari am a.” ⁶ Ba kere i Nyeme jore Kadasi n nu ka fite durunyo n bumboori, ‘Nyeme yiiri bieso ni bara a.’ ⁷ Na wo se ka, ‘Nyini dee ti, i ti ye ni ka bieso n kpaaki i gisan yaki i si ni i ni, na i ni i yi sanga wo.’ ⁸ Nyini sanga bu mine nnyo n ayo deke kun lee.’ Bu wo ma bu ngungumi kun. ⁹ Nyini ti, deke bo Nyeme anya asanga i awie, ma sono kpaaki i nu kun.”

¹⁰ Sanga bo Yesu ni i susufom ba juuri awuru ni, na ba bisa i nyini noanie n bu. ¹¹ Na wo se bu ka, “Sono kere bo i faari i yi jiiri, na i jaari bara fofore, i mi n asaaki ajaa ciire ni i yi n bo wo fa i aji n lee. ¹² Sasu bekun, bara kere bo i yakiiri i hun ajaa, na i ko jaari bieso fofore, nyini bara n gusu asaaki ajaa ciire lee.”

Kabo Yesu yoori nbaatumam kisi ni

¹³ Minem sufa bu nbaam ba Yesu do ka i fa i saa nana bu nju na i yo bu kisi, ama, na i susufom n atien bu nju. ¹⁴ Yesu nuuri i susufom sayoowa n so ni, na yaa ati i, na wo se bu ka, “Am ma nbaatumam n bra m do, ma am fon bu. Dama bere nusu so ye Nyeme femeya n ti bu dee a. ¹⁵ Nahore ye m suse am n a, woro kere bo a de ma Nyeme femeya n nu jore kabo baatumam de deke i saa nnyo ni, a wura ma Nyeme femeya n nu.” ¹⁶ Na wo kuku nbaatumam ni i saa nu, na wo fa i saa anana bu nju, na wo yo bu kisi.

Nengefo n ni nyemesu jore

¹⁷ Nyini sin na Yesu ayasu do suko. I wo ko n su ni, na sono be anmati aba akutu i nyunu, na wo bisa i ka, “Ya Kerefo sono kpa, m yo se ye m ba nya ngoo n bo i la ma awieeri n a?” ¹⁸ Na Yesu abo i nu ka, “Nzu ti ye a fere m ka sono kpa a? Be ti ma kpa sin Nyeme nju. ¹⁹ Ye m nja a si Nyeme noanie maawam ni e, bu nja, ‘Ma a kun sono. Ma a saaki ajaa ciire. Ma a wo. Ma a di kore daani. Ma a sisi sono. Bu u si ni u ni.’” ²⁰ Na sono n abo i nu ka, “Ya Kerefo, ma su nyini noanie maawa n kere su haari m kaan nu.” ²¹ Na Yesu anie sono n na wo koro i agaya, na wo se i ka, “Deke kun ye wo kpie u su a. Ko na a ko to u aja kere, na a fa nwaan m yaarifom, na a ba nya ajeke Nyeme do, na a bra ba su m su.” ²² Yesu seeri i so n na i njunie ayoroki i. Na wo ko awuru ni ahoresaaki, dama i la nenge agaya n dee ti.

²³ Na Yesu anie i susufom n abara aye, na wo se bu ka, “I yo kekereke bo nengefo wura Nyeme femeya n nu.” ²⁴ Na i susufom n ayo alekutura ni nyini jojowa ni. Ama, na Yesu ase bu bekun ka, “Njam, i ti kekereke ka nengefom wura Nyeme femeya n nu. ²⁵ Kabo nyoma sin misini bue nu ni, i ti ma kekereke tara ma kabo nengefo yo na i wura Nyeme femeya n nu ni.” ²⁶ Na i susufom n amie ako asin su, na ba bisa bu nju nu ka, “Ye nzen i ti so e, nja koro fite nu a?” ²⁷ Na Yesu anie bu do na wo se ka, “I ti deke bo adamande koro yo ma i, ama, Nyeme do, i ti ma pui, dama Nyeme koro yo deke kere.”

²⁸ Na Petoro ase i ka, “To, ye yere ayaki deke kere susu u su e.” ²⁹ Na Yesu ase ka, “Nahore ye m suse am n a, sono kere bo i yakiiri i awuru, wara i ninbaam, wara i ni,

wara i si, wara i nbaam, wara i asien, mini ni m labari kpa n dɛɛ ti, ³⁰ i mi nyá nyininim sɔ nɔsu yaa i nɔɔɔ su. I nyá awurum, ni ninbaam, ni nim, ni nbaam, ni asienm, na minem má i di wahara, na fa kɔ fa ba i nyá nɔɔɔ bo i la má awieeri. ³¹ Ama, mine dɔnggu bo bu wo mɔ kisa ni bá ka sin, na bo bu ka sin kisa n bá du mɔ.”

Kabo Yesu joɔ fa kɔɔri i yiwee n su kpe nsan su ni

³² Sangga bo Yesu ni i susufom sukɔ Yerusalem miɛ kpiri n nu ni, na Yesu adu bu mɔ sunati, na i susufom n ajimi, na sere ati minem bo bu suuri i su ni, na wɔ kaaki afere i susufɔ buru ni nnyom n ako aheme, na wɔ joɔ bu dɔ bekun fa kɔ sa n bo i bá tu i ni. ³³ I ɲa, “Am ti fɛn. Ya sukɔ Yerusalem lɛɛ, dɔ ye bu kɔ tara mini Adamande Wa n a, na bu fá m ma Nyeme sayoowa dɔngguyofɔ nkpienkpienm ni, ni Nyeme noanie kerefom ni, na bu dí m jɔre, na bu sóro su ka bu kún m. Na bere gusu nyá fa m wura minem bo bu ti má Yudafoɔm saa nu, ³⁴ na bu yó m anzasi, na bu yí nanzue go m ɲu, na bu fin m nɔgbere, na bu nyá kun m, na i lesan cɛɛn sin, na m tɛnɔge m yiwee n nu.”

Kabo Yesu kereeri ka mɔfo yo i ɲu kaan ni

³⁵ Na Zɛbedi nbaam Yakobo ni Yohane aba Yesu dɔ aba ase i ka, “Ya Kerefɔ, ya koro ka deke kere bo ya sere u, a yo i ma ya.” ³⁶ Na wɔ bisa bu ka, “Am koro ka m yo nzu ma am a?” ³⁷ Na ba se i ka, “Sangga bo a bá tana u jirima tanaabiri ni, ya koro ka a ma ya kun tana u saa fɔmboro su, na kun gusu tana u saa biɛ su.” ³⁸ Na Yesu ase bu ka, “Am si má deke n bo am susere i n ti a. Am kóro di wahara n bo m dí i ni, am káaki koro wu yiwee n bo m wú i ni, nzen se?” ³⁹ Na ba bo i nu ka, “ɛɛn, ya kóro yo i kere.” Na Yesu ase bu ka, “Nahore. Am dí wahara n bo m dí i ni, na am káaki wu yiwee n bo m wú i ni. ⁴⁰ Ama, mini la má atin bo m má am be tana m fɔmboro su, na be tana m biɛ su. Ama, Nyeme asese nyini tanaabiri n su, afa ase ama minem bo yiri ni i tii ayi bu n a.”

⁴¹ Sangga bo i susufɔ burum ni tiiri kabo Yakobo ni Yohane n seeri Yesu ni, na ba fa yaa bu ɲu. ⁴² Na Yesu afere bu kere aba i bi, na wɔ se bu ka, “Am si tenle su ka minem bo bu su má Nyeme n na bu yo bu ɲu nkpienkpienm ni, bere miɛ bu minem a, na bu tereterefom gusu kere kabo bu yiko ti barasu. ⁴³ Ama, wɔ ti má ye ni ka ambere yo sɔ. Nzen sɔnɔ be koro ka i wura i ɲu kpiri am kere nu, i ti ye ni ka i mi yo i ɲu kaan, na i su am. ⁴⁴ Na bo i kaaki koro ka i yo am mɔfo, i ti ye ni ka i mi yo am kere akɔ. ⁴⁵ Dama mini Adamande Wa n ni m tii aba má ka minem su m wɔ, ama, m baari ka m ba su minem wɔ, na m wu ma bu, na m de minem dɔnggu tii ji.”

Kabo Yesu tuntuunri anyinsin be na i ɲuuri asi ni

⁴⁶ Na ba kɔ aju miɛ kpiri n bo bu fere i ka Yeriko ni. Sangga bo Yesu ni i susufom, ni jama beberebe n sufite miɛ n nu ni, anyinsin be tana atin n nɔɔ wɔ sere su. Bu fere i ka Batimeyo, Timeyo dɛɛ wa. ⁴⁷ I tiiri ka Yesu Nazaretifo ni susin ni, na wɔ tien afere i, i ɲa, “Yesu, Feme Davidi anuma, si m anjunfo.” ⁴⁸ Na jama n atien i ɲu ka i yaki nanmie. Ama, na wɔ kaaki atien kpa abuka su ka, “Feme Davidi anuma, si m anjunfo.” ⁴⁹ Na Yesu aka ajina, na wɔ se bu ka, “Am fere i ma m.” Na ba fere anyinsin ni, na ba se i ka, “Ma u ahore si na a yasu, i fere u.” ⁵⁰ Na wɔ fikindi i zaba n atu, na wɔ warakpin, na wɔ nɔmati akɔ Yesu dɔ. ⁵¹ I kɔ juuri dɔ n na Yesu abisa i ka, “A koro ka m yo nzu ma u a?” Na anyinsin n abɔ i nu ka, “Ya Kerefɔ, m koro ka a ma m ɲu asi wɔ.” ⁵² Na Yesu ase i ka, “Kɔ. Yarada n bo a yo m ni, nyini ma a nya laifɛ a.” Kpɛnga na wɔ kaba anju asi, na wɔ su i su ako.

11

Kabo Yesu wuraari Yerusalem ka femɛ dɛɛ su ni

¹ Bu kɔ ɲa bu dodo Yerusalem miɛ kpiri n nu, na bu ɲa bu wura miem bo bu fere bu ka Befage ni Betani n ni, nyini miem n dodo buka n bo bu fere i ka Oliva Buka n wɔ, dama oliva bakam go su wɔ. Dɔ na Yesu asunma i susufom n nu nnyɔ, ² na wɔ se bu ka, “Am kɔ miɛ kaan n bo i wo am nyunu dɔ ni, am kɔ ɲa am wura miɛ n nu, am ɲu ka kaakobaa be minda, be nya fun má i. Am nyanɔi i bra. ³ Nzen be bisaari am ka nzu ti ye am sunyanɔi i a, am se i ka am Mibie ni koro i a, ama, i má am kaaki n ɲu, na Yesu ba kisa kisa.” ⁴ Na ba kɔ, na ba kɔ anu ka kaakobaa n minda anɔ be nu atingbere n su, na ba nyanɔi i. ⁵ Na mine n bo bu jina dɔ n abisa bu ka, “Am suyo nzu lɛɛ, am sunyanɔi kaakobaa n kɔ ni wɔ?” ⁶ Na ba se minem n kabo Yesu seeri bu ni, na ba ma bu atin. ⁷ Na ba fa kaakobaa n aba Yesu dɔ, na ba fa bu suturam anana kaakobaa n ɲu, na Yesu afun atana su. ⁸ Na mine beberebe afa bu suturam atereki ase atin n nu, na nbem gusu abubu nyawa asese atin n nu. ⁹ Na bo bu du i nyunu n ni bo bu wo i sin n kere subo kuyigindi, bu ɲa, “Hosana. Ya kansi Nyeme.”

Terefië wo yiri n bo i suba Micera n dæe duma n nu n dɔ.

¹⁰ Terefië wo ya si Davidi femeya n bo i suba n dɔ.

Ya kansii Nyemë bo i wo angoro ni.”

¹¹ Na Yesu awura Yerusalem mië kpiri n nu, na wo kɔ Nyemë Sereebiri Awuru n nu. I kɔ juuri dɔ na wo nië abara aye deke n kerë. Nyini sangga wië atɔ, nyini ti, na i ni i susufɔ buru ni nnyom n akpie bu nyi ako Betani.

Kabo Yesu yoori damba baka be ngbeën ni

¹² Na i alecin na ba yasu Betani mië n nu suko, na ahɔe ati Yesu. ¹³ Na wo nië anju damba baka be ni i nyawa, ka i wo dede, na wo kɔ anie ka i nyá suuwa n be di. Sangga bo i kɔ juuri baka n bu ni, wo nju má pui su, baka n jina ni nyawa ngumi wo, dama nyini sangga n ti má damba su sangga. ¹⁴ Na wo se baka n ka, “Sin nyuma sin, sɔnɔ di má u suuwa kun.” I seeri sɔ n na i susufɔm n ati.

Kabo Yesu fɔnri watafɔm fiteeri Nyemë Sereebiri Awuru n nu ni

¹⁵ Sangga bo Yesu ni i susufɔm kɔ juuri Yerusalem mië kpiri n nu ni, na wo kɔ awura Nyemë Sereebiri Awuru n nu, na wo fon nenge tofɔm ni tofɔm kerë afite awuru n nu, na wo kaaki njwaa kaakifɔm n teebirim n ni tiüwa tofɔm n biem kerë alanlanga. ¹⁶ Wo soro má su na be sɔ sɔori nati sin Nyemë Sereebiri Awuru n nu. ¹⁷ Na wo kere minem ka, “Ba kerë i Nyemë Jɔre Kadasi n nu ka, Nyemë nja o, ‘M awuru ni, bu bá fere i ka awuru n bo bu bá sere Nyemë n nu fa ma durunya n nufɔm kerë wo.’ Ama, ambere afa i ayo finfɔm woobiri.”

¹⁸ Nyemë sayoowa dongyufofɔ nkpienkpienm n ni Nyemë nɔanië kerefɔm n tiiri sa n bo Yesu yoori i ni, na ba kpini atin kabo bu yó na bu kún i, dama ba soro i. Deke bo i ti na bu soroori i n la ka, mine dongu tiiri i kereewa n na ba yo alekutura. ¹⁹ Nyini cɛen n naaso, na Yesu ni i susufɔm n afite mië n nu.

Kabo Yesu seeri ya ka ya yo Nyemë yarada ni

²⁰ Alecin ngarama bu ba susin suko na ba nju ka damba baka n awu ako akpura haari i bunlui. ²¹ Na Petoro atengge su kabo Yesu seeri baka n ni, na wo se i ka, “Ya Kerefo, nië. Damba baka n bo anuma na a jɔjo gɔori i nju ni, wo wu.” ²² Na Yesu ase bu ka, “Am yo Nyemë yarada. ²³ Nahɔre ye m suse am n a, worɔ kerë bo a se ahin buka n ka, ‘Yasu kɔ to tieku n nu,’ na a yo má sika na a yo yarada ka deke n bo a seeri i ni, i yó, Nyemë yó i ma u. ²⁴ Nyini ti, m suse am wo lɛe, ka, deke kerë bo am sere Nyemë ka am koro i, am yo yarada ka am anya i, Nyemë yó i ma am wo. ²⁵ Sangga kerë bo am ba susere Nyemë, na be ado am ngasi, am fa i mi ni ngasi ce i ka, adena am Si Nyemë bo i wo angoro n gusu fá am dæe ce am. [²⁶ Nzen am fa má am bengum ngasi ce má bu, am Si Nyemë bo i wo angoro n gusu fá má am dæe ngasi ce má am.]”

Kabo bu bisaari Yesu deke bo i yiko n fite ni

²⁷ Bu fa ba juuri Yerusalem mië kpiri n nu bekun, na Yesu awura Nyemë Sereebiri Awuru n nu, na i sunati bara ye i. I wo dɔ sɔ ɔ n na Nyemë sayoowa dongyufofɔ nkpienkpienm, ni Nyemë nɔanië kerefɔm, ni Yudafɔm nkpienkpienm n aba i dɔ, ²⁸ na ba bisa i ka, “Nma dæe yiko nu ye a yo nyini sam kerë a? Nma ma u nyini yiko n ye a yo nyini sam n a?” ²⁹ Na Yesu abɔ bu nu ka, “Am ma m du mɔ bisa am bisaawa kun be ka, na nzen am boori m nu, na m gusu nyá se am deke bo m yiko n fite. ³⁰ Nma maari Yohane atin ye i ba bieeri minem Nyemë nzue n a? Nyemë nzen adamande? Am bo m nu.” ³¹ Na ba se akuruwa bu njuju nu, kabo bu bo Yesu nu barasu. Bu nja, “Nzen ya seeri i ka Nyemë maari i atin a, i bisa ya ka, ye nzu ti ye ya da má Yohane nju a? ³² Ama, nzen ya se i ka adamande dɔ?” Dɔ gusu na ba soro jama ni. Má pui ti, dama sɔnɔ kerë soroori su ka Yohane yo ti Nyemë nɔanië kanfɔ ɔ nahɔre su. ³³ Nyini ti, na ba bo i nu ka, “Ya si má.” Na yiri gusu ase bu ka, “Mini mmɔɔ sé má am sɔnɔ bo i dæe yiko nu na m yo ahin sam n kerë ni.”

12

Kabo Yesu boori miënu niiri Yudafɔm nkpienkpienm ni

¹ Na Yesu abo bu miënum. I nja, “Sɔnɔ be yo woori bere a, na wo dɔ i baka suuwa barasu be fie, na wo kanda abara aye fie ni. Na wo lokoti yabuë bambaka be kunma, ka i sumiemië baka suuwam ni nzue gɔ nu. Na wo ta kpafiri lenlenge be ka bu tana su sunie fie n kerë su, na wo nya afa fie n awura i npadifɔm saa nu. Na wo kɔ atin. ² Sangga ba juuri bo i si ka baka suuwam n abi ni, na wo sunma i akɔom kun i npadifɔm n dɔ ka i kɔ de i dæe bo ba nya i n bra. ³ Akɔɔ n kɔ juuri ni, na ba tara i abo i, na ba fon i akpie i nyi i saa ngbeën. ⁴ Na fie n fɔ n asunma i akɔɔ n kun bekun, na ba tara i abo i atie i ti, na ba kpa i nyinye. ⁵ Na wo kaaki asunma kun bekun, na ba kun yiri. Akɔɔ kerë bo

fie n fɔ n nya sunmaari i a, a ŋu ka bu bo i wɔ, wara bu kun i wɔ. ⁶ Sɔno kun n kpein be ba kaari a, yiri la i wa koroowa ni. Yiri ye i ba kaari sin sunmaari a, na wɔ se ka, 'Bu má m wa n yiri jirima.' ⁷ Ama, na nyini npadifom n ase bu ŋuŋu nu ka, 'I wa n bo i di i aja n lɛɛ suba n a. Am bra na ya kun i na aja n kere ká ya dɛɛ.' ⁸ Dɔ na ba tara i, na ba kun i, na ba cin i afite fie n nu afa i atu."

⁹ Na Yesu anya ase bu ka, "Am sunsun ka fie n fɔ ni yó se wɔ? I bá kun nyini npadifom n kere wɔ, na i fá fie n wura mine fɔfɔrem saa nu." ¹⁰ Na wɔ sa su ase ka, "Amberɛ ni am tii akan Nyemɛ Jɔre Kadasi n nu aɲu i kabo ba kere i barasu. Bu ŋa, 'Yabuɛ n bo bondo tafom n faari i tuuri ni,

yiri ye wɔ kaaki bondo n jaa yabuem kere tii a.

¹¹ Micera ni yoori i sɔ a.

Ya ŋu i, na wɔ yo ya alekutura.' "

¹² Yesu seeri sɔ ni, na Yudafom nkpienkpienm n akpini atin kabo bu yo na bu tara i, dama bu faari nu ka miɛnu n bo i boori i ni, i niiri bere wɔ, ama, bu soroori jama n dɛɛ ti, na ba yasú akɔ ayaki i.

Kabo bu sɔɔ Yesu ŋgɛɛ fa kɔ lampo tɔ busu ni

¹³ Nyini sin na nkpienkpienm n asunma Farasifom ni Femɛ Herode mine nbem na bu ba sɔ Yesu ŋgɛɛ na bu ti i nɔaniɛ. ¹⁴ Na ba ba ase i ka, "Ya Kerefɔ, ya si ka a ti nahore sefɔ ɔ, u cece wo má kabo mine jɔɔ nu, dama a nie má sɔno jinaabiri ti, ama, a kere minem wɔ nahore su kabo Nyemɛ atin ti barasu. Tɔ, ya dɛɛ atin n su, atin wo nu ka ya tɔ lampo ma Romafom Femɛ Kpiri Siza, nzen atin wo má nu?" ¹⁵ Ama, na Yesu asi ka bu ti burukɔnufom wɔ, na wɔ bisa bu ka, "Nzu ti ye am sukoro ka am sɔ m ŋgɛɛ a? Am fa ŋwaa bra na m nie." ¹⁶ Na ba fa ŋwaa n aba ama i. Na wɔ de ŋwaa n anie, na wɔ bisa bu ka, "Ŋma dɛɛ tii ni i duma wo ŋwaa n su n a?" Na ba bo i nu ka, "Femɛ Siza dɛɛ a." ¹⁷ Na Yesu ase bu ka, "Deke bo i ti Femɛ Siza dɛɛ, am fa ma Femɛ Siza, na deke bo i ti Nyemɛ dɛɛ, am fa ma Nyemɛ." Na ba mie ni i nɔaniɛ ni.

Kabo bu bisaari Yesu fa kɔɔri yiwee tenge jɔre su ni

¹⁸ Na Yudafom asese barasu nbem bo bu fere bu ka Sadusifom ni, aba Yesu dɔ. Bu dɛɛ kereewa la ka Nyemɛ tɛngge má minem bu yiwee n nu n a. Na ba ba abisa i jɔre be, bu ŋa, ¹⁹ "Ya Kerefɔ, Moyisi yo kereeri nɔaniɛ be maari ya, ka nzen sɔno wu yakiiri i yi, na i ni bara n anya má baa, wɔ yo daka ka i niema n fa kunafɔ n na bu wu nbaam ma goro n bo wɔ wu ni. ²⁰ Tɔ, sɔno be yo laari nbaabiesom nso, na baakpien n aja bara, na wɔ wu ayaki bara ni, ba nya má baa. ²¹ Na bo i tɔ i su n afa kunafɔ n aja, na yiri gusu awu ayaki bara ni, ba nya má baa. Na bo i tɔ i su nsan su n gusu afa i aja bekun. ²² I yo sɔ ɔ, na bu nso n kere aja bara n abara aye, na bu kere awu ayaki i, ba nya má baa, na bara n gusu aba aka sin awu. ²³ Kabo bu mine nso n kere aja bara n na ba wu sɔ ni, ceɛn n bo Nyemɛ bá tenge minem bu yiwee n nu ni, bara ni ká ŋma dɛɛ wɔ?"

²⁴ Na Yesu abo bu nu ka, "Am amini atin. Deke bo i ti na am amini atin n la ka, am ti má deke bo ba kere i Nyemɛ Jɔre Kadasi n nu n bu, na am kaaki si má kabo i yiko n ti barasu. ²⁵ Dama sangá bo Nyemɛ má minem tenge bu yiwee n nu ni, ajaa wo má bere kun. Ama, nyini ceɛn ni, sɔno kere káaki ka Nyemɛ merekem bo bu wo angoro n wɔ. ²⁶ Na fa kɔ kabo Nyemɛ bá tenge minem bu yiwee n nu ni, am kaanri Moyisi dɛɛ kadasi ni, nzen am akan má i? Kabo i kereeri fa kɔ sangá bo sin n jeeri buwe baka n su n na Nyemɛ jɔɔɔri i dɔ ni, i ŋa, 'Mini ti Abraham, ni Izaki, ni Jakɔbu dɛɛ Nyemɛ n a.' " ²⁷ Na Yesu asa su ase bu ka, "Kabo Nyemɛ ŋa i ti nyini minem n dɛɛ Nyemɛ ni, nyini kere ka bu toko la ŋgɔɔ lɛɛ, dama Nyemɛ ti má bo ba wu n dɛɛ Nyemɛ, ama, i ti bo bu la ŋgɔɔ n dɛɛ Nyemɛ a. Nyini ti, kabo am ŋa Nyemɛ tɛngge má minem bu yiwee n nu, am amini fieo."

Nyemɛ nɔaniɛ maawa n bo i tara bu kere n jɔre

²⁸ Na Nyemɛ nɔaniɛ kerefom kun aɲu kabo Sadusifom ni Yesu seeri bu benɲu akuruwa ni, i tiiri kabo Yesu boori bu nu nyunyumi sɔ ni, na wɔ ba abisa i ka, "Nyemɛ nɔaniɛ maawam ni, bɔno tara bu kere a?" ²⁹ Na Yesu abo i nu ka, "Nɔaniɛ n bo i tara bu kere n yaa, ba kere ka, 'Amberɛ Yisarelifom, am ti fen, ya Micera Nyemɛ n ti kun wɔ. ³⁰ Koro Micera n Nyemɛ ni, ni u ahorembaa kun, ni u awiewie, ni u sunsuni, ni u fanga kere.' ³¹ Bo i tɔ su nnyo n la ka o, 'Koro u benɲu kabo a koro u ŋu ni.' Nɔaniɛ maawa be wo má bere bo i tara ahin nnyom ni." ³² Na Nyemɛ nɔaniɛ kerefɔ n ase Yesu ka, "Angba. Ya Kerefɔ, i nahore atin su lɛɛ ye a kan i n a. Ya Micera Nyemɛ n ti kun wɔ. Nyemɛ be wo má bere sin i ŋu. ³³ Wɔ kaaki ayo daka ka ya koro Nyemɛ ni ya ahorembaa kun, ni ya sunsuni, ni ya fanga kere, na ya kaaki koro ya benɲu kabo ya koro ya ŋu ni, nyini nnyom n ti ye tara bo ya yo tiem, ni bo ya yi sarakam ma Nyemɛ ni." ³⁴ Na Yesu aɲu ka

sono n abo i nu kpa, na wo se i ka, “A waari má ni Nyeme femeya ni.” Nyini sin, be abo má su ka i bisa Yesu jore bekun.

Kristo Tiidefo n bo i ti Feme Davidi anuma n jore

³⁵ Saŋga bo Yesu woori Nyeme Sereebiri Awuru n nu sukere Nyeme noanie ni, na wo bisa minem jore be fa ko Kristo Tiidefo n su. I ŋa, “Nzu ti ye Nyeme noanie kerefom n bita jojo ka Kristo n ti Feme Davidi anuma a? ³⁶ Dama Awiewie Casi n yo wuraari Feme Davidi ŋu ni, na yiri ni i tii ase ka,

‘Na Micera ase m Mibie n ka,

“Ba tana m saa fomboro su fen,

haari m bá ma u kpofom kere ba kutu u jaa bu.”’

³⁷ To, Feme Davidi mmoo ni i tii fereeri Kristo n ka i Mibie wo, ye Kristo n yo se kaaki yo Feme Davidi anuma a?”

Kabo Yesu ŋa mine si bu ŋu sa ni Nyeme noanie kerefom ni

Ye jama beberebe n jina tiiri Yesu noanie n ni ahorejo a. ³⁸ I woori bu kere n su ni, na wo se bu ka, “Am si am ŋu sa ni Nyeme noanie kerefom ni, deke bo bu koro i n la ka, bu wura sutura ngbingbirim wo, na bu nati sujengbe, na sono kere suyo bu anse goosu. ³⁹ Nyini minem n anya awura bu tientienbunoo soom n nu ni, wara ba nya afere bu tientienbunoo bambaka diire diibirim ni, bu koro ka bu tana kpirikoro tanaabirim wo. ⁴⁰ Nyini minem n so fin nkunafom nenggem wo, na bu jina sere Nyeme ce, adena minem ŋu ka bu ti mine kpan wo. Jina ceen, bere bá nya suicin tara minem kere.”

Kabo kunafu be yiiri saraka barasu ni

⁴¹ Na Yesu ako atana adodo alaka bo minem yi bu saraka ŋwaa wura nu ni, na i sunie kabo minem yi saraka barasu. Nengefom dongu yiiri ŋwaa beberebe wuraari saraka n nu. ⁴² Na kunafu yaariffo be gusu aba ayi ŋwaa kaan be bo i koro to má pui awura saraka n nu.

⁴³ Do na Yesu afere i susufom n na wo se bu ka, “Nahore ye m suse am n a, nyini kunafu n ayi ŋwaa atara minem n kere. ⁴⁴ Dama nengefom la ŋwaa beberebe n dee ti, ye ba yi be a. Ama, nyini kunafu n ni i yaari n kere, i deke kere bo i la i lee, ye wo yi i n a.”

13

Kabo Yesu seeri ka Nyeme Sereebiri Awuru ni bá bereki barasu ni

¹ Saŋga bo Yesu sufite Nyeme Sereebiri Awuru n nu ni, na i susufom n nu kun be aba ase i ka, “Ya Kerefo, nie nyini yabue ngbingbirim ni. Nie kabo bu ti a. Nie nyini awuru bambaka ni. Nie kabo ba ta i barasu a.” ² Na Yesu ase i ka, “M ŋa a ŋu nyini ataari ngbingbirim n e? Yabue kun n kpein n mmoo bá nana má i benju su. Bu bá bereki i kere go o lee.”

Kabo Yesu kere fa koori durunya n awieeri su dee jore ni

³ Na Yesu ako afun atana Oliva Buka n su sunie Nyeme Sereebiri Awuru ni. Na saŋga bo yiri ni Petoro ni Yakobo ni Yohane ni Andere woori bu ngumi ni, na ba bisa i ka, ⁴ “Ya Kerefo, se ya, saŋga bono ye ahin sam n kere bá yo a? Ye nzu deke bá kere ya ka saŋga n adodo bo nyini sam n kere bá yo a?” ⁵ Na Yesu anya ase bu ka, “Am si am ŋu sa na má am ma be dadaka am. ⁶ Dama mine dongu bá fa m duma n ba, na bu sé ka, ‘Yiri la mini n a.’ Na bu dadaka mine beberebe. ⁷ Saŋga bo am bá ti aluwa nga fen, wara bu sukun lue do, má am ma am ahore saaki. Wo yo daka ka nyini n kere bá yo ka, ama, má am nie ka durunya n awieeri lee. ⁸ Daanfie daanfie bá kun lue ni bu bengum, na nfemem kún lue ni bu benju nfemem. Na asien bá kpisi awore aworem nu, na ahoe to. Nyini n kere bá yo kabo bara kutu ceen bumboori dee wahara n ti n wo.

⁹ Am si am ŋu sa, dama bu bá fa am wura joredifom saa nu, na bu bó am bu tientienbunoo soom n nu. Mini dee ti, na bu dí am jore gominam ni nfemem nyunu. Nyini má am atin, na am di m daani kere bu a. ¹⁰ Ama, wo yo daka ka daanfie kere du mo ti labari kpa n ka, ye durunya n awieeri bá ju a. ¹¹ Saŋga n bo bu bá faari am koori jinaabiri, na bu ko di am jore ni, má am ma am ahore saaki fa ko kabo am kó jojo barasu. Noanie kere bo i to am nno nyini saŋga ni, am jojo i, dama i fite Awiewie Casi n do o, i fite má am do.

¹² Gorom ni niemam bá to bu benju ma bu kpofom na bu kún bu, na sim to bu nbaam, na nbaam kéte bu wufom ŋu, na bu má minem kun bu wufom ni. ¹³ Ama, woro kere bo a mindi deeri nyini n kere ko ju i awieeri, Nyeme dé u tii ji.”

Anyumbaa ciire sa n bo i bá ba n jore

¹⁴ Na Yesu akaaki ase bu ka, “Am bá ñu anyumbaa ciire sa be bo Nyeme mmoo kpoo i, ka bu má i jina Nyeme Sereebiri Awuru n nu, deke bo wo yo má daka ka i jina, na i sáaki i ni. Ma sɔno kere bo i kan ahin kadasi n ti i bu nyunyumi. Nyini sangga ni, wɔro kere bo a tiiri i ngga, na a wo Yudiya asien n su, ñmati ko bukam n su. ¹⁵ Wɔro kere bo a wo kpata nu, má a wura gisan n nu fa pui. ¹⁶ Na wɔro kere gusu bo a wo fiesu, má a kpie i nyi ko awuru ko fa u sutura be. ¹⁷ Nyini sangga ni yó kekere agaya ma nyinsefom, ni nbaram bo bu nbaam toko nu ni. ¹⁸ Am sere Nyeme ka má nyini sa n yó buke sangga. ¹⁹ Nyini sangga ni, wahara bo mine dí i, i tára wahara kere bo ba di i asin, fite sangga n bo Nyeme yiiri durunya ni haari ni kisa, nyini wahara n ñusu bá má kun. ²⁰ Ama, Micera n akpie nyini sangga n su. Nzen má wo kpie má i su, má sɔno wo má bere bo i nyá ngoo, ama, i dee tienggu minem bo wo yi bu n dee ti, wo kpie sangga n su a. ²¹ Nyini sangga ni, nzen be bá se am ka, ‘Am nie, Kristo Tiidefo ni wo fen n a,’ wara ‘Am nie, yiri wo do n a,’ má am de i mi noanie ni. ²² Dama korefo nbem bá ba na bu yó bu ñu ka bere ti Kristo n a, na nbem gusu yó bu ñu ka bu ti Nyeme noanie kanfom wo. Bu yó alekutura sam beberebe fa kere am, na nzen bu koro nyaari atin, bu dá daka Nyeme dee minem bo wo yi bu ni. ²³ Amberɛ, ma se am i kere wo lee ka, na sangga n nyá ba ju. Am si am ñu sa.”

Kabo Adamande Wa ni bá kaaki ba barasu ni

²⁴ Na Yesu akaaki ase bu ka, “Sangga bo nyini wahara n kere ba siinri, ‘Awosin káta wie n su,

na sara n gusu tá má bo minem ñu i.

²⁵ Na asarambaam fite angoro titi toto, na angoro n kere kpísi.’

²⁶ Na minem nyá ñu ka mini Adamande Wa ni sufite angoro yinyinggu n nu suje piɛpiɛu suba ni yiko bambaka. ²⁷ Na m nyá sunma Nyeme merékem durunya n awore n kere nu, na bu tientiɛn Nyeme minem bo Nyeme ayi bu durunya n nu n kere noo.”

Kabo Yesu ña ya fa damba baka fa se nyaari barasu ni

²⁸ Na Yesu akaaki ase ka, “Am fa damba baka n fa se nyaari. Sangga bo am ba ñu ka i nyawa akpɔnkpɔn, na i sufieɛfe fɔfɔre ni, am si ka do doori sangga adodo lee. ²⁹ Mini Adamande Wa n ba ni bá yo so o. Sangga bo amberɛ gusu bá ñu ka nyini sam kere bá suyo ni, am si tenle su ka sangga n adodo lee, i cé má kun. ³⁰ Nahore ye m suse am n a, ka bo bu la ngoo kisa n wú wie má ka, ye nyini sam kere bá yo a. ³¹ Angoro ni asienggu kere bá la awieeri, ama, m dee noanie n yiri la má awieeri ceen be.”

Kabo Yesu seeri ka ya si ya ñu sa fa ko i ba n su ni

³² Na Yesu akaaki ase ka, “Be si má sangga ni, wara ceen n bo m bá kpie m nyi ba ni. Haari Nyeme merékem n bo bu wo i do ni, ni mini bo m ti i wa n mmoo si má. Má ka ya Si Nyeme ngumi si a. ³³ Nyini ti, am si am ñu sa. Má am fa am ñu ji, dama am si má sangga n bo m bá ni. ³⁴ Mini Adamande Wa n baawa ni bá yo ka sɔno be ye wo yasu i dika ka i ko atin. Sangga bo i ba suko ni, na wo fa i awuru n awura i akooɔm saa nu, na wo ma bu kere ni bu juma bo bu yo. Na wo se danmindafɔ n ka má i fa i ñu ji haari fa ko sangga bo i bá ba. ³⁵ Amberɛ mmoo si má sangga bo mini Awurufobie ni bá ba. Nzen ngarama a? Naaso o? Kɔngue jinanjin? Akonyuma bo sangga? Be si má. Nyini ti, má am fa am ñu ji, ³⁶ na má am daafi na m bá fura am nu. ³⁷ Deke bo m sujojo se am ni, m jojo ni sɔno kere pepere wo lee, ka, má am fa am ñu ji na am daafi.”

14

Kabo bu seseeri su na bu tára Yesu ni

¹ Nyini sangga ni, wo ka lennyo o, na bu di bu ceenkpiri nbem. Bu fere kun n ka Butara ceenkpiri, bo bu di i na bu teɱge su kabo Nyeme yo deeri bu nam tii fiteeri Ijipitifom asien su ni. Na kun la bo bu di i ni kpooɔ bo bu go má ayiri nu na i yasu ni. Na Nyeme sayoowa dongyuyofɔ nkpienkpiɛnm ni, ni Nyeme noanie kerefoɔm ni, anienie atin kabo bu yo barasu na bu tára Yesu kun i fieewa nu. ² Na ba se bu ñuñu nu ka, “Má am ma ya yo i ceenkpiri n sangga. Má nyini, minem ni kéte yo nanmie wo, na bu sutiɛntien.”

Kabo bara be goori Yesu tii su tulaale ni

³ Yesu woori Betani mie n nu wo, sɔno be dika, bu fere i ka Simon, i yo ti kokofɔ o. Sangga bo Yesu wo diire di su ni, na bara be aba ni tulaaleɛ tuwa nvanvani bo i la go agaya. Na wo bo abu tulaaleɛ tuwa n noo, na wo kaaki tulaaleɛ n kere ago Yesu tii su. ⁴ Na yaa ati minem ni nbem bo bu wo do ni, na ba se bu ñuñu nu ka, “Nzu ti ye wo saaki tulaaleɛ n so a? ⁵ Má ya toori i, má ya nyá ñwaa beberebe, na ya fá ma yaarfom.”

Na ba kan bara ni ndie agaya. ⁶ Na Yesu ase bu ka, "Am yaki i benle. Má am kan i ndie. Sakpa lee ye wo yo ama m n a. ⁷ Am ni yaarifom ni wo bere sangá kere a, na nzen sangá be am ba koro ka am yo bu sakpa, am yo bu. Ama, mini, m wo má am do sangá kere. ⁸ Wo yo i dee fanja nyaari lee, wo kaaki tulaalee n ago m nu ka i dee nzee bo wo fa ayo m siriya fa ko m yiwee ceen lee. ⁹ Nahore ye m suse am n a, deke kere bo bu ba kaanri Nyeme labari kpa ni durunya n kere nu, bu kán i sayoowa n na minem tenge i su."

Kabo Yudasi seseri su ka i to Yesu ni

¹⁰ Na Yudasi Isikariyoti bo i ti Yesu susufo buru ni nnyom ni kun be ni, ako Nyeme sayoowa donguyofa nkpienkpienm ni do, ka i ko to Yesu ma bu. ¹¹ Bu tiiri labari n so ni, na bu ahore ajo, na bu gusu atan ndie ama i ka bu má i nwaa. Na Yudasi akpini atin kabo i yo barasu na bu nya Yesu taraabiri.

Kabo Yesu ni i susufom diiri ceenkpiri diire ni

¹² Na ceenkpiri n bo bu di i ni kpono bo bu go má ayiri nu na i yasu ni, i lekun ceen, nyini ceen ye bu kun nbombaam bo bu di na bu tenge Butara ceenkpiri n su n a, na Yesu susufom n abisa i ka, "A koro ka ya ko ni ko sese Butara ceenkpiri n diire n su se a?" ¹³ Na Yesu afere bu nu nnyo na wo se bu ka, "Am ko mie n kunnu. Am ni sono be ye. I so nzue dundu. Am su i su, ¹⁴ ko awuru n bo i ko wura nu ni, na am bisa awurufobie n ka, 'Ya Kerefo n ja, soo bono nu ye i ni i susufom ni di Butara ceenkpiri n diire n a?' ¹⁵ Na i kere am angoro soo hambaka n bo ba yo i dongu ase ni, do ye am sese diire n su se ya." ¹⁶ Na i susufom ni ako mie n nu, na ba ko anu deke n kere so, kabo Yesu seeri bu ni, na ba sese Butara ceenkpiri diire n su.

¹⁷ Na naaso sangá, na Yesu ni i susufo buru ni nnyom ni kere aba do. ¹⁸ Na sangá bo bu tana wo diire n di su ni, na Yesu ase bu ka, "Nahore ye m suse am n a, am nu kun ba to m ma m kpofom a. I mi ni mini susangá di diire n a." ¹⁹ Na bu ahore asaaki, na bu kun kun n kere abisa i ka, "Ye m ja má mini yiri e?" ²⁰ Na Yesu abo bu nu ka, "Ambere buru ni nnyom nu kun yo nyini a, i mi ni mini susangá fa ya saa wura taale kun nu a. ²¹ Mini Adamande Wa ni wu kabo ba kere i Nyeme Jore Kadasi n nu ase ka m wu n wo, ama, sono n bo i to mini Adamande Wa n ni, i mi ba nu anyumboro. Má ba wu má i mi n mmoo, má i ti ye."

Ya Mibie kasin diire n jore

²² Sangá bo Yesu ni i susufom ni wo diire n di su ni, na Yesu afa kpono, na wo da Nyeme asi, na wo bubu i nu, na wo fa ama bu, na wo se bu ka, "Am de ahin kpono n na am di, i ti m njuniembraa a." ²³ Na wo kaaki afa awa ni nzan, na wo da Nyeme asi, na wo fa ama bu, na bu kere anu be. ²⁴ Na wo se bu ka, "Ahin nzan n ti m mbunja lee, ye m sufa ma am n a. Yiri ye Nyeme sufa sesesu na i di i di n a. Minem dongu satie dee ti, ye m mbunja ni songi go a." ²⁵ Na wo kaaki ase bu ka, "Nahore ye m suse am n a, m nu má nzan be kun, má ka ceen n bo m ba nu i fofore Nyeme femeya n nu ni."

Kabo Yesu seeri i susufom n ka bu ba nmati yaki i ni

²⁶ Nyini sin na ba di jue akansi Nyeme, na ba fite ako Oliva Buka n su. ²⁷ Na Yesu ase i susufom n ka, "Am kere ba nmati yaki m, dama ba kere i Nyeme Jore Kadasi n nu ka, Nyeme ja,

'M bo kun boesafu ni,
na nbocem ba sandi.'

²⁸ Ama, m ba tengeeri m yiwee n nu ni, m du am mo ko Galili awore n nu." ²⁹ Na Petoro ase i ka, "Nzen ahinm kere nmati yakiiri u, mini nmati yaki má u da." ³⁰ Na Yesu ase Petoro ka, "Nahore ye m suse u a, nyuma kongue n nu, kana akonyuma ba bo kpe nnyo su, a kete kpe nsan ka a si má m." ³¹ Na Petoro abo i hoe ase i ka, "Mini se má so da. Nzen haari wo yo daka ka mini ni woro kere sangá wu mmoo, ya wu o." Na i susufom n kere ase so.

Kabo Yesu jeke tiiri na i ko sereeri Nyeme ni

³² Na ba yasu ako aju awore be bo bu fere i ka Gesemane ni, na Yesu ase i susufom ni ka, "Am tana fen nminda m, na m ko sere Nyeme." ³³ Na wo fa Petoro ni Yakobo ni Yohane na ba ko mo kaan. Bu ko juuri do na ahoresaaki aba i do agaya, na i jeke ati. ³⁴ Na wo se bu ka, "Ahoresaaki aba m do agaya, i yo m ka m wu o mmoo. Am wo fen na am nminda m. Má am daafi." ³⁵ Na wo ko dede kaan, na wo butu i kunnu su, na wo sere Nyeme ka nzen má i koro ma ahin anyumboro n sin yaki i. ³⁶ I ja, "Abba," i bu la ka, "M Si, woro koro yo sa kere a. Nyini ti, yi m fite ahin anyumboro n bo i suba m do n nu. Ama, má a yo kabo m koro ni, se kabo a koro ni."

³⁷ I sere Nyeme wieeri ni, na wo kpie i nyi ako anju ka i susufo nshan ni wo daafiri su. Na wo tenje bu na wo se Simon Petoro ka, "Simon, a daafi wo? A koro kpie ma daafiri, haari kaan so mmoo?" ³⁸ Na wo kaaki ase bu ka, "Am kpie daafiri, na am sere Nyeme, adena ma deke be yo am na am wura satie nu. Ahorembaa n koro nyemesu, ama, anjuniembaa n ayoroki." ³⁹ Na wo kaaki ako asere Nyeme bekun ni nyini noanie jooowa kun bo i du mo jooori ni. ⁴⁰ Na wo kpie i nyi aba i susufom n do, na wo ba anju ka ba daafi bekun, dama daafiri ati bu agaya. Ba koro ase ma i pui.

⁴¹ Na wo ko asere Nyeme kpe nshan su, akaaki aba anju ka bu toko wo daafiri su, na wo se bu ka, "Am toko daafi yi am njumi wo? Wo se su. Sanja n aju, wo to mini Adamande Wa ni ama satieyofom. ⁴² Am nie, sono n bo wo to m lee. Am yasu na ya ko."

Kabo bu taraari Yesu barasu ni

⁴³ Na sanja bo Yesu toko wo jooori su ni, na Yudas bo i ti Yesu susufo buru ni nnyom nu kun aju ni jama beberebe. Bu bita takobem ni koromam. Nyeme sayoowa donguyofo nkpienkpienm n ni Nyeme noanie kerefom ni, ni Yudafo nkpienkpienm ni sunmaari bu a. ⁴⁴ Na Yudas bo i toori Yesu ni akere jama n nyaari su kabo bu si Yesu na bu tara i. I na, "Sono n bo m ko biti i ni, yiri lee. Am tara i, na am bita i kenken, na am fa i ko." ⁴⁵ Sanja bo i ko juuri ni, i kaba koori Yesu do o, na wo bo afere i ka, "Ya Kerefo." Na wo biti i, na wo yo i anse. ⁴⁶ Na minem n atara Yesu na ba bita i kenken. ⁴⁷ Na Yesu susufom bo bu jina bere n nu kun acin ayi i takobe, na wo kpie sono be sui, nyini sono n ti Nyeme sayoowa donguyofom kpien n akoo o. ⁴⁸ Na Yesu abisa bu ka, "M ti finfo o ye am fa takobem ni koromam na am ba tara m a?" ⁴⁹ Een kere een m ni ambere wo Nyeme Sereebiri Awuru n nu a, ye m kere minem a, ama, am atara ma m. To, i ti ye ni ka kabo ba kere i Nyeme jore Kadasi n nu ka bu yo m ni yo yiiwa." ⁵⁰ Na i susufom n kere anmati ayaki i.

⁵¹ Na gbefene be gusu su Yesu su. I kara tani njumi wo. Na ba laandi ka bu tara i, ⁵² na wo foro bu saa anmati ayaki tani ni, i bu ngbeen.

Kabo bu fa Yesu koori jore diibiri ni

⁵³ Na ba fa Yesu ako Nyeme sayoowa donguyofom kpien n dika, na Yudafo tereterefo kere aba atien bu noo. Bere la Nyeme sayoowa donguyofo nkpienkpienm ni, ni Yudafo nkpienkpienm ni, ni Nyeme noanie kerefom ni. ⁵⁴ Na Petoro asu Yesu su, ama, i woori dede kaan ni yiri, na wo ko awura Nyeme sayoowa donguyofom kpien n dika gisan nu. Na wo ko asanja atana tintinjinafo n nu atun sin. ⁵⁵ Na Nyeme sayoowa donguyofo nkpienkpienm ni, ni Yudafo tereterefo n kere anienie minem bo bu ba di daani fa ko ngasi bo Yesu ado i ni, adena bu nya i taraabiri na bu kun i, ama, ba nya ma jore bo bu fa kpie so i. ⁵⁶ Na daani difom beberebe afite ajina akpie kore aso Yesu, ama, bu noanie n ayo ma kun. ⁵⁷ Na mine nbem gusu ayasu ajina akpie kore aso Yesu, ⁵⁸ bu na, "Ya tiiri ka i na, i fufo ahin Nyeme Sereebiri Awuru n bo minem taari i ni, na lesan afien, na i kaaki ta fofore bo i ti ma kabo adamande ataari ti ni." ⁵⁹ Haari ni nyini n mmoo, bu noanie ni ayo ma kun.

⁶⁰ Na Nyeme sayoowa donguyofom kpien ni ayasu ajina tereterefo n afien, na wo bisa Yesu ka, "A la ma bonu be fa ko ahin jore n bo minem ni akpie aso u n su?" ⁶¹ Ama, na Yesu amo i noo, wo bo ma jore be nu.

Na Nyeme sayoowa donguyofom kpien ni abisa i bekun ka, "Woro ti Nyeme n bo ya kere kansu i n dee Wa, Kristo Tiidefo n a?" ⁶² Na Yesu abo i nu ka, "Mini lee. Na 'am ba nu mini Adamande Wa ni,

ka m tana Nyeme Yikofa n saa fomboro su, na am nu ka m fite angoro yinyingu n nu suba.' "

⁶³ Yesu bo nu so wieeri ni, na Nyeme sayoowa donguyofom kpien ni ason i tanlee. Na wo se ka, "Ya koro ma daanifo bekun. ⁶⁴ Ambere mmoo ti kabo wo joo awura Nyeme ngasi n nu e. Ye am na se wo?" Na bu kere ase ka wo kan ciire jore, nyini ti, wo yo daka ka i wu. ⁶⁵ Bu kaanri so wieeri ni, na bu nbem ayi nanzue ago Yesu nu, na ba fa sanvuin acin akata i nyumbaa, na ba bobo i, na ba se i ka, "Woro Nyeme noanie kanfo ni, kan kere ya sono n bo i boori u ni." Na tintinjinafo n gusu afinfin i nyoonu.

Kabo Petoro keteeri ka i si ma Yesu ni

⁶⁶ Bu wo nyini kere su ni, na Petoro toko wo gisan n nu, na afani be aba i bi, yiri ti Nyeme sayoowa donguyofom kpien n dee afani kun a. ⁶⁷ Sanja bo i nie njuri Petoro ka i wo sin tuunbiri n ni, na wo nie Petoro nyunu dika gbirim, na wo se i ka, "Woro mmoo yo woori nyini Yesu Nazaretifo n do o." ⁶⁸ Na Petoro akete, i na, "Ai, m si ma nyini jore n bo a sujoo i ni." Na wo fite gisan n nu aba lee n nu. Nyini sanja ni na akonyuma abo

kpekun. ⁶⁹ Na afani n aba anju i do, na wo kaaki ase minem bo bu jina bere ni ka, "Ahin sono n ti bu nu kun wo." ⁷⁰ Ama, na Petoro akete bekun.

Wo ce ma na bo bu jina bere n gusu ase Petoro ka, "Nahore a, a ti bu nu kun wo, dama woro mmoo ti Galilifo o." ⁷¹ Na wo tan ndie afa i saa awura sin nu, i na, "M si ma sono n bo am sujoko i jore ni." ⁷² Kpenja na akonyuma n abo kpe nnyo su, na Petoro atenge su kabo Yesu seeri i ni, i na, "Kana akonyuma ba bo kpe nnyo su, a kete kpe nsan su ka a si ma m." Na i ahore asaaki, na wo sun.

15

Kabo bu faari Yesu ko jinaari Gomina Pilato nyunu ni

¹ Na alecin sangha na Yudafo m tereterefo m kere atien bu nno. Bere la Nyeme sayoowa donguyofon nkpienkpienm ni, ni Yudafo m nkpienkpienm ni, ni Nyeme noanie kerefo m ni. Na ba tana ase su kabo bu yo Yesu. Na ba wura i joroko, na ba fa i ako ama Gomina Pilato. ² Na Gomina Pilato abisa i ka, "Woro ti Yudafo m fema ni a?" Na wo bo i nu ka, "Kabo a joko ni, i ti so o." ³ Na Nyeme sayoowa donguyofon nkpienkpienm ni akpie jore beberebe aso i. ⁴ Na Gomina Pilato abisa i bekun ka, "A la ma noanie bo a bo bu nu? Nie jore beberebe bo ba kpie aso u a." ⁵ Ama, Yesu abo ma jore be nu, na Gomina Pilato abirisi kabo Yesu abo ma nu ni.

⁶ Afo kere afo Butara ceenkpiri n nya ba ju ni, Gomina Pilato yi dansaraka n bo jama n sere i ka i yi i ji n wo. ⁷ Nyini sangha ni sono be woori dansaraka so n nu do, bu fere i ka Barabasi. Sangha be minem yo keteeri gomina n ju wo, na ba tu lue, na i ni i benggu ketemafo nbem akun minem, nyini ti, na ba tara bu anyi bu dansaraka. ⁸ To. Kabo afo kere afo Gomina Pilato n yi dansaraka n kun ma bu ni, na jama n aba atien bu nno i bi na bu kere sono n bo i yi ma bu ni. ⁹ Na Gomina Pilato abisa bu ka, "Am koro ka m yi Yudafo m fema ni ma am a?" ¹⁰ I seeri so ni, dama i si tenle su ka Nyeme sayoowa donguyofon nkpienkpienm ni si Yesu kore ti ye bu faari i ba wuraari i saa nu a. ¹¹ Na Nyeme sayoowa donguyofon nkpienkpienm n awura jama n bu sin ka bu se Gomina Pilato ka i yi Barabasi ji ma bu. ¹² Na Gomina Pilato abisa bu ka, "Ye ahin sono n bo am fere i ka Yudafo m fema ni, am koro ka m yo i se wo?" ¹³ Na jama n atien ase ka, "Kpama i baka jaanu n su na i wu." ¹⁴ Na Gomina Pilato ase bu ka, "Ye nzu satie ye wo yo i a?" Ama, na ba kaaki atien agaya bekun ase ka, "Kpama i baka jaanu n su na i wu." ¹⁵ Do na Gomina Pilato akoro ka i jo jama n ahore, nyini dee ti, na wo yi Barabasi aji, na wo ma sojam afin Yesu ngbere, na wo nya afa i awura bu saa nu ka bu ko kpama i baka jaanu n su na i wu.

Kabo bu yoori Yesu anzasi ni

¹⁶ Na ba fa Yesu awura gomina n gisan n nu, na ba fere bu benggu sojam kere ka bu tien bu nno. ¹⁷ Na ba wura Yesu tanlee kokore yorom ka femeya tanlee su, na ba fa buwe anjo i ka kaba dee su, na ba fa aforo i tii ka femeya kere dee su, adena bu yo i anzasi. ¹⁸ Na ba yo bu ju ka bu suma i jirima, bu na, "Yudafo m fema ni, ya yo u anse." ¹⁹ Na bu sufufin i tii baka, na bu suyi nanzue go i ju, na bu sukutu i nyunu. ²⁰ Bu ba yoori i anzasi n wieeri ni, na ba yi tanlee kokore yorom ni, na ba kaaki afa i tienggu dee sutura n awura i. Na ba nya afa i ako ka bu ko kpama i baka jaanu n su.

Kabo bu kpamaari Yesu baka jaanu n su ni

²¹ Sangha bo bu sukoni, na bu ni Sirenefo bie be aye, bu fere i ka Simon, Alekizanda ni Rufusu si lee. I fite aheme suba mie kunnu, na sojam n amie i ka i so Yesu baka jaanu ni. ²² Na ba fa Yesu ako deke bo bu fere i ka *Gologota* ni, *Gologota* n bu la ka Tereawa Woobiri. ²³ Na mine nbem asanga nzan ni ayiri barasu be ama i ka i nu, na i jo yaari, ama, wo nu ma i. ²⁴ Bu yoori nyini n kere wieeri ni, na ba nya akpama i baka jaanu n su, na ba ye i su ajina, na ba tu mbaa na bu si kabo bu kpaaki i suturam nu, bu nju nu.

²⁵ Bu kpamaari i baka jaanu n su ngarama kerefi ngona a. ²⁶ Na ba kere jore n bo bu kpie soori i ni, na ba fa abo akpama i baka jaanu n tii su, kereewa n la ka, "Yudafo m fema n lee." ²⁷⁻²⁸ Na ba kpama finfo nnyo nbem baka jaanu su adodo i, bu kpamaari kun i saa fomboro su wo, na ba kpama kun n gusu i saa bie su. ²⁹ Na minem kere bo bu sin do ni subobo bu tii, na bu sukpie i nzuko, bu na, "Eenheen, woro bo a na a fufu Nyeme Sereebiri Awuru n na a kaaki ta i lesan afien n lee, ³⁰ jura baka jaanu n su na a de u tii ji." ³¹ Na Nyeme sayoowa donguyofon nkpienkpienm ni, ni Nyeme noanie kerefo m ni gusu suyo i anzasi bu nju nu, bu na, "Wo de minem tii aji, ama, i sukoro de ma yiri ni i tii. ³² Am ma ya nie Yisarelifom fema n bo i na i ti Kristo Tiidefo ni, nzen i koro

juraari baka jaanu n su kisa kisa, ya yó i yarada.” Na mine nnyom ni bo bu kpamaari bu dodoori i ni mmoo akpie i nzuko.

Kabo Yesu wuuri ni

³³ Wiesu kerefi buru ni nnyo sanja na awosin akata asien n kere su, haari naaso kerefi nsan. ³⁴ Na nyini sanja ni, na Yesu abo awie kpa ase ka, “Eli, Eli, lama sabatani?” I bu la ka, “M Nyeme, m Nyeme, nzu ti ye a yaki m aji a?” ³⁵ Na minem nbem jinaari bere, bu nbem n tiiri so ni, na ba se ka, “Am so am sui na am ti, i sufere Eliya.” ³⁶ Na bu kun nu anjmati afa mene ado nzan gagaraki be nu, na wo fa awo baka su alaandi ato Yesu noo ka i nu, na wo se ka, “Am yaki i na ya nie, ka Eliya ba jura i baka jaanu n su.” ³⁷ Na Yesu abo awie kpa kpekun, na wo nya ayo Nyeme dee. ³⁸ Na tani bambaka n bo bu fa kpaakiiri soo casi n bo i wo Nyeme Sereebiri Awuru n nu n ati nu nnyo, fa i angoro ko jura asiengu. ³⁹ Na soja kpien n bo i jinaari baka jaanu n nyunu juuri kabo Yesu boori awie na i wuuri barasu ni, na wo se ka, “Ahin sono n ti Nyeme Wa a nahore su.”

⁴⁰ Na nbara nbem ajina dede sunie Yesu. Bu nu nbem la Mariya bo i fite Magadala mie n nu ni, ni Salome, ni Mariya n bo i nbaam la Yakobo kaan n ni Yose. ⁴¹ Bere yo suuri Yesu su wo sanja bo i wo Galili awore n nu na bu bukaba i. Nbaram beberebe gusu yo woori do bo bu suuri i su baari Yerusalem mie kpiri n nu.

Kabo bu yoori Yesu sutura barasu ni

⁴² Kabo nyini ceen n tiiri Numiya ceen n kpokpo ceen ni, i naaso wie, ⁴³ na Yosefu bo i fite Aramatiya mie kpiri n nu ni, na wo fa ahoresi na wo ko anu Gomina Pilato, na wo sere i ka i fa Yesu njunie n ma i. Yosefu yo ti sono jirimafo o Yudafo tereterefo n nu, na i sunsunni kere yo la ka, i njminda sanja bo Nyeme ba di i femeya n wo. ⁴⁴ Gomina Pilato tiiri kabo wo se ni, na wo yo alekutura kabo Yesu akaba awu ni. Na wo sunma afere soja kpien n na i bisa i na i ti ka Yesu wuuri ni, wo ce? ⁴⁵ I tiiri soja n noanie wierei ni, na wo ma Yosefu atin ka i ko fa i njunie ni. ⁴⁶ Na Yosefu ato nzee, na wo yi fuin n baka jaanu n su, na wo fa nzee ni apooni i. Na wo ko afa i awura yabue bue bo ba lokoti i ayo i fanjunma n nu, na wo fa i ase nu, na wo kundu yabue bambaka afa ato fanjunma n ano ni. ⁴⁷ Na Mariya Magadalafo ni, ni Mariya n bo i wa la Yose ni ajina anie anu deke bo bu seeri Yesu ni.

16

Kabo Yesu tengeeri i yiwee n nu ni

¹ Na naaso sanja bo Numiya ceen n asin ni, na Mariya Magadalafo ni, ni Salome, ni Mariya n bo i wa la Yakobo ni, aba ato tulaalee nvanvani ka bu fa ko go Yesu njunie n su. ² Na Yudafo bakue n bumboori, mone ceen ngarama fuun, fa ko wie tie sanja, na ba ko Yesu fanjunma n su. ³ Sanja bo bu suko ni, na ba bisa bu benggu ka, “Nma ko kundu yi yabue n bo i to fanjunma n ano n ma ya?” ⁴ Deke bo i ti na bu seeri so n la ka, yabue n ti bambaka agaya. Na ba tu bu tii anie anu ka yabue n to ma ano ni. ⁵ Na ba wura yabue bue fanjunma n nu anu ka gbefene be tana nu saa fomboro su, i wura tanlee fofoe yorom be, na ba yo alekutura. ⁶ Na wo se bu ka, “Ma am yo alekutura. M si ka am nienie Yesu Nazaretifo n bo bu kpamaari i baka jaanu n su n wo. Wo tenge i yiwee n nu. I wo ma fen. Am nie, deke bo bu faari i seeri n yaa. ⁷ Am kpie am nyi na am ko se Petoro ni nyingam n kere ka wo du am mo suko Galili, do ye am ko ju i a, dama kabo i yo seeri am lee.” ⁸ Na ba fite fanjunma n nu ni njmatiiri, na bu njunie subobo bu ni sere. Ba bo ma su ase ma be, dama sere ati bu agaya.

Kabo Yesu faari i nu kereeri Mariya Magadalafo ni

[⁹ Mone ceen ngarama fuun ye Yesu tengeeri i yiwee n nu a. I du mo yiiri i nu kereeri Mariya Magadalafo n wo. Yiri la bara n bo Yesu fon yiiri ajini nsom i nu ni. ¹⁰ Na wo ko atu Yesu susufom ni ka bu wo ahoresaaki ni sun su, na wo se bu ka wo nu Yesu. ¹¹ Sanja bo i seeri bu ka Yesu atenge i yiwee n nu na wo nu i ni, ba de ma i noanie ni.

Kabo Yesu faari i nu kereeri i susufo nnyo nbem ni

¹² Nyini sin na Yesu susufo nnyo nbem afite Yerusalem mie kpiri n nu suko aheme, na wo yi i nu akere bu, na bo koro afa ma nu nde ka yiri lee. ¹³ Na ba kpie bu nyi aba ase nyingam n ka ba nu Yesu, ama, haari ni nyini mmoo, ba de ma.

Kabo Yesu faari i nu kereeri i susufo buru ni kunm ni

¹⁴ Nyini kere sin na sanja bo i susufo buru ni kunm n wo diire di su ni, na wo yi i nu akere bu. Na wo jaraki bu kabo bu ahorembaa ti kekereke ni, ni kabo ba yo ma yarada ni minem bo bu juuri i sanja bo i tengeeri i yiwee n nu na bu ba seeri bu ni. ¹⁵ Na wo se bu ka, “Am ko durunya n kere nu na am ko kan m labari kpa n kere adamande kere.

¹⁶ Na sɔnɔ kere bo i yoori m yarada, na am bieeri i Nyeme nzue, Nyeme dé i tii ji, ama, bo ba yo má yarada ni, Nyeme dí bu jore na i yó bu ngbeen. ¹⁷ Na bo bu yoori yarada, bu nyá yiko bo bu koro yó ahin alekutura sam ni. Bu fá m дума fɔn yi ajinim fite minem n ɲu, na bu jójó anie barasu barasu bo bu si má bu, ¹⁸ na nzen bu taraari woom wara bu diiri nenge diiwa n mmɔɔ, i yó má bu pui. Bu fá bu saa nana tukpakifom ɲu, na bu nyá laife.”

Kabo Nyeme faari Yesu fun kɔɔri angoro ni

¹⁹ Saɲga bo Mibie Yesu jójóɔri bu do wieeri ni, na Nyeme afa i afun ako angoro ako atana i saa fombɔɔ su. ²⁰ Na i susufom n ako deke n kere ko sukan i labari kpa ni, na Mibie n awo bu do abuka bu, na wo ma bu yiko, na ba yo alekutura sam bo i kere ka bu labari kpa kaanwa n kere ti nahore wo.]

Labari kpa n bo LUKA akere i ni

¹ Ya si Teyoflosi, mine danggu boroori bu nyi na ba kere sam bo bu yoori ya nu fen n afa ase. ² Kabo jore n ti na bu kerere i ni, yiri ye minem seeri ya n a, nyini minem bo bu woori i bumboori ni, bere njuari i a, bere kaanri a. ³ To, kabo mini ni m ti ayi koresi anie sereya n kere, fite sangga n bo jore n boori i bu ni, ma nyi ka i ti kpa ka mini gusu kere i kere sese i su na i ko atin su fa ma woro Teyoflosi bo a la anyunuyi ni, ⁴ adena a si ka bo ba kan akere u n kere ti nahore wo.

Kabo Nyeme mereke n kawri Zakariya do n jore

⁵ Sangga bo Herode yo ti Yudiya feme ni, Nyeme sayoowa dangguyofo be wo bere, bu fere i ka Zakariya. I fite Abiya dee Nyeme sayoowa dangguyofom ase n nu wo. Bu fere i yi duma ka Elizabeti, yiri mmoo ti Aaron busu nufo o. ⁶ Bere nnyom kere yo ti minem bo bu su Nyeme nahore su wo, na bu deeri i noanie maawam ni, na bu yoori dekem kere bo i se ka minem yo i ni. ⁷ Ama, ba wu ma baa, dama Elizabeti ti njoroka a, na bekun i ni i hun n kere ayo nkpienm agaya.

⁸ Ceen n be, na Zakariya awo Yudafom Nyeme Sereebiri Awuru n Soo Casi n nu suyo i Nyeme sayoowa dangguyofo juma, dama nyini ceen n ti bu dee busu nufom ceen wo. ⁹ Nyeme sayoowa dangguyofom la bu nana sayoowa be. Bu tu mbaa a, na bu yi bu nu kun. Nyini ceen ni, bu yiiri Zakariya a, ka i wura bu Nyeme Sereebiri Awuru n Soo Casi n nu, na i kunkun ayiri kunkuunwa nvanvani. Nyini ti, na wo ko awura nu. ¹⁰ Ayiri nvanvani n kunkun sangga ba juuri ni, na jama kere aka gisan nu susere Nyeme. ¹¹ Na Nyeme mereke aba ayi i nyi akere Zakariya, i jina Mikun n yoowa yoobiri fomboro su, deke bo wo kunkun ayiri nvanvani n ni. ¹² I njuari mereke n so ni, na wo bo biri, na sere ati i. ¹³ Ama, na mereke n ase i ka, "Zakariya, ma a ma sere ti u. Nyeme ade u sere ni. U yi Elizabeti ba wu baabieso, na a tun i duma ka Yohane. ¹⁴ Baa n bo i wu i n dee ti, u ahore jo agaya ko sin su, na mine danggu gusu ahore jo. ¹⁵ Baa ni ba yo sono bambaka a Nyeme do. Wo yo ma daka ka i nu nzan fieo. Haari i ni kunnu, ye Nyeme Awiewie Casi ni wura i nyi a. ¹⁶ Na i ma Yisareli busu nufom danggu kpie bu nyi ba yiri Micera Nyeme n bo i ti ye ni ka bu su i n do. ¹⁷ Awiewie Casi n fanga wo yiri nyi ka Nyeme noanie kanfo Eliya a, yiri du Micera nyunu a, adena i yo nbaasim ni bu nbaam afien danggu a, na i kaaki mine keteewam sunsuni, na bu yo mine kpa, na i sese Nyeme minem su se i."

¹⁸ Na Zakariya ase Nyeme mereke n ka, "Nzu deke ye m fa si ka jore n bo a sujoko i ni yo nahore a? Dama ma yo kpien, m yi gusu ayo buke."

¹⁹ Na mereke n ase i ka, "Bu fere m ka Gabiriyeli. Mini wo Nyeme nyunu a. Ye wo sunma m u do ka m fa ahin labari kpa n ba ma u a. ²⁰ Ti fen. Noanie n bo m sujoko i ni ba yo nahore wo, sangga bo Nyeme koro ka i yo ni. Ama, a yo ma m noanie n yarada dee ti, a to amuna, na a koro jojo ma haari ceen bo a ba nyi ka noanie n bo m sujoko i n ayo nahore."

²¹ Nyini sangga n kere minem n toko jina gisan nu nminda Zakariya, na ba birisi deke bo i ti na wo ce Soo Casi n nu so ni. ²² Sangga bo i ba fiteeri ni, wo koro ajoko ma bu do. Do na ba fa nu ka wo nyi alekutura deke be Soo Casi n nu. Dama wo koro ateke ma i nso ajoko ma, se i fa i saa joko bu do a.

²³ Sangga bo Zakariya ba yoori i juma kere wieeri Nyeme Sereebiri Awuru n nu ni, na wo kpie i nyi ako i bosu. ²⁴ Wo ce ma, na i yi Elizabeti anyinse. Wo yi ma i nyi fofoe nu haari sara nnu. ²⁵ Na wo se ka, "Kisa, ya Micera n anie anu m anjuno. Wo yi m afite nyinse bambaka nu."

Kabo Nyeme mereke n kawri Mariya do n jore

²⁶ Sangga bo Elizabeti nyinse n ba juuri sara nsen ni, na Nyeme asunma mereke Gabiriyeli mie be bo i wo Galili awore n nu, na bu fere i ka Nazareti ni, ²⁷ ka i ko fa labari ma sunguru be bo bu fere i ka Mariya ni. Nyini sangga, ba fa i ace bieso be, bu fere i ka Yosefu, i fite Feme Davidi dee busu n nu wo. I ni Mariya nya sangga da ma, dama wo nya ja ma i. ²⁸ Na mereke n awura i nyi, na wo se i ka, "Sunguru, m yo u anse ni terefie. A di Nyeme ahoroma, na i kaaki wo u do." ²⁹ Mariya tiiri ahin noanie n ni, na wo yo i alekutura, na wo birisi ase ka, "Ahin anse yoowa n bu la ka se wo lee?" ³⁰ Na mereke n ase i ka, "Mariya, ma a ma sere ti u. A di Nyeme ahoroma beberebe. ³¹ So u sui na a ti. M nya a ba nyinse, na a wu baabieso, na a tun i duma ka Yesu. ³² I ba yo

sono bambaka, na bu fere i ka, Nyeme Feme Kpiri n Wa. Ya Micera Nyeme fá i na Davidi femeya bie ma i, ³³ na i yó Jakabu busu nufom feme sanga kere, na i dee femeya ni lá má awieeri.” ³⁴ Na Mariya abisa mereke n ka, “Ye ahin yó se koro yo a? Dama m nya si má bieso.” ³⁵ Na mereke n abo i nu ka, “Nyeme Awiewie Casi ni bá wura u nu, na Nyeme dee yiko n bá wo u do. Nyini ti, baa n bo a wú i ni, i bá yo baa casi wo, na bu fére i ka Nyeme Wa. ³⁶ Nie fen, Elizabeti bo i ti u lamoko ni, yiri bo bu na i ti nora ni, haari ni bo wo yo buke ni, wo nyinse, i sara nsen lee. ³⁷ Pui wo má bere bo Nyeme koro yo má i.” ³⁸ Na Mariya ase i ka, “Tó, m ti Micera n afani wo. Ma nyini sam kere yo ma m kabo a se ni.” Na mereke n ako ayaki i.

Kabo Mariya ko nieleri Elizabeti busu ni

³⁹ Nyini dee sin, wo ce má, na Mariya akpa i nu, na wo yasu ndende ako Zakariya ni i yi Elizabeti bosu ka i ko nie bu busu. Nyini mie n wo Yudiya asien n su bukam n afien wo. ⁴⁰ Na wo ko awura Zakariya dika, na wo yo Elizabeti anse. ⁴¹ Elizabeti tiiri Mariya anse yoowa n ni, na baa n bo i wo i kunnu n akpisi i nu. Do na Awiewie Casi n awura Elizabeti nu, ⁴² na wo bo awie kpa, i na, “Nyeme ayo u kisi atara nbaram kere, wo kaaki ayo baa n bo a bita i nyinse n kisi. ⁴³ Nzu jirima la ahin n bo Nyeme afa ama m n a, ka m Mibie dee ni aba anie m busu a? ⁴⁴ Dama m tiiri u anse yoowa n na baa n bo i wo m kunnu ni, akaba akpisi i nu ni akunnujo. ⁴⁵ Terefie wo u do, dama a yo yarada ka Mibie n noanie n bo wo kan akere u ni, i bá yo yiiwa angba.”

Kabo Mariya diiri jue kansiri Nyeme ni

⁴⁶ Na Mariya ase ka,
 “M kansi Mibie ni m ahorembaa su.
⁴⁷ M ahore ajo Nyeme nu, yiri bo i ti m Tiidefo ni.
⁴⁸ Haari ni bo m ti i afani n kere ni, i wara afi má m sa.
 Fite nyuma fa ko, minem kere bá fere m ka terefiefo.
⁴⁹ Dama ka Micera yiko kere fo ni ayo sakpa beberebe ama m,
 i duma ti casi.
⁵⁰ Sanga kere sanga i si anjuno o,
 i si minem bo bu soro i n kere anjuno o.
⁵¹ Wo fa i yiko asaa ni, afon asandi karambanifom,
 ni bu sunsunni tie n kere.
⁵² Wo yi nfeme bambakam afite bu femeya biem n su,
 na wo ye tarakam saa su.
⁵³ Wo ma ahofom nenje kpakpam na bu kunnu ayi,
 na wo fon nenjefom na ba ka bu saa ngbeen.
⁵⁴⁻⁵⁵ Sesesu n bo i yo faari na i diiri i di ni ya nam ni,
 wo ma i ayo yiiwa,
 ye wo ba abuka Yisarelifom bo bu su i ni.
 I wara afi má Abraham sa.
 Wo si i ni i sinfo kere anjuno sanga kere.”
⁵⁶ Na Mariya aka Elizabeti bi, sara nsan, na wo nya aba akaaki ako i bosu.

Kabo bu wuuri Yohane Nyeme Nzue Biefo n ni

⁵⁷ Elizabeti kutu ceen ni, na wo wu baabieso. ⁵⁸ Na Elizabeti tanafom, ni i lamosim tiiri ka Micera n ayo i sakpa bo i la má anjusu ni, na bu ni yiri kere kunnu ajo. ⁵⁹ Baa n lemocue ceen n ba juuri ni, na ba tien bu nco na bu wura i kenkenne, na bu tun i duma. Má bu koro ka bu fa i si Zakariya duma fa tun i a. ⁶⁰ Ama, na i ni ase ka, “Ai, bu fére i ka Yohane wo.” ⁶¹ Na ba se i ka, “U lamosi nu, bu fere nma so a?” ⁶² Na ba fa bu saa ajojo baa n si n do, na bu si duma bo i koro ka bu fa tun i wa ni. ⁶³ Do na Zakariya afa i saa akere ka, bu má i deke be na i kere, na wo de i na wo kere ka, “I duma la Yohane.” Na nyini jore n ayo bu kere alekutura. ⁶⁴ Jina n nu bere, na Nyeme ateki i nco na wo bo i bu ajojo bekun, na i sukansi Nyeme. ⁶⁵ Na sere ati bu tanafom kere. Na minem akan nyini sa n bo i yoori n jore abara aye Yudiya awore n bukam n kere su. ⁶⁶ Na minem kere bo bu tiiri i n afa jore n ase bu ahore su na bu susunsun, na ba bisa bu nu ka, “Baa n ba nyiiri, i yó nzu baa lee?” Bu seeri so ni, dama bu kere anu ka Micera n yiko n wo i nu.

Kabo Zakariya kaanri Nyeme noanie n ni

⁶⁷ Na Awiewie Casi n awura baa n si Zakariya nu, na wo kan Nyeme noanie, i na,
⁶⁸ “Am ma ya kansu ya Micera ni,
 yiri bo i ti Yisarelifom Nyeme ni.
 Dama ka wo ba anie i minem busu,

- na wo de bu tii aji.
⁶⁹ Wo ma ya tiidefo fangafa,
 i fite i amuisufo Feme Davidi dee busu n nu wo.
⁷⁰ Nyeme yo maari i noanie kanfo casim jooori dawa sanja
⁷¹ ka i ba de ya tii fite ya kpofom,
 ni bo bu koro ma ya n saa nu.
⁷² So ye i kereeri ka i si ya nam anjunfo,
 na i wara fi ma i sesesu casi n sa a.
⁷³⁻⁷⁴ I yo faari nyini sesesu n na wo di i di ni ya na Abraham
 ka i de ya tii fite ya kpofom saa nu,
 adena ya koro su i bo ya soro ma sere,
⁷⁵ na ya yo casi na ya yo sa bo i ko atin n su i do,
 haari ni ya ngoo awieeri.
⁷⁶ Woro, m wa ni, bu ba fere u ka
 Micera Nyeme Kpiri n dee noanie kanfo.
 Dama a du ya Micera n mo
 na a ko sese i atin su nminda i.
⁷⁷ Na a ma i minem si ka i fa bu satie ce bu n dee ti,
 ye i de bu tii ji a.
⁷⁸ Dama Nyeme si ya anjunfo agaya n dee ti,
 i ma angoro wein n ta ma ya.
 Nyini wein n ti kabo wie fite na i ti n wo,
⁷⁹ na i ma wein ta ma minem bo bu wo awosin nu
 na bu soro yiwee sere ni.
 Na i ba kere ya atin bo i ma ahoreda.”
⁸⁰ Na baa n anyi, na Nyeme ayo i sunsunni fanga, na wo ko awo boro kpantain nu do
 i numi, haari ceen n bo i ba yiiri i nu fiteeri fofoe nu kere Yisarelifom ni.

2

Kabo bu wuuri Yesu ni

¹ Nyini sanja na Romafom feme kpiri n bo bu fere i ka Siza Agusito ni, ama noo ka bu kere i minem kere duma. ² Nyini sanja ni tiiri ciciri su dee minem duma kereewa n nusu a. Nyini sanja n ye sono be bo bu fere i ka Kurenosi n ti Siriya awore n nu gomina n a. ³ Nyini ti, na deke bo sono kere wo na ba ko bu na mie su na bu ko kere bu duma. ⁴ Do na Yosefu gusu afite Nazareti mie n bo i wo Galili awore n nu ni, na i ko kere i duma. I koori mie n bo bu fere i ka Betlehem na i wo Yudiya awore n nu wo, do ye bu wuuri Feme Davidi a. Yosefu ti Feme Davidi dee busu nufu n ti ye i koori awore n nu do a. ⁵ I ni Mariya bo ba fa ace i ni koori a. Nyini sanja ni, Mariya bita nyinse. ⁶ Bu wo do n na sanja naju bo Mariya wu baa. ⁷ Ba nya ma fofoe wofom daabiri n nu bo bu da. Nyini ti, na ba ko awura deke bo bu fa nengendorem wura, do na wo wu i sunguru baa, baabieso. Na wo fa baa n apooni sanvuin nu, na wo fa i ada nengendorem diire diibiri alaka nu.

Kabo merkem tieeri nboesasafom nu ni

⁸ Nboesasafom nbem wo nyini awore n nu do sunie bu nbem dika, kongue, ⁹ na Micera n merke akaba atie bu nu, na Micera n ama i wein ata abara aye bu, na sere ati bu agaya, ¹⁰ ama, na merke n ase bu ka, “Ma am ma sere ti am. Ma ba ka m ba ma am labari kpa a. Nyini labari ni, yiri ma minem kere ahore jo agaya. ¹¹ Ahin kongue n nu bere, ba wu am Tiidefo ni, Feme Davidi bosu n nu, yiri ti Kristo n bo Nyeme ase ka i sunma i n a, am Mibie ni. ¹² Deke bo i kere am na am si nu n la ka, am ko nu ka ba fa i apooni sanvuin nu afa i ada nengendorem diire diibiri alaka nu.” ¹³ Jinaabiri n nu bere na merkem beberebe akaba afite angoro abuka nyini kun n su, na bu sukansi Nyeme, bu na,

¹⁴ “Kansi wo Nyeme bo i wo angoro n do.

Na ahoreda wo minem bo bu wo asienngu fen n do
 na Nyeme ahore ajo bu nu ni.”

¹⁵ Sanja bo merkem n fiteeri bu do kpieeri bu nyi koori angoro ni, na nboesasafom ni ase bu nu nu ka, “Am ma ya ko Betlehem mie n nu na ya ko nu deke n bo wo yo na Micera n ayi akere ya ni.” ¹⁶ Nyini ti, na ba ko ndende, na ba ko anju Mariya ni Yosefu, na ba nu baa n gusu ka i da nengendorem diire diibiri alaka n nu. ¹⁷ Sanja bo bu ko nuuri baa n ni, na ba kan noanie n kere bo merke n fa maari bu fa ko baa n nusu jore n akere minem. ¹⁸ Na minem kere bo bu tiiri kabo nboesasafom seeri bu

ni, n ayo alekutura. ¹⁹ Na Mariya afa nyini sereya n kere bo i yoori ni ase i ahore su. ²⁰ Na nbɔɛsasafɔm n akpie bu nyi ako bu nbɔɛm n bi, na bu sukansi Nyeme na bu subo tuntun i fa kɔ deke n kere bo ba ŋu i na ba ti i n deɛ ti. Deke n kere yoori kabo mereke n seeri bu n wɔ.

Kabo bu tuunri Yesu duma ni

²¹ Saŋga bo lemɔcɔe cɛɛn n ba juuri ni, na ba wura baa n kenkenne, na ba tun i duma ka Yesu. Duma n bo mereke n fa maari i ka, na i ni nyinseeri i n lee.

Kabo bu faari Yesu kɔɔri Nyeme Sereebiri Awuru n nu barasu ni

²² Na cɛɛn n aju bo Yosefu ni Mariya kɔ yo bu fin ŋmisi sayoowa kabo Nyeme nɔɔnie kpamaawa n bo i fa maari Moyisi n kereeri ka bu yo ni. Nyini ti, na ba fa baa n ako Yerusalem mie kpiri n nu na bu kɔ fa i wura Micera n saa nu. ²³ Kabo ba kere i Micera n nɔɔnie kpamaawa n nu ni, ba kere ka, "Baabiesɔ kere bo i ti i ni suŋguru baa, i ti ye ni ka bu fa i kɔ ma Micera ni, na i yɔ i deɛ." ²⁴ Na ba kɔ ayo yoowa, kabo Micera n nɔɔnie kpamaawa n akere ka bu yo i ni, bu faari bumbuku wara tiiwa nnyo yoori yoowa n a.

²⁵ Nyini saŋga ni, sɔɔɔ be wo Yerusalem, bu fere i ka Simeyon. I yo ti sɔɔɔ bo i yo sa bo i kɔ atin su Nyeme dɔ ɔ, na i ti sɔɔɔ bo i soro Nyeme, na i ŋminda fa kɔ saŋga bo Yisarelifɔm nya bu tiide n wɔ. Na Awiewie Casi n wo i ŋu. ²⁶ Na Awiewie Casi n ama wɔ si ka i wú má, má ka i nyumbaa aba aŋu Kristo ni, Tiidefɔ n bo Micera n ase ka i súnma i ni. ²⁷ Na Awiewie Casi n ama Simeyon ako Nyeme Sereebiri Awuru n nu. Nyini saŋga n ye Yesu si ni i ni gusu afa i ako ka bu kɔ yo yoowa kabo Nyeme nɔɔnie kpamaawa n akere ka bu yo n a. ²⁸ Simeyon ŋuuri baa n sɔ ni, na wɔ kaba ade baa ni i saa nu, na wɔ kansi Nyeme, i ŋa,

²⁹ "M Mibie, u nɔɔnie n bo a yo seeri m ni, ayo yiiwa,
ma mini u akɔɔ n atin kisa na m fite durunya n nu ni ahoreda.

³⁰ Dama kisa mini ni m tii nyumbaa aŋu Tiidefɔ ni,

³¹ yiri ye a sese i su,

ye a ma minem kere nyumbaa aŋu i a.

³² Yiri ti wein n a, na i kére minem u atin ni,

berɛ bo bu ti má Yudaɔm ni,

na i wúra Yisarelifɔm kpiri,

berɛ bo bu ti u deɛ minem ni."

³³ Simeyon jɔɔɔri baa n jɔɛ sɔ ni, na i si ni i ni ayo alekutura. ³⁴ Na Simeyon asere Nyeme, na wɔ yo bu kisi. Na wɔ se baa n ni ka, "Ahin baa n ye Nyeme ayi i ka i má Yisarelifɔm dɔŋgu kpaasi, na dɔŋgu gusu yásu n a. Yiri yɔ deke bo i ti alekutura sa, na minem dɔŋgu bá kete i. ³⁵ Sɔ ye i bá yi bu asiri nu sunsunni tiem kere fite fofoe nu a. Na yiri ti, u ahore sáaki agaya, kabo takobe kpie sɔɔɔ na i yo ya ni."

³⁶⁻³⁸ Nyini saŋga n nu nɔ ɔ, na bara be, i ti Nyeme nɔɔnie kanfɔ ɔ, na i gusu wo dɔ, na wɔ ba baa n bi. I duma la Anna, na bu fere i si ka Fanuweli, Aseri deɛ busu nufɔa. Bara n ti buke wɔ nahɔɛ su, i jaari i hun, bu afo nso ye i kaari kunafɔ a. Nyini saŋga ni, i la afo aburamɔcɔe ni nna. Wɔ kpaaki ayaki má Nyeme Sereebiri Awuru ni, i cici i nɔɔ sɔ ɔ, na i kɔ susere Nyeme, wiesu ni kɔŋgɔe. I ba juuri baa n bi ni, na wɔ da Nyeme asi na yiri gusu aɔɔɔ baa n jɔɛ akere minem kere bo bu ŋminda ka Nyeme sunma Tiidefɔ n na i de Yisarelifɔm tii ji ni.

Kabo bu faari Yesu kɔɔri awuru ni

³⁹ Saŋga bo Yosefu ni Mariya yoori yoowa n kere bo Micera n nɔɔnie kpamaawa n kere ka bu yo n wieri ni, na ba kpie bu nyi ako bu bɔsu Nazareti bo i wo Galili awɔɛ n nu ni. ⁴⁰ Na baa n anyi, na wo nya fanga ni alecira, na Nyeme ahɔroma awo i dɔ agaya.

Kabo bu faari Yesu kɔɔri Yerusalem mie kpiri n nu ni

⁴¹ Afo kere afo, Yesu si ni i ni kɔ Yerusalem mie kpiri n nu wɔ, na bu kɔ di Butara cɛɛnkpiri, bo bu di i na bu tenge su kabo Nyeme yo deeri bu nam tii fiteeri Ijipitifɔm asien su ni. ⁴² Saŋga bo Yesu ba juuri afo buru ni nnyo ni, na ba kɔ na bu kɔ di cɛɛnkpiri n kabo bu yo afo kere afo ni. ⁴³ Bu ba diiri cɛɛnkpiri n wieri na bu sukpie bu nyi kɔ awuru ni, na Yesu yiri aka Yerusalem dɔ. I si ni i ni asi má ka wɔ ka dɔ. ⁴⁴ Bu sunsunni la ka i wo abɛngu natiirifom n nu wɔ, nyini deɛ ti, bu wo kɔ su wɔ haari wie kɔ suto. Dɔ na ba bo i bu sunienie i, bu lamɔsim ni bu danfom nu. ⁴⁵ Ama, ba ŋu má i, na ba nya kpie bu nyi ako Yerusalem na bu kɔ nienie i. ⁴⁶ I lesan cɛɛn na ba kɔ aŋu ka i tana Nyeme Sereebiri Awuru n nu, Nyeme nɔɔnie kerefom afien suso i sui, na i subisa bisaawam. ⁴⁷ Na minem bo bu tiiri i nɔɔnie n kere ayo alekutura, fa kɔ kabo i la si na i bɔ nɔɔnie bisaawam nu barasu ni. ⁴⁸ Na saŋga bo i si ni i ni ba ŋuuri i n na ba mie, na i ni abisa i ka, "M wa, nzu ti ye a yo ya sɔ a? A ma mini ni u si ahore asaaki ako asin su,

haari ya nati wo u nienie su.” ⁴⁹ Na wo se bu ka, “Nzu ti ye am nati nienie m busu a? Am si má ka wo yo daka ka m wo m Si awuru n nu wo?” ⁵⁰ Ama, ba ti má nɔanie n bo i seeri bu nu n bu.

⁵¹ Na Yesu asu bu su, na ba kpie bu nyi ako Nazareti mie n nu, na wo de bu nɔanie. Na i ni afa nyini sam kere ase i ahore su. ⁵² Na Yesu sunyi, na i alecira subuka su, na i sayoowam susun Nyeme ni adamande kere nu.

3

Kabo Yohane Nyeme Nzue Biefo n kaanri Nyeme jore ni

¹ Romafom feme kpiri bo bu fere i ka Siza Tiberiyosi n diiri i femeya ni, afo buru ni nnu, nyini sangja ye sɔno be bo bu fere i ka Pɔntiyo Pilato n ti Yudiya awore n nu gomina, na sɔno be bo bu fere i ka Herode n nie Galili awore n nu su, na i goro bo bu fere i ka Filipu n gusu nie awore nnyo nbem bo bu fere bu ka Iturayo ni Tarakonitido n su, na sɔno be bo bu fere i ka Lusaniya n gusu nie awore n bo bu fere i ka Abilene n su. ² Nyini sangja ni, Anasi ni Kayafasi jina Nyeme sayoowa donɔyofom kere kpien n jinaabiri a. Na Nyeme afa i nɔanie n ama Yohane Zakariya wa, boro kpantain n nu. ³ Nyini ti, na Yohane ako Yodan kunma n awore n kere n nu sukan Nyeme jore, i na, “Am kaaki am wo na m bie am Nyeme nzue, na Nyeme fa am ngasi ni am satie kere ce am.” ⁴ So ye wo yo yiiwa, kabo Nyeme ma ba kere i nɔanie kanfo Esaya dee kadasi n nu ka,

“Sɔno be subo ndoori boro kpantain n nu ka,

‘Am sese Mibie n atin su,
na am yo i atin n donɔɔ.

⁵ Na bu bá bereki bukam n ni kperem kere,
na bu bá toto kunma kunma kere bo i wo buka n bu,
na atin kere bo wo biri, bu bá tenge,
na bu bá toto i kunma kunma n kere.

⁶ Na adamande kere bá nu kabo Nyeme dé bu tii ji barasu ni.’ ”

⁷ Na jama beberebe afite aba Yohane do ka i bie bu Nyeme nzue. Na wo se bu ka, “Amberɛ burukɔnufom bo am ti ka woom ni, na seeri am ka am nmati fite suicin kekereke n bo Nyeme sufa ba am do n nu a?” ⁸ Am yo sakpa bo i kere ka am akaaki am wo. Na má am sunsun ka, Abraham ti am na dee ti, na am koro fite nyini suicin n nu. M suse am wo lee, ka, Nyeme koro ma ahin yabuem ni kaaki nbaam ma Abraham. ⁹ Nyeme asi i samba n nana ase baka kere bu na i kpie i ji sin nu, yiri bo i suuwa ti má kpa ni.”

¹⁰ Na jama n abisa Yohane ka, “Ye ya yo se wo lee kisa n a?” ¹¹ Na wo bo bu nu ka, “Sɔno kere bo i la tanlee nnyo, i mi ma sɔno bo i la má be n kun, na bo i la diire gusu yo so.” ¹² Na lampodefo nbem aba i do ka i bie bu Nyeme nzue, na ba bisa i ka, “Ya Kerefo, ye ya yo se wo?” ¹³ Na wo se bu ka, “Má am de nwaa ko tara kabo i ti ye ni ka am de ni.” ¹⁴ Na soja nbem gusu aba i do aba abisa i ka, “Ye yere di, ya yó se wo?” Na wo se bu ka, “Má am mie be de nwaa i do, na má am tun be nzuin. Am ma am nyunu yi am nkato.”

¹⁵ Na minem bo bu tana nie Kristo n atin nu ka i ba ni, yiri Tiidefo n bo Nyeme ase ka i sunma i ni, bu sunsun ka, beni, kisa Yohane ti Kristo Tiidefo n a. ¹⁶ Yohane siiri nyini dee ti, na wo se bu ka, “Mini sufa nzue bie am a, na am yo casi, ama, bo i tara m fieo wo m sin suba. M ti kaan ni bo m dodo i. Yiri fá Awiewie Casi n ni sin yo am casi a, kabo sɔno bie nzue na i yo casi ni. ¹⁷ I bita i ngani bakiti fieeba suba, na i bá bakiti yi ngani mbaa n busu go i bondu nu, na i nya yara kunkun n sin n bo i je na i no má n nu.”

¹⁸ So ye Yohane kaanri labari kpa n kereeri minem a, na wo jojo jore donɔɔ ase bu ka bu kaaki bu wo. ¹⁹ Ama, na Yohane akan Feme Herode ndie ka wo fa i goro yi Herodiya aja i hun ngoo su, na wo kaaki ayo sa ngbɛɛnngbɛɛn beberebe. ²⁰ I satie bo i ti tie tara i kere n la ka i taraari Yohane nyiiri i dansaraka a.

Kabo Yohane bieeri Yesu Nyeme nzue barasu ni

²¹ Sangja bo Yohane bieeri minem Nyeme nzue ni, na wo bie Yesu gusu. Bu bieeri i wieeri, na i susere Nyeme ni, do na angoro n ateke, ²² na Awiewie Casi n ajura aba atana i nu ka tiwa dee su. Na wo ti akonvi be nga angoro, i na, “Woro ti m wa a, m koro u agaya, m ahore ajo u nu.”

Yesu Kristo nam дума yaa

²³ Sangja bo Yesu boori i juma n bu ni, nyini sangja i la afo aburasan. Mine yo sunsun ka i si la Yosefu bo i ti Heli wa n wo, na Heli si la ²⁴ Matati, na Matati si la Levi, na Levi

si la Meleki, na Meleki si la Yanayi, na Yanayi si la Yosefu nyingga n bo ²⁵ i si la Matatiya ni, na Matatiya si la Amosi, na Amosi si la Nahumu, na Nahumu si la Esili, na Esili si la Nagayi, ²⁶ na Nagayi si la Maati, na Maati si la Matatiya nyingga n bo i si la Semeni ni, na Semeni si la Yoseki, na Yoseki si la Yoda, ²⁷ na Yoda si la Yowanani, na Yowanani si la Resa, na Resa si la Zorobabeli, na Zorobabeli si la Salatiyeli, na Salatiyeli si la Nieri, ²⁸ na Nieri si la Meleki nyingga n bo i si la Adi ni, na Adi si la Kosamu, na Kosamu si la Elimadamu, na Elimadamu si la Eri, ²⁹ na Eri si la Yosuwa, na Yosuwa si la Eliyeza, na Eliyeza si la Yorimu, na Yorimu si la Matati nyingga bekun, na nyini Matati n si la Levi nyingga bekun, ³⁰ na nyini Levi n si la Simeyon, na Simeyon si la Yuda, na Yuda si la Yosefu nyingga n bo i si la Yonamu ni, na Yonamu si la Eliyakimu, ³¹ na Eliyakimu si la Meliya, na Meliya si la Menna, na Menna si la Matata, na Matata si la Natani, na Natani si la Feme Davidi, ³² na Feme Davidi si la Jese, na Jese si la Yobedi, na Yobedi si la Boosi, na Boosi si la Sala, na Sala si la Naasoni, ³³ na Naasoni si la Aminadabu, na Aminadabu si la Adimini, na Adimini si la Arani, na Arani si la Hesarom, na Hesarom si la Farese, na Farese si la Yuda nyingga n bo ³⁴ i si la Jaköbu ni, na Jaköbu si la Izaki, na Izaki si la Abraham, na Abraham si la Tara, na Tara si la Nakoro, ³⁵ na Nakoro si la Seruku, na Seruku si la Ragawu, na Ragawu si la Faleki, na Faleki si la Ebera, na Ebera si la Sala nyingga bekun, ³⁶ na nyini Sala n si la Keena, na Keena si la Arafakadi, na Arafakadi si la Semu, na Semu si la Nowa, na Nowa si la Lameki, ³⁷ na Lameki si la Matusala, na Matusala si la Henoki, na Henoki si la Yareti, na Yareti si la Maleheeli, na Maleheeli si la Keena nyingga bekun, ³⁸ na Keena n si la Enosi, na Enosi si la Seti, na Seti si la Adam, na Adam si la Nyeme.

4

Kabo Sitana yoori Yesu na i nie ni

¹ Awiewie Casi n woori Yesu nu agaya, na wo fite Yodan kunma n awore n nu, na Awiewie Casi n afa i ako boro kpantain n nu ko sukere i atin. ² I woori do ceen aburana, na Sitana ayo i na i nie ka, i yo yiri Sitana n dee koroowa, nzen i yo ma i. Nyini ceen aburana n kere ni, wo di ma pui, nyini dee sin, na ahoe aba ati i. ³ Na Sitana n ase i ka, "Nzen a ti Nyeme Wa, se ahin yabue n na i kaaki diire." ⁴ Ama, na Yesu abo i nu ka, "Ba kere i Nyeme Jore Kadasi n nu ka, ma diire ngumi ma sono ngoo a."

⁵ Na Sitana afa i afun ako angoro lenlenge, na i nyumbaambaa n nu bere, na wo kere i durunya n nu asien n kere. ⁶ Na wo se i ka, "Woro ye m ma a nie ahin asien n kere su a, na m fa bu ajekem kere ma u, dama Nyeme afa i kere awura m saa nu, na mini gusu koro fa ma sono kere bo m koro. ⁷ Nzen a kutu suuri m, m fa nyinim kere ma u."

⁸ Na Yesu ase i bekun ka, "Ba kaaki akere i Nyeme Jore Kadasi n nu ka, 'Kutu Micera u Nyeme ni, na a su yiri ngumi.'"

⁹ Na Sitana n akaaki afa Yesu ako Yerusalem mie kpiri n nu, na wo fa i ako ajina Nyeme Sereebiri Awuru n tii su lenlenge, na wo se i ka, "Nzen a ti Nyeme Wa, fite fen ti to asienngu na m nie. ¹⁰ Dama ba kere i Nyeme Jore Kadasi n nu ka, 'Nyeme ma i merkem noo ka bu nie u dika na bu kanda u.'

¹¹ Ba kaaki akere i ka,

'Bu fa bu saa so u nu,

na ma u jaa bo yabue be.'"

¹² Ama, na Yesu akaaki ase i ka, "Ba kaaki akere i Nyeme Jore Kadasi n nu ka, 'Ma a yo Micera Nyeme n na a nie kabo i yiko ti barasu.'"

¹³ Sarja bo Sitana n yoori Yesu yooowa barasu n kere na i nie i ni, na wo ko ayaki Yesu ka.

Kabo Yesu boori i juma bu Galili awore n nu ni

¹⁴ Na Yesu akpie i nyi ako Galili awore n nu, ni Awiewie Casi n dee yiko nu. Na i labari abara aye nyini awore n kere pepere nu. ¹⁵ Na wo kere minem Yudafom tientienbunoo soom nu, na sono kere akansi i.

Kabo Yesu na Nyeme noanie kanfo la ma jirima i bosu ni

¹⁶ Na Yesu ako Nazareti mie n nu, do ye bu taari i a, na wo nyi, na Yudafom Numiya ceen n be, na wo ko bu tientienbunoo soo n nu, kabo i nati ko ni. Na wo yasu ajina ka i kan Nyeme Jore Kadasi ni, ¹⁷ na ba fa Nyeme noanie kanfo Esaya dee kadasi n ama i. Na wo teke i, na wo nie anu awore n bo ba kere i nu ka,

¹⁸ "Micera n Awiewie n wo m do,

dama wò yi m ka m kan labari kpa n kere yaarifòm.
 Na wò sunma m ka m kò minem bo ba tara bu domuem n dò,
 na m se bu ka m bá de bu tii ji,
 na m kò anyinsinm dò,
 na m se bu ka m bá teke bu nyumbaa,
 na m kò minem bo bu bita bu mié n dò,
 na m se bu ka m bá de bu tii ji,

¹⁹ na m bo ndoori ka,
 afo n nu Micera ni má i minem di i ahóróma."

²⁰ Na Yesu akan awie, na wò kata Nyeme Jòre Kadasi n su, na wò fa ama i bitafo ni, na wò tana. Na minem kere bo bu wò tientienbunoo soo n nu n afa bu nyumbaa akpama i ñu. ²¹ Na wò se bu ka, "Nyuma dee ceen n nu, ahin Nyeme Jòre Kadasi n bo ma kan i na am ati i ni, ayo yiiwa." ²² Na sono kere akan kpa ama i, na ba yo alekutura kabo i noanie jooowa n ti kpa barasu ni, na ba bisa bu ñuñu nu ka, "Má Yosefu wa n lee?"

²³ Na Yesu ase bu ka, "M si tenle ka am bó m ahin anyundere ni ka, 'Ayirifo, tuntun u ñu.' Na am sé m ka, 'Sam n bo ya tiiri ka a yoori bu Kapenam mié kpiri n nu ni, yo bu u bosu fen gusu na ya nie.'" ²⁴ Na Yesu akaaki ase bu ka, "Nahore ye m suse am n a, Nyeme noanie kanfo la má jirima haari kaan so mmoo i bosufom dò. ²⁵ Am tenge su kabo Nyeme noanie kanfo Eliya dee sangha n na nzue ato má afo nsan ni kpaaki nu, na ahoe bambaka tooi ni. I ti nahore wo ka, nyini sangha, kunafom beberebe woori Yisareli asien n su, ²⁶ ama, Nyeme asunma má Eliya nyini kunafom be dò, se i sunmaari i kunafò kun be dò a, i wo mié be bo bu fere i ka Zarefati na i ti má Yudafom mié kpiri n wo, i wo Sidon dee awore n nu wo. ²⁷ Sasu bekun, Nyeme noanie kanfo Elisa dee sangha, i ti nahore wo ka kokobi yo taraari minem beberebe Yisareli asien n su, ama, Nyeme ama wo tuntun má bu kun n kpein mmoo, se i tuntuunri kokofò kun be wo, bu fere i ka Naama, i ti má Yudafò, i fite Siriya awore nu wo."

²⁸ Minem bo bu wo soo n nu n tiiri so ni, na yaa ati bu agaya. ²⁹ Na ba yasu aso i nu, acin i afite mié n nu ako kperen n bo mié n wo su ni, ka bu fa i ji buka n bu asien gu. ³⁰ Ama, na wo nati asin jama n afien ako.

Kabo Yesu fon yiiri ajini sono be ñu ni

³¹ Dò na wo kò mié kpiri n bo bu fere i ka Kapenam na i wo Galili awore n nu ni, na Numiya ceen ni, na wo kò awura bu tientienbunoo soo n nu sukere minem. ³² Na ba yo alekutura fa kò i kereewa n su, dama i jooowa n la yiko. ³³ Na sono be wo tientienbunoo soo n nu dò, ajini wo i ñu, na wo bo awie kpa ase ka, ³⁴ "Oi, Yesu Nazaretifo, a koro nzu ya nu fen a? A ba ka a ba yo ya ngbeen wo, nzen se? M si u sa, woro ti sono casi bo Nyeme asunma u n a." ³⁵ Na Yesu atien ajini n ñu ase ka, "Mò u noo bere na a fite yaki sono ni." Na ajini n akpisi sono n abo asien gu jama n kere nyunu, na ba fite ayaki sono ni, ba ma má i mandim be. ³⁶ Na minem kere ayo alekutura, na ba bisa bu ñuñu nu ka, "Nzu alekutura noanie jooowa n la ahin? Dama i la yiko nahore su bo i koro ma ajinim noo na bu fite yaki sono." ³⁷ Na i labari n abara aye nyini awore n kere nu.

Kabo Yesu tuntuunri tukpakifom beberebe Simon dika ni

³⁸ Na Yesu afite tientienbunoo soo n nu, na wo kò awura Simon dika, na ba se i ka Simon sibara la má i ñu, yakoko abo i agaya. ³⁹ Na Yesu ako ajina i bi, na wo ma yakoko n noo ka i fite yaki bara ni. Na wo fite ayaki i, na bara n akaba ayasu, na wo kò ayo diire ama bu.

⁴⁰ Na naaso dika bibiri sangha, na minem n afa tukpaki barasu barasu fom kere aba Yesu dò ka i tuntun bu, na wo fa i saa anana bu ñu, na bu kere anya laifie. ⁴¹ Na wo fon ayi ajinim n gusu afite minem beberebe ñu, na ajinim n acindi, na ba se i ka, "Woro ti Nyeme Wa n a." Ama, na Yesu akan ajinim n ndie, wo dò má su na bu joo, dama bu si ka yiri ti Kristo n a, Tiidefo n bo Nyeme ase ka i sunma i ni.

Kabo Yesu kò kaanri Nyeme jore Yudafom tientienbunoo soom nu ni

⁴² Ale ba ciinri, na Yesu afite mié n nu ako awo awore be nu i ngumi. Na minem n ako i nienie, na sangha bo bu kò ñuuri i ni, na ba kpini atin kabo bu yo na má i kpaaki yaki bu. ⁴³ Ama, na wo se bu ka, "Wò yo daka ka m kò mié nyingam gusu su na m kò kan labari kpa fa kò Nyeme femeya n su kere bu gusu, dama ka nyini ti ye Nyeme sunmaari m a." ⁴⁴ Nyini ti, na wo bara aye sukan Nyeme jore ni, tientienbunoo soom nu bu awore n kere nu.

5

Kabo Yesu fereeri i susufò ciciri su deem ni

¹ Ceen be na Yesu jina Genesareti kunma kpiri n nɔɔ su, na jama beberebe abara aye i, na bu susun bu benɔu ka bu ju i bi na bu ti Nyeme noaniɛ ni. ² Do na wo ɔu lee nnyo nbem ka bu wo kunma n nɔɔ su. Jombaa tarafom n afite ayaki leem wo bu diendiɛm ɔmisi su. ³ Na Yesu awura lee n kun nu, nyini lee n ti Simon deɛ wo, na Yesu ase Simon ka i sun lee n ko kaan. Na Yesu atana lee n nu, na i sukere jama ni.

⁴ Saɔga bo i kere wieeri ni, na wo se Simon ka, "Sun lee n na i ko ɔngongo n nu, na am sandi am diendiɛm na am tara jombaa." ⁵ Na Simon ase Yesu ka, "M Mofo, ya yo jumam ni anyumboro anuma koɔgue kere fa ba ju haari ni kisa, ya tara ma pui. Ama, nzen a se so yiri, m fa diendiɛm n sandi nzue n nu." ⁶ Na ba fa diendiɛm n asandi nzue n nu, na ba tara jombaa beberebe haari ma diendiɛm ni jinaari ka bu son o. ⁷ Nyini ti, ba fa bu saa apaati bu lamokom bo bu wo lee nyinga n nu ka bu ba buka bu. Na ba yiyi jombaam n ago lee nnyo n nu, na ba yi haari leem ni jinaari ka bu sa nzue wo. ⁸ Saɔga bo Simon Petoro ɔuuri nyini so ni, na wo ko akutu Yesu jaa bu ase i ka, "M Mibie, cinsi m bi bere, dama m ti satieyofɔ o." ⁹ Deke bo i ma i seeri so n la ka, i ni nyingam kere ayo alekutura fa ko kabo ba tara nyini jombaa beberebe n barasu ni. ¹⁰ Yakobo ni Yohane gusu woori bere, bu si la Zebedi, bu ni Simon saɔga tara jombaa n a. Na bu gusu ayo alekutura. Na Yesu ase Simon ka, "Ma a ma sere ti u, fite kisa fa ko, m ma a sutien minem nɔɔ ma m, kabo a tara jombaa ni." ¹¹ Na ba cin ayi lee n afite nzue n aheme, na ba yaki deke n kere bere, na ba su i su.

Kabo Yesu tuntuunri kokofɔ be ni

¹² Ceen n be so o, na Yesu wo mie be su, kokofɔ be wo nyini mie n nu. Saɔga bo i ɔuuri Yesu so ni, na wo ɔmati aba akutu, na wo fa i nyunu abutu asienɔu, na wo sere i jande ka, "M Mibie, nzen a koro ka a ma m nya laifie, a koro ma m nya i." ¹³ Na Yesu atenje i saa anana i ɔu na wo se i ka, "M koro. Nya laifie." Na kokobi n akaba ayaki sonɔ ni. ¹⁴ Na Yesu abobo i ase i ka, "Ma a se ka a se be, ama, ko na a ko fa u ɔu kere Nyeme sayoowa doɔnguyofɔ ni, na a ko yo yoowa n bo Moyisi yo kereeri dawafom ni, dama nyini kere minem ka a nya u ɔu a."

¹⁵ Ama, haari ni nyini mmoo, na i labari abara aye deke n kere, na minem aba i do na bu ba ti Nyeme jore kaanwa n na i tuntun bu tukpaki barasu barasu kere na bu nya laifie. ¹⁶ Ama, yiri ba yo, i yi i ɔu ko deke bo minem wo ma n wo, na i ko sere Nyeme.

Kabo Yesu tuntuunri sonɔ bo i saam ni i jaam awu ni

¹⁷ Ceen n be so o, Yesu wo minem kere su, na Farasifom nbem, ni Yudafoɔm Nyeme noanie kerefom tana bere. Bu fiteeri mie miem bo bu wo Galili ni Yudiya aworem n nu, ni Yerusalem mie kpiri n nu baari a. Na Nyeme ama Yesu yiko bo i tuntun tukpakifom na bu nya laifie. ¹⁸ Do na mine nbem aso sonɔ be ni i dasu aba, i saam ni i jaam awu, na bu sumie bu nyi ka bu fa i wuru soɔ n nu wo, na bu fa i se Yesu nyunu. ¹⁹ Ama, jama n sunnuuri so n deɛ ti, ba koro anya ma atin. Nyini ti, na ba fa i afun soɔ n tii su, na ba fiti anya fofoe, na ba coondi i ni i dasu n kere ase jama n afien Yesu nyunu. ²⁰ Yesu ɔuuri kabo bu yoori i yarada n so ni, na wo se bie n ka, "Ma fa u satie ace u."

²¹ Na Nyeme noanie kerefom ni Farasifom n abisa bu ɔuɔu nu ka, "Sonɔ bono la ahin bo i jojo wuru Nyeme ɔgasi nu so a? Be wo ma bere bo i koro fa minem satie ni bu ɔgasi ce bu, sin Nyeme ɔgumi ɔu." ²² Na Yesu afa nu fa ko bu sunsunni bo bu bita i n su, na wo se bu ka, "Nzu ti ye am bita nyini sunsunni ni am ahore su a? ²³ Bonɔ ti kekereke a, bo m se ka, 'Ma fa u satie ace u,' nzen, 'Yasu nati' n a? ²⁴ M kere am ka mini Adamande Wa na la yiko durunya n nu bo m fa satie ni ɔgasi ce." Na wo se sonɔ n bo i saam ni i jaam awu n ka, "Woro, yasu fa u dasu n na a ko awuru." ²⁵ Kpenga na sonɔ n ayasu jama n kere nyunu, na wo fa i dasu n na i sukansi Nyeme sukɔ awuru. ²⁶ Na bu kere ayo alekutura agaya, na ba kansu Nyeme, na sere ati bu, bu ɔa, "Nyuma, ya ɔu alekutura sam bo ya nya ɔu ma i."

Kabo Yesu fereeri Levi ka i ba su i su ni

²⁷ Nyini sin, na Yesu afite bere, na wo ko ɔnu lampodefɔ be bo bu fere i ka Levi, i tana i juma yobiri. Na Yesu ase i ka, "Yasu bra na a ba su m su." ²⁸ Na Levi ayaki deke n kere, ayasu asu i su.

²⁹ Na Levi afa Yesu ako i dika, na wo ko ayo di ni nu bambaka, na ba tien bu nɔɔ adi, bu ni lampodefom beberebe, ni mine nyinga nbem. ³⁰ Na Farasifo nbem ni Nyeme noanie kerefom nbem bo bu ni bere wo ni, aɔuɔuti i, na ba bisa Yesu susufom n ka, "Nzu ti ye am ni lampodefom, ni satieyofom saɔga di diire na am nu nzan a?" ³¹ Na Yesu ase bu ka, "Minem bo bu la laifie n koro ma ayirifo, ma ka bo bu la ma laifie ni koro a. ³² Ma ba ma ka m ba fere minem bo bu ɔa bu yo sa bo i ko atin su Nyeme do n wo, ama, m baari ka m ba fere satieyofom wo, na bu kaaki bu wo."

Kabo Yesu kereeri nɔɔ cici jɔɔɛ ni

³³ Na mine nbem aba abisa Yesu ka, “Nzu ti ye Yohane dɛɛ susufɔm ni Farasifɔm dɛɛm cici bu nɔɔ na bu sere Nyeme sanja kere sanja ye u dɛɛm bere di ye bu nu a?” ³⁴ Na Yesu abɔ bu nu ka, “Am koro mie má konyayafɔm ka bu cici bu nɔɔ, sanja bo konyafan n toko wo bu dɔ ni. ³⁵ Ama, sanja suba bo bu bá yi konyafan n fite bu nu, nyini sangá n ye bu nyá cici bu nɔɔ a.”

³⁶ Na Yesu abo ahin miɛɛnu n akere bu, i ɲa, “Sɔnɔ koro fa má sanvuin fɔfɔɛ kpa tɔ má tani dawa kunma, nzen i yoori sɔ, sanvuin fɔfɔɛ ni sɔn dawa n wɔ, i tɔ má su. ³⁷ I kaaki ti sɔ ɔ bekun ka be koro fa má nzan nyiiwa fanjafɔ gɔ má dundu dawa bebete nu, nzen i yoori sɔ, dundu ni tɛ wɔ, na i ká ngbɛɛn, na nzan n kere sɔngi butu. ³⁸ Ama, i ti ye ni ka bu fa nzan nyiiwa fanjafɔ gɔ dundu fɔfɔɛ biiwa nu. ³⁹ Sɔnɔ nya nuuri nzan nyiiwa wieeri, i koro má nzan mɔne kun. A tí ka i ɲa, ‘Nzan nyiiwa ni ti kpa a.’”

6

Kabo Yesu jɔɔ fa kɔɔri Njumiya cɛɛn jɔɔɛ ni

¹ Njumiya cɛɛn be, na Yesu ni i susufɔm ni sunati sin alembaa fie be nu, na i susufɔm n abubu be, na ba nunuka i bu saa nu akpɛɛ. ² Na Farasifɔ nbem abisa bu ka, “Nzu ti ye am suyo sɔ a? Nyeme nɔaniɛ kpamaawa n kere ka má be yo sɔ Njumiya cɛɛn.” ³ Na Yesu abisa bu ka, “Am nya kan má Nyeme Jɔɔɛ Kadasi n nu, kabo Feme Davidi yo yoori sanja bo ahɔɛ tiiri i ni i minem na ba si má kabo bu yo n wɔ, nzen sɛ? ⁴ Ahɔɛ n ti, na wɔ kɔ awura Nyeme Sereebiri Awuru n nu, na wɔ fa kpɔnɔ n bo ba fa ama Nyeme ni, na wɔ di, na wɔ ma i minem be. Ama, am si ka ya dɛɛ atin n su, Nyeme sayoowa dɔnguyofɔm ɲgumi di nyini kpɔnɔ n a.” ⁵ Na Yesu ase bu ka, “Mini Adamande Wa ni ti Njumiya cɛɛn n Mibie a.”

Kabo Yesu tuntuunri sɔnɔ asaa fuin be Njumiya cɛɛn ni

⁶ Na Njumiya cɛɛn n be bekun, na Yesu akɔ awura tientienbunɔɔ sɔɔ n nu, na wɔ kere minem. Sɔnɔ be woori dɔ, i saa fɔmbɔɔ awu. ⁷ Nyeme nɔaniɛ kerefɔm ni Farasifɔm nbem woori dɔ, na ba koro ka bu nya ɲgɛɛ bo bu sɔ Yesu na bu nya i taraabiri. Nyini ti, ba tu bu nyumbaa anie Yesu, na bu nie ka i túntun sɔnɔ asaa fuin n Njumiya cɛɛn ni, nzen i túntun má i. ⁸ Ama, na Yesu asi bu sunsunni bo bu bita i, na wɔ se sɔnɔ asaa fuin n ka, “Yasu bra ba jina afien fɛn.” Na sɔnɔ n ayasu akɔ ajina dɔ. ⁹ Na Yesu abisa bu ka, “Ya dɛɛ atin n su, atin wo nu ka ya yo sakpa Njumiya cɛɛn ni, nzen ya yo satie wɔ? I kaaki ti ye ni ka ya de ɲgɔɔ, nzen ya kun wɔ?” ¹⁰ Na Yesu anie bu nyunu abara aye, na wɔ nya ase sɔnɔ asaa fuin n ka, “Tenje u saa ni.” Na sɔnɔ n ayo sɔ, na i saa n ayo fanja bekun. ¹¹ Na yaa ati bu agaya, na ba bo i bu afa sɛsɛsu kabo bu yó Yesu barasu.

Kabo Yesu yiiri mine buru ni nnyɔ ka bu yo i jaramasam ni

¹² Nyini sangá n na Yesu afun akɔ buka be su ka i kɔ sere Nyeme, na wɔ sere Nyeme nyini kongue n kere. ¹³ Sanja bo ale ba ciinri ni, na wɔ fere i susufɔm ni, na wɔ yi bu nu, buru ni nnyɔ, na wɔ fa bu ayo i jaramasam. ¹⁴ Bere la Simon bo Yesu tuunri i duma ka Petoro ni, ni i niema bo bu fere i ka Andere ni, ni Yakobo, ni Yohane, ni Filipu, ni Batolomeyo, ¹⁵ ni Matio, ni Tomasi, ni Yakobo bo i si la Alafeyo ni, ni Simon bo i tu ɲgoni fa kɔ i asien su ni, ¹⁶ ni Yudasi bo i si la Yakobo ni, ni Yudasi Isikariyoti bo i ba tɔɔri Yesu ni.

Kabo Yesu kaanri Nyeme jɔɔɛ na i ma tukpakifɔm nyaari laifie ni

¹⁷ Na Yesu ni i jaramasam n aɔɔndi buka n aba ajina awɔɛɛ be nu, i susufɔm nyingam beberebe woori dɔ, ni jama beberebe. Bu fiteeri Yudiya dɛɛ awɔɛɛ n kere nu wɔ, ni Yerusalem mie kpiri n nu, ni Tiro ni Sidon awɔɛɛ n bo i wo tieku n nɔɔ su ni. ¹⁸ Bu baari ka bu ba ti i kereewa n wɔ, na i tuntun bu, na minem bo ajinim wo bu ɲu kere bu yaari n gusu aba, na wɔ tuntun bu, na ba nya laifie. ¹⁹ Minem kere boro bu nyi wɔ, na bu fa bu saa kan i, dama yiko fite i dɔ ye bu kere nya laifie a.

Kabo terefie ni anyumboro ti barasu ni

²⁰ Na Yesu anie i susufɔm, na wɔ se bu ka, “Amberɛ bo am ti yaarifɔm ni,

terefie wo am dɔ,
dama Nyeme femeya n ti am dɛɛ wɔ.

²¹ Amberɛ bo ahɔɛ ati am kisa ni,
terefie wo am dɔ,
dama Nyeme bá ma am akunnuyi.

Amberɛ bo am ahore asaaki kisa ni,

terefie wo am do,
dama Nyeme bá ma am ahoreda.

²² Ambere bo minem bá kpo am, na bu kéte am, na bu kpíe am nzuko, na bu sáaki am duma ka am ti satieyofom ni, nzen i kere fite ka mini Adamande Wa n dɛɛ ti, terefie wo am do. ²³ Bu bá yoori am so, am ma am ahore jo, na am tutu am kom. Dama am bá nya nkato bambaka Nyeme do. Kabo bu nam yo yoori dawa dɛɛ Nyeme noanie kanfom n lɛɛ.

²⁴ Ama, ambere bo am la ajeke beberebe kisa ni,
am bá ɲu anyumboro bambaka,
dama am adu mo ayo am koroowa n dɛɛ ti.

²⁵ Ambere bo am adi na am kunnu ayi kisa ni,
am bá ɲu anyumboro bambaka,
dama ahɔɛ bá ti am.

Ambere bo am siri kisa ni,
am bá ɲu anyumboro bambaka,
dama am bá sun haari na am bá nya má nyunvui.

²⁶ Ambere bo sono kere kansi am ni, am bá ɲu anyumboro bambaka, dama so ye bu nam yo kansiiri korefom n bo bu yo ɲu ka bu ti Nyeme noanie kanfom n a.”

Kabo i ti ye ni ka ya koro ya kpofom barasu ni

²⁷ Na Yesu ase bu ka, “Ama, m se ambere bo am suso am sui na am ti n wo lɛɛ ka, am koro am kpofom, na am yo sakpa ma bo bu yo am satie ni. ²⁸ Minem bo bu jɔjɔ noanie tie go am ɲu ni, am yo bu kisi, na minem bo bu kere am wuwuruwa ni, am kaaki sere Nyeme ma bu. ²⁹ Nzen be fin u nyɔɔnu, kaaki bue nyinga n gusu ma i na i fin i buka su, na nzen be de u tanlɛ bambaka, kaba fa u tanlɛ kaan n bo i wo i bu mmɔɔ n buka i su. ³⁰ Sono kere bo i sere u deke be, má a kpíe i, na sono kere bo i fa u deke be, má a bisa i busu kun. ³¹ Kabo am koro ka minem yo ma am ni, am yo i so ma bu.”

³² Na wo kaaki ase bu ka, “Nzen am nya koroori minem bo bu koro am ni ngumi, i kansi la bono o, ye am ba nya i a? Dama haari satieyofom mmɔɔ yo so o. ³³ Na nzen am nya yoori sakpa maari minem bo bu yo sakpa ma am ni, i kansi la bono o? Dama haari satieyofom mmɔɔ yo so o. ³⁴ Na nzen am fa nenge fie minem bo am sunsun ka bu bá to am kaari ni, i kansi la bono o, ye am bá nya i a? Dama haari satieyofom mmɔɔ fie bu bengu satieyofom wo, na bu bá de i ɲusu so. ³⁵ Ama, wo yo daka ka am koro am kpofom, na am yo sakpa ma bu, na má am fie be nenge be, na am sunsun ka i tó kaari. Do ye am nyá i nkato bambaka a, na am yó Micea Nyeme Kpiri ni nbaam. Dama yiri yo sakpa ma satieyofom, ni bo bu si má aye ni. ³⁶ Am si anunfo kabo am Si Nyeme si anunfo ni.”

Kabo Yesu ɲa má ya jɔjɔ be jɔɛ jaraki i ni

³⁷ Na Yesu ase bu ka, “Má am jɔjɔ be jɔɛ na am jaraki i, na Nyeme gusu dí má am jɔɛ na i jaraki am. Má am ma bu di be jɔɛ cin i sui, na Nyeme gusu dí má am jɔɛ cin má am sui. Am fa minem satie ce bu, na Nyeme gusu fá am dɛɛ ce am. ³⁸ Am ma minem deke bo bu koro, na Nyeme gusu má am. Kabo Nyeme má am n la ka, i fá gɔngɔ dɔngɔ susu ma am a, na i yí kɔ butu. Nyini ti, gɔngɔ bo am fa susu ma minem ni, so ye Nyeme gusu fá susu ma am a.”

³⁹ Na Yesu abo ahin anyunderɛ n akere bu, i ɲa, “Anyinsin koro bita má i bengu anyinsin kpama, nzen i yoori so, bu nnyɔ n kere kó to kunma nu wo. ⁴⁰ Sonsɔnfo tara má i kerefɔ, ama, sanɲa bo wo ba asɔnson juma n awie, i ni i kerefɔ n kere ase wo lɛɛ.”

⁴¹ Na wo bisa bu ka, “Nzu ti ye a nie ɲu wura mbaa n bo i wo u niwa nyumbaa nu, ye a nie ɲu má yeenzin n bo i wo u dɛɛ nyumbaa n nu a? ⁴² A yo se koro se u niwa ka, ‘Ma m yi wura mbaa n bo i wo u nyumbaa nu ni,’ ye a ɲu má yeenzin n bo i wo u dɛɛ nyumbaa n nu n a? Wɔɔɔ burukɔɔnufɔ ni, du mo yi yeenzin n bo i wo u nyumbaa nu n ka, na a nyá ɲu así nyunyumi, na a yí wura mbaa n bo i wo u niwa n dɛɛ nyumbaa nu ni.”

Kabo Yesu ɲa ya fa minem sayoowa fa si kabo bu ti ni

⁴³ Na Yesu ase bu ka, “Baka bo i ti kpa su má suuwa tie, na baka bo i ti má kpa gusu su má suuwa kpa. ⁴⁴ Baka kere suuwa kere kabo baka n ti barasu a. Sono kere si ka a koro titi má damba buwe baka su. A kaaki koro titi má cacabu kpanji baka su. ⁴⁵ Sono kpa ni i deke kpa kere bo i bita i ahore su, fa sakpa ba a. Na sono tie gusu ni i deke tie bo i bita i ahore su, fa satie ba a. Dama dekem bo am sunsun bu am ahore su sanɲa kere n ye am jɔjɔ bu a.”

Miɛnu fa kɔ ataari tafɔ nnyɔ nbem jɔɛ

⁴⁶ Na Yesu akaaki ase ka, “Nzu ti ye am fere m ka, ‘Ya Mibiε, ya Mibiε,’ ye am yo má deke bo m se ka am yo a? ⁴⁷ Sóno kere bo i baari m do, na i tiiri m noaniem n na i deeri bu na i fa yoori juma, m kére am kabo i mi ti barasu. ⁴⁸ I mi ti ka sóno bo i nja i tá awuru na i fundu kunma ngonngo na i kó kpura yabue, na i se sóo n jaa. Wómbu koro wura na nzuetinm kere koro yi sandi ba kpura awuru ni, i yó má i pui, dama ataari n ayo fanga n ti. ⁴⁹ Ama, sóno kere bo i tiiri m noaniem n na wó de má i, afa ayo má juma, i mi ti ka sóno bo i taari i awuru na wó se má i jaa yabue su n wó. Wómbu ba wuraari na nzuetinm kere ba yi kpura nyini awuru ni, na i kaba to fanga su bo i busu nju má n wó.”

7

Kabo soja kpíen be yoori Yesu yarada agaya ni

¹ Sangá bo Yesu jójóri minem do ni nyini noaniem n kere wieeri ni, na wó kó Kapenam mie kpíri n nu. ² Na Romafóm soja kpíen be wó do, i la i akoo bo i koro i agaya, wó da tukpaki sukoro ka i wu. ³ Soja kpíen n tiiri Yesu nja ni, na wó sunma Yudafofóm nkpienkpienm nbem ka bu kó sere i ka i ba tuntun i akoo n na i nya laifíe. ⁴ Na ba kó Yesu do akó asere i jande ka, “I ti ye ni ka a ba buka ahin soja kpíen ni. ⁵ Dama i koro ya minem n agaya haari wó ta tientienbunoo sóo ama ya.” ⁶ Do na Yesu ase bu su akó. Sangá bo bu kó dodoori awuru n kaan só ni, na soja kpíen n asunma i danfom Yesu do, bu kó juuri ni, na ba se i ka, “Ya Mibiε, soja kpíen n nja má a fie u nju. I nja i ti kaan ni bo a ba i dika. ⁷ Nyini ti ye i nja wó bu má ka i ti pui bo i ba u nyunu n a. Ama, haari a maari noaniε n mmoo, i akoo ni nyá laifíe. ⁸ Dama yiri mmoo ni i tii wó sóno saa nu wó, na yiri gusu nya la i deε sojam bo i nie bu su. Na bo i nya se i ka, ‘Kó fεn,’ na i kó, na i se nyinnga gusu ka, ‘Bra fεn,’ na i ba. Na i se i akoo n gusu ka, ‘Yo ahin,’ na i yo i.” ⁹ Sangá bo Yesu tiiri só ni, na wó yo i alekutura, na wó kaaki anie jama n bo bu su i su n na wó se ka, “M suse am wó lεε, ka, ma nya anu má sóno bo i la yarada agaya ka ahin sóno n nusu, haari fa sangá ni Yisarelifóm mmoo.” ¹⁰ Na minem bo soja kpíen n sunmaari bu n akpie bu nyi akó i dika. Bu kó juuri, na ba nju ka i akoo n anya laifíe.

Kabo Yesu tengeeri kunafó be wa i yiwee nu ni

¹¹ Nyini sin, wó cé má, na Yesu akó mie kpíri be bo bu fere i ka Nayin n su, i ni i susufóm, ni jama beberebe kóori a. ¹² Sangá bo i kó nja i wura mie n nu ni, kpennga i ni minem aye, sóno be awu mie n nu, bu susó i fite na bu kó se i. Sóno n bo wó wu n ti bara kunafó be wa a, i wa kere la yiri ngumi kpein wó. Na jama beberebe afite mie n nu susu kunafó n su. ¹³ Mibiε Yesu n njuuri kunafó n só ni, na anjunfo ati i, na wó se i ka, “Má a sun.” ¹⁴ Na Yesu akó afa i saa akan dangu n bo fuin n da su ni, na minem bo bu só i n aka ajina. Na Yesu ase ka, “Gbefεnε, m suse u wó lεε, yasu.” ¹⁵ Do na gbefene n ayasu atana na wó jójó minem do, na Yesu akaaki afa i ama i ni. ¹⁶ Na sere ati sóno kere, na ba kansí Nyεmε, na ba se bu njuu nu ka, “Nyεmε noaniε kanfo bambaka be aba ya do. Nyεmε aba anie i minem busu.” ¹⁷ Sa n bo Yesu yoori i n deε ti, na i labari n abara aye Yudiya awore n kere, ni awórem kere bo bu dodo bere ni.

Kabo Yohane Nyεmε Nzue Biefó n sunmaari i susufóm Yesu do ni

¹⁸ Sangá bo Yohane deε susufóm ba kaanri nyini jorem kere kereeri i ni, na wó fere bu mine nnyo, ¹⁹ na wó sunma bu Mibiε Yesu n do ka bu kó bisa i ka, “Wóro ye bu yo seeri ka a bá n a, nzen ya nminda sóno fofóre be wó?” ²⁰ Bu ba juuri Yesu do n na ba se i ka, “Yohane Nyεmε Nzue Biefó ni sunmaari ya u do a, na ya ba bisa u ka, ‘Wóro ye bu yo seeri ka a bá n a, nzen ya nminda sóno fofóre be wó?’ ” ²¹ Nyini sangá n nu, na Yesu atuntun mine beberebe bo bu la tukpaki barasu barasum, na wó fon ayi ajinim afite minem nju, na wó ma anyinsinm beberebe anu asi. ²² Na Yesu ase minem bo Yohane sunmaari bu n ka, “Am kpie am nyi na am kó se Yohane fa kó sam bo am ati bu na am anu bu ni, ka anyinsinm anu asi, wóbukam akoro anati, kokofóm anya laifíe, asuturim ati asui, minem bo ba wu n atenje, na yaarifóm gusu akoro ati labari kpa ni. ²³ Terefiε wó minem bo bu yo m yarada na bu la má sika be, ni mini n do.”

²⁴ Sangá bo minem bo Yohane sunmaari bu n kó wieeri ni, na Yesu ajojó jama n do, fa kó Yohane nusu jore. I nja, “Sangá bo am fite kóori Yohane do boro kpantain n nu ni, am kóori ka am kó nju nzu wó? Am kóori ka am kó nju sóno bo i ti ka barankpaati fofoe bo anjuma n kankan i wó? ²⁵ Nzen má nyini, am fite kóori ka am kó nju nzu wó? Am nja am kó nju sóno bo i wura sutura kpakpa a, nzen se? Ai, am si ka minem bo bu wura nyini suturam na bu di fiefie ni, bu wó nfemem dika a. ²⁶ Nzen má nyini, am kóori ka am kó nju nzu wó? Am kóori ka am kó nju Nyεmε noaniε kanfo o, nzen se? Eεn, m suse am wó lεε, ka, am anu sóno bo i tara Nyεmε noaniε kanfo. ²⁷ Dama Yohane ye bu yo kereeri i nusu jore, Nyεmε jore Kadasi n nu ka,

'Nyeme ña o,

"M dú mō sunma m sunmafo n na i dú u mō,
yiri kó yo atin n dōnggu se u a." " "

²⁸ Dō na Yesu ase bu ka, "M suse am wō lēē, ka, sōnō wo má durunya n nu fen bo i tara Yohane. Ama, sōnō kere bo i ti kaan Nyeme femeya n nu n tara yiri Yohane."

²⁹ Minem kere bo bu woori dō ni, haari fa sanga ni lampodefom ni, tiiri kabo Yesu jojōori ni, na ba soro su ka Nyeme dēē atin ni ti atin nahōre a, dama bu ma Yohane adu mō abie bu Nyeme nzue. ³⁰ Ama, na Farasifom ni Nyeme nōanie kerefom n akete kabo Nyeme kereeri ka bu yo ni, dama ba kete ka má Yohane bie bu Nyeme nzue.

³¹ Na Yesu ase bekun ka, "Ye m fá nzu fa sunsun kabo nyumafo ti a? Bu ti ka nzu wō?
³² Bu ti ka nbaatuma kan kanm bo bu tana goosu wō, na bu sufere bu benggu, bu ña,
'Ya kan tere ama am, ama, am abo má kereba.

Ya di sēē jue ama am, ama, am asun má.'

³³ Deke bo i ti na m se sō n la ka, Yohane Nyeme Nzue Biefo n ba juuri ni, i ciciiri i nōō o, i di má diire, i nu má nzan yiri fieo, nyini ti, na am ase ka ajini wo i ñu. ³⁴ Ama, mini Adamande Wa n ba juuri, na m ni mine asanga adi, na ya sanga anu, na am ase ka, 'Am nie, ahin sōnō n yiri, i ti ayaakpirifo o, na i nu nzan nahōre su. Wō tara lampodefom, ni satiefōfom danfoya.' ³⁵ Tō, minem kere bo bu su Nyeme dēē alecira n atin n su ni, bere kere ka i ti nahōre a."

Kabo Yesu kōori Simon Farasifo n dika ni

³⁶ Farasifo be yo baandiiri Yesu a, ka i bra i dika ba di diire, na Yesu ako i dika, na wō kō awura ka i di diire ni. ³⁷ Bara be woori nyini mie n nu, i ti satiefōfo o. I tiiri ka Yesu wo Farasifo n dika n wo diire di su, na wō fa tulaalēē nvanvani tuwa kun aba. ³⁸ Na wō ba ajina Yesu jaa dika, na i susun, na i nyunvuin sugo Yesu jaa su. Na wō kutu aso i jaa nu, na wō fa i tiinmie tintiin anunuka i, na wō kaaki tulaalēē n ago i jaa nnyo n kere su. ³⁹ Na Farasifo n bo i baandiiri Yesu n ase i kunnu ka, "Ahin sōnō n ti má Nyeme nōanie kanfo, nzen má i ti Nyeme nōanie kanfo, má i si ahin bara n bo i sufa i saa kan i n kabo i woowa ti barasu, má i si ka i ti satiefōfo." ⁴⁰ Dō na Yesu ase i ka, "Simon, m koro ka m se u jōre be." Na wō se Yesu ka, "Ya Kerefo, se m." ⁴¹ Na Yesu ase i ka, "Mine nnyo nbem wo bēē a, na ba kō ñwaafo be dō ako afie ñwaa. Kun dēē kaari n sunnu má, ama, kun n yiri dēē sunnu, i kpaaki ciciiri dēē n ñusu buru. ⁴² Bu mine nnyo n nu, bu be mmōō akoro ato má ñwaafo n kaari ni, nyini ti, na wō yaki ñwaa n ace bu. Ye a sunsun ka bu mine nnyo n nu, ñma koro ñwaafo n agaya?" ⁴³ Na Simon abo Yesu nu ka, "Mini dō, m sunsun ka sōnō n bo i kaari sunnuuri ni, yiri koro i agaya." Na Yesu ase i ka, "A la nahōre." ⁴⁴ Dō na Yesu ace anie bara ni, na wō se Simon ka, "M ña a ñu ahin bara ni e? M ba juuri u dika n nu ni, a ma má m nzue ka m ñmisi m jaa, ama, yiri afa i nyunvuin aṅmisi m jaa, ye wō fa i tiinmie n anunuka m jaa n na i wu. ⁴⁵ Bekun, a biti má m na a yo m anse ni ba mmōō, ama, kabo m ba juuri, yiri akere kabo i koro m, wō yaki má m jaa so nu. ⁴⁶ A fa má nguin ka a kpakpa má m tii, ama, yiri afa tulaalēē akaaki ago m jaa su. ⁴⁷ Nyini ti, m suse u wō lēē ka, i satie sunnu ye Nyeme afa i kere ace i a, nyini dēē ti, wō kere m i koro agaya. Ama, sōnō bo i satie sunnu má na Nyeme afa ace i a, i mi koro mmōō sunnu má." ⁴⁸ Dō na Yesu ase bara n ka, "Ma fa u satie kere ace u." ⁴⁹ Mine nyinṅam n bo bere gusu tana wo diire n di su n tiiri sō ni, na ba bisa bu ñuñu nu ka, "Ñma la ahin sōnōbiri n bo i koro fa minem satie ce bu a?" ⁵⁰ Na Yesu akaaki ase bara n ka, "Yarada n bo a yo m ni, nyini ma a nya u tii a. Kō awuru ni ahoreda."

8

Kabo nbara nbem bukaari Yesu barasu ni

¹ Nyini sin na Yesu ajenṅbe mie kpirim, ni aheme aheme miem su, na i sukan labari kpa n fa kō Nyeme femeya n su. I ni i susufo buru ni nnyom ni kōori a. ² Na nbara beberebe nbem gusu asu i su. Bu nbem ye i tuntunuri bu tukpaki barasu barasu n a. Bu kun ye i fōn yiiri ajinim nso fiteeri i ñu n a, bu fere i ka Mariya Magadalafo ni, ³ ni kun bo bu fere i ka Yowana, na i hun la sōnō be bo bu fere i ka Cusa na i nie Feme Herode dika n kere su ni, ni bara bo bu fere i ka Susanna ni. Nyini nbaram kere fa bu tienggu deke bo bu la i wō, na ba fa abuka Yesu ni i susufom ni.

Miēnu fa kō kabo dōdōrifō be sandiiri alembaa ni

⁴ Na jama beberebe atien bu nōō Yesu dō, bu fiteeri mie su mie su baari a. Na wō bo bu ahin miēnu ni, i ña, ⁵ "Dōdōrifō be fiteeri sō o, ka i kō sandi alembaa. Sanga bo i wo sandi su ni, na nbem atoto atin n nōō, na minem atientien su asin, na anumam aba atambu bu ami. ⁶ Na nbem atoto tieka su, na wō fi, wō ce má na wō waandi, dama

niniki awo má asien n bu n dɛɛ ti. ⁷ Na alembaa ni nbem atoto lolɔɛ nu, na lolɔɛ n anyi akata i ŋu. ⁸ Ama, na nbem atoto asien kpa su, na wo nyi awura mbaa zoi zoi." Yesu seeri so wieweri ni, na wo nya atien kpa ase ka, "Bo i koro ka i ti ahin jore n bu, i ti ye ni ka i so i sui na i ti."

Deke bo i ti na Yesu boori bu miɛenu n ni

⁹ Do na Yesu susufom n abisa i nyini miɛenu n bu, ¹⁰ na wo bo bu nu ka, "Amberɛ ye Nyeme ama am asi i femeya n nu asiri jore kere a, ama, bo ba ka ni, m bobo i miɛenu kere bu a. Adena i yó kabo ba kere i Nyeme Jore Kadasi n nu ni, ka, 'Bu nie wo, ama, bu ŋu má pui. Bu só bu sui wo, ama, bu tí má deke n bo bu so bu sui ka bu ti i n bu.' "

Kabo Yesu kereeri miɛenu n bu ni

¹¹ Na Yesu asa su ase bu ka, "To, miɛenu n bo m boori i n bu yaa. Alembaa n ti Nyeme noanie n wo lee. ¹² Alembaa n bo bu totoori atin noo n la minem bo bu ti Nyeme noanie ni, i ce má, na Sitana bá yi i fite bu ahore su, adena má bu yó yarada na bu nya tiide. ¹³ Alembaa n bo bu totoori tieka su n la minem bo bu ti Nyeme noanie n na bu de i ni ahorejo, ama, i da má bu ahore su. Bu kaaki ti ka alembaa n bo i bunlui akpama abi má n wo. I woori bu do kaan so, na sangga bo kekereke be ba tuuri bu, a ŋu ka ba fa ati. ¹⁴ Alembaa n bo bu totoori lolɔɛ nu n la minem bo bu nya tiiri Nyeme noanie ni na bu su i atin su, a ŋu ka bu sunsunni kere wo kabo bu yó na bu asiri káta su, na bu nya durunya n nu ajekem, na bu yó bu koroowa, a ŋu ka Nyeme noanie n koro da má bu ahore su na i yo juma. Bu ti ka alembaa bo i bi má n wo. ¹⁵ Ama, alembaa n bo bu totoori asien kpa su n la minem bo bu ti Nyeme noanie n na bu de i ni bu ahore fofoe nahore su, na bu de i ni bu saa nnyo, na bu mindi bita i, na bu fa i yo juma ni."

Kabo sono koro so má sin su na i fa fie ni

¹⁶ Na Yesu ase ka, "Sono be nya so má fitana su na i fa gangga butu su, wara i fa se gado bu, ama, i fa taka deke su angoro wo, adena minem bo bu ba wura awuru n nu n koro ŋu asi. ¹⁷ Deke be wo má bere bo i wo fiewa nu na bu bá ŋu má i, deke be gusu wo má bere bo i wo asiri nu na bu bá si má i. ¹⁸ Nyini dɛɛ ti, am si am ŋu sa ni kabo am ti noanie n barasu ni. Dama sono kere bo wo nya deke be Nyeme do na i mi si i bita, Nyeme búka i su wo, ama, bo i si má i bita, haari ni nyini kaan n bo i sunsun ka wo nya i ni, Nyeme dé i do o."

Minem bo bu ti Yesu ni, ni i ninbaam nahore su n jore

¹⁹ Na Yesu ni, ni i niemam aba i do, ama, jama sunnuuri i do n dɛɛ ti, ba koro aju má i bi. ²⁰ Na be ase i ka, "M Mibie, u ni, ni u niemam jina dasin koro u." ²¹ Na Yesu ase bu ka, "M ni, ni m niemam la minem bo bu ti Nyeme noanie n na bu de i na bu fa yo juma n wo."

Kabo Yesu kereeri ka i la yiko tara aɲuma ni nzue ni

²² Cɛɛn n be so o, na Yesu ni i susufom n awura lee nu, na wo se bu ka, "Am ma ya kpie ko kunma kpiri n bukun do." Nyini ti, na ba yasu na bu ko. ²³ Bu wo ko su ni, na Yesu adaafi, na aɲuma bambaka be ayasu na i subo nzue go lee n nu. Má lee ni suyi ni nzue wo, na anyumboro atu bu. ²⁴ Na Yesu susufom n ako atenge i, na ba se i ka, "Ya Mofɔ, ya Mofɔ e, ya wu awie." Na Yesu ayasu, na wo tien nzue n ni aɲuma n bo i subo n ŋu, na ba tara, na dika n atara jum. ²⁵ Do na Yesu ase i susufom ni ka, "Nzu ti ye am yo má m yarada a?" Na ba yo alekutura na sere akaaki ati bu agaya, na ba bisa bu ŋu nu na ka, "Nzu sonombiri barasu la ahin bo i ma aɲuma ni nzue mmoo noo na bu de i a?"

Kabo Yesu fon yiiri ajinim fiteeri sono be ŋu ni

²⁶ Na Yesu ni i susufom n akpie kunma kpiri n ako aju Gerasafom dɛɛ awore n nu, na kunma kpiri n wo i ni Galili dɛɛ awore n afien ni. ²⁷ Yesu fiteeri lee n nu ni, na mie n nu sono be aba akpa i atin, ajinim wo i ŋu, wo ce, i nati i bu ngbeen wo sangga kere, i da má awuru, má ka fan kunma nu. ²⁸ I ŋuuri Yesu ni, na wo bo awie kpa, na wo kutu haari Yesu jaa bu, na wo ciindi ase ka, "Yesu, Micera Nyeme Kpiri n Wa, a koro nzu ya nu fen a? M sere u wo ka, má a ma m ŋu anyumboro." ²⁹ Deke bo i ti na i seeri so n la ka, Yesu ama ajinim n noo ka bu fite yaki i. Sangga kere sangga ajinim n fun i ŋu wo, haari ni bo bu nie i dika, na bu bo i tobari, na bu wura i joroko buka su ni, i sandi i kere wo, na ajinim n fa i ko boro kpantain n nu.

³⁰ Na Yesu abisa i ka, “Bu fere u se?” Na wo bo i nu ka, “Bu fere m ka Jama Beberebefo.” Deke bo i ti na i seeri so n la ka, ajinim beberebe wo i nu wo. ³¹ Na ba sere Yesu jande ka má i fon bu ko wura kunma n bo i ko ngongo na i la má awieeri n nu.

³² Nyini sangá afam beberebe wo dodo bere, bu wo buka be su sudi, na ajinim n asere Yesu ka i ma bu ko fun afam n nu, na wo ma bu atin. ³³ Na ba fite ayaki sono ni, na ba ko afun afam n nu. Dika n nu bere, na bu kere anmati accondi ako ato kunma kpiri nzue n nu, na nzue n adi bu.

³⁴ Afa sasafom n juuri nyini n so ni, na ba nmati ako abo ndoori mie kunnu, ni aheme aheme kere su. ³⁵ Na minem aba na bu ba nie sa n bo wo yo ni, na ba ba Yesu do, anu sono n bo ajinim n yo woori i nu n ka i tana Yesu bi wura tanlee, ni i nyunu koroya su. Do na sere ati bu. ³⁶ Na minem n bo bu juuri sa n yooberi ni, akan jore n kere akere jama n kabo i ba yoori na sono n bo ajinim yo woori i nu n anya laifie ni. ³⁷ Na minem kere bo bu fite nyini awore n nu n asere Yesu jande ka, i yasu bu awore n nu bere, dama sere ati bu agaya. Na Yesu ayasu awura lee nu ka i ko.

³⁸ Do na sono n bo ajinim afite ayaki i n asere Yesu ka, i ma i su i su. Ama, Yesu asoro má i su, na wo se i ka, ³⁹ “Kpie u nyi ko awuru, na a ko kan kere minem fa ko sakpa n bo Nyeme ayo ama u n su.” Na sono n akpie i nyi ako akan akere mie n nufom kere fa ko sakpa n kere bo Yesu ayo ama i ni.

Bara tukpakifo be, ni baabara be yiwee jore

⁴⁰ Sangá bo Yesu kpieri i nyi ko juuri kunma kpiri n buekun do ni, i ko nu ka jama n atien bu noo sunminda i wo, na ba yo i anse ni ba. ⁴¹ Do na sono be aba Yesu do, yiri ti kpian bo i nie bu tientienbunoo soo n su a, bu fere i ka Yarusi. Na wo ba akutu asienngu Yesu jaa bu asere i ka, jande i bra i dika, ⁴² dama i wa baabara kun n kpein bo i la i n suwu, i la afo buru ni nnyo o.

Yesu wo ko su n na jama n amie i nu agaya. ⁴³ Bara be woori jama n nu, i bita abieeri i afo buru ni nnyo lee, bo i kpu na i kpie má, ama, be akoro atuntun má i na i nya laifie.

⁴⁴ Na wo sakati awura jama n nu Yesu sin, afa i saa akan Yesu tanlee n jaa bu ni, kpennga na abieeri n ajina. ⁴⁵ Na Yesu abisa ka, “Nma fa i saa kaanri m a?” Na sono kere ase ka ba si má, na Petoro ase i ka, “Ya Mfo, woro mmoo nu kabo jama n abara aye na bu mie u nu barasu.” ⁴⁶ Ama, na Yesu ase ka, “Sono be afa i saa akan m, dama ma fa nu ka m yiko n be afite m nuni nu ako ayo juma.” ⁴⁷ Na bara n anu ka i koro fie má i nu, na wo ba ajina Yesu nyunu, i nuni kere subobo i. Na wo kutu haari Yesu jaa bu akan jore n akere i, jama n kere nyunu, kabo i ba yoori na i kaba nyaari laifie ni. ⁴⁸ Na Yesu ase i ka, “M wa, yarada n bo ayo m ni, yiri ma a nya laifie a. Ko awuru ni ahoreda.”

⁴⁹ Sangá n bo Yesu toko wo jajo su ni, na sono be afite tientienbunoo soo n kpian n dika aba ase i ka, “U wa n wo má bere. Nyini ti, má a dama ya Kerefo n kun.” ⁵⁰ Ama, na Yesu ati jore n na wo se baa n si n ka, “Má a ma sere ti u, woro yo m yarada, i nya laifie.” ⁵¹ Bu ko juuri kpian n dika n nu ni, wo soro má su, na be wura buka i su, má ka Petoro, ni Yakobo, ni i niema Yohane, ni baa n si, ni i ni. ⁵² Minem kere bo bu woori do n wo awie bo su wo, na bu sukoko. Nyini dee ti, na Yesu ase ka, “Má am sun, wo wu má, wo daafi wo.” ⁵³ Na ba siri i, dama bu si ka wo wu wo. ⁵⁴ Ama, na Yesu ako atara i saa, na wo tien kpa ase i ka, “M wa, yasu jina.” ⁵⁵ Na wo nya ngoo bekun, na wo kaba ayasu ajina, na Yesu ase ka bu ma baa n deke be na i di. ⁵⁶ Na baa n si, ni i ni ayo alekutura ako asin su, ama, na Yesu abobo bu ni nahore su ka, má bu ma be si sa n bo wo yo ni.

9

Kabo Yesu sunmaari i susufo buru ni nnyom ni

¹ Na Yesu afere i susufo buru ni nnyom ni, na wo tien bu noo, na wo ma bu yiko ka bu ko sunfon yi ajini barasu barasum kere fite minem nu, na bu ma tukpakifom nya laifie. ² Do na wo sunma bu ka bu ko kan Nyeme jore fa ko kabo Nyeme bá nie i minem su ni, na bu tuntun tukpakifom na bu nya laifie, ³ na wo se bu ka, “Má am fa puiritiripui ko ahin atin n bo m susunma am ni, kpama o, kuruku o, diire o, njwaa o. Má am fa tanlee be mmoo buka bo am wura i n su. ⁴ Am ko juuri mie be su, na awuru kere bo am ko wuraari nu, am ka nyini awuru n nu haari am bá fite mie n nu. ⁵ Sasu bekun, mie bo am ko wuraari nu, na ba de má am wofa, am fite yaki nyini mie ni, na am kponkpon yi am jaa tuturi kere. Nyini dí daani kere bu ka bu woowa ti má kpa.” ⁶ Na i jaramasam n ako ajengbe abara aye mie miem su akan labari kpa n jore akere minem deke n kere bo bu koori ni, na ba tuntun tukpakifom na ba nya laifie.

Kabo Feme Herode birisi fa koori Yesu sayoowam su ni

⁷ Na Feme Herode ati sa n kere bo Yesu ayo i ni, na wo birisi, dama mine nbem nja Yohane Nyeme Nzue Biefo n ye wo tenge i yiwee n nu a, ⁸ ye nbem nja Nyeme noanie kanfo Eliya ye wo yi i nja afite fofoe nu, na nbem gusu ase ka dawa dee Nyeme noanie kanfo nyinga n be ye wo kaaki atenge aba a. ⁹ Na Feme Herode ase ka, "M ma ba kpie Yohane tii e, ye nja la ahin sono n bo m ti i sayoowam nja so n a?" Na wo boro i nja ka i nja Yesu.

Kabo Yesu maari nbiesom akpii nnu ni bu minem diire ni

¹⁰ Sangha bo Yesu jaramasam n kpieeri bu nyi baari i do ni, na ba kan sam kere bo ba yo i n akere i. Na wo fa bu na ba ko awo mie be su awore be nu bere ngumi. Bu fere mie n ka Besayida. ¹¹ Jama n tiiri Yesu nja so ni, na ba sa i su ako do. Na wo de bu, na wo kan Nyeme jore fa ko kabo Nyeme ba nie i minem su barasu. Na wo tuntun tukpakifom, na ba nya laifie.

¹² Sangha bo wie ba suko to ni, na i jaramasam n aba i do aba ase i ka, "Ma minem n atin na bu ko mie kunnu ni aheme aheme mim su na bu ko nienie diire di na bu nya daabiri da, dama deke bo ya wo ni, ya wo boro wo lee." ¹³ Ama, na Yesu ase bu ka, "Amberε mmoo ni am tii nya deke be ma bu na bu di." Na ba se i ka, "Deke bo ya la i kere la kpono nnu wo, ni jombaa nnyo, i ju ma. A koro ka ya ko to diire ba ma ahin jama n kere wo, nzen se a?" ¹⁴ Deke bo i ti na bu seeri so n la ka, nbiesom ko yasuumi mine akpii nnu wo. Na Yesu ase i susufom n ka, "Am ma bu tana ase ase aburunu nnu na bu di." ¹⁵ I susufom ni maari bu kere tanaari so wieeri ni, ¹⁶ na Yesu afa kpono nnu ni, ni jombaa nnyo ni, na wo ye i tii su angoro, na wo da Nyeme asi, na wo kpiekpie i kere n nu, na wo fa ama i susufom ni ka bu fa ma minem ni. ¹⁷ Na bu kere adi, na bu kunnu ayi. Na ba tambu kpono, ni jombaa sinsin bo bu diiri na i kaari ni, na ba nya kandie buru ni nnyo.

Kabo Petoro kereeri ka Yesu ti barasu ni

¹⁸ Ceen n be so o, Yesu wo nyemesere su i ngumi, i susufom ni wo i bi. I sereeri Nyeme wieeri n na wo bisa bu ka, "Minem fa m bu nja a?" ¹⁹ Na ba bo i nu ka, "Bu nja woro ti Yohane Nyeme Nzue Biefo n a, nbem nja woro ti Nyeme noanie kanfo Eliya, ye nbem gusu nja woro ti dawa dee Nyeme noanie kanfo nyinga n be ye wo tenge aba a." ²⁰ Na wo nya abisa bu bekun ka, "Ye amberε fa m bu nja a?" Na Petoro abo i nu ka, "Woro ti Kristo n a, Tiidefo n bo Nyeme ase ka i sunma i ni."

Kabo Yesu jojo fa koori i yiwee n su ni

²¹ Na Yesu abobo bu ka, ma bu se ka bu se be jore n bo Petoro ajojo i ni, ²² i nja, "Wo yo daka ka mini Adamande Wa n di wahara dongu, na Yudafo n nkprienkpien, ni Nyeme sayoowa donguyof nkprienkpien, ni Nyeme noanie kerefo kere ba kete m nja, na bu kun m. Ama, na i lesan ceen, na Nyeme ma m tenge m yiwee n nu."

Kabo Yesu jojo fa koori kabo minem su i su ni

²³ Na wo se bere kere pepere ka, "Sono kere bo i koro ka i su m su, wo yo daka ka i mi wara fi i tienju sa koroowa sa, na i fa i yiwee baka jaanu n so, na i su m su ceen kere ceen. ²⁴ Dama sono kere bo i koro ka i fa i ngoo fie, i mi ba fun i. Ama, sono kere bo i toori i ngoo mini dee ti, i mi nya ngoo. ²⁵ Nzen sono nyaari durunya n deke n kere na i fuunri i ngoo na i kaari ngbeen, i kperε la bono? ²⁶ Sono kere bo nyinse ti i fa ko mini ni m noanie n su, so ye nyinse ti mini Adamande Wa n gusu fa ko bu su a, sangha bo m ba ba ni m jirima woowa n nu, ni m Si Nyeme dee jirima woowa ni, ni i mereke casim ni. ²⁷ Nahore ye m suse am n a, am nbem wo nu fen bo am wu ma, ma ka am aba anju ka Nyeme femeya n aba."

Kabo Yesu nunie kaakiiri wo barasu ni

²⁸ Yesu jojori nyinin kere wieeri so ni, fa ko i lemocue ceen, na wo fa Petoro ni Yohane ni Yakobo na ba fun ako buka be su ka bu ko sere Nyeme. ²⁹ I wo nyemesere n su ni, na i nyunuawa akaaki wo, na i tanlee n akaaki fofoe papasi. ³⁰ Do na minem nnyo nbem atie bu nja, bu ni Yesu subo anzama. Bere la Moyisi ni Eliya, dawa dee Nyeme noanie kanfom ni. ³¹ Na bere gusu ata fofoe papasi, na bu sujoko i do fa ko kabo i sangha ba ju bo i ko Jerusalem mie kpiri n nu ni, na i yoori so na Nyeme koroowa n yo yiiwa. ³² Nyini sangha, Petoro ni i bengum wo daafiri su, bu ba tengeeri n na ba nja kabo Yesu woowa n akaaki barasu, i ni mine nnyom ni jina. ³³ Sangha bo minem n ba suko yaki Yesu ni, na Petoro ase i ka, "Ya Mofε, i ti kpa ka ya wo fen. Ma ya bo nambue nsan, u dee kun, Moyisi dee kun, na Eliya gusu dee kun." I jojo o, wo si ma kabo i seeri ni. ³⁴ I toko wo jojori su n na yinyingbu akata bu nja liim, na sere ati i susufom ni, sangha bo yinyingbu n sukata bu nja ni. ³⁵ Na ba ti akonvi be nja yinyingbu n nu, i nja, "M wa lee, yiri ye ma

yi i a. Am de i nɔaniɛ.” ³⁶ Bu tiiri jɔjɔwa n sɔ ni, bu ɲu ka Yesu ɲgumi jina a. Nyini sanɲa ni, i susufɔm n abo má su akan akere má be fa kɔ sam n bo bu ɲuuri i n su.

Kabo Yesu fɔn yiiri ajini fiteeri baa be ɲu ni

³⁷ Na i alecin, na Yesu ni i susufɔ nɔanm ni sujura buka n su ni, na jama beberebe akpa i atin. ³⁸ Dɔ na sɔnɔ be awo jama n nu atien ase ka, “Ya Kerefɔ, m sere u wɔ, si m wa baabiesɔ n arɲunfɔ, m wa kere lɛɛ. ³⁹ Nie, ajini wo i ɲu, sanɲa kere bo i ba ɲa i yasu i ɲu, i kaba bo awie kungerekun wɔ, na i fa i bo asiɛngu, na i nanzue sufite fufuku, i bita i kere i wahara sɔɔ sanɲa kere, i koro má ka i fite yaki i. ⁴⁰ Ma sere u susufɔm ni lɛɛ ka bu fɔn yi ajini ni, ama, ba kura má nu.” ⁴¹ Na Yesu ase ka, “Amaa. Ambere nyumafɔ satieyɔfɔm, am la má yarada fieo. Nyuma sa ye m wo am dɔ fɛn a? Ye m yó sawɔre ni ambere kɔ ju se wɔ?” Dɔ na wɔ se baa n si ka, “Fa baa n bra fɛn.” ⁴² Sanɲa bo baa ni suba Yesu dɔ ni, na ajini n abo i aji asiɛngu, na wɔ da sukpsi. Na Yesu atien ajini n ɲu na baa n anya laifɛ, na wɔ kaaki afa i ama i si. ⁴³ Na minɛm kere amie fa kɔ yiko bambaka bo Nyeme la i ni.

Kabo Yesu jɔjɔ fa kɔori i yiwee n su bekon ni

Sam n kere bo Yesu woori bu yo su n dɛɛ ti, nyini ma mine kere yoori alekutura n a. Dɔ na wɔ se i susufɔm ka, ⁴⁴ “Ambere, am so am sui na am ti deke bo m koro ka m se am ni. Bu bá tɔ mini Adamande Wa n ma mine nbem.” ⁴⁵ Ama, i jɔjɔori sɔ ni, i susufɔm n ati má i bu. Nyeme ayi má i nyi akere má bu, nyini ti ye ba koro ati má i bu. Ama, sere dɛɛ ti, ba koro abisa má i fa kɔ nyini jɔre n su.

Kabo Yesu kereeri sɔnɔ bo i tara bu kere ni

⁴⁶ Na i susufɔm n ase akuruwa bu ɲuɲu nu fa kɔ sɔnɔ bo i tara bu kere ni. ⁴⁷ Yesu siiri bu sunsuni bo bu bita i n dɛɛ ti, na wo fa baa kaan be ajina bu afien i bi, ⁴⁸ na wɔ se bu ka, “Wɔrɔ kere bo a deeri ahin baakan n ɲusu m dɛɛ ti, a deeri mini wɔ lɛɛ. Bekun, wɔrɔ kere gusu bo a nya deeri mini, a deeri m si bo wɔ sunma m wɔ lɛɛ. Dama bo am sunsun ka i ti kaan am kere nu ni, yiri ti kpiri tara am kere a.”

⁴⁹ Dɔ na Yohane ase i ka, “Ya Mɔfɔ, ya ɲuuri ka sɔnɔ be afa u duma sufa fɔn yi ajinim fite minɛm ɲu, ye ya ɲa ya yáki má i, dama i wo má ya nu n dɛɛ ti.” ⁵⁰ Na Yesu ase ka, “Má am se ka am kanda i, dama sɔnɔ kere bo i fite má am sin, i mi jina am sin wɔ lɛɛ.”

Kabo Samariyafɔm keteeri ka bu de má Yesu ni

⁵¹ Sanɲa n ba dodoori bo Nyeme má Yesu fun kɔ angoro ni, na wɔ bu i tii nu ka i ti ye ni ka i kɔ Yerusalem mie kpiri n nu. ⁵² Na wɔ sunma sunmafɔm Samariya aheme mie be su ka bu kɔ suyo deke kere siriya ɲminda i. ⁵³ Ama, na Samariyafɔm n akete ka bu de má i, dama ka i susin kɔ Yerusalem n dɛɛ ti. ⁵⁴ Yakobo ni Yohane ɲuuri nyini n sɔ ni, na ba se ka, “Ya Mibie, a koro ka ya ma sin fite angoro ba di bu, nzen se a?” ⁵⁵ Na Yesu ace anie, na wɔ jaraki bu. ⁵⁶ Dɔ na Yesu ni i susufɔm n asin akɔ mie nyiɲga be su.

Minɛm bo bu koro ka bu su Yesu su n jɔre

⁵⁷ Sanɲa bo Yesu ni i susufɔm n wo kɔ su ni, na sɔnɔ be aba ase Yesu ka, “Deke kere bo a kɔ, m sú u su wɔ.” ⁵⁸ Na Yesu ase i ka, “Njaakum la kunmam, na anumam gusu la tieɛrim, ama, mini Adamande Wa n yiri, m la má m tii daabiri.”

⁵⁹ Na wɔ se sɔnɔ nyiɲga be ka, “Su m su.” Ama, na sɔnɔ n ase i ka, “M Mibie, ma m du mɔ kɔ yo m si sutura ka, na m nyá ba su u su.” ⁶⁰ Na Yesu ase i ka, “Yaki bo ba wu ni, na bu se bu beɲgu, wɔrɔ kɔ na a kɔ kan Nyeme jɔre fa kɔ kabo Nyeme Feme bá nie i minɛm su ni.”

⁶¹ Na sɔnɔ nyiɲga be bekon ase Yesu ka, “M Mibie, m bá su u su, ama, ma m kɔ kaari m dikafɛm ka, na m bá.” ⁶² Na Yesu ase i ka, “Sɔnɔ kere bo i ti ka toora dɔdɔɔrifɔ na i wo dɔ su, na i kaaki nie i sin, i ti má ye ni ka Nyeme yo i mi feme.”

10

Kabo Yesu sunmaari i susufɔ aburaso ni nnyɔm ni

¹ Nyini sin na Mibie Yesu n ayi i susufɔ aburaso ni nnyo nyiɲga nbem, na wɔ sunma bu nnyo nnyo ka bu du mɔ kɔ mie miɛm kere bo yiri ni i tii ase ka i bá kɔ su ni. ² Na wɔ se bu ka, “Fiesu diire n sunnu, ama, bo bu kɔ i tambu n sunnu má. Nyini ti, am sere Mibie n bo i dɛɛ la fie n ka i sunma jumayɔfɔm na bu kɔ i tambu. ³ Ama, am ti fɛn. Am kɔ. M susunma am wɔ lɛɛ, kabo nbombaam kɔ sanɲa bedim nu barasu ni. ⁴ Má am se ka am fa ɲwaa, wara kuruku, wara gbagbaa, má am se ka am jina atin nu yo be mmɔɔ anse. ⁵ Awuru kere bo am kɔ wurari nu, am du mɔ se ka, ‘Nyeme ma am tanalaifɛ.’ ⁶ Nzen tanalaifɛfɔ wo nyini awuru n nu, am ma am tanalaifɛ n ka i mi n dɔ, ama, nzen wɔ ti má sɔ, Nyeme dé tanalaifɛ ni i mi n dɔ. ⁷ Awuru bo am kɔ wurari nu na bu

deeri am wɔfɔ, am ka nyini awuru n nu, na am di na am nu deke kere bo bu fa ma am, dama i ti ye ni ka jumayofɔ nya i juma ni nkato. Má am nati awuru kere nu. ⁸ Am kɔ juuri mie be su na bu deeri am wɔfɔ, am di deke kere bo bu fa ma am. ⁹ Am tuntun tukpakifɔm bo bu wo dɔ n na bu nya laifɛ, na am se bu ka, 'Sanja bo Nyeme Feme bá nie i minem su n adodo am lɛɛ.' ¹⁰ Ama, nzen am kɔ juuri mie be su na ba de má am wɔfɔ, am fite kɔ atingbere n su, na am se bu ka, ¹¹ 'Haari am mie n tuturi mmɔɔ mata má ya jaa, ya kponkpon yi i wɔ, nyini di daani kere ka am woowa ti má kpa. Ama, i ti ye ni ka am si ka sanja bo Nyeme Feme bá nie i minem su n adodo lɛɛ.' ¹² Nyini ti, m suse am wɔ lɛɛ, ka, jina cɛɛn, nyini mie n nufɔm, Nyeme cín bu sui tara Sodom mie kpiri n nu satiefɔm."

¹³ Na Yesu akaaki ase ka, "Tɔ, ambere Korazinfɔm, am bá ɲu anyumboro. Ambere Besayidafɔm gusu, am bá ɲu anyumboro. Alekutura sam bo m yo maari am ni, má nzen m yoori bu Tiro, ni Sidon mie kpirim n nu, má minem n akaaki bu wo dada kere na bu fa pirim bɔto, ni nzuin yo bu yoowa n bo i kere ka bu ahore asaaki, bu satie yoowa n dɛɛ ti ni. ¹⁴ Ama, ambere, Nyeme bá cin am sui tara Tiro ni Sidon dɛɛ satiefɔm. ¹⁵ Ambere Kapenamfɔm gusu, am sunsun ka Nyeme bá ye am su kɔ angoro wɔ, nzen se? Ai. I bá yo am kaan wɔ, na i fá am cɔndi kɔ Yiweefɔm Woobiri."

¹⁶ Na Yesu ase i susufɔm ka, "Sɔnɔ kere bo i de am noanie, i mi de m dɛɛ noanie wɔ lɛɛ, na sɔnɔ kere bo i kete am noanie, i mi kete m dɛɛ noanie wɔ lɛɛ, na sɔnɔ kere bo i kete m dɛɛ noanie, i mi kete yiri n bo i sunmaari m wɔ lɛɛ." I jɔjɔ wieeri, na ba kɔ.

¹⁷ Sanja bo i susufɔ aburaso ni nnyɔm ni kpieeri bu nyi baari Yesu dɔ ni, na bu ahore ajo agaya, na ba se ka, "Ya Mibie, haari ajinim mmɔɔ de ya noanie wɔ, nzen ya nya atien bu ɲu u dɛɛ duma n nu." ¹⁸ Na Yesu ase bu ka, "M ɲuuri Sitana ka wɔ fite angoro atɔ, kabo nzue kpɛse na i ti barasu n wɔ." ¹⁹ Na Yesu ase ka, "Am ti fen. Ma ma am yiko adena am tientien woom ni bundaanim ɲu, na am kunma yiri kpɔfɔ n fanja kere na pui yó má am. ²⁰ Haari ni nyini kere ni, má am ma am ahore jɔ ka ajinim de am noanie ɲgumi n dɛɛ ti, ama, am ma am ahore jɔ ka ba kere am duma ase Nyeme dika."

²¹ Nyini sanja n na Awiewie Casi n ama Yesu ahorejo ako sin su, na wɔ sere Nyeme ase ka, "M Si Nyeme, wɔrɔ ti angoro ni asiengu kere Mibie a. M da u asi ka a fa nyini dekem bo alecirafɔm ni sifɔm si má i ni, ayi akere bo bu ti ka nbaatam ni. M Si, i ti nahore wɔ, kabo a koroori ka i yo lɛɛ." ²² Yesu sereeri Nyeme n wieeri ni, na wɔ se ka, "M Si afa deke kere awura m saa nu. Be si má Nyeme Wa ni, má ka i Si Nyeme ni si i a, na be gusu si má i Si ni, má ka Baa ni si i a, ni minem bo Baa n koro ka i yi i kere bu ni, bere si i a."

²³ Dɔ na Yesu ace anie i susufɔm ni, na wɔ jɔjɔ bere ɲgumi dɔ, i ɲa, "Ambere la terefie ka am anu dekem bo am ɲu bu ni. ²⁴ M suse am wɔ lɛɛ, ka, Nyeme noanie kanfɔm ni nfmem beberebe koroori ka bu ɲu deke n bo am ɲu i ni, ama, ba ɲu má i, na ba koro ka bu ti deke n bo am i ni, ama, ba ti má i."

Miɛɛnu fa kɔ Samariya sɔnɔ anjɔnɔ sifɔ be

²⁵ Na Nyeme noanie kerefɔ be aba Yesu dɔ ka i ba sɔ i ɲgɛɛ. Na wɔ bisa Yesu ka, "Ya Kerefɔ, ye m yo se wɔ, ye m nyá ɲgɔɔ n bo i la má awieeri n a?" ²⁶ Na Yesu abɔ i nu ka, "Ba kere i se wɔ, Nyeme Jore Kadasi n nu a? A ti i bu se wɔ?" ²⁷ Na sɔnɔ n abɔ Yesu nu ka, "Ba kere ka, 'Koro Micera u Nyeme ni, ni u ahorembaa kun, ni u awiewie, ni u fanja, ni u sunsunni kere, na a koro u bengu kabo a koro u ɲu ni.'" ²⁸ Na Yesu ase i ka, "A kan nahore wɔ, yo sɔ na a nyá ɲgɔɔ."

²⁹ Ama, na Nyeme noanie kerefɔ n akoro ka i yo i ɲu ka i ti sɔnɔ bo i yo sa bo i kɔ atin su Nyeme dɔ ɔ, nyini ti, na wɔ bisa Yesu ka, "M bengu la ɲma a?" ³⁰ Na Yesu abɔ i nu ka, "Sɔnɔ be yo woori bere a, na wɔ yasu Yerusalem ka i kɔ mie kpiri be su, bu fere dɔ ka Yeriko, na atin bujaanufɔm ako atara i ade i nenje kere, na ba bo i ako ayaki i ɲgɔɔ n kaan sɔ ɔ. ³¹ I ba yoori ka Nyeme sayoowa dɔnguyofɔ kpian be su nyini atin n su, ama, sanja bo i kɔ ɲuuri sɔnɔ n bo atin bujaanufɔm abo i ni, na wɔ san asin ayaki i. ³² I tiiri sɔ bekun, na Levi busu nufɔ be susin bere, na wɔ ɲu i, na i gusu asan asin. ³³ Ama, na Samariyafo be gusu ba bita nyini atin ni, na wɔ ba anu sɔnɔ ni, i ɲuuri i sɔ ni, na anjɔnɔ ati i. ³⁴ Na wɔ kɔ sɔnɔ n bi, na wɔ fa ɲguin ni nzan afa anmisi kambuem ni, na wɔ cici i, na wɔ fa sɔnɔ n na wɔ ma wɔ tana i kaako su, na wɔ fa i ako wɔfɔm deebiri, na wɔ kɔ anie i dika. ³⁵ Alecin na wɔ yi ɲwaa be ama sɔnɔ bo i nie awuru n su ni. Na wɔ se i ka, 'De na a nie i dika ma m, na m ba kpieeri m nyi baari, m tɔ deke kere bo a saaki i afa anie i dika ni.' ³⁶ Tɔ, u sunsunni nu, nyini mine nsanm n nu, bɔnɔ kere ka i ti sɔnɔ n bengu a?" ³⁷ Na Nyeme noanie kerefɔ n abɔ i nu ka, "Sɔnɔ n bo i siiri i anjɔnɔ ni." Na Yesu ase i ka, "Kɔ na a kɔ yo sɔ."

Yesu ni Marata ni Mariya jore

³⁸ Saɗga bo Yesu ni i susufom n wo ko su ni, na ba ko aju mie be su, bara be woori do, bu fere i ka Marata, na wo de Yesu wofo i dika. ³⁹ Marata la i niema be, bu fere i ka Mariya, na wo tana Yesu bi, na i suti kabo Yesu kere barasu ni. ⁴⁰ Ama, na wo yo Marata ahoresaaki kabo yiri ngumi wo juma yo su ni, nyini ti, na wo ba ase Yesu ka, "M Mibie, u cece wo ma nu ka m niema n ayaki juma n kere aji mini ngumi saa su, nzen se? Se i ka i ba buka m." ⁴¹ Na Mibie n abo i nu ka, "M danfo Marata, a fa juma beberebe ata u nju nyi, ye a suwaraki a, ⁴² ama, deke kun n kpein be akpie u su a. Mariya yiri, deke bo i ti kpa tara i kere ye wo yi i n a, na be wo ma bere bo i koro de i do."

11

Kabo Yesu kereeri ya nyemesere atin barasu ni

¹ Ceen n be so o, na Yesu wo nyemesere su awore be nu. I ba sere wieeri ni, na i susufom ni kun ase i ka, "Ya Mibie, kere ya nyemesere atin, kabo Yohane kereeri i dee susufom ni." ² Na Yesu ase bu ka, "Saɗga bo am ba susere Nyeme, am se ka o,

'Ya Si Nyeme,

ma minem bu u duma casi ni.

Ma u femeya n bra.

³ Ma ya noo nu diire ceen n kere ceen.

⁴ Fa ya satie ce ya,

dama yere gusu fa ce bo bu do ya ngasi n wo.

Ma a ma deke be yo ya na ya wura satie nu.' "

⁵ Na Yesu ase ka, "Ma m fa i ka, nzen am nu kun korri i danfo dika kongue jinanjin, na i ko se i ka, 'M danfo, fie m kpono nsan. ⁶ M danfo atin natiirifo be aba m dika jina n nu bere lee, m gusu la ma diire bo m fa ma i.' ⁷ Na yiri n bo i wo soro n ase ka, 'Ma a mie m. Ma tu ano awie, na m nbaam da a. M koro yasu ma na m ma u pui.' ⁸ To, m suse am wo lee, ka, ma ka am ti danfoya n dee ti ye i yasu na i ma u kpono n a, ama, i ba yasu na i ma u deke kere bo a koro, dama ka a fie ni sere n dee ti.

⁹ Nyini ti, m suse am wo lee, ka, am sere deke bo am koro i Nyeme do, na i ma am. Am nienie deke bo am koro i do, na am nu i. Am bobo ano ni, na i teke i ma am. ¹⁰ Dama sono kere bo i sere deke be Nyeme do, i ma i, na sono kere bo i nienie deke be, i nu i wo, na sono kere bo i bobo ano ni, i teke i ma i. ¹¹ Ambere bo am ti nbaasim ni, nma ye i wa sere i jombaa ye i mi keke na i fa woo ma i wa n a? Ai, be yo ma so. ¹² Wara, ambere nu nma ye i wa sere i karafo ye i keke na i fa bundaani ma i wa n a? Ai, be yo ma so. ¹³ To, ambere, haari ni bo am ti satieyofom ni, am si aceeri kpm bo am fa ce am nbaam, nzu ti ye nzen am sereeri am Si Nyeme bo i wo angoro ni, i koro ma ma am Awiewie Casi n a?"

Kabo minem na Yesu ni Sitana dee ti kun ni

¹⁴ Saɗga be na Yesu afon ayi ajini afite sono be nju, wo yo i bobo. Ajini n fite yakiiri sono n so ni, na wo koro ajojo. Na jama n ayo alekutura. ¹⁵ Ama, na mine nbem ase ka, "Belazebuli bo i ti ajinim kere dee feme n na bu kaaki fere i ka Sitana ni, yiri ma ahin sono n yiko ye i koro fon yi ajinim a." ¹⁶ Na nbem gusu akoro ka bu so i ngee. Nyini ti, na ba se i ka i yo alekutura sa be bo i kere ka i yiko n fite Nyeme do o. ¹⁷ Ama, Yesu siiri bu sunsuni n so ni, na wo se bu ka, "Femeya kere bo i nya kpaakiiri nu wieeri, nyini femeya ni ka ngbeen wo. Awuru gusu kere bo i kpaakiiri nu wieeri, nyini awuru ni sandi wo. ¹⁸ Na nzen Sitana dee femeya n nya kpaakiiri nu wieeri, i koro jina a? Ai, i koro jina ma. Deke bo i ti na m se so n la ka, am na Belazebuli ma m yiko ye m koro fa fon yi ajinim a. ¹⁹ To, ye nzen am na Belazebuli maari m yiko, ye m fa fon yi ajinim a, ye nma maari am dee minem ni yiko ye bu bita fon yi bu n a? Nyini ti, kabo am minem yoori ni, nyini kere ka am la ma nahore. ²⁰ Ama, Nyeme dee yiko nu ye mini fon yi ajinim a. Nyini n kere ka, Nyeme wo am nu sunie i minem n lee.

²¹ Nzen sono fangafa nya faari i biesoya nenge kere jina nmindaari i dika, pui koro yo ma i awuru n nu nenge be. ²² Ama, nzen sono nyinga nya taraari i fanga, i koro tu ngoni ni yiri na i kunma i fanga, na i de i biesoya nenge n bo i daafi i nju ni, na i fin i nenge kere ko na i ni i bengum ko kpaaki nu.

²³ Sono kere bo i jina ma m sin, i mi ti m kpofa o. Na sono kere gusu bo i buka ma m na ya tien minem noo, i mi sandi minem wo.

²⁴ Nzen ajini nya fite yakiiri sono, i ko jengbe bara ye boro kpantain nu wo, deke bo nzue wo ma, na i ko nienie woobiri bo i tana yi i nju. Nzen wo nya ma woobiri, nyini saɗga, a ti ka i na, 'Ma m kpie m nyi ko m woobiri dawa ni.' ²⁵ Na i kaaki ko, i ko nju ka ba kpara dika n nyunyumi, asese deke kere su. ²⁶ Na i nya ko fa ajinim nso, bo bu ti

tie tara yiri ni i tii, na bu kere bá wura woobiri dawa n nu. Nyini sangga, a ñu ka sɔnɔ n woowa ayo tie atara kabo i yo ti dawa ni.”

²⁷ Sangga bo Yesu seeri sɔ wieeri ni, bara be wo jama n nu, na wɔ se Yesu ka, “Terefie wo bara n bo i wuuri u na i maari u nyufini n do.” ²⁸ Ama, na Yesu ase i ka, “Terefie wo minem bo bu ti Nyeme noanie n na bu de i ni do a.”

Kabo Yesu keteeri ka i yo má alekutura sa bo bu koro i ni

²⁹ Sangga bo minem sutien bu nɔɔ bara ye Yesu sɔ ni, na wɔ se bu ka, “Amberɛ nyumafɔm ti satiesyofɔm wɔ. Am koro ka m yo alekutura sa na am ñu i wɔ, ama, m yó má i, má ka alekutura sa n bo Nyeme yo yoori i maari i noanie kanfɔ Jona ni ñgumi. ³⁰ I ti sɔ lee, kabo sa n bo i yo tuuri Jona n kereeri Ninevafɔm ka Nyeme sunmaari i ni, sɔ ye sa n bo i bá tu mini Adamande Wa n gusu kére amberɛ nyumafɔm ka Nyeme asunma m a. ³¹ Feme bara be yo fiteeri haari i bɔsu Seba wɔ, na i ba ti Feme Solomon deɛ ñgɔnle jɔjɔwa noanie ni. Jina cɛɛn, yiri bá yasu jina na i járaiki amberɛ nyumafɔm nahɔre su, dama kisa, m suse am wɔ ka, mini tara Feme Solomon, ama, am ade má m noanie ni. ³² Jona yo kaanri Nyeme jɔre kereeri Ninevafɔm na ba kaaki bu wo. Jina cɛɛn, bere bá yasu jina na bu járaiki amberɛ nyumafɔm, dama kisa, m suse am wɔ ka, mini tara Jona, ama, am akete ka am kaaki má am wo.”

Kabo Yesu kereeri anyumbaa kpa jɔre ni

³³ Na Yesu akaaki ase ka, “Sɔnɔ koro sɔ má fitana su na i fa se fieɛwa nu, wara i fa ganga butu ni. Ama, i fa taka deke su angoro wɔ, adena minem bo bu ba wura awuru n nu n koro ñu asi. ³⁴ Ya nyumbaa ni ti ka fitana ma ya ñuniembaa n a. Nzen u nyumbaa nya ti kpa, u ñuniembaa n kere ta wein n wɔ lee. Ama, nzen i nya ti má kpa, u ñuniembaa n kere wo awosin nu wɔ lee. ³⁵ Nyini ti, si u ñu sa na má a se ka wein wo u do, ama, i ti awosin wɔ. ³⁶ Nzen u ñuniembaa n kere woori wein nu, na awosin be awo má nu, i tá a papasi, kabo fitana sin ta wura u ni.”

Kabo Yesu ña Yudaɔm teretereɔm nbem bá ñu anyumboro ni

³⁷ Sangga bo Yesu jɔjɔ wieeri sɔ ni, na Farasifo be asere i ka i bra na bu di diire i dika, na Yesu ako awura ka i di diire ni. ³⁸ Na Farasifo n abirisi kabo Yesu aɱmisi má i ñu ka, ye i sudi diire ni. ³⁹ Na Mibie n ase i ka, “Amberɛ Farasifoɔm, am ñmisi am kɔpu ni am taale sin wɔ, ama, am kunnu ayi ni anyii sayoowam, ni sunsunni tiem wɔ. ⁴⁰ Amberɛ sinnzinm ni, sɔnɔ kere si ka Nyeme yoori deke kere kunnu ni i sin a. ⁴¹ Má nzen am fa deke bo i wo am kɔpu ni am taale kunnu ma yaarifɔm, má deke kere bo am yo i, má i yo casi ma am wɔ Nyeme do.

⁴² Amberɛ Farasifoɔm ni, am bá ñu anyumboro, dama am yi am jakam ma Nyeme wɔ, haari ni am maakunm, ni ñgetem, ni nvanvannm kere, ama, am yo má nahɔre sam, na am kaaki koro má Nyeme. Wɔ yo daka ka am yo nyini sam sangga kere, na am fa jaka yiiwam buka su.

⁴³ Amberɛ Farasifoɔm ni, am bá ñu anyumboro. Am koro ka am tana kpirikoro tanaa-birim wɔ, am tientienbunɔɔ sɔɔm n nu, na am koro ka minem yo am anse goɔsu wɔ, na bu ma am jirima. ⁴⁴ Am bá ñu anyumboro. Am ti ka fanɱunmam bo bu la má nyaari seewa be n wɔ, na minem nati su na bu si má ka fanɱunma lee.”

⁴⁵ Na Nyeme noanie kereɔm n kun ase Yesu ka, “Ya Kerefo, nzen a seeri sɔ, a kpie nzuko asanga ya kere mmɔɔ lee.” ⁴⁶ Na Yesu ase i ka, “Amberɛ Nyeme noanie kereɔm ni, amberɛ mmɔɔ bá ñu anyumboro. Am cici sɔori nɔnɔri sɔ minem wɔ, ama, amberɛ ni am tii soro má su ka am fa am saa kan i.

⁴⁷ Amberɛ bá ñu anyumboro. Am yo fanɱunmam donɱu fa ma Nyeme noanie kanfɔm wɔ, bere bo am nam yo kuunri bu ni. ⁴⁸ Nyini kere ka amberɛ ni am tii saa woori sa n bo am nam yo yoori i n nu lee. Bere kuunri Nyeme noanie kanfɔm n a, na amberɛ ata bu fanɱunmam. ⁴⁹ Nyini ti, ye Nyeme Alecirafo n seeri ka, ‘M súnma m noanie kanfɔm, ni m jaramasam bu do, na bu kún nbem, na bu kére nbem wuwuruwa.’ ⁵⁰ Nyini ti, Nyeme cin amberɛ nyumafɔm sui fa kɔ kabo am nam yo kuunri Nyeme noanie kanfɔm, fiteeri durunya n bumboori fa ba ju haari ni kisa ni. ⁵¹ Bu yo yoori sɔ ɔ, fite sangga n bo bu kuunri sɔnɔ be bo bu fere i ka Abeli n fa ba juuri sangga n bo bu kuunri sɔnɔ be bo bu fere i ka Zakariya ni. Yiri ye bu kuunri i Nyeme Sereebiri Awuru n nu, Casi Kere Casi Sɔɔ n ni Mikun yoowa yoobiri n aɛien n a. Nahɔre ye m suse am n a, nyini sam kere deɛ ti ye Nyeme bá cin amberɛ nyumafɔm sui n a.

⁵² Amberɛ Nyeme noanie kereɔm ni, am bá ñu anyumboro. Am akere má minem Nyeme atin, kabo i ti ye ni ka am kere bu ni, na amberɛ ni am tii akete ka am su má i atin n su, ye am akanda bo bu koro ka bu su i su ni.”

⁵³ Saŋga bo Yesu yasuuri nyini dika n nu ni, na Nyeme noanie kerefom, ni Farasifom n afa i kpo agaya, na ba bisa i bisaawam beberebe, ⁵⁴ na ba boro bu nyi na bu so i ngee, adena i jojo wura Nyeme ngasi nu.

12

Kabo wo yo daka ka ya soro Nyeme ngumi ni

¹ Saŋga n bo nyini n kere suko su ni, na jama beberebe aba atien bu nco haari bu ko sutientien bu benju nu. Na Yesu abo i bu ka i jojo, na wo du mo ase i susufom n ka, "Am si am nu sa ni Farasifom dee kpono ayiri n bo bu fa go kpono nu na i yasu ni. M suni bu dee burukoonu sayoowam wo. ² Deke be wo ma fiewa nu bo bu ba nu ma i, deke be gusu wo ma asiri nu bo bu ba si ma i. ³ Nyini ti, deke kere bo am jojori i kongue, bu ba jojo i wiesu wo. Na deke kere bo am tuuri i asuturi soro, bu ba bo i ndoori wo, na sono kere ti i."

⁴ Na Yesu akaaki ase ka, "M danfom, m suse am wo lee, ka, ma am soro minem bo bu koro kun anuniembaa ni, na nyini sin, bu koro yo ma pui kun ni. ⁵ Ama, m kere am sono bo i ti ye ni ka am soro i. Am soro Nyeme, yiri koro kun anuniembaa n a, na i kaaki la yiko bo i koro fa i ji cema sin nu. M suse am wo lee, ka, yiri ti sono bo am soro i a. ⁶ Am si ka njorem nnu nwaa ti kaan so o, ma so? Ama, bu kun n kpein mmoo wo ma bere bo Nyeme nie ma i dika. ⁷ Haari am tiijmie mmoo bo i wo am ti su ni, Nyeme si i kere no. Nyini ti, ma am soro sere. Am la anyunuyi Nyeme do tara njorem beberebe."

⁸ Na Yesu akaaki ase bu ka, "M suse am wo lee, ka, sono kere bo i kan kereeri minem ka i ti m susufo, mini Adamande Wa n gusu ba kan kere Nyeme meretekem n ka i mi ti m dee wo. ⁹ Ama, sono kere gusu bo i keteeri minem nyunu ka i ti ma m susufo, mini Adamande Wa n gusu ba kete Nyeme meretekem nyunu ka i mi ti ma m dee. ¹⁰ Sono kere bo i jojo wuraari mini Adamande Wa ni ngasi nu, Nyeme fa i mi ngasi ce i, ama, sono kere bo i jojo wuraari Awiewie Casi ni ngasi nu, Nyeme fa ma i mi ngasi ce ma i. ¹¹ Saŋga bo bu ba faari am baari bu tientienbunoo soom nu, wara nfemem ni nfaŋgaŋfom nyunu ka bu di am jore, ma am ma am ahore saaki fa ko kabo am jojo barasu. ¹² Dama nyini saŋga n ba juuri, Awiewie Casi ni kere am noanie kere bo wo yo daka ka am jojo i a."

Mienu fa ko sono nenjefo sinnzin be su

¹³ Sono be woori jama n nu, na wo se Yesu ka, "M Kerefo, se m goro ka i kpaaki aja bo ya si ayaki i ama ya n nu, na i fa m dee ma m." ¹⁴ Na Yesu ase i ka, "Woro, nma ayi m, ka m di am jore na m kpaaki am aja nu ma am a?" ¹⁵ Na Yesu ase jama n kere ka, "Am nie am ti su dongu na am si am nu sa fa ko anyii barasu kere sa, dama sonombiri nenje ti ma i ngoo, haari i mi n koro i la i ka se." ¹⁶ Do na Yesu abo bu ahin mienu ni, i ja, "Sono nenjefo be yo woori bere a, na wo do i fie, na wo nya diire beberebe. ¹⁷ Na wo sunsun i ti nu na wo se ka, 'M la ma deke bo m fa ahin diire n kere se. Ye m yo se wo?' ¹⁸ Na wo se ka, 'Kabo m yo yaa, m sun m bondom kere ji wo, na m ta ngbingbirim, na m fa m diire n ni nenje kere bo m la bu n wura nu. ¹⁹ Na m nya se ka ma di terefie, puitiripui kpie ma m su kun, m tana a, ahin afo nye nye n kere, na m di na m nu na m ahore jo.' ²⁰ Ama, na Nyeme ase i ka, 'Woro sinnzin ngbeen ni. Ahin kongue n nu bere, m yi u ngoo n fite u do. Na m nie ka nyini nenje n kere bo a tien i nco ni ka nma dee wo?' ²¹ Na Yesu akaaki ase bekun ka, "I ti so o lee, fa ko minem bo bu kpini nenje beberebe fa se durunya n nu fen ni, ama, Nyeme do, bu la ma pui."

Kabo Yesu na ma ya tana koko ni

²² Na Yesu ase i susufom n ka, "Nyini ti, m suse am wo lee, ka, ma am tana sukoko fa ko am ngoo su, kabo am di, na ma am kaaki sukoko fa ko am nunie su, kabo am nya suturam bo am fa wura na am kara. ²³ Dama ngoo tara diire, na anuniembaa n gusu tara suturam. ²⁴ Am nie anumam, haari ni bo bu do ma ni, na bu kaaki kpie ma ni, bu la ma bondo gusu, bo bu fa diire wura nu, se Nyeme ma bu diire ye bu di a. Ambere la anyunuyi tara anumam e. ²⁵ Am nu, nma tana koko fa ko i koroowam su ye i mi koro buka i ngoo tintiin su haari kaan so a? Ai, be wo ma bere. ²⁶ Nzen am koro yo ma nyini deke n kaan n be so, nzu ti ye dekem bo bu kaari n kere mie am a? ²⁷ Am nie kabo wuram bo pum barasu barasu a. Bu yo ma juma be, bu kaaki tu ma gise. Ama, m suse am wo lee, ka, haari Feme Solomon ni i nenje n kere bo i yo la i ni, wo la ma sutura bo i yo nyumi juuri nyini wura pum ni be. ²⁸ Nzen wuram bo bu wo bere nyuma, na ahunma a nu ka ba kpie bu na bu yara bu, ye Nyeme nie bu dika, nzu ti ye i nie ma ambere bo am tara wuram co n a? Ambere, am la ma yarada fieo. ²⁹ Nyini ti, saŋga

kere, má am ma am sunsunni wo deke bo am dí, ni deke bo am nú su. Má am tana koko fieo. ³⁰ Dama durunya n nufom bo bu su má Nyeme ni, bere sunsun so o sanga kere. Am Si Nyeme si ka am koro nyini dekem ni. ³¹ Má am yo so, ama, am kpini Nyeme femeya n busu ka, na i nyá ba fa nyini dekem n buka am su.”

³² Na Yesu akaaki ase ka, “Má am soro sere, haari ni bo am ti ka nboem bo bu sunnu má ni, dama am Si Nyeme ayi am ka am ni yiri sanga di i femeya n a. ³³ Am to am deke bo am la i, na am fa nwaan n ma yaarifom. Am kpini ajeke seebiri bo i saaki má n busu. Am fa ajeke bo i kpie má su n fa se Nyeme dika n nu, do ye awiefó koro wura wo má i a, na watarawam gusu koro muka má i. ³⁴ Dama deke bo am ajeke wo ni, am ahorembaa kere gusu wó do o.”

Kabo Yesu na i susufom ni kpa bu nu nminda i sanga kere ni

³⁵ Na Yesu ase ka, “Am kpa am nu wo, na am so am fitana sunminda. ³⁶ Am yo so o, ka minem bo bu tana nminda bu mibie bo wo ko konyaya, na i bá n wo, na sanga bo i ba boboori an o kpenja ni, bu kába teke i wo na i wúra. ³⁷ Terefie wo nyini akoom n do, nzen bu mibie n ba nu ka bu toko tana nminda i. Nahore ye m suse am n a, i má bere tana a, na yiri ni i tii fá diire ba ma bu na bu di. ³⁸ Nzen haari i kpieeri i nyi ba juuri kongue jinanjin, wara akonyuma bo sanga, na i ba nu ka bu toko tana nminda i, terefie wo bu do. ³⁹ Am si tenle ka nzen má awurufobie n si sanga bo awiefó ni bá i dika na i ba wo i, má i tana nminda a, na awiefó n koro ba wura má. ⁴⁰ Ambere gusu kpa am nu sanga kere, dama mini Adamande Wa ni bá sanga bo am sunsun má ka m bá n wo.”

⁴¹ I jójori so n na Petoro abisa i ka, “Ya Mibie, a bo ahin mieenu n ni yere wo, nzen a ni sono kere wo?” ⁴² Na Yesu abisa i ka, “Amusuisufo kpien n bo i la dabunu na i kaaki la alecira n la nma a? Yiri la bo i mibie n afa amusuisufo nyingam awura i saa nu ka i kpaaki diire nu ma bu, sanga bo i ti ye ni ka i ma bu ni. ⁴³ Nzen i mibie n ba nuuri ka i suyo juma n kabo i seeri i ka i yo i ni, terefie wo nyini amusuisufo n do. ⁴⁴ Nahore ye m suse am n a, nyini amusuisufo n mibie ni fá i aja kere wura i saa nu wo, na i nie i dika. ⁴⁵ Ama, nzen i ti amusuisufo tiefo, i sunsun ka i mibie ni kpie má i nyi ba má nde. A nu ka i subo amusuisufo nyingam ni, bu nbiesom ni nbaram kere, na i sudi na i sunu nzan bo, ⁴⁶ do na i mibie n bá kpie i nyi ba ceen bo i sunsun má ka i bá, na i kaaki si má ba n sanga ni. Nyini sanga n na i mibie n cin i sui agaya, na i fá i bo minem bo bu yo má i yarada n su.

⁴⁷ Na nzen amusuisufo n si deke bo i mibie n koro ka i yo i, na wo yo má siriya na i yo deke bo i mibie n koro ka i yo ni, i bó i wo nyunyumi. ⁴⁸ Ama, nzen amusuisufo bo i si má deke bo i mibie n koro ka i yo i, na i yoori deke be bo i ti ye ni ka i cin i sui, i dee suicin n ti kaan so o. Sono kere bo bu ce i aceeri beberebe, i ti ye ni ka i mi fa yo deke bo wo yo daka ka i yo i, na sono kere bo Nyeme ce i aceeri beberebe agaya, i ti ye ni ka i mi su i ko tara so.”

Kabo Yesu na wo fa kpakpaakinu aba ni

⁴⁹ Na Yesu akaaki ase bu ka, “Ma fa Nyeme jore n aba ka i yara durunya n nufom ka sin dee su wo. Má nyini sin n jeeri kisa, má m koro. ⁵⁰ Ama, m la wahara be bo i ti ye ni ka m di i, má ka ma di i awie, m ahore dá má. ⁵¹ Am sunsun ka ma fa tanalaifie aba durunya n nu a? Ai, m suse am wo lee, ka, ma fa má tanalaifie baari a, ama, ma fa kpakpaakinu aba a. ⁵² Fite kisa fa ko, awuru kun nufom mine nnu kpakpaaki nu. Mine nsan tí bu busu bu ngumi wo, na mine nnyo tí bu busu bu ngumi. ⁵³ Baabieso ni i si koro má bu benju jore, na baabara ni i ni koro má bu benju jore, na baa n ni, ni i wa yi koro má bu benju jore.”

Kabo Yesu jarakiiri minem ka bu si má sam bo bu suyo n bu ni

⁵⁴ Na Yesu ase jama n ka, “Sanga bo am nu ka nzue yinyingu atien i noo wie afiiri, a ti ka am na, nzue bá nyuma, a nu ka i bá a gusu. ⁵⁵ Na sanga bo am nu ka anjuma sukpie fite nyunu ndiema bie su, a ti ka am na, nyuma wie fite agaya, a nu ka i fite wo. ⁵⁶ Ambere burukonufom ni, nzu dee ti ye am koro nie angoro ni asienju na am si sam bo bu bá yo n a, ye am nie ye am koro si má sam bo bu suyo ahin sanga n bu a?”

⁵⁷ Na Yesu akaaki ase bu ka, “Nzu ti ye ambere ni am tii sunsun má na am si sa bo i ko atin su a? ⁵⁸ Nzen u ni be la jore, na nzen i koro ka i fa u ko joredifo do, jokoti tara i mi n jaa, na má jore n ju joredifo n do, má nyini, i mi ni cin u ko joredifo n do, na yiri gusu fá u ma dansaraka niefo ni, na yiri gusu nyá nyi u. ⁵⁹ M suse am wo lee, ka, nzen a woori do, na a to má kaari n kere awie má, a nyá má atin fite má dansaraka n nu.”

13

Kabo i ti ye ni ka ya kaaki ya wo barasu ni

¹ Nyini sangá n na mine nbem wo dɔ, na ba se Yesu kabo Galilifo nbem yo kɔɔri ka bu kɔ yo yoowa ma Nyeme, na bu wo yo su ni, na Gomina Pilato gusu ama minem aba akun bu. ² Na wɔ se bu ka, “Ye kabo bu kuunri nyini Galilifom ni, am sunsun ka nyini kere ka bu dɛɛ satie yoowa tara Galilifom kere dɛɛ wɔ, nzen se?” ³ Ai, i ti má sɔ fieo. M suse am wɔ lɛɛ, ka, nzen am akaaki má am wo, ambere mmɔɔ bá ka ngbɛɛn sɔ ɔ lɛɛ. ⁴ Ye mine buru ni mɔcɛm bo Silowam dɛɛ awɔɛ n nu kobe bambaka n tɔ gɔɔri bu n di? Am sunsun ka i kere ka bu dɛɛ satie yoowa tara Yerusalemfom kere dɛɛ wɔ, nzen se? ⁵ Ai, i ti má sɔ fieo. M suse am wɔ lɛɛ, ka, nzen am akaaki má am wo, ambere mmɔɔ bá ka ngbɛɛn sɔ ɔ lɛɛ.”

Miɛnu fa kɔ damba baka n bo wɔ su má n su

⁶ Dɔ na Yesu abo bu ahin miɛnu ni, i nja, “Sɔnɔ be yo woori bere a, ye damba baka jina i baka suwa barasu barasum fie nu. Na wɔ kɔ anienie ka i nie, beni i nɔ suuwa su, ama, wɔ nɔ má puitiripui su. ⁷ Nyini ti, na wɔ kɔ ase fie n niefo n ka, ‘Nie, afo kun kun sɔ nsan lɛɛ, bo m ba nie ahin damba baka n su ka, beni m nɔ suuwa a, ama, m nɔ má pui su. Nyini ti, kpie i ji. Nzu ti ye i jina bere susaaki asien n a?’ ⁸ Ama, na fie n niefo n abo i nu ka, ‘M mibie, yaki i benle, na ya nie i kɔ ju afo kun bekun na ya nie. M fúndu kunma bara ye i bu wɔ, na m gɔ i nanyeti. ⁹ Dɔ na nzen baka n suuri suuwa, i ti kpa, nzen wɔ su má, na a koro ma m kpie i ji.’”

Kabo Yesu tuntuunri bara be Njumiye cɛɛn n ni

¹⁰ Njumiye cɛɛn n be sɔ ɔ, na Yesu wo minem kere su, tientienbunɔ sɔɔm kun nu. ¹¹ Bara be woori dɔ, ajini wo i nɔ, wɔ bu i wi, i afo buru ni mɔcɛ lɛɛ, i koro yasu jina má. ¹² Sangá bo Yesu juuri i n na wo bo afere i, na wo se i ka, “Bara, a nya u ti afite u tukpaki n nu.” ¹³ Sangá bo Yesu suse sɔ n na wɔ fa i saa anana i nɔ, kpennga na wɔ tenge i nɔ ajina, na wɔ kansa Nyeme.

¹⁴ Ama, na yaa ati tientienbunɔ sɔɔ n kpian ni, ka Yesu atuntun sɔnɔ Njumiye cɛɛn ni. Na wɔ se minem ni ka, “Ya la lesen bo wo yo daka ka ya fa yo juma, nyini ti, am bra nyini cɛɛnm ni, na bu bá tuntun am, ama, má Njumiye cɛɛn n yiri.” ¹⁵ Na Yesu ase i ka, “Ambere burukɔonufom ni. Njumiye cɛɛn ni, am nɔma nu ye i nyangi má i naani, wara i kaako, na i kɔ ma i nzue a? ¹⁶ Ye ahin bara ni mmɔɔ ti Abraham busu nufɔɔ, ye Sitana afa i ayo i dɛɛ, afo buru ni mɔcɛ lɛɛ, wɔ yo má daka ka m tuntun i Njumiye cɛɛn n na i nya laifie, nzen se?” ¹⁷ I seeri sɔ n na wɔ wura i kpɔfom ni nyinse, ama, na minem n bere ahore ajo fa kɔ alekutura sam bo wɔ yo bu n su.

Miɛnu fa kɔ alembaa kaan be jɔɛ su

¹⁸ Na Yesu akaaki ase bu ka, “Nyeme femeya n ti ka nzu wɔ? Ye m fá nzu deke fa sunsun kabo i ti a? ¹⁹ I ti ka alembaa kaan kabo nyem mbaa ti n wɔ, bo sɔnɔ be dɔɔri i fiesu ni, na wɔ fi, na wɔ nyi atetereki asambaa asambaa, na anumam akoro ayo bu tieirim su.”

Miɛnu fa kɔ kpɔnɔ ayiri n su

²⁰ Na Yesu akaaki ase bu bekun ka, “Ye m fá nzu deke fa sunsun kabo Nyeme femeya n ti a? ²¹ I ti ka ayiri bo bu fa gɔ kpɔnɔ samene nu na i yasu ni, na bara be fa gɔɔri samene beberebe nu, na i kere yasuri n wɔ.”

Kabo Yesu jɔɔ fa kɔɔri anɔ n bo i ti fi n su ni

²² Yesu suko Yerusalem mie kpiri n su ni, na wɔ nati asin mie ngbingbirim ni kan kanm su, sukere minem. ²³ Na sɔnɔ be abisa i ka, “Ya Mibie, minem bo Nyeme dé bu ti ji ni, bu sunnu, nzen bu sunnu má?” Na Yesu ase bu ka, ²⁴ “Am boro am nyi na am fa anɔ n bo i ti fi n na am wura, dama m suse am wɔ lɛɛ, ka, mine beberebe bá koro ka bu wura, ama, bu bá koro wura má. ²⁵ Sangá n ba juuri, awurufobie ni yásu nyi anɔ n wɔ, nyini sangá n na am jina anɔ n su, subobo, na am sére i jande ka, ‘Ya Mibie, teke anɔ n ma ya.’ Na i gusu nyá se am ka, ‘Ai, m si má am sa.’ ²⁶ Dɔ na am sé i ka, ‘Ya ni wɔɔɔ yo diiri a, na ya nu, na a kere minem ni yere kere, ya bosu dɔ.’ ²⁷ Ama, na i káaki se am bekun ka, ‘Ambere satieyofom ni, m si má am sa fieo, am cinsi m bi bere.’ ²⁸ Na am nɔ ka Abraham, ni Izaki, ni Jakabu, ni Nyeme noanie kanfom ni, ka bu wo Nyeme femeya n nu, na kabo ba fa ambere atu dasin ni, dɔ na am sún, na am kán am saa. ²⁹ Na minem fite durunya n awɔɛ nna n kere nu, na bu bá tana Nyeme femeya n nu, na bu dí na bu nú. ³⁰ Am ti fen. Minem bo bu wo mɔ kisa ni, bá ka sin, na bo bu ka sin kisa n bá du mɔ.”

Kabo Yesu ahore saaki maari Yerusalemfom barasu ni

³¹ Nyini sang'a n na Farasifom n'em aba Yesu do aba ase i ka, "I ti ye ni ka a njmati fite fen, na a ko deke be, dama Femε Herode koro ka i kun u wo." ³² Na Yesu ase bu ka, "Am ko na am ko se nyini njaku sonombiri ka o, 'Ti fen. M sufom ajinim fite minem ju wo, na m ma tukpakifom nya laifie, nyuma ni ahunma njumi wo, na ahieni na m wie m juma.' ³³ Haari ni nyini mmoo, wo yo daka ka m sukoo o, nyuma, ni ahunma, ni ahieni, dama Nyeme noanie kanfo kere ti ye ni ka bu kun i Yerusalem mie kpiri n nu wo."

³⁴ Na Yesu abo awie ase ka, "Oi, ambere Yerusalemfom. Ambere kuunri Nyeme noanie kanfom n a, na minem bo Nyeme sunmaari bu am do ni, am atu bu yabue. Sang'a kere m koro ka m tien am noo, na m fa m saa bara ye am, kabo ako tien i nbaam noo, i lanjpete nu ni, ama, am soro ma m su. ³⁵ Am nie fen, Nyeme yaki am nu ji. M suse am wo lee, ka, fite kisa fa ko, am ju ma m kun, ma ka sang'a bo am ba se ka, 'Terefie wo yiri n bo i suba Micera n dee duma n nu n do.' "

14

Kabo Yesu tuntuunri sono be Numiyi ceen ni

¹ Numiyi ceen n be so o, na Farasifom kprien be afere Yesu ka i bra i dika na bu di diire, na Yesu ako. Sang'a bo i wo diire n di su ni, na mine aba atana suyi i koresi. ² Kpeng'a na sono be ayasu ajina Yesu nyunu, i saam ni i jaam kere awura, ³ Yesu njuri sono n so ni, na wo bisa Nyeme noanie kerefom ni, ni Farasifom n ka, "Ya dee atin n su, atin wo nu ka ya tuntun tukpakifo Numiyi ceen ni, nzen atin wo ma nu?" ⁴ Ama, ba bo ma i nu, na Yesu ama sono n anya laifie, na wo ma i atin na wo ko. ⁵ Do na wo nya abisa bu ka, "Am nu njma ye nzen i wa baabieso, wara i naani, toori bura nu, Numiyi ceen ni, ye i mi kaba yi ma i fite ma?" ⁶ Ama, ba koro abo ma i ahin bisaawa n nu.

Kabo Yesu tuuri bu fo fa ko kpirikoro sam su ni

⁷ Na Yesu anu kabo wofom n'em sunienie kpirikoro tanaabiri na bu tana ni, do na wo bo ahin mieenu ni, akere bu kere. ⁸ I nja, "Sang'a kere bo sono be ba fere u ka a bra ba di konyaya diire i dika, a ko, ma a tana jirima tanaabiri ni, a yoori so, a ko ju ka wo fere sono be bo i tara u, ⁹ nyini sang'a n na sono n bo wo fere am kere ni, yiri nya ba u do na i ba se u ka, 'M don, yasu ma ahin sono n tanaabiri.' Nyini sang'a, a ju ka wo wura u nyinse lee, na a ko kaan koobiri. ¹⁰ Ama, sono fereeri u ka a bra i dika ba di diire, a ko juuri, du mo ko tana kaan tanaabiri ka. Do na sono n bo wo fere u ni, yiri nya ba u do na i ba se u ka, 'M don, yasu bra na a ba tana ahin tanaabiri nyunyumi ni.' Nyini n so koro wura u kpiri, u beng'u wofom kere n nyunu a. ¹¹ Dama sono kere bo i wura i ju kpiri, Nyeme yo i mi kaan wo, na sono bo i yo i ju kaan, Nyeme wura i mi kpiri."

¹² Do na Yesu anya ase sono n bo i baandiiri i n ka, "Sang'a bo a nja a fere minem na bu ba di diire u dika, ma a fere u danfom, wara u ninbaam, wara u lamoyam, wara u bengum bo bu la ajeki, nzen a yoori so, bere gusu ba fere u ceen n be so o, nyini sang'a ni, ba to u kaari awie lee. ¹³ Ama, sang'a kere bo a nja a baandi mine na bu ba di diire u dika, baandi yaarifom, ni wobukam, ni bo bu saam ni bu jaam awu ni, ni anyinsinm. ¹⁴ A nya yoori so, terefie wo u do. Bere koro to ma u kaari, ama, Nyeme ba to u kaari a, ceen bo minem bo bu yo sa bo i ko atin su Nyeme do n ba tenje bu yiwee n nu ni."

Mieenu fa ko di ni nu bambaka n su

¹⁵ Yesu seeri so n na wofom nu kun ase i ka, "Nja terefie wo minem bo bu ba tana Nyeme femeya n nu di diire n do." ¹⁶ Na Yesu ase i ka, "Sono be yo woori bere a, na wo yo diire beberebe, na wo baandi jama beberebe ka bu ba di diire ni. ¹⁷ Na sang'a n bo diire n ba yoori siriya ni, na wo sunma i akoo ka i ko se minem n bo wo du mo abaandi bu n ka, 'Am bra, deke kere ayo siriya.' ¹⁸ Na bu kun kun kere asere atin ka bu koro ba ma diire n di. Na ciciri su dee sono n ase akoo n ka, 'Jande, m sere u wo, ma to asien, i ti ye ni ka m ko nie kabo i ti wo, m koro ba ma.' ¹⁹ Na nyinga n ase ka, 'Ma to m tooram asese busu nnu, m koro ka m ko fa bu yo juma kisa kisa na m nie, m sere u wo jande, m koro ba ma.' ²⁰ Na nyinga n gusu ase ka, 'Ma ja bara kisa lee, nyini dee ti, m koro ba ma.' ²¹ Na akoo n akpie i nyi ako ase i mibie n kabo minem kere ase i ni. Do na yaa ati awurufobie n agaya, na wo se yiri akoo n ka, 'Yo ndende na a ko mie kunnu atingberem kere su, na a ko fere yaarifom, ni wobukam, ni anyinsinm, ni minem bo bu saam ni bu jaam awu ni, na a fa bu bra.' ²² Wo ce ma na akoo n ako aba, na wo se ka, 'M mibie, ma yo kabo a seeri ka m yo ni, ama, fofoe toko ka.' ²³ Na awurufobie n ase i ka, 'Fite ko mie n aheme aheme, ni i korokam kere nu, na a ko fere minem ka bu bra, adena m awuru n yi ni jama. ²⁴ M suse am wo lee, ka, nyini minem kere bo m baandiiri bu na ba ba ma ni, bere kun n kpein mmoo noo kan ma m diire n kun.' "

Kabo ya yaki deke kere na ya su Yesu su ni

²⁵ Sanga bo Yesu wo ko su ni, na jama beberebe asu i su, na wo ce anie bu, na wo se bu ka, ²⁶ "Sono kere bo i koro ka i ba m do, i koro yo ma m susufo, ma ka i mi akoro m atara i si, ni i ni, ni i yi, ni i nbaam, ni i ninbaam, ni i sinbaam, ni haari yiri mmoo ni i tii. ²⁷ Sono kere bo i koro so ma i yiwee baka jaanu n na i su m su, i mi koro yo ma m susufo. ²⁸ Ma m fa i ka sono ja i ta awuru, i du mo tana wo, na i bu akunta ka, na i nie ka i la nwaa bo i koro ju awuru n ta. ²⁹ Nzen i nwaa ju ma bo i ta awuru n wie, na i boori i bu na wo wie ma i, sono kere bo i sin nyuri sa n bo wo yo i ni, i mi siri wo, ³⁰ na bu se ka, 'Ahin sono n boori i awuru n bu wo, ama, wo koro awie ma i.' ³¹ Ma m kaaki fa i ka nzen feme bo i la i sojam akpii buru ye i koro ka i ko lue ni i bengu feme be bo yiri la sojam akpii aburanyo, i tana sunsun wo ka, na i nie ka i koro kun lue ni i bengu ni. ³² Nzen i nyuri ka i koro koroo ma nu, i du mo sunma sono o, na i kpa i bengu feme n atin na i ko sere i ka, i ma bu yo jore n dongu." ³³ Na Yesu ase ka, "I ti so o lee, ni ambere gusu do, sono kere bo i wara afi ma i tienju deke, i mi koro yo ma m susufo."

Njin bo i la ma kpere n dee jore

³⁴ Na Yesu akaaki ase ka, "Njin yo fie, ama, nzen i fiefie nya ba saari wieeri, i koro yo ma fiefie kun. ³⁵ I koro buka ma asien ni mmoo na i kaaki koro buka ma nanyeti na i yo diire, nka bu fa butu wo. Bo i koro ka i ti ahin jore n bu, i ti ye ni ka i mi so i sui na i ti."

15

Mienu fa ko boe n bo i miniiri n jore

¹ Ceen n be so o, na lampodefom ni satieyofom beberebe aba Yesu do na bu ba ti i kereewam ni. ² Na Farasifom ni Yudafofom Nyeme noanie kerefofom n anjuti, bu ja, "Ahin sono n de satieyofom wo, haari na i ni bere sanga di diire wo mmoo." ³ Do na wo bo bu ahin mienu ni, i ja, ⁴ "Nzen ambere be nu la i nbocem yaa, na kun miniiri, i mi yo se wo? I yaki nbocem aburangona ni ngonam ni boro n nu wo, na i ko nienie kun n bo wo mini ni haari i ba nyuri i. ⁵ Sanga bo i ba nyuri wieeri ni, na i ahore jo na i fa i fa bo i bete, ⁶ na i fa i fa ba awuru. Do na i fere i danfom ni i tanafom kere na bu tien bu noo, na i se bu ka, 'M ahore ajo ka ma nyuri m boe n bo i miniiri ni. Nyini ti, am ma m ni ambere kere kunnu jo.' ⁷ M suse am wo lee, ka, i ti so o lee, nzen sono kun kaakiiri i wo, ahorejo wo Nyeme dika n tu tara mine aburangona ni ngona bo bu ja bu yo sa bo i ko atin su Nyeme do na wo yo ma daka ka bu kaaki bu wo ni."

Mienu fa ko nwaa n bo i miniiri n jore

⁸ Na Yesu abo bu mienu bekun, i ja, "Nzen bara be la i jete nwaa buru, na kun miniiri, i mi yo se? I so sin su wo, na i kpaa bara ye awuru n nu, na i nienie deke n kere, haari i ba nyuri i. ⁹ Na sangha bo i ba nyuri ni, i fere i danfom ni i tanafom kere, na bu tien bu noo, na i se bu ka, 'M ahore ajo ka ma nyuri m nwaa n bo i miniiri ni. Nyini ti, am ma m ni ambere kere kunnu jo.' ¹⁰ M suse am wo lee, ka, i ti so o lee, nzen satieyofom kun kaakiiri i wo, ahorejo wo Nyeme merkem n do."

Mienu fa ko bie be bo i wa miniiri n jore

¹¹ Na Yesu akaaki abo bu mienu be bekun, i ja, "Sono be yo woori bere a, i la nbaabiesom nnyo. ¹² Ceen n be so o, na kaan n ase i si n ka, 'M si, kpaaki u aja kere nu na a fa m dee ma m kisa.' Na i si n akpaaki aja n nu, na wo fa bu nnyo n kere dee ama bu. ¹³ Wo ce ma, na kaan n ato i dee nenje n kere bo i si n fa maari i ni. I nyaari nwaa n wieeri so ni, na wo yasu ako asien dede be su. Do na wo ko adi nwaa ni ngbeenngbeen haari na i kere aba awie. ¹⁴ Sangha bo i ba diiri nwaa n kere wieeri n na ahoc bambaka be ato nyini asien n su. Do, wo la ma pui bo i di kun. ¹⁵ Nyini ti, na wo fa i nyu ako awura nyini asien n su miebaa be saa nu, ka i yo juma ma i mi ni, adena i nya diire di. Do na miebaa n afa i ako i fiesu ka i ko sunie i afam dika. ¹⁶ Na ahoc aba ati i agaya, haari i ba koro ka i di afam dee diire n be mmoo o, ama, be ama ma i deke be na i di. ¹⁷ Kasin, na wo ba anu i nyu ngbeen fa ko sa n bo wo yo i n su, na wo bu i tii nu, na wo se i nyu ka, 'M si npadifom kere di diire wo na i ka, ama, mini ba wo fen suwu ni ahoc n a. ¹⁸ M kpie m nyi ko m si do o, na m ko se i ka, 'M si, ma do Nyeme ni woro kere ngasi. ¹⁹ I ti ma ye ni ka a fere m ka u wa kun, fa m yo u npadifom ni kun.'" ²⁰ Do na wo yasu na i kpie i nyi ko i si do.

Sanga bo i toko wo dede suba ni, na i si n anu i, na wo si i anjufo agaya. Na wo nmati akpa i atin, na wo fa i saa abara aye i, na wo biti i. ²¹ Na baa n ase i si n ka, 'M si, ma do Nyeme ni woro kere ngasi. I ti ma ye ni ka a fere m ka u wa kun.' ²² Ama, na i si n afere i akoom, na wo se bu ka, 'Am ko ndende na am ko nie suturam kere nu bo i ti kpa,

na am fa ba wura i, na am fa ngaa ba wura i saa maraka, na am fa gbagbaa ba wura i jaa. ²³ Na am nya ko nie naanim n nu, na am tara bo i la anyunuyi bra, na am ba kpie i kom yo i donngu, na am ma ya di na ya nu. ²⁴ Dama m ahin wa ni, i wuuri wo, ye wo tenge a, i miniiri wo, ye ma nju i a.' Do na ba bo i bu ni di ni nu.

²⁵ Nyini sangga n kere baakpien n toko wo fiesu. I ba suba awuru, na sangga bo i ba dodoori awuru n na wo ti ka bu wo agore go su ni jue. ²⁶ Do na wo fere i si akoom kun, na wo bisa i ka, 'Nzu sa yoori awuru a?' ²⁷ Na akoo n abo i nu ka, 'U niema ye wo ba awuru a, ye u si ama noo ye ya kpie naani bo i la anyunuyi n kom, dama u niema n aba awuru ni laifie n ti.' ²⁸ Na yaa ati baakpien ni agaya, haari na wo kete ka i wura ma awuru n nu. Nyini ti, na i si n afite aba asere i jande ka i wura. ²⁹ Ama, na wo se i si n ka, 'Ti fen, afo nye nye lee bo m wo u do yo juma ma u, ka m ti akoo o, ma kete ma u noanie be. A koro ama ma m putiripui, haari sirimbaa mmoo ka m gusu fa na m ni m danfom fa di na ya nu. ³⁰ Ama, u ahin wa n yiri, wo fa u aja bo a fa ama i n ako boro, na wo ko ayo i koroowa ni nbarasakaram. Haari ni nyini n kere ni, i kpieeri i nyi ba juuri awuru ni, a ma noo ka bu kpie naani bo i la anyunuyi n kom ma i.' ³¹ Na i si n ase i ka, 'M wa, sangga kere mini ni woro wo bere a, deke kere bo i ti m dee ti u dee wo. ³² Ama, wo yo daka ka ya di na ya nu na ya go agore, dama u niema ni, i wuuri wo, ye wo tenge a, i miniiri wo, ye ma nju i a.' "

16

Mienu fa ko amuisufo kpien n bo wo la ma dabunju ni

¹ Na Yesu ase i susufom n ka, "Bie nengfo be woori bere a, i la i amuisufo kpien bo yiri nie i nenge n kere su a. Na minem aba nengfo n do aba se i ka i amuisufo kpien ni susaaki i nengem ni. ² Nyini ti, na wo fere i, na wo se i ka, 'M suti jore nbem fa ko u do. Nyini ti, ba bu akunta kere m na m si kabo a bita m nengem barasu, dama a koro nie ma bu dika kun.' ³ Na amuisufo kpien n ase i tii nu ka, 'Ye kisa na m mibie ni sufom m fite m juma n nu ni, m yo se wo? M la ma fanga bo m koro do, m gusu nyunu asin ni bo m nati susere. ⁴ Eenheen, kisa m si kabo m yo, na haari nzen m ba fuunri m juma ni, m fun ma m danfom bo m ko wo bu do.' ⁵ Nyini ti, na wo fere minem kere bo bu bita i mibie n kaari n kun kun. Na wo bisa ciciri su dee sono n ka, 'A bita m mibie n kaari nye wo?' ⁶ Na wo bo i nu ka, 'M bita i nguin nzue so ganga yaa kun wo.' Na amuisufo kpien n ase i ka, 'De u kaari kadasi ni, na a tana, na a kere ka a bita ganga aburunu wo.' ⁷ Na wo nya abisa nyinga gusu ka, 'Ye woro di, a bita kaari nye wo?' Na wo bo i nu ka, 'M bita i alembaa pirim boto yaa kun wo.' Na amuisufo kpien n ase i gusu ka, 'De u kaari kadasi na a kere ka a bita pirim boto aburamocue wo.' ⁸ I mibie juuri so ni, na wo kansa i fa ko nyini ngonle bo i la i n su, haari ni bo i la ma dabunju ni. Kabo i ti lee, durunya n nufom la ngonle fa ko durunya n nu dee sayoowam n su tara minem bo Nyeme ma bu wo wein n nu ni."

⁹ Na Yesu ase bu bekun ka, "M suse am wo lee, ka, am fa durunya n nu dee fin ajeki bo am la i n fa tara danfoya, adena ajeki n ba nmati yakiiri am, na minem ba de am wura woobiri kpa bo i la ma awieeri n nu.

¹⁰ Sono kere bo minem koro daafi i nju ka i bita deke kaan ni nahore atin, yiri ye bu koro daafi i nju ka i bita deke bambaka mmoo ni nahore atin a. Ama, sono kere bo bu koro daafi ma i nju ka i bita deke kaan ni nahore atin, bu koro daafi ma i mi nju ka i bita deke bambaka mmoo. ¹¹ To, nzen ambere la ma dabunju bo am koro bita durunya n nu dee fin ajekem ni nahore atin, nma fa Nyeme dee ajekem wura am saa nu? ¹² Na nzen am la ma dabunju bo am koro bita be dee ajekem ni nahore atin, nma fa deke bo i ba yo am tienju dee ma am a?

¹³ Sono kun koro sangga su ma mibiem nnyo. Nzen i nja i yo so, i kpo kun n wo, na i koro nyinga ni, wara, i boro i nyi su kun wo, na i bu nyinga ni ngbeen. Am koro sangga su ma Nyeme ni ajeki."

Kabo Yesu tuuri Farasifom fo barasu ni

¹⁴ Sangga bo Farasifom n tiiri ahin n kere n so ni, na ba siri i, dama bu ti njwaa korofom wo. ¹⁵ Na Yesu ase bu ka, "Ambere nja am ti minem bo bu yo sa bo i ko atin su Nyeme do na minem nju am n a, ama, Nyeme yiri si am ahore su kere. Dama deke bo adamande sunsunka i nju nyi ma ni, nyini ye Nyeme kpo i a.

¹⁶ Nyeme Jore Kadasi n bo Moyisi ni Nyeme noanie kanfom kereeri i n wo bere ka, ye Yohane nya baari a, nyini n sin, na ba kan labari kpa n akere minem fa ko Nyeme femeya n su, na sono kere suboro i nyi ka i kpini atin na i wura nu. ¹⁷ I ti ma kekereke na angoro ni asienju kere ba mini, ama, Nyeme dee noanie kpamaawa n kampiti so mmoo ka ma ngbeen.

¹⁸ Sónò kéré bo i faari i yi jjiiri na i jaari bara fòfòrè, i mi n asaaki ajaa ciire lèè. Na sónò kéré bo i jaari bara bo wò fite i hun ajaa bu, i mi n asaaki ajaa ciire lèè.”

Miènu fa kò nenggefò be ni Lazarosi jòrè

¹⁹ Na Yesu ase bu ka, “Nenggefò be yo woori béré a, sanja kéré sanja, i wura sutura kpa kpa bo i la gò ɔ, na i sudi i koroowa cèen n kéré cèen. ²⁰ Na yaarifò be gusu wo béré, bu fere i ka Lazarosi, kambue abara aye i deke kéré. Na bu sufa i ba tana nenggefò n anò nu, ²¹ adena nenggefò n ba sudi diire, na nzen be tótò asienggu, na i gusu fa di. Haari na caam ba sutafi i kambue n nu. ²² Na sónò yaarifò n aba awu, na Nyeme merekem aba afa i ako angoro Abraham bi. Na nenggefò n gusu aba awu na ba se i, ²³ na yiri ako Yiweefòm Woobiri. I wo wahara di su dò sò ni, na wò ye i tii su anju Abraham dede dò, Lazarosi wo i bi. ²⁴ Dò na wò bo afere Abraham ase i ka, ‘Ya si Abraham, si m anjunfo. Na a sunma Lazarosi na i fa i saa maraka dò nzue nu na i fa ba dò m taferema, dama m wo wahara bambaka nu wò, sin nu fen.’

²⁵ Ama, na Abraham ase i ka, “Tenge su ka sanja bo a la ngɔɔ wo durunya n nu ni, a yoori u koroowa a, na Lazarosi yiri adi durunya n nu wahara n kéré. Ama, kisa yiri wo fie di su, ye wòrò wo wahara di su n a. ²⁶ Bekun, kunna ngonggo wo u ni yerè afien, bo be koro fite má fen na i kò u bi. Be gusu koro fite má u bi dò na i ba ya dò fen.’ ²⁷ Na nenggefò n ase ka, ‘Ya si Abraham, m sere u wò, ka a sunma Lazarosi na i kò m si awuru n nu, ²⁸ m ninbaam nnu wo dò, na i kò bóbò bu ka bu si bu ñu sa na má bu bá wo ahin wahara bambaka woobiri n bo m wo ni.’ ²⁹ Na Abraham ase i ka, ‘Nyeme Jòrè Kadasi n bo Moyisi ni Nyeme nɔaniè kanfòm kéré maari bu ni, i wo bu dò. Wò yo daka ka bu so bu sui na bu ti i bu, na bu si bu ñu sa.’ ³⁰ Na nenggefò n ase i ka, ‘Ya si Abraham, bu dé má i. Ama, nzen sónò fiteeri minem bo ba wu n dò kòori bu dò, bu káaki bu wo.’ ³¹ Ama, na Abraham ase i ka, ‘Nzen ba so má bu sui na bu ti Nyeme Jòrè Kadasi n bo Moyisi ni Nyeme nɔaniè kanfòm kéré maari bu ni, haari nzen sónò tengeeri i yiwee n nu mmɔɔ baari, bu dé má i.’ ”

17

Kabo Yesu kereeri minem fa kò nyemesu barasu ni

¹ Na Yesu ase i susufòm n ka, “Sam nbem bo bu yo na bu fa mine wura satie nu ni, nyini sam ni bá yo sanja kéré, ama, anyumboro wo sónò kéré bo i ma nyini sam yoori n dò. ² Nzen má bu faari ngani san yabue ciciiri i mi kòm na bu fa i kò tuuri tieku nu mmɔɔ, má i ti ye tara bo i mi ma ahin yaradayofòm n be wura satie nu.

³ Nyini ti, am si am ñu sa. Nzen wòrò kéré bo u niwa yoori u satie be, jaraki i, na nzen i kaakiiri i wo, na a fa i satie n ce i. ⁴ Nzen i yoori u satie kò jinaari haari kpe nso mmɔɔ wie kun nu, na i baari u dò ba seeri u ka, ‘Ma yo u satie,’ fa i satie n ce i.”

⁵ Na Yesu jaramasam n ase i ka, “Buka ya na ya yarada yo biiwa.” ⁶ Na Mibie n ase bu ka, “Nzen má am la yarada bo i kò ju kabo nyem mbaa ti ni mmɔɔ, má am koro se ahin koto baka n ka, ‘Kpekiti ni u bunlui n kéré na a kò jina tieku n nu,’ má i de am nɔaniè n wò.

⁷ Ma m fa i ka, am nu, nzen be la akòɔ na i wo fiesu wara i sasa nbòem wò, na i ba baari awuru, am nu ñma ye i kaba se akòɔ n ka, ‘Ba tana na a di diire’ a? ⁸ Am be se má i sò da. Ama, kabo a se i n la ka, ‘Yo m diire siriyi, na a jina ñminda na m di na m nu ka, na a nya kò yo u dèè di.’ ⁹ Nzen u akòɔ n deeri u nɔaniè na i yoori juma bo a se i ka i yo i ni, a se má i ka, ‘M da u asi.’ ¹⁰ I ti sò ɔ lèè, amberè gusu dò, sanja bo am ayo juma n kéré bo am mibie n ase ka am yo i ni, am se ka, ‘Yerè ti akòom wò, ya ti má ye ni ka bu kansiyi, dama ya juma lèè, ye ya yo i n a.’ ”

Kabo Yesu tuntuunri kokofò buru nbem na bu nyaari laifè ni

¹¹ Sanja bo Yesu suko Yerusalem mie kpiri n nu ni, na wò sin Samariya ni Galili awòrem n afien. ¹² I kò ña i wura mie kaan be nu, na i ni kokofò buru nbem aye. Na ba jina dede ¹³ atien kpa ka, “Ya Mofò Yesu, si ya anjunfo.” ¹⁴ I ñuuri bu sò n na wò se bu ka, “Am kò na am kò fa am ñu kere Nyeme sayoowa dɔnguyofòm ni, na bu fiiti am na bu nie.” Na ba de atin suko, bu wo kò su n na bu kéré anju ka ba nya laifè. ¹⁵ Dò na bu nu kun ñuuri ka wò nya laifè sò ni, na wò kpìe i nyi aba Yesu dò sutien kpa sukansi Nyeme. ¹⁶ Na wò ba akutu haari Yesu jaa bu asienggu, na wò da i asi. Nyini sónò n ti Samariyafò ɔ. ¹⁷ Dò na Yesu abisa ka, “Má mine buru nyaari laifè a, ye ngóna nyingam n wo ni? ¹⁸ Nzu ti ye ahin sónò n bo i ti má Yudafò ni ngumi aba ka i ba da Nyeme asi a?” ¹⁹ Dò na wò se sónò n ka, “Yarada n bo a yo m ni, yiri ma a nya laifè a. Yasu na a kò awuru.”

Kabo Nyeme Feme bá nie i minem su barasu ni

²⁰ Na Farasifo nbem abisa Yesu ka, "Ye sangá bono ye Nyeme Feme bá nie i minem su a?" Na wo bo bu nu ka, "Sa be wo má bere bo i koro kere am sangá bo Nyeme Feme bá nie i minem su. ²¹ Be se má ka, 'Am nie, yiri yaa fen,' wara, 'Yiri lee do.' Dama m se am nahore wo lee ka, Nyeme wo am nu fen jina n nu, sunie i minem su."

²² Na wo se i susufom ni ka, "Sangá suba bo am bá koro ka am nu mini Adamande Wa n ba sangá ni, haari ceen kun mmoo, ama, am nu má i. ²³ Nbem bá ba na bu sé am ka, 'Am nie, yiri lee do,' wara, 'Yiri yaa fen.' Ama, má am fite ko su bu su. ²⁴ Dama mini Adamande Wa n ba ceen ni, i ti kabo nzue kpese na i ta papasi bara ye deke kere n wo. ²⁵ Ama, kana ahin kere bá yo, wo yo daka ka m du mo di wahara beberebe, na ambere nyumafom bá kete m.

²⁶ Mini Adamande Wa n ba sangá ni yó kabo ya na Nowa sangá na i yoori n wo. ²⁷ Nyini sangá ni, sono kere woori di ni nu su wo, na nbaram ni nbiesom suja bu bengum, fa ko juuri haari ceen n bo Nowa wurraari lee bambaka n nu, na wombu n ba diiri deke kere n wo. ²⁸ I yo so o lee bekun, ka Loti dee sangá ni. Nyini sangá ni, sono kere woori di ni nu su wo, na nbem suto, na nbem suto, na nbem suddo dodoori, na nbem suta fa. ²⁹ Ceen n bo Loti fa yasuuri Sodom mie kpiri n nu ni, nyini ceen n ye sin ni ferewita sin fiteeri angoro a, na wo ba ato mie n nu adi deke n kere. ³⁰ Kabo ceen n bo mini Adamande Wa ni bá yi m nu kere lee."

³¹ Na Yesu akaaki ase ka, "Nyini ceen ni, woro kere bo a wo kpata nu, na u nenje wo awuru n nu, má a wura gisan nu fa pui. I ti so o lee, woro kere gusu bo a wo fiesu, má a kpie u nyi ko awuru. ³² Am tenje su fa ko sa bo i yoori Loti yi ni. ³³ Dama sono kere bo i na i kpini i ngoo busu, i mi bá fun i, ama, na sono kere bo i toori i ngoo maari m, i mi nyá ngoo. ³⁴ M suse am wo lee, ka, nyini ceen n kongue, mine nnyo o dá dasu kun su wo daafiri su a, na Nyeme má bu bá fa kun n ko yaki kun ni. ³⁵ Na nbaram nnyo kási wo ngani san su, na Nyeme má bu bá fa kun n ko yaki kun ni. [³⁶ Na biesom nnyo bá wo juma yo su fiesu, na Nyeme má bu bá fa kun yaki kun ni.]" ³⁷ I susufom tiiri so ni, na ba bisa i ka, "Ya Mibie, nifansu ye ahin sam kere bá yo a?" Na wo bo, nu fan ka, "Deke kere bo deke fuin nya wo, petem bara ye do o."

18

Mienu fa ko bara kunofo n ni joredifo be jore

¹ Do na Yesu abo mienu akere i susufom n ka wo yo daka ka bu sere Nyeme sangá kere, na má bu yaki i sere. ² I na, "Joredifo be woori mie be su a, i soro má Nyeme, na i kaaki bu má be. ³ Na bara kunofo be awo nyini mie n su, sangá kere i ba joredifo n do o, na i ba sere i ka, 'Jore bo mini ni m kpofo n bita i ni, buka m na m nya nahore.' ⁴ Na wo ce bo joredifo n bo má i n nu. Ama, na kasin, na wo ba asunsun i ti nu, na wo se ka, 'Haari ni bo m soro má Nyeme na m bu má be ni, ⁵ ama, kabo sangá kere na ahin kunofo n bita kpie m daafiri n dee ti, m má i nya nahore wo. Nzen ma yo má so, i suba m do so o, haari i bá ma m wara yi m nu.' "

⁶ Na Yesu akaaki ase bu ka, "Ye m na am ati kabo nyini joredifo findifo n seeri ni. ⁷ Ye nzu ti ye Nyeme búka má i dee minem bo bu sun fere i kongue ni wiesu kere a, na bu nyá nahore a? I cé má ni bu buka. ⁸ M suse am wo lee, ka, i búka bu wo na bu nya nahore ndende. Ama, haari ni nyini mmoo, sangá bo mini Adamande Wa n ba baari, m bá nu minem bo bu toko yo m yarada, nzen se a? Ai, m nu má be."

Mienu fa ko Farasifo n ni lampodefo n jore

⁹ Na Yesu akaaki abo ahin mienu n akere minem bo bu sunsun ka bere yo sa bo i ko atin su Nyeme do na bu bu má be ni. ¹⁰ I na, "Ceen n be so o, na mine nnyo nbem ako ka bu ko sere Nyeme, Nyeme Sereebiri Awuru n nu. Kun n ti Farasifo o, na nyinga n ti lampodefo. ¹¹ Na Farasifo n ajina i ngumi abo i ngumi abo i ngumi abo, 'Micera Nyeme, m da u asi ka m ti má kabo mine nyingam ti barasu ni. M ti má anyiifo, m ti má findifo, m saaki má ajaa ciire, haari m ti má ka nyini lampodefo n bo i jina do ni. ¹² Leso kun kun kere nu, m cici m nnoo kpe nnyo nnyo o, na deke buru kere bo m la i, m yi i kun kun ma u wo.' ¹³ Ama, na lampodefo n ajina dede, haari wo koro má ka i ye i ti su nie angoro mmoo, na wo fa i saa ataka i benggu nu, na wo se ka, 'Micera Nyeme, m ti satieyof o, si m anjuno.' " ¹⁴ Na Yesu ase ka, "M suse am wo lee, ka, nyini mine nnyom ni sereeri Nyeme wieeri, na bu ko juuri awuru ni, Nyeme deeri lampodefo ni ka i ti sono bo i yo sa bo i ko atin su i do a, má Farasifo ni. Dama sono kere bo i wura i nu kpiri, Nyeme yó i kaan wo, ama, na sono bo i yo i nu kaan, Nyeme wura i mi kpiri wo."

Kabo Yesu yoori nbaatumam kisi ni

¹⁵ Ceen be na mine nbem sufa bu nbaam ba Yesu do ka i fa i saa nana bu nu na i yo bu kisi. I susufom n nyuri i so ni, na ba tien minem n nu. ¹⁶ Ama, na Yesu afere nbaatumam ni, na wo se ka, "Am ma nbaatumam n bra m do, ma am fon bu. Dama bere nyusu so ye Nyeme femeya n ti bu dee a. ¹⁷ Nahore ye m suse am n a, woro kere bo a de ma Nyeme femeya n nu jore kabo baatuma de deke i saa nnyo ni, a wura ma Nyeme femeya n nu fieo."

Nengefo n ni nyemesu jore

¹⁸ Na Yudafo nkpienkpienm be abisa Yesu ka, "Ya Kerefo sono kpa, m yo se ye m ba nya ngoo n bo i la ma awieeri n a?" ¹⁹ Na wo bo i nu ka, "Nzu ti ye a fere m ka sono kpa a? Be ti ma kpa sin Nyeme nu. ²⁰ Ye m na a si Nyeme noanie maawam ni e, bu na, "Ma a saaki ajaa ciire. Ma a kun sono. Ma a wo. Ma a di kore daani. Bu u si ni u ni." ²¹ Na sono n ase i ka, "Ma su nyini noanie maawam n kere su haari m kaan nu." ²² Yesu tiiri so n na wo se i ka, "Deke kun be ye wo kpie u su a. Ko na a ko to u aja n kere, na a fa nwaan ma yaarifom, na a ba nya ajeko Nyeme do, na a bra ba su m su." ²³ Ama, sono n tiiri so n na i ahore asaaki, dama i la nenge agaya n dee ti. ²⁴ Na Yesu anie sono n nyunu, na wo se i ka, "I ti kekereke bo nengefo wura Nyeme femeya n nu. ²⁵ Kabo nyoma sin misini bue nu ni, i ti ma kekereke tara ma kabo nengefo yo na i wura Nyeme femeya n nu." ²⁶ Minem ni tiiri so ni, na ba bisa ka, "Ye nzen i ti so e, nma koro fite nu a?" ²⁷ Na wo bo nu ka, "Deke bo adamande koro yo ma i, Nyeme koro yo i."

²⁸ Na Petoro ase i ka, "To, ye yere ayaki ya dekem kere susu u su e." ²⁹ Na wo se bu ka, "Nahore ye m suse am n a, sono kere bo i yakiiri i awuru, wara i yi, wara i ninbaam, wara i wufom, wara i nbaam, Nyeme femeya n dee ti, ³⁰ i mi nya nyinin nyusu so yaa i ngoo su, na fa ko fa ba, i nya ngoo n bo i la ma awieeri ni."

Kabo Yesu joko fa koori i yiwee n su kpe nsan su ni

³¹ Na Yesu afere i susufo buru ni nnyom n ako aheme, na wo se bu ka, "Am ti fen. Ya suko Yerusalem lee, do ye bu ko yo mini Adamande Wa n kabo Nyeme noanie kanfom akere ka bu yo m n a. ³² Na bu fa m wura minem bo bu ti ma Yudafo saa nu, na bu yo m anzasi, na bu kpie m nzuko, na bu yi nanzue go m nu, ³³ na bu fin m ngbere, na bu nya kun m, na i lesan ceen, na m tégge m yiwee n nu." ³⁴ Ama, i susufom n ati ma i jooowa n be bu. Nyeme ayi ma i nyi akere ma bu, nyini ti, ba koro ati ma i bu.

Kabo Yesu tuntuunri anyinsin be na i nyuri asi ni

³⁵ Sanja bo Yesu ko sudodo mie kpiri be bo bu fere i ka Yeriko ni, na anyinsin be tana atin n oo su wo sere su. ³⁶ I tiiri ka jama n wo sin su ni, na wo bisa ka, "Nzu suyo a?" ³⁷ Na ba se i ka, "Yesu Nazaretifo ni susin a." ³⁸ Do na wo tien afere i, i na, "Yesu, Feme Davidi anuma, si m anunfo." ³⁹ Na minem n atien i nu ka i yaki nanmie. Ama, haari ni nyini mmoo, na wo kaaki atien kpa abuka su ka, "Feme Davidi anuma, si m anunfo." ⁴⁰ Yesu tiiri so n na wo ka ajina, na wo se ka bu fa i bra i do. Na ba fere i ama i. I ba dodoori ni, na Yesu abisa i ka, ⁴¹ "A koro ka m yo nzu ma u a?" Na wo bo i nu ka, "M Mibie, m koro ka a ma m nu asi wo." ⁴² Na Yesu ase i ka, "Nu asi bekun. Yarada n bo a yo m ni, nyini ma a nya laifie a." ⁴³ Kpenga na wo kaba anu asi, na wo su i su, sukansi Nyeme. Jama n nyuri i so n na bu kere gusu akansi Nyeme.

19

Yesu ni Zakayosi dee jore

¹ Yesu ko wuraari Yeriko mie kpiri n nu na wo koro ka i sin. ² Bie be woori do, bu fere i ka Zakayosi, i ti lampodefom kere kpian wo, na i la ajeko agaya. ³ Na wo boro i nyi ka i nu Yesu na i si i. Ama, jama asunnu agaya n dee ti, wo koro anu ma i, dama i ti sono tika a. ⁴ Nyini ti, na wo nmati adu jama n mo ako afun baka na i nu i, dama wo nu ka Yesu fa nyini baka n bu sin a. ⁵ Sanja bo Yesu ba juuri nyini awore n nu n na wo nie angoro, na wo se i ka, "Zakayosi, jura bra ndende, dama wo yo daka ka m yo u wofoo nyuma." ⁶ Na wo jura ndende, na wo ko ade i wofoo ni ahorejo bambaka. ⁷ Na bo bu nyuri i n kere anjuti. Bu na, "Ahin sono n ako na i ko da satieyofa dika." ⁸ Na Zakayosi ayasu ajina, na wo se Mibie n ka, "M Mibie, ti fen. M kpaaki m ajeko kere nu busu nnyo, na m fa buekun n ma yaarifom. Na nzen ma sisi be, m to i so nyusu nna, na m fa ma i mi." ⁹ Na Yesu ase i ka, "Nyuma dee ceen n nu, Nyeme ade ahin awuru n nufom tii aji, dama ahin sono ni mmoo ti Abraham busu nufoo. ¹⁰ Nahore, mini Adamande Wa n baari ka m ba nienie minem bo ba mini n wo na m de bu tii ji."

Mienu fa ko akoo buru nbem dabunu n jore

¹¹ Saŋga bo minem ni toko so bu sui ti ahin jorem bo Yesu sujojo bu ni, na Yesu akaaki abo bu miɛnu be, dama nyini saŋga ni wo ka kaan so na i wura Yerusalem mie kpiri n nu, na minem asunsun ka saŋga n akaba aju bo Nyeme ba nie i minem su lee. ¹² Nyini ti, na wo se bu ka, "Feme baa be yo woori bere a, cɛɛn be so o, na wo yasu ka i ko asien dede be su ka i ko di femeya na i kpie i nyi ba." ¹³ Kana i ba ko ni, na wo fere i akoom buru, na wo fa njaa akpaaki bu kere nu, na wo se bu ka, "M ko wieeri, ambere si kabo am yo ahin njaa n a, haari m ba kpie m nyi ba." ¹⁴ Nyini sono n gusu, i minem akoro ma ka i yo bu feme, bu kpo i wo, nyini ti, na ba sunma minem ka bu ko se ka, "Ya koro ma ka ahin sono n ba yo ya feme."

¹⁵ Na sono n ako adi femeya ni, na wo kpie i nyi aba. I ba juuri kpenga i kaba tieɛnri i akoom ni nɔo o, adena i si kperɛ bo ba nya i fite i njaa bo i fa maari bu n nu. ¹⁶ Na akoo n bo i du mo baari n ase i ka, "M mibie, u njaa n bo a fa maari m ni, ma nya i njusu buru abuka su." ¹⁷ Na i mibie n ase i ka, "Nfan. Woro akoo kpa, kabo a kere ka a la dabuju nie deke kaan su ni, m ma a nie miem buru su." ¹⁸ Na akoo n bo i to su nnyo su n aba, na wo se ka, "M mibie, u njaa n bo a fa maari m ni, ma nya i njusu nnu abuka su." ¹⁹ Na wo se nyini n gusu ka, "M ma a nie miem nnu su." ²⁰ Na akoom n kun be aba ase ka, "M mibie, u njaa n bo a fa maari m yaa, m fa pɔondiiri sanvuin nu fa seeri wo." ²¹ M soroori sere wo, dama a ti u sono fangafa o. A de deke bo i ti ma u dee, na a kaaki kpie deke bo a do ma i." ²² Na wo se akoo n ka, "Woro akoo tiefo ni, u nɔanie n bo a jojo i n ye m fa yo u njbɛɛn a. A na a si tenle ka m ti m sono fangafa o, na m de deke bo i ti ma m dee, na m kaaki kpie deke bo ma do ma i, ma so?" ²³ To, ye nzu ti ye a fa ma m njaa n ako ase ma banjifom do a? Na ma m ba kpieer m nyi baari, ma m nya kperɛ buka su." ²⁴ Do na wo se bo bu jina do n kere ka, "Am de njaa n fite i do, na am fa ma akoo n bo wo nya m njaa n njusu buru abuka su ni." ²⁵ Ama, na ba se i ka, "Ya mibie, ye yiri du mo la u njaa n njusu buru e." ²⁶ Na wo se bu ka, "M suse am wo lee, ka, sono kere bo i la deke be, bu ma i be buka su wo. Ama, sono kere bo i la ma pui, haari ni nyini kaan n bo i la i ni, bu cin de i do o." ²⁷ Ama, m ahin kpofom bere yiri, ma ba koro ma ka m yo bu feme, am fa bu ba jina m nyunu fen na am kun bu kere."

Kabo Yesu wurari Yerusalem ka feme dee su ni

²⁸ Yesu seeri so wieeri ni, na wo du bu nyunu na bu ko Yerusalem mie kpiri n nu. ²⁹ I ba dodoori miem bo bu fere bu ka Befage ni Betani, nyini miem ni dodo buka n bo bu fere i ka Oliva Buka n wo, dama oliva bakam go su wo. Do na wo sunma i susufom n nu nnyo, ³⁰ na wo se bu ka, "Am ko mie kaan n bo i wo am nyunu do ni, am ko na am wura mie n nu, am nu ka kaakobaa be minda, be nya fun ma i. Am nyangi i bra fen." ³¹ Nzen be bisaari am ka nzu ti ye am sunyangi i a, am se i ka Mibie ni koro i a." ³² Na bere n bo i sunmaari bu n ako, ako anu kaakobaa n ka i minda kabo i seeri bu ni. ³³ Saŋga bo bu sunyangi i ni, na i fom n abisa bu ka, "Nzu ti ye am sunyangi kaakobaa n a?" ³⁴ Na ba bo bu nu ka, "Mibie ni koro i a." ³⁵ Na ba fa i aba Yesu do, na minem n atereki bu suturam anana kaakobaa n nu, na ba buka Yesu na wo fun. ³⁶ I fun tanaari su wieeri n na i wo ko su ni, na minem n afa bu suturam atereki ase atin n nu. ³⁷ Saŋga bo i ba dodoori Yerusalem mie kpiri n nu, fa ko awore n bo i atin kaba cɔondi Oliva Buka n su ni, na i susufom beberebe sukansi Nyeme ni ahorejo, na bu subo kuyigindi, dama ba nu alektura sakpakpam bo wo yo i n dee ti. ³⁸ Bu na,

"Terefie wo feme n do,

Yiri n bo i suba Micera n dee duma n nu ni.

Ahoreda wo angoro,

na kansu wo Nyeme bo i wo angoro n do."

³⁹ Do na Farasifom nbem bo bu wo jama n nu n ase Yesu ka, "Ya Kerefɔ, tien u susufom n nu ka bu yaki nanmie." ⁴⁰ Na wo se bu ka, "M suse am wo lee, ka, nzen ma bere yakiiri nanmie, ma am nu ka yabuam bo bu da bere n ayasu suyo nanmie."

Kabo Yesu suunri Yerusalemfom n dee ti ni

⁴¹ Saŋga bo Yesu ba dodoori Yerusalem mie kpiri n na i njuri i so ni, na wo sun mie n dee ti, ⁴² na wo se ka, "Nzen ma nyuma dee cɛɛn n nu am si sam bo bu fa ahoreda ba ni, ma i ti ma so. Ama, kabo i ti ni, am koro nu ma nyini sam ni." ⁴³ Saŋga ni suba bo am kpofom ba ta kanda bara ye am deke kere na am koro fite ma nu. ⁴⁴ Bu kun am ni am nbaam, na bu fufu am ahin mie n kere pepere, haari yabue kun n kpein mmoo ba nana ma i benggu su. Ahin n kere ba yo so, dama am asi ma saŋga n bo Nyeme baari ka i ba de am tii ji ni."

Kabo Yesu fɔonri watafom fiteeri Nyeme Sereebiri Awuru n nu ni

⁴⁵ Dɔ na Yesu ako awura Nyeme Sereebiri Awuru n nu, na wo bo i bu sɔfɔn yi watafɔm, ⁴⁶ na wo se bu ka, "Ba kere i Nyeme Jɔre Kadasi n nu ka, Nyeme ɔa o, 'M awuru ni, bu bá fere i ka awuru bo bu bá sere Nyeme nu.' Ama, amberɛ afa i ayo awiefɔm fieɛbiri."

⁴⁷ Cɛɛn n kere cɛɛn, Yesu kere minem wo Nyeme Sereebiri Awuru n nu. Na Nyeme sayoowa dɔnguyofɔ nkpienkpienn, ni Nyeme noanie kerefɔm, ni Yudaɔfɔm teretereɔfɔm n akoro ka bu kun i, ⁴⁸ ama, ba koro anya má atin, dama minem n kere koroori ka bu so bu sui wo, na bu ti i kereewam ni.

20

Kabo bu bisaari Yesu deke bo i yiko n fite ni

¹ Cɛɛn be sɔ o, Yesu wo Nyeme Sereebiri Awuru n nu sukere minem, na i sukan labari kpa n kere bu. I wo kere su n na Nyeme sayoowa dɔnguyofɔ nkpienkpienn, ni Nyeme noanie kerefɔm, ni Yudaɔfɔm nkpienkpienn aba i dɔ ² aba ase i ka, "Nɔma dɛɛ yiko nu ye a yo nyini sam kere a? Kan na ya ti. Nɔma ma u nyini yiko ni, ye a yo nyini sam n a?"

³ Na wo bo bu nu ka, "Am ma m du mo bisa am bisaawa kun be ka. Kisa, amberɛ kan na m ti, ⁴ nɔma maari Yohane atin ye i ba bieeri minem Nyeme n zue n a? Nyeme nzen adamande?" ⁵ Na ba bisa bu nɔnu nu kabo bu bo i nu barasu, bu ɔa, "Nzen ya seeri i ka Nyeme maari i atin a, i bisa ya ka, ye nzu ti ye ya da má Yohane ɔu a?" ⁶ Ama, nzen ya seeri i ka adamande dɔ, minem kere tú ya yabue wo, dama bu kere soroori su ka Yohane yo tiiri Nyeme noanie kanfo o nahore su." ⁷ Nyini ti, na ba bo i nu ka, "Ya si má sɔno bo i maari i atin." ⁸ Na yiri gusu ase bu ka, "Mini mmoo sé má am sɔno bo i dɛɛ yiko nu na m yo ahin sam n kere ni."

Kabo Yesu boori miɛenu niiri Yudaɔfɔm nkpienkpienn ni

⁹ Dɔ na Yesu abo minem ahin miɛenu ni, i ɔa, "Sɔno be yo woori bere a, na wo dɔ i baka suwa barasu be fie. Na wo nya afa awura i npadifɔm saa nu, na wo ko atin ako ace. ¹⁰ Saɔga ba juuri bo i si ka baka suuwam n abi ni, na wo sunma i akooɔm kun i npadifɔm n dɔ, ka i ko de i dɛɛ bo ba nya i n bra. Akooɔ n ko juuri ni, na ba tara i abo i, na ba fɔn i akpie i nyi i saa nɔgbɛɛn. ¹¹ Na fie n fɔ n asunma i akooɔ n kun bekun, na ba tara i abo i, na ba kpa i nyinye, na ba ma wo kpie i nyi i saa nɔgbɛɛn. ¹² Kpe nsan su ni, na wo sunma akooɔ nyinga, na ba tara i abo i, na ba ma i mandim, na ba fa i atu baka suuwam fie n aheme. ¹³ Dɔ na fie n fɔ n ase ka, 'Ye m yó se wo lee kisa? M sunma m tienɔgu wa koroowa n wo, beni, bu má yiri jirima.' ¹⁴ Ama, saɔga bo npadifɔm n juuri ka baa ni suba ni, na ba se bu nɔnu nu ka, 'I wa n bo i dí i aja n lee suba n a. Am bra na ya kun i, adena aja n kere ká ya dɛɛ.' ¹⁵ Dɔ na ba cin i atu baka suuwam fie n aheme, na ba kun i." Na Yesu anya abisa bu ka, "Am sunsun ka fie n fɔ ni yó bu se wo? ¹⁶ I bá kun nyini npadifɔm n kere wo, na i fá fie n wura mine fɔfɔrem saa nu."

Saɔga bo minem ni tiiri sɔ n na ba se ka, "Nyeme yo ya kisi ni nyini." ¹⁷ Na Yesu ace anie bu dɔ na wo se bu ka, "Kabo ba kere i Nyeme Jɔre Kadasi n nu ni, am tiiri i bu se wo? Bu ɔa,

'Yabue n bo bondo tafɔm n faari i tuuri ni,

yiri ye wo kaaki bondo n jaa yabuem kere tii a.'

¹⁸ Sɔno kere bo i kpaasiiri nyini yabue n su, i mi búbu nu wo mumuku, na sɔno kere gusu bo nyini yabue n tɔori i ɔu, i sán i mi samene wo."

¹⁹ I seeri sɔ ni, na Nyeme noanie kerefɔm ni, ni Nyeme sayoowa dɔnguyofɔ nkpienkpienn n akaba akpini atin kabo bu yo na bu tara i, dama bu faari nu ka miɛenu n bo i boori i ni, i bo niiri bere wo, ama, bu soroori minem dɛɛ ti, na ba yaki i.

Kabo bu sɔori Yesu nɔgeɛ lampo to busu ni

²⁰ Nyini ti, na Nyeme noanie kerefɔm ni, ni Nyeme sayoowa dɔnguyofɔ nkpienkpienn n akpini atin kabo bu yo na bu nya Yesu taraabiri. Na ba bo mine nbem ajaakpien ka bu yo bu ɔu ka bu ti mine kpam wo, na bu ba sɔ i nɔgeɛ na bu bisa i noanie nbem, adena bu koro fa i wura gomina yikofɔ n saa nu. ²¹ Na nyini minem n ase Yesu ka, "Ya Kerefɔ, ya si ka u noanie joɔɔwa ni u kereewa kere ti nahore wo, na a tantambu má nu, ama, a kere minem wo nahore su kabo Nyeme atin ti barasu. ²² To, ya dɛɛ atin n su, atin wo nu ka ya to lampo ma Romaɔfɔm Feme Kpiri Siza, nzen atin wo má nu?" ²³ Ama, na wo fa nu ka bu koro ka bu kpie i mbenle wo, na wo se bu ka, ²⁴ "Am fa nɔwaa bra na m nie." Bu fa baari ni, na wo bisa bu ka, "Am nie ahin nɔwaa ni. Nɔma dɛɛ tii ni i duma wo su a?" Na ba bo i nu ka, "Feme Siza dɛɛ a." ²⁵ Na wo se bu ka, "To, deke bo i ti Feme Siza dɛɛ, am fa ma Feme Siza, na deke bo i ti Nyeme dɛɛ, am fa ma Nyeme."

²⁶ Dɔ na ba ɔu ka bu koro nya má i taraabiri minem nyunu bere, ama, kabo i boori bu nu n dɛɛ ti, na ba mie, na ba to amuna.

Kabo bu bisaari Yesu fa kɔɔri yiwee tenje jɔre su ni

²⁷ Na Yudafoɔm aseɛe barasu nbem bo bu fere bu ka Sadusifoɔm ni, aba Yesu do. Bu deɛ kereewa la ka Nyeme teɔnge ma minem bu yiwee nu n a. Na ba ba abisa i jore be, bu ŋa, ²⁸ “Ya Kerefo, Moyisi yo kereeri noanie be maari ya, ka nzen sono wu yakiiri i yi na i ni bara n anya ma baa, wo yo daka ka i niema n fa kunafo n na bu wu nbaam ma goɔo n bo wo wu ni. ²⁹ To, sono be yo laari nbaabiesom nso a, na baakpien n aja bara, na wo wu ayaki bara ni, ba nya ma baa. ³⁰ So ye bo i to i su nnyo su, ³¹ ni nsan su n yoori a, haari fa ko kpuraari nso su ni, bu be mmoo anya ma baa ye bu wuuri a. ³² Kasin na bara n gusu aba awu. ³³ To, kabo bu mine nso n kere aja bara n na ba wu so ni, ceen n bo Nyeme ba tenje minem bu yiwee n nu ni, bara ni ka ŋma deɛ wo?” ³⁴ Na Yesu abo bu nu ka, “Nbaram ni nbiesom bo bu wo bere kisa ni ja ajaa, ³⁵ ama, nbaram ni nbiesom bo Nyeme anu ka bere ti ye ni ka bu ba tenje bu yiwee n nu fa ko fa ba ni, bere ja ma ajaa kun, ³⁶ dama bu wu ma kun. Bu wo bere ka Nyeme merékem wo. Bu ti Nyeme nbaam wo, dama ka ba tenje bu yiwee n nu. ³⁷ Na fa ko kabo Nyeme ba tenje minem bu yiwee n nu ni, Moyisi mmoo yo kereeri ka i ti so o. Wo kere i Nyeme jore Kadasi n nu, fa ko sangá bo sin n jeeri buwe baka n su ni, ka, Micera ni ti Abraham, ni Izaki, ni Jakabu deɛ Nyeme a.” ³⁸ Na Yesu asa su ase bu ka, “To, kabo Micera n ti nyini minem deɛ Nyeme ni, nyini kere ka bu toko la ŋoo leɛ. Nyeme ti ma bo ba wu n deɛ Nyeme, i ti bo bu la ŋoo ni deɛ Nyeme a, dama sono kere ŋoo fite yiri do a.”

³⁹ Do na Nyeme noanie kerefo nbem ayasu ase i ka, “Nfan. Ya Kerefo, u bo nu n ti kpa.” ⁴⁰ Nyini sin, be abo ma su ka i bisa i jore bekun.

Kristo Tiidefo n bo i ti Feme Davidi anuma n jore

⁴¹ Na Yesu ajojo minem do fa ko Kristo Tiidefo n su, na wo bisa bu ka, “Ye nzu ti ye bu bita jojo ka Kristo n ti Feme Davidi anuma a? ⁴² Dama kabo ba kere i Kansu Jue kereɛwam n nu ni, Feme Davidi ni i tii ase ka, ‘Na Micera n ase m Mibie n ka, ‘Ba tana m saa fomboro su fen,

⁴³ haari m ba ma u kpofom kere ba kutu u jaa bu.”

⁴⁴ To, Feme Davidi mmoo fereeri Kristo n ka i Mibie wo, ye Kristo n yo se kaaki yo Feme Davidi anuma a?”

Kabo Yesu ŋa mine si bu ŋu sa ni Nyeme noanie kerefoɔm ni

⁴⁵ Sangá bo minem n kere jina wo i noanie n ti su so ni, na Yesu ase i susufom n ka, ⁴⁶ “Am si am ŋu sa ni Nyeme noanie kerefoɔm ni, deke bo bu koro i n la ka, bu wura sutura ngbingbirim wo, na bu nati sujenjbe, na sono kere suyo bu anse goosu. Nyini minem n anya awura bu tientienbunoo soom n nu ni, wara ba nya afere bu tientienbunoo bambaka diire diibirim ni, bu koro ka bu tana kpirikoro tanaabirim wo. ⁴⁷ Nyini minem n so fin nkunafom nengem wo, na bu jina sere Nyeme ce, adena minem ŋu ka bu ti mine kpam wo. Jina ceen, bere ba nya suicin tara minem kere.”

21

Kabo kunafɔ be yiiri saraka ni

¹ To, na Yesu anie anu kabo nengefom suyi bu ŋwaa wura alaka bo minem yi saraka wura nu ni. ² Kunafɔ yaarifo be gusu woori do, na wo ba ayi ŋwaa kaan be bo i koro to ma pui awura saraka n nu, na Yesu anu i. ³ Do na wo se ka, “Nahore ye m suse am n a, nyini kunafɔ n ayi ŋwaa atara minem kere. ⁴ Dama nengefom la ŋwaa beberebe n deɛ ti, ye ba yi be a. Ama, nyini kunafɔ n ni i yaari n kere, i deke kere bo i la i leɛ ye wo yi i n a.”

Kabo Yesu seeri ka Nyeme Sereebiri Awuru ni ba bereki ni

⁵ Na Yesu susufo nbem ajojo fa ko Nyeme Sereebiri Awuru n su, kabo ba ta i ni yabue ngbingbirim ni aceerim bo bu fa ba ce Nyeme na i yo nyumi barasu ni. Bu wo jojo n su so ni, na Yesu ase ka, ⁶ “Nyini dekem bo am ŋu bu ni, sangá suba bo yabue kun n kpein n mmoo ba nana ma i benju su. Bu ba bereki i kere go o leɛ.”

Kabo Yesu kereeri fa ko durunya n awieeri su deɛ jore ni

⁷ Na Yesu susufom n abisa i ka, “Ya Kerefo, sangá bono ye ahin sam kere ba yo a? Ye nzu deke ba kere ya ka sangá n adodo bo ahin sam n kere ba yo a?” ⁸ Na wo se bu ka, “Am si am ŋu sa, na ma am ma be dadaka am. Dama mine donju ba fa m duma ba, na bu se ka, ‘Yiri la mini a.’ Na bu kaaki se am ka, ‘Sangá n aju leɛ.’ Ama, ma am su bu su. ⁹ Sangá bo am ba ti aluwa ŋga fen, wara bu sukun lue do, ma am ma sere ti am. Dama wo yo daka ka nyini sam n kere ba yo sin ka, ama, i kere ma ka durunya n awieeri leɛ.”

¹⁰ Na wo kaaki ase bu ka, “Daanfie daanfie bá kun lue ni bu benjgum, na nfemem kún lue ni bu benju nfemem. ¹¹ Na asien bá kpisi agaya, na ahõe tó, na aloba tó awõre awõrem nu, na ya bá ñu anyumbaa ciire sa nbem ka bu sutie fite angoro n nu.

¹² Ama, kana ahin sam kere bá yo ni, bu tára am, na bu kere am wuwuruwa, na bu fá am wura yikofõm saa nu, na bu dí am jore bu tientienbunõõ soõm nu, na bu nyí am dansaraka, na bu fá am wura nfemem ni gominam saa nu, na bu fá am jina bu nyunu, mini dæe ti. ¹³ Ahin má am atin a, na am kóro kan labari kpa n kere bu. ¹⁴ Ama, am du mõ yo am sunsunní nu na má am ma i mië am, kabo bu kó bisa am na am jojo barasu. ¹⁵ Dama mini má am alecira nõanie bo am jójo a, na am kpõfõm be mmõõ kóro la má nõanie be bo bu kóro jojo bo am asi, wara bu fá ta am nyí. ¹⁶ Haari am wufõm, ni am ninbaam, ni am lamõsim, ni am danfõm mmõõ bá tõ am ma nfanjafõm, na bu kún am nbem. ¹⁷ Mini dæe ti, sõõõ kere kpõ am. ¹⁸ Ama, am tiñmië kun n kpein mmõõ ká má ñgbæen. ¹⁹ Nzen am mindi deerí nyini n kere, am nyá ñgõõ.”

Kabo Yesu jjoõri ka Yerusalem mië ni bá saaki barasu ni

²⁰ Na Yesu akaaki ase i susufõm n ka, “Sanja bo am bá ñu ka sojam abara aye Yerusalem mië kpiri n ni, am si tenle su ka i cé má, bu sáaki mië n kere læe. ²¹ Nyini sanja ni, wõrõ kere bo a tiiri i ñga na a wo Yudiya asien n su, ñmati kó bukam n su. Wõrõ kere bo a wo mië n nu, ñmati fite nu. Na wõrõ kere gusu bo a wo mië n aheme, má a kpíe u nyí kó mië n nu kun. ²² Dama ahin suicin kekereke sanja ni yó yíiwa, kabo ba kere i Nyeme Jore Kadasi n nu n kere. ²³ Nyini sanja ni yó kekereke agaya ma nyinsefõm, ni nbaram bo bu nbaam toko nu ni. Dama minem n bo bu wo ahin asien n su ni dí yaari agaya, na Nyeme cín bu sui. ²⁴ Na bu kún nbem lue nu, na bu tára nyinjam domue, na bu fá bu kó asien asienm n kere su, na minem bo bu ti má Yudafõm ni sáaki mië n kere haari fa kó ju sanja bo bu yiko bá wíe.”

Kabo Adamande Wa ni bá kaaki ba barasu ni

²⁵ Na Yesu ase bu ka, “Na alekutura sam nyá ba tie fite wíe n ni sara n, ni asarambaam kere nu. Na durunya n nu fen, asien asienm n sufõm kere ahore tánda, na sere tí bu, fa kó kabo tieku nzue n bo barasu, na i yo nanmië agaya ni. ²⁶ Sam bo bu bá yo durunya n nu n dæe ti, nyini má sere ti minem na bu tó cin, dama angoro n kere kpisi wõ. ²⁷ Na minem nyá ñu ka mini Adamande Wa ni sufite angoro yinyingu n nu suje piëpiëu suba ni yiko bambaka. ²⁸ Sanja bo nyini sam n kere bá suyo ni, am yasu na am ye am tii su ni ahoresi, dama sanja n adodo bo Nyeme bá de am tii læe.”

Kabo Yesu ña ya fa damba baka fa se nyaari barasu ni

²⁹ Dõ na Yesu abo ahin miëenu n akere bu. I ña, “Am nië damba baka ni baka nyinjam kere. ³⁰ Sanja bo am nya ba ñu ka bu sufiefie nyawa fofõre ni, amberë ni am tii si ka dõdõõri sanja adodo læe. ³¹ Kabo Nyeme Feme bá nië i minem su ni, i yó sõ õ. Sanja bo amberë gusu bá ñu ka nyini sam kere suyo ni, am si tenle ka i cé má, Nyeme Feme bá nië i minem su læe.

³² Nahõre ye m suse am n a, bo bu la ñgõõ kisa ni wú wíe má ka, ye ahin sam kere bá yo a. ³³ Angoro n ni asienju n kere bá la awieeri, ama, m dæe nõanie n yiri, i la má awieeri cæen be.”

Kabo Yesu seeri ka ya si ya ñu sa fa kó i ba n su ni

³⁴ Na Yesu ase i susufõm n ka, “Am si am ñu sa, na má am susaaki am sanja sutien am nõõ sunu nzan subo, na má am ma durunya n nu sa koroowa mië am, na má m ba ni fúra am nu ³⁵ kabo toroku tara deke ni. Dama nyini cæen bá fura minem bo bu wo durunya n nu wõ. ³⁶ Má am fa am ñu ji, am sere Nyeme sanja kere ka i ma am fanja na am kóro fite nyini kekereke n kere bo bu suba n nu, na am bá koro jina mini Adamande Wa n nyunu.”

³⁷ Ale kere bo i cin, Yesu kó Nyeme Sereebiri Awuru n nu wõ, na i kó sukere minem, ale nya ba san, na i kó Oliva Buka n su. ³⁸ Ale kere bo i cin ngarama fuun, minem ni ba i dõ Nyeme Sereebiri Awuru n nu wõ, na bu ti i kereewam ni.

22

Kabo bu sèseeri su ka bu kun Yesu ni

¹ Sanja n ba dodoori bo bu di bu cæenkpiri n bo bu di i ni kpõõõ bo bu gõ má ayiri nu na i yasu ni. Yiri ye bu kaaki fere i ka Butara cæenkpiri n a. ² Na Nyeme sayoowa donguyofõ nkpienkpienm ni, ni Nyeme nõanie kerefõm ni, anienie atin kabo bu yo barasu na bu kun Yesu, dama bu soroori minem ni ahore wõ.

³ Na Sitana awura Yudasasi Isikariyoti ni, yiri ti Yesu susufɔ buru ni nnyɔm ni kun be a. ⁴ Nyini ti, na wɔ kɔ asese su ni Nyeme sayoowa donguyofɔ nkpienkpienm ni, ni Nyeme Sereebiri Awuru n tintinjinafaɔ nkpienm ni, kabo i tɔ Yesu ma bu ni. ⁵ Bu tiiri nyini n sɔ ni, na bu ahore ajɔ, na ba se ka bu má i njwaa. ⁶ Na Yudasasi asoro su, na wɔ kpini atin na i tɔ Yesu ma bu, sanja bo jama wo má i dɔ ni.

Kabo Yesu ni i susufɔm seseeri su ka bu di cɛenkpiri diire ni

⁷ Na cɛenkpiri cɛen n aju, cɛen n bo bu di kɔnɔ bo bu gɔ má ayiri nu na i yasu ni. Nyini cɛen n ye wɔ yo daka ka bu kpɛ nbɔmbaam kɔm n a, na bu fa tenje Butara cɛenkpiri n su. ⁸ Na Yesu asunma Petoro ni Yohane, i nja, “Am kɔ sese Butara cɛenkpiri n diire n su na ya ba di.” ⁹ Na ba bisa i ka, “A koro ka ya kɔ ni kɔ sese diire n su a?” ¹⁰ Na wɔ bɔ bu nu ka, “Am ti fɛn, am kɔ nja am wura miɛ n nu, am ni sɔnɔ be kába ye, i sɔ dundu ni nzue. Am su i su kɔ wura awuru n bo i kɔ wura nu ni. ¹¹ Na am bisa awurufɔbie n ka, ‘Ya Kerefɔ n nja, sɔɔ bɔnɔ nu ye i ni i susufɔm ni dí Butara cɛenkpiri diire n a?’ ¹² Na i kére am angoro sɔɔ bambaka n bo ba yo i kere dɔngu ni, dɔ ye am sese diire n su se ya.” ¹³ I jɔjɔ wieweri ni, na ba kɔ anja deke n kere sɔ kabo Yesu seeri bu ni, na ba sese Butara cɛenkpiri diire n su.

Kabo Yesu ni i susufɔm ni diiri Butara cɛenkpiri diire ni

¹⁴ Sanga n ba juuri, na Yesu ni i jaramasam n aba atana ka bu di diire ni. ¹⁵ Na wɔ se bu ka, “Kabo m koroori lɛɛ, m boroori m nyi wɔ ka m ni ambere sanja di ahin Butara cɛenkpiri diire n ka, na m nyá di m wahara ni. ¹⁶ Dama m suse am wɔ lɛɛ, ka, m dí má ahin diire n kun, má ka i bá yo yiiwa Nyeme femeya n nu.”

¹⁷ Dɔ na wɔ fa awa ni nzan, na wɔ da Nyeme asi, na wɔ se bu ka, “Am de na am nu, na am fa ma am beɔgu. ¹⁸ M suse am wɔ lɛɛ, ka, m nú má ahin nzan n kun, má ka cɛen n bo Nyeme Feme bá nie i minem su.”

¹⁹ Na Yesu akaaki afa kɔnɔ, na wɔ da Nyeme asi, na wɔ bubu i nu, na wɔ fa ama bu, na wɔ se bu ka, “Ahin kɔnɔ n ti m nuniembaa lɛɛ, ye m sufa ma am n a. Am yo ahin sɔ adena am fa tenje m su.” ²⁰ Bu diiri diire n wieweri ni, na wɔ kaaki afa awa ni nzan ni, na wɔ yo sɔ, na wɔ se bu ka, “Ahin nzan n ti seseɔ fɔfore n bo Nyeme sufa m mbunja n sudi i di n a. Ambere dɛɛ ti ye m mbunja ni songi gɔ a.

²¹ Ama, am nie. Sɔnɔ n bo i tɔ m ni wo diire n diibiri fɛn, m ni yiri susanga di diire n a. ²² Mini Adamande Wa ni wú kabo Nyeme adu mɔ acici ka m wú n wɔ, ama, sɔnɔ n bo i tɔ m ni, i mi bá nju anyumboro.” ²³ Dɔ na ba bisa bu nju nu ka, “Ye ya nu njma koro yo ahin sa n a?”

Kabo Yesu kereeri ka mɔfo yo i nju kaan ni

²⁴ Na Yesu jaramasam n ase akuruwa bu nju nu fa kɔ sɔnɔ bo i tara bu kere bu nu. ²⁵ Na Yesu ase bu ka, “Minem bo bu su má Nyeme n dɛɛ nfemem, bere miɛ bu minem a, na bere bo bu la yiko minem nju ni, bu fere bu ka bukafɔm. ²⁶ Ama, má ambere yo sɔ. Sɔnɔ bo i tara am kere am nu ni, i ti ye ni ka i mi yo i nju kaan, na bo i ti am mɔfo n gusu, i ti ye ni ka i mi yo i nju kaan na i su am. ²⁷ Sɔnɔ bo i tana di diire ni, ni bo i su amusui ni, njma tara i beɔgu a? Yiri la bo i tana di ni, má sɔ ɔ? Ama, mini wo am nu ka sɔnɔ bo i su amusui wɔ.

²⁸ Sanga kere bo m woori kekereke nu, ambere jinaari m sin a. ²⁹ Kabo m Si Nyeme ama m atin ka m di femeya ni, sɔ ye mini gusu fá ma am a, ³⁰ na am dí na am nú m femeya n nu, na am tána femeya biem su, na am nie Yisarelifɔm ano buru ni nnyɔm n su.”

Kabo Yesu seeri ka Simon Petoro bá kete i ni

³¹ Na Yesu ase Simon ka, “Simon, ti fɛn. Sitana asere atin ka i kpaja am kabo bu kpaja ngani n wo. ³² Ama, ma sere Nyeme ama u na má a yaki m yaradayo. Na sanja bo a ba kaaki ba suuri m su beku ni, buka u ninbaam ni, na bu nya ahoresi.” ³³ Na wɔ se i ka, “M Mibiɛ, m njmáti yaki má u da, nka bu sanja nyi wɔɔ ni mini kere wɔ, na ya sanja wu.” ³⁴ Na Yesu ase i ka, “Petoro, m suse u wɔ lɛɛ ka, nyuma, kana akonyuma bá bo, a kéte kpe nsan su ka a si má m.”

Kabo Yesu seeri i susufɔm fa kɔ sa kekerekem bo bu bá yo ni

³⁵ Na Yesu abisa i susufɔm n ka, “Sanga bo m sunmaari am na am abita má njwaa kuruku, wara kuruku, wara gbagbaa ni, nzu kpɛɛri am su a?” Na ba bo i nu ka, “Pui akpɛ má ya su.” ³⁶ Na wɔ se bu ka, “Ama, kisa, wɔɔ kere bo a la njwaa kuruku, wara kuruku, fa i, na wɔɔ kere bo a la má takobe, tɔ u tanlɛɛ na a fa njwaa n to be. ³⁷ Dama ba kere i Nyeme Jɔre Kadasi n nu ka, ‘Bu faari m buuri satiefɔfɔm kun wɔ.’ M suse am wɔ lɛɛ, ka, wɔ yo daka ka, mini dɛɛ ti, na i yo yiiwa. Nahɔre, deke n bo bu kere niiri

mini ni, i suyo yiiwa.”³⁸ Na ba se i ka, “Ya Mibiε, niε. Takobe nnyo yaa fen.” Na wɔ se bu ka, “Wɔ sε su.”

Kabo Yesu jeke tiiri n na i kɔ sereeri Nyeme ni

³⁹ Na Yesu afite miε n nu, na wɔ kɔ Oliva Buka n su, kabo i nati yo ni, na i susufɔm n asu i su. ⁴⁰ Saŋga bo i kɔ juuri dɔ ni, na wɔ se i susufɔm n ka, “Am sere Nyeme, adena má deke be yo am na am wura satie nu.” ⁴¹ Dɔ na wɔ yaki bu, na wɔ kɔ mɔ kaan, na wɔ kutu asere Nyeme. ⁴² I ŋa, “M Si Nyeme, nzen i ti u koroyanu, yi m fite ahin anyumboro n bo i suba m dɔ n nu. Haari ni nyini mmɔɔ, má a yo kabo m koro ni, ama, se kabo a koro ni.” ⁴³ Na Nyeme mereke be atie afite aŋgoro aba asi i ahore. ⁴⁴ Ahoretanda n bo i tuuri i n dεε ti, na wɔ sere Nyeme ni anyumboro abuka su, na i aŋuye sukpinkpin asiŋgu ka mbunja dεε su.

⁴⁵ I sereeri Nyeme n wieeri ni, na wɔ yasu akpie i nyi ako i susufɔm n dɔ, i kɔ ŋuuri ka bu wo daafiri su, dama bu ahore asaaki agaya n dεε ti. ⁴⁶ Na wɔ se bu ka, “Nzu ti ye am da daafi a? Am yasu jina na am sere Nyeme, adena má deke be yo am na am wura satie nu.”

Kabo bu taraari Yesu ni

⁴⁷ Na saŋga bo i toko wo jɔjɔri n su ni, na jama be aba aju. Yudasi bo i ti i susufɔ buru ni nnyɔm nu kun ni, duuri bu mɔ a, na wɔ kɔ Yesu dɔ ka i kɔ biti i, ⁴⁸ ama, na Yesu abisa i ka, “Yudasi, a biti m ye a ma bu nya mini Adamande Wa n taraabiri a?”

⁴⁹ Saŋga bo i susufɔm bo bu wo i dɔ n ŋuuri sa n bo i suba ni, na ba bisa i ka, “Ya Mibiε, ya kpie bu takobe, nzen sε?” ⁵⁰ Na bu nu kun akpie ayi sɔɔ be sui, i saa fɔmbɔɔ dεε ni, nyini sɔɔ n ti Nyeme sayoowa dɔŋguyofɔ n kere kpien n akɔɔ ɔ. ⁵¹ Ama, na Yesu atien i susufɔm n ŋu ka, “Má am yo sɔ kun.” Na wɔ fa i saa akan sɔɔ n sui ni, na wɔ nya laifie. ⁵² Dɔ na Yesu ase Nyeme sayoowa dɔŋguyofɔ nkpienkpienm ni, ni tintinijinafɔ nkpienkpienm ni, ni Yudafoŋ nkpienkpienm kere bo bu baari ka bu ba tara i n ka, “M ti awiefɔ ɔ, ye am fa takobem ni kɔrɔmam na am ba tara m a? ⁵³ Cεen n kere cεen m ni ambere wo Nyeme Sereebiri Awuru n nu a, am atara má m. Ama, kisa ti saŋga bo Nyeme ama atin, na am ni Sitana bo i wo awosin nu n kere am yiko a.”

Kabo Petoro keteeri ka i si má Yesu ni

⁵⁴ Na ba tara Yesu afa i ako awura Nyeme sayoowa dɔŋguyofɔm n kere kpien n dika, na Petoro asu bu su, ama, i woori dede kaan ni bere wo. ⁵⁵ Mine nbem atoro sin gisan n afien, atana abara aye i, na Petoro ako abuka bu su. ⁵⁶ I tanaari na sin wein n gɔɔri i ŋu ni, na afani be aju i. Na wɔ niε i nyunu dika ghirim, na wɔ se bu ka, “Ahin sɔɔ ni mmɔɔ ti i susufɔ ɔ.” ⁵⁷ Ama, na wɔ kete, i ŋa, “Bara, m si má i.” ⁵⁸ Nyini sin, wɔ ce má, na sɔɔ be gusu aba aju i, na wɔ se i ka, “Wɔɔ mmɔɔ ti bu kun wɔ.” Ama, na wɔ se i ka, “Wɔɔ, m ti má bu kun.” ⁵⁹ Na fa kɔ saŋga su bekun, na sɔɔ kun be ajina su kekereke ase ka, “Nahɔre, ahin sɔɔ n ti bu kun wɔ, dama yiri gusu ti Galilifo ɔ.” ⁶⁰ Ama, na wɔ se i ka, “Wɔɔ, m si má ahin jɔre n bo a sujɔɔ i ni mmɔɔ.” Saŋga bo i toko wo jɔjɔri i n su ni, na akonyuma akaba abo. ⁶¹ Na Mibiε Yesu n ace anie Petoro nyunu, na wɔ tenge su kabo Mibiε n seeri i ni, i ŋa, “Nyuma, kana akonyuma bá bo, a kéte kpe nsan su ka a si má m.” ⁶² Na wɔ fite ako asun agaya.

Kabo bu yoori Yesu anzasi na bu boori i barasu ni

⁶³ Na minem bo bu bita Yesu ni, ayo i anzasi, na ba bo i. ⁶⁴ Na ba fa sanvuin acin akata i nyumbaa, na ba bisa i ka, “Wɔɔ Nyeme nɔanie kanfɔ ni, ŋma bo u a? Kan kere ya.” ⁶⁵ Na ba kpie i nzuko barasu barasu n kere.

Kabo Yudafɔ tereterefɔm diiri Yesu jɔre barasu ni

⁶⁶ Na ale acin, na Yudafɔm tereterefɔm atien bu nɔɔ, Nyeme sayoowa dɔŋguyofɔ nkpienkpienm ni, ni Nyeme nɔanie kerefɔm n gusu buka su, na ba fa Yesu aba bu tientienbunɔɔ n nu. ⁶⁷ Na ba se i ka, “Nzen a ti Kristo Tiidefo n a, se ya.” Na wɔ se bu ka, “Nzen m seeri am ka yiri la mini, am dé má, ⁶⁸ na nzen m bisaari am bisaawa, am bó má m nu. ⁶⁹ Ama, fite kisa fa kɔ, mini Adamande Wa ni bá tana Nyeme Yikofɔ n saa fɔmbɔɔ su wɔ.” ⁷⁰ Dɔ na bu kere abisa i ka, “Ŋka wɔɔ ti Nyeme Wa n a?” Na wɔ bo bu nu ka, “Kabo am jɔjɔri ni, i ti sɔ ɔ.” ⁷¹ Na ba se ka, “Ya koro má daanifo be kun. Yere mmɔɔ ni ya tii ati kabo wo se ni.”

23

Kabo bu faari Yesu kɔ jinaari Gomina Pilato nyunu ni

¹ Na bu tereterefɔm n kere bo ba tien bu nɔɔ n ayasu, na ba fa Yesu ako ama Gomina Pilato. ² Na ba bo i bu sujaraki i, bu ŋa, “Ya kɔ aju ka ahin sɔɔ ni sudaka ya minem

ka bu kete gomina ni, na má bu tɔ lampo kaari ma Feme Kpɔri Siza, i ɲa ka yiri ni i tii ti Kristo Tiidefɔ n a, nyini la ka i ti feme wɔ lɛɛ." ³ Na Gomina Pilato abisa i ka, "Wɔɔ ti Yudafɔm feme n a?" Na wɔ bɔ i nu ka, "Kabo a jɔjɔ ni, i ti sɔ ɔ." ⁴ Dɔ na Gomina Pilato ase Nyeme sayoowa dɔnguyofɔ nkpienkpienm ni, ni jama n kere ka, "Ma ɲu má ɲgasi bo ahin sɔnɔ n ado i." ⁵ Ama, na ba jina kun su, na ba jaraki i, bu ɲa, "I kereewa n ama Yudiya awɔre n nu minem kere ahore ayasu. I boori i bu Galili awɔre n nu wɔ, ye kisa wɔ fa aba fen n a."

Kabo bu faari Yesu ko jinaari Feme Herode nyunu ni

⁶ Gomina Pilato tiiri sɔ ni, na wɔ bisa ka, "Sɔnɔ n ti Galilifɔ ɔ?" ⁷ I tiiri ka i fite dɔ ni, na wɔ ma ba fa i ako Feme Herode dɔ, dama yiri yo nie nyini awɔre n su a. Nyini sanja ni, Feme Herode gusu woori Yerusalem mie kpɔri n nu. ⁸ Feme Herode ɲuuri Yesu ni, na wɔ yo i fie ako asin su, dama wɔ ti i ɲga ace, na wɔ koro ka i ɲu i na i yo alekutura sa nbem na i nie. ⁹ Nyini ti, na wɔ bisa Yesu bisaawam beberebe, ama, wɔ bɔ má i nu. ¹⁰ Na Nyeme sayoowa dɔnguyofɔ nkpienkpienm ni, ni Nyeme nɔanie kerefɔm n afite ajina sujaraki i ni anyumboro su. ¹¹ Na Feme Herode ni i sojam n ayo Yesu anzasi, na ba bu i ɲgbɛn, na ba fa tanlɛɛ nyunyumi awura i, na ba fa i akpie i nyi ako Gomina Pilato dɔ. ¹² Nyini sanja ni, Feme Herode ni Gomina Pilato yo kpɔ bu beɲgu wɔ, ama, nyini cɛn n gbɔngbin na ba kaaki danfom.

Kabo Gomina Pilato maari nɔɔ ka bu kun Yesu ni

¹³ Na Gomina Pilato afere Nyeme sayoowa dɔnguyofɔ nkpienkpienm ni, ni Yudafɔm tereterefɔm ni, ni minem ni, ¹⁴ na wɔ se bu ka, "Am faari ahin sɔnɔ n baari m dɔ, na am ase ka i sukere minem na bu kete gomina n wɔ. Mini ni m tii anie jɔre n nu am nyunu fen, ama, ma ɲu má ɲgasi bo wɔ do i. ¹⁵ Feme Herode mmɔɔ ni i tii anu má i ɲgasi be, nyini dɛɛ ti ye wɔ kaaki i aba ama ya n a. Nahore, ahin sɔnɔ n ado má ɲgasi be bo bu kun i. ¹⁶ Nyini ti, m má bu fin i ɲgbere na m yáki i na i kɔ." [¹⁷ Afɔ kere afɔ, Butara cɛenkpɔri n nya ba juuri ni, wɔ yo daka ka Gomina Pilato yi dansaraka n kun ji.] ¹⁸ Ama, na jama n kere atien kungerekun ase ka, "Yi ahin sɔnɔ ni ɲgɔɔ, na a yi Barabasi ma ya." ¹⁹ Yiri Barabasi ni i beɲgu ketemafo nbem yo kpɛɛri jɔre, Yerusalem mie kpɔri n nu, na ba di aluwa na ba kun mine. Nyini ti ye bu taraari i dansaraka n a.

²⁰ Gomina Pilato koroori ka i yaki Yesu nu ji n dɛɛ ti, na wɔ kaaki ajojɔ jama n dɔ bekun. ²¹ Ama, na bu sutientien suse ka, "Kpama i baka jaanu n su na i wu. Kpama i." ²² Na wɔ kaaki ase bu kpe nsan su ka, "Ye nzu satie ye wɔ yo i a? Mini anu má satie be bo wɔ yo i na bu kun i. M má bu fin i ɲgbere wɔ, na m yáki i na i kɔ." ²³ Ama, na ba kaaki atien kpa amie i ka i kpama Yesu baka jaanu n su. Na bu naɲmie yoowa agaya n akunma Gomina Pilato. ²⁴ Na wɔ ma nɔɔ ka bu yo Yesu kabo minem koro ni. ²⁵ Na wɔ yi sɔnɔ n bo minem n koroori i n aji, yiri bo i kpiniiri jɔre na i kuunri minem na bu nyiiri i dansaraka ni. Ama, Yesu yiri, na wɔ ma bu nɔɔ ka bu kun i, kabo Yudafɔm koro ni.

Kabo bu kpamaari Yesu baka jaanu n su ni

²⁶ Na sojam n afa Yesu afite, na sanja bo bu wɔ kɔ su ni, na bu ni bie be aye, bu fere i ka Simon, i ti Sirenefɔ ɔ. I fite aheme suba mie kunnu, na sojam n amie i ka i sɔ baka jaanu n su Yesu su. ²⁷ Na jama beberebe asu i su, bu nbem ti nbaram wɔ, na bu susun, na bu sukoko, i dɛɛ ti. ²⁸ Na Yesu ace anie bu, na wɔ se bu ka, "Yerusalem nbaram, má am sun mini dɛɛ ti, ama, am sun ambere ni am nbaam dɛɛ ti. ²⁹ Am ti fen, sanja ni suba bo minem bá se ka, 'Terefie wo ɲɔɔkam n dɔ, ni bo bu nya wu má nbaam ni, ni bo nbaam nya nu má bu nyufini ni.' ³⁰ Nyini sanja n ye minem sé ka, 'Nzen má bukam bereki gɔ ya ɲu,

na kperem kata ya ɲu,
má i ti ye.'

³¹ Nzen bu faari baka mɔne wuraari sin nu na i jeeri, ye baka wuruuwa yiri yó se wɔ lɛɛ?"

³² Na ba fa satieyofɔ nnyɔ nbem gusu ako ka bu kɔ kun bu ni Yesu kere. ³³ Sanja bo bu kɔ juuri dika be bo bu fere i ka Tereawa woobiri ni, na ba kpama Yesu baka jaanu n su, na ba ye i su ajina. Na ba kpama satieyofɔ nnyɔ nbem baka jaanu n su adodo i, bu kpamaari kun i saa fɔmbɔrɔ su wɔ, na ba kpama kun n gusu i saa bie su. ³⁴ Na Yesu ase ka, "M Si Nyeme, fa bu satie ce bu, dama bu si má sa n bo bu suyo i ni." Na ba tu mbaa na bu si kabo bu kpaaki i suturam nu. ³⁵ Na minem n ajina dɔ sunie i, na Yudafɔm tereterefɔm mmɔɔ ayo i anzasi. Bu ɲa, "I ɲa i koro de minem tii ji. Nzen yiri ti Kristo Tiidefɔ n bo Nyeme ayi i ni, ma i de i ɲu tii ji." ³⁶ Na sojam n gusu ayo i anzasi, na ba fa nzan gagaraki be ama i ka i nu, ³⁷ na ba se ka, "Nzen wɔɔ ti Yudafɔm Feme n a, de

u tii ji.” ³⁸ Na ba kere kereewa be abo akpama i baka jaanu n tii su, kereewa n la ka, “Yudafom Feme n lee.”

³⁹ Na satieyofom nnyom bo bu sangha kpamaari bu ni Yesu ni, bu nu kun ato i ngu ni nzuko, i na, “Ma woro ti Kristo Tiidefo n a? De u tii ji na a de yere gusu ji.” ⁴⁰ Ama, na nyinga n ajaraki i, i na, “A soro ma Nyeme wo? M na ya de suicin ni i de n kere ti kun wo.” ⁴¹ Ya de suicin n yiri, i ti deke bo ya de i wo, dama kabo i ti ye ni ka bu yo ya lee, ama, yiri ado ma ngasi be.” ⁴² Na wo kaaki ase ka, “Yesu, a ba baari ni u femeya ni, tenge m su.” ⁴³ Na Yesu ase i ka, “Nahore ye m suse u n a, nyuma de ceen n nu, a ba wo m do alezanda nu.”

Kabo Yesu wuuri ni

⁴⁴⁻⁴⁵ Na fa ko wiesu kerefi buru ni nnyo sangha, wie n afite ma na awosin akata asien n kere su haari naaso kerefi nsan, na tani bambaka n bo bu fa kanda kpaakiiri Soo Casi n bo i wo Nyeme Sereebiri Awuru n nu n ati nu nnyo, i afien. ⁴⁶ Na Yesu abo awie kpa, i na, “M Si Nyeme, ma fa m ngu awura u saa nu.” I seeri so wieeri n na wo yo Nyeme de. ⁴⁷ Sangha bo soja kpieri nguuri sa n bo wo yo so ni, na wo kansu Nyeme, na wo se ka, “Nahore su, ahin sono n tiiri sono fofoe wo.” ⁴⁸ Na minem kere bo ba tien bu noo jina wo i nie su ni, sangha bo bu nguuri sa n bo wo yo n so ni, na bu kere afa bu saa ataka i benggu nu, na ba kpie bu nyi ako awuru. ⁴⁹ Na Yesu danfom n kere, ni nbaram bo bu suuri i su fiteeri Galili awore n nu ni, ajina dede kaan sunie sam n kere bo bu yoori ni.

Kabo bu yoori Yesu sutura barasu ni

⁵⁰ Sono be woori bere, bu fere i ka Yosefu, i ti Yudafom tereterefom nu kun wo, na i ti sono kpa, na i yo sa bo i ko atin su Nyeme do. ⁵¹ Wo soro ma su ni sunsunni n bo i bengum faari i na bu yoori Yesu barasu ni. I fite mie kpieri n bo bu fere i ka Aramatiya na i wo Yudiya awore nu n wo, na i de la ka, i nminda wo, fa ko sangha bo Nyeme Feme ba nie i minem su. ⁵² Na wo ko Gomina Pilato do, na wo ko asere i ka i fa Yesu nunie n ma i. ⁵³ Na wo ko ayi fuin ni baka jaanu n su, na wo fa nzee n apooni i. Na wo ko afa i awura yabue bu ba lokoti i ayo i fanfunma n nu na ba nya ase ma sono be nu ni, na wo fa i ase nu. ⁵⁴ Nyini ceen n tiiri Numiyi ceen n kpokpo ceen wo, i naaso, wo ka kaan na bu di Numiyi ceen ni.

⁵⁵ Nbaram bo bu suuri Yesu su fiteeri Galili awore n nu ni, bere suuri Yosefu su, na ba ko anu yabue bu fanfunma ni, ni kabo bu seeri fuin n barasu.

⁵⁶ Na ba kpie bu nyi ako awuru ka bu ko kpa bu ngu ni nguini nvanvanim ni tulaaleem. Na alecin Numiyi ceen ni, na ba yi bu nuni kabo Nyeme maari Moyisi noo ka bu yo ni.

24

Kabo Yesu tengeeri i yiwee n nu ni

¹ Na alecin, Yudafom bakue n bumboori, mone ceen ngarama fuun, na nbaram n afa tulaalee nvanvani bo ba kpini ase ni, na ba fa ako yabue bu fanfunma n su. ² Bu ko juuri do n na ba ngu ka yabue bambaka n akundu ayaki fanfunma n ano ni. ³ Ama, bu wuraari fanfunma n nu ni, ba ngu ma Mibie Yesu nunie ni, ⁴ na ba mie aka ajina gbirim, kperga na ba ngu ka nbiesom nnyo jina, bu wura sutura fofoe papasi. ⁵ Na sere ati nbaram n agaya, na ba biri bu tii haari asienngu, na minem n abisa bu ka, “Nzu ti ye am sunienie fuinm nu na am ngu sono bo i la ngoo a?” ⁶ I wo ma fen. Wo tenge i yiwee n nu. Am tenge su kabo i yo seeri am ni, sangha bo i yo wo Galili awore n nu ni, ⁷ i na, “Wo yo daka ka bu ba fa mini Adamande Wa n wura satieyofom saa nu, na bu kpama m baka jaanu n su, ama, na lesan ceen na m tenge m yiwee n nu.” ⁸ Do na ba tenge Yesu noanie bo i yo seeri bu n su, ⁹ na ba fite fanfunma n nu, na ba kpie bu nyi ako akan sam n kere bo ba ngu i ni, akere i susufu buru ni kunm ni, ni nyingam kere. ¹⁰ Nbaram ni la Mariya bo i fite Magadala mie n nu ni, ni Yowana, ni Yakobo de ni Mariya, ni bu benggu nbara nbem, bere kaanri nyini sam n kere kereeri i jaramasam n a. ¹¹ Ama, bu tiiri jore n bo nbaram kan kereeri bu ni, bu sunsunri ka i ti jore ngbeen wo, ba yo ma yarada. ¹² Ama, na Petoro ayasu anmati ako fanfunma n nu, i ko juuri n na wo kasi anie fanfunma n nu, wo ngu ma pui, ma ka nzee n ngumi da. Na wo kpie i nyi aba awuru, na wo birisi fa ko sa n bo wo yo n su.

Kabo Yesu faari i ngu kereeri i susufu nnyom barasu ni

¹³ Nyini ceen ni, na Yesu susufu nnyo nbem suko mie kaan be bo bu fere i ka Emosi n su, i ni Yerusalem mie kpieri n waari ma agaya. ¹⁴ Bu wo ko su ni, na bu subo anzama fa ko sa n kere bo wo yo n su. ¹⁵ Bu nati wo nyini anzama n bo su ni akuruwa ni, na Yesu ni i tii aba atu bu atin nu, ¹⁶ na ba ngu i, ama, ba koro asi ma ka yiri lee. ¹⁷ Na wo bisa bu ka, “Am wo natiiri n su atin n nu ni, am boori nzu anzama n a?” Na ba ka ajina

gbirim ni ahoresaaki. ¹⁸ Na bu nu kun be bo bu fere i ka Kelopasi n abo i nu ka, “I yo se ye wofom kere bo bu wo Yerusalem mie kpiri n nu n si sam bo ba yo nyini lennyo n nu bere, ye woro ngumi si ma?” ¹⁹ Na wo bisa bu ka, “Nzu sam?” Na ba bo i nu ka, “Yesu Nazaretifo n jore. I yo tiiri Nyeme noanie kanfo bo i la yiko wo, fa ko i alekutura sam ni i kereewam su, na i sayoowam sun Nyeme ni minem n kere nu.” ²⁰ Na Nyeme sayoowa donyuyofon nkpienkpiem ni tereterefo n ama ba di i jore ka bu kun i, na ba kpama i baka jaanu n su. ²¹ Ama, yere yo laari tama ka yiri ye wo ba ka i ba de Yisarelifom tii ji a. Deke bo i buka nyinim kere su n la ka, nyini sam kere yoori, i nyuma lesan lee. ²² Haari ni nyini n mmoo, ya nbaram nbem ba kaanri alekutura jore be kereeri ya. Bu koori yabue bue fanjunma n nu wo ngarama fuun, ²³ ama, ba nu ma fuin n do. Bu kpieeri bu nyi ba juuri ni, na ba se ya ka, bu ko juuri Nyeme merkem ka alele nu wo, fanjunma n nu, na ba se bu ka i la ngoo. ²⁴ Na ya nu nbem gusu ako fanjunma n nu, bu ko juuri deke n kere so o, kabo nbaram seeri ni, ama, ba nu ma yiri.”

²⁵ Na Yesu ase bu ka, “Amberere, ngonle akpie am su wo, nzen se, ye dada kere am nya yo ma yarada, fa ko jore n kere bo Nyeme noanie kanfom joojori n su?” ²⁶ Am si ma ka wo yo daka ka Kristo Tiidefo n di nyini wahara n kere ka, na Nyeme wura i kpiri?” ²⁷ I seeri so n na wo kan i nusu jore akere bu, kabo ba kere i Nyeme Jore Kadasi n kere nu ni, i boori i bu ni Moyisi dee kereewam wo, na wo nya akan kabo Nyeme noanie kanfom kere kereeri ni.

²⁸ Bu ba ko suju mie n bo bu suko su ni, na Yesu ayo ka yiri susin ko mo, ²⁹ ama, na ba sere i ni anyumboro, na ba se i ka, “Ba yo ya wofom. Wie ato, ale susan lee.” Nyini ti, na wo wura awuru n nu ka i da bu do. ³⁰ Sangga bo i tanaari na bu kere di diire n ni, na wo fa kpoo, na wo da Nyeme asi, na wo bubu i nu afa ama bu. ³¹ Do na bu nyunu ateke i nu, na ba si i, kperga na wo mini ayaki bu. ³² Na ba se bu bejgu ka, “Sangga bo i joojori ya do atin n nu na i kaanri Nyeme Jore Kadasi n bu kereeri ya ni, i maari ya ahorejo ko sin su wo, ma so?”

³³ Na ba kaba ayasu bere akpie bu nyi ako Yerusalem mie kpiri n nu, na ba ko anu ka i susufo buru ni kunm ni, ni nyingam n atien bu noo, ³⁴ bu suse ka, “Ya Mibie n atenge nahore su. Wo yi i nu akere Simon.” ³⁵ Na susufo nnyom n akan sa n bo i yoori atin n nu do ni, ni kabo bu siiri ka yiri ni, sangga bo i bubuuri kpoo n nu maari bu ni.

Kabo Yesu yiiri i nu kereeri i susufom ni

³⁶ Sangga bo susufo nnyom n wo jore n kan su so ni, na Yesu ni i tii akaba aba ajina bu afien, na wo se bu ka, “Nyeme ma am ahoreda.” ³⁷ Na sere ati bu agaya, dama bu sunsun ka numi ye ba nu i a. ³⁸ Na wo bisa bu ka, “Nzu deke mie am a? Nzu ti ye am yo sika?” ³⁹ Am nie m saam ni m jaam, mini ni m tii lee. Am fa am saa kan m na am nie, numi la ma anuniembaa ni buwem kabo am nu ka m la i ni.” ⁴⁰ I seeri so wieeri n na wo fa i saam ni i jaam deke bo bu boori i bulaari n afa akere bu. ⁴¹ I yoori bu alekutura na bu ahore jo ko siinri su ni, haari ni nyini n kere, ba koro ayo ma yarada. Do na wo bisa bu ka, “Am la diire be fen bo am di?” ⁴² Na ba fa jombaa n bo ba tun i n be ama i, ⁴³ na wo de akpese bu nyumbaa nu bere.

⁴⁴ Na wo se bu ka, “Ahin noaniem bo m yo joojori bu sangga bo m toko wo am do n lee, ka, wo yo daka ka m nusu jore kere yo yiiwa, kabo ba kere i Nyeme noanie kpamaawa n bo i fa maari Moyisi dee kadasi n nu, ni Nyeme noanie kanfom dee n nu, ni kansii jue kereewam n nu ni.” ⁴⁵ Na wo teke bu nyi na bu si Nyeme Jore Kadasi n bu, ⁴⁶ na wo se bu ka, “Kabo ba kere i Nyeme Jore Kadasi n nu n lee, ka, Kristo Tiidefo ni ba di wahara, na bu kun i, na lesan ceen na i tenge i yiwee n nu. ⁴⁷ Bu bo i bu Yerusalem mie kpiri n nu wo, na bu kan labari kpa n jore i duma nu kere daanfie kere, ka, bu kaaki bu wo na Nyeme fa bu satie ce bu. ⁴⁸ Amberere di nyini sam daani a. ⁴⁹ Am ti fen, mini ba sunma aceeri n bo m Si Nyeme seeri ka i fa ma am, na i ba wura am nu n a. Ama, amberere nminda mie n kunnu fen, haari sangga bo yiko ni ba fite angoro ba wura am nu.”

Kabo Nyeme ma Yesu fun koori angoro barasu ni

⁵⁰ Na wo fa bu afite mie n kunnu ako aju Betani mie n aheme, do na wo ye i saa su na wo yo kisi ago bu nu. ⁵¹ I wo bu kisi n yo su so ni, na wo yaki bu, na Nyeme ama wo fun ako angoro. ⁵² Na ba kutu asu i, na ba kpie bu nyi ako Yerusalem mie kpiri n nu ni ahorejo bambaka. ⁵³ Na ba ko awo Nyeme Sereebiri Awuru n nu sukansii Nyeme sangga kere.

Labari kpa n bo YOHANE akere i ni

Yesu ti Nɔ́anie n bo i ma ngɔɔ n a

¹ Kana Nyeme ba yi durunya ni, be woori bere bo bu fere i ka Nɔ́anie. I ni Nyeme woori bere a. Yiri Nɔ́anie ni ti Nyeme a. ² Fite i bumboori n kere, yiri ni Nyeme wo bere a. ³ Na Nyeme ama Nɔ́anie n ayi deke n kere. Deke be wo má bere bo wo yi má i. ⁴ Ngɔɔ fite yiri Nɔ́anie ni do a. Nyini ngɔɔ ni fa wein ba tekeeri adamande nyi a. ⁵ Na wein n aje awosin nu, na awosin n akoro akunma má wein ni.

⁶ Nyeme yo sunmaari sɔ́no be, bu fere i ka Yohane. ⁷ I baari ka i ba di nyini wein n daani wɔ, na i kan i jɔ́re kere minem, adena sɔ́no kere bo i tiiri kabo i kan ni, na bu daari nyini wein n ɲu. ⁸ Yohane n mmɔɔ ni i tii yo ti má wein ni, ama, i baari ka i ba di wein n daani wɔ. ⁹ Nyini wein ni ti wein nahɔ́re su n a, bo wɔ ba durunya n nu, na i teke adamande kere nyi.

¹⁰ Yiri n bo bu fere i ka Nɔ́anie n yo woori durunya n nu wɔ, Nyeme faari yiri yiiri durunya n a, haari ni nyini n kere mmɔɔ, durunya n nufɔm asi má i. ¹¹ Na wɔ ba i tienɲu deɛ asien n su minem do, na ba kete ka bu de má i. ¹² Ama, na minem kere bo bu deeri i, na bu daari i ɲu ni, na wɔ ma bu atin ka bu kaaki Nyeme nbaam. ¹³ Bu Nyeme nbaa kaakiwam n ti má ka bu wu bu ni adamande mbunja a, nzen má nyini, i ti má ka bieɔ ni bara sanja a ye bu wu bu a, ama, Nyeme ni i tii, ti bu Si a.

¹⁴ Na yiri Nɔ́anie n akaaki adamande aba awo ya do. Ahɔ́roma ni nahɔ́re wo i do beberebe. Ya ɲu i jirima woowa ni, nyini jirima woowa n ye Nyeme afa ama i Wa kun n kpein n a.

¹⁵ Yohane diiri i daani kereeri minem, na wɔ tien ase ka, “Nyini sɔ́no n bo m yo seeri am ka i wo m sin suba na i tara m fieo n lee, dama kana bu ba wuuri m ni, yiri wo bere wɔ.”

¹⁶ I ahɔ́roma beberebe n deɛ ti, ye ya di i ahɔ́roma, na ya toko di i buka su. ¹⁷ Nyeme yo faari i nɔ́anie kpamaawa ni maari Moyisi ka i fa kere Yisarelifɔm, ama, Yesu Kristo aba ka i ba kere ya kabo Nyeme ahɔ́roma n ni i nahɔ́re n ti barasu wɔ. ¹⁸ Be nya ɲu má Nyeme, má ka i Wa kun n kpein n bo i ni i Si Nyeme n ti kun ni, na i wo Nyeme do ni, yiri ye wɔ kere ya kabo Nyeme ti a.

Yohane Nyeme Nzue Biefo n daani diiwa ni

¹⁹ Ahin ti daani diiwa n bo Yohane yo diiri i, sanja bo Yudafoɔm nkpienkpienm n bo bu wo Yerusalem mie kpiri n nu n sunmaari Nyeme sayoowa donguyofɔm ni bu bukafɔm ka bu ko bisa Yohane ka, “Wɔ́ro la ɲma a?” ²⁰ Yohane afie má bu jɔ́re be su, na wɔ kan i kere kpain akere bu. I ɲa, “Má mini ti Kristo ni, Tiidefo n bo Nyeme ɲa i súnma i n a.” ²¹ Na ba bisa i bekun ka, “Ye wɔ́ro la ɲma a? Wɔ́ro ti Nyeme nɔ́anie kanfo Eliya n a?” Na wɔ se bu ka, “Má yiri la mini.” Na ba kaaki abisa i ka, “Wɔ́ro ti Nyeme nɔ́anie kanfo n a?” I ɲa, “Ai.” ²² Na ba sa su abisa i ka, “Ye wɔ́ro la ɲma a? Ma ya bie nɔ́anie na ya ko se bo bu sunmaari ya ni. Wɔ́ro ɲa, wɔ́ro la ɲma tenle su a?” ²³ Na wɔ se bu ka, “Sɔ́no n bo Nyeme nɔ́anie kanfo Esaya yo kereeri i jɔ́re ka i bá subo ndoori boro kpantain nu n ka,

‘Am yo Mibie n atin n dongu.’

Yiri la mini.”

²⁴ Minem bo bu bisaari Yohane bisaawa ni, Farasifoɔm bo bu ti Yudafoɔm asese be ni sunmaari bu a. ²⁵ Na ba kaaki abisa i ka, “A ɲa a ti má Kristo Tiidefo ni, a kaaki ti má Eliya, na a kaaki ti má Nyeme nɔ́anie kanfo n ni, ye nzu ti ye a bie minem Nyeme nzue a?” ²⁶ Na wo bo bu nu ka, “Mini bie minem Nyeme nzue wɔ. Ama, sɔ́no be wo am nu fen bo ambere si má i. ²⁷ I wo m sin suba, m ti kaan ni bo m dodo i mmɔɔ.” ²⁸ Ahin sa n kere yo yoori mie n bo bu fere i ka Betani n nu wɔ, i wo Yodan kunma n wie afiri, deke bo Yohane yo bieeri minem Nyeme nzue n wɔ.

Kabo Yohane ɲa Yesu ti Nyeme bombaa ni

²⁹ Alecin fɔ́fore na Yohane aju ka Yesu suba i do, na wɔ se ka, “Am nie, Nyeme bombaa n bo wɔ ba ka i ba yi durunya n nufɔm satie n lee. ³⁰ Yiri, ye m yo seeri am ka sɔ́no n bo i wo m sin suba na i tara m fieo n lee, dama i yo woori bere wɔ ka, ye bu wuuri m a, yiri lee. ³¹ Mini mmɔɔ ni m tii yo si má i, m deɛ la ka m bie minem Nyeme nzue wɔ, adena ambere Yisarelifɔm si i.” ³² Na Yohane adi daani ase minem ka, “Ma ɲu ka Nyeme

Awiewie Casi n afite angoro ajura ka tiwa dɛɛ su aba atana i ɲu, na wɔ wo i dɔ. ³³ Mini mmɔɔ ni m tii yo si má i, ama, Nyemɛ bo i sunmaari m ka m ba biɛ mine Nyemɛ nzue ni, yiri seeri m ka, 'A bá ɲu ka m Awiewie ni júra ba tana sɔnɔ be ɲu, na i wó i dɔ, yiri má m Awiewie Casi n ba wura minɛm ɲu a.' ³⁴ Ma ɲu i sɔ ye m sudi daani kere mine a, ka yiri ti Nyemɛ Wa n nahɔrɛ su a."

Minɛ n bo bu du mɔ yoori Yesu susufɔm ni

³⁵ Na alecin fɔfɔrɛ bekun na Yohane ni i susufɔm ni nnyɔ jina. ³⁶ Na wɔ nie ɲu ka Yesu wo natiiri su susin, na wɔ se ka, "Am nie, Nyemɛ Bombaa n lɛɛ." ³⁷ I susufɔ nnyɔm n tiiri sɔ n na ba kɔ asu Yesu su. ³⁸ Na Yesu akaaki anie ɲu ka bu susu i su, na wɔ bisa bu ka, "Am koro nzu wɔ?" Na ba bisa i ka, "Rabi, a da ni wɔ?" *Rabi* bu la ka, ya Kerefɔ. ³⁹ Na wɔ se bu ka, "Am bra na am ba nie." Nyini sanɲa ni, naaso kerefi nna abo, na ba su i su, na ba kɔ ɲu deke bo i wo ni. Na ba ka i dɔ nyini cɛɛn ni. ⁴⁰ Nyini mine n nnyɔm n bo bu yo tiiri kabo Yohane seeri n na bu suuri Yesu su ni, bu nu kun ye bu fere i ka Andere n a, bo i gorɔ la Simon Petoro ni. ⁴¹ Nyini sin na Andere ako ɲu i gorɔ Simon, na wɔ se i ka, "Ya ɲu *Mesaya* ni." *Mesaya* bu la ka Kristo, Tiidefɔ n bo Nyemɛ ase ka i súnma i ni. ⁴² Na wɔ fa i aba Yesu dɔ. Na Yesu anie i nyunu, na wɔ se i ka, "Bu fere u ka Simon wɔ, wɔrɔ ti Yohane wa n a, ama, bu bá fere u ka Kefasi." I bu la ka yabus, i ni Petoro kɛrɛ ti duma kun wɔ.

Kabo Yesu fereeri Filipu ni Natanieli ka bu su i su ni

⁴³ Alecin fɔfɔrɛ na Yesu ayasu ka i kɔ Galili dɛɛ awɔrɛ n nu. Na wɔ kɔ ɲu sɔnɔ be bo bu fere i ka Filipu ni, na wɔ se i ka, "Ba su m su." ⁴⁴ Filipu bosu la mie be bo bu fere i ka Besayida n wɔ. I ni Andere ni Petoro kɛrɛ fite mie kun su wɔ. ⁴⁵ Na Filipu gusu ako ɲu sɔnɔ be bo bu fere i ka Natanieli, na wɔ se i ka, "Ya ɲu sɔnɔ n bo Moyisi yo kɛrɛeri i jɔrɛ Nyemɛ noanie kpamaawa kadasi n nu ni, na Nyemɛ noanie kanfɔm gusu yo kɛrɛeri i jɔrɛ bu dɛɛ kadasi n nu ni. Yiri la Yesu n bo i fite Nazareti ni, na i si la sɔnɔ be bo bu fere i ka Yosefu ni." ⁴⁶ Na Natanieli abisa i ka, "Deke kpa koro fite Nazareti dɛɛ mie n gusu nu?" Na Filipu ase i ka, "Bra na a ba nie." ⁴⁷ Nyini sanɲa na Yesu ɲu ka Natanieli suba i dɔ, na wɔ se ka, "Ahin sɔnɔ n ti Yisarelifɔ baa a nahɔrɛ su, bo sa be wo má i ɲu." ⁴⁸ Na Natanieli abisa i ka, "A yo se siiri m a?" Na Yesu abo i nu ka, "M ɲuuri u sanɲa bo a toko tana damba baka n bu n wɔ, nyini sin ye Filipu fereeri u n a." ⁴⁹ Na Natanieli ase i ka, "Ya Kerefɔ, wɔrɔ ti Nyemɛ Wa n a, nahɔrɛ su. Wɔrɔ ti Yisarelifɔm Fɛmɛ n a." ⁵⁰ Na Yesu ase i ka, "Bo ma se u ka m ɲuuri u damba baka n bu n ti ye a yo m yarada, nzen se? A bá ɲu alekutura sam bo bu tara sɔ. ⁵¹ Nahɔrɛ ye m suse am a. Am bá ɲu kabo angoro bá teke na Nyemɛ merɛkem bá sufun kɔ angoro, na bu bá sujura ba mini Adamande Wa n dɔ."

2

Kabo Yesu kɔrɔri konyaya be Kana mie kpiri n nu ni

¹ Nyini sin, i lesan cɛɛn na konyaya be awo Kana, mie kpiri n bo i wo Galili awɔrɛ n nu ni. Na Yesu ni gusu ako konyaya n nu. ² Na ba fere Yesu ni i susufɔm n ka bu gusu ba di konyaya n be. ³ Sanɲa bo konyafɔm nzan n ba kpierɛri bu su ni, na Yesu ni aba ase i ka, "Bu nzan n awie." ⁴ Na Yesu abo i nu ka, "M ni, ye a ɲa m yo se wɔ? M sanɲa nya ju má." ⁵ Na i ni ase awurunbaam n ka, "Am yo deke kere bo i se am."

⁶ Nyini dika n nu, yabus cunɲu nsen jina berɛ, bo i kun kun kere koro de nzue ganɲa nnu wara nsen. Yudaɔm la bu yoowa be, bu fa nyini cunɲum n nu nzue ni, ye bu bita ɲmisi bu fin a. ⁷ Na Yesu ase awurunbaam n ka, "Am sa nzue gɔ cunɲum n nu na bu yi." Na ba gɔ i kere nzue na ba yi. ⁸ Na Yesu akaaki ase bu ka, "Kisa am sa be kɔ ma konyafan danfo ni." Na ba sa be ako ama i. ⁹ Bu sa kɔ maari i ni, na nzue n akaaki nzan. Na wɔ fa akan i nɔɔ. Wɔ si má deke bo nyini nzan n fite. Ama, awurunbaam bo bu saari nzue ni, berɛ si deke bo i fite. Na wɔ fere konyafan ni, ¹⁰ ase i ka, "Sɔnɔ kɛrɛ nya ɲa bu ma nzan, bu du mɔ fa nzan fiefie n ma jama n a ka, na ba nya aba anu abo ni, na bu nya fa bo i yo má fie n ma bu, ama, wɔrɔ, a fa bo i yo fie n aka sin a." ¹¹ Kabo Yesu maari nzue kaaki nzan ni, nyini tiiri i ciciri su dɛɛ alekutura sa. I yoori nyini sa n Kana, bo i wo Galili awɔrɛ n nu n wɔ, na i kere kabo i la yiko n bo i fite Nyemɛ dɔ, na i susufɔm n ayo i yarada.

¹² Nyini sin, na i ni i ni, ni i niemam, ni i susufɔm n ako mie kpiri n bo bu fere i ka Kapenam, na ba kɔ ayo lennyɔ dɔ.

Kabo Yesu fɔnri wataɔm fiteeri Nyemɛ Sereebiri Awuru n nu ni

¹³ Wɔ ka kaan na Yudaɔm di bu cɛɛnkpiri n bo bu fere i ka Butara cɛɛnkpiri ni. Na Yesu ako Yerusalem mie kpiri n nu. ¹⁴ Na wɔ kɔ awura Nyemɛ Sereebiri Awuru n nu

anju ka mine wo do suto naanim, ni nboem, ni bumbuku tiwam, na njwaa kaakifom gusu tana do. ¹⁵ Na wo fa nyama anjo i ka ngbere dee su, na wo fa afon ayi nboem n ni naanim n kere afite Nyeme Sereebiri Awuru n nu. Na wo sandi njwaa kaakifom njwaa n kere abutu, na wo nya akaaki bu teebirim kere alanlanga. ¹⁶ Na wo se minem bo bu to bumbuku tiwam n ka, "Am fa am bumbukum n fite fen. Ma am se ka am fa m Si Nyeme Sereebiri Awuru n yo go kun."

¹⁷ Na i susufom n aba atenje su ka ba kere i Nyeme Jore Kadasi n nu ka, "M Nyeme Feme, m nyunu aboro u awuru n jore su, nyini kun m a." ¹⁸ Na Yudafo nkpienm abisa i ka, "A yo nzu alekutura sa bo i kere ya ka a la atin bo a yo so a?" ¹⁹ Na Yesu ase bu ka, "Am bo fufu ahin Nyeme Sereebiri Awuru ni, na lesan afien m kaaki ta i bekun." ²⁰ Na ba se i ka, "Afo aburana ni nsen ye bu fa taari ahin Nyeme Sereebiri Awuru n a. I yo se ye woro ba se ka a kaaki ta i lesan afien a?" ²¹ I yo kaanri so ni, i faari i nuniembaa ni fa sunsum Nyeme Sereebiri Awuru n a. ²² Na sanja bo i ba wu tengeeri i yiwee n nu ni, na i susufom n atenje su ka i yo seeri so, na ba de noanie n bo ba kere i Nyeme Jore Kadasi n nu ni, na ba yo Yesu jojowa n yarada.

Yesu si kabo adamande woowa ti barasu

²³ Sanja bo i wo Yerusalem na bu sudi Butara ceenkipiri ni, i yoori alekutura sam, na mine dongu anju i, na ba yo i yarada. ²⁴ Ama, yiri afa ma i nu ago ma bu nu, dama i si kabo adamande woowa ti. ²⁵ Ma pui ti, yiri mmoo ni i tii si kabo adamande ahore su ti barasu, ma be se i a.

3

Kabo Yesu kaanri Nyeme jore kereeri Nikodemo ni

¹⁻² Ceen be kongue so o, na Yudafo m kpien be aba Yesu do, bu fere i ka Nikodemo. I ti Farasifom ni kun be wo. Na wo se Yesu ka, "Ya Kerefo, ya si ka a ti kerefo n bo a fite Nyeme do o, dama be koro yo ma alekutura sa bo a yo bu ni, ma ka Nyeme wo i mi do." ³ Na Yesu ase i ka, "Nahore ye m suse u a. Sono koro fa ma Nyeme yo ma i feme, ma ka ba wu i fofore." ⁴ Na Nikodemo abisa i ka, "Sono nyunu ati, bu yo se koro kaaki wu i fofore a? I koro kaaki wura i ni kunnu na bu wu i bekun?" ⁵ Na Yesu ase i ka, "Nahore ye m suse u a, sono koro wura ma Nyeme femeya n nu, ma ka ba wu i fofore fa ko nzue biewa ni Awiewie Casi n dee atin n su. ⁶ Deke bo adamande awu i, i ti adamande wo, na deke bo Awiewie Casi n awu i, i ti awiewie wo. ⁷ Ma a ma i yo u alekutura fa ko kabo ma se u ka wo yo daka ka bu wu am fofore ni. ⁸ Sanja kere a ti ka anuma kpie ko o, ye a ti i nanmie nga a, ama, a si ma deke bo i fite, na a kaaki si ma deke bo i suko, nyini ti, sono kere bo Awiewie Casi n awu i ti so o."

⁹ Na Nikodemo abisa Yesu ka, "I yo se ye ahin koro yo a?" ¹⁰ Na Yesu akaaki abisa i ka, "Woro bo a kere Yisarelifom Nyeme noanie n na bu nyunu yi u ni, i yo se ye a si ma ahin n a? ¹¹ Nahore ye m suse u a, sa bo ya si i, ye ya joko i jore a, na sa bo ya nyumbaa anju i, ye ya di i daani kere minem a, ama, am akete ya daani diiwa ni. ¹² M suse am sam bo bu wo durunya n nu fen wo lee, ama, am sude ma i, ye m ba seeri am sam bo bu wo Nyeme femeya n nu, am yo se de i a? ¹³ Be nya fun ma Nyeme do, ma ka mini Adamande Wa n bo m woori i do na ma jura aba ni. ¹⁴ Kabo Moyisi yo faari jawii yoori i ka woo dee su n na i fa i bara yeeri baka n na i yeeri i su kpamaari boro kpantain n nu ni, wo yo daka ka so ye minem ba ye mini Adamande Wa n su a. ¹⁵ Na sono kere bo i yoori m yarada, i nya ngoo bo i la ma awieeri ni."

¹⁶ Nyeme akoro durunya n nufom agaya n dee ti, na wo fa i kunnu Wa kun n kpein n afa ama bu, adena sono kere bo i yo i yarada, i mi ka ma ngbeen, ama, i nya ngoo bo i la ma awieeri ni. ¹⁷ Nyeme asunma ma i Wa n durunya n nu ka i ba di bu jore cin bu sui wo, ama, wo sunma i ka i ba de bu tii ji wo. ¹⁸ Sono kere bo i daafiiri Nyeme Wa n nu, Nyeme di ma i mi n jore, ama, sono kere bo wo da ma i nu, Nyeme adu mo adi i jore ka, dama ka wo da ma Nyeme Wa kun n kpein n nu n dee ti. ¹⁹ Kabo Nyeme di bu jore n la ka, wein n aba durunya n nufom do, ama, bu satie yoowa n dee ti, ba koro awosin n atara wein ni. ²⁰ Sono kere bo i yo satie kpo wein n wo, i koro ma ka i ko wein n nu, na i satiem fite fofoe nu. ²¹ Ama, sono kere bo i su nahore atin su, i fite fofoe nu wo, na mine kere nu ka i sayoowa n su Nyeme atin n su wo.

Kabo Yohane diiri Yesu nu daani barasu ni

²² Nyini sin na Yesu ni i susufom n ako Yudiya dee awore n nu. Na ba ko adi lennyo do, na i subie minem Nyeme nzue. ²³ Nyini sanja n na Yohane gusu subie minem Nyeme nzue. I wo Ayinon mie n nu fa dodo Salim awore n nu, dama nzue sunnu do n dee ti. Na

minem suba i do na i subie bu Nyeme nzue. ²⁴ Nyini sangga ni, ba nya anyi má Yohane dansaraka.

²⁵ Na Yohane susufom ni Yudafɔ be awura akuruwa fa ko bu fin kpara n deɛ yoowa atin su. ²⁶ Na ba ko Yohane do ako ase i ka, “Ya Kerefo, nie. Sono n bo i yo baari u do Yodan kunma n wie afiiri n na a yo diiri i nu daani kereeri mine ni, yiri wo do subie minem Nyeme nzue n a, bu kere suko i do o.” ²⁷ Na Yohane ase bu ka, “Sono koro nya ma deke be, ma ka Nyeme afa nyini deke n ama i. ²⁸ Ambere ni am tii woori m daani ka m ja ma mini ti Kristo Tiidefo n a, ama, Nyeme sunmaari m ka m du i mo o. ²⁹ Bu nya jaari konya, i ti konyafan n deɛ wo, ama, na konyafan n danfo jina suso i sui ti deke bo konyafan ni jojo se i, nyini sangga na i danfo n ahore jo. Nyini ahorejo kun ni, wo mini gusu do a. ³⁰ Wo yo daka ka i deɛ duma n fun, na m deɛ n kpie su.”

Yiri bo i fite angoro n deɛ jore

³¹ Yiri bo i fite angoro n tara sono kere. Na bo i fite durunya n nu fen ti durunya n nu fen fo o, na i jojowa kere ti durunya n nu fen jore wo. Ama, yiri n bo i fite angoro n tara sono kere. ³² Deke bo wo nu i, ni bo wo ti i, ye i di i daani kere mine a, ama, be de ma i daani diiwa ni. ³³ Ama, sono kere bo i deeri i daani diiwa n asoro su akere ka Nyeme ti nahorefo leɛ. ³⁴ Dama yiri n bo Nyeme asunma i ni, Nyeme noanie n ye i kan i a, dama Nyeme afa i Awiewie Casi n ama i bo i la ma anusu. ³⁵ Nyeme koro i Wa ni, na wo fa deke n kere awura i saa nu. ³⁶ Na sono kere bo i daari Nyeme Wa n nu, i la ngoo bo i la ma awieeri ni. Na sono kere bo i kete i noanie ni, i nya ma ngoo n bo i la ma awieeri ni, ama, Nyeme fa yaa cin i sui.

4

Kabo Yesu seeri Samariyafɔ bara be i tii su jore ni

¹⁻² To. Na Farasifom n ati ka Yesu sunya minem dongu bo bu susu i su na i bie bu Nyeme nzue tara Yohane. Ama, ma Yesu ni i tii bie bu Nyeme nzue n a, i susufom ni bie bu a. Sangga bo Yesu faari nu so ni, ³ na wo yasu Yudiya awore n nu akaaki ka i ko Gallili deɛ awore n nu bekun. ⁴ I suko ni, wo yo daka ka i fa Samariya deɛ awore n nu sin a. ⁵ Na wo ko aju Samariya mie kpiri be bo bu fere i ka Suka n su, na i wo dodo asien n bo Jakobu yo fa maari i wa Yosefu dawa sangga ni. ⁶ Jakobu bura n wo nyini dika n nu wo. Natiiri fie n deɛ ti, na Yesu ako atana bura n su. Nyini sangga wie abi kenken.

⁷ Na Samariya bara be aba ka i ba sa nzue, na Yesu ase i ka, “Ma m nzue n be na m nu.” ⁸ Nyini sangga ni, i susufom n ako mie kunnu ka bu ko to diire. ⁹ Na bara n ase i ka, “Ee, woro, a ti Yudafɔ e, ye m gusu ti m Samariyafɔ bara. Nzu ti ye a se m ka m ma u nzue a?” Dama Yudafom ni Samariyafom to ma pui. ¹⁰ Na Yesu ase i ka, “Nzen ma a si Nyeme aceeri ni, na ma a si sono n bo i susere u nzue ni, ma woro sere i a, na i ma u nzue bo i ma ngoo ni.” ¹¹ Na bara n ase i ka, “Ya si, bura n wo ngo, u gusu la ma goroka, ye a nya nyini nzue n bo i ma ngoo n ni wo? ¹² Woro, nka a ja a tara ya na Jakobu n wo, nzen se? Yiri maari ya nyini bura n a. I ni i nbaam fa sangga ni i nengendorem kere yo nuuri nyini bura n nu wo.” ¹³ Na Yesu ase i ka, “Sono kere bo i nu ahin nzue ni, nzuehoɛ ti i mi bekun, ¹⁴ ama, sono kere bo i nu nzue n bo m ma i ni, nzuehoɛ ti ma i mi kun fieo, dama nzue n bo m ma i ni, i wo i kunnu tie kabo bura nzue tie n wo, na i ma i ngoo bo i la ma awieeri ni.” ¹⁵ Na bara n ase i ka, “Ya si, ma m nyini nzue n be na m nu, adena ma nzuehoɛ ti m kun, na ma m kaaki ba sa nzue fen kun.”

¹⁶ Na Yesu ase i ka, “Ko fere u hun na am bra.” ¹⁷ Na bara n ase Yesu ka, “M la ma hun.” Na Yesu ase i ka, “Kabo a ja a la ma hun ni, i ti nahore wo. ¹⁸ Dama nbiesom nnu ye a fite bu aja bu n a, na haari bo u ni yiri wo bere kisa mmoo ni, i ti ma u hun. A se nahore wo.” ¹⁹ Na bara n ase i ka, “Ya si, ma nu ka a ti Nyeme noanie kanfo o. ²⁰ Ya na Samariyafom yo suuri Nyeme ahin buka n su wo. Ama, ambere Yudafom ja wo yo daka ka sono kere su Nyeme Yerusalem mie kpiri n nu wo.” ²¹ Na Yesu ase i ka, “Bara, de bo m suse u ni, sangga suba bo am su ma ya Si Nyeme ahin buka n su, wara Yerusalem mie n nu. ²² Ambere Samariyafom ja am su Nyeme wo, ama, am si ma i. Ama, yere Yudafom si i, ye ya su i a. Dama tiide n fite Yudafom do o. ²³ Sangga suba bo wo yo awie, na bo bu su ya Si Nyeme ni, i Awiewie Casi ni buka bu ye bu su i ni nahore su a. Dama nyini minem nusu ye ya Si Nyeme koro ka bu su i a. ²⁴ Nyeme ti awiewie wo, nyini deɛ ti, bo bu su i ni, wo yo daka ka i Awiewie Casi ni buka bu na bu su i ni nahore su.” ²⁵ Na bara n ase i ka, “To, m si ka Kristo Tiidefo ni ba. I ba juuri, i kan ya deke kere kere ya.” ²⁶ Na Yesu ase i ka, “Mini bo m sujojo u do ni, mini leɛ.”

²⁷ Nyini sangga n nu na Yesu susufom n afite mie n kunnu aju, na jore n amie bu kabo Yesu ni bara n wo jojo su ni. Ama, bu be abisa ma bara n ka, “A koro nzu i do a?” Be gusu abisa ma Yesu ka, “Nzu ti ye a sujojo bara n do a?”

²⁸ Na bara n ayaki i dundu n bere, na wo kpie i nyi ako mie n kunnu ako ase minem ka, ²⁹ "Am ba nie sono be bo wo se m m tii su sa kere bo ma yo i. Beni, kisa, Kristo Tiidefo n lee fan?" ³⁰ Na minem n afite mie n nu, na bu ko Yesu do.

³¹ Bara n koori n dee sin, na Yesu susufom n asere i ka, "Jande, ya Kerefo, di diire." ³² Na wo se bu ka, "M la diire bo m di bo am si ma i." ³³ Na i susufom n abisa bu nju nu na ka, "Be afa diire aba ama i wo di wo, nzen se?" ³⁴ Na wo se bu ka, "M diire n la ka, m yo yiri bo wo sunma m dee koroowa na m yo i juma n wie." ³⁵ Na wo bo bu anyundere ase ka, "Am na wo ka sara nna na am tambu fiesu nenggem. Ama, mini suse am wo lee, am tu am tii na am nie, fiesu diire n abi ni kpie." ³⁶ Sono bo i kpie diire ni, i nya i nkato, i ti ka sono bo i tien mine noo, na bu nya ngoo bo i la ma awieeri ni, dofo ni kpiefon n kere nya ahorejo. ³⁷ Be bu na 'Be do, na be kpie ni,' i ti nahore wo. ³⁸ Ambere yiri, mini asunma am a, ka am ko kpie diire n bo am ado ma i ni. I ti ka nbem adu mo akan Nyeme noanie n akere minem, ye am dee la ka am ma bu yo m yarada. Nbem dee jumayowa ye am sudi i kperen a."

³⁹ Bara n seeri minem bo bu fite mie n nu n kabo Yesu ase i tii su sa kere n dee ti, na Samariyafom doggu bo bu fite mie n nu n ada Yesu nu. ⁴⁰ Nyini ti, bu ba juuri Yesu do ni, na ba sere i ka i ka bu do, na wo ko awo bu do ceen nnyo. ⁴¹ Na mine doggu ada i nu abuka su fa ko i noanie joojowa n ti. ⁴² Na ba se bara n ka, "Kisa, ma u dee joojowa n ngumi ti ye ya da i nu a, ama, yere mmoo ni ya tii ati i noanie joojowa, na ya si nu ka ahin sono n ti bo i baari ka i ba de durunya n nufom tii wo, nahore su."

Kabo Yesu maari feme n kpian be wa nyaari laifie ni

⁴³ Yesu woori bu do ceen nnyo n sin, na wo yasu bere ako Galili dee awore n nu. ⁴⁴ Dama yiri mmoo ni i tii adu mo akan ka Nyeme noanie kanfo la ma jirima i tienggu bosu. ⁴⁵ Sangga bo i ko juuri Galili ni, na ba de i ni bu sa nnyo, dama bu yo juuri kabo i yoori alekutura sam ceenkpiri n sangga, Yerusalem mie kpiri n nu ni, dama bere mmoo yo koori nyini ceenkpiri n di ti.

⁴⁶ Na Yesu akaaki ako Kana, mie kpiri n bo i wo Galili awore n nu ni, deke bo i yo maari nzue kaakiiri nzan ni. Feme n kpian be woori do. I wa be la ma laifie, i wo Kapenam mie kpiri n nu. ⁴⁷ Na sangga bo kpian n tiiri ka Yesu afite Yudiya dee awore n nu ako aju Galili ni, na wo ko Yesu do ako asere i ka i wa suwu, i ma bu ko na i ko tuntun i, na i nya laifie. ⁴⁸ Na Yesu ase i ka, "Ma nu ka nzen am anu ma alekutura sam, am yo ma m yarada." ⁴⁹ Na kpian n ase i ka, "M Mibie, bra ndende, ma nyini, a ceeri, a ba nu ka m wa n awu." ⁵⁰ Na Yesu ase i ka, "Ko. U wa n anya laifie." Na wo de Yesu noanie ni, na wo kaaki ako. ⁵¹ Na sangga bo i suko awuru ni, na i akoom akpa i atin aba ase i ka, "U wa n anya laifie." ⁵² Na wo bisa bu ka, "Sangga bono ye i njunie n joori a?" Na ba se i ka, "Anuma wiesu kerefi kun sangga ye i njunie n joori a." ⁵³ Do na baa n si n atenge su ka, nyini sangga n nu lee, ye Yesu seeri i ka i wa n anya laifie n a. Na i ni i dikafom kere ada Yesu nu. ⁵⁴ Kabo Yesu ma baa n nyaari laifie ni, nyini tiiri i alekutura sa nnyo su bo i yoori sangga bo i fite Yudiya dee awore n nu koori Galili n a, na i kere kabo i la yiko n bo i fite Nyeme do.

5

Kabo Yesu tuntuunri sono be kunma n noo su ni

¹ Nyini sin na Yesu ako Yerusalem mie kpiri n nu na i ko di Yudafom ceenkpiri be. ² Kunma be da dodoori ane n bo bu fa nbom fa sin wura mie n nu ni. Hiburu anie nu bu fere nyini kunma n ka Besata, i la kpatam nnu wo. ³ Landurifom beberebe dada kpatam n nu, bu nu nbem ti anyinsinm, nbem ti kujandafom, na bu nbem gusu njunie buiekun awu bo bu koro yasu ma. [⁴ Bu da nminda do, dama sangga sangga Nyeme mereke jura ba kunma n nu wo, na i ba kankan nzue n nu. Nzue kankanwa n dee sin, na landurifo n bo i du mo juraari nzue n nu, i tukpaki n koro i ti ka se, i yaki wo, na i nya laifie.] ⁵ Sono be woori bu nu bo wo da tukpaki i afo aburasan ni mocue lee. ⁶ Yesu juuri i so ni, na wo fa nu ka sono n tukpaki n ace i nu, na wo bisa i ka, "A koro ka a nya laifie wo?" ⁷ Na tukpakifo n ase Yesu ka, "M Mibie, m la ma bukafu be bo nzue n nya ba kankan, na i kuku m wura nu. Sangga kere bo nzue n nya ba kankan, na m ba na m wura nu, a nu ka be adu m mo." ⁸ Na Yesu ase i ka, "Yasu, fa u dasu n na a nati." ⁹ Jinaabiri n nu bere na sono n anya laifie, na wo yasu afa i dasu n sunati.

Nyini ceen n bo Yesu tuntuunri sono n ti Numiya ceen wo. ¹⁰ Nyini ti na Yudafom nkpienkpienm n ase sono n bo wo nya laifie n ka, "Nyuma ti Numiya ceen wo. Ya dee atin n su, atin wo ma nu bo a so u dasu ni." ¹¹ Na wo se bu ka, "Sono n bo i tuntuunri m ni, yiri seeri m ka m fa m dasu na m nati a." ¹² Na ba bisa i ka, "Nyini sono n la nma a, ye i seeri u ka a fa u dasu nati a?" ¹³ Ama, na sono n bo wo nya laifie n akoro asi ma

i mi n bo i tuntuunri i ni, dama Yesu awura jama n nu ako. ¹⁴ Nyini sin na Yesu aba anu i, Nyeme Sereebiri Awuru n nu, na wo se i ka, "Ti fen. Kisa a nya laifie, ma a yo satie kun. Ma nyini, a di wahara bo i tara nyini n nusu." ¹⁵ Na sono n ako ase Yudafo nkpienkpienm ni ka Yesu tuntuunri i a. ¹⁶ Nyini ti, na ba kere Yesu wuwuruwa, dama wo tuntun sono Numiyi een n dee ti. ¹⁷ Na wo se bu ka, "M Si toko yo juma haari ba ju ni nyuma, nyini ti ye m gusu yo a." ¹⁸ Yesu jorcari so n dee ti, na Yudafo nkpienkpienm n aboro bu nyi abuka su ka bu kun i. Ma ka bo wo saaki Numiyi een n ciire n ngumi dee ti, ye bu kpi ka bu kun i a, ama, bo wo kaaki ase ka Nyeme ti i Si n dee ti. Nyini kere ka wo fa i nu abu Nyeme wo lee.

Kabo Yesu yiko ti barasu ni

¹⁹ Na Yesu ase bu ka, "Nahore ye m suse am a, mini Nyeme Wa n ni m tii, m koro bo ma m tienu yo ma pui, ma ka deke bo m nu ka m Si yo i ni, ye mini gusu yo i a. ²⁰ Dama m Si Nyeme koro mini i Wa ni, na i sukere m deke kere bo i yo i ni, na i ba kere m sakpakpam bo m yo bu tara so, na i yo am alekutura. ²¹ Kobo m Si Nyeme ye minem bo ba wu n su n na i ma bu ngoo ni, so ye mini gusu ma minem bo ma yi bu ni ngoo a. ²² Dama m Si Nyeme ni i tii di ma be jore, ama, wo fa jore di atin kere ama mini i Wa n wo, ²³ adena sono kere bu m kabo bu bu m Si ni. Sono kere bo i bu ma m, i mi abu ma m Si bo wo sunma m n lee.

²⁴ Nahore ye m suse am a, sono kere bo i ti m noanie n na i de i, na i da Nyeme bo wo sunma m n nu, i mi la ngoo bo i la ma awieeri, na m di ma i mi jore. I mi afite yiwee nu anya ngoo lee. ²⁵ Nahore ye m kaaki suse am a, ka sangga suba bo wo ju awie, na mine bo ba wu ni ti mini Nyeme Wa n noanie ni, na bo bu tiiri i na bu deeri i, bu nya ngoo. ²⁶ Dama kabo ngoo fite yiri m Si Nyeme do ni, so ye wo ma mini i Wa n gusu yiko ka m ma minem ngoo a, ²⁷ na wo kaaki ama m atin ka m di mine jore, dama m ti Adamande Wa a. ²⁸ Ma am ma ahin jorcowam n yo am alekutura. Sangga suba bo mine bo ba wu n kere ti m noanie ni, ²⁹ na bu teggge bu yiwee n nu. Minem bo bu yo yoori sakpa ni, bu teggge na bu nya ngoo bo i la ma awieeri, na minem bo bu gusu yo yoori satie ni, bu teggge na bu nya suicin."

Sam bo bu di Yesu nu daani ni

³⁰ Na Yesu asa su ase ka, "M koro bo ma m tienu yo ma pui. Kobo Nyeme se m ni, so ye m di minem jore a. Nyini ti, m jore diiwa n ti nahore wo, dama m yo ma m dee koroowa, ama, m yo yiri n bo wo sunma m n dee koroowa a.

³¹ Nzen m di m nu daani kere am, am de ma ka i ti nahore, ³² ama, be wo bere bo i di m nu daani. Yiri la m Si Nyeme. Na m si ka i daani diiwa n ti nahore wo. ³³ Am yo sunmaari minem Yohane do, na wo se am nahore, kabo m ti barasu. ³⁴ M de ma adamande daani diiwa, ama, m kan kabo Yohane seeri am ni, adena am nya am tii. ³⁵ Yohane yo ti ka fitana bo i je na i ta a, na ambere ayo asoro su ka am wo i wein nu ni ahorejo fa ko sangga su. ³⁶ Ama, m la deke bo i di m nu daani bo i tara Yohane dee ni, yiri la sam bo m Si Nyeme akere m ka m yo bu wie ni. Nyini sam ni di m nu daani ka m Si asunma m a. ³⁷ Na m Si bo wo sunma m ni, yiri gusu adi m nu daani a. Am nya ti ma i konvi, am kaaki nya nu ma i kabo i ti barasu, ³⁸ na i noanie wo ma am ahore su, dama wo sunma m am do, na am ada ma m nu. ³⁹ Am kan Nyeme jore Kadasi n wo, na am fiiti i nu, dama am sunsun ka nyini kere am atin bo am fa na am nya ngoo bo i la ma awieeri a, ama, nyini kereewam nu di m nu daani a. ⁴⁰ Haari ni nyini n mmoo am akete ka am ba ma m do na am ba nya ngoo.

⁴¹ M koro ma kansu adamande do. ⁴² M si am sa, na m si ka, Nyeme dee koro n wo ma am ahore su. ⁴³ Mini ade m Si jinaabiri aba, ye am ade ma m, ama, nzen be baari ni i tiejgu ba, am de yiri wo. ⁴⁴ Ambere, am koro am nuju nu kansu wo, na bu susu am, ama, am koro ma kansu yiri n ngumi bo i ti Nyeme n do, nyini ti, i yo se ye am koro da m nu a? ⁴⁵ Ma am sunsun ka mini ko jaraki am m Si Nyeme do a. Am jarakifo la Moyisi, bo am la tama ka yiri buka am ni. ⁴⁶ Moyisi yo kereeri m nusu jore wo. Nyini ti, nzen ma am de i noanie ni, ma am de m gusu dee ni. ⁴⁷ Ama, am ade ma kabo i yo kereeri i ni, i yo se ye am koro de bo m suse am n a?"

6

Kabo Yesu maari nbiesom akpii nnu ni bu minem diire ni

¹ Nyini sin, na Yesu akpie ako Galili kunma kpiri n bo bu kaaki fere i ka Tiberiya n buekun do. ²⁻⁴ Nyini sangga, wo ka kaan, na Yudafo m di bu Butara eenkpiri ni. Na jama beberebe asu i su, dama ba nu kabo wo yo alekutura sam atuntun tukpakifom na ba nya laifie ni. Na Yesu ni i susufom n afun ako atana buka be su. ⁵ Na Yesu atu i tii anie

anju ka jama beberebe suba i do, na wo bisa Filipu ka, "Ya nya diire nifansu wo, na ya to ma ahin minem kere a?" ⁶ Yiri mmoo ni i tii si kabo i yo barasu, ama, i subo Filipu kunnu na i nie wo. ⁷ Na Filipu ase i ka, "Haari nzen ya faari njwaa beberebe toori diire maari bu, i ju ma bo bu kere koro nya kan kan di." ⁸ Na i susufom kun bo bu fere i ka Andere, na i goro la Simon Petoro n ase Yesu ka, ⁹ "Gbefene kaan be wo ya nu fen, i bita kpono nnu ni jombaa nnyo, ama, i koro ju ma ahin minem kere." ¹⁰ Wura mone sunnu bere, na Yesu ase i susufom ka, "Am ma minem kere tantana wura n su." Na ba ma minem kere atantana. Nbiesom ngumi ko yasuuri mine akpii nnu wo. ¹¹ Na Yesu afa kpono n na wo da Nyeme asi, na wo kpakpaaki i nu ama minem bo bu tantana ni, na wo kaaki afa jombaa n ayo i so, na bu kere anya kabo bu koro. ¹² Bu kere diiri na bu kunnu yiiri ni, na wo se i susufom n ka, "Am tientien sinsin n bo ba di i na wo ka n nco. Ma am ma be ka ngbeen." ¹³ Na ba tientien kpono sinsin n bo ba di i na wo ka n nco, na wo yi kandie buru ni nnyo. ¹⁴ Minem n juuri nyini alekutura sa n bo Yesu yoori ni, na ba se ka, "Nahore, ahin sono n ti Nyeme noanie kanfo n bo bu seeri ka i ba durunya n nu n a." ¹⁵ Yesu faari nu ka bu koro ka bu tara i fanga, na bu fa i yo bu feme n dee ti, na wo yasu afite bu nu yiri ngumi, ako buka n su.

Kabo Yesu natiiri nzue su ni

¹⁶ I naaso sangga, na Yesu susufom n ajura ako kunma kpiri n nu, ¹⁷ na ba ko awura lee nu ka bu kaaki kpie ko Kapenam mie kpiri n nu. Ale aba asan kere, na Yesu nya ba ma bu do, ¹⁸ na ajuma sukpie fanga su, na nzue nyama gusu suyasu. ¹⁹ Nyini sangga ni, i susufom n wo nzue n su ako aju kunma kpiri n ahin, na ba ju Yesu ka i nati nzue n su suba dodo lee ni, na sere ati bu. ²⁰ Na Yesu ase bu ka, "Mini a, ma am ma sere ti am." ²¹ Na ba ma wo wura lee n nu. Jinaabiri n nu bere, na ba ju deke bo bu sukoo ni.

Kabo jama n sunienie Yesu busu ni

²² Alecin na jama n bo bu kaari kunma kpiri n buekun do n afa nu ka lee kun n kpein woori kunma n su anuma n a. Na ba si nu ka Yesu susufom n ngumi wuraaari lee n nu koori a, ama, yiri mmoo ni i tii awura ma nu. ²³ Na lee nbem afite mie n bo bu fere i ka Tiberiya n aba aju kunma n nco su, fa dodo deke bo Yesu sereeri Nyeme goori kpono n su maari minem na bu diiri ni. ²⁴ Na jama n anie, ba ju ma Yesu ni i susufom n bere, nyini ti, na ba wura leem n nu ako Kapenam ko sunienie Yesu busu.

Kabo Yesu na yiri ti diire n bo i ma ngoo n a

²⁵ Minem n ko juuri Yesu kunma kpiri n buekun do ni, na ba bisa i ka, "Ya Kerefo, sangga bono ye a baari fen a?" ²⁶ Na wo se bu ka, "Nahore ye m suse am n a, ma alekutura sam bo m yoori bu n ti ye am sunienie m busu a, ama, kabo m maari am diire na am kunnu ayi n dee ti a." ²⁷ Ma am ma am nyunu boro diire bo i saaki n busu, ama, am ma am nyunu boro diire bo i wie ma, na i ma ngoo bo i la ma awieeri n busu. Mini Adamande Wa ni ma am nyini diire n a, dama mini ngumi, ye m Si Nyeme ase m nyaari akere ka m ti i dee a." ²⁸ Na ba bisa i ka, "Ya yo se koro yo juma n bo Nyeme koro ka ya yo i n a?" ²⁹ Na Yesu abo bu nu ka, "Juma n bo Nyeme koro ka am yo i n la ka, am yo mini bo wo sunma m yarada." ³⁰ Na ba bisa i ka, "Ye a yo nzu alekutura sa kere ya, na ya ju i na ya yo u yarada? A yo sa bono o?" ³¹ Dama sangga bo ya nam yo woori boro kpantain nu ni, bu diiri diire be bo bu fere i ka mana n wo. Kabo ba kere i Nyeme Jore Kadasi n nu lee, ka yiri maari bu diire n bo i fite angoro ye bu diiri a." ³² Na Yesu ase bu ka, "Nahore ye m suse am n a, ma Moyisi yo maari nyini diire n bo i fite angoro n a, ama, m Si Nyeme maari am diire n bo i fite angoro nahore su a." ³³ Dama diire n bo Nyeme ma n la bo i fite angoro, na i ba ma durunya n nufom ngoo ni." ³⁴ Na ba se i ka, "Ya Mibie, nka a ma ya nyini diire n sangga kere."

³⁵ Na Yesu ase bu ka, "Mini ti diire n bo i ma ngoo n a. Sono kere bo i ba m do, ahoe ti ma i mi, na sono kere bo i yo m yarada, nzuehoe ti ma i mi kun. ³⁶ Ama, ma se am, haari ni bo am anu m n kere, am suyo ma m yarada. ³⁷ Sono kere bo m Si fa i maari m, i ba m do, na woro kere bo a ba m do, m ke te ma u fieo. ³⁸ Dama ma fite ma angoro aba ma ka m ba ya m n dee koroowa, ama, m baari ka m ba yo Nyeme bo wo sunma m dee koroowa a. ³⁹ Yiri n bo wo sunma m dee koroowa la ka, minem kere bo wo fa ama m ni, ma m ma bu be mmoo mini, ama, i koro ka m tenge bu kere jina cen na bu nya ngoo. ⁴⁰ Dama m Si koroowa la ka, sono kere bo i ju mini i Wa n na i wo yarada, i mi nya ngoo bo i la ma awieeri, na m tenge i jina cen."

⁴¹ I seeri ka yiri ti diire n bo wo fite angoro aba n dee ti, na minem ni sunjuti i. ⁴² Na ba se ka, "Ma Yosefu wa Yesu n lee? Ya si i si ni i ni kere e. Ye i baari se, ye i na i fiteeri angoro baari a?" ⁴³ Na Yesu ase bu ka, "Ma am njuti am njutu nu. ⁴⁴ Be koro ba ma m do, ma ka m Si Nyeme bo wo sunma m ni, acin i mi adodo m, na m tenge i

mi jina cɛɛn. ⁴⁵ Kabo Nyeme nɔɔnie kanfɔm yo kereeri lee, ka, 'Nyeme kere sono kere nyaari a.' Na sono kere bo i ti Nyeme kereewa n na i siiri nu, i mi bá m do. ⁴⁶ Nyini kere má ka be adu mo anu Nyeme wo lee, má ka mini ngumi bo m fite m Si Nyeme do n anu i a. ⁴⁷ Nahore ye m suse am n a, ka sono kere bo i yo m yarada, i la ngoo bo i la má awieeri. ⁴⁸ Mini ti diire n bo i ma ngoo n a. ⁴⁹ Am nam yo diiri diire n bo bu fere i ka mana n boro kpantain nu, ama, na ba wu. ⁵⁰ Ama, ahin diire n ti diire barasu be bo i fite angoro wo, na sono kere bo i diiri i, i wú má. ⁵¹ Mini ti diire n bo wo fite angoro aba, na i ma ngoo n a. Sono kere bo i di ahin diire ni, i nyá ngoo bo i la má awieeri. Diire n bo m má n la m nuniembaa ni, bo m fá ma durunya n nufom, na bu nyá ngoo ni."

⁵² Yesu seeri so ni, na yaa ati bu, na bu suse akuruwa bu njuju nu ka, "Ahin sono ni yo se koro fa i nuni ma ya na ya di a?" ⁵³ Na Yesu ase bu ka, "Nahore ye m suse am n a, má ka am di mini Adamande Wa n nuniembaa ni, na am nu m dee mbunja ni, ambere ni am tii la má ngoo n bo i la má awieeri ni. ⁵⁴ Sono kere bo i di m dee nuniembaa ni, na i nu m mbunja ni, i mi la ngoo n bo i la má awieeri ni, na m tégge i mi jina cɛɛn. ⁵⁵ Dama m dee nuniembaa ni, ti deke bo i ti diire nahore su a, na m mbunja n ti deke bo i ti nuuwa nahore su a. ⁵⁶ Sono kere bo i di m dee nuniembaa ni, na i nu m mbunja ni, i mi wo ni mini, na mini gusu wo ni yiri lee. ⁵⁷ Yiri m Si bo i ma ngoo ni sunmaari m a, i dee ti, ye m la ngoo a, so ye sono kere bo i di m nuniembaa ni, mini dee ti, ye i nyá ngoo a. ⁵⁸ Ahin ni ti diire n bo wo fite angoro aba n a, i ti má ka diire n bo am nam yo diiri na i sin na bu wuuri ni. Sono kere bo i di ahin diire ni, i nyá ngoo n bo i la má awieeri."

⁵⁹ Yesu kereeri nyini kereewa n kere sangá bo i wo Kapenam bu tientienbuoo soo nu n wo.

Kabo Petoro seeri ka Yesu ti sono bo i ma ngoo n bo i la má awieeri n a

⁶⁰ Yesu susufom dongu tiiri i joojowa n so ni, na ba se ka, "Ahin kereewa n ti kekereke. Nma koro de i a?" ⁶¹ Na Yesu afa nu ka bu sunujuti fa ko i kereewa n su, na wo se bu ka, "Ahin joojowa n dee ti ye am koro ka am kaaki am sin n a?" ⁶² Ye nzen má am nu ka mini Adamande Wa n sukaaki sufum ko angoro, deke bo m fite baari ni, má am se se wo lee? ⁶³ Awiewie Casi ni ma mine ngoo a. Adamande yiko be koro ma má ngoo. Nɔɔnie n bo ma joo akere am ni, yiri ma am nya Awiewie Casi n bo i ma ngoo n a. ⁶⁴ Ama, am be n mmoo ada má m nu." Má pui ti, fite sangá bo Yesu boori i juma n bu ni, ye i si bo bu yo má i yarada n a, ni sono n bo i bá to i ni. ⁶⁵ Na wo se bu ka, "Nyini dee ti ye ma se am ka be wo má bere bo i koro ba m do, má ka m Si ama atin ka i mi yo m susufo."

⁶⁶ I seeri so n sin, na i susufom dongu akaaki ayaki i ka bu su má i su kun. ⁶⁷ Na wo bisa i susufo buru ni nnyom ni ka, "Ambere gusu koro ka am kaaki yaki m wo fan?" ⁶⁸ Na Simon Petoro abo i nu ka, "M Mibie, ya kó jma do a? Woro ti sono n bo i la nɔɔnie n bo i ma ngoo n bo i la má awieeri n a. ⁶⁹ Ye ya yo u yarada, na ya si ka woro ti sono casi n bo a fite Nyeme do n a." ⁷⁰ Na Yesu abo nu ka, "M ja am buru ni nnyo ye m yiiri am e, má so? Ama, am nu kun ti Sitana sono o." ⁷¹ I joo niiri Yudasí wo, Simon Isikariyoti wa ni. Yiri Yudasí tiiri buru ni nnyom ni kun wo, ama, yiri bá to Yesu n a.

7

Kabo Yesu ni i niemam boori anzama barasu ni

¹ Nyini sin na Yesu afa Galili awore n nu subara ye, wo koro má ka i ko Yudiya dee awore n nu, dama Yudafo m nkpienkpienm koro ka bu kun i wo. ² Nyini sangá, wo ka kaan na Yudafo m di bu cɛɛnkpiri be bo bu fere i ka Nambue Bo cɛɛnkpiri ni. ³ Na Yesu niemam ase i ka, "Fite ahin awore n nu na a ko Yudiya, adena u susufom gusu kó nu sam bo a yo bu ni. ⁴ Dama sono kere bo i koro ka mine si kabo i ti barasu, i fa má i sayoowa fie má minem sin, nzen a yo alekutura sam wo, ma durunya n nufom kere si u sa." ⁵ I niemam n mmoo ayo má i yarada, nyini ti ye bu seeri so n a. ⁶ Na Yesu ase bu ka, "M sangá nya ju má, ama, ambere yiri, sangá kere bo am koro, am ko o. ⁷ Ambere ye durunya n nufom koro kpo má am a, ama, bu kpo mini wo, dama m se bu wo, ka bu sayoowam ti má kpa. ⁸ Am ko cɛɛnkpiri n di, m kó má, dama m sangá nya ju má." ⁹ I seeri bu so ni, na wo ka Galili do lee nnyo.

Kabo Yesu ko diiri Nambue Bo cɛɛnkpiri ni

¹⁰ I niemam koori ka bu ko di cɛɛnkpiri ni, na Yesu gusu aba asa bu su, ama, wo yi má i nu fofoe nu, i fie koori a. ¹¹ Na Yudafo m nkpienkpienm ni sunienie i, na ba bisa ka, "Ye i wo ni wo?" ¹² Na jama n sutu asuturi bu benju do i busu. Nbem ja, "I ti sono

kpa a." Ye nbem gusu ŋa, "Ai, i dadaka minem wɔ." ¹³ Ama, be akoro akan má i jɔre fofoe nu, dama bu kere soro Yudaƒom nkpienkpienm n wɔ.

¹⁴ Saŋga bo ba di cɛenkpiri n ako aju afien ni, na Yesu ako awura Nyeme Sereebiri Awuru n nu, sukere minem. ¹⁵ Na Yudaƒom nkpienkpienm n ayo alekutura, na ba bisa ka, "I yo se ye ahin sɔno n la nyini si n ŋusu sɔ a, bo be akere má i a?" ¹⁶ Na Yesu ase bu ka, "Deke bo m fa kere am ni, i ti má m tiɛngu kereewa, ama, m Si Nyeme bo wɔ sunma m ni, yiri kere m kabo m kere a." ¹⁷ Sɔno kere bo i ŋa i yó Nyeme koroowa ni, ye i sí kabo m kereewa n ti a, nzen m kereewa n fite Nyeme do, wara m tiɛngu kereewa. ¹⁸ Sɔno kere bo i jojo i koroyanu, i mi koro ka bu kans i wɔ, ama, bo i koro ka bu kans i sɔno bo i sunma i ni, nyini sɔno ni jojo nahɔre a, na kɔre be wo má i ŋu. ¹⁹ M ŋa Moyisi yo maari am Nyeme noanie kpamaawa n a, má sɔ? Ama, am be n mmɔɔ su má i atin su. Ye nzu ti ye am koro ka am kun m a?" ²⁰ Na jama n ase i ka, "Ajini wo u ŋu. Nma koro ka i kun u a?" ²¹ Na Yesu ase bu ka, "Sa kun be lee, ye ma yo i n a, ye wo yo am kere alekutura n a." ²² Moyisi yo maari am nɔɔ ka am wura am nbaabiesom kenkenne lemɔcɔe cɛen, nzen haari i tɔ Numiyi cɛen n mmɔɔ, am yo i, ama, má Moyisi yo boori i bu ka bu wura kenkenne n a, am nam yo boori i bu a. ²³ Am wura nbaabiesom kenkenne Numiyi cɛen wɔ, adena má am bu noanie kpamaawa n bo Nyeme fa maari Moyisi ni ngbɛen, ye nzen ma tuntun sɔno mɔmɔ kun Numiyi cɛen n na wo nya laife, nzu ti ye am afa yaa m ŋu a? ²⁴ Má am nie sɔno nyunu dika na am di i jɔre, ama, am si i wo nahɔre su, na am nya di i jɔre."

Kabo minem bisaari ka Yesu ti Kristo Tiidefo n a

²⁵ Yesu seeri sɔ ni, na Yerusalemfom nbem abisa bu ŋuɔ nu ka, "Má ahin sɔno n ye Yudaƒom nkpienkpienm koro ka bu kun i n a?" ²⁶ Am nie e. Wɔ yi i ŋu fofoe nu ye i jojo a. Be suse má i pui mmɔɔ. Beni, Yudaƒom nkpienkpienm asi ka yiri ti Kristo Tiidefo n nahɔre su n a. ²⁷ Ama, saŋga bo Kristo Tiidefo n ba baari, be sí má deke bo i fite. Ahin sɔno n yiri, ya si deke bo i fite." ²⁸ Na saŋga bo Yesu sukere Nyeme Sereebiri Awuru n nu ni, na wo tien fanga su ase ka, "Am sunsun ka am si m nahɔre su, nzen se? Ye am si deke bo m fite? Ma ba má ni m deɛ yiko nu wɔ. Yiri n bo wo sunma m ni ti nahɔre a, ama, am si má i. ²⁹ Mini si i a, dama m fite i do ɔ, yiri sunmaari m a." ³⁰ Nyini ti, na ba kpi ka bu tara i, ama, be afa má i saa akan má i, dama i saŋga nya ju má. ³¹ Na jama n doŋgu ayo i yarada, na ba se ka, "Saŋga bo Kristo Tiidefo n ba baari, i yó alekutura sam tara ahin sɔno n wɔ, nzen se?"

Kabo bu sunmaari tintinijinaƒom ka bu kɔ tara Yesu ni

³² Na Farasifom n ati kabo jama n sutu asuturi sukan Yesu jɔre, na bu ni Nyeme sayoowa doŋguyofom nkpienkpienm n asunma tintinijinaƒom ka bu kɔ tara i. ³³ Na wo se ka, "M wó am do saŋga kaan, na m nya bá kɔ yiri n bo i sunmaari m n do. ³⁴ Am bá nienie m busu, na am ŋu má m. Deke bo m bá wo ni, am koro kɔ má do." ³⁵ Na Yudaƒom nkpienkpienm n abisa bu ŋuɔ nu ka, "Yiri koro ka i kɔ ni wɔ, ye yere koro ŋu má i a? I kɔ ya minem do ɔ, bo ba sandi awura Girikifom asien su ni, na i kɔ kere Girikifom ni Nyeme jɔre ni, nzen se a?" ³⁶ I ŋa se wo lee? Bo i ŋa ya bá nienie i busu na ya ŋu má i ni, na bekun, deke bo i suko ni, ya koro kɔ má do."

Kabo sɔno bo i yo Yesu yarada nya nzue n bo i ma ŋgɔɔ ni

³⁷ Cɛenkpiri n awieeri cɛen n ti cɛenkpiri n tii a. Nyini cɛen n na Yesu ayasu ajina, na wo tien fanga su ase ka, "Sɔno kere bo nzuehɔe ati i, i mi bra m do na i ba nu. ³⁸ Dama ba kere i Nyeme Jɔre Kadasi n nu ka, sɔno kere bo i yo m yarada, 'Nzuetin bo i ma ŋgɔɔ ni, i sɔngi fite i mi ahorembaa su a.'" ³⁹ Yesu jojo niiri Awiewie Casi n wɔ, ka sɔno kere bo i yo yiri Yesu yarada nyá Awiewie Casi ni. Nyini saŋga ni, Nyeme nya fa má i Awiewie Casi n ma má, dama wo nya wura má Yesu kpiri.

Kabo Yesu deɛ ti, na jama n nɔɔ woori bu ŋungumi ni

⁴⁰ Na jama n nu mine nbem tiiri kabo i seeri sɔ ni, na ba se ka, "Ahin sɔno n ti Nyeme noanie kanfo n wo nahɔre su." ⁴¹ Na nbem ase ka, "Yiri ti Kristo Tiidefo n a." Ama, na nbem gusu ase ka, "Kristo Tiidefo ni fite má Galili da. ⁴² Ba kere i Nyeme Jɔre Kadasi n nu ka Kristo Tiidefo ni yó Feme Davidi anuma a, na bu wú i Betilehem, Feme Davidi bosu wɔ." ⁴³ Yesu deɛ ti, na jama n nɔɔ awo bu ŋungumi, ⁴⁴ na nbem akoro ka bu tara i, ama, be afa má i saa akan má i.

Kabo Yudaƒom nkpienkpienm ayo má Yesu yarada ni

⁴⁵ Na tintinijinaƒom n akpie bu nyi ako Nyeme sayoowa doŋguyofom ni, ni Farasifom n do, na ba bisa bu ka, "Nzu ti ye am afa má i aba má?" ⁴⁶ Na tintinijinaƒom n abo bu nu ka, "Be nya koro jojo má kabo nyini sɔno n jojo ni." ⁴⁷ Na Farasifom n abisa bu ka,

“Wɔ daka ambere gusu wɔ fan? ⁴⁸ Am nya ti ka Yudaƒɔm nkpienkpienm wara Farasifɔm n be ayo i yarada a? ⁴⁹ Ama, ahin jama n si má Nyeme noanie kpamaawa ni, nyini ti, Nyeme ayo bu ngbɛɛn.” ⁵⁰ Na Nikodemo bo i ti Farasifɔm kun n na i yo kɔ ŋuuri Yesu ni, ase bu ka, ⁵¹ “Ya deɛ atin n su, kana ya ba di sɔnɔ jɔre jaraki i, má ka ya bisa i na ya ti sa bo wɔ yo i n ka.” ⁵² Na ba bisa i ka, “Wɔrɔ n mmɔɔ fite Galili wɔ? Kan Nyeme Jɔre Kadasi n na a nie. A nú má ka Nyeme noanie kanfɔ n be mmɔɔ fite Galili.”

[⁵³ Bu se sɔ wieeri ni, na bu kere asandi ako awuru.

8

¹ Na Yesu ako buka n bo bu fere i ka Oliva Buka n su, dama oliva bakam gɔ su wɔ.

Bara ajaafɔ n bo i saakiiri aja ciire n jɔre

² Alecɛn ŋgarama fuun na Yesu akaaki ako Nyeme Sereebiri Awuru n nu. Na jama n kere aba atien bu nɔɔ i dɔ. Na wɔ tana sukere bu Nyeme noanie. ³ Na Nyeme noanie kerefɔm, ni Farasifɔm nbem afa bara ajaafɔ be bo bu kɔ taraari i ka i ni biesɔ da, na ba fa i ajina bu afien. ⁴ Na ba se Yesu ka, “Ya Kereƒɔ, ya kɔ atara ahin bara n ka i susaaki aja ciire wɔ. ⁵ Noanie kpamaawa n bo Nyeme fa maari Moyisi n kere ka, nyini nbaram ŋusu sɔ, ya tu bu yabue bo kun bu. Nyini ti, ye wɔrɔ ŋa se?” ⁶ Bu seeri sɔ n na bu sɔ i ŋgeɛ, na bu jaraki i wɔ. Na Yesu abiri i tii asienɔgu sufa i saa maraka sukere asienɔgu. ⁷ Bu wo i bisa n su ni, na wɔ ye i tii su ase bu ka, “Bo i ŋa wɔ nya yo má satie am nu, ma i mi du mɔ tu i yabue.” ⁸ Na wɔ kaaki abiri i tii sukere asienɔgu. ⁹ Bu tiiri sɔ ni, na bu kere alɔrɔki kun kun ako. Nkpienm ni du mɔ a. Na wɔ ka Yesu ni bara ni ŋgumi. ¹⁰ Na Yesu aye i tii su, na wɔ bisa bara n ka, “Bara, bu wo ni? Be ase má ka i ti ye ni ka bu kun u, nzen se?” ¹¹ Na bara n abɔ i nu ka, “Ai, m Mibie, be ase má ka i kún m.” Na Yesu ase i ka, “Mini mmɔɔ se má ka be kún u. Kɔ, ama, má a yo satie kun.”]

Kabo Yesu ŋa yiri ti durunya n nufɔm wein n ni

¹² Na Yesu akaaki ase jama n ka, “Mini ti durunya n nufɔm wein a. Bo i su m su kere wo má awosin nu kun, ama, i nyá wein bo i ma ŋgɔɔ ni.” ¹³ Na Farasifɔm n ase i ka, “Wɔrɔ, a sudi u ŋu daani wɔ, be de má u daani n ka i ti nahore.” ¹⁴ Na Yesu ase bu ka, “Haari nzen m di m ŋu daani n mmɔɔ, m daani diiwa n ti nahore wɔ, dama m si deke n bo m fite baari, na m kaaki si deke bo m sukɔ ni. Ama, ambere, am si má deke bo m fite, na am kaaki si má deke bo m sukɔ n gusu. ¹⁵ Ambere, am di jɔre kabo durunya n nufɔm di bu beɣum jɔre n wɔ, ama, mini ni m tii, m di má be jɔre. ¹⁶ Ama, haari nzen m di mine jɔre n mmɔɔ, m jɔre diiwa n ti nahore wɔ, dama má mini ŋgumi di minem jɔre a, ama, mini ni m Si bo i sunmaari m ni di a. ¹⁷ Ba kere am Nyeme noanie kpamaawa n nu ka, nzen mine nnyɔ daani diiwa yo kun, nyini la ka i ti nahore wɔ leɛ. ¹⁸ Mini ni m tii di m ŋu daani a, na m Si bo wɔ sunma m gusu di m daani.” ¹⁹ Na ba bisa i ka, “U si wo ni?” Na wɔ bo bu nu ka, “Am si má m ni m Si n be n mmɔɔ. Nzen má am si mini, má am si m Si n mmɔɔ.”

²⁰ Sangga bo Yesu seeri sɔ ni, i wo minem kere su Nyeme Sereebiri Awuru n nu, fa dodo deke bo bu yi bu saraka ŋwaa fa ma Nyeme n wɔ. Ama, be akoro atara má i, dama i sangga nya ju má.

Kabo Yesu seeri ka i fite má durunya n nu fen ni

²¹ Na Yesu akaaki ase bu ka, “M bá kɔ yaki am, na am bá nienie m busu, ama, am ŋú má m, na am bá wu ni am satie ni. Deke bo m sukɔ ni, am koro kɔ má dɔ.” ²² Na Yudaƒɔm n abisa ka, “I ŋa deke bo i sukɔ ni, ya koro kɔ má dɔ. Nyini la ka, i kún i ŋu wɔ leɛ, nzen se a?” ²³ Na wɔ se bu ka, “Ambere fite durunya n nu fen wɔ, ama, mini fite aɣgoro wɔ. Ambere ti durunya n nu fen fɔm wɔ, ama, mini fite má durunya n nu fen. ²⁴ Nyini ti ye ma se am ka, am wú ni am satie n a, dama nzen am yo má m yarada ka mini la sɔnhore n bo m se am ka m ti ni, am wú ni am satie n wɔ.” ²⁵ Na ba bisa i ka, “Ye wɔrɔ la ŋma a?” Na Yesu ase bu ka, “Kabo m se am sangga kere ni, m ti sɔ ɔ. ²⁶ M la sa dɔngu bo m joɔ fa kɔ am dɔ, na m la sa dɔngu bo m fa di am jɔre jaraki am, ama, yiri bo i sunmaari m ti nahoreƒɔ ɔ, na deke bo i se m ni, nyini ye m kan kere durunya n nufɔm a.” ²⁷ Yesu seeri sɔ ni, ba si má ka i joɔ niiri i Si Nyeme wɔ. ²⁸ Na wɔ se bu ka, “Am bá yeeri mini Adamande Wa n su baka jaanu n su, ye am sí ka mini la sɔnhore n bo m se am kabo m ti n a, na m yo má deke be m deɛ yiko nu, ama, m se kabo m Si akere m wɔ. ²⁹ Yiri bo i sunmaari m n wo m dɔ, wɔ nya yaki má m ceɛn be, dama sangga kere m yo deke bo i sun i nu wɔ.” ³⁰ I joɔɔri sɔ ni, na jama n dɔngu ayo i yarada.

Kabo Yesu seeri Yudaƒɔm ka bu satie deɛ ti ma ba yo akɔɔm n a

³¹ Na Yesu ase Yudaƒɔm bo bu yo i yarada n ka, “Nzen am de m noanie ni, am ti m susufɔm wɔ nahore su. ³² Na am sí deke bo i ti nahore ni, na nahore ni má am nya am

tii a.”³³ Na ba se i ka, “Ya ti Abraham anumam wɔ, be nya fa má ya yo má i akoom. Ye nzu ti ye a ɲa ya nyá ya tii a?”

³⁴ Na Yesu ase bu ka, “Nahore ye m suse am a, ka, sɔno kere bo i yo satie, i mi ti satie akoo. ³⁵ Akooɓaa koro ka má awuru n nu sangá kere, ama, awurubaa yiri wo awuru n nu wɔ sangá kere. ³⁶ Nyini ti, nzen mini awurubaa n nya deeri am tii jiri, am nyá am tii nahore su. ³⁷ M si ka am ti Abraham anumam wɔ, ama, am koro ka am kun m wɔ, dama am ade má m noanie ni. ³⁸ Deke bo mini aɲu i m Si do n ye m suse am a, ama, ambere, deke bo am ti i am si do, ye am yo a.” ³⁹ Na ba se i ka, “Ya si la Abraham.” Na wɔ se bu ka, “Nzen má am ti Abraham nbaam, má am yo i sayoowa a. ⁴⁰ Kabo i ti ni, ma se am nahore sam bo m tiiri i Nyeme do n wɔ, ama, am koro ka am kun m wɔ. Abraham ayo má nyini be so. ⁴¹ Ambere, am yo am si sayoowa a.” Na ba se i ka, “Yere, ya ti má soma nbaam. Ya si la Nyeme ngumi wɔ.” ⁴² Na Yesu ase bu ka, “Nzen má Nyeme ti am Si, má am koro m, dama m fiteeri Nyeme do ɔ, ye m baari fen n a. Ma ba má ni m dee yiko nu, ama, yiri sunmaari m a. ⁴³ Nzu ti ye am ti má m joɔɔwa n bu a? Dama am koro kere má m noanie n dee ti. ⁴⁴ Sitana ti am si wɔ, na am koro ka am yo kabo am si koro n wɔ, i fite ka i bumboori kere, i ti sɔno kunfo ɔ, na i su má nahore su, dama nahore haari kun mmoo wo má i do, i dee la ka i bu kore wɔ, dama yiri ti korefo a, na yiri kaaki ti korefo kere si a. ⁴⁵ Ama, mini se nahore n ti, am de má m noanie ni. ⁴⁶ Am ɲma koro kere m satie bo ma yo i a? Nzu ti ye m se am nahore, ye am de má m noanie n a? ⁴⁷ Sɔno kere bo i ti Nyeme dee, i mi ti Nyeme noanie wɔ. Deke bo i ti na am ti má Nyeme noanie n la ka, am ti má i deem wɔ.”

Kabo Yesu ti kpiri tara Abraham ni Nyeme noanie kanfom ni

⁴⁸ Na Yudafo m ase i ka, “Bo ya ɲa a ti Samariyafo ɔ, na ajini wo u ɲu ni, i ti má nahore wɔ, nzen se a?” ⁴⁹ Na Yesu ase bu ka, “Ajini wo má m ɲu, ama, m bu m Si n wɔ, ye ambere bu má m. ⁵⁰ M sukoro má ka mine wura m ɲu kpiri wɔ, be wo bere bo i koro ka i wura m kpiri, yiri ti joredifo a. ⁵¹ Nahore ye m suse am a, ka, sɔno kere bo i bita m noanie ni, i mi wú má fieo.”

⁵² Na ba se i ka, “Kisa, ye ya si ka ajini wo u ɲu a. Abraham ni Nyeme noanie kanfom ni kere awu, ama, wɔɔ ɲa sɔno kere bo i bita u noanie ni, i mi wú má fieo. ⁵³ A tara ya si Abraham bo wɔ wu n wɔ? I ni Nyeme noanie kanfom kere awu. A bu u ɲu se wɔ?”

⁵⁴ Na Yesu ase bu ka, “Nzen m wura m ɲu kpiri, i ti ngbeen wɔ. M Si wura m kpiri a, yiri bo am ɲa i ti am Nyeme ni, ⁵⁵ ama, am si má i. Mini si i a. Haari nzen m ɲa m si má i, m yó korefo ka ambere wɔ. Ama, m si i, na m bita i noanie ni. ⁵⁶ I yoori am si Abraham fie ka i ɲu m ba n nu, i ɲuuri i, na i ahore ajo.” ⁵⁷ Na ba se i ka, “A nya ju má afo aburunu, ye i yo se ye a ɲa a ɲuuri Abraham a?” ⁵⁸ Na Yesu ase bu ka, “Nahore ye m suse am a, kana bu ba wuuri Abraham ni, mini wo bere wɔ.” ⁵⁹ I seeri so ni, na ba fa yabue ka bu bo kun i, ama, na wɔ loroki afite Nyeme Sereebiri Awuru n nu.

9

Kabo Yesu tekeri anyinsin be nyumbaa ni

¹ Na sangá bo Yesu wo natiiri su ni, na wɔ ɲu sɔno be, bu wuuri i ni, i ti anyinsin wɔ. ² Na i susufom n abisa i ka, “Ya Kerefo, nzu ti ye bu wuuri ahin sɔno ni anyinsin a? I wufom yoori satie, nzen i dee satie a?” ³ Na Yesu ase bu ka, “I ti má i ni i wufom be mmoo satie dee ti, ama, Nyeme koro ka minem ɲu kabo i yo alekutura sa fa ma i a. ⁴ Kabo wie toko wo bere ni, am ma ya yo yiri n bo wɔ sunma m juma ni. Ale bá san bo be koro yo má juma be. ⁵ Kabo m toko wo durunya n nu ni, mini ti durunya n nufom wein a.”

⁶ Yesu seeri so ni, na wɔ yi nanzue ago asiɛngu, na wɔ fa akpita naatie afa aboroki anyinsin nyumbaa nnyo n kere. ⁷ Na wɔ se i ka, “Ko na a ko ɲmisi u nyunu Silowam bura n nu.” Silowam n bu la ka, ba sunma i wɔ. Na wɔ ko ɲmisi i nyunu n na wɔ ɲu asi, na wɔ kaaki aba awuru.

⁸ Na i lamokom ni minem bo bu yo ɲuuri i sangá kere ka i sere ni, abisa ka, “Má ahin sɔno ni yo tana fen sere n a?” ⁹ Nbem ɲa, “Yiri a.” Nbem gusu ɲa, “Má yiri a. I feremafɔ a.” Na yiri n mmoo ni i tii suse bu ka, “Mini a.” ¹⁰ Na ba bisa i ka, “Ye i yoori se ye u nyumbaa n ateke a?” ¹¹ Na wɔ se bu ka, “Sɔno n bo bu fere i ka Yesu ni, yiri kpitaari naatie borokiiri m nyumbaa n a. Na wɔ se m ka m ko Silowam bura n nu, na m ko ɲmisi m nyunu. Na ma ko ɲmisi, kpenɲa na ma ɲu asi.” ¹² Na ba bisa i ka, “Ye yiri n wo ni?” Na wɔ se bu ka, “M si má.”

Kabo Farasifom bisaari sɔno n fa ko i nyumbaa tekeewa n su ni

¹³ Na ba fa sɔnɔ n bo i yo tiiri anyinsin n akɔ Farasifɔm dɔ. ¹⁴ Nyini cɛɛn n bo Yesu kpitaari naatie na i fa tekeeri anyinsin nyumbaa n tiiri Njumiyi cɛɛn wɔ. ¹⁵ Nyini ti, na Farasifɔm gusu akaaki abisa i ka, "I yoori sɛ ye a ɲuuri asi a?" Na wɔ sɛ bu ka, "I faari naatie bɔrɔkiiri m nyumbaa n a, na ma ɲmisi i, na ma ɲu asi." ¹⁶ Na Farasifɔm nbem ase ka, "Ahin sɔnɔ n fite má Nyemɛ dɔ, dama i bita má Njumiyi cɛɛn ciire ni." Ama, na nbem gusu ase ka, "I yo sɛ ye satieyofɔ koro yo alekutura sam ka ahin ɲusu sɔ a?" Na bu kɛrɛ nɔɔ awo i ɲɔɲɔgumi. ¹⁷ Na ba kaaki abisa sɔnɔ n bo i yo tiiri anyinsin bekun ka, "Ye wɔrɔ bo wɔ teke u nyumbaa ni, a bu i sɛ wɔ?" Na wɔ sɛ ka, "I ti Nyemɛ noanie kanfɔ ɔ."

¹⁸ Yudafɔ nkpienkpienm n ade má ka i yo tiiri anyinsin wɔ, ye i ɲu asi kisa, má ka bu ba fereeri i si, ni i ni, ¹⁹ na ba bisa bu ka, "Am wa n bo am ɲa am wuuri i na i ti anyinsin ni, yiri la ahin? Ye i yoori sɛ ye i ɲu asi kisa a?" ²⁰ Na i si, ni i ni abɔ bu nu ka, "Ya si i ka i ti ya wa a, ya wuuri i anyinsin wɔ. ²¹ Ama, ya si má kabo i yoori barasu na i koro ɲu asi kisa ni, yere gusu kaaki si má sɔnɔ bo i tekeeri i nyumbaa ni. Wɔ ju i tienɲu sɔnɔ, am bisa i, yiri mmɔɔ ni i tii sé am." ²² Deke bo i ti na i si, ni i ni seeri sɔ ni, bu soroori Yudafɔ nkpienkpienm n ahore wɔ, dama Yudafɔ nkpienkpienm n adu mɔ ase ka sɔnɔ kɛrɛ bo i seeri ka Yesu ti Kristo Tiidefɔ ni, bu fɔn i mi fite bu tientienbunɔɔ sɔ n nu wɔ. ²³ Nyini dɛɛ ti ye i si, ni i ni seeri ka, "Wɔ ju i tienɲu sɔnɔ, am bisa yiri mmɔɔ ni i tii n a."

²⁴ Na ba kaaki afere sɔnɔ n bo i yo tiiri anyinsin n bekun, na ba sɛ i ka, "Niɛ Nyemɛ ti, na a jojo nahore. Yere si ka ahin sɔnɔ n ti satieyofɔ ɔ." ²⁵ Na wɔ sɛ bu ka, "Nzen i ti satieyofɔ ɔ, i ti má satieyofɔ ɔ, mini si má. Deke bo m si i n la ka, m yo tiiri anyinsin wɔ, ama, kisa m ɲu asi." ²⁶ Na ba bisa i ka, "I yoori u sɛ wɔ, ye i tekeeri u nyumbaa n sɛ wɔ?" ²⁷ Na wɔ bɔ bu nu ka, "Ma du mɔ ase am kabo i tekeeri m nyumbaa ni, ye am ade má. Ye nzu ti ye am koro ka m kan kere am bekun a? Ambere gusu, am koro ka am yo i susufɔm wɔ, nzen sɛ?" ²⁸ Na ba tɔ i ɲu ni nzuko kpɛ ase i ka, "Wɔrɔ ti nyini sɔnɔ n susufɔ a, yere yiri, ya ti Moyisi dɛɛ susufɔm wɔ. ²⁹ Ya si ka Nyemɛ yo jojɔori Moyisi dɔ a, ama, nyini sɔnɔ n yiri, ya si má i fiteebiri n mmɔɔ."

³⁰ Na wɔ sɛ bu ka, "Ahin ti alekutura wanla, am si má i fiteebiri, ama, wɔ teke m nyumbaa. ³¹ Ya si ka Nyemɛ de má satieyofɔ nyemesere, ama, sɔnɔ kɛrɛ bo i su Nyemɛ atin su, na i yo i sa koroowa, Nyemɛ de i sere wɔ. ³² Fite durunya n bumboori, sɔnɔ be nya ti má ka be ateke sɔnɔ bo bu wuuri i na i ti anyinsin nyumbaa. ³³ Nzen má ahin sɔnɔ n afite má Nyemɛ dɔ, má i koro yo má pui." ³⁴ Na ba sɛ i ka, "Wɔrɔ yiri, bu wuuri u satieyofɔ ɔ, ye wɔrɔ koro ka a kere yere a?" Na ba fɔn i afite.

Kabo Yesu ɲa bo bu de má Adamande Wa n ti anyinsinm ni

³⁵ Yesu tiiri ka ba fɔn ayi sɔnɔ n ni, na wɔ ko aɲu i, na wɔ bisa i ka, "A yo Adamande Wa n yarada a?" ³⁶ Na sɔnɔ n abisa i ka, "M Mibie, yiri la ɲma a? Se m na m yo i yarada." ³⁷ Na Yesu ase i ka, "A ɲu i e, yiri la mini n bo m sujɔɔ u dɔ ni." ³⁸ Na sɔnɔ n ase i ka, "M Mibie, ma yo u yarada." Na wɔ kutu Yesu nyunu akansi i.

³⁹ Na Yesu ase ka, "M baari durunya n nu ka m ba di minem jɔrɛ wɔ, na bo bu ɲu má asi n ɲú asi, na bo bu ɲu asi n yó anyinsinm." ⁴⁰ Farasifɔm nbem bo bu woori i bi dɔ n tiiri sɔ ni, na ba sɛ i ka, "Nka a ɲa a sɛ ka yere gusu ti anyinsinm wɔ lɛɛ fan?" ⁴¹ Na Yesu ase bu ka, "Nzen má am ti anyinsinm, má am la má ɲgasi, ama, kabo am nya ɲa am ɲu asi ni, am toko la ɲgasi lɛɛ."

10

Kabo Yesu boori miɛenu niiri bɛsasafɔ ni

¹ Na Yesu ase ka, "Nahore ye m suse am a, sɔnɔ bo i lɔrɔki wura nbɔɛm sɔ n nu, na wɔ fa má anɔ n nu awura má, i mi ti awiefɔ ɔ, na i kaaki ti sɔnɔ bo i nati fin minem di wɔ. ² Sɔnɔ bo i fa anɔ n wura nbɔɛm sɔ n nu, yiri ti nbɔɛm sasafɔ n a. ³ Anɔ niéfɔ ni teke anɔ n ma i a, na i fere i dɛɛ nbɔɛm n duma, na i nbɔɛm ni ti i konvi, na i fa bu fite. ⁴ Nzen i nya faari i nbɔɛm kɛrɛ fiteeri, i du bu mɔ ɔ, na i dɛɛ nbɔɛm n su i su, dama bu si i konvi. ⁵ Sɔnɔ bo bu si má i, bu sú má i su fieo, bu ɲmáti yaki i wɔ, dama bu si má i konvi."

⁶ Na Yesu abo ahin miɛenu n akere bu, ama, ba ti má i bu.

Kabo Yesu ɲa yiri ti bɛsasafɔ kpa n ni

⁷ Ba ti má miɛenu n bu n ti, na Yesu akaaki ase bu bekun ka, "Nahore ye m suse am a, mini ti nbɔɛm anɔ n bo bu fa wura sɔɔ n nu n a. ⁸ Bere kɛrɛ bo bu duuri m mɔ baari, na bu yo bu ɲu ka bu niɛ nbɔɛm su ni, bu ti awiefɔm wɔ, ni minem bo bu nati fin minem di wɔ, ama, nbɔɛm n ade má bu jɔjɔowa ni. ⁹ Mini ti anɔ n a, na sɔnɔ kɛrɛ bo i fa m dɛɛ

ano n wuraari, i nyá tiide, na i wúra na i fite, na i nyá i diire di. ¹⁰ Awiefó dɛɛ la ka i ba wɔɔ, na i kun, na i saaki. Mini aba ka bu nyá ngɔɔ bo i la má anjusu.

¹¹ Mini ti boesasafo kpa n a. Boesasafo kpa n tɔ i ngɔɔɔ, na i wu ma i nbɔɛm ni. ¹² Padifo n bo ba fa i ka i sasa nbɔɛm n ti má boesasafo nahɔɛ su, na nbɔɛm n ti má i dɛɛm. Nyini ti, nzen i ba nyuri ka bedi suba, i nmati yaki nbɔɛm wɔ. Na bedi n wura bu nu tara nbem, na bo ba ka n sandi. ¹³ I ti padifo n dɛɛ ti, na i cɛɛ wo má nbɔɛm n nu, nyini ti ye i nmati yaki bu n a. ¹⁴⁻¹⁵ Mini ti boesasafo kpa n a. Kabo m Si Nyeme si m na m si i ni, sɔ ye mini gusu si m dɛɛ nbɔɛm a, na bu gusu si m. Na m tɔ m dɛɛ ngɔɔ na m wu ma bu. ¹⁶ M la nbɔɛ nyinga nbem bo bu ti m dɛɛm, bo bu wo má ahin nbɔɛm n nu. Wɔ yo daka ka m fa bu gusu ba wura ahinm n nu. Bere gusu tí m konvi na bu dé i, na bu yó kun na bu sasafó yó kun. ¹⁷ M tɔ m dɛɛ ngɔɔ fa ma m minem, na m káaki de i bekun, nyini dɛɛ ti ye m Si koro m n a. ¹⁸ Be sude má m dɛɛ ngɔɔ ni m dɔ, ama, mini ni m tii suto i m koroyanu a. M la atin bo m tɔ m dɛɛ ngɔɔ ni, na m kaaki la atin bo m de i bekun. M Si maari m nɔɔ ka m yo sɔ a.”

¹⁹ Yesu seeri sɔ n dɛɛ ti, na Yudafo nkpienkpienm n nɔɔ awo i ngungumi bekun. ²⁰ Na bu dɔnggu n ase ka, “Ajini wo i nyu, nyini dɛɛ ti, wɔ bo fie a. Nzu ti ye am so am sui i dɔ a?” ²¹ Ama, nbem nya, “Má sɔnɔ bo ajini wo i nyu jɔjɔwa la ahin. Ajini yo se koro koro anjinsin nyumbaa?”

Kabo Yudafo m keteeri Yesu ni

²² Fufuku sangga na Yudafo m ba sudi bu cɛɛnkpiri n Yerusalem mie kpiri n nu, na bu tenge su kabo bu yo tekeeri Nyeme Sereebiri Awuru n ni, na bu yoori i dɔnggu ni. ²³ Na Yesu sunati bara ye Solomon Lele n bo i wo Nyeme Sereebiri Awuru n nu ni. ²⁴ Na Yudafo nbem atien bu nɔɔ abara aye i, na ba bisa i ka, “Sangga bono ye a bá kan teke ye nyi a? Nzen wɔɔ ti Kristo Tiidefo n a, se ya nahɔɛ kpain.” ²⁵ Na Yesu ase bu ka, “Ma se am, ye am ade má a. Alekutura sam bo m yo bu m Si duma n nu ni, di m nyu daani a. ²⁶ Ama, am yo má m yarada, dama am ti má m dɛɛ nbɔɛm. ²⁷ M dɛɛ nbɔɛm ti m konvi. M si bu, na bu su m su. ²⁸ M ma bu ngɔɔ bo i la má awieeri, na bu ká má ngbɛɛn cɛɛn be fieo. Be gusu koro fin má bu fite má m saa nu. ²⁹ M Si bo i faari bu maari m ni, tara deke kere fanga, na be wo má bere bo i koro fin bu fite m Si saa nu. ³⁰ Mini ni m Si ti deke kun wɔ.”

³¹ Na Yudafo m afa yabue bekun ka bu bo kun i. ³² Na Yesu ase bu ka, “Ma yo alekutura sakpam dɔnggu, bo m Si kereeri m na am anju i, ye sa bono ti ye am nya am kun m n a?” ³³ Na Yudafo m ase i ka, “Má sakpam bo a yo bu n be dɛɛ ti ye ya nya ya kún u a, ama, bo a jɔjɔ wura Nyeme ngasi nu n ti, dama a ti adamande wɔ, ama, na a se ka a ti Nyeme wɔ.” ³⁴ Na wɔ se bu ka, “Ba kere i am Nyeme Jɔɛ Kadasi n nu ka, Nyeme nya, ‘Am ti ka Nyeme wɔ.’” ³⁵ Be koro bu má Nyeme Jɔɛ Kadasi ni ngbɛɛn. Nyeme yo seeri bu ka bu ti ka Nyeme wɔ, bere bo bu deeri Nyeme nɔɔɔɛ ni, ³⁶ ama, mini yiri, m Si Nyeme ayi m, ye wɔ sunma m durunya n nu a. Ye nzu ti ye ambere nya ma kan ciire jɔɛ, dama m nya mini ti Nyeme Wa a? ³⁷ Nzen m yo má m Si juma ni, má am yo m yarada. ³⁸ Ama, nzen m yo bu na haari am yo má m yarada mmɔɔ a, am yo m juma n yarada, adena am si nahɔɛ su ka mini ni m Si n ti deke kun wɔ.” ³⁹ I seeri sɔ ni, na ba kpi ka bu tara i bekun, na wɔ lɔɔki afite bu nu.

⁴⁰ Na Yesu akaaki akpie ako Yodan kunma n buekun dɔ ako aju deke bo Yohane yo bieeri minem Nyeme nzue ni, na wɔ wo dɔ. ⁴¹ Na jama beberebe aba i dɔ, na ba se ka, “Yohane ayo má alekutura sa be, ama, jɔjɔwa kere bo i yo jɔjɔ fa kɔɔri ahin sɔnɔ n njusu n ti nahɔɛ wɔ.” ⁴² Na mine dɔnggu ayo i yarada dɔ.

11

Kabo Lazarosi wuuri ni

¹ Na sɔnɔ be bo bu fere i ka Lazarosi n ada tukpaki. I ninbaam la Mariya ni Marata. Bu bɔsu la Betani. ² Nyini Mariya n bo i niwa Lazarosi daari tukpaki ni, yiri ba faari tulaaleɛ nvanvanifo gɔɔri Yesu jaa su ye i faari i tiinmie tintiin nunukaari i n a. ³ Na i ninbaa nbaabaram n asunma ka bu ko se Yesu ka, “Ya Mibie, u danfo n bo a koro i agaya n ada tukpaki.” ⁴ Yesu tiiri sɔ ni, na wɔ se ka, “Ahin tukpaki n ti má yiwee tukpaki, ama, i yo sɔ, na minem nyu Nyeme jirima woowa kabo i ti, na Nyeme ma minem nyu mini bo m ti i Wa n gusu jirima woowa.” ⁵ Tɔ, Yesu koroori Marata ni Mariya ni bu niwa Lazarosi. ⁶ Ama, i tiiri ka Lazarosi ada tukpaki ni, na wɔ ka deke bo i woori n cɛɛn nnyɔ abuka su.

⁷ Nyini sin na Yesu ase i susufom ka, “Am ma ya kaaki kɔ Yudiya dɛɛ awɔɛ n nu.” ⁸ Na i susufom n ase i ka, “Ya Kerefɔ, má anzoni fen ye Yudafo m nya bu tu yabue bo kun u n a? Ye a sukoro ka ya kpie ya nyi ko dɔ bekun n a?” ⁹ Na Yesu ase bu ka, “Fa ngarama

ko ju naaso, m ña i ti wie kun wo e. Sono bo i nati wiesu bo má i jaa, dama durunya n nu wein ni ma i ñu asi a. ¹⁰ Ama, sono bo i nati kongue bo i jaa, dama wein wo má i do." ¹¹ Yesu jooori so n sin, na wo kaaki ase bu ka, "Ya danfo Lazarosi adaafi, ama, m sukɔ na m ko tenge i læ." ¹² Na i susufom n ase i ka, "Ya Mibie, nzen wo daafi wo, i nya laifie." ¹³ Kabo Yesu seeri n la ka, Lazarosi awu wo, ama, i susufom bere sunsun ka i ña wo daafi nahore su wo. ¹⁴ Nyini ti, na Yesu ase bu kpain ka, "Lazarosi awu. ¹⁵ Ama, ambere dee ti, wo yo m fie ka ma wo má do, adena am yo yarada. Am ma ya ko i do." ¹⁶ Na Tomasi bo bu fere i ka Ndaa n ase i lamoko susufom n ka, "Am ma yere gusu ko, nzen bu ko kuunri i a, na ya ni yiri kere awu."

Kabo Yesu ña yiri tenge minem yiwee nu ni

¹⁷ Sangá bo Yesu ko juuri ni, i ñuuri ka ba se Lazarosi i lenna læ. ¹⁸ Betani ni Yerusalem miem waari má ni i benju. ¹⁹ Na Yudafoŋ dangu aba Marata, ni Mariya do ka bu ba dama bu ahore, bu niwa n bo wo wu n dee ti. ²⁰ Marata tiiri ka Yesu suba ni, na wo kpa i atin, ama, na Mariya aka awuru. ²¹ Na Marata ase Yesu ka, "M Mibie, nzen má a woori fen, má m niwa n awu má." ²² Ama, haari ni nyini mmoo, m si ka deke kere bo a sere Nyeme, i yó i ma u." ²³ Na Yesu ase i ka, "U niwa ni tenge i yiwee n nu bekun." ²⁴ Na Marata ase i ka, "M si ka i bá tenge i yiwee nu jina ceen, sangá bo Nyeme bá tenge minem bu yiwee nu ni." ²⁵ Na Yesu ase i ka, "Mini ti sono bo i tenge minem bu yiwee nu, na i má bu ngoo n a. Sono kere bo i yo m yarada, haari nzen i wuuri, i nya ngoo. ²⁶ Na sono kere bo i la ngoo na i yo m yarada, i mi wu má fieo. A yo ahin jooowa n yarada a?" ²⁷ Na Marata ase i ka, "M Mibie, ma yo yarada ka woro ti Nyeme Wa, Kristo Tiidefo n a, bo i ña i sunma i durunya n nu ni."

Kabo Yesu suunri ni

²⁸ Marata seeri so n sin, na wo kaaki ako afere i niwa Mariya benle, na wo se i ka, "Ya Mibie n aba, i ña a bra." ²⁹ Mariya tiiri so ni, i kaba bereki yasuuri wo, na wo ko i do. ³⁰ Nyini sangá, na Yesu nya ju má mie n nu, i toko wo deke bo Marata ko tuuri i n wo. ³¹ Na Yudafoŋ bo bu woori awuru n nu Mariya bi, na bu sudada i ahore ni, bu ñuuri kabo i bereki yasu fiteeri ni, na ba su i su. Bu sunsuunri ka i sukɔ deke bo bu seeri Lazarosi n wo, na i ko sun. ³² Sangá bo Mariya ko juuri deke bo Yesu wo n na i ñuuri i ni, na wo kutu i nyunu, na wo se i ka, "M Mibie, nzen má a woori fen, má m niwa n awu má." ³³ Yesu ñuuri ka i susun ni, ni kabo Yudafoŋ n bo bu suuri i su baari n gusu wo sun su ni, na i ahore asaaki, na wo mi i ñumi. ³⁴ Na wo bisa bu ka, "Am seeri i ni wo?" Na ba se i ka, "Ya Mibie, bra na a ba nie." ³⁵ Na Yesu asun. ³⁶ Nyini ti na Yudafoŋ n ase ka, "Am nie kabo i koro i agaya barasu a." ³⁷ Ama, na bu nbem ase ka, "Yiri n bo i teke anyinsin n yumbaa ni, má i koro tuntun má sono ni, na i wu má, nzen se?"

Kabo Yesu tengeeri Lazarosi i yiwee nu ni

³⁸ Na Yesu ahore asaaki bekun, na wo ko deke bo bu seeri Lazarosi ni. I ti yabue bue fanjunma wo, ye bu faari i seeri nu a, na ba fa yabue nyinga ato ano ni. ³⁹ Na Yesu ase bu ka, "Am ba yi yabue ni." Na sono n bo wo wu n niwa Marata ase i ka, "M Mibie, kisa wo bun, dama bu seeri i nyuma lenna læ." ⁴⁰ Na Yesu ase i ka, "Ma se má u ka, nzen a yoori m yarada, a ñu Nyeme jirima woowa kabo i ti barasu?" ⁴¹ I seeri so ni, na ba lakati yabue ni. Na wo ye i tii su angoro, na wo se ka, "M Si, m da u asi ka a de m sere. ⁴² M si ka sangá kere a de m sere wo, ama, ahin minem bo bu jina fen n dee ti, ye m seeri so a, adena bu yo m yarada ka woro sunmaari m a." ⁴³ I sereeri Nyeme n wieri ni, na wo tien ase ka, "Lazarosi, fite." ⁴⁴ Na sono n bo wo wu n afite fanjunma n nu. Tani poodiiri i saa, ni i jaa, na tani kun poodiiri i tii. Na Yesu ase bu ka, "Am nyanji yi tani n na am ma i ko."

Kabo bu seseeri su ka bu kun Yesu ni

⁴⁵ Yudafoŋ dangu bo bu baari Mariya do ñuuri sa n bo Yesu yoori i ni, na ba yo i yarada. ⁴⁶ Na bu nbem ako Farasifoŋ n do ako ase bu kabo Yesu ayo ti. ⁴⁷ Na Farasifoŋ ni Nyeme sayoowa donguyofom nkpienkpienn m afere Yudafoŋ reteterefoŋ ni, na ba tien bu noo. Na ba se ka, "Ye ya yo se wo? Am nie e, ahin sono ni suyo alekutura sayoowam danggu. ⁴⁸ Nzen ya yaki i na i suyo so, minem kere yó i yarada a, na Roma yikofom bá saaki ya Nyeme Sereebiri Awuru ni, na bu kún ya minem ni." ⁴⁹ Na bu nu sono be bo bu fere i ka Kayafasi ni, bo i ti Nyeme sayoowa donguyofom kere kpien nyini afo n ase ka, "Ambere, am si má pui. ⁵⁰ Am si má kabo i ti n wo, nzen se? Ka nzen am ma sono kun wu maari minem kere, i ti ye ni bo ya minem kere bá wu ni." ⁵¹ Má i koroyanu ye i seeri so a, ama, yiri ti Nyeme sayoowa donguyofom kere kpien nyini afo n ti, ye Nyeme ma i seeri ka Yesu wú ma Yudafoŋ n a. ⁵² Na má bere ngumi dee ti ye i wú a, ama,

adena i tien Nyeme nbaam nɔɔ, na bu yo kun, bere bo ba sandi ako asien nbem n su. ⁵³ Nyini dee ti, fite nyini cɛɛn n fa kɔ, na ba sese su ka bu kun Yesu.

⁵⁴ Nyini dee ti, wɔ yi má i ɲu fofoe nu anati má Yudafoɔm nu kun. Ama, i fiteeri bere ni, na wɔ kɔ awɔre be bo i wo dodo boro kpantain dee bue ni, na i ni i susufɔm n ako awo mie n bo bu fere i ka Efrayim n su.

⁵⁵ Nyini sangɔ, wɔ ka kaan, na Yudafoɔm di bu Butara cɛɛnkpiri ni, na mine donɲu afite ahemɛm aba Yerusalem mie kpiri n nu, na bu ba kpakpara bu ɲu fin ka, na cɛɛnkpiri n nya ju. ⁵⁶ Na ba nienie Yesu busu, na sangɔ bo bu wo Nyeme Sereebiri Awuru n nu ni, na ba bisa bu ɲuɲu nu ka, "Am sunsun se wɔ? I bá cɛɛnkpiri ni? Ya de má ka i bá." ⁵⁷ Ama, Nyeme sayoowa donɲuyofɔ nkpienkpienm ni, ni Farasifoɔm n ama nɔɔ ka sɔnɔ kere bo i si deke bo Yesu wo, i se bu na bu kɔ tara i.

12

Kabo Mariya faari tulaaleɛ nvanvanifo ɔɔri Yesu jaam su ni

¹ Na sangɔ bo i ba kaari lesen, na bu di Butara cɛɛnkpiri ni, na Yesu ako Betani, Lazarosi bosu, yiri bo Yesu tengeeri i yiwee n nu ni. ² Na ba su Yesu wɔfoɔ do. Marata faari diire n ba maari bu a, Lazarosi gusu woori minem bo bu ni Yesu diiri diire n nu. ³ Na Mariya afa tulaaleɛ nvanvani bo i la go agaya tuwa bambaka kun, na wɔ fa ago Yesu ja a su, na wɔ fa i tiɲmie tintiin anunuka i jaam kere su, na tulaaleɛ ni nvaní ade awuru n kere. ⁴ Na Yesu susufɔm kun bo bu fere i ka Yudasi Isikariyoti bo i bá to Yesu n abisa ka, ⁵ "Nzu ti ye bara n ato má tulaaleɛ n na i nya ɲwaa beberebe, na ya fa ma yaarifɔm a?" ⁶ I ti awiefɔ n dee ti ye i seeri so a, má ka i cɛce wo yaarifɔm nu wo. Yiri ti bu ɲwaa bitafo a, na i suwo ɲwaa n be sangɔ sangɔ. ⁷ Na Yesu ase ka, "Yaki Mariya benle, i dee nzee bo i sufa yo m fa kɔ m yiwee cɛɛn lee. ⁸ Dama am ni yaarifɔm ni wo bere sangɔ kere a, ama, am ni mini koro wo má bere sangɔ kere."

⁹ Yudafoɔm beberebe tiiri ka Yesu woori do ni, na ba ba i do, má ka Yesu ɲgumi ti ye bu baari a, ama, bu baari ka bu ba ɲu Lazarosi n bo Yesu tengeeri i yiwee n nu n wo. ¹⁰ Nyini dee ti, na Nyeme sayoowa donɲuyofɔ nkpienkpienm n asese su ka bu kun Lazarosi gusu. ¹¹ Dama i dee ti ye Yudafoɔm donɲu akaaki bu sin abo bu a, ye ba yo Yesu yarada n a.

Kabo Yesu wuraari Yerusalem ka femɛ dee su ni

¹² Na alecin na jama n bo bu baari ka bu ba di Butara cɛɛnkpiri n ati ka Yesu suba Yerusalem mie kpiri n nu. ¹³ Na ba kpiekpie kpakpa nyawa ako akpa i atin, na bu subo kuyigindi, bu ɲa,

"Hosana. Ya kansi Nyeme.

Terefie wo yiri n bo i suba Micera n dee duma n nu n do.

Terefie wo Yisarelifɔm femɛ n do."

¹⁴ Na Yesu anu kaakobaa be, na wɔ fun atana su, kabo ba kere i Nyeme Jore Kadasi n nu ni,

¹⁵ "Ambere Siyonfoɔm, má am soro sere.

Am nie, am femɛ ni suba n a,

i fun kaakobaa wɔ."

¹⁶ Nyini sangɔ, i susufɔm nya si má nyini sam n bo ba yo n kere bu. Má ka sangɔ bo Yesu ba tengeeri i yiwee n nu, na bu ɲuuri i jirima woowa n sin, na ba nya atenge su, ka ba kere i Nyeme Jore Kadasi n nu ka bu yo i so o, na ba kaaki atenge su, ka ba yo i so nahore su. ¹⁷ Na jama n bo bu yo woori Yesu do, sangɔ n bo i fereeri Lazarosi fiteeri fanɲunma n nu, na i tengeeri i yiwee n nu ni, na bu sukan labari ni. ¹⁸ Nyini alekutura sa n bo i yoori i na minem tiiri n dee ti, na ba kpa i atin. ¹⁹ Na Farasifoɔm n ase bu ɲuɲu nu ka, "Am anu má i? Ya koro yo má pui kun. Yiri ye durunya n nufɔm kere susu i su n a."

Kabo Girikifo nbem ba bisaari Yesu busu ni

²⁰ Minem bo bu baari Yerusalem mie kpiri n nu Butara cɛɛnkpiri n sangɔ n ka bu ba su Nyeme ni, bu nbem ti Girikifoɔm wɔ. ²¹ Na ba ba Filipu do, i fite mie n bo bu fere i ka Besayida na i wo Galili awɔre n nu n wo. Na ba se i ka, "Njabis, ya koro ka ya ɲu Yesu wɔ." ²² Na Filipu ako ase Andere, na bu nnyo n kere ako ase Yesu. ²³ Na Yesu ase ka, "Sangɔ n aju bo Nyeme wúra mini Adamande Wa n kpiri. ²⁴ Nahore ye m suse am n a, má ka alembaa awura fa nu, na wɔ kporɔ, i ti i tii wɔ. Ama, nzen i wuraari fa nu na i kporɔɔri, ye i wúra mbaa beberebe a. ²⁵ Sɔnɔ kere bo i koro i ɲɔɔ, i mi bá fun i, ama, sɔnɔ kere bo i koro má i ɲɔɔ durunya n nu fen, i mi bá nya ɲɔɔ bo i la má awieeri.

²⁶ Sóno kere bo i su m, wó yo daka ka i mi su m su, na deke bo m wo ni, m amususufó gusu wó dó ɔ. Na sóno kere bo i suuri m, m Si Nyeme wúra i mi kpíri.”

Kabo Yesu jójo fa kòori i yiwee n jore su ni

²⁷ Na Yesu ase ka, “Kisa, m ahore asaaki, ye m se se wó? M koro se ka, m Si Nyeme, yi m fite ahin anyumboro bo i suba m dó n nu, nzen se? Ai, m koro se má sɔ, dama nyini dɛɛ ti ye m baari a. ²⁸ M dɛɛ bo m se la ka, m Si, kere kabo u jirima woowa ti.” Na akonvi be atien afite angoro ase ka, “Ma du mɔ akere kabo m jirima woowa ti, na m káaki kere i bekun.” ²⁹ Jama n bo bu jina Yesu bi n tiiri akonvi ni nga ni, na bu nbem ase ka, “Nzue akpura.” Na nbem gusu ase ka, “Nyeme mereke ajojo i dó a.” ³⁰ Na Yesu ase bu ka, “Amberɛ dɛɛ ti ye akonvi n jójóori a, má mini dɛɛ ti a. ³¹ Sangga n aju bo Nyeme dí durunya n nufóm jore, na i fón yi Sitana bo i ti bu femɛ ni. ³² Ama, mini, bu ba yeeri m su jinaari angoro baka jaanu n su, m cín sóno kere ba m dó.” ³³ Kabo i yo seeri sɔ n kere yiwee n bo i bá wu i n wɔ.

³⁴ Na jama n ase i ka, “Ya ti i Nyeme jore Kadasi n nu ka, Kristo Tiidefó ni wo bere sangga kere. I wú má. Ye i yoori se ye wɔrɔ nja, wó yo daka ka bu bá yeeri Adamande Wa n su jinaari angoro baka jaanu n su a? Ye Adamande Wa n la nma a?” ³⁵ Na Yesu ase bu ka, “Mini bo m ti wein ni, m wo am nu kisa, ama, m cé má. Nyini dɛɛ ti, am nya wo ni wein ni, am sunati wein nu wɔ, na má awosin tu am. Sóno kere bo i wo awosin nu, i mi sí má deke bo i suku ni. ³⁶ Am nya wo ni wein ni, am yo i yarada, na m má am yo wein dɛɛ nbaam.” Yesu seeri sɔ ni, na wó fite bu nu akó afie deke be, na má be nju i.

Kabo Yudafo m ayo má Yesu yarada ni

³⁷ Yesu yo yoori alekutura sam dɔnggu na ba nju i, haari ni nyini mmɔɔ, ba yo má i yarada. ³⁸ Nyini ma Nyeme noanie kanfó Esaya jore n bo i yo kereeri n yo yiiwa. I nja, “M Nyeme Feme, nma ade jore n bo ya kan i n a?”

Ye nma ye a yi u yiko akere i a?”

³⁹ Nyini dɛɛ ti, ye ba koro ayo má Yesu yarada n a. Kabo Esaya akaaki ase ka,

⁴⁰ “Nyeme ama ba yo anyinsinm
na má bu nju asi,
na wó ma bu ahore ayo kekereke
na má bu ti i noanie n bu,
adena má bu kaaki ba i dó
na bu nya laifie.”

⁴¹ Esaya yo njuuri Yesu jirima woowa n dɛɛ ti, ye i kaanri i nju jore n a. ⁴² Yudafo nkpienkpienm dɔnggu mmɔɔ yoori Yesu yarada, ama, bu soroori Farasifóm n ahore n dɛɛ ti, ba koro ayi má bu nju fofoe nu. Nzen bu yiiri bu nju ka ba yo i yarada, Farasifóm ni fón bu fite bu tientienbunɔɔ sɔɔ n nu wɔ. ⁴³ Dama Yudafo nkpienkpienm n yo koroori adamande kansi taraari Nyeme dɛɛ.

Kabo Yesu seeri ka i noanie ni dí minem jore ni

⁴⁴ Na Yesu atien ase ka, “Sóno kere bo i yo m yarada, má mini ngumi ye i yo m yarada, ama, i yo bo wɔ sunma m n gusu yarada a. ⁴⁵ Na sóno kere bo i nie na i njuuri m, ti ka wó nju m Si Nyeme bo i sunmaari m n læ. ⁴⁶ Mini bo m ti wein n aba durunya n nu, adena sóno kere bo i yo m yarada, i wó má awosin nu. ⁴⁷ Sóno kere bo i ti m noanie n na i de má i, m dí má i mi jore, dama ma ba má ka m ba dí durunya n nufóm jore wɔ, ama, m baari ka m ba de bu tii ji wɔ. ⁴⁸ Sóno kere bo i kete m, na i de má m noanie ni, i joredifo wo bere wɔ. Noanie n bo ma jójo i ni, yiri dí i mi jore jina cɛɛn n a. ⁴⁹ Dama má m koroyanu ye m kan sɔ a, ama, m Si n bo wɔ sunma m ni, yiri maari m nɔɔ, kereeri m noanie kun kun kere bo m jójo i n a. ⁵⁰ M si ka i noanie maawa n ti deke bo i ma njoɔ bo i la má awieeri n wɔ. Nyini dɛɛ ti, kabo m Si seeri m ni, sɔ ye m jójo a.”

13

Kabo Yesu n̄misiiri i susufóm n jaa ni

¹ Alecin bo má bu di Butara cɛɛnkpíri n ni, na Yesu asi nu ka sangga n aju bo i fite durunya n nu kaaki kɔ i Si Nyeme dó. Na i dɛɛ tienngu minem bo bu wo durunya n nu na i koro bu ni, i koro bu sɔ ɔ haari i kɔ ju i fanja nyaari. ² Na kɔngue sangga bo bu wo diire n di su ni, na Sitana awura Yudasi, Simon Isikariyoti wa n tii nu ka i tɔ Yesu ma i kpofo. ³ Na Yesu asi nu ka i Si Nyeme afa deke n kere awura i saa nu, na i kaaki si ka i fiteeri Nyeme dó baari a, na i káaki kɔ i dó ɔ. ⁴ Na wɔ nya yasu ajina, na wɔ yi i tanlɛ n ase, na wɔ fa papawo abo i wi nu. ⁵ Na wɔ sa nzue ago nyangga nu, na wɔ bo i bu sun̄misi i susufóm n jaa, na wɔ fa papawo n bo i bo i wi nu ni sunuka bu jaam. ⁶ I ba kpuraari Simon Petoro, na wɔ bisa Yesu ka, “M Mibie, na wɔrɔ ba n̄misi m dɛɛ jaa?”

⁷ Na Yesu ase i ka, “Sa bo m suyo i ni, a koro ti má i bu kisa, ama, fa kɔ fa ba, a bá ti i bu.” ⁸ Na Petoro ase i ka, “Ai, a n̄mísi má m jaa haari durunya n ba yasu.” Na Yesu ase i ka, “Nzen ma n̄mísi má u jaa, m ni wɔrɔ akpaaki lɛɛ.” ⁹ Dɔ na Simon Petoro anya ase i ka, “M Mibie, nzen i ti sɔ a, má a n̄mísi m jaa ngumi, ama, n̄mísi m saam ni m tii kɛɛ.” ¹⁰ Na Yesu ase i ka, “Sɔnɔ anya abie nzue, n̄ka i n̄mísi i jaa a, i bie má nzue kun, dama i n̄jnie kɛɛ ti casi wɔ. Ambere, am ti casi wɔ, ama, má am kɛɛ.” ¹¹ Yesu siiri bo i bá tɔ i ma i kpɔfɔm ni, nyini ti ye i n̄a má bu kɛɛ ti casi n a.

¹² I n̄mísi bu jaam wieeri ni, na wɔ fa i tanlɛɛ n awura, na wɔ kɔ atana i tanaabiri ni. Na wɔ bisa bu ka, “Kabo ma yo am ni, am ati i bu?” ¹³ Am fere m ka am Kerefɔ ɔ, na am kaaki fere m ka am Mibie. Am jɔjɔ nahɔɛ wɔ, dama m ti sɔ ɔ. ¹⁴ Tɔ. Kisa na mini bo m ti am Mibie, ni am Kerefɔ, na ma n̄mísi am jaam ni, wɔ yo daka ka ambere gusu n̄mísi am bengum jaam sɔ. ¹⁵ Dama ma yo akere am lɛɛ, na am gusu yo am bengum kabo ma yo am ni.” ¹⁶ Na wɔ se bu ka, “Nahɔɛ ye m suse am a, akɔɔ koro tara má i mibie, na bekun sunmafɔ gusu koro tara má bo i sunmaari i ni. ¹⁷ Nzen am sin ahin n kɛɛ, na am yoori sɔ, terefie wo am dɔ.

¹⁸ M sujɔjɔ ni má am kɛɛ wɔ, dama m si bo ma du mɔ ayi bu ni. Ama, kabo ba kɛɛ i Nyeme Jɔɛ Kadasi n nu ni, i ti ye ni ka i yo yiiwa, ka, “Sɔnɔ n bo m ni yiri san̄ga di diire taale kun nu, yiri akaaki m jaa tufɔ n a.” ¹⁹ M suse am sa bo i bá yo wɔ lɛɛ, na i ba yoori, na am yo m yarada ka mini la sɔnɔhɔɛ n bo ma se am kabo m ti n a. ²⁰ Nahɔɛ ye m suse am a, sɔnɔ kɛɛ bo i de sɔnɔ bo m sunma i ni, i mi ade mini wɔ lɛɛ, na sɔnɔ kɛɛ bo i de mini, i mi ade yiri bo i sunmaari m wɔ lɛɛ.”

Kabo Yesu seeri ka Yudasi tɔ i ma i kpɔfɔm ni

²¹ Yesu seeri bu sɔ wieeri ni, na i ahore asaaki akɔ asin su, na wɔ se bu kpain ka, “Nahɔɛ ye m suse am a, am nu kun bá tɔ m ma m kpɔfɔm a.” ²² Na i susufɔm n abirisi, sunie bu n̄ju nu, ama, ba si má bo i yɔ nyini sa n ni. ²³ Bu nu kun be bo Yesu koro i agaya n tana mata Yesu. ²⁴ Na Simon Petoro abo i nyumbaa i dɔ ka i bisa Yesu ka, i ni n̄ma a? ²⁵ Na yiri n acin adodo Yesu, na wɔ bisa i ka, “Ya Mibie, a ni n̄ma a?” ²⁶ Na Yesu ase i ka, “Sɔnɔ n bo m kpɛ too n bo toro n nu na m fá ma i ni, yiri lɛɛ.” Na wɔ fa too n abo toro n nu, na wɔ fa ama Yudasi, Simon Isikariyoti wa ni. ²⁷ Yesu faari too n maari Yudasi wieeri ni, na Sitana awura i tii nu, na Yesu ase i ka, “Sa n bo a n̄a a yɔ i ni, kɔ yo i ndende.” ²⁸ Ama, bu kɛɛ bo bu woori diire n di su ni, bu be mmɔɔ asi má deke n bo i ti na Yesu seeri i sɔ ni. ²⁹ Yudasi tiiri bu n̄waa bitafɔ n dɛɛ ti, bu n̄bem sunsun ka Yesu n̄a i kɔ to deke be na bu fa di cɛɛnkpiri n wɔ, wara i kɔ yi n̄waa n be fa ma yaarifɔm wɔ. ³⁰ Yudasi diiri too n wieeri ni, na wɔ yasu afite ako. Nyini san̄ga ni, i ti kongue wɔ.

Kabo Yesu maari bu nɔanie maawa fɔfɔɛ ni

³¹ Yudasi fite kɔ wieeri ni, na Yesu ase ka, “Kisa ye Nyeme wúra mini Adamande Wa n kpiri a, na m dɛɛ ti ye mine wúra m Si Nyeme kpiri a. ³² Na nzen bu wuraaari Nyeme kpiri m dɛɛ ti, Nyeme gusu wúra m kpiri, na Nyeme má i yo kisa bere.” ³³ Na wɔ se bu ka, “M nbaam, m cé má am nu fen. Am bá niɛniɛ m busu fie wɔ, na kabo m yo seeri Yudafɔm ni, sɔ ye m suse am kisa, ka am koro kɔ má deke bo m suko ni. ³⁴ Nɔanie maawa fɔfɔɛ ye m sufa ma am n a, yiri la ka, am koro am bengum. Kabo ma koro am ni, am koro am bengum sɔ. ³⁵ Nzen am koro am bengum, nyini ye sɔnɔ kɛɛ si ka am ti m susufɔm a.”

Kabo Yesu seeri ka Petoro kɛte kpe nsan ka i si má i ni

³⁶ Na Simon Petoro abisa i ka, “Ya Mibie, a kó ni wɔ?” Na Yesu abo i nu ka, “Deke bo m suko ni, a koro su má m su kisa, ama, san̄ga suba bo a bá su m su.” ³⁷ Na Petoro akaaki abisa i ka, “Ya Mibie, nzu ti ye m koro su má u su kisa? Nzen i yo yiwee mmɔɔ a, m wú u dɛɛ ti.” ³⁸ Na Yesu abisa i ka, “A koro wu m dɛɛ ti? Nahɔɛ ye m suse u a, kana akonyuma bá bo, a kɛte kpe nsan su ka a si má m.”

14

Kabo Yesu n̄a yiri ti atin n bo sɔnɔ koro fa i suko Nyeme dɔ ni

¹ Na Yesu ase i susufɔm n ka, “Má am ma am ahore saaki. Am yo Nyeme yarada, na am yo m gusu yarada. ² M Si Nyeme dika n nu, sɔɔm sunnu dɔ, nzen má i ti má sɔ, má m se má am. M kó na m kɔ sese woobiri su se am. ³ Na nzen m kɔ sese woobiri n su seeri am, m káaki ba fa am kɔ deke bo m kɔ wo ni, na deke bo m wɔ ni, am gusu wɔ dɔ ɔ. ⁴ Na deke bo m suko ni, am si atin ni.” ⁵ Na Tomasi ase i ka, “Ya Mibie, ya si má deke bo a suko ni, ye ya yo se si atin n a?” ⁶ Na Yesu ase i ka, “Mini ti atin n a, ni nahɔɛ, ni n̄gɔɔ n a. Mini n̄gumi ti atin n bo sɔnɔ koro fa i na i kɔ m Si Nyeme dɔ a. ⁷ Nzen má am siiri m, má am si m Si mmɔɔ, ama, fa nyuma fa kɔ, am asi i, na am an̄ju i.”

⁸ Na Filipu ase i ka, “Ya Mibie, kere ya u Si ni, deke bo ya koro i kere lee.” ⁹ Na Yesu abisa i ka, “Filipu, bo m ni ambere awo bere ace so n na a si má m? Sono kere bo wo nu mini anu m Si lee, ye nzu ti ye am na m kere am m Si n a? ¹⁰ A yo má yarada ka m ni m Si n ti deke kun wo, nzen se? Jore n bo ma jojo ama am ni, má m tienju jójowa, ama, m Si bo m ni yiri ti kun ni, yo i juma. ¹¹ Bo m na, m ni m Si n ti deke kun ni, am yo m yarada. Nzen má nyini, am yo m yarada sam bo m yo bu n dee ti. ¹² Nahore ye m suse am n a. Sono kere bo i yo m yarada, yiri mmoo yó ahin sam bo m yo bu ni, na i yó bo bu tara ahin mmoo, dama m sukó m Si do. ¹³ Na deke kere bo am fa m duma fa sereeri i, m yó i ma am, adena mini Baa ni má minem wura m Si kpiri. ¹⁴ Na nzen am ba faari m duma fa sereeri n deke be, m yó i ma am.”

Kabo Yesu jojo fa koori Awiewie Casi n su ni

¹⁵ Na Yesu ase bu ka, “Nzen am koro m, am dé m noanie maawam ni. ¹⁶ M sére m Si Nyeme, na i má am Bukafó fofore bo i bá wo am do sanga kere. ¹⁷ Yiri la Awiewie Casi n bo i se nahore ni. Durunya n nufom koro de má i, dama bu nu má i, na bekun bu kaaki si má i, ama, ambere si i, dama i wo am do, na i bá wo am nu. ¹⁸ M koori, m yaki má am na am ka ayikam, m káaki ba am do. ¹⁹ Wo ka kaan na durunya n nufom nu má m kun, ama, ambere nu m. M la ngoo n dee ti, am gusu nyá ngoo. ²⁰ Nyini ceen n ye am si ka mini ni m Si n ti deke kun a, na mini ni ambere gusu ti deke kun wo. ²¹ Sono kere bo i de m noanie maawam, na i su i su, i mi ti bo i koro m a, na bo i koro m ni, m Si gusu koro yiri wo, na mini mmoo koro i mi, na m yí m nu kere i.”

²² Na Yudasi, má Yudasi Isikariyoti ni, ase ka, “Ya Mibie, nzu ti ye a yí u nu kere yere a, ye a yí má u nu kere má durunya n nufom a?” ²³ Na Yesu ase i ka, “Sono kere bo i koro m, i dé m noanie ni, na m Si mmoo koro i mi, na ya bá, na ya bá wo i do. ²⁴ Sono kere bo i koro má m, i dé má m noanie ni. Noanie n bo ma jojo i ni, i ti má m dee noanie, i ti m Si n bo i sunma m dee wo.”

²⁵ M toko wo am do, ye m suse am ahin kere a, ²⁶ ama, m Si Nyeme sunma Bukafó ni, m duma n nu, yiri la Awiewie Casi ni, yiri kere am deke kere a, na i káaki tenge am su fa ko deke kere bo ma kere am ni.”

²⁷ Na wo se bu ka, “Ahoreda n ye m sufa ma am n a. M dee ahoreda n ye m sufa ma am a. Má kabo durunya n nufom ma am ahoreda ye m suma am n a. Má am ma am ahore saaki, má am soro sere. ²⁸ Am ati ka ma se ka, ‘M kó na m káaki ba am do bekun.’ Nzen má am koro m, má am ahore jo ka m sukó m Si n do, dama m Si tara m. ²⁹ Sa bo wo nya yo má lee, ye ma se am n a, adena i bá yoori, na am yo m yarada. ³⁰ M jójo má am do jore beberebe kun, dama Sitana bo i ti durunya n nufom tii ni suba. Ama, i koro yo má m pui. ³¹ M koro ka durunya n nufom si ka, m koro m Si ni, nyini dee ti ye m yo deke kere bo i se m ka m yo i n a.”

Na wo se bu ka, “Am yasu na ya ko.”

15

Kabo Yesu na yiri ti baka n ni i tii nahore su n a

¹ Na Yesu ase bu ka, “Mini ti baka n bo i suuwa nahore su a, ye m Si Nyeme ti nyini baka n fie niefo. ² Asambaa kere bo i wo m su na i su má, m Si kpie i ji wo, na asambaa kere bo i wo m su na i su, i kpiekpie i nyawa n yo i dongu wo, na i su nyunyumi. ³ Jore n bo m jojo maari am ni, yiri adu mo ayo am casi a. ⁴ Am wo ni mini na m gusu wo ni ambere. Kabo baka asambaa be wo má bere bo i koro su i ngumi, má ka i wo baka n su. So ye am gusu koro su má, má ka am wo m do.

⁵ Mini ti baka n a, ye ambere ti asambaam ni, sono kere bo i wo m do, na mini mmoo wo i do, i mi su suuwa nyunyumi wo, dama am koro yo má pui, má ka am awo m do. ⁶ Sono kere bo i wo má m do, bu kpie i ji wo, kabo bu kpie baka asambaa na i wu n wo, na bu tien bu noo wura sin nu na bu je ni. ⁷ Nzen am wo m do, na m noanie n wo am ahore su, deke kere bo am koroori i, na am sereeri Nyeme, am nyá i. ⁸ Nzen am su suuwa nyunyumi, nyini kere ka am ti m susufom a, na i wura m Si kpiri. ⁹ Kabo m Si koro m ni, so ye mini mmoo koro am a, am wo ni m koro ni. ¹⁰ Ma de m Si noanie maawam n dee ti ye i koro m a. Nzen am gusu de m noanie maawam ni, m gusu koro am so. ¹¹ Ma se am ahin sam na am ahore jo kabo m ahore ajo n wo, na am ahore jo n ko sin su. ¹² M noanie maawa n la ka o, am koro am benggu kabo m koro am ni. ¹³ Koro be wo má ahin koro n sin, ka sono wu i danfom ti. ¹⁴ Nzen am su m noanie maawa n su, am ti m danfom wo lee. ¹⁵ M fere am m danfom wo, m fere má am ka m akoom kun, dama sono akoo si má i mibie sayoowa kere, ama, deke kere bo ma ti i m Si do ni, ma fa akere am. ¹⁶ Má ambere yiiri m a, ama, mini ayi am ase ka am ko su suuwa bo

i wó bere sanja kere, na deke kere bo am bá fa m duma n sereeri m Si, i yó i ma am. ¹⁷ Noanie maawam n bo m sufa ma am la ka, am koro am bengum.”

Kabo Yesu na durunya n nufóm kpó i susufóm ni

¹⁸ Na Yesu asa su ase bu ka, “Nzen durunya n nufóm kpó am, am si nu ka o, ba du mo akpó mini wó, ye bu nya ba sukpó am n a. ¹⁹ Nzen má am ti durunya n nufóm deé minem, má bu koro am kabo bu koro bu beŋgu n wó. Ama, bo ma yi am afite durunya n nufóm nu, na am ti má durunya n nufóm deé minem n ti, ye bu kpó am n a. ²⁰ Má am ma am wara fi ka ma se am ka, akó tara má i mibié. Nzen bu yo kereeri m wuwuruwa, so ye bu kére am gusu wuwuruwa a. Na nzen bu yo deeri m noanie, bu dé am gusu deé ni. ²¹ Bu yó am nyini n kere, m deé ti, dama bu sí má m Si bo i sunmaari m ni. ²² Nzen má ma ba akan má m ŋu jore akere má bu, má bu si má ka ba yo satie, ama, kisa na ma kan akere bu ni, bu koro kan fite má nu ka ba yo má satie. ²³ Sónó kere bo i kpó m, i kpó mini ni m Si n kere wó læ. ²⁴ Ma yo alekutura sam bo ba ŋu i. Be wo má bere bo i koro yo nyini alekutura sam so. Nzen má ma yo má nyini alekutura sam na ba ŋu má i, má be fa má bu ngasi ka bu ti satieyofóm. Ama, kisa, ba ŋu nyini n kere, na bu toko kpó m ni m Si ni. ²⁵ Nyini na kabo ba kere i Nyeme Jore Kadasi n nu n ayo yiiiwa n a, ka, ‘Bu kpó m kpó ngbæen wó.’

²⁶ Na Bukafó n bo m súnma i fite m Si do na i bá am do ni, yiri ti Awiewie Casi n bo i kere kabo Nyeme ti nahore su n a, yiri dí m ŋusu daani kere am a. ²⁷ Na am gusu di m daani, dama m ni ambere wo bere a, fite m juma n bumboori ba ju ni kisa.

16

¹ M suse am ahin sam kere bo bu bá yo n wó, na bu ba yoori, na má am kaaki am sin bo m. ² Bu bá fón yi am fite bu tientienbunó soom n nu, ama, sanja suba bo bu bá kun am, na bu súnsum ka bu susu Nyeme wó. ³ Bu si má m ni m Si n deé ti, ye bu yó nyini sam kere n a. ⁴ Ma se am sam bo bu bá yo læ, na i sanja ba juuri, na am ténge su ka m yo seeri am.”

Kabo Awiewie Casi n juma ti barasu ni

Na Yesu asa su ase bu ka, “M ni ambere yo woori bumboori n deé ti, ye ma yo ase má am ahin kere a. ⁵ Ama, kisa m sukaaki kó yiri bo i sunmaari m n do o, ye am be akoro abisa má m ka, ‘Ye a sukó ni wó?’ ⁶ Bo ma se ka m kó yaki am deé ti, am ahore asaaki agaya. ⁷ Ama, nahore ye m suse am n a, i ti am buka su wó ka m kó, dama nzen má m kó má, má Bukafó ni bá má, ama, nzen m kóori, m súnma i am do. ⁸ I baari, i kére durunya n nufóm deke bo i ti satie, na i kére bu deke bo i ti sakpa na i kó atin su Nyeme do, na i káaki kere bu kabo Nyeme bá di sónó kere jore barasu. ⁹ I kére bu deke bo i ti satie, dama bu yo má m yarada. ¹⁰ Na i kére bu deke bo i ti kpa na i kó atin su Nyeme do, dama m sukó m Si n do o, na am ŋú má m kun. ¹¹ Na i káaki kere bu kabo Nyeme bá di sónó kere jore, dama Nyeme adi Sitana bo i ti durunya n nufóm kere tii n jore ayo i ngbæen.

¹² M toko la jore dongu bo má m se am, ama, am koro de má i kere kisa. ¹³ Ama, Awiewie Casi n bo i se nahore n ba baari, yiri kére am nahore atin kere a, dama jore kere bo i kán kere am ni, má i deé yiko nu ye i fá kan, ama, kabo Nyeme kére i ni, so ye i kán, na i kére am sam bo bu bá yo ni. ¹⁴ Yiri wúra m kpiri a, dama i kán m ŋu jore kere am. ¹⁵ Deke kere bo i ti m Si deé, i ti m deé wó, nyini deé ti ye ma se am ka, i kán m ŋu jore kere am n a.”

Kabo Yesu kaanri ahoresaaki ni ahorejo jore ni

¹⁶ Na Yesu ase bu ka, “Wó ka kaan na am ŋú má m, ama, i ba yoori kaan buka su na am ŋú m bekun.” ¹⁷ Na i susufom n nbem abisa bu ŋuju nu ka, “Nzu jore ye i jojóori i so n a? I ŋa, wó ka kaan na ya ŋú má i, ama, i ba yoori kaan buka su, ya ŋú i bekun. Ye wó kaaki ase bekun ka, i sukó i Si do o.”

¹⁸ Na ba kaaki abisa bu ŋuju nu ka, “Ye ahin deé, i ba yoori kaan n bu la ka se wo læ? Ya si má i jojóowa n bu.”

¹⁹ Na Yesu afa nu ka bu koro ka bu bisa i nyini jojóowa n bu wó. Na wó bisa bu ka, “Bo m seeri ka wó ka kaan na am ŋú má m, ama, i ba yoori kaan buka su, am ŋú m bekun n ye am subisa am ŋuju nu, na am si i bu, nzen se? ²⁰ Nahore ye m suse am a, ambere bá sun na am kóko, ama, na durunya n nufóm bere ahore jó. Ambere ahore bá saaki, ama, am ahoresaaki ni bá kaaki ahorejo. ²¹ Nzen bara anya akutu ka i wu baa, i la ahoresaaki, dama i wahara sanja ye wó ju a, ama, i ba wuuri baa n wieeri, i ténge má i wahara n bo wó sin n su kun, dama baa n bo wó wu i durunya n nu n ti, i ahore ajo. ²² I ti so o, am gusu do, kisa, am la ahoresaaki, ama, m bá ŋu am bekun, na am

ahore jó bo sɔnɔ koro dé má am ahorejɔ n am dɔ. ²³ Nyini cɛɛn ni, am b́isa má deke be busu m dɔ. Nahɔre ye m suse am a, deke kɛrɛ bo am sereeri m Si ni, m duma n nu, i yó i ma am. ²⁴ Am nya sere má m Si deke be m duma n nu haari ni nyuma. Kisa am sere i, na am nyá i, na am ahore jó kɔ sin su.”

Kabo Yesu akunma durunya n ni

²⁵ Na Yesu ase bu ka, “Ma se am ahin n kɛrɛ anyundɛrɛ nu wɔ lɛɛ, sanɓa suba bo m bó má am anyundɛrɛ kun, ama, m kán m Si ɲu jɔrɛ kɛrɛ kpain kere am a. ²⁶ Nyini cɛɛn ni, am fá m duma n fa sere Nyemɛ, má mini sere Nyemɛ ma am a. ²⁷ Yiri m Si ni i tii koro am a, dama am koro m na am ayo yarada ka m fite i dɔ ɔ. ²⁸ M fiteeri m Si dɔ ɔ baari durunya n nu a, ye kisa m sufite durunya n nu kaaki kɔ i dɔ a.”

²⁹ Na Yesu susufɔm n ase i ka, “Kisa a jɔjɔ ya dɔ weinwein wɔ, a bo má ya anyundɛrɛ kun. ³⁰ Ama, kisa ya si ka a si deke kɛrɛ, wɔ ti má ye ni ka be bisa u deke be, dama kana bu ba bisa u deke be, a si kabo bu koro ka bu bisa u ni, nyini ma ya si ka a fite Nyemɛ dɔ n a.”

³¹ Na wɔ bisa bu ka, “Am ayo yarada kisa? ³² Ama, sanɓa suba bo wɔ ju awie, bo am kɛrɛ bá sandi yaki mini ɲgumi, na sɔnɔ kɛrɛ kó i dika, ama, m wo má m ɲgumi, dama m Si Nyemɛ wo m dɔ. ³³ Ma se am ahin kɛrɛ na am la ahoreda m dɔ. Am ɲú kekereke durunya n nu, ama, am fa ahoresi, dama ma kunma durunya ni.”

17

Kabo Yesu sereeri Nyemɛ maari i susufɔm n ni

¹ Yesu seeri sɔ wieeri ni, na wɔ ye i tii su anie ɲgoro na wɔ sere Nyemɛ. I ɲa, “M Si, sanɓa n aju. Wura mini u Wa n kpiri, adena m gusu wura u kpiri. ² Dama a ma m yiko ka m nie minem kɛrɛ su, na bo a fa bu ama m ni, m má bu ɲgɔɔ bo i la má awieeri. ³ Wɔrɔ ɲgumi ti Nyemɛ nahɔre su a. Na mine bo bu si u, na bu si mini Yesu Kristo n bo a sunmaari m ni, bere la ɲgɔɔ bo i la má awieeri n a. ⁴ Ma wura u kpiri durunya n nu, dama ma yo juma n bo a ma m ka m yo i n awie. ⁵ M Si, sanɓa bo durunya nya bo má i bu ni, m yo woori u dɔ ɔ, ye a wura m kpiri a. Kisa, kaaki wura m kpiri u dɔ bekun.

⁶ Minem n bo a yiiri bu fiteeri durunya n nu fen, ma kere bu kabo a ti barasu. Bu tiiri u dɛɛm wɔ, ye a faari bu maari m a, ye ba de u noanie n a. ⁷ Kisa bu si ka deke kɛrɛ bo a fa ama m ni, fite u dɔ ɔ. ⁸ Dama noanie n kɛrɛ bo a jɔjɔ fa maari m ni, m gusu aɔjɔ ama bu, ye ba de i, ye ba si ka i ti nahɔre ka m fiteeri u dɔ ɔ, ye ba yo yarada ka wɔrɔ sunmaari m a. ⁹ M susere u ma bere wɔ, má bo bu wo durunya n nu ni, ama, minem bo a fa bu ama m ni, bere ye m sere u ma bu a, dama bu ti u dɛɛ minem wɔ. ¹⁰ M minem kɛrɛ ti u dɛɛm wɔ, ye u dɛɛm gusu kɛrɛ ti m dɛɛm, ye ba ma minem aju m jirima woowa ni. ¹¹ Kisa, m suba u dɔ lɛɛ, m ká má durunya n nu fen kun, ama, bere ká fen wɔ. M Si, wɔrɔ bo a ti casi ni, yo bu kanda u duma n bo a fa maari m n yiko nu, na bu yo deke kun, kabo mini ni wɔrɔ ti kun ni. ¹² Sanɓa bo m woori bu dɔ ni, m yoori bu kanda u duma n bo afa ama m yiko nu wɔ. M nieeri bu su, na bu be aka má ɲgbɛɛn, má ka bo wɔ ka ɲgbɛɛn haari i ni kunnu ni, adena kabo ba kere i Nyemɛ Jɔrɛ Kadasi n nu n yo yiwa.

¹³ Kisa m suba u dɔ lɛɛ, ama, m toko wo durunya n nu ye m jɔjɔ ahin jɔjɔɔwa n na bu nya m dɛɛ ahorejɔ n kɔ sin su. ¹⁴ Ma fa u noanie n afa ama bu, na kabo m ti má durunya n nu fen fɔ be ni, sɔ ye bu gusu ti má durunya n nu fen fɔm a, nyini dɛɛ ti, durunya n nufɔm koro má bu jɔrɛ. ¹⁵ M susere má u ka a yi bu fite durunya n nu wɔ, ama, m susere u ka a kanda Sitana satiesyofɔ ni, na i yaki bu. ¹⁶ Kabo m ti má durunya n nu fen fɔ ni, sɔ ye bu gusu ti má durunya n nu fen fɔm a. ¹⁷ U noanie n ti nahɔre wɔ. Ma u noanie n bo i ti nahɔre n yo bu casi. ¹⁸ Kabo a sunmaari m durunya n nu ni, sɔ ye m gusu asunma bu a. ¹⁹ Bere dɛɛ ti, ye ma fa m ɲu ama u a, adena bere gusu fa bu ɲu ma u nahɔre n dɛɛ ti.

²⁰ M susere má u ma má bere ɲgumi wɔ, ama, m susere u ma minem bo bu bá yo m yarada ahinm dɛɛ noanie kaanwa n ti wɔ. ²¹ M Si, m sere u ka a ma bu kere yo kun, kabo a wo m dɔ, na m gusu wo u dɔ ni, ma bere gusu wo ya dɔ, adena durunya n nufɔm yo yarada ka wɔrɔ sunmaari m a. ²² U jirima woowa n bo a maari m ni, ma fa ama bu, na bu yó kun kabo m ni wɔrɔ ti kun ni. ²³ M wo bu dɔ, na u gusu wo m dɔ, nyini ma bu yo deke kun kabo a koro ka bu ti n a, na durunya n nufɔm si ka wɔrɔ sunmaari m a, na kabo a koro m ni, a koro u minem gusu sɔ ɔ.

²⁴ M Si, m koro ka a ma minem bo a fa bu ama m n bá wo m dɔ, deke bo m wo ni, na bu ɲú m jirima woowa n bo a fa maari m ni, dama sanɓa bo a nya ayi má durunya n ye a koro m a. ²⁵ M Si, wɔrɔ yo sa kɛrɛ bo i kɔ atin su n a, durunya n nufɔm si má u, ama,

mini si u, na ahinm gusu si ka wɔrɔ sunmaari m a. ²⁶ Ma kere bu kabo a ti barasu, na m toko sukere bu wɔ, adena koro n bo a koro m n wɔ bu nu, na m ni bere yɔ kun.”

18

Kabo bu kɔɔri ka bu kɔ tara Yesu ni

¹ Yesu sereeri Nyeme wieeri ni, na i ni i susufom n ayasu ako akpie Kedoron nzuetin n buekun do, deke bo baka fie be wo ni, na ba ko awura baka fie n nu. ² Yudasi bo i suto Yesu ma i kpofom ni si dika n nu, dama Yesu ni i susufom nati tien bu no do do sangga sangga. ³ Na Yudasi aba do. Sojam su i su, ni tintinijinafom bo Nyeme sayoowa donguyofom nkpienkpienm n ni Farasifom asunma bu n buka su. Bu bita fitanam, ni wura sinn, ni biesoya nenjem. ⁴ Yesu si sa kere bo i ba tu i ni, na wo kpa bu atin abisa bu ka, “Am koro nma a?” ⁵ Na ba bo i nu ase i ka, “Ya koro Yesu Nazaretifo n wo.” Na wo se bu ka, “Yiri la mini.” Yudasi bo i toori i ni jina sojam n nu. ⁶ Yesu seeri ka, “Yiri la mini” ni, na bu kere akoko bu sin akpakpaasi asienngu. ⁷ Na wo kaaki abisa bu bekun ka, “Am koro nma a?” Na ba se i ka, “Ya koro Yesu Nazaretifo n wo.” ⁸ Na wo se bu ka, “Ma se am ka yiri la mini. Nzen am koro mini wo, am ma ahin minem bere ko.” ⁹ I seeri so ni, na i noanie bo i yo jɔjɔri i n ayo yiiwa, ka, “Minem bo a fa bu ama m ni, m ma ma bu be ka ma ngbeen.” ¹⁰ Nyini sangga Simon Petoro jina bita takobe, na wo cin aworo i akpie sono be sui, i saa fomboro dee ni, nyini sono n ti Nyeme sayoowa donguyofom kpien n akoo o. Bu fere i ka Malikus. ¹¹ Na Yesu ase Petoro ka, “Fa u takobe n wuru i bue nu. A nja ma m nju anyumboro n bo m Si afa ama m n wo?”

Kabo bu taraari Yesu kɔɔri bu kpien Anasi do ni

¹² Na sojam, ni bu kpien, ni Yudafo nkpienkpienm n tintinijinafom n atara Yesu acici i nyama. ¹³ Bu du mo faari i kɔɔri sono be bo bu fere i ka Anasi n do o ka. Anasi sibie la Kayafasi. Kayafasi ti Nyeme sayoowa donguyofom kpien n nyini afo n a. ¹⁴ Yiri Kayafasi ti bo i yo seeri Yudafo ka i ti ye ni ka sono kun wu ma minem kere n a.

Kabo Petoro keteeri ka i si ma Yesu ni

¹⁵ Bu taraari Yesu sukoo ni, na Simon Petoro ni Yesu susufo n kun asu i su ako. Nyeme sayoowa donguyofom kpien n si nyini Yesu susufo n dee ti, ye i suuri Yesu su wuruuri yiri Nyeme sayoowa donguyofom kpien n gisan nu a. ¹⁶ Ama, na Petoro yiri aka ajina dasin ano n nu, na yiri susufo n bo Nyeme sayoowa donguyofom kpien n si i ni afite, na wo ba afani n bo i jina kanda ano n do, na wo sere i atin na wo fa Petoro awura. ¹⁷ Na afani n bo i jina kanda ano n abisa Petoro ka, “Woro mmoo ti nyini sono n susufom nu kun wo, ma so?” Na Petoro ase i ka, “Ai, m ti ma bu kun.”

¹⁸ Ayere sangga lee, na Nyeme sayoowa donguyofom kpien ni ngbefenem, ni tintinijinafom atoro sin wo tun su, na Petoro gusu ajina bu bi sutun sin n be.

Kabo Nyeme sayoowa donguyofom n kpien n diiri Yesu jore ni

¹⁹ Na Nyeme sayoowa donguyofom n kpien n abisa Yesu fa ko i susufom n jore, ni kabo i kereewa n ti barasu ni. ²⁰ Na Yesu ase i ka, “Sangga kere m jɔjɔ sono kere nyunu wo, na m kere bu Nyeme noanie ni bu tientienbunoo soom n nu, ni Nyeme Sereebiri Awuru n nu, deke bo Yudafo kere tien bu noo ni, m kan ma jore be fieewa nu. ²¹ Ye nzu ti ye a bisa m a? Bisa minem bo bu tiiri m kereewa n ka m seeri bu se wo. Bere si kabo m seeri bu n a.” ²² Yesu seeri so ni, na tintinijinafo n bo i jina dodo i n abo i nyoonu, na wo bisa Yesu ka, “So ye a bo Nyeme sayoowa donguyofom kpien n nu a?” ²³ Na Yesu ase i ka, “Nzen ma jɔjɔ jore bo wo ko ma atin su, kan na m ti. Ye nzen bo ma se n ti nahore, nzu ti ye a bo m nyoonu a?” ²⁴ Na Anasi ama ba fa i ni nyama ciciiwa n so ako Kayafasi bo i ti Nyeme sayoowa donguyofom n kpien n do.

Kabo Petoro keteeri bekun ka i si ma Yesu ni

²⁵ Simon Petoro jina woori sin n tun su ni, na ba bisa i ka, “Woro mmoo ti i susufom kun wo, ma so?” Na Petoro akete, i nja, “Ai, m ti ma bu kun.” ²⁶ Na Nyeme sayoowa donguyofom kpien n akoo be, i dikafɔ la sono n bo Petoro kpie yiiri i sui ni, na wo se Petoro ka, “Ma nju ma u ka a wo i bi baka fie n nu do?” ²⁷ Na Petoro akete bekun, kpernga akonyuma abo.

Kabo bu faari Yesu baari Gomina Pilato do ni

²⁸ Na alecin ngarama fun na ba fa Yesu afite Kayafasi dika n nu, na ba fa i ako gomina n dika, bu fere gomina n ka Pilato. Yudafo awura ma gisan nu, adena ma bu yo bu nju fin, na bu koro di ma Butara cenkpiri ni. ²⁹ Nyini ti, na Pilato afite aba bu do dasin abisa bu ka, “Ahin sono n bo am afa i aba m do ni, i ngasi la bono?” ³⁰ Na ba se i ka, “Nzen ma wo do ma ngasi be, ma ya fa ma i ba ma u do.” ³¹ Na Pilato ase bu ka,

“Amberɛ mmɔɔ ni am tii fa i kɔ di i jɔrɛ kabo am jɔrɛdi atin kere ni.” Na Yudafoɔm n ase i ka, “Ya la má atin bo ya kun sɔnɔ.” ³² Bu seeri sɔ ni, adena Yesu nɔaniɛ n bo i seeri kabo i bá wu barasu n yo yiiwa.

³³ Na Pilato akaaki awura gisan n nu, na wɔ fere Yesu abisa i ka, “Wɔrɔ ti Yudafoɔm Fɛmɛ n a?” ³⁴ Na Yesu abisa i ka, “U dɛɛ sunsunni nu lɛɛ, nzen be seeri u a?” ³⁵ Na Pilato abisa i ka, “M ti Yudafoɔ ɔ? U minem ni Nyemɛ sayoowa dɔnguyofɔm nkpienkpienm ni faari u baari m dɔ a. A do nzu ngasi wɔ?” ³⁶ Na Yesu ase i ka, “M fɛmɛya n ti má durunya n nu fɛn fɛmɛya. NZɛN má m fɛmɛya n ti durunya n nu fɛn fɛmɛya, má m susufɔm bá kun lue m busu, na má be koro tara má m wura má Yudafoɔm saa nu. Ama, m fɛmɛya n ti má durunya n nu fɛn dɛɛ.” ³⁷ Na Pilato abisa i bekun ka, “Nka a ti fɛmɛ wɔ lɛɛ?” Na Yesu ase i ka, “Bo a ɲa m ti fɛmɛ ni, i ti sɔ ɔ. Bu wuuri m durunya n nu ka m ba di nahɔrɛ n daani wɔ. Na sɔnɔ kɛrɛ bo i su nahɔrɛ n su, i de m nɔaniɛ n wɔ.” ³⁸ Na Pilato abisa i ka, “Nahɔrɛ la nzu wɔ?”

Kabo bu maari nɔɔ ka bu kun Yesu ni

Pilato seeri i sɔ, na wɔ kaaki afite akɔ Yudafoɔm dɔ ako ase bu ka, “Ma ɲu má i ngasi be wɔ do i. ³⁹ Ama, am la am yoowa be bo i ma m atin ka m yi dansaraka kun ma am Butara cɛenkpiri n di sanɲa. Am koro ka m yi amberɛ Yudafoɔm Fɛmɛ ni ji ma am a, nzen sɛ?” ⁴⁰ Na ba tien ase ka, “Má yiri. Ya koro Barabasi wɔ.” Barabasi ti sɔnɔ bo i nati fin minem di wɔ.

19

¹ Na Pilato ama ba fa Yesu akɔ afin i ngberɛ. ² Na sojam n awura i tanlɛɛ kɔkɔrɛ yorom ka fɛmɛya dɛɛ su, na ba fa buwe aɲɔ i ka kaba dɛɛ su, na ba fa aforo i tii. ³ Na bu suba i dɔ suyo i anzasi se i ka, “Yudafoɔm Fɛmɛ, ya yo u anɛɛ.” Na ba bo i nyɔɔnu. ⁴ Na Pilato akaaki afite aba Yudafoɔm dɔ aba ase bu ka, “Am ti fɛn, m sufa i fite ba kere am wɔ, na am si ka ma ɲu má ngasi bo wɔ do i.” ⁵ Yesu tie fiteeri ni tanlɛɛ kɔkɔrɛ yorom ni, ni i tii buwe kaba n ni, na Pilato ase bu ka, “Am nie, sɔnɔ n yaa.” ⁶ Deke bo i tie fiteeri na Nyemɛ sayoowa dɔnguyofɔm nkpienkpienm ni tintinjinafɔm ɲuuri i sɔ ni, kpɛnga na ba tien, bu ɲa, “Am kpama i baka jaanu n su na i wu. Am kpama i.” Na Pilato ase bu ka, “Amberɛ mmɔɔ ni am tii fa i kɔ kpama i e. Mini, ma ɲu má ngasi bo wɔ do i.” ⁷ Na ba se i ka, “Ya la nɔaniɛ kpamaawa be, wɔ yo daka ka i wu, dama i ɲa i ti Nyemɛ Wa a.”

⁸ Pilato tiiri ka Yesu ɲa i ti Nyemɛ wa ni, na sɛrɛ ati i abuka su. ⁹ Na wɔ kaaki awura gisan n nu abisa Yesu ka, “A fite ni wɔ?” Ama, Yesu abɔ má i nu. ¹⁰ Na Pilato akaaki abisa i ka, “A bɔ má m nu? A si má ka m la yiko bo m koro ma bu fa u ji, na m kaaki la yiko bo m koro ma bu kpama u baka jaanu n su?” ¹¹ Na Yesu ase i ka, “Nzen má Nyemɛ ama má u atin, maala má yiko bo a koro yo m pui. Nyini ti, sɔnɔ n bo i faari m wuraari u saa nu ni, i satie yoowa tara u dɛɛ.” ¹² I seeri sɔ ni, na Pilato akpi kabo i yo na i yaki Yesu nu ji. Ama, na Yudafoɔm sutientien suse ka, “Nzen a yakiiiri i nu jiiri, u ni Fɛmɛ Siza danfoya awie lɛɛ, dama sɔnɔ kɛrɛ bo i yo i ɲu ka i ti fɛmɛ, i mi ti Fɛmɛ Siza kpɔfɔ ɔ.”

¹³ Pilato tiiri sɔ ni, na wɔ fa Yesu afite, na wɔ tana jɔrɛ diibiri n su bimbindi n su. Yudafoɔm anie nu bu fere i ka *Gabata*, i bu la ka, deke bo ba fa yabue asese su ayo i dɔngɔ ni. ¹⁴ Nyini cɛɛn n tiiri bu Butara cɛenkpiri n kpokɔrɛ cɛɛn wɔ, wiesu kerefi buru ni nnyɔ sanɲa a. Na Pilato ase Yudafoɔm ka, “Am fɛmɛ n yaa.” ¹⁵ Na ba kaaki atien ase ka, “Am fa i kɔ, am fa i kɔ kpama i baka jaanu n su.” Na Pilato abisa bu ka, “M fá am fɛmɛ n kɔ kpama i baka jaanu n su?” Na Nyemɛ sayoowa dɔnguyofɔm nkpienkpienm n ase ka, “Ya la má fɛmɛ be sin Fɛmɛ Siza ɲu.” ¹⁶ Bu seeri sɔ wieeri ni, na Pilato anya afa i ama bu ka bu kɔ kpama i baka jaanu n su.

Kabo bu kpamaari Yesu baka jaanu n su ni

Na ba de Yesu akɔ. ¹⁷ Na yiri ni i tii asɔ i baka jaanu n akɔ awɔrɛ n bo bu fere i ka Tereawa Woobiri ni, Yudafoɔm anie nu bu fere dɔ ka *Gologota*. ¹⁸ Na ba kpama i baka jaanu n su dɔ, na ba kaaki akpama mine nnyɔ nbem adodo i, bu kpamaari kun i saa fombɔrɔ su, na ba kpama kun i saa bie su, na Yesu awɔ bu afien. ¹⁹ Na Pilato akere kereɛwa be amata i tii su baka jaanu n su. Kereɛwa n la ka, “Yesu Nazaretifo n bo i ti Yudafoɔm Fɛmɛ n lɛɛ.” ²⁰ Bu kereeri nyini kereɛwa n Yudafoɔm, ni Romafɔm, ni Girikifɔm dɛɛ aniem kere nu wɔ, na Yudafoɔm dɔngɔ aɲu i, na ba kan i, dama deke bo bu kpamaari i n waari má ni mie kunnu. ²¹ Na Nyemɛ sayoowa dɔnguyofɔm nkpienkpienm n akete ase Pilato ka, “Má a kere ka, ‘Yudafoɔm Fɛmɛ n lɛɛ,’ ama, kere ka, ‘Ahin sɔnɔ ɲa, ‘Mini ti Yudafoɔm Fɛmɛ n a.’ ” ²² Na Pilato ase bu ka, “Bo ma kere i ni, nyini lɛɛ wɔ.”

²³ Sojam n kpamaari i baka jaanu n su wieeri ni, na ba kpaaki i nenɲe wuraawam nu busu nna, na bu kere afa kun kun, na wɔ ka i tanlɛɛ yorom bo i wo i bu na i wura be

gɔ su ni, i la má gise kpaabiri, ama, ba wu i kere anggoro kɔ jura asienggu wɔ. ²⁴ Na ba se ka, “Má am ma ya sonson i nu, ama, am ma ya tu mbaa na ya si bo i dí i.” Bu yoori sɔ adena Nyeme Jɔre Kadasi n yo yiiwa, bo ba kere i ka, “Ba kpaaki m nenje wurawam nu,
na ba tu mbaa m tanlee n bo i wo m bu n busu ni.”

Nyini ti ye sojam yoori sɔ n a.

²⁵ Na Yesu ni, ni Yesu ni niemabara, ni Kolopasi yi Mariya, fa kɔ tuuri Mariya n bo i fite Magadala n jina dodo deke bo bu kpamaari Yesu ni. ²⁶ Yesu nie juuri i ni ni, ni i susufɔ n bo i koro i agaya n ka bu jina dodo i ni, na wɔ se i ni n ka, “M ni, nie fen, u wa la ahin.” ²⁷ Na wɔ se i susufɔ n gusu ka, “Nie fen, u gusu ni lee.” Nyini cɛen n kere na Yesu susufɔ n afa Yesu ni, na wɔ kɔ awo i dɔ.

Kabo Yesu wuuri ni

²⁸ Nyini sin na Yesu asi nu ka wɔ yo i juma kere awie, na wɔ se ka, “Nzuehɔe ti m wɔ.” I seeri sɔ ni, adena Nyeme nɔaniɛ n yo yiiwa. ²⁹ Nyini sangga dundu be taka bere, wɔ yi ni nzan gagaraki, na ba fa mene afa awɔ baka su afa abo nu alaandi atɔ i nɔɔ. ³⁰ Yesu de nu wiewi ni, na wɔ se ka, “Wɔ wie.” Na wɔ biri i tii, na wɔ yo Nyeme dee.

Kabo bu wɔɔri Yesu kpɛe i nvin nu ni

³¹ Nyini cɛen n ti Njumiya cɛen n kpokpo cɛen n ti, ba koro má ka minem bo ba kpama bu baka jaanu n su n ka sense su bu Njumiya cɛen ni, dama Njumiya cɛen n bo i suba n ti cɛenkpiri bambaka bu dɔ. Nyini dee ti, ye bu sereeri Pilato ka i ma bu kɔ bubu bo ba kpama bu baka jaanu n su jaam n a, na bu yi bu kɔ se bu. ³² Nyini ti, na sojam n ako abo abubu sɔnɔ n kun jaam, ni nyinga n gusu dee, bere n bo bu kpamaari bu dodoori Yesu ni. ³³ Ama, sangga bo bu ba kpuraari Yesu ni, bu juuri ka yiri awu, nyini dee ti, ba bubu má i jaam. ³⁴ Ama, na sojam kun afa kpɛe awɔ Yesu nvin nu, kpejga na nzue ni mbunja susongɔ fite. ³⁵ Sɔnɔ n bo i nyumbaa juuri i ni, yiri di i daani a, adena am yo yarada. I jore n ti nahore wɔ, na kabo i di daani n gusu ti nahore wɔ. ³⁶ Ahin n kere yoori, adena kabo ba kere i Nyeme Jɔre Kadasi n nu n yo yiiwa. Ba kere ka, “I buwe kun n kpein mmɔɔ bu má.” ³⁷ Ye ba kaaki akere ka, “Minem bá nie yiri n bo ba wɔ i kpɛe n wɔ.”

Kabo bu seeri Yesu ni

³⁸ Nyini dee sin, na sɔnɔ be bo bu fere i ka Yosefu n asere Pilato atin na i yi Yesu njunie n kɔ se i. Na Pilato ama i atin, na wɔ kɔ ayi i njunie n baka jaanu n su ako. Yiri Yosefu fite mie kpiri n bo bu fere i ka Aramatiya n su wɔ, i yo tiiri Yesu susufɔm kun wɔ, ama, i soroori Yudafɔm ahore ti, wɔ yi má i ju fofoe nu. ³⁹ Na Nikodemo bo i yo baari Yesu dɔ kongue be n gusu aba, i bita nguin nvanvani ni tulaalee sangaa, i nɔnɔɔri ju pobu aburana. ⁴⁰ Na ba fa Yesu njunie ni, na ba yo i kabo Yudafɔm yo bu fuin na bu se i ni, bu faari tulaalee n gɔɔri i ju wɔ, na ba nya afa nzee apɔɔndi i. ⁴¹ Deke bo bu kpamaari Yesu ni, baka fie be wo dɔ. Nyini baka fie n nu yabue bue bo ba lokoti i ayo i fanjunma wo dɔ, bo bu nya se má fuin nu ni. ⁴² Nyini cɛen n ti Njumiya cɛen n kpokpo n dee ti, na bekun, fanjunma n waari má ni bere ni, ye bu faari i ko seeri nu n a.

20

Kabo Yesu tengeeri i yiwee n nu ni

¹ Yudafɔm bakue n bumboori, mɔne cɛen ngarama fuun, nyini sangga dika toko ti liin, na Mariya n bo i fite Magadala n ako yabue bue fanjunma n su. I kɔ juuri ni, i juuri ka ba yi yabue bambaka n bo bu fa tɔɔri fanjunma n anɔ ni. ² Na wɔ njmati ako Simon Peto ni Yesu susufɔ n bo i koro i agaya n dɔ, na wɔ se bu ka, “Ba yi Mibie n fanjunma n nu, ya si má deke bo ba fa i ako ase.” ³ Na Peto ni i lamɔkɔ n ayasu ka bu kɔ fanjunma n su. ⁴ Bu mine nnyɔ ni sunjmati kɔ a, ama, na kun n njmati asin Peto ju adu mɔ aju fanjunma n su. ⁵ Na wɔ kasi anie fanjunma n nu, anju ka nzee n da, ama, wɔ wura má fanjunma n nu. ⁶ Ama, na Simon Peto yiri aka sin aba aju, na wɔ wura fanjunma n nu, anju ka nzee n da, ⁷ na wɔ ju ka tani n bo bu fa ciinri Yesu tii ka kaba n gusu bubu nu da i njumi. ⁸ Nyini sangga na yiri n bo i du mɔ juuri fanjunma n su n awura nu, i juuri i ni, na wɔ yo yarada kabo Yesu yo seeri bu ni. ⁹ Ama, ba nya asi má Nyeme Jɔre Kadasi n bo i nj Yesu tengeeri i yiwee n nu n bu. ¹⁰ Na ba kaaki ako awuru.

Kabo Yesu yiiri i ju kereeri Mariya n bo i fite Magadala ni

¹¹ Ama, na Mariya aka ajina fanjunma n su, na i susun. I wo sun su ni, na wɔ kasi anie fanjunma n nu. ¹² Na wɔ ju merəkem nnyɔ ka bu wura tanlee fofoe tana deke bo

bu faari Yesu ñunie n daari ni, kun tana deke bo bu faari i tii woori ni, na yinnga gusu tana deke bo bu faari i jaa woori ni. ¹³ Na ba bisa i ka, “Bara, nzu ti ye a sun a?” Na wo se bu ka, “Ba yi m Mibie n wo, ye m si má deke bo ba fa i ase.” ¹⁴ I seeri so ni, na wo kaaki anie i sin. I ñuuri ka Yesu jina, ama, wo si má ka Yesu lee. ¹⁵ Na Yesu abisa i ka, “Bara, nzu ti ye a sun a? A koro ñma a?” Mariya ñuuri i so ni, i sunsun ka fie n niefo a. Na wo se i ka, “M jakpien, nzen woro ayi i ako ase deke be a, kere m na m ko fa i.” ¹⁶ Na Yesu afere i ka, “Mariya.” Na wo kaaki anie Yesu do, na wo se i ka, “*Raboni.*” Yudafom dee anie n nu, i bu la ka, ya Kerefo. ¹⁷ Na Yesu ase i ka, “Má a fa u saa kan m, dama ma nya ako má m Si do, ama, ko na a ko se m ninbaam n ka, ‘M suko m Si bo i ti am Si ni, ni m Nyeme bo i ti amberé mmoo Nyeme n do.’” ¹⁸ Na Mariya n bo i fite Magadala n ako ase bu ka, “Ma ñu Mibie ni.” Na wo se bu jore n kere bo Yesu akan akere i ni.

Kabo Yesu yiiri i ñu kereeri i susufom ni

¹⁹ Na bakue n bumboori, mone ceen n naaso sangga, na Yesu susufom woori soo be nu, na ba tu ano n ago bu ñu, dama bu soroori Yudafom nkpienkpienm wo. Na Yesu aba ajina bu afien ase bu ka, “Am ma am ahore da.” ²⁰ I seeri so wieweri ni, na wo fa i saam deke bo bu boori i bulaari ni, ni i nvin deke bo bu woori i kpie n akere bu. I susufom ñuuri i so ni, na bu ahore ajo. ²¹ Na wo kaaki ase bu ka, “Am ma am ahore da, kabo m Si sunmaari m ni, so ye mini gusu susunma am a.” ²² I seeri so wieweri ni, na wo yi i ñumi ago bu ñu, na wo se bu ka, “Am de Nyeme Awiewie Casi ni. ²³ Sono kere bo am faari i satie ceeri i, Nyeme fá i satie ce i. Ama, sono kere bo am fa má i satie ce má i, Nyeme fá má i satie ce má i.”

Kabo Yesu yiiri i ñu kereeri Tomasi ni

²⁴ Sangga bo Yesu yiiri i ñu kereeri i susufom buru ni nnyom ni, bu nu kun awo má bu nu. Yiri la Tomasi bo bu fere i ka Ndaa ni. ²⁵ I ba baari ni, na ba se i ka, “Ya ñu Mibie ni.” Na wo se bu ka, “Má ka ma ñu i saa kunma n bo bu kpamaari i ni, na m fa m saa maraka wura nu, na m fa m saa wura i nvin nu deke bo bu woori i kpie ni, m yó má yarada fieo.”

²⁶ Na i lemocue ceen, na ba wo soo n nu bekun. Nyini ceen ni, Tomasi gusu woori bu nu, na ba yandi atu ano ni. Na Yesu aba ajina bu nu, na wo se bu ka, “Am ma am ahore da.” ²⁷ Na wo se Tomasi ka, “Fa u saa maraka ba wura m saa kunma n nu, na a fa u saa ba wura m nvin kunma n nu. Na a yaki sika na a yo yarada.” ²⁸ Na Tomasi ase i ka, “Woro ti m Mibie, ni m Nyeme a.” ²⁹ Na Yesu ase i ka, “Bo a ñu m ti ye a yo yarada? Terefie wo bu do, bu na nya ñu má m na bu yo yarada ni.”

Deke bo i ti na bu kereeri ahin kadasi n ni

³⁰ Yesu yo yoori alekutura sam beberebe na i susufom n anju i, ama, ba kere má i kere awura má ahin kadasi n nu. ³¹ Ama, ba kere ahinm ni, adena am yo yarada ka Yesu Nyeme Wa ni ti Kristo n a, Tiidefo n bo Nyeme ase ka i sunma i ni, na am yarada ni ma am nya ñgoo i dee duma n nu.

21

Kabo Yesu yiiri i ñu kereeri i susufom n bekun ni

¹ Nyini sin, na Yesu ayi i ñu akere i susufom n bekun kunma kpiri n bo bu fere i ka Tiberiya n noo su. Kabo i faari i ñu kereeri bu n la ka, ² i susufom nbem atien bu noo, bere la Simon Petoro, ni Tomasi n bo bu fere i ka Ndaa ni, ni Natanieli n bo i fite Kana bo i wo Galili asien n su ni, ni Zebedi nbaa nnyom ni, ni i susufom nnyo nbem. ³ Na Simon Petoro ase bu ka, “M suko jombaa tara lee.” Na ba se i ka, “Yere mmoo sú u su ko o.” Na ba wura lee n nu ako, bu woori nzue n nu haari ale ko sucin, ba nya koro tara má pui.

⁴ Sangga bo ale ba ciinri wein ni, na Yesu aba ajina kunma n noo su, ama, i susufom n asi má ka yiri lee. ⁵ Na wo bisa bu ka, “M nbaam, am anya má jombaa, má so?” Na ba se i ka, “Ai, ya nya má be.” ⁶ Na wo se bu ka, “Am sandi am diendie n lee n fomboro su dee bue ni, am nya be.” Bu sandiiri ni, na ba tara jombaa beberebe, haari ba koro ama má diendie n su. ⁷ Na Yesu susufom n bo i koro i agaya n ase Petoro ka, “Ya Mibie lee.” Deke bo Petoro tiiri ka, bu Mibie lee ni, nyini sangga i jina i ñunie ñgbeen wo. Na wo yo ndende afa i tanlee abo i wi nu, na wo ti ato nzue n nu. ⁸ Ama, na i benju susufom n bo bu wo lee n nu ni, sucin diendie n bo wo yi ni jombaa ni, na bu fa ba kunma n noo su ni. Deke bo bu wo n ni kunma n noo su n waari má, i tiiri ajaari natiwa yaa kun wo.

⁹ Bu cin ko juuri kunma n noo su ni, na bu fiteeri lee n nu ni, bu ñuuri ka sinmone da, jombaa nana su, kpono da bere. ¹⁰ Na Yesu ase bu ka, “Am fa jombaa n bo am atara bu kisa n be bra.” ¹¹ Na Simon Petoro awura lee n nu, na wo cin diendie n bo wo yi ni

jombaa ngbingbiri n aba aheme. Jombaa n kere ko yasuuri yaa ni aburunu ni nsan a, ama, haari ni nyini jombaa beberebe n kere, diendie n ati ma. ¹² Na Yesu ase i susufom n ka, "Am ba yo daraka." Bu be abo ma su, na i bisa i ka, "Woro nma?" dama bu kere si ka bu Mibie n a. ¹³ Na Yesu aba afa kpoko n ama bu, na wo fa jombaa n gusu abuka bu su. ¹⁴ Ahin yoori kpe nsan su, bo i yiiri i nu kereeri i susufom n a, sangga bo i tengeeri i yiwee n nu ni.

Kabo Yesu ni Petoro boori anzama ni

¹⁵ Bu yoori daraka n wieeri ni, na Yesu abisa Simon Petoro ka, "Yohane wa Simon, a koro m tara kabo nyingam ni koro m ni?" Na wo se i ka, "Een, m Mibie, woro mmoo si ka m koro u." Na Yesu ase i ka, "Nie m nbombaam dika." ¹⁶ Na wo kaaki abisa i kpe nnyo su ka, "Yohane wa Simon, a koro m?" Na Petoro ase i ka, "Een, m Mibie, woro mmoo si ka m koro u." Na Yesu ase i ka, "Nie m nbom dika." ¹⁷ Na wo kaaki abisa i kpe nsan su ka, "Yohane wa Simon, a koro m?" Na Petoro ahore asaaki kabo wo bisa i kpe nsan su kere ka, i koro i ni? Na Petoro ase i ka, "M Mibie, woro si deke n kere a, a si ka m koro u." Na Yesu ase i ka, "Nie m nbom dika." ¹⁸ Nahore ye m suse u n a, ka sangga bo a yo ti gbefene ni, woro mmoo ni u tii bo u wi nu kujara ko deke kere bo a koro a, ama, a ba yoori kpien, a ye u saa su angoro wo, na be bo u kujara na i fa u ko deke bo a koro ma ni." ¹⁹ I seeri so n na i kere kabo Petoro ba wu barasu, na minem nu kabo Nyeme jirima woowa n ti barasu. Nyini sin na wo se Petoro ka, "Su m su."

Yesu ni i susufo n bo i koroori i agaya n jore

²⁰ Na Petoro akaaki anie anu ka bere susufom nu kun bo Yesu koro i agaya n su bu su. Yiri la bo bu yo sudi diire na i tana mataari Yesu na i bisaari i ka, "M Mibie, nma to u n a?" ²¹ Petoro nuuri ka i su bu su so ni, na wo bisa Yesu ka, "M Mibie, ye ahin n gusu di?" ²² Na Yesu ase i ka, "Nzen m koro ka i wo bere haari sangga bo m ba kaaki ba, i nya u se? Woro su m su." ²³ I seeri so n na labari n abara aye i susufom do, ka i nyini susufo ni wu ma. Yesu ase ma ka i wu ma, ama, i na, "Nzen m koro ka i wo bere haari sangga bo m ba kaaki ba, i nya u se?"

²⁴ Nyini Yesu susufo ni diiri ahin jorem kere daani a, yiri kaaki kereeri ahin jorem kere a, na ya si ka i daani diiwa n ti nahore n a. ²⁵ Yesu yo yoori sam dongu, bo ma bu na bu kere i kere, ma de ma ka bu nya fofoe durunya n nu, bo bu fa nyini kadasim n kere fa se.

Yesu Jaramasam SAYOOWAM

¹ Ya si Teyofilosii, m kadasi n bo m du mo kere maari u ni, m yo seeri u fa ko sam bo Yesu yo yoori bu n kere, ni kabo i kereeri minem, sanja bo i boori i juma n bu ni, ² haari fa ko ju sanja bo Nyeme faari i fun koori angoro ni. Kana i ba fun ko ni, Nyeme Awiewie Casi n dee yiko nu ye i yo seeri i jaramasam bo wo yi bu n sam bo bu ba yo n a. ³ Yesu wu tengeeri n dee sin, na wo wo durunya n nu ceen aburana, na i suyi i nju sukere bu sanja sanja su, bo i kere ka i la ngoo nahore su. Na ba nju i, na wo jojo bu do fa ko Nyeme femeya n su. ⁴ Na sanja bo Yesu ni i jaramasam ba tienri bu nwo wo diire di su ni, na wo se bu ka, "Ma am se ka am fite Yerusalem mie kpri n nu, ama, am nminda ko ju sanja bo m Si Nyeme fa Awiewie Casi n ba ma am, yiri ye i yo seeri ka i fa ma am n a. Yiri ye m yo kaanri i jore kereeri am n a. ⁵ Yohane yo faari nzue bieeri am a, ama, i ce ma, mini fa Awiewie Casi n ba wura am nju a."

Kabo Nyeme ma Yesu fun koori angoro barasu ni

⁶ Na sanja bo Yesu ni i jaramasam n ba tienri bu nwo ni, na ba bisa i ka, "Ya Mibie, kisa ye a kaaki fa femeya n ma yere Yisarelifom, nzen se?" ⁷ Na Yesu ase bu ka, "Deke bo m Si Nyeme koro ka i yo i, ye i yo a, ambere koro si ma nyini sanja wara ceen ni." ⁸ Ama, sanja bo Awiewie Casi n ba wuraari am nju, i ma am fanga na am di m nusu daani Yerusalem mie kpri n nu, ni Yudiya awore n kere nu, ni Samariya awore n kere nu, haari ko kpura durunya n kere pepere su. ⁹ Sanja bo Yesu seeri so wieeri ni, na Nyeme ama wo fun ako angoro, bu toko jina wo nie su ni, na yinyingu akata i nju, ba nju ma i kun. ¹⁰ Bu jina wo nie su kabo i sufun ko angoro n nu barasu ni, na mine nnyo nbem akaba aba ajina bu bi, bu wura sutura fofoe, ¹¹ na ba bisa bu ka, "Galilifom, nzu ti ye am jina nie angoro n nu so a? Yiri Yesu ni, kabo am anju ka i sufun ko angoro n nu barasu ni, am ba kaaki nju i so o lee, sanja bo i ba sukpie i nyi ba ni."

Sono bo i deeri Yudasi jinaabiri n jore

¹² Nyini sanja ni, Yesu jaramasam yo woori buka n bo bu fere i ka Oliva Buka n su wo. Do ni Yerusalem mie kpri n nu waari ma. Na ba kpie bu nyi ako Yerusalem. ¹³ Bu ko juuri n na ba fun ako angoro so n bo bu da nu n ni. Bere bo bu koori do n la Petoro, ni Yohane, ni Yakobo, ni Andere, ni Filipu, ni Tomasi, ni Batolomeyo, ni Matio, Yakobo bo i si la Alafeyo ni, ni Simon bo i tu ngoni fa ko i asien su ni, ni Yudasi bo i si la Yakobo ni. ¹⁴ Bu tien bu nwo so o sanja kere, na bu susere Nyeme, bu ni nbaram nbem, ni Yesu ni Mariya, ni Yesu niemam ni.

¹⁵ Ceen be so o, na yaradayofom n atien bu nwo, bu kere ko yasuri mine yaa ni aburanyo o. Do na Petoro ayasu ajina bu afien ase bu ka, ¹⁶ "M ninbaam, wo yo daka ka ncanie n bo Awiewie Casi n yo maari Feme Davidi nwo na i kereeri i Nyeme Jore Kadasi n nu n yo yiiwa, kabo i kereeri fa ko Yudasi jore ni, ka yiri du minem bo bu ba tara Yesu n mo a. ¹⁷ Yudasi yo tiiri ya nu kun wo, ya ni yiri sanja yoori juma n a." ¹⁸ Ya si Teyofilosii, si nu ka Yudasi afa njwaa n bo i yoori satie na i nyaari i ni, na wo fa ato asien, do na wo kpaasi, na wo wu, na i kunnu atie, na i ayaya kere afite ago. ¹⁹ Na Yerusalemfom kere ati nyini jore ni, nyini ti, na ba fere nyini asien ni, bu anie nu ka *Akelidama*, i bu la ka, Mbunja Asien. ²⁰ To, na Petoro akaaki ase bu ka, "Bu yo kereeri i Kansi Jue kereewam n nu, ka,

'Ma i dika n ka bonfo,
na ma be wo nu.'

Na wo kaaki akere ka,

'Ma sono be de i jinaabiri ni.'

²¹⁻²² Nyini ti, wo yo daka ka i mi ti sono bo i woori ya nu, sanja bo ya Mibie Yesu woori bere na ya nati tien ya nwo i do ni, fite sanja n bo Yohane bieeri Yesu Nyeme nzue ni, haari fa ko juuri ceen n bo Nyeme maari Yesu fun koori angoro yakiiri ya ni." ²³ Nyini ti, na ba yi mine nnyo ajina. Bu kun la Yosefu bo bu fere i ka Basabasi, na bu kaaki fere i ka Jusitosi ni, ye kun n la bo bu fere i ka Matiyasi ni. ²⁴ Do na ba sere Nyeme, bu nja, "Ya Mibie, woro si kabo sono kere sunsunni ti barasu a. Ahin mine nnyom ni nu, kere ya bo a koro ka ya yi i, ²⁵ na i yo u jaramasa na i yo ahin juma ni, na i jina Yudasi jinaabiri, yiri bo wo yaki u ako i koroobiri ni." ²⁶ Na ba tu mbaa na bu yi mine nnyom nu kun, na ba yi Matiyasi abuka Yesu jaramasa buru ni kunm n su.

2

Kabo Awiewie Casi n wuraari Yesu susufom n nju ni

¹ Yudafoŋ ceenkpiri n bo bu fere i ka Pentekoti n di ceen, nyini sangga ni, na Yesu susufom kere atien bu noo dika hore kun. ² Kpennga na ba ti nanmie be ngga angoro n nu ka anjuma bo i sukpie fanga su, na wo de soo n bo bu tana nu n kere abara aye. ³ Do na ba nju deke be ka sin taferema dee su, na wo sandi atantana bu kun kun n kere tii su. ⁴ Na Awiewie Casi n awura bu kere nju, na bu sujoko anie barasu barasu bo Awiewie Casi n ma bu koro joko i.

⁵ To, nyini sangga, Yudafoŋ bo bu soro Nyeme n atien bu noo Yerusalem mie kpiri n nu, bu fiteeri durunya n awore n kere baari a, ka bu ba su Nyeme. ⁶ Sangga bo bu tiiri nanmie ni ngga so ni, na jama beberebe aba atien bu noo, na jore n amie bu, dama bu kere tiiri ka Yesu susufom ni sujoko bere kun kun n kere bo ba tien bu noo n dee anie nu. ⁷ Na ba birisi na ba yo alekutura, na ba se ka, "Ahin minem kere bo bu wo joko su n ti Gallifom wo, ⁸ ye i baari se, ye bu sujoko, ye ya kun kun n kere ti ka bu joko ya dee aniem n a? ⁹ Ya fite awore barasu barasu kere n nu wo, nbem fite Patiya, na nbem fite Mediya, na nbem fite Elam, na nbem fite Mesopotamiya, na nbem fite Yudiya, na nbem fite Kapadosiya, na nbem fite Pontusi ni Esiya, ¹⁰ na nbem fite Firigiya, na nbem fite Pamfiliya, na nbem fite Ijipiti asien n su, na nbem fite Libiya asien bo i wo dodo Sirene mie kpiri n ni. Ya nbem gusu fite Roma mie kpiri n su wo. ¹¹ Ya nbem ti Yudafoŋ, ni minem bo bu ti ma Yudafoŋ na ba kaaki bu wo ka bu ti Yudafoŋ ni, ye ya nbem gusu fite Kereti asien n su, na nbem fite Arabiya asien n su, ama, ya kere ti ka bu joko ya dee aniem n nu wo, fa ko sakpakpam kere bo Nyeme ayo bu n su." ¹² Na ba yo alekutura, ba si ma kabo bu yo, na bu subisa bu nju nu ka, "Ahin sa n bu la ka se wo lee?" ¹³ Ama, na bu nbem ayo Yesu susufom n anzasi, na ba se ka, "Ai, ba nu nzan abo wo."

Kabo Petoro kaanri Nyeme noanie barasu ni

¹⁴ Do na Petoro ni i benguru buru ni kunm n ayasu ajina, na wo ye i konvi su ase jama n ka, "M lamoko Yudafoŋ, ni ambere kere bo am wo Yerusalem mie kpiri n nu ni, am so am sui nyunyumi na am ti deke n bo m sukan kere am ni. ¹⁵ Ahin minem bo am sunsun ka ba nu nzan abo ni, ba nu ma nzan, kisa ngarama kerefi ngona ye ya wo nu n a. ¹⁶ Ama, nyini n bo am ti ka bu joko anie barasu barasu ni, i ti kabo Nyeme noanie kanfo Joweli yo jokori n wo lee, i nja,

¹⁷ Nyeme nja o, fa ko durunya n awieeri,

m fa m Awiewie n wura minem kere nju.

Na am nbaabiesom ni nbaabaram kan Nyeme noanie n kere minem,
na am ngbefenem nju deke nbem nahore su ka alele nu,

na am nkpienkpienm da cin alele.

¹⁸ Nahore, nzen ceen n ba juuri,

m fa m Awiewie n wura m akoom n nju,

i bara ni i bieso kere,

na bu kan m noanie n kere mine.

¹⁹ Na m yo alekutura sam barasu barasu beberebe
angoro ni asienju fen,

na am nju mbunja, ni sin, ni nmisini bambaka.

²⁰ Na wie n si biri,

na sara n kaaki kokore ka mbunja.

Nyini sin, na Mibie n ceen bambaka n bo i la jirima n nya ju.

²¹ Nyini ceen ni, sono kere bo i bo fereeri Mibie n duma, i mi nya tiide.' "

²² Na Petoro ase bu ka, "Ambere Yisarelifom, am so am sui na am ti fen. Nyeme akere am ka yiri sunmaari Yesu bo i fite Nazareti mie n nu n a. Nyini ti, ye i ma i yoori alekutura sam, ni sa ngbingbirim am nu n a, kabo ambere ni am tii si i ni. ²³ Nyeme dee koroyanu, ye i du mo ciciiri ka i ma am nya Yesu taraabiri a, ye am faari i wuraari mine tiem saa nu, ye bu kpamaari i baka jaanu n su kuunri i n a. ²⁴ Ama, na Nyeme atenje i afite i yiwee n nu, yiwee akoro ala ma i yiko, dama i tiiri kekereke na yiwee koro kunma i. ²⁵ Dama Feme Davidi yo jokori fa ko yiri Yesu nju jore, i nja, 'Ma nju i ka Mibie n wo m do sangga kere,

nyini dee ti, puitiripui koro yo ma m.

²⁶ Nyini dee ti, m ahore ti daawa, na m joko ni ahorejo,

haari ni bo m ba wu ni, m la tama fa ko m nuniembaa n su,

²⁷ dama woro Nyeme, a yaki ma m na m ka fuinm n nu,

a yaki ma na u dee amususufo casi ka mini so wu kpoko.

²⁸ A kere m atin bo m fa na m nya ngoko,

na kabo a wo m do ni, nyini má m la ahorejo nahore su a.'

²⁹ M ninbaam, m koro ka m se am nahore su wo, fa ko ya na Feme Davidi nusu jore. I yo wuuri wo, na ba se i, i fanjunma toko wo ya nu fen haari ni nyuma. ³⁰ I tiiri Nyeme nɔɔnie kanfo n deɛ ti, na wo si ka Nyeme atan ndie ka, i yi yiri Feme Davidi busu nufom n nu kun, na i dí i femeya n kabo yiri Feme Davidi yo tiiri barasu ni. ³¹ Feme Davidi du mo nuuri sa n bo Nyeme bá yo i ni, na wo jojo fa ko Kristo su, Tiidefo n bo Nyeme ase ka i sunma i ni, ka i bá wu na i téngge i yiwee nu, i ɔa, 'Nyeme yáki má na i ka funin nu, na i juniembaa n kpóro.'

³² Yiri Yesu n ye Nyeme tengeeri i yiwee n nu a, na ya kere anu i, ye ya sudi i daani a. ³³ I Si Nyeme aye i su ako angoro afa atana i saa fomboro su, ye wo ma i Awiewie Casi n bo wo se ka i fá ma i ni. Deke bo am anu i ni, ni deke n bo am ati i ni, yiri la Awiewie Casi n bo i seeri ka i fá ma ya ni. ³⁴ Má Feme Davidi ni i tii fun koori angoro a, ama, na wo se ka,

'Micera n ase m Mibie n ka,

"Bra, ba tana m saa fomboro su fen,

³⁵ haari m bá ma a kunma u kpofom." ' ' "

³⁶ Na Petoro akaaki ase ka, "I ti ye ni ka Yisarelifom kere si ka, yiri Yesu n bo ambere yo kpamaari i baka jaanu n su n ye Nyeme afa i ayo Mibie n ni Kristo, ya Tiidefo n a."

³⁷ Sangga bo minem n tiiri ahin jore n so ni, na bu ahore asaaki agaya, na ba bisa Petoro ni Yesu jaramasa nyingam n ka, "Ya ninbaam, ye ya yo se wo?" ³⁸ Na Petoro ase bu ka, "Am kaaki am wo, na ya bie am kun kun kere Nyeme nzue, Yesu Kristo deɛ duma n nu, na Nyeme fá am satie ce am, na i fá Awiewie Casi n ce am. ³⁹ Dama Nyeme yo seeri ka i fá Awiewie Casi n ma ambere ni am busu nufom, ni minem bo bu wo dede ni, ni minem kere bo ya Micera Nyeme n fere bu ka bu bra yiri ni i tii do n wo." ⁴⁰ Na Petoro ajojo jore beberebe atu bu fo ni anyumboro su, i ɔa, "Am yi am nu fite suicin n bo Nyeme bá fa cin ahin nyumafɔ satieyofom n nu." ⁴¹ Na bu donju ayo i nɔɔnie n yarada, na ba bie bu Nyeme nzue, nyini cɛɛn ni, na ba nya mine, ba yo ka akpii nsan abuka bu nu su. ⁴² Na bu nyunu aboro ka bu sonson Yesu jaramasam kereewam ni, na bu kere ayo anɔɔkun, na bu susanga di diire, na bu susanga sere Nyeme.

Kabo Yesu susufom woowa tiiri barasu ni

⁴³ Na Nyeme ama Yesu jaramasam n ayo alekutura sam barasu barasu beberebe, na sonɔ kere asoro Nyeme. ⁴⁴ Na yaradayofom n ayo deke kere ni anɔɔse, na ba soro su ka, deke kere bo bu la i n ti bu kere deɛ wo. ⁴⁵ Bu to bu nenge kere bo bu la i wo, na bu kpaaki njwaa n nu, na bo bu la má be n kere nya be. ⁴⁶ Cɛɛn n kere cɛɛn, bu ba tien bu nɔɔ Nyeme Sereebiri Awuru n nu wo, na bu nati sutien bu nɔɔ awuru awurum nu, na bu sangga di diire ni ahorejo, ni bu kunnu fofoe, ⁴⁷ na bu sukansi Nyeme, na minem akoro bu jore. Na cɛɛn kere cɛɛn na bu sunya minem bo Nyeme ma bu anya tiide n abuka bu nu su.

3

Kabo wobuka be nyaari laifie barasu ni

¹ Cɛɛn n be naaso wie kerefi nsan sangga, na Petoro ni Yohane ako Nyeme Sereebiri Awuru n nu ka bu ko sere Nyeme. Sangga bo bu fa sere Nyeme leɛ. ² Sonɔ be woori do, bu wuuri i wobuka wo, na mine nbem aso i aba atana Nyeme Sereebiri Awuru nu anɔ n bo bu fere i ka Anɔ Nyunyumi ni, na i tana susere minem bo bu ba nyemesere ni, ka bu ma i njwaa. Cɛɛn n kere cɛɛn bu fa i ba wo, na i ba susere. ³ Nyini cɛɛn ni, sangga bo i nuuri Petoro ni Yohane ka bu suwura Nyeme Sereebiri Awuru n nu ni, na wo sere bere gusu ka bu ma i deke be. ⁴ Na Petoro ni Yohane afa bu nyumbaa akpama i nu, na Petoro ase i ka, "Nie ya do fen." ⁵ Nyini ti, na wo tu i tii sunie bu do, i sunsun ka bu má i deke be wo.

⁶ Na Petoro ase i ka, "M la má njwaa bo m ma u, ama, deke bo m la i na m fa ma u yaa, Yesu Kristo Nazaretifo n deɛ duma nu, m ɔa, a yasu nati." ⁷ Do na Petoro aso wobuka n saa fomboro nu, na wo ye i su ajina, kpennga sonɔ n jaam kere ayo fanga, ⁸ nyini ti, na wo warakpin, na wo jina i jaa su, na wo bo i bu sunati bara ye. Do na wo su bu su awura Nyeme Sereebiri Awuru n nu, na i sunati, na i suwarakpin, na i sukansi Nyeme. ⁹ Na jama n kere anu ka i sunati, na i sukansi Nyeme. ¹⁰ Sangga bo minem ni siiri nu ka, yiri bo i yo tana Nyeme Sereebiri Awuru n Anɔ Nyunyumi n nu sere n leɛ ni, na ba mie atana, na sa n bo i yoori sonɔ n ayo bu alekutura.

Kabo Petoro kaanri Nyeme nɔɔnie n Nyeme Sereebiri Awuru n nu ni

¹¹ Saŋga bo wɔbuka n bita Petoro ni Yohane barasu ni, na mine kere ayo alekutura, na ba ŋmati aba bu dɔ awɔre be bo bu fere i ka Solomon dɛe Lele n nu. ¹² Saŋga bo Petoro ŋuuri minem sɔ ni, na wɔ se bu ka, “Yisarelifɔm, nzu ti ye am fa ahin sa n yo alekutura ye am niɛ ya sɔ a? Am sunsun ka ya dɛe yiko nu ye ahin sɔnɔ n anati a, wara am sunsun ka ya yo sa bo i kɔ atin su Nyeme dɔ n dɛe ti, nzen se? Ai, i ti má sɔ. ¹³ Nyeme bo Abraham ni Izaki ni Jakɔbu ni ya nam suuri i ni, yiri ye wɔ wura i amususufɔ Yesu n kpiri bambaka a. Ama, am faari i wuraari yikofɔm saa nu wɔ, na am akete i Gomina Pilato nyunu, ka am koro má i, haari ni bo má gomina n ŋa i yaki i nu ji ni. ¹⁴ I ti Nyeme sɔnɔ fofoe wɔ, bo i yo sa bo i kɔ atin su Nyeme dɔ, ama, na am akete i, na am asere gomina n jande ka i yaki sɔnɔ kunfɔ nu ji. ¹⁵ Na am akuni yiri Yesu n bo i ma ya ngɔɔ ni, ama, Nyeme atenge i yiwee n nu, ya ŋuuri i wɔ ye ya sudi i daani a. ¹⁶ Ahin sɔnɔ bo am ŋu i na am si i ni, Yesu dɛe duma n yiko nu ma i jaam kere ayo fanga n a. Deke n bo am aŋu i ni, i fite ka sɔnɔ n ayo Yesu duma n yarada n dɛe ti, nyini ma wɔ nya laifie ye am kere aŋu i n a.”

¹⁷ Na Petoro anya ase bu ka, “M ninbaam, m si ka ambere ni am tereterefɔm kere be mmɔɔ asi má sam bo am yo yoori bu ni. ¹⁸ Dawa saŋga, Nyeme ma i noanie kanfɔm kere yo jɔjɔori ahin jɔre kere, ka, Kristo, Tiidefɔ n bo Nyeme ase ka i súnma i ni bá, na i bá di wahara, nyini lɛe ye wɔ yo yiwa bere n a. ¹⁹ Nyini dɛe ti, am kaaki am wo, na am su Nyeme, na i fá am satie ce am, ²⁰ na i má am nya ŋumiya, na i nya sunma Kristo, Tiidefɔ n bo wɔ yi i ka i bá am dɔ ni, yiri la Yesu. ²¹ Wɔ yo daka ka i wó Nyeme dɔ angoro, haari fa kɔ ju saŋga n bo Nyeme má deke kere yo yiwa, kabo dawa saŋga na i maari i noanie kanfɔ casim n nɔɔ na bu seeri ni. ²² Moyisi yo seeri ka, ‘Am Micera Nyeme súnma i noanie kanfɔ kabo i sunmaari mini Moyisi n wɔ. Nyini sɔnɔ ni yó am dɛe tiŋgu sɔnɔ bo i fite am nu wɔ. I ti ye ni ka am de i noanie, na am yo deke kere bo i se ka am yo i. ²³ Sɔnɔ kere bo i de má Nyeme noanie kanfɔ n noanie ni, Nyeme yi i mi fite i dɛe minem nu wɔ, na i ká ngbeen.’ ²⁴ Nyeme noanie kanfɔm kere bo bu jɔjɔori fite Samuweli saŋga haari ba ju ni nyuma, bu kere jɔjɔori fa kɔ ahin sam bo bu suyo nyuma n su wɔ. ²⁵ Ambere ti Nyeme noanie kanfɔ dɛe busu nufɔm a, am dɛe la sɛsesu n bo Nyeme yo diiri i di ni am nam ni. Na wɔ se ya na Abraham ka, ‘U busu nufɔm dɛe ti ye m yó durunya n nufɔm kere kisi a.’ ²⁶ Nyini dɛe ti, ye i du mɔ yiiri i amususufɔ n ye i sunmaari i am dɔ n a, ka i bá yo am kisi, nyini la ka, i má am kaaki am wo, na i yi am fite am satie kere nu.”

4

Kabo Yudafo tereterefɔm diiri Petoro ni Yohane jɔre ni

¹ Petoro ni Yohane toko jɔjɔ jama n dɔ ni, na minem nbem aba bu dɔ, bere la Nyeme sayoowa dɔnguyofɔm nbem, ni Nyeme Sereebiri Awuru n nu tintinjinafɔm kpɛn, ni Sadusifɔm nbem. ² Bu baari ni yaa su wɔ, kabo Yesu jaramasa nnyom ni sukere minem ka Yesu wuuri ni, i tengeeri i yiwee nu wɔ, nyini kere ka minem wu, bu tenge bu yiwee nu wɔ lɛe. ³ Nyini ti, na ba tara Petoro ni Yohane. Bu taraari bu naaso saŋga a, na ba nyi bu haari ale ako acin. ⁴ Ama, na mine dɔngɔ bo bu tiiri Yesu jaramasa ni kereewa n ayo yarada. Nyini ti, bere kere bo bu yoori yarada ni, bu nbiesom kɔ yasuri mine akpii nnu wɔ. ⁵ Alecin ngarama na Yudafo tereterefɔm, ni bu nkpienkpienm, ni Nyeme noanie kerefɔm kere atien bu nɔɔ Yerusalem mie kpiri n nu. ⁶ Bo bu gusu woori dɔ n la Anasi bo i ti Nyeme sayoowa dɔnguyofɔm kere kpɛn ni, ni mine nbem bo bu fere bu ka Kayafasi, ni Yohane, ni Alekizanda, ni minem bo bu wɔ Nyeme sayoowa dɔnguyofɔm busu nu n kere tiɛnri bu nɔɔ. ⁷ Na ba fa Petoro ni Yohane aba ajina bu afien, na ba bisa bu ka, “Am yoori se yoori ahin sa n a? Am la yiko bɔnɔ, wara ŋma dɛe duma nu ye am fa tuntuuri sɔnɔ n ye wɔ nya laifie n a?”

⁸ Na Awiewie Casi n awura Petoro ŋu, na wɔ se bu ka, “Ya tereterefɔm ni ya nkpienkpienm, ⁹ sakpa n bo ya yo i ama wɔbuka ni, ni kabo i yoori barasu na wɔ nya laifie n dɛe ti, ye am sudi ya jɔre bisa ya sɔ a, nzen se? ¹⁰ I ti ye ni ka ambere ni Yisarelifɔm kere si ka o, ahin sɔnɔ n bo i jina bere na wɔ nya laifie ni, i fite Yesu Kristo Nazaretifo n duma n nu wɔ. Yiri ye am kuunri i, ye Nyeme tengeeri i fiteeri i yiwee n nu n a. ¹¹ Ba kere i ŋusu jɔre Nyeme Jɔre Kadasi n nu ka,

‘Yabue n bo ambere bondo tafom faari i tuuri ni,
yiri ye wɔ kaaki bondo n jaa yabuem kere tii a.’

¹² Yiri ngumi ye Nyeme ayi i ka i ba de sɔnɔ kere tii a, duma be wo má durunya n kere nu bo i koro de ya tii ji, má ka Yesu Kristo dɛe duma ni ngumi.”

¹³ Na Yudafo yikofɔm ni tereterefɔm n aŋu kabo Petoro ni Yohane la ahoresi barasu ni, na ba si ka ba kɔ má kara be mmɔɔ, na wɔ yo bu alekutura. Dɔ na ba si nu ka bu yo

suuri Yesu su wɔ. ¹⁴ Bu ŋuuri ka sɔnɔ n bo wɔ nya laifɛ n jina Petoro ni Yohane bi ni, nyini dɛɛ ti, ba koro ase mɔ jɔrɛ be. ¹⁵ Na ba se Petoro ni Yohane ka bu fite sɔɔ n nu. Bu fite wieeri ni, na bɛrɛ nkpiɛnkpiɛnm n abo Petoro ni Yohane n ŋusu anzama. ¹⁶ Na ba bisa bu ŋuɔ nu ka, “Ye ya yɔ ahin minɛm sɛ wɔ? Dama sɔnɔ kɛrɛ bo i wo Yerusalem miɛ kpiri n nu si ka ba yo ahin alekutura sa bambaka ni, ya koro se mɔ ka ba yo mɔ i e. ¹⁷ Ama, nzen ya koro mɔ ka ahin jɔrɛ n bara yɛ deke n kɛrɛ, am ma ya ŋɔŋɔnɔ bu ka, mɔ bu se ka bu bo Yesu duma mɔmɔ na be ti.” ¹⁸ Nyini ti, na ba kaaki afere Petoro ni Yohane awura, na ba ma bu nɔɔ ka, mɔ bu se ka bu bo Yesu duma, wara bu kan i ŋusu jɔrɛ kere minɛm. ¹⁹ Ama, na Petoro ni Yohane ase bu ka, “Amberɛ mɔmɔ ni am tii, am niɛ nu na am niɛ e, Nyɛmɛ atin su, bɔnɔ ti ye a, ya de am dɛɛ nɔɔniɛ n wɔ, nzen ya de Nyɛmɛ dɛɛ n wɔ? ²⁰ Ya sukan kere minɛm n wɔ fa kɔ sam n bo yɛrɛ ni ya tii ati bu, na ya ŋu bu ni, ya koro mɔ mɔ ya nɔɔ.” ²¹ Na bɛrɛ yikofɔm, ni tereterefɔm n aŋɔŋɔnɔ bu nahɔrɛ su, na ba yaki bu nu aji. Bu niɛeri nu, bu ŋu ka bu soro koro yo mɔ bu pui, dama minɛm kɛrɛ wo Nyɛmɛ kansu su wɔ fa kɔ sa n bo wo yo ni. ²² Sɔnɔ n bo bu yoori nyini alekutura sa n maari i na i nyaari laifɛ ni, i tara afɔ aburana.

Kabo yaradayɔfɔm n sereeri Nyɛmɛ ka i ma bu ahoresi ni

²³ Saŋga bo Petoro ni Yohane nyaari bu tii ni, bu kaba kpieeri bu nyi kɔɔri bu beŋgu Yesu susufɔm n dɔ ɔ, na ba kan jɔrɛ n kɛrɛ bo Nyɛmɛ sayoowa donguyɔfɔ nkpiɛnm, ni nkpiɛnkpiɛnm n seeri ni. ²⁴ Yaradayɔfɔm ni tiiri nyini jɔrɛ n kɛrɛ sɔ ni, na bu kɛrɛ ayo anɔkɔn, na ba sere Nyɛmɛ, bu ŋa, “Ya Micera Yikofɔ, worɔ yiiri aŋgoro ni asieŋgu a, ni tieku n ni dekem kɛrɛ bo bu wo nu ni. ²⁵ Worɔ yo ma u Awiewiɛ Casi n wuraa ri ya na Davidi bo i ti u dɛɛ amususufɔ n ŋu a, na wɔ se ka, ‘Nzu ti ye minɛm bo bu ti mɔ Yudaɔfɔm afa yaa agaya sɔ a.

ye minɛm bita sunsunni bo i la mɔ kperɛ a?

²⁶ Ye durunya n nu nɛmɛm ayasu ajina,

na bu yikofɔm atien bu nɔɔ,

ka bu tu lue ni Micera Nyɛmɛ ni,

ni Kristo, Tiidefɔ n bo Nyɛmɛ ase ka i sɔnma i n a.’

²⁷ Tɔ, kabo Fɛmɛ Davidi yo kaanri ni, i ti nahɔrɛ wɔ, ka Fɛmɛ Herode, ni Gomina Pɔntiyo Pilato fa saŋga ni minɛm bo bu ti mɔ Yudaɔfɔm, ni Yudaɔfɔm yo tieɛnri bu nɔɔ ahin miɛ n nu wɔ, na ba kete Yesu, u amususufɔm casi n bo a yiiri i ka yiri ti Tiidefɔ ni. ²⁸ Bu tieɛnri bu nɔɔ ɔ, na ba yo dekem kɛrɛ bo u dɛɛ yiko n ni u koroyanu na a du mɔ acici ka bu yo ni. ²⁹ Ya Mibie, ti kabo kisa bu ŋɔŋɔnɔ ya barasu, nyini ti, ma yɛrɛ u akɔɔm n ahoresi, na ya kan u dɛɛ labari kpa n na mɔ ya soro sere. ³⁰ Fa u yiko n tuntun tukpakifɔm na bu nya laifɛ, na a ma ya yiko na u tuntun mine, na ya alekutura sam barasu barasu, u amususufɔm casi Yesu n dɛɛ duma nu.” ³¹ Saŋga bo bu sereeri Nyɛmɛ n wieeri sɔ ni, na dika n bo bu wo nu n akpisi. Na Awiewiɛ Casi n awura bu kere ŋu, na ba kan Nyɛmɛ jɔrɛ ni ahoresi.

Kabo Yesu susufɔm ni yoori anɔɔsɛ barasu ni

³² Yaradayɔfɔm n yo yoori anɔɔsɛ wɔ, na ba saŋga ayo deke n kɛrɛ kun. Be wo mɔ bɛrɛ bo i se ka i nenje be tiiri i tieŋgu dɛɛ. Ama, bu kɛrɛ kpaaki deke n kɛrɛ bo bu la i nu ma bu beŋgu wɔ. ³³ Na Yesu jaramasam n akan Nyɛmɛ jɔrɛ ni yiko bambaka, na ba kan akere minɛm kabo Yesu tengeeri i yiwee n nu ni. Na Nyɛmɛ ama bu kɛrɛ adi ahoɔma beberebe. ³⁴ Be awo mɔ bu nu bo i miɛri deke be busu. Bo bu laari asienm, ni awurum tɔɔri bu wɔ, na ba fa ŋwaa kere bo bu nyaari i ni, ³⁵ aba ama Yesu jaramasam ni, na bɛrɛ gusu akpaaki i nu ama bo bu la mɔ pui ni, na ba fa ayo deke bo i miɛ bu. ³⁶ Sɔnɔ be yo woori bu nu, bu fere i ka Yosefu, i ti Levi busu nufɔ ɔ, bu wuuri i asien be bo bu fere i ka Sipurusi n su wɔ. Na Yesu jaramasam n atun i duma ka Banabasi, i bu la ka, sɔnɔ bo i ma mine ahoresi ni. ³⁷ Nyini sɔnɔ n tɔɔri i asien n bo i la i, na wɔ fa ŋwaa n aba ama Yesu jaramasam ni.

5

Ananiyasi ni i yi Safira dɛɛ jɔrɛ

¹ Sɔnɔ be yo woori dɔ bu fere i ka Ananiyasi, na bu fere i yi ka Safira, na ba tɔ bu aja be. ² Ama, na yiri ni i yi n ayo bu nɔɔkun, na wɔ yi ŋwaa n be afie, na wɔ fa bo i kaari n ama Yesu jaramasam ni. ³ Na Petoro abisa i ka, “Ananiyasi, nzu ti ye a ma Sitana awura u sunsunni nu, ye a fa ŋwaa n bo a tɔɔri u asien n na a nyaari i n be afie a, ye a ŋa a dadaka Nyɛmɛ Awiewiɛ Casi n a? ⁴ Saŋga n bo a nya tɔ mɔ i ni, i ti u dɛɛ wɔ, kisa gusu bo a tɔ i ni, ŋwaa n ti u dɛɛ wɔ. Ye nzu ti ye a yo ahin sa n a? Mɔ adamande ŋgumi ye a ŋa a dadaka a, ama, a ŋa a dadaka Nyɛmɛ wɔ.” ⁵ Ananiyasi tiiri nyini nɔɔniɛ n sɔ ni,

i kaba kpaasiiri wɔ, na wɔ wu, na sɔnɔ kɛrɛ bo i tiiri nyini sa n bo wɔ yo ni, na sɛrɛ ati bu agaya. ⁶ Na ngbɛfɛnɛm ayasu afa tani apɔndi i, na ba fa i afite ako ase i.

⁷ Wɔ cɛ mǎ, na i yi gusu aba, wɔ si mǎ sa bo wɔ yo ni. ⁸ Na Petoro abisa i ka, “U ni u hun aja n bo am tɔori i n nyaa n kɛrɛ lɛɛ?” Na wɔ bo Petoro n nu ka, “Ɛn, i kɛrɛ lɛɛ.” ⁹ Dɔ na Petoro abisa i ka, “Nzu ti ye u ni u hun ayo am nɔɔkun na am yo Micerɛ n Awiewie n na am nie a? Nie fɛn, minɛm bo bu faari u hun kɔ seeri i ni, bu jaa busu wo anɔ n nu, bu fá wɔwɔ mmɔɔ fite lɛɛ.” ¹⁰ Jina n nu bɛrɛ, na wɔ kaba akpaasi Petoro jaa bu, na wɔ wu. Bo bu seeri i hun n ba ŋuuri ka yiri gusu awu, na ba fa i ako ase i adodo i hun ni. ¹¹ Na Kristo jama n kɛrɛ, ni minɛm kɛrɛ bo bu tiiri nyini sa n bo wɔ yo ni, na sɛrɛ ati bu kɛrɛ agaya.

Kabo Yesu jaramasam n yoori alekutura sam barasu ni

¹² Na Yesu jaramasam n ayo alekutura sam barasu barasu dɔŋgu minɛm n nu bo i kɛrɛ ka Nyɛmɛ wɔ bu dɔ. Na yaradayofɔm n kɛrɛ atien bu nɔɔ Solomon Lɛlɛ n bo i wo Nyɛmɛ Sereebiri Awuru n nu ni. ¹³ Minɛm bo ba yo mǎ Yesu yarada ni soroori sɛrɛ wɔ, ba koro asanɔa mǎ bu nu, ama, na minɛm n awura bu kpiri. ¹⁴ Na minɛ beberebe ayo Mibie n yarada, subuka bu su sanɔa kɛrɛ, bu sunnu, nbiesom ni nbaram. ¹⁵ Na alekutura sam bo Yesu jaramasam yoori bu n dɛɛ ti, na minɛ asɔ bu tukpakifɔm, ni bu dasum aba ase atɔngberɛm nɔɔ su, adena Petoro ba sunati sin, na haari i awiewie mmɔɔ tɔ gɔ bu nbem ŋu, na bu nyǎ laifɛ. ¹⁶ Na minɛ beberebe afite mie miɛm bo bu bara ye Yerusalem mie kpiri n su ni, na ba fa tukpakifɔm ni minɛm bo ajinim yaki mǎ bu n aba, na bu kɛrɛ anya laifɛ.

Kabo bu kereeri Yesu jaramasam n wuwuruwa barasu ni

¹⁷ Na Nyɛmɛ sayoowa dɔŋguyofɔm n kɛrɛ kpɛn ni, ni i bengum bo bu su Sadusifɔm atin su ni, aba asi Yesu jaramasam ni kɔrɛ agaya. ¹⁸ Na ba tara Yesu jaramasam ni, ako anyi bu dansaraka. ¹⁹ Ama, nyini cɛn n kɔŋgue, na Nyɛmɛ mɛrɛke aba atekɛ dansaraka anɔ ni, na wɔ yi Yesu jaramasam n afite, na wɔ se bu ka, ²⁰ “Am kɔ na am kɔ jina Nyɛmɛ Sereebiri Awuru n nu, na am kan ahin ŋɔɔɔ fɔfɔrɛ n bo am anya i n jɔrɛ kɛrɛ kɛrɛ minɛm.” ²¹ Na jaramasam n ade i nɔanɛ ni, na alecin ŋarama fuun, na ba kɔ ajina Nyɛmɛ Sereebiri Awuru n nu, na ba bo i bu sukere mine.

Sanɔa bo Nyɛmɛ sayoowa dɔŋguyofɔm n kɛrɛ kpɛn n ni i dɛɛ jama nbaam n ba juuri ni, na ba fere Yudafo tereterefɔm ni, ni Yisareli nkpienkpiɛn kɛrɛ, na ba tien bu nɔɔ na bu fa sɛsɛsu, dɔ na ba ma nɔɔ ka bu kɔ yi Yesu jaramasam ni dansaraka n nu bra. ²² Ama, minɛm n bo bu sunmaari bu n kɔ juuri ni, ba ŋu mǎ jaramasam ni dansaraka sɔɔ n nu, na ba kpɛ bu nyi aba ase bu. ²³ Bu ŋa, “Sanɔa bo ya kɔ juuri ni, dansaraka anɔ n kɛrɛ nyi wɔ kenken, tintinjinafɔm gusu jina anɔ n nu bɛrɛ, ama, sanɔa bo ya ba tekeeri anɔ n ni, ya ŋu mǎ sɔnɔ kun n kpein mmɔɔ sɔɔ n nu.” ²⁴ Sanɔa bo Nyɛmɛ sayoowa dɔŋguyofɔm n kɛrɛ nkpiɛn, ni Nyɛmɛ Sereebiri Awuru n nu tintinjinafɔm kpɛn i tiiri sɔ ni, na ba birisi, ba si mǎ sa bo wɔ yo. ²⁵ Dɔ na sɔnɔ be aba ase bu ka, “Am ti fɛn. Minɛm bo am taraari bu kɔ nyiiri bu ni, bu wo Nyɛmɛ Sereebiri Awuru n nu wo minɛm kɛrɛ su.” ²⁶ Nyini ti, na Nyɛmɛ Sereebiri Awuru n nu tintinjinafɔm kpɛn n afa i minɛm ako, na ba kɔ atara Yesu jaramasam n aba. Bu kɔ faari bu ni, ba mie mǎ bu, dama bu soroori ka minɛm ni tu bu yabuɛ wɔ.

²⁷ Na ba fa jaramasam n aba, na ba fa bu ajina minɛm bo ba tien bu nɔɔ n nyunu. Na Nyɛmɛ sayoowa dɔŋguyofɔm n kɛrɛ kpɛn n abisa bu bisaawam. ²⁸ I ŋa, “Ya maari am nɔɔ nahɔrɛ su ka, mǎ am se ka am kɛrɛ kereewa be ahin sɔnɔ n duma nu. Ama, am nie kabo am ayo a. Am afa am kereewa n abara aye Yerusalem mie kpiri n kɛrɛ nu, ye am koro ka am se ka ye kɛrɛ kuuuri i a.” ²⁹ Na Petoro ni jaramasa nyinɔam n abo bu nu ka, “Wɔ yo daka ka ya de Nyɛmɛ nɔanɛ wɔ, mǎ adamande dɛɛ. ³⁰ Nyɛmɛ bo i ti ya nam dɛɛ Nyɛmɛ ni, yiri tengeeri Yesu fiteeri i yiwee n nu, yiri bo am kuuuri i na am kpamaari i baka jaanu n su ni. ³¹ Yiri Yesu, ye Nyɛmɛ afa i atana i saa fɔmbɔrɔ su, ka i yo ya Mɔfo ni ya Tiidefo, na i ma ye Yisarelifɔm atin, na ya kaaki ya wo, na Nyɛmɛ fa ya satie kɛrɛ ce ya. ³² Yere ni Awiewie Casi ni di ahin sam n daani kan kɛrɛ minɛ a. Yiri Awiewie Casi ni ye Nyɛmɛ afa ama minɛm bo bu de i nɔanɛ n a.”

³³ Sanɔa bo minɛm bo ba tien bu nɔɔ n tiiri nyini jɔrɛ n sɔ ni, na yaa ati bu agaya, mǎ bu koroori ka bu kun Yesu jaramasam wɔ. ³⁴ Ama, na bu nu kun, i ti Farasifo ɔ, bu fere i ka Gameli, i kaaki ti Nyɛmɛ nɔanɛ kpamaawa n kerefo ɔ, bo minɛm kɛrɛ ma i jirima agaya. Na wo yasɔ ajina, na wo ma nɔɔ ka bu fa jaramasam n fite dasin kaan ka. ³⁵ Dɔ na wɔ se jama n kɛrɛ ka, “M lamɔko Yisarelifɔm, am nie am tii su dɔŋgu fa kɔ sa n bo am koro ka am fa yo ahin minɛm ni. ³⁶ Am tenge su ka afo be, na sɔnɔ be, bu fere i ka Tiyodasi, na wɔ ba, na wɔ yo i ŋu ka i ti sɔnɔ bo i ŋusu nya mǎ durunya n nu wɔ, na minɛ ba yo ka yaa nna kɛrɛ asu i su. Ama, wɔ cɛ mǎ, na minɛ akun i, na

i susufom n kere anmati asandi, na i dee atin n aka ngbeen. ³⁷ Nyini sin, sannga bo bu na bu kere asien n su jama duma na bu si bu no ni, na sono be gusu aba, yiri la Yudasi bo i fite Galili asien n su ni. Na jama beberebe asu i su, ama, na mine akun yiri gusu, na i susufom n kere anmati asandi. ³⁸ Nyini ti, kabo i ti ni, m suse am wo, ma am se ka am yo ahin minem ni pui. Am yaki bu benle. Nzen atin n bo bu bita i n ti adamande dee, i ka ngbeen wo. ³⁹ Ama, nzen i ti Nyeme dee, am koro yo ma ahin mine ni pui. Am ba ru ka am si ma na am sukun lue ni Nyeme." ⁴⁰ Na ba de Gameli fotuuwa ni. Na ba fere Yesu jaramasam n awura, na ba fin bu ngbere, na ba ma bu no ka, ma bu se ka bu bo Yesu duma mmoo kere mine kun. Na ba yaki bu, na ba ko. ⁴¹ Yesu jaramasam ni fiteeri minem bo ba tien bu no n do wieeri ni, na bu ahore ajo agaya, ka Nyeme abu bu awura be nu, dama ba di nyinse Yesu dee duma n nu. ⁴² Na een n kere een, na bu suwura Nyeme Sereebiri Awuru n nu, ni minem dika, na bu yaki ma Nyeme noanie n kere ni, na bu sukan Nyeme labari kpa n kere bu ka Yesu ti Kristo n a, Tiidefo n bo Nyeme ase ka i sunma i ni.

6

Kabo bu yiiri bukafɔ nsom ni

¹ Na fa ko sannga su, na Yesu susufom n asunnu abuka su, na Yudafo bo bu jojo Giriki anie n ni anuuti Yudafo bo bu jojo Hiburu anie ni. Bu na een kere een na bu ce nkunafom diire ni, bu bu ma bu deem wura ma nu. ² Nyini ti, na Yesu jaramasam buru ni nnyom n afere susufom n kere pepere atien bu no, na ba se bu ka, "I ti ma ye ni ka yere ni ya tii yaki Nyeme jore n kan, na ya sunie diire jore su." ³ Nyini ti, m ninbaam, am nie am nuju nu, na am yi mine nso bo bu la anyunuyi, na Awiewie Casi n wo bu do, na bu la alecira, na bu kaaki la sunsunni kpa, na ya ma bere nie nyini sereyam n kere su. ⁴ Na yere ni ya tii nya ya ru, na ya nyunu boro nyemesere, ni Nyeme noanie n kan su." ⁵ Yesu jaramasam n seeri so ni, na wo yo minem kere fie fa ko bu jojooa n su. Na ba yi sono be, bu fere i ka Satefano, i ti sono bo i la yarada nahore su wo, na Awiewie Casi n wo i ru, ni Filipu, ni Porokoron ni, ni Nikano, ni Timona, ni Pamenasi, ni Nikola bo i fite mie kpiri n bo bu fere i ka Antiyoki n su, na wo kaaki i ru ka i ti Yudafo, na i su bu dee atin n su ni. ⁶ Na jama n afa bu aba Yesu jaramasam n do, na ba fa bu saa anana bu ru, na ba sere Nyeme ama bu.

⁷ Na Nyeme noanie ni susandi subuka su. Na mine beberebe ayo yarada abuka Yesu susufom su Yerusalem mie kpiri n nu. Na Nyeme sayoowa donguyofom gusu dongu ayo yarada.

Kabo bu taraari Satefano barasu ni

⁸ Satefano ti sono bo i diiri Nyeme ahoro ma wo beberebe, na Nyeme ama i yiko nahore su, na wo yo alekutura sa barasu barasu minem n nu. ⁹ Ama, na Yudafo nbem ayasu ajina ase akuruwa ni yiri. Nyini minem wo asese n bo bu fere i ka Ma De M Tii tientienbunoo so n nu wo. Bu nbem fite mie kpirim n bo bu fere bu ka Sirene, ni Alekizanderiya n wo. Na bu nbem gusu fite Silisiya ni Esiya dee aworem n nu wo. ¹⁰ Ama, na Awiewie Casi ni ama Satefano alecira, na wo koro akan ayi bu. ¹¹ Nyini dee ti, na ba ma mine nbem njwaa ka bu kpie kore so Satefano ka, ba ti ka wo kpie Moyisi ni Nyeme nzuko. ¹² Bu seeri n dee ti, na ba ye minem yaa su, ni nkpienkpienm ni, ni Nyeme noanie kerefo, na ba tara i ako Yudafo tereterefo do. ¹³ Do na ba fa mine nbem aba, na ba kpie kore so i. Bu ru, "Sannga kere ahin sono n jojo ngbeenngbeen wo fa ko ya Nyeme Sereebiri Awuru casi n su, na i kaaki jojo ngbeenngbeen fa ko Nyeme noanie kpamaawa su. ¹⁴ Ya ti ka i ru, Yesu Nazaretifo ni bo fufu ya Nyeme Sereebiri Awuru n kere go, na i kaaki ya nana sayoowam kere bo Moyisi fa kereeri ya ni." ¹⁵ Na bere tereterefo n kere afa bu nyumbaa akpama Satefano ru, na ba ru ka i nyunuawa akaaki wo ka Nyeme mereke dee su.

7

Kabo Satefano jojooi barasu ni

¹ Na Nyeme sayoowa donguyofom kere kpian n abisa Satefano ka, "Ahin jore n kere bo ba kan i n ti nahore wo?" ² Na Satefano abo i nu ka, "M sim ni m ninbaam, am so am sui na am ti fen. Kana ya na Abraham ko wo Harani mie kpiri n nu ni, Nyeme Kpiri n yo yiiri i ru kereeri Abraham Mesopotamiya dee asien n su wo. ³ Na wo se i ka, 'Fite yaki u asien n bo a tana su ni, ni u minem, na m kere u asien bo m koro ka a ko tana su ni.'" ⁴ Nyini ti, na Abraham ayasu Kaladiya asien n su, na wo ko awo Harani mie kpiri n nu. I woori do ye i si ba wuuri a. Nyini sin, na Nyeme ama wo yasu do aba atana ahin asien n bo ya wo su kisa ni. ⁵ Nyini sannga, Nyeme nya fa ma asien n haari kampiti so

mmoo ma má Abraham na i se ka i ti i dee. Nyeme yo seeri i ka i fá asien n ma i ni i busu nufom wo. Saŋga bo i seeri i so ni, na Abraham nya wu má baa. ⁶ Na Nyeme ase i ka, 'U busu nufom bá ko yo wofom wo asien be su, na bu fá bu yo nkokom, na bu kére bu wahara agaya ko ju afo yaa nna.' ⁷ Ama, na Nyeme ase ka, 'M bá cin minem n bo bu fá u minem yo bu nkokom n sui, na m nyá yi u minem fite nyini asien n su, na bu káaki ba fen, na bu bá su m.' ⁸ Do na Nyeme afa ssesu na wo di i di ni Abraham, i ŋa, 'Baa kere bo a wuuri i, i ti ye ni ka a wura i kenkenne. Nyini kere ka a bita ssesu n bo ya di i di n a.' Nyini ti, Abraham ba wuuri Izaki ni, i wuraari i kenkenne wo lemocue ceen. Na Izaki gusu aba wu Jakobu, na wo wura i kenkenne i lemocue ceen, na Jakobu gusu aba awu i nbaa buru ni nnyom bo bu ti ya nam ni, na wo wura bu kenkenne lemocue ceen.

⁹ Na Jakobu nbaam n asi bu niema Yosefu kore, na ba to i afa ama Ijipiti asien n sufom. Ama, na Nyeme awo i do, ¹⁰ na wo yi i afite kekereke kere bo i tuuri i nu, na wo ma i alecira, na wo di Ijipiti Feme Faaro ahoŋoma. Na feme n afa i dika n kere, ni Ijipiti asien n ama i ka i nie i dika. ¹¹ Na ahoŋe aba ato Ijipiti, ni Kanana asienm n su, abi aboro mine ŋu, bo ya nam anya má diire bo bu di. ¹² Na bu si Jakobu ati ka diire wo Ijipiti asien n su, na wo sunma i nbaam. Ciciri su dee sunma ni, na ba ko ato diire n aba. ¹³ Bu ba kpieri bu nyi koori ajaari nnyo su ni, na Yosefu ayi i ŋu akere i sinbaam ni, na Feme Faaro gusu asi Yosefu dikafom. ¹⁴ Na Yosefu asunma i sinbaam n ka bu ko fa bu si, ni i dikafom kere ka bu bra i do Ijipiti asien n su. Minem kere ko yasuri aburaso ni nnu wo, bo bu baari Ijipiti asien n su. ¹⁵ Na Jakobu, ni i dikafom kere ako Ijipiti asien n su, do ye i ni i nbaam n kere ko wuuri a. ¹⁶ Na ba fa bu aba Sekem mie kpiri n nu, na ba se bu fanŋunma n bo Abraham toori i jete ŋwaa beberebe Hamo nbaam do ni.

¹⁷ Saŋga n ba dodoori bo deke n bo Nyeme yo seeri ka i yo ma Abraham n yo yiiwa ni, nyini saŋga ni, na ya minem ni atere ade Ijipiti asien n kere su. ¹⁸ Bo woori do so o, haari na sono be aba adi Ijipiti asien n su feme, yiri asi má Yosefu. ¹⁹ Na yiri ni afa sunsunni tie adadaka ya nam, na wo bita bu ni tie bita, na wo se ya nam ka bu fa bu nbaam fa tu, adena bu wu. ²⁰ Nyini saŋga n ye bu wuuri Moyisi a, i yo ti baa bo i yo nyumi agaya Nyeme do o. Na ba bita i i si dika haari sara nsan, ²¹ na ba nya ayi i afite, na Feme Faaro wa baabara afa i ayo i kunnu wa. ²² Na ba kere i Ijipitifom ngonle ni alecira barasu barasu kere, na wo yasu, na i duma ata fa ko i sayoowa ni i joŋowa kere nu.

²³ Saŋga bo Moyisi ba juuri afo aburana ni, na i sunsunni ama i ka i ko nie i lamoko Yisarelifom busu. ²⁴ Na wo ŋu ka Ijipitifom be sukere Yisarelifo kun be wuwuruwa. I ŋuuri i so ni, wo sun má i nu, na wo ko abo akun Ijipitifom ni. ²⁵ Moyisi sunsuunri ka, i dee minem ni ti i bu wo, ka, Nyeme ye wo yi i ka i ba de bu tii ji a, ama, ba ti má i bu so. ²⁶ I alecin, na wo ŋu ka Yisarelifom mine nnyo sudi aluwa n bu ŋuru nu, na wo ko akpata bu, na wo se bu ka, 'Njam, am ti fen, m ŋa am kere ti kun wo e, ye nzu ti ye am sudi aluwa?' ²⁷ Ama, na yiri n bo i sukere i benŋu n wuwuruwa n asun Moyisi ako i sin, na wo bisa i ka, 'Nma fa u yoori ya niesufo ni ya joredifo a?' ²⁸ A koro ka a kun mini gusu, kabo anuma a kuunri Ijipitifom wo, nzen se a?' ²⁹ Moyisi tiiri nyini jore n so ni, na wo ŋmati afite Ijipiti asien n su ako awo Madiya asien n su akaaki wofo do. Do na wo ba aja bara, na wo wu nbaabiesom nnyo.

³⁰ Na afo aburana sin, na Nyeme mereke be ayi i ŋu akere Moyisi boro kpantain n nu, fa dodo buka n bo bu fere i ka Sinayi n su, i ŋu ka sin fofoe be je buwe baka be su, ama, i yara má, mereke n wo sin n nu. ³¹ Moyisi ŋuuri i so ni, na wo yo alekutara, na wo cin adodo ka i nie i nyunyumi. Do na Micera n ajojo i do, ase i ka, ³² 'Mini ti u nam Nyeme a, u na Abraham, ni Izaki, ni Jakobu.' Na sere ati Moyisi, na i ŋunie subobo i, wo bo má su ka i nie i kun. ³³ Na Micera n ase Moyisi ka, 'Deke bo a jina n ti m tienŋu dee asien casi wo, cin yi u gbagbaa ni. ³⁴ Ma ŋu kabo m minem wo kekereke nu Ijipiti asien n su barasu. Ma ŋu kabo bu fiefie barasu, nyini dee ti ye ma jura aba ka m ba de bu tii ji. Bra na m sunma u Ijipiti asien n su.'

³⁵ To, yiri Moyisi ye Yisarelifom keteeri i n a, na ba bisa i ka, 'Nma fa u yoori ya niesufo ni ya joredifo a?' Moyisi, yiri ye Nyeme sunmaari i mereke i do baka n bo i je sin fofoe na i yara má n su, na mereke n ase i ka i ko de minem tii ji na i yo bu kpian n a. ³⁶ Na wo du Yisarelifom mo, na wo yi bu afite Ijipiti asien n su, na wo yo alekutara sam beberebe do, ni kunma kpiri n bo bu fere i ka Kunma Kokore n su, ni saŋga bo bu wo boro kpantain n nu afo aburana ni. ³⁷ Yiri Moyisi yo seeri Yisarelifom ka, 'Nyeme bá yi am busu nufo be na i yó i noanie kanfo, kabo m ti ni.' ³⁸ Yiri Moyisi, i ni ya na Yisarelifom yo woori boro kpantain n nu n a, yiri ye Nyeme mereke n joŋoori i do Sinayi Buka n su n a, yiri ye Nyeme yo faari i noanie n bo i ma ŋgoŋ n maari i ka i fa ma ya nam n a. ³⁹ Ama, ya nam akoro má ka bu de i, na ba kete i na ba koro ka má bu kpie bu

nyi kɔ Ijipiti asien n su. ⁴⁰ Na ba se Moyisi gɔrɔ Aaron ka, ‘Ta amɔem ma ya na bu du ya mɔ fa ya nati. Ya si má sa bo wɔ yo yiri Moyisi n bo i faari ya fiteeri Ijipiti asien n su ni.’ ⁴¹ Na ba yi yi bu sikam, na ba fa ata amɔe ka nambaa dɛe su, na ba yo tie ama i, na ba su i, na ba di cɛenkpiri fa kɔ nyini deke n bo bɛrɛ ni bu tii ayo i n su. ⁴² Nyini ti, na Nyeme akaaki i sin abo bu, na wɔ ma bu susu asarambaam bo bu wo angoro ni, kabo ba kɛrɛ i Nyeme noanie kanfɔm dɛe kadasi n nu lɛɛ. Bu ɲa,

‘Ambere Yisarelifɔm, am yo yoori yoowam boro kpantain n nu afo aburana ni, am yo maari mini wɔ?’

⁴³ Ai, am yo soori amɔe n bo bu fere i ka Mɔleki na am afa tani abo i nambue n so i nati wɔ,

ni amɔe n bo bu fere i ka Refani na i ti ka asarambaa be ni.

Bere ye am ta bu ka amɔem ye am su bu a.

Nyini ti, ye m má bu taraari am kɔ mie be bo i sin Babilɔn mie kpiri n ɲu n a.’

⁴⁴ Ya nam ni, bere yo laari nambue n bo i kere ka Nyeme wo bu do n boro kpantain n nu a. Bu yoori i kabo Nyeme kereeri Moyisi ka i yo i n wo. ⁴⁵ Ya nam yo faari nyini nambue n maari bu sinfɔm wɔ, na bu ni bu mɔfo Yosuwá afa i ako asien n bo Nyeme fon yiiri minem su na i fa maari bu ni. Na nyini nambue n awo bu do haari Feme Davidi sanga. ⁴⁶ Na Feme Davidi adi ahɔrɔma Nyeme do, na wo sere Nyeme ka i ma i ta awuru bo Jakɔbu ni i dikafɔm fa su Nyeme. Feme Davidi akoro ata má i, ⁴⁷ ama, i wa Feme Solomon yo taari awuru n maari Nyeme a. ⁴⁸ Haari ni nyini mmɔɔ, Micera Nyeme Kpiri n yiri tana má awuru bo adamande ata i nu, kabo Nyeme noanie kanfɔ n ajojo i ni. I ɲa,

⁴⁹ ‘Micera n ɲa o,

Angoro ni ti m femeya tanaabiri a,

na asienɲu nya ti deke bo m jaa gbagbaa tien.

Ye am ta nzu awuru barasu ma m a?’

Am nya nyini fofoe n ni ye m wo nu a?’

⁵⁰ Má mini yoori ahin dekem ni kere a?’ ”

⁵¹ Na Satefano akaaki ase bu ka, “Ambere, am ahorembaa ti kekereke, na am sui ti tantanantan ka minem bo bu su má Nyeme ni. Am nati kete Nyeme Awiewie Casi n wo, kabo am nam yo yoori lɛɛ. ⁵² Nyeme noanie kanfɔ bɔno ye am nam akere má i wuwuruwa? Na ba kun minem ni, bo bu seeri ka Soɔnɔ n bo i yo sa bo i kɔ atin su ni bá ni. ⁵³ Ambere ye Nyeme yo sunmaari i merekem ye bu faari i noanie kpamaawa maari am n a, ama, am ade má i.”

Kabo bu tuuri Satefano yabue bo kuunri i barasu ni

⁵⁴ Kabo Satefano jojoori so ni, na yaa ati Yudafo tereterefɔm n agaya, na ba kan bu noɔ awura nu, na bu sukpeɛ bu jee. ⁵⁵ Ama, na Awiewie Casi n awura Satefano ɲu, na wɔ tu i tii anie angoro, na wɔ ɲu kabo Nyeme woowa ata papasi barasu. Na wɔ ɲu ka Yesu jina Nyeme saa fɔmbɔrɔ su. ⁵⁶ Na wɔ se bu ka, “Am nie, ma ɲu ka angoro n ateke ye Adamande Wa n jina Nyeme saa fɔmbɔrɔ su.” ⁵⁷ I seeri so ni, na Yudafo tereterefɔm n atien kpa, na ba fa bu saa ato bu suim. Do na ba kaba abereki ato Satefano ɲu. ⁵⁸ Na ba cin i afite mie n aheme, na bu sutu i yabue, na bɛrɛ bo bu di daani jarki i, na bu sutu i yabue, na ba yi bu suturam ama gbefene anyunutiɔ be ka i sunie bu dika, bu fere nyini gbefene n ka Soɔlu. ⁵⁹ Bu wo Satefano yabue n tu su so ni, na i gusu subo fere Mibie ni, i ɲa, “M Mibie Yesu, de m ɲɔɔ ni.” ⁶⁰ Na wɔ kutu asienɲu, na wɔ bo awie kpa, i ɲa, “M Mibie, má a fa bu ngasi fa kɔ sa n bo bu suyo i n su.” I seeri so wieeri ni, kpenɲa na i ni durunya n akpaaki.

8

¹ Soɔlu yo soroori su ka bu kun Satefano a.

Kabo Soɔlu kereeri Kristo jama n wuwuruwa barasu ni

Nyini cɛn n gbingbin ye bu boori i bu kereeri Kristo jamam wuwuruwa agaya, bere bo bu wo Yerusalem mie kpiri n nu ni. Na bu kere anmati asandi ako Yudiya, ni Samariya dɛe awɔrɛ n kere nu, i kɔ kaari Yesu jaramasam ni ngumi wɔ, Yerusalem mie kpiri n nu a. ² Na Nyeme sifo nbem ako ayo Satefano sutura, na ba sun sukoko agaya. ³ Ama, na Soɔlu aboro i nyi kabo i yo na i ka Kristo jama ni ngbɛn, na i suwura awuru awurum nu, na i sucin yi yaradayofom ni, nbaram ni nbiesom kere, na i ma bu kɔ nyi bu dansaraka.

Kabo Filipu kaanri labari kpa n jɔrɛ kereeri Samariyaɔm ni

⁴ Yaradayofom n bo bu sandiiri awɔrɛ n kere nu ni, na ba nati sukan labari kpa n kere minem kere. ⁵ Na Filipu ako Samariya mie kpiri n su, ako sukan kere minem fa kɔ

Kristo, Tiidefo n bo Nyeme ase ka i sunma i ni. ⁶ Na wo yo alekutura sam. Bu tiiri kabo i jojo na bu juuri alekutura sam bo i yoori bu ni, na bu kere aso bu sui nyunyumi, na ba ti kabo i se ni. ⁷ Na wo fon ayi ajinim mine dongu nu. Bu ba sufite yaki minem ni, bu tien ni fanga su na bu fite. Na minem beberebe bo bu saam ni bu jaam awu ni, ni wobukam kere anya laifie. ⁸ Nyini ti, na ahorejo bambaka aba Samariya mie kpiri n nu.

⁹ Na sono be ayo awo Samariya mie kpiri n nu, bu fere i ka Simon, i nati yo boboyaya wo, na minem bo bu wo mie n nu ayo alekutura, na i sukere i nu ka i ti sono bambaka a. ¹⁰ Na sono kere, tarakam ni nfangafom kere asoro su ka yiri la Nyeme dee yiko n a. Na ba fere i ka Yiko Bambakafon bo i fite Nyeme do n a. ¹¹ Deke bo i ti na bu koro i jore n la ka, i yo yoori nyini boboyaya juma n bu do ace. ¹² Ama, sangga bo Filipu ba kaanri labari kpa n jore n fa ko Nyeme femeya n ni Yesu Kristo dee atin n su, na bu deeri i noanie ni, na wo bie bu Nyeme nzue, nbaram ni nbiesom kere. ¹³ Na Simon mmoo ni i tii ayo yarada, na Filipu abie i Nyeme nzue, na i susu Filipu su deke kere bo i ko, na wo nu abonon sam barasu beberebe bo Filipu yoori bu ni, na wo yo i alekutura.

¹⁴ Na Yesu jaramasam bo bu wo Yerusalem mie kpiri n nu n ati ka Samariyafom gusu ade Nyeme noanie n ni, nyini ti, na ba sunma Petoro ni Yohane bu do. ¹⁵ Sangga bo bu ko juuri do ni, na ba sere Nyeme ama bere bo ba yo yarada ni, adena Awiewie Casi n wura bu nu. ¹⁶ Dama ba bie bu Nyeme nzue ya Mibie Yesu dee duma n nu wo, ama, Awiewie Casi n nya wura ma bu nu. ¹⁷ Na Petoro ni Yohane afa bu saa anana bu tii su, na ba sere Nyeme ama bu, na Awiewie Casi n awura bu nu. ¹⁸ Simon juuri ka Yesu jaramasam faari bu saa nanaari yaradayofom ni tii su, na bu sereeri Nyeme maari bu, na Awiewie Casi n wuraari bu nu ni, na wo fa njwaa aba ka i fa ma Petoro ni Yohane, ¹⁹ na wo se bu ka, "Am ma mini mmoo ahin yiko n be, adena sono kere bo m fa m saa nana i nu na Awiewie Casi n wura i mi nu." ²⁰ Ama, na Petoro ase i ka, "Woro, u ni u njwaa kere ka ngbeen, dama a sunsun ka a koro fa njwaa to Nyeme aceeri n wo. ²¹ U saa wo ma juma n nu fieo, dama u sunsunni ti ma kpa Nyeme do. ²² Kaaki u wo fa ko u satie n bo a bita i n su, na a sere Nyeme, adena nyini sunsunni tie n bo i wo u ahore su ni, i fa ce u. ²³ Dama ma nu ka u ahorembaa yo wi agaya, na u satie akunma u." ²⁴ Do na Simon ase Petoro ni Yohane ka, "Jande, am sere Mibie n ma m, adena ma ahin sam kere bo am ajojo i n be ba tu m."

²⁵ Petoro ni Yohane diiri daani n na bu kaanri Mibie n labari kpa n jore kereeri mine wieeri ni, na ba kpie bu nyi ako Yerusalem mie kpiri n nu. Bu wo ko su ni, na ba kan labari kpa n Samariya mie aheme aheme dongu su.

Filipu ni Itiyopiya sono n jore ni

²⁶ Na Micera n mereke aba ase Filipu ka, "Yasu na a fa wie atoori u saa bie su dee atin n bo i fa Yerusalem mie kpiri n nu fa ko Gaza mie kpiri n nu ni." I ti atin bo i fa boro kpantain n nu wo. ²⁷ Na Filipu ayasu, na wo ko, i wo ko su n na wo ko atu Itiyopiya sono bo i fite Itiyopiya asien su, i la jinaabiri bambaka, yiri nie Itiyopiya feme bara n nenge kere su a. Wo ko asu Nyeme Yerusalem ²⁸ sukpie i nyi ko awuru, i tana i kponggo toroku nu wo, na i sukan Nyeme noanie kanfo Esaya dee kadasi ni. ²⁹ Na Awiewie Casi n ase Filipu ka, "Cin dodo kponggo toroku n na a su i su." ³⁰ Na wo nmati ako ati ka i sukan Nyeme noanie kanfo Esaya dee kadasi ni. Na wo bisa sono n ka, "A ti kadasi n bo a sukan i n bu?" ³¹ Na sono n abo i nu ka, "M yo se ti i bu a, bo ma ka sono akan i bu akere m?" Na wo se Filipu ka i wura toroku n nu ba tana i bi. ³² Noanie n bo i wo i kan su n la bo ba kere i ka,

"Yiri ti ka boe bo bu sufa i ko kpie i kom wo,
i kaaki ti ka bombaa bo bu sukpiekpie i ndore,
na i sun ma,
so ye wo se ma jore be a.

³³ Bu yo faari i wuraari joredifom saa nu wo,
na ba kpie kore aso i, na ba wura i nyinse.
Be wo ma bere bo i ba koro jojo fa ko i busu nufom do,
dama bu yo yiiri i ngoo durunya n nu fen."

³⁴ Na Itiyopiya sono n abisa Filipu ka, "Jande, m koro ka a se m, Nyeme noanie kanfo n yo jojo ahin jore n ni njma a? I jojo niiri i nu wo, nzen be a?" ³⁵ Do na Filipu abo i bu ni nyini Nyeme jore Kadasi n bo yiri sono n sukan i ni, na wo kan Yesu labari kpa n jore n akere i. ³⁶ Bu wo ko su ni, na ba koaju awore be nu, na ba nu nzue, na sono n ase i ka, "Nie, nzue yaa e, ye nzu kanda ka a koro bie ma m Nyeme nzue a?" [³⁷ Na Filipu abo i nu ka, "Nzen a yoori Yesu Kristo yarada ni u ahorembaa kere, m koro bie u." Na sono n ase i ka, "Ma yo yarada ka Yesu Kristo ti Nyeme Wa n a."] ³⁸ Na wo ma toroku n

ajina, na bu kere ajura awura nzue n nu, na Filipu abie i Nyeme nzue ni. ³⁹ Na ba fite nzue n nu, bu fite wieeri ni, na Mibie n Awiewie n akaba akpara Filipu ako, sono n anju ma i kun, na wo ko awuru ni ahorejo. ⁴⁰ Na Filipu anju ka i wo mie kpiri n bo bu fere i ka Azotusi n nu, na wo yasu do suko, na wo kan labari kpa n akere minem mie kere bo i siinri su ni, haari na wo ko aju Sizariya mie kpiri n nu.

9

Kabo Soolu wo kaakiri barasu ni

¹⁻² Nyini sangha n kere ni, na Soolu suboro i nyi se kabo i yo na i kere Yesu susufom n wuwuruwa haari i ba kun bu. Na wo koro ka i ko Damasiko mie kpiri n nu, na i ko tara nbaram ni nbiesom bo bu su Yesu atin su ni, na i wura bu joroko, na i fa bu ba Yerusalem mie kpiri n nu. Nyini dee ti, na wo ko Nyeme sayoowa dongyufom kere kpieri n do, ako ade kadasi bo i koro la atin wura Yudafofom tientienbunoo soom n nu na i tara bu. ³ Na wo de atin ako, i ko sudodo Damasiko, na sin akaba afite angoro ata abara aye i. ⁴ Na wo kpaasi haari asienggu, na wo ti akonvi be nga, i na, "Soolu, Soolu e, nzu ti ye a kere m wuwuruwa so a?" ⁵ Na wo bisa ka, "M Mibie, woro nma a?" Na wo bo i nu ka, "Mini Yesu, mini ye a kere m wuwuruwa n a." ⁶ Ama, yasu jina na a wura mie n kunnu na m ma sono be kere u deke bo wo yo daka ka a yo ni." ⁷ Na minem n bo bu su Soolu su n aka ajina surum, ba koro ase ma jore be, bu tiiri akonvi ni nga a, ama, ba nju ma sono be. ⁸ Na Soolu ayasu ajina, na wo teke i nyumbaa, ama, wo nju ma asi. Nyini ti, na ba so i saa nu, na ba cin i awura Damasiko mie n kunnu. ⁹ I woori do, i lesan bo wo nya koro nju ma asi, nyini sangha n gusu, i di ma, i nu ma.

¹⁰ Yesu susufom n kun be woori Damasiko mie kpiri n nu do, bu fere i ka Ananiyasi. Na Mibie ni aba i do ka alele nu. Na wo joko i do ka, "Ananiyasi." Na wo bo i nu ka, "M Mibie, mini yaa." ¹¹ Na Mibie n ase i ka, "Yasu, fa atin n bo bu fere i ka Atingbere Tenggeewa n su, na a ko sono n bo bu fere i ka Yudasi n dika, na a bisa ka a koro sono be bo bu fere i ka Soolu ni, na i fite mie kpiri n bo bu fere i ka Tarasu n wo. Yiri Soolu n wo do wo nyemesere su, ¹² wo nju sono be ka alele nu, bu fere i ka Ananiyasi, wo wura i do afa i saa anana i nju ka i kaaki nju asi bekun." ¹³ Na Ananiyasi abo i nu ka, "M Mibie, mine donggu akan nyini sono n jore akere m, kabo i kere u minem ni wuwuruwa Yerusalem mie kpiri n nu barasu." ¹⁴ Ye wo de yiko afite Nyeme sayoowa dongyufom nkpienkpienm do, aba Damasiko fen, na i ba tara minem bo bu su u n kere." ¹⁵ Ama, na Mibie n ase i ka, "Ko, dama mini ye ma yi i ka i yo m juma a, na i ko bo m duma kere minem bo bu ti ma Yudafofom ni, ni bu nfemem, ni Yisarelifofom, adena bu si m." ¹⁶ Na m kere i wahara n kere bo wo yo daka ka i di i, mini dee ti ni." ¹⁷ Nyini ti, na Ananiyasi ako Yudasi dika, na wo wura Soolu do, na wo fa i saa anana i nju, na wo se i ka, "M niwa Soolu, ya Mibie ni sunmaari m u do a, yiri Yesu n ye i yiiri i nju kereeri u sangha bo a wo atin n nu suba n a. Yiri sunmaari m ka m ba ma a nju asi bekun, na Awiewie Casi n wura u nju a." ¹⁸ Kpengga na deke be afite Soolu nyumbaa n nu ato, i ti ka jombaa bui wo. Na wo kaaki anju asi bekun. Na wo yasu ajina, na Ananiyasi abie i Nyeme nzue, ¹⁹ na wo di diire, na wo nya fanja bekun.

Kabo Soolu kaanri Nyeme jore Damasiko mie kpiri n nu barasu ni

Na Soolu awo Yesu susufom n do lennyo Damasiko mie kpiri n nu. ²⁰ Na wo kaba sukan Nyeme jore Yudafofom tientienbunoo soom nu, ka Yesu ti Nyeme Wa n a. ²¹ Na jore n amie minem kere bo bu tiiri ka i sukan Nyeme jore ni, na ba bisa bu nju nu ka, "Ma sono n bo i wo Yerusalem mie kpiri n nu kun minem bo bu su Yesu su n lee? Ye kisa wo ba fen ka i ba tara minem wura bu joroko, fa bu kpie bu nyi ko ma Nyeme sayoowa dongyufom nkpienkpienm ni, ma so?" ²² Ama, na Soolu anya fanja abuka su, na wo kan akunma Yudafofom bo bu wo Damasiko n nu, na wo kan ateke bu nyi na wo ma ba si ka Yesu ti Kristo n a, Tiidefo n bo Nyeme ase ka i sunma i ni.

²³ Na wo yo lennyo, na Yudafofom n atien bu noo afa sesesu kabo bu yo na bu kun Soolu, ²⁴ ama, na wo ti kabo ba sesesu ka bu kun i ni. Na ba nminda i mie ni anom n nu, wiesu ni kongue, ka nzen i ba sufite na bu kun i. ²⁵ Ama, na ceen n be kongue, na Soolu susufom afa i awura kandie nu, na ba fa i acoondi mie n kobe tukoro nu ase.

Kabo Soolu ko juuri Yerusalem mie kpiri n nu ni

²⁶ Sangha bo Soolu ko juuri Yerusalem mie kpiri n nu ni, na wo koro ka i fa i nju bo Yesu susufom n su, na i ni bere yo kun, na sere ati bu, dama ba yo ma yarada ka i ti Yesu susufom n be wo. ²⁷ Do na Banabasi afa i ako Yesu jaramasam n do. Na yiri Banabasi akan akere bu kabo Soolu wo atin n nu suko Damasiko mie kpiri n nu, na i juuri Mibie ni, ni kabo Mibie n jooori i do barasu ni, ni kabo Soolu kaanri Nyeme jore Yesu duma

nu Damasiko, ni ahoresi ni. ²⁸ Banabasi seeri so ni, na ba soro su, na Soolu awo bu do Yerusalem, na i sujengbe sukan Nyeme jore Yesu duma nu, ni ahoresi. ²⁹ Na i ni Yudafom bo bu jojo Giriki anie ni abo anzama haari na ba se akuruwa ni bu benggu. Na ba koro ka bu kun i. ³⁰ Sanga bo yaradayofom n tiiri ahin jore n so ni, na ba fa Soolu ako aju Sizariya mie kpiri n nu, na ba ma wo ko Tarasu mie kpiri n nu.

³¹ Na Kristo jama n anyanfa angba abuka su, na bu susoro Mibie n nahore su, na bu suwo ni Awiewie Casi n dee ahoresi nu, na bu sunya minem subuka su.

Kabo Petoro yoori abonɔ sam ni

³² Na Petoro ajengbe ka i bara ye awore n kere, na ceen n be so o, na wo ko ka i ko nie Nyeme minem n bo bu wo Luda dee mie kpiri n nu n busu. ³³ Do na wo ko anu sono be, bu fere i ka Aniyasi, i saam ni i jaam kere awu, i da soro o, i afo mocue lee bo i koro yasu ma. ³⁴ Na Petoro ase i ka, "Aniyasi, Yesu Kristo ama u laifie. Yasu na a nyanya u dasu ni." Kpenga na wo kaba ayasu. ³⁵ Minem kere bo bu wo Luda mie kpiri n nu, ni bo bu wo Saroni awore n nu n kere juuri i so ni, na ba kaaki bu wo na ba fa bu ny ama Mibie ni.

³⁶ Bara be yo woori mie kpiri be bo bu fere i ka Jopa n nu, bu fere i ka Tabita, i ti Yesu susufo o, bu fere i duma Giriki anie nu ka Dokasi, i bu la ka aja. I yo sakpa wo sanga kere, na i si yaarifom anjuno. ³⁷ Ama, na wo ba ada tukpaki na wo wu, na ba bie i nzue, na ba fa i ada angoro soo nu. ³⁸ Jopa gusu waari ma ni Luda, na sanga bo Yesu susufom bo bu wo Jopa n tiiri ka Petoro wo Luda ni, na ba sunma mine nnyo i do ka i yo anie na i bra ndende. ³⁹ Nyini ti, na Petoro ayasu asu bu su na bu kere ako. Sanga bo i ko juuri ni, na ba fa i afun ako angoro soo n nu, na nkunafom kere atien bu nɔɔ abara aye i, na bu susun, na ba fa tanleem ni tani barasu barasu bo Dokasi la ngoo na i kpa maari bu n akere yiri Petoro. ⁴⁰ Na Petoro afon bu kere afite soo n nu, na wo kutu i nangoroma su, na wo sere Nyeme, na wo kaaki i nyunu awo fuin ni, na wo se i ka, "Tabita, yasu." Sanga bo i tekeeri i nyumbaa ni, na wo nyu Petoro, na wo yasu atana. ⁴¹ Na Petoro aso i saa nu abuka i, na wo yasu ajina, na wo fere Nyeme minem n ni nkunafom ni kere, na wo fa i akere bu ka wo tejge. ⁴² Na nyini labari ni abara aye Jopa mie n kere nu, na mine beberebe ayo Mibie n yarada. ⁴³ Na Petoro awo Jopa lennyo, i yo woori jereke be dika a, bu fere i ka Simon.

10

Petoro ni Koneliyo dee jore

¹ Sono be yo woori Sizariya mie kpiri n nu, bu fere i ka Koneliyo, i ti Romafɔ sojam n kpian wo, i nie soja mbaa yaa su a. Bu fere nyini soja jama mbaa n ka Itali sojam. ² Koneliyo ti sono bo i su Nyeme atin su wo, i ni i dikafom kere, na bu soro Nyeme. Na i suyo sakpa ma Yudafom bo bu ti yaarifom ni, na i susere Nyeme sanga kere. ³ Na ceen n be wiesu kerefi nsan sanga, na wo kaba anu Nyeme mereke be, na mereke n aba ase i ka, "Koneliyo." ⁴ Na wo nie i gbirim, na sere ati i, na wo bisa i ka, "M Mibie, nzu a?" Na mereke n abo i nu ka, "Nyeme ade u sere, wo nyu sakpa n bo a yo ama yaarifom ni, i wara koro fi ma nyini sam kere. ⁵ To, kisa, sunma minem na bu ko Jopa mie kpiri n nu na bu ko fere sono bo bu fere i ka Simon Petoro ni. ⁶ I wo jereke be dika a, bu fere i gusu ka Simon, i dika n wo fa dodo tieku n wo." ⁷ Mereke n jojooi i do wieeri ni, na wo ko, na Koneliyo afere i ngbefenem nnyo, ni soja kun be bo i su Nyeme atin su na i wo i dika ni. ⁸ Na wo kan jore n kere bo mereke n seeri i ni akere bu, na wo sunma bu Jopa mie kpiri n nu.

⁹ Na alecin ngarama, na ba de atin na bu ko Jopa, bu ko sudodo do fa ko wie kekete sanga, na Petoro gusu ayasu afun soo su ka i sere Nyeme. ¹⁰ Na ahoe ati i, na wo koro deke be i di. Sanga bo bu wo diire n yo su ni, na deke be aba i do ka alele nu dee su. ¹¹ Na wo nyu ka angoro n ateke, na wo nyu deke be i ti ka tani bambaka wo, ba cici i bue nna n kere, i succondi ba asienju. ¹² Ajaanna barasu kere, ni cinbukunnusufom barasu kere, ni lanɔpetefom barasu kere ka bu wo nu. ¹³ Na wo ti akonvi be nga, i na, "Petoro, yasu na a kun di." ¹⁴ Ama, na Petoro ase i ka, "M Mibie, ai. M nya di ma deke bo i ti ciire na i la fin." ¹⁵ Na akonvi n akaaki ase i bekun ka, "Deke kere bo Nyeme ayo i casi, ma a se ka i ti fin." ¹⁶ Deke n yoori so ko juuri kun kun kpe nsan a, na wo kaba afun ako angoro.

¹⁷ Sanga n bo Petoro subirisi fa ko deke n bo wo nyu i n su ni, nyini sanga, minem bo Koneliyo sunmaari bu ni, abisa asi Simon dika, na ba ka ajina awuru n ano nu. ¹⁸ Na ba fere sono be, abisa i ka, Simon Petoro wo do o? ¹⁹ Petoro toko wo sunsun su, fa ko deke bo i baari i do ka alele nu n bu. Do na Awiewie Casi n ase i ka, "Ti fen. Mine nsan nbem wo fen sunienie u busu. ²⁰ Nyini ti, yasu na a jura, na u ni bere ko, ma a

yo sika, dama mini sunmaari bu a.”²¹ Na Petoro ajura ako minem n do, na wo se bu ka, “Mini ye am nienie m n a. Am natiiri bu la ka se wo?”²² Na ba bo i nu ka, “Sojam kpien Koneliyo sunmaari ya u do a. I ti sono kpa a, na i soro Nyeme, na Yudafom kere bu i agaya. Nyeme mereke be seeri i ka i fere u, na a ba i dika na a ba kan jore bo a la i kere i a.”²³ Nyini ti, na Petoro ade minem n awura, na ba da i do.

Alecin ngarama, na Petoro ayasu, na i ni minem n ako, bu suko ni, na yaradayofom nbem bo bu wo Jopa n gusu asu i su ako.²⁴ Na i alecin fofore, na ba ju Sizariya, bu ko nu ka Koneliyo atien i lamosim, ni i danfo kpam nco sunminda yiri Petoro.²⁵ Sanga bo Petoro ko na i wura awuru n nu ni, na Koneliyo akpa i atin akutu i jaa bu haari asienggu, na wo su i.²⁶ Ama, na Petoro aye i su ajina, na wo se i ka, “Mini ni m tii mmoo, ti adamande wo.”²⁷ Petoro ni Koneliyo bitaari anzama so o haari bu ko wuraari awuru n nu, do na wo nu ka mine beberebe atien bu nco.²⁸ Na wo se bu ka, “Ambere mmoo ni am tii si ka, i ti ciire wo ka yere Yudafom fa ya nu sanga ni daanfie barasu be nu, wara ya wura bu dika. Ama, Nyeme akere m ka ma m sinndi sono be ka i woowa ti fin.²⁹ Nyini ti, ye a sunma fereeri m ye ma kete ma ye ma ba n a. M koro ka m bisa u wo, nzu ti ye a sunma fereeri m a?”

³⁰ Na Koneliyo ase i ka, “I nyuma lenna lee, ka ahin sanga n so, fa ko wiesu kerefi nsan, m wo m dika n nu wo nyemesere su, na sono be akaba aba ajina m nyunu, i wura sutura fofoe papasi,³¹ na wo se m ka, ‘Koneliyo, Nyeme ade u sere, ye wo tenge u sakpa bo a yo ama yaarifom n su.³² Nyini ti, sunma na bu ko Jopa, na bu ko fere Simon Petoro ni. I wo jereke be dika a, bu fere i gusu ka Simon, i dika n wo dodo tieku n wo.’³³ Nyini ti, ye m kaba sunmaari ka bu fere u n a, ye woro gusu a yo sakpa ye a ba. Kisa, ya kere gusu atien ya nco fen Nyeme nyunu, na ya ti deke n kere bo Mibie n ama u nco ka a fa ma ya ni.”

Kabo Petoro kaanri Nyeme jore n Koneliyo dika ni

³⁴ Na Petoro anya ase ka, “Kisa, ma si nahore su ka adamande kere ti kun wo Nyeme do, i tambu ma nu.³⁵ Sono kere bo i soro Nyeme na i yo sa bo i ko atin su i do, i mi koro i ti nzu daanfie sono, Nyeme de i wo.³⁶ Am si labari n bo Nyeme fa maari Yarelifom, nyini labari kpa n kere ka minem nya tanalaifie Yesu Kristo dee ti, yiri ti sono kere Mibie a.³⁷ Am kere si sa bo i boori i bu Galili dee awore n nu, sangba bo Yohane kaanri Nyeme nzue bie n jore ni, haari na wo bara aye Yudiya dee awore n kere nu.³⁸ Am si Yesu Nazaretifo n jore ni, kabo Nyeme faari i Awiewie Casi n ni yiko n wuraari i nu ni, ni kabo i nati bara yeeri deke kere suyo sakpa sutuntun minem kere bo Sitana mie bu n na bu nya laifie, dama Nyeme woori i do a.³⁹ Yere, ya juuri deke n kere bo i yoori bu Yudafom dee asien su, ni Yerusalem mie kpiri n nu ni. Na ba kpama i baka jaanu n su, na wo wu.⁴⁰ Ama, i lesan ceen, na Nyeme atenje i afite i yiwee n nu, na Nyeme ama minem anu i.⁴¹ Ma sono kere juuri i a, ama, yere bo Nyeme du mo yiiri ya ka ya di i daani ni, yere juuri i a, na ya ni yiri asangba adi, na ya nu, sangba bo i tengeeri ni.⁴² Na wo ma ya nco ka ya ko kan labari kpa n kere minem na ya di daani ka, yiri ye Nyeme ayi i ka i ba di ngocofom, ni bo ba wu n kere jore a.⁴³ Nyeme noanie kanfom kere yo jooori Yesu jore, bu na, ‘Sono kere bo i yoori i yarada, Nyeme fa i mi satie bo wo yo i fa ce i, Yesu dee duma n nu.’”

Kabo Awiewie Casi n wuraari minem bo bu ti ma Yudafom n nu ni

⁴⁴ Sangba bo Petoro toko jina wo jojo su ni, na Awiewie Casi n aba awura minem kere bo bu jina suti labari n nu.⁴⁵ Na Yudafom bo bu ti yaradayofom na bu suuri Petoro su fiteeri Jopa mie kpiri n nu baari n ayo alekutura, kabo Nyeme afa i Awiewie Casi n awura minem n bo bu ti ma Yudafom mmoo nu ni.⁴⁶ Na bere Yudafom ni, ati ka minem n sujoo anie barasu barasu sukansi Nyeme. Na Petoro ase ka,⁴⁷ “Nyeme afa i Awiewie Casi n awura ahin minem n nu, kabo i fa wuraari ya nu ni. Ye nma koro kete ka ma ya bie bu Nyeme nzue a?”⁴⁸ Nyini ti, na Petoro ama nco ka bu bie bu Nyeme nzue, Yesu Kristo duma n nu. Na ba sere i ka i wo bu do lennyo.

11

Kabo Petoro kaanri i sa n bu kereeri Kristo Jama n Yerusalem ni

¹ Na Yesu jaramasam ni, ni yaradayofom n kere bo bu wo Yudiya awore n nu n ati ka, minem bo bu ti ma Yudafom n gusu ade Nyeme noanie n ayo i yarada.² Nyini ti, sangba bo Petoro ko Yerusalem mie kpiri n nu ni, na Yudafom yaradayofom nbem ajaraki i.³ Bu na, “Nzu ti ye a ko minem bo bu wura ma kenkene n dika ye u ni bere ko sangba di diire a?”⁴ Do na Petoro abo i bu, na wo kan kabo jore n kere boori i bu kun kun n akere bu.⁵ I na, “M wo Jopa mie kpiri n nu, wo nyemesere su ni, na ma nu deke be, i

yo m ka alele dɛɛ su wɔ. M ŋuuri deke be, i ti ka tani bambaka wɔ, ba cici i bue nna n kɛrɛ, i succɔndi fite angoro n nu suba asiɛngu, na wɔ ba ajina m bi. ⁶ Na ma niɛ i nu nyunyumi, na ma ŋu ajaannam barasu kɛrɛ, ni cinbukunnusufɔm barasu kɛrɛ, ni lanɔkɔpɛtɛfɔm barasu kɛrɛ ka bu wo nu. ⁷ Na ma ti akonvi be ŋga, i ŋa, 'Petoro, yasu na a kun di.' ⁸ Ama, na ma se i ka, 'M Mibie, ai. M nya di má deke bo i ti ciire na i la fin.' ⁹ Na ma kaaki ati akonvi ni ŋga bekun, i fite angoro wɔ, i ŋa, 'Deke kɛrɛ bo Nyeme ayo i casi, má a se ka i ti fin.' ¹⁰ Deke n yoori sɔ kɔ juuri kun kun kpe nsa n a, na wɔ kaaki afun ako angoro. ¹¹ Nyini sanɔga n nu, na mine nsanm n bo bu sunmaari bu m dɔ n afite Sizariya miɛ kpiri n nu aba aju awuru n bo m wo nu ni. ¹² Na Nyeme Awiewie Casi n ase m ka m yasu na m su bu su kɔ, má m yo sika. Na ma su bu su, na ya kɛrɛ ako. Na ahin yaradayofɔ nsenm n gusu asunma m afite Jopa, na ya kɛrɛ ako Sizariya, na ya kɔ awura Koneliyo dika. ¹³ Na wɔ se ya kabo i ŋuuri Nyeme mereke i dika barasu ni, ni kabo mereke n ase i ka i sunma na bu kɔ Jopa, na bu kɔ fere sɔnɔ n bo bu fere i ka Simon Petoro ni, ¹⁴ na i bá kan jɔrɛ be kere u ni u dikafom kɛrɛ na am nya tiide. ¹⁵ Na ma bo i bu ka m jɔjɔ. Sanɔga bo m wo jɔjɔ su ni, na Awiewie Casi n ajura awura bu ŋu, kabo i yo ba wuraari ya ŋu bumboori ni. ¹⁶ Na ma tenɔse su kabo Mibie n yo seeri ni. I ŋa, 'Yohane yo faari nzue biɛeri am a, ama, mini fá Awiewie Casi n ba wura am ŋu a.' ¹⁷ I ti nahore wɔ ka Nyeme faari i Awiewie Casi n wuraari yere Yudafo m yo ya yo ya Mibie Yesu Kristo yarada n ŋu, ye wɔ fa awura bo bu ti má Yudafo m gusu ŋu. Mini la ŋma bo m koro kanda Nyeme ka má i yo sa bo i koro ka i yo i a?" ¹⁸ Sanɔga bo bere Yudafo m tiiri sɔ ni, ba se má jɔrɛ be kun, na ba kansu Nyeme, bu ŋa, "Nyeme ama minem bo bu ti má Yudafo m atin ka bere gusu kaaki bu wo na bu nya ŋgɔɔ."

Kristo jama n bo i wo Antiyoki n jɔrɛ

¹⁹ Fite sanɔga n bo bu kuunri Satefano n dɛɛ sin, na ba kere yaradayofɔm wuwuruwa, nyini ti, na ba sandi abara aye deke kɛrɛ, na nbem ako Fonisiya awɔrɛ n nu, ni Sipurusi asien n su, ni Antiyoki miɛ kpiri n nu, na bu kɔ sukan Nyeme noaniɛ n sukere Yudafo m ŋgumi. ²⁰ Ama, bu nbem wo nu, bu fite Sipurusi, na nbem gusu fite Sirene miɛ kpiri n nu, na ba kɔ Antiyoki, na bu sukan ya Mibie Yesu labari kpa n jɔrɛ sukere minem bo bu ti má Yudafo m ni. ²¹ Na Mibie n yiko awo bu dɔ nahore su, na mine beberebe ayo yarada, na ba kaaki bu wo, na ba su Mibie n dɛɛ atin n su.

²² Nyeme minem bo bu wo Yerusalem miɛ kpiri n nu n tiiri nyini labari sɔ ni, na ba sunma Banabasi Antiyoki dɔ. ²³ Sanɔga bo i juuri na i ŋuuri sakpa bo Nyeme ayo ama minem sɔ ni, na i ahore aɔ, na wɔ tu bu fɔ ka bu ma bu nyunu boro yarada n bo bu bita i fa kɔ Mibie n dɛɛ atin n su ni, na bu su i su ni bu ahorembaa kun. ²⁴ Banabasi tiiri sɔnɔ kpa a, na Awiewie Casi n awo i dɔ, na i la yarada agaya. Na mine beberebe aba ayo Mibie n yarada. ²⁵ Na Banabasi ako Tarasu miɛ kpiri n nu ka i kɔ nienie Sɔɔlu. ²⁶ Sanɔga bo Banabasi kɔ juuri Sɔɔlu ni, na wɔ fa i na ba kɔ Antiyoki, na bere mine nnyɔ n kɛrɛ ako awo dɔ afo kun, na ba tien Kristo jama n nɔɔ, na ba kere mine beberebe. Antiyoki dɔ ye bu dɔ mɔ fereeri yaradayofɔm n ka Kristofom a.

²⁷ Nyini sanɔga n nu, na Nyeme noaniɛ kanfɔ nbem afite Yerusalem aba Antiyoki dɔ. ²⁸ Bu fere bu nu kun ka Agabusi, dɔ na Awiewie Casi n ama i yiko, na wɔ yasu ajina aɔjɔ ka, ahɔɛ bambaka be bá tɔ durunya n kɛrɛ nu. Nyini ahɔɛ n ba tɔori sanɔga bo Romafom feme kpiri bo bu fere i ka Kalodisi n diiri i femeya n a. ²⁹ Na Kristo susufom ni ayo anɔɔkun ka bu kun kun n kɛrɛ yi yi ŋwaa kabo bu fanɔga nyaari ti barasu, na bu fa kɔ buka bu bengɔ yaradayofom bo bu wo Yudiya awɔrɛ n nu ni. ³⁰ Na ba yi yi ŋwaa ni, na ba fa ŋwaa n asunma Banabasi ni Sɔɔlu ka bu fa kɔ ma Kristo jama nkpiɛnkpiɛnn ni.

12

Kabo bu kereeri Kristo jama n wuwuruwa barasu ni

¹ Fa kɔ nyini sanɔga n nu, na Feme Herode abo i bu sukere Kristo jama mine nbem wuwuruwa. ² Na wɔ ma ba fa takobe akun Yohane gɔrɔ Yakobo. ³ I yoori sanɔga bo Yudafo m sudi bu Butara cɛɛnkpiri n wɔ. ⁴ Bu taraari Petoro wuraari dansaraka nu ni, na ba fa i awura sojam buru ni nsen saa nu ka bu niɛ i dika. Na bere gusu akpaaki nu ka mine nna niɛ i dika kɔ ju sanɔga su, na nyingam nya de. Na Feme Herode asɛ se su ka bu diiri Butara cɛɛnkpiri n siinri, i fa Petoro jina jama n kɛrɛ nyunu wɔ, na i di i jɔrɛ. ⁵ Nyini ti, na wɔ ka dansaraka n nu, na Kristo jama n asere Nyeme ni anyumbo ama i.

Kabo Nyeme mereke n yiiri Petoro fiteeri dansaraka n nu ni

⁶ Nyini cɛɛn n kongue n bo i aletin na Feme Herode má bu yi Petoro fite na bu di i jɔrɛ ni, i da sojam nnyɔ afien wɔ. Na ba wura i jɔrɔkɔ aminda bu i bue nnyɔ n kɛrɛ, na nbem gusu kaaki jina dansaraka anɔ n nu ŋminda. ⁷ Kpenɔga na Nyeme mereke be

aba ajina dansaraka n nu, na soo n ata wein. Na mereke n abo Petoro gbengben, na wo tenge i, na wo se i ka, "Yasu ndende." Na joroko n bo i wo Petoro saa n afite ato. ⁸ Na mereke n ase i ka, "Bo u dambara ni, na a fa u gbagbaa n wura." Na Petoro ayo so, na wo kaaki ase i ka, "Fa u tanlee n wura, na a su m su." ⁹ Na Petoro asu i su afite dansaraka soo n nu, wo si ma ka sa n bo mereke n suyo i n ti nahore wo, i sunsun ka i yo i ka alele dee su wo. ¹⁰ Na ba ko asin sojam ciciri su dee n nu, na ba ko asin nnyo su dee n gusu nu, na ba ko aju bulaari ano n bo bu teke i ka na bu sin ko mie n kunnu ni. Na ano n ni i tii ateke, na ba fite. Bu toori atingbere n nu koori mo kaan, na mereke n akaba ayaki Petoro. ¹¹ Do na Petoro nyunu akoro, na wo se ka, "Kisa, ma si ka i ti nahore wo, ka Micera n ye wo sunma i mereke n ka i yi m fite Feme Herode saa nu, ni deke n kere bo Yudafo m sunsun ka bu yo m ni."

¹² I faari nyini sa n kere nu so ni, na wo ko Mariya dika, i wa la Yohane n bo bu kaaki fere i Marako ni, nyini sanja, jama beberebe atien bu nwo wo nyemesere su. ¹³ Na Petoro abobo dasin ano ni, na afani be, bu fere i ka Roda, na wo ba ka i ba nie sono n bo i bobo ano ni. ¹⁴ Na wo si akonvi n ka Petoro lee, i ahore ajo agaya n dee ti, wo teke ma ano ni, na wo nmata akpie i nyi, na wo ko ase minem bo bu wo awuru n nu n ka Petoro jina dasin. ¹⁵ Na ba se i ka, "A bo fie wo." Ama, na wo kaaki ajoko ni anyumboro ka i ti nahore wo. Do na ba se ka, "Kisa, i mereke a."

¹⁶ Nyini sanja n kere Petoro toko jina ano n nu wo bobo su. Kasin, na ba ba ateke ano ni, na sanja bo bu juuri ka yiri ni, na ba yo alekutura. ¹⁷ Na Petoro afa i saa ayo bu ka bu yaki nanmie. Na wo kan akere bu kabo Mibie n yiiri i fiteeri dansaraka soo n nu barasu ni. Na wo se bu ka, "Am ko kan ahin jore n kere Yakobo ni yaradayofa nyingam n kere." Na wo fite bu bi bere ako deke be.

¹⁸ Ale ba ciinri ni, na jore n amie sojam ni, ba si ma kabo bu yo. Na ba se ka, "Ye nzu ayo Petoro a?" ¹⁹ Na Feme Herode ama nwo ka bu nienie Petoro busu, ama, ba nu ma i. Nyini ti, na wo bisa sojam bu jore ni, na wo ma nwo ka bu kun bu. Nyini sin, na Feme Herode afite Yudiya awore n nu, na wo ko awo Sizariya mie kpiri n nu fa ko sanja su.

Kabo Feme Herode wuuri barasu ni

²⁰ Na Feme Herode afa yaa agaya Tiro ni Sidon mie n nufom nu, nyini ti, na ba fa sesesu, na ba ko ka bu nu i. Bu du mo koori sono be do o ka, bu fere i ka Blasitusi, na bu ni i dee ayo kun ka. Blasitusi ti Feme Herode gisan n niefo kpian wo. Na wo nya fa bu ako Feme Herode do, na ba ko asere ka i ma bu ni yiri nya tanalaifie. Deke bo i ti na bu yoori so n la ka, dama bu diire kere fite yiri feme n dee asien n su wo. ²¹ Ceen n bo bu kpamaari i ba juuri ni, na Feme Herode awura i femeya sutura, na wo tana i femeya bie n su, na wo jojo minem n do. ²² I jojo wieeri ni, na mine kere atien, bu ja, "Ahin yiri, nyeme be ajoko a, ma adamande." ²³ Kpengga na Micera n mereke akaba abo i aji, dama wo ma ma Nyeme jirima n dee ti. Na wo da tukpaki, na kakabam awura i, na wo wu.

²⁴ Na Nyeme noanie n asandi abara aye deke n kere, na ba nya mine dongu abuka su. ²⁵ Banabasi ni Soolu yoori bu juma n Yerusalem mie nu wieeri ni, na ba fa Yohane bo bu kaaki fere i ka Marako ni, na ba fite Yerusalem na ba kaaki ako Antiyoki mie kpiri n nu.

13

Kabo bu yiiri Soolu ni Banabasi sunmaari bu ni

¹ Kristo jama n bo i wo Antiyoki mie kpiri n nu ni, bu nu nbem ti Nyeme noanie kanfom wo, na nbem gusu ti kerefo m. Bere la Banabasi, ni Simeyon bo bu kaaki fere i ka Nigeri ni, ni Lukiyosi bo i fite Sirene mie kpiri n nu ni, ni Manaye bo bu yo sanja taari i ni Feme Herode, ni Soolu ni. ² Sanja bo bu cici bu nwo na bu wo Mibie n su su ni, na Awiewie Casi n ase bu ka, "Am yi Banabasi ni Soolu ma m, na bu yo juma n bo ma yi bu ka bu yo i ni." ³ Bu ciciiri bu nwo, na bu sereeri Nyeme n wieeri ni, na ba fa bu saa anana bu nu, na ba ma bu atin na ba ko.

Kabo Banabasi ni Soolu koori Sipurusi ni

⁴ Na Awiewie Casi n asunma Banabasi ni Soolu na ba ko aju mie kpiri be su, bu fere i ka Selusiya, na ba fa lee bambaka do, na ba ko mie be bo i wo lui bambaka be su, bu fere nyini lui n ka Sipurusi n su. ⁵ Sanja bo bu ko juuri lui n mie kpiri n bo bu fere i ka Salamisi n su ni, na ba kan Nyeme jore Yudafo m tientienbunoo soom nu. Na Yohane bo bu kaaki fere i ka Marako n awo bu do abuka bu juma. ⁶ Na ba fa bere asin ako aju lui bambaka n wie atoori dee bue ni, mie kpiri be su, bu fere i ka Pafosi. Na ba ko anu boboyayafa be do, bu fere i ka Baari Yesu, i ti Yudafo o, i yo i nu ka i ti Nyeme noanie kanfo o, ama, i ti ma i. ⁷ I yo wo lui bambaka n su gomina n do o, bu fere gomina n

ka Segosi Pɔɔlu, i ti sifo ɔ. Na wɔ fere Banabasi ni Sɔɔlu, dama i koroori ka i ti Nyeme noanie n wɔ. ⁸ Ama, boboyayafɔ ni, bu kaaki fere i duma Giriki anie nu ka Elamasi ni, na wɔ boro i nyi ka i kanda gomina n na má i yo Yesu yarada. ⁹ Ama, na Nyeme Awiewie Casi n awura Sɔɔlu, bo bu kaaki fere i ka Pɔɔlu ŋu, na wɔ nie boboyayafɔ n gbirim, na wɔ se i ka, ¹⁰ “Wɔrɔ, a ti Sitana deɛ wa a. A ti deke kere bo i ti kpa n kpɔfɔ ɔ. Kɔre ni satieyo asunnu u ŋu. A ti Mibie n atin kpa n saakifo ɔ. Cɛen bono ye a yaki i a? ¹¹ Ti fen, Mibie ni bó u ji kisa, na a yó anyinsin fa ko saŋga su, na a ŋú má wie ka i ta kun.” Kpenŋa na i nyunu akaba asi biri, na i suturingi sunienie sɔnɔ bo i kere i atin. ¹² Saŋga bo gomina n ŋuuri nyini n sɔ ni, na i tiiri kabo bu kan Nyeme noanie ni, na wɔ yo i alekutura, nyini deɛ ti, na wɔ yo Mibie n yarada.

Kabo Pɔɔlu ni Banabasi kɔɔri Pisidiya deɛ Antiyoki mie n nu ni

¹³ Na Pɔɔlu ni i lamokom n afa lee bambaka afite Pafosi deɛ mie kpiri n nu ako aju mie kpiri n bo bu fere i ka Peregá na i wo Pamfiliya awɔre n nu ni. Na Yohane bo bu kaaki fere i ka Marako n akpaaki ayaki bu, na wɔ kpie i nyi ako Yerusalem mie kpiri n nu. ¹⁴ Na ba fite Peregá ako aju Antiyoki mie kpiri n bo i wo Pisidiya awɔre n nu ni. Na Njumiye cɛen, na ba ko awura atana bu tientienbunɔɔ sɔɔ n nu. ¹⁵ Saŋga bo bu kaanri Nyeme noanie kpamaawa kadasi n bo Moyisi kereeri i ni, ni Nyeme noanie kanfom deɛ kadasi n wieeri ni, na bu tientienbunɔɔ sɔɔ ni nkpienkpienm n asunma ase Pɔɔlu ka, “Njam, nzen am la jɔre be bo am kan kere jama ni, na i ma bu ahoresi, am kan kere bu.” ¹⁶ Do na Pɔɔlu ayasu ajina, na wɔ ye i saa su, na wɔ bo i bu na i jojo, i ŋa, “M lamoko Yudafom, ni amberɛ bo am ti má Yudafom na am su Nyeme ni, am ti fen. ¹⁷ Yisarelifom Nyeme ni, yiri yo yiiri ya nam a, na wo ma ba tere abuka su, saŋga bo bu yo ti wɔfom Ijipiti asien su ni. Na Nyeme afa i deɛ yiko bambaka n na wɔ yi bu afite Ijipiti asien n su, ¹⁸ na wɔ mindi abita bu boro kpantain n nu ako aju afo aburana. ¹⁹ Na wɔ butu daanfie barasu nso n bo bu wo Kanana asien n su ni, na wɔ fa bu asien n ama Yisarelifom ka bu fa yo bu tenŋu deɛ. ²⁰ Ahin n kere yoori sɔ ko juuri afo yaa nna ni afo aburunu wo. Nyini sin, na Nyeme ayi mɔfom ama bu haari fa ko ju saŋga bo i yiiri i noanie kanfo Samuweli maari bu ni. ²¹ Na ba ba ase Samuweli ka bu koro femɛ wɔ, na Nyeme ama Sɔɔlu bo i ti Kisi wa n ayo bu femɛ, i fite Benjamin n deɛ busu nu wɔ, na wo bita bu ako aju afo aburana. ²² Na Nyeme ayi Sɔɔlu femɛya n nu, na wo fa Feme Davidi bo i ti Jese wa n ajina i jinaabiri. Na Nyeme adi i ŋusu daani, i ŋa, ‘Yiri Davidi, Jese wa n ti sɔnɔ bo m ahore atara i a, yiri yó m sa koroowa kere a.’ ²³ Yiri Feme Davidi deɛ busu nu ye Nyeme seeri ka Yisarelifom Tiidefo Yesu ni fite n a. ²⁴ Kana Yesu ba ba, Yohane du mɔ ba kaanri Nyeme jɔre kereeri Yisarelifom wɔ, ka bu kaaki bo wo na i bie bu Nyeme nzue. ²⁵ Na saŋga bo Yohane ba sukoro ka i wie i juma n ni, na wɔ se minem n ka, ‘Am sunsun ka mini la ŋma a? Ai, má mini la sɔnɔ n bo am ŋminda i ka i bá n a. Ama, am ti fen. Yiri bo i wo m sin suba ni, m ti kaan mmɔɔ ni bo m dodo i.’

²⁶ M ninbaam, amberɛ bo am ti Abraham busu nufom ni, ni amberɛ bo am ti má Yudafom na am su Nyeme ni, yere ye Nyeme ma ba fa ahin tiide labari n ama ya a. ²⁷ Dama Yerusalemfom ni bu nkpienkpienm kere asi má Nyeme noanie kanfom deɛ kadasi n bu, haari ni bo bu kan i bu Njumiye cɛen n kere mmɔɔ ni. Ba kaaki asi má kabo Yesu ti barasu, na ba ma ba kun i. Nyini ma Nyeme noanie kanfom kadasi n ayo yiiwa a. ²⁸ Haari ni bo ba yo aŋu má deke n bo i ti na wɔ yo daka ka bu kun i ni, bu sereeri Gomina Pilato wo, ka i ma bu kun i. ²⁹ Na saŋga bo bu yoori sa n kere bo ba kere i Nyeme Jɔre Kadasi n nu fa ko i ŋusu jɔre ni, na ba jura i baka jaanu n su, na ba fa i awura yabue bue fanŋunma nu. ³⁰ Ama, na Nyeme atenŋe i yiwee n nu, ³¹ na wɔ yi i ŋu bo i la má no akere minem kere bo bu suuri i su fiteeri Galili awɔre n nu kɔɔri Yerusalem ni. Bere n bo bu ŋuuri sam bo bu yoori ni, kisa bere sudi i daani kere ya minem n a. ³² Nyini ti, ya ba ka ya kan labari kpa sam n bo Nyeme seeri ka i fa ma ya nam ni kere am a, ³³ ye i ma noanie n ayo yiiwa ama yere bo ya ti bu busu nufom n a, wɔ tenŋe Yesu i yiwee n nu, kabo ba kere i Kansi Jue kereewam n nu, i jue nnyɔ su ni. Nyeme ŋa,

‘Wɔrɔ ti m Wa a,
nyuma, m káaki u Si.’

³⁴ Bekun, kabo i tenŋeeri i yiwee n nu na i kpɔrɔ má fanŋunma nu ni, Nyeme akaaki ase ka,

‘M fá deke kpa n bo i ti casi na i la anyunuyi n ma u,
yiri ye m seeri ka m fa ma Feme Davidi n a.’

³⁵ Ba kaaki akere i Kansi Jue kereewam n awɔre be nu, ka,
‘A yáki má na u Amusuisufo Casi n wu kpɔrɔ.’

³⁶ Feme Davidi yo yoori Nyeme kun koroowa haari na wo ba awu, na ba se i deke bo bu seeri i nam ni, na i nuniembaa n akporo fanfunma n nu. ³⁷ Ama, yiri n bo Nyeme tengeeri i yiwee n nu ni, wo kporo ma. ³⁸ Nyini ti, m ninbaam, m koro ka am si ka yiri Yesu dee ti ye bu kaanri labari kpa n jore kereeri am a, ka Nyeme afa am satie ace am. ³⁹ Sono kere bo i yoori yiri n yarada, Nyeme afa i mi satie kere ace i. Nonie kpamaawa n bo Moyisi fa maari ni, wo koro afa ma minem satie ace ma bu. ⁴⁰ Am si am nju sa, adena ma sam bo Nyeme nonie kanfom yo seeri n be tu am. ⁴¹ Bu yo seeri ka, 'Ambere bo am yo Nyeme anzasi ni, am ti fen, am yo alekutura na am ka ngbeen, dama m suyo juma be am dee sangga nu, haari ma be kan kereeri am, am de ma i.' "

⁴² Na sangga bo Poolu ni Banabasi sufite tientienbunoo soo n nu ni, na minem n asere bu ka bu kaaki bra Numiyi ceen n bo i suba ni, na bu ba kan nyini jorem bo ba kan akere bu ni, na bu ti bekun. ⁴³ Sangga bo minem ni ba sandiiri tientienbunoo soo n ni, na Yudafom nbem, ni bo bu ti ma Yudafom na ba kaaki bu woowa na bu su Yudafom atin n su ni, na bu dongu asu Poolu ni Banabasi su. Na Poolu ni Banabasi atu bu fo, ka ma bu kaaki bu sin bo sakpa n bo Nyeme ayo ama bu ni. ⁴⁴ Numiyi ceen n ba juuri ni, na minem n dongu bo bu wo mie n nu n aba atien bu noo tientienbunoo soo n nu na bu ti Nyeme jore ni. ⁴⁵ Sangga bo Yudafom nkpienkpienn ni juuri jama n so ni, na ba si Poolu kore, na bu ni yiri awura akuruwa, na ba kpie i nzuko. ⁴⁶ Ama, na Poolu ni Banabasi ajojo ni ahoresi, bu na, "I ti ye ni ka ya du mo kan Nyeme nonie n kere ambere wo ka. Ama, kabo am akete i na am koro ma ka am nya ngoo n bo i la ma awieeri ni, ya yaki am wo, na ya ko kan kere minem bo bu ti ma Yudafom ni. ⁴⁷ Dama nonie maawa bo Mibie n fa maari ya n lee. I na, 'Ma yi u ka a yo wein ma minem bo bu ti ma Yudafom ni, adena durunya n nufom kere nya tiide.' "

⁴⁸ Sangga bo minem n bo bu ti ma Yudafom tiiri ahin nonie n so ni, na bu ahore ajo, na ba kansi Mibie n nonie ni. Na minem bo Nyeme ayi bu ka bu nya ngoo n bo i la ma awieeri n ayo yarada. ⁴⁹ Na Mibie n nonie n asandi abara aye nyini awore n kere nu. ⁵⁰ Ama, na Yudafom nkpienkpienn n awura minem bu sin, bere la nbaram bo bu la wo na bu su Nyeme ni, ni nbiesom bo bu wo mie n nu na bu se na i bi ni. Na ba kere Poolu ni Banabasi wuwuruwa, na ba fon bu afite bu asien n su. ⁵¹ Na Poolu ni Banabasi akponkpon bu jaa tuturi ago bu nju, nyini kere ka ba kete mie n nufom lee, na ba ko mie kpiri be bo bu fere i ka Ikoniyom n su. ⁵² Na Yesu susufom bo bu wo Antiyoki do ni, bu ahore ajo agaya, na Awiewie Casi n awo bu do.

14

Kabo Poolu ni Banabasi koori Ikoniyom mie kpiri n nu ni

¹ Poolu ni Banabasi ko juuri Ikoniyom mie kpiri n nu ni, bu kaaki yoori so bekun, na ba wura bu tientienbunoo soo n nu, na ba kan Nyeme jore n ni anyumboro haari na mine beberebe ayo yarada, Yudafom, ni bo bu ti ma Yudafom n kere. ² Ama, na Yudafom nbem bo bu yo ma yarada n awura minem bo bu ti ma Yudafom bu sin akpura bu ni yaradayofom n ti. ³ Na Poolu ni Banabasi awo do ayo lennyo. Na bu sujojo Mibie n jore ni ahoresi, na Mibie n ama bu fanga, na wo ma bu atin na ba yo alekutura sa barasu barasum, adena mine nju bu na bu si ka i ti nahore wo. ⁴ Na kpaakpaakinu aba mie n nufom do, na nbem ajina Yudafom n sin, na nbem gusu ajina Yesu jaramasam n sin.

⁵ Na bo bu ti ma Yudafom ni, ni Yudafom ni, fa sangga ni bu mofom n afa sesesu atara kabo bu yo Yesu jaramasam ni tie, na bu tu bu yabue. ⁶ Na Yesu jaramasam n afa nu fa ko kabo bu koro ka bu yo ni, na ba nmati ako mie kpiri nbem bo bu fere bu ka Lisitira ni Derebi n su. Bu wo Likawoniya awore n nu wo, na bu nya nati subara ye aheme ahemem. ⁷ Do na ba kan labari kpa n akere minem.

Kabo Poolu ni Banabasi ko woori Lisitira mie kpiri n nu jore ni

⁸ Sono be woori Lisitira mie kpiri n nu, i jaa awu, kabo bu wuuri i ni, i ti wobuka a, wo nati ma. ⁹ Na wo tana aso i sui ati kabo Poolu sujojo ni. Na Poolu afa i nyumbaa akpama i nju, na wo fa nu ka sono n ayo yarada, ka i koro tuntun i na i nya laifie. ¹⁰ Na wo tien kpa ase i ka, "Yasu jina cencaen." Na sono n ayasu kungerekun awarakpin sunati bara ye. ¹¹ Sangga bo jama n juuri sa n bo Poolu ayo i so ni, na ba tien kpa Likawoniya anie n nu, bu na, "Ya nyemem akaaki ka adamandem wo, ye ba jura aba ya do a." ¹² Na ba fere Banabasi duma ka Ziyosi, bu amoe kpiri duma lee, na ba fere Poolu ka Heremesi, dama yiri ti amoe n cem a. ¹³ Na amoe n bo bu fere i ka Ziyosi n soo jina mie n aheme, na amoe n fo n ni mie n nufom anyondi tooram ni baka pum afa aba mie n ano nu ka

bu fa yo tie ma Pɔɔlu ni Banabasi. ¹⁴ Saŋga bo Pɔɔlu ni Banabasi tiiri kabo minem koro ka bu yo ni, na bu ahore asaaki na yaa ati bu, nyini ti, na ba cin ason bu sutura bo bu wura i, na ba ŋmati awura jama n afien sutien bu ŋu, ¹⁵ bu ŋa, “Njam o e, nzu ti ye am suyo so a? Yere mmoo ni ya tii, ti adamandem kabo am ti n wo. Ya ba ka ya kan labari kpa n kere am wo, na am yaki nyini deke ngbeem ni, na am su Nyeme bo i wo bere saŋga kere ni. Yiri yiiri angoro, ni asienngu, ni tieku n ni dekem kere bo bu wo nu n a. ¹⁶ Dawa saŋga ni, yiri Nyeme yo maari atin wo ka daanfie kere yo kabo i koro. ¹⁷ Ama, haari ni nyini n kere, saŋga kere i yo sakpa ma am wo, i ma nzue to ma am wo, na am alembaa bo am do bu n yo nyunyumi, na am di, na am kunnu yi, na i ma am ahorejo. Nyini kere kere am ka i wo bere a.” ¹⁸ Haari ni nyini jooowa n kere n mmoo ni, i yoori kekereke maari Pɔɔlu ni Banabasi ye bu koro kandaari jama n ye ba yo ma tie ama bu n a.

¹⁹ Na Yudafo nbem afite Antiyoki ni Ikoniom mie kpirim n nu aba Lisitira, na ba ma minem ade bu noanie, na ba tutu Pɔɔlu yabue, bu sunsun ka wo wu wo, na ba cin i afite mie n nu. ²⁰ Ama, na Yesu susufom n atien bu noo abara aye i, na wo yasu, na wo kpie i nyi awura mie n nu. Na alecin fofore, na yiri ni Banabasi afite do, na ba ko Derebi mie kpiri n nu.

Kabo Pɔɔlu ni Banabasi kaaki koori Siriya dee Antiyoki n su ni

²¹ Na Pɔɔlu ni Banabasi akan labari kpa n Derebi mie kpiri n nu, na ba nya susufom beberebe do. Na ba kpie bu nyi ako Lisitira, ni Ikoniom mie kpirim n nu, na ba nya ako Antiyoki mie kpiri n bo i wo Pisidiya awore n nu ni. ²² Na ba se yaradayofom ni ka, bu ma bu yarada n yo biiwa, na ba ma bu ahoresi. Na ba se bu ka, “Wo yo daka ka bu kere ya wuwuruwa beberebe ka, na ya nya koro wura Nyeme femeya n nu.” ²³ Mie kere bo bu woori su, bu yi nkpienkpienm wo Kristo jama n nu, na bu cici bu noo, na bu sere Nyeme, na bu fa bu wura yiri Mibie n bo ba yo i yarada n saa nu ka i nie bu dika. ²⁴ Bu fite do ni, na ba fa Pisidiya awore n nu ako atie Pamfiliya dee awore n nu. ²⁵ Do na ba kan Nyeme jore Perega mie kpiri n nu, na ba nya ako Ataliya mie kpiri n nu, ²⁶ na ba fa lee bambaka afite do akpie bu nyi akaaki ako Antiyoki mie kpiri n bo i wo Siriya awore n nu. Do ye bu du mo sereeri Nyeme maari bu ka bu di i ahoroma fa ko nyini juma n bo kisa ba yo i awie ni. ²⁷ Saŋga bo bu ko juuri Antiyoki ni, na ba tien Kristo jama n noo, na ba kan sam n bo Nyeme ayo bu ni, ni kabo wo teke atin ama bo bu ti ma Yudafo n na ba yo yarada barasu ni. ²⁸ Na ba wo yaradayofom n do mie n nu ace.

15

Kabo Kristo jama n tienri bu noo Yerusalem ciciri su ni

¹ To, na mine nbem afite Yudiya awore n nu aba Antiyoki mie kpiri n nu, na bu sukere yaradayofom ni bu dee kereewam. Bu ŋa, “Ma ka ba wura am kenkenne kabo Moyisi yo kereeri ni, am koro nya ma ta tiide.” ² Na Pɔɔlu, ni Banabasi, ni bere ase akuruwa nyannyan fa ko nyini jore n bu su. Nyini ti, na ba fa sesesu ka Pɔɔlu, ni Banabasi, ni yaradayofom nbem bo bu wo Antiyoki ni, ka bu ko Yerusalem mie kpiri n nu na bu ko bisa Yesu jaramasam ni, ni Kristo jama nkpienkpienm n nyini jore ni.

³ Na Kristo jama n akaari bu na ba ko. Bu wo ko su ni, na ba fa Fonisiya, ni Samariya aworem n nu, na ba kan akere dofom kabo minem bo bu ti ma Yudafo n ayo Nyeme yarada barasu ni, na nyini labari n ama yaradayofom n ahore ajo ako asin su. ⁴ Saŋga bo bu ko juuri Yerusalem ni, na Kristo jama ni, ni Yesu jaramasam, ni nkpienkpienm n ade bu ni bu saa nnyo, na ba kan akere bu fa ko deke n kere bo Nyeme ma ba koro ayo i ni. ⁵ Ama, na yaradayofom nbem bo bu su Farasifom atin n su n ayasu ajina, ase ka, “Wo yo daka ka minem bo bu ti ma Yudafo n na ba yo Yesu yarada n awura kenkenne ka, na bu nya ma bu noo ka bu su Nyeme noanie kpamaawa n bo i fa maari Moyisi n su.” ⁶ Na Yesu jaramasam ni nkpienkpienm ni, atien bu noo, na bu kpoko jore n nu nyunyumi. ⁷ Na ba se nyini jore n akuruwa bu njuu nu ace, na Petoro ayasu ajina, na wo se bu ka, “M ninbaam, am si ka mini ye Nyeme du mo yiiri m fiteeri am nu, ka m ma minem bo bu ti ma Yudafo n ti labari kpa ni, adena bu yo yarada. ⁸ Na Nyeme bo i si kabo adamande ahorembaa ti barasu ni, akere ka ba yo yarada nahore su, dama wo fa i Awiewie Casi n ama bu, kabo i yo fa maari yere mmoo ni. ⁹ Nyeme do, yere ni bere la ma kpakpaakinu lee, dama yarada n bo ba yo i n dee ti, wo ŋmisi ayi satie kere bo i wo bu ahore su ni. ¹⁰ Kisa, nzu ti ye am koro ka am yo Nyeme na am nie a, ye am suso yaradayofom soori bo ya nam, ni yere ni ya tii akoro aso ma i a? ¹¹ Ai. Yere ayo yarada ka ya Mibie Yesu ahoroma n dee ti, ye ya nya tiide a, nyini ma bere gusu nya tiide a.”

¹² Na minem kere ato amuna, na bu ti kabo Banabasi ni Pɔɔlu sukan kere bu fa ko alekutura sa barasu barasum bo Nyeme ma bu koro yo maari minem bo bu ti má Yudafoɔm ni. ¹³ Saɔga bo bu joɔ wieeri ni, na Yakobo gusu ayasu ajoɔ. I ɔa, "M ninbaam, am ti fen. ¹⁴ Simon atengge ya su kabo Nyeme ni i tii adu mo akere ka i cece wo minem bo bu ti má Yudafoɔm nu ni, ni kabo wo yi bu nbem afa bu ayo i dee minem ni. ¹⁵ Nyeme noanie kanfoɔm dee noanie n bo bu yo seeri n ni ahinm n kere ti kun wo, dama bu kereeri ka, ¹⁶ Micera n ɔa,

'Nyini sin, m káaki ba ye Feme Davidi awuru n bo wo to n su,
na m tá i bonfoɔ ni, na m yó i dongu.

¹⁷ Adena daanfem n bo ba ka n kere bá kpini Mibie busu,
bere la minem bo bu ti má Yudafoɔm
na ma fere bu ka bu ti m deem ni.

Micera ni seeri so a,

¹⁸ yiri bo i yo seeri dada kere ka i yó i ni.' "

¹⁹ Na Yakobo akaaki ase bu ka, "Mini dee sunsunni la ka, minem bo bu ti má Yudafoɔm na bu suba Nyeme do ni, wo yo má daka ka ya mie bu. ²⁰ Ama, i ti ye ni ka ya kere kadasi ma bu, na ya se bu ka, má bu di tie nie, na má bu yo sakaraya, na má bu di nie bo ba kpie má i kom, na má bu di nie mbunja. ²¹ Dama ba du mo akan Moyisi noanie kpamaawa n jore ya nam saɔga, haari ni nyuma bu toko kan i kadasi mie n kere su wo, na bu sukan i na soɔo kere ti bu tientienbunoo soom nu Njumiye ceen kere."

Kabo bu kereeri kadasi maari Antiyokifoɔm ni

²² Do na Yesu jaramasam ni, ni nkpienkpienm ni, ni Kristo jama n kere afa sesesu asoro su ka bu yi bu nu nbem, na bu sunma bu ni Pɔɔlu, ni Banabasi Antiyoki mie kpiri n nu, bere la Yudasí bo bu fere i ka Basabasi ni, ni Silasi. Nyini mine nnyom kere ti Kristo jama n mofoɔm wo. ²³ Na ba kere kadasi ama bu ka bu fa ko. Kereewa n la ka,

"Yere am ninbaam, ni Kristo jaramasam, ni nkpienkpienm ni subisa am dongu, ambere bo am ti má Yudafoɔm na am wo Antiyoki ni, ni bo bu wo Siriya ni Silisiya dee aworem nu ni. ²⁴ Ya ti ka ya nbem afite ya nu fen aba am do, aba akan jore nbem akere am bo wo mie am, na wo yo am sunsunni agaya. Yere ni ya tii asunma má bu.

²⁵ Nyini ti, ye ya kere atana asese su, asoro su ayi minem asunma bu ni ya danfo kpm Banabasi ni Pɔɔlu am do. ²⁶ Bere ye ba fa bu ɔgoɔ ama ya Mibie Yesu Kristo dee ti n a. ²⁷ Nyini ti, ya súsunma Yudasí ni Silasi am do, na bere ni bu tii bá teke bu noo, na bu kán jore kere bo i wo kadasi n nu kere am. ²⁸ Kabo ya ni Awiewie Casi n dee ayo kun, na ya soro su lee, ka ya so má am soori nonoori be, sin ahin dekem bo wo yo daka ka am yo bu ni. ²⁹ Má am di tie nie, má am di nie mbunja, má am di nie bo ba kpie má i kom, na má am yo sakaraya. Nzen am tara am ɔu na am ayo má ahin sam ni, i yó kpa ma am. To, ya ka saɔga lee."

³⁰ Na minem bo bu sunmaari bu n ako aju Antiyoki. Bu ko juuri ni, na ba nya atien yaradayofoɔm kere noo, na ba fa kadasi n ama bu. ³¹ Saɔga bo bu kaanri kadasi n wieeri ni, na bu ahore ajo, na wo kaaki ama bu ahoresi. ³² Na Yudasí, ni Silasi bo bere ni bu tii ti Nyeme noanie kanfoɔm ni, akan Nyeme jore beberebe akere bu, na bu ahore asi, na wo buka bu fanga. ³³ Na ba wo do ace, na yaradayofoɔm n akaari bu ni ahoreda, na ba kpie bu nyi ako bere n bo bu sunmaari bu n do. [³⁴ Ama, Silasi ase ka i ka bu do.] ³⁵ Ama, na Pɔɔlu ni Banabasi aka Antiyoki, na bu ni bu bengɔ dongu akan na ba kere minem Mibie n noanie ni.

Kabo Pɔɔlu ni Banabasi kpaaki yakiiri bu bengɔ ni

³⁶ To, fa ko saɔga su, na Pɔɔlu ase Banabasi ka, "Ma ya kpie ya nyi ko miem kere bo ya kaanri Mibie n jore kereeri bu n su, na ya ko nie kabo ya ninbaam ti barasu." ³⁷ Má Banabasi koro ka bu fa Yohane bo bu kaaki fere i ka Marako n na bu kere ko o, ³⁸ ama, na Pɔɔlu akete ka i sú má bu su, dama saɔga bo bu wo Pamfliya awore n nu ni, i ɔmati yakiiri bu wo, wo su má bu su abuka má bu ni juma ni. ³⁹ Do na akuruwa bambaka aba bu afien, na ba kpaaki ayaki bu bengɔ, na Banabasi afa Marako abuka i ɔu su, na ba fa lee bambaka ako Sipurusi asien n su, ⁴⁰ na Pɔɔlu gusu afa Silasi ka i su i su, na yaradayofoɔm n atien bu noo asere Nyeme ama bu, ka bu di Mibie n ahoroɔma. ⁴¹ Na wo ko abara aye Siriya, ni Silisiya aworem n nu, na wo ma Kristo jama n ahoresi.

16

Kabo Timoti, ni Pɔɔlu, ni Silasi nati yoori juma ni

¹ Na Pɔɔlu anati haari na wo ko aju Derebi, ni Lisitira mie kpirim n nu, soɔo be woori do, i ti Kristo susufo o, bu fere i ka Timoti. I ni ti Yudafoɔ bara bo wo yo Kristo yarada wo,

tiide, wɔɔ ni u dikafɔm kere.” ³² Na ba kan Mibiɛ n noaniɛ n akere i, i ni bo bu wo i dika n kere. ³³ Nyini cɛn n konguɛ n kere, na dansaraka niɛfɔ n afa Pɔɔlu ni Silasi ako, na wɔ kɔ anɔmisi bu kani n kere, na ba kaba abie yiri ni i dikafɔm kere Nyeme nzue. ³⁴ Do na wɔ fa bu ako i dika, na wɔ ma bu diire, na ba di. Na yiri ni i dikafɔm kere ahore ajo agaya ka ba yo Nyeme yarada n dɛɛ ti.

³⁵ Alecin ngarama, na jɔredifom n asunna npulisim ka bu kɔ se dansaraka niɛfɔ n ka i yaki nyini minem nu ji na bu kɔ. ³⁶ Nyini ti, na dansaraka niɛfɔ n asere Pɔɔlu ka, “Jɔredifom n ama nɔɔ ka ya yaki am na am kɔ. Nyini ti, am kɔ ni ahoreda.” ³⁷ Ama, na Pɔɔlu ase npulisim ni ka, “Haari ni bo ya ti Romafom ni, ba di mǎ ya jɔre anju mǎ ya ngasi be, na ba bo ya jama n kere nyunu, na ba nyi ya dansaraka. Ye kisa bu sukoro ka bu fie yi ya ji benle, nzen se? Nyini koro yo mǎ, mǎ ka bere ni bu tii aba na bu ba yi ya ji.” ³⁸ Na npulisim n ako ase jɔredifom ni. Bu tiiri ka Pɔɔlu ni Silasi ti Romafom ni, na sere ati bu. ³⁹ Nyini ti, na ba ba atara Pɔɔlu ni Silasi jaa, na ba nya ayi bu afite dansaraka n nu, na ba sere bu jande ka bu fite mie n nu. ⁴⁰ Na ba fite dansaraka sɔɔ n nu, na ba kaaki ako Lidiya dika, na ba kɔ anju yaradayofom ni, na ba ma bu ahoresi, na ba nya afite mie n nu ako.

17

Kabo Pɔɔlu kɔɔri Tesalonika mie kpiri n nu ni

¹ Na Pɔɔlu ni Silasi afa asin Amfipolisi, ni Apoloniya mie kpirim su, na ba kɔ aju Tesalonika mie kpiri n nu. Yudafom tientienbunɔɔ sɔɔ wo do. ² Nyini ti, kabo i nati yo ni, na Pɔɔlu awura bu tientienbunɔɔ sɔɔ n nu ako aju Njumiyi cɛn nсан, na i ni bere subo anzama fa kɔ Nyeme Jɔre Kadasi n su, ³ na i sukan, na i suyi i bu kere bu, kabo wo yo daka ka Kristo Tiidefɔ n ba di wahara na i tenge i yiwee nu ni. Na wo se bu ka, “Yiri Kristo Tiidefɔ n la Yesu n bo m kan i jɔre kere am ni.” ⁴ Na Yudafom nbem ade jɔre n bo Pɔɔlu kaanri i ni, ni Girikifom beberebe bo bu su Nyeme ni, ni nbaram beberebe bo bu la anyunuyi ni, na bu kere afa bu ŋu amata Pɔɔlu ni Silasi. ⁵ Ama, na Yudafom n asi bu kɔre agaya, na ba fere minem ngbɛɛnngbɛɛn nbem bo bu la mǎ kperɛ na bu nati tana gɔɔsu ni, na ba tien jama dongu nɔɔ. Na ba kpisi mie ni, na ba kɔ sonɔ be bo bu fere i ka Jason n dika, ako ajina i dika anɔ nu, deke bo Pɔɔlu ni Silasi wo ni, na bu sutientien ka i yi bu ma bu na bu fa bu kɔ jama n nu. ⁶ Ama, bu kɔ nienieɛri na ba ŋu mǎ bu ni, na ba tara Jason ni yaradayofɔ nbem acin bu afa bu ako mie n nu yikofom do, na bu sutien suse ka, “Ahin minem n bo ba saaki durunya n abara aye ni, aba ya mie n nu fen, ⁷ haari Jason ade bu awura i dika. Ba kete Romafom fɛme kpiri n noaniɛ n bo wɔ fa ama ka ya su i su ni, bu ŋa fɛme be wo bere bekun, bo bu fere i ka Yesu.” ⁸ Bu seeri sɔ ni, na wɔ ye yikofom ni jama n ahore su. ⁹ Na yikofom n akpie Jason ni i bengum kɔbuka, na ba tɔ kaari, na ba nya ayaki bu aji.

Kabo Pɔɔlu woori Beriya mie kpiri n nu ni

¹⁰ Nyini cɛn n konguɛ n kere, na yaradayofom n ase Pɔɔlu ni Silasi atin nu ako aju mie kpiri be bo bu fere i ka Beriya n su. Bu kɔ juuri do n na ba kɔ awura Yudafom tientienbunɔɔ sɔɔ n nu. ¹¹ Do dɛɛ Yudafom joko n ti kpa tara bere n bo bu wo Tesalonika mie kpiri n nu ni. Bu soori bu sui wo ni nahore su, na ba ti kereewa n bo bu kere bu ni, na ale kere bo i cin, bere ni bu tii kan Nyeme Jɔre Kadasi n wɔ, na bu nie ka, deke n bo Pɔɔlu sukere bu n ti nahore wo, nzen i ti mǎ nahore. ¹² Na Yudafom ni dongu ayo yarada, fa sanja ni Girikifom beberebe, nbaram bo bu la anyunuyi n ni nbiesom. ¹³ Ama, sanja bo Yudafom bo bu wo Tesalonika n tiiri ka Pɔɔlu ako akan Nyeme jɔre Beriya do gusu ni, na ba ba do aba awura minem bu sin, na ba ye bu yaa su. ¹⁴ Kpenja na yaradayofom n ayo ndende afa Pɔɔlu ako ase haari tieku n nɔɔ su, ama, na Silasi ni Timoti yiri aka Beriya do. ¹⁵ Na minem n bo bu seeri Pɔɔlu atin nu ni, afa i ako aju haari mie kpiri be bo bu fere i ka Atensi n su. Bu kpieeri bu nyi suko ni, na Pɔɔlu akaari bu ka bu kɔ se Silasi ni Timoti ka bu bra na bu ba tu i do ndende.

Kabo Pɔɔlu kɔɔri Atensi mie kpiri n nu ni

¹⁶ Sanja bo Pɔɔlu wo Atensi mie kpiri n nu sunminda Silasi ni Timoti ni, na i ahore asaaki agaya kabo i juuri ka amɔɛm asunnu mie n nu ni. ¹⁷ Nyini dɛɛ ti, na wɔ kɔ awura Yudafom tientienbunɔɔ sɔɔ n nu, na i ni bere, ni minem bo bu ti mǎ Yudafom na bu su Nyeme ni, subo anzama. Na i suko gɔɔsu cɛn n kere cɛn, na i sukan kere minem bo bu wo do ni. ¹⁸ Sifom asese nbem wo mie n nu, bu fere bu kun ka Epikurifom, na bu fere nyinja n ka Sitowafom, na bu suse akuruwa ni Pɔɔlu, na bu nbem abisa ka, “Ye ahin jɔre beberebefɔ n ŋa se wɔ lɛɛ?” Na bu nbem abɔ nu ka, “I jojo fa kɔ amɔɛ fɔfɔre nbem jɔre wɔ.” Deke bo i ti na bu seeri sɔ n la ka, Pɔɔlu sukan Yesu ni yiwee tenge n

su jore wo. ¹⁹ Na ba fa Pɔɔlu ako awɔre be bo bu fere i ka Aropagɔsi na bu tien bu nɔɔ di jɔre n nu. Na ba se i ka, “A koro kere ya na ya ti ahin kereewa fɔfɔre n bo a sufa kere n bu?” ²⁰ Ahin kereewa n bo a sukere i ni, ya si má i, ya koro ka a ma ya ti i bu wo.” ²¹ Dama Atensifɔm ni wɔfɔm bo bu wo mie n nu n deɛ la ka, sanɔa kere bu sukan na bu suti kereewa fɔfɔrem wo.

²² Na Pɔɔlu ayasu ajina mie n nu tereterefɔm n afien, na wo se ka, “Ma ɔu kabo ambere Atensifɔm su amɔem na am yo munzue sam ni anyumboro. ²³ Dama kabo m nati bara ye nie yi kɔresi ni, ma ɔu dekem bo am su bu ni, na ma ɔu bimbindi be bo am akere su ka, ‘Nyeme n bo ya si má i n deɛ woobiri lee.’ Tɔ, yiri n bo am su i na am si má i ni, yiri ye m kan i jore kere am a. ²⁴ Nyeme bo i yiiri durunya n ni deke n kere bo i wo nu ni, yiri ti angoro ni asienɔu kere Mibie a, i wura má amɔe soom bo adamande afa i saa ata bu n nu na i da. ²⁵ Sasu bekun, i fun má deke be bo i se adamande ka i yo ma i, dama yiri ni i ti ma adamande ngɔɔ ni numi a, ni deke n kere a. ²⁶ Yiri ma adamande n kere fite soɔ kun busu n nu wo, na wo ma ba tere ade durunya n kere. Na wo nya akpama sanɔa sanɔa ama bu kere, na wo kaaki akere bu kabo bu asien nyaari ti. ²⁷ Deke n bo i ti na i yoori so n la ka, bu bá turingi niɛniɛ i busu na beni bu ɔu i. Ama, haari ni nyini mmɔɔ ni, i wo má dede ni yere kere be. ²⁸ Dama yiri deɛ ti ye ya la ngɔɔ ye ya wo bere ye ya nati a. Kabo am juedifo nbem gusu ase ni, ka, ‘Yere mmɔɔ ti i nbaam wo.’

²⁹ Nyini deɛ ti, kabo ya nya ti Nyeme nbaam ni, má ya sunsun ka i woowa ti ka sika, wara jete, wara yabue nyunyumi, wara deke be bo juma sifɔm afa bu alecira ayo i. ³⁰ Dawa sanɔa ni, Nyeme ayo anie má minem fa ko bu sayoowam su, dama bu yo si má. Ama, kisa, wo ma nɔɔ ka soɔ kere bo i wo deke kere kaaki i wo na i yaki i satie. ³¹ Dama wo du mo akpama ceɛn na wo yi soɔ be ka i bá di durunya n nufɔm jore ni nahɔre. Deke bo i kere ya kere ka i bá yo so n la bo i tengeeri i yiwee n nu ni.”

³² Sanɔa bo bu tiiri ka Pɔɔlu sukan fa ko yiwee tenje n su n jore ni, na bu nbem ayo i anzasi. Ama, na bu nbem ase ka, “Ya koro ka a kaaki ba kan ahin jore n bekun na ya ti.” ³³ Do na Pɔɔlu ako ayaki bu. ³⁴ Na bu nbem asu i su na ba yo yarada. Bere la Diyonusiyɔsi, i ti Aropagɔsifɔm n nu kun wo, ni bara be bo bu fere i ka Damarisi ni, ni minem nbem.

18

Kabo Pɔɔlu kɔri Korinto mie kpiri n nu ni

¹ Nyini sin, na Pɔɔlu afite Atensi mie kpiri n nu, na wo ko Korinto mie kpiri n nu. ² Na wo ko atu Yudafo soɔ be do, bu fere i ka Akuyila, i ti Pontusi asien su fɔɔ, i ni i yi, bu fere i ka Pirusila, bu fiteeri Itali asien su baari a, wo nya ce má ye Pɔɔlu ɔuuri bu n a, dama Romafoɔm feme kpiri n bo bu fere i ka Kalodisi n ama nɔɔ ka Yudafoɔm kere fite i asien n su. Nyini deɛ ti, na Pɔɔlu ako ka i ko nie bu busu, ³ na wo ko aseke bu wɔfo, na i ni bere asanɔa ayo juma, dama bu kere ti jerekem ni tani wufɔm wo. ⁴ Na Numiya ceɛn kere, i suwura bu tientienbunɔɔ soɔ n nu, na i subo anzama ni bere, ni Girikifɔm kere, adena i kaaki bu sunsunni na bu yo yarada.

⁵ Sanɔa bo Silasi ni Timoti fiteeri Makedoniya awɔre n nu ba juuri ni, Pɔɔlu nyunu aboro ni labari kpa n jore kan su ɔgumi wo. Na i sukere Yudafoɔm n ka, Yesu ti Kristo n a, Tiidefoɔ n bo Nyeme ase ka i súnma i ni. ⁶ Ama, Yudafoɔm n keteeri i noanie n wo, na ba kpie i nzuko. Nyini deɛ ti, na wo kponkpon i sutura wuraawa tuturi ago bu ɔu, na wo se bu ka, “Ambere, nzen am nya má tiide, i ti am deɛ jore wo, má m deɛ. Fite kisa fa ko, m ko minem bo bu ti má Yudafoɔm n do o lee.” ⁷ Do na Pɔɔlu afite tientienbunɔɔ soɔ n nu ayaki bu, na wo ko soɔ be dika, i ti má Yudafo, ama, i su Nyeme wo, bu fere i ka, Titosi Jusitosi, i dika n mata tientienbunɔɔ soɔ n wo. ⁸ Na soɔ n be bo bu fere i ka Kirisipusi na i ti bu tientienbunɔɔ soɔ n kpian n ayo Mibie n yarada, i ni i dikafɔm kere, na Korintofɔm dangu bo bu tiiri labari n bo Pɔɔlu kaanri i ni, na bu kere ayo yarada, na ba bie bu Nyeme nzue.

⁹ Ceɛn n be kongue soɔ, na Mibie n ajojo Pɔɔlu do ka alele nu deɛ su, i ɔa, “Má a soro sere, ama, ko su na a sukan labari kpa n kere bu, má a mo u nɔɔ, ¹⁰ dama m wo u do. Be koro fa má i saa kan má u na i yo u pui. Nie fen, m la mine beberebe mie n nu fen bo bu ti m deɛ.” ¹¹ Na wo wo bu do ako aju afo kun ni kpaaki nu, na i sukere bu Nyeme noanie ni.

¹² Tɔ, bu wo bere na soɔ n be bo bu fere i ka Galiyo n aba adi Akaya awɔre n nu gomina. Nyini sanɔa n na Yudafoɔm kere nɔɔ ayo kun, na ba kete Pɔɔlu ɔu na ba fa i ako jore diibiri. ¹³ Na ba se ka, “Ahin soɔ ni suboro i nyi sukere minem kereewa bo i wo i ɔgumi ni Nyeme noanie kpamaawa ni.” ¹⁴ Sanɔa bo Pɔɔlu tekeeri i nɔɔ ka i jojo ni, na

Gomina Galiyo ase Yudafoṁ ka, “Nzen má i ti ka wó yo satie be, wara wo do ngasi be, ye am sujaraki i a, má m ti i bu ma am. ¹⁵ Ama, kabo i nya ti bisaawam fa ko noaniem, ni dumam, ni am dee noanie kpamaawam n su ni, ambere ni am tii ko yo i doṅgu. Mini, m koro di má nyini jore ni.” ¹⁶ Na wó ma ba fon ayi bu afite jore diibiri soṁ n nu. ¹⁷ Na bu kere akaba ato soṁ n bo bu fere i ka Sositeni n ṅu na bu subo i wó, jore diibiri n nyunu bere, yiri ti tientienbunoo soṁ nkpien a. Ama, Gomina Galiyo cece awo má nyini n be nu.

Kabo Póolu kpieeri i nyi kóori Antiyoki mie kpiri n nu ni

¹⁸ Na Póolu awo Kórinto mie kpiri n nu ace, nyini sin na wó kaari yaradayofom ni na i ni Pirisila ni Akuyila ako. Bu ko juuri mie kpiri n bo bu fere i ka Kenciriya n su ni, na Póolu ayi i tii do, dama wo du mo atan ndie n dee ti. Na ba wura lee bambaka be nu do, i sukó Siriya awore n nu. ¹⁹ Bu ko juuri Efeso mie kpiri n nu ni, na wo yaki Pirisila ni Akuyila do, ama, na yiri ako awura Yudafoṁ tientienbunoo soṁ n nu, na i ni bere abo anzama fa ko labari kpa n su. ²⁰ Na ba sere i ka i wo bu do lennyo, ama, wo soro má su. ²¹ Na wo sere bu atin na wo kaari bu, na wo se bu ka, “Nzen Nyeme maari m atin, m kpie m nyi ba am do.” Na wo yasu Efeso do, na wo fa lee bambaka ako. ²² Sangá bo i ko juuri Sizariya mie kpiri n nu ni, na wo sin ako Yerusalem mie kpiri n nu ako ayo Kristo jama n anse, na wo nya ko Antiyoki mie kpiri n nu. ²³ Na wo yo lennyo do, na wo nya akaaki ayasu do, abara aye mie miem bo bu wo Galatiya, ni Firigiya dee aworem n nu n kere, na wo ma yaradayofom n kere ahoresi.

Kabo Apolosi kóori Efeso ni Kórinto mie kpirim n nu ni

²⁴ Nyini sangá ni, Yudafo soṁ be aba Efeso mie kpiri n nu, bu fere i ka Apolosi, bu wuuri i Alekizanderiya mie kpiri n nu wo. I yo la si fa ko Nyeme Jore Kadasi n su, na i koro jojo nahore su. ²⁵ Ba du mo akere i kereewam fa ko Mibie n dee atin su, na i ahore abi na i ṅunie ti nyakanyaka, na i sukan na i kere minem Yesu jore nahore su. Ama, i si má nzue bieewa be, má ka Yohane dee Nyeme nzue bieewa ni ṅgumi. ²⁶ Na wo bo i bu na i sukan i ni ahoresi Yudafoṁ tientienbunoo soṁ n nu. Sangá bo Pirisila ni Akuyila tiiri i kereewam n so ni, na ba fa i ako awuru, na ba kere i Nyeme atin n su jore nyunyumi abuka su. ²⁷ Nyini sin, na Apolosi akoro ka i ko Akaya awore n nu, na yaradayofom ni bo bu wo Efeso n ama i ahoresi, na ba kere kadasi ama bu ninbaam bo bu wo Akaya n ka bu de i wofó nyunyumi. Sangá bo i ko juuri do ni, na wo buka minem bo Nyeme dee ahoroma n nu na ba yo yarada ni. ²⁸ Na Yudafoṁ seeri akuruwa n dee ti, na wo fa Nyeme Jore Kadasi n na wo kan ayi bu fieo fieo jama n kere nyunu, ka, Yesu ti Kristo n a, Tiidefo n bo Nyeme ase ka i sunma i ni.

19

Kabo Póolu kóori Efeso mie kpiri n nu ni

¹ Sangá bo Apolosi toko wo Kórinto mie kpiri n nu ni, na Póolu anati abara aye do dee aheme mie miem n kere su, haari na wo ko aju Efeso mie kpiri n nu. Do na wo ko atu Yesu susufó nbem, ² na wo bisa bu ka, “Sangá bo am yoori yarada ni, Awiewie Casi n awura am ṅu?” Na ba bo i nu ka, “Ai, ya nya ti má ka Awiewie Casi wo bere mmoo.” ³ Do na Póolu abisa bu ka, “Ye nzu Nyeme nzue ye bu bieeri am a?” Na ba bo i nu ka, “Bu bieeri ya Yohane dee nzue bieewa n wo.” ⁴ Na Póolu ase bu ka, “Yohane nzue bieewa n bu la ka, mine kaaki bu wo na bu yaki bu satie wo. Na wo se minem n ka bu yo soṁ n bo i wo i sin suba n yarada, yiri la Yesu.” ⁵ Bu tiiri nyini n so wieeri ni, na ba bie bu Nyeme nzue ya Mibie Yesu n dee duma nu. ⁶ Na Póolu afa i saa anana bu ṅu, na Awiewie Casi n awura bu ṅu. Na ba jojo anie barasu barasu nbem, na ba kan Nyeme noanie akere minem. ⁷ Bu kere ko yasuri nbiesom buru ni nnyo o.

⁸ Na wo wo do haari sara nshan, na Numiya ceen kere, na i suwura bu tientienbunoo soṁ n nu, na i sukan kere bu fa ko Nyeme femeya n su ni ahoresi, na i ni bere subo anzama, na wo boro i nyi akere bu ka, kabo i kan n ti nahore wo. ⁹ Ama, na wo nbem afa ahorembaa kekereke, na ba kete ka bu yo má yarada. Na ba jojo jore tie fa ko Mibie n dee atin n su, jama n kere nyunu. Nyini ti, na Póolu ayaki bu, na wo fa yaradayofom n afite ako Tiranusi tientienbunoo soṁ bambaka n nu, na i ni bere sutien bu nso subo anzama, fa ko Yesu dee atin n su ceen n kere ceen. ¹⁰ Póolu bitaari i so o, haari afo nnyo, na minem kere bo bu wo Esiya dee awore n nu n ati Mibie n noanie ni, bo bu ti Yudafoṁ, ni bo bu ti má Yudafoṁ n kere.

Sikeva nbaabiesom n jore

¹¹ Na Nyeme ama Póolu ayo alekutura sam bo bu la má ṅusu. ¹² Haari na sanvuinm ni suturam kere bo ba kan i ṅunie, na bu fa ko nana tukpakifom ṅu, bu nya laifie wo,

na ajinim fite yaki minem bo bu wo bu nyi ni. ¹³ Na Yudafoṃ nbem bo bere gusu nati jengbe fon yi ajinim fite minem nyi ni, aboro bu nyi ka bu fa Yesu duma n fon yi ajinim. Bu ŋa, “Yesu n bo Pɔɔlu kan i jore n dee duma nu, ye m se am ka am fite yaki sɔno n a.” ¹⁴ Yudafoṃ mine nso nbem nati yo nyini sam n a. Bere la Nyeme sayoowa donɔɔyofom n kere kpian be bo bu fere i ka Sikeva n dee nbaabiesom ni.

¹⁵ Ama, na ajini n ase bu ka, “M si Yesu, na m kaaki si Pɔɔlu, ama, ye ambere la ŋma n wo?” ¹⁶ Na sɔno n bo ajini n wo i nyi ni, ato bu nyi na wo kunma bu kere fanga, na wo bo bu na wo ma bu mandim, na ba ŋmati afite i dika n nu bu bu ngbeen. ¹⁷ Saŋga bo Yudafoṃ ni minem bo bu ti ma Yudafoṃ na bu wo Efeso mie kpiri n nu n kere tiiri nyini sa n so ni, na sere ati bu, na ba kansi Mibie Yesu ni duma agaya. ¹⁸ Na mine donɔɔ bo ba yo yarada n afite ajina, na ba kan bu ngasim ni bu satiem kere bo ba yo bu n akere jama ni. ¹⁹ Na mine donɔɔ bo bu nati yo boboyaya juma n afa bu boboyaya kadasim ni, na ba tien bu nɔɔ jama n kere nyunu, na ba yara bu kere. Kadasim n kere bo bu yaraari bu ni, i ŋwaa sunnu agaya, bu buuri i akunta, i kere ko yasuari bu dee jete ŋwaa akpii aburun wo. ²⁰ Nyini n dee ti, na mine beberebe ati Mibie n noanie ni, na wo sandi abara ye ni fanga.

Kabo minem tientien yoori nanmie Efeso mie kpiri n nu ni

²¹ Nyini n kere sin, na Pɔɔlu afa sunsunni ka i ko Makedoniya ni Akaya dee aworem n nu, na i nya sin ko Yerusalem mie kpiri n nu. Na wo se ka, “Nzen m nya ŋuuri m natiiri n kere nyaari, wo yo daka ka m ko Roma mie kpiri n nu gusu.” ²² Na wo sunma i bukafɔ nnyom ni, bere la Timoti ni Irasitusi ka bu ko Makedoniya, na yiri aka Esiya dee awore n nu, ayo lennyo.

²³ Nyini saŋga n ye Mibie n atin n su su n ayo jore agaya Efeso mie kpiri n nu n a. ²⁴ Jete tunmi be yo wo do, bu fere i ka Demetirosi, i fa jete wo, na i fa yo so kan kanm, bu ti ka amoe n bo bu fere i ka Atemisi n wo, na i sufa to ma minem. Na minem bo bu yo nyini juma n anya kpere beberebe afite nu. ²⁵ To, na yiri Demetirosi afere minem bo bu yo nyini juma atien bu nɔɔ, na wo se bu ka, “Njam, am si ka ya nya ya dee ajeke kere fite ahin juma n bo ya yo i n nu wo e. ²⁶ Yiri Pɔɔlu ni, kisa, am anju i e, am ati kabo wo koro akan ateke mine beberebe nyi ni, ma bo bu wo Efeso fen ngumi, ama, ni bo bu wo Esiya dee awore n nu kere, i ŋa amcem bo adamandem yo bu n ti ma nyeme ni. ²⁷ Nyini n bo i wo su ni, nzen ya yakiiri na i yo so o, ya juma n bo ya yo i ni, i ka ngbeen wo. Ma nyini ngumi, ama, minem fa ma ya amoe kpiri Atemisi soo n nu ma pii, dama yiri Atemisi n ye minem bo bu wo Esiya awore n nu ni durunya n nufom kere su yiri wo. I nya yoori so, Atemisi fun nyini jirima n wo lee.”

²⁸ Jama n tiiri ahin jojoowa n so ni, na yaa ati bu, na ba tien kpa, bu ŋa, “Yere Efesofom dee amoe Atemisi ni, yiri ti yikofa a.” ²⁹ Na mie n abo nu, na minem suyo nanmie. Na jama n akaba ako atara Gayosi ni Arisitakusi, bere bo bu suuri Pɔɔlu su fiteeri Makedoniya baari ni. Na ba cin bu ako tientienbunoo fofoe paa n nu. ³⁰ Ma Pɔɔlu ni i tii koroori ka i ko deke bo jama n atien bu nɔɔ n wo, na i jojo bu do, ama, yaradayofom n asoro ma i su. ³¹ Haari na nyini awore n nu yikofom bo bu ti i danfom n asunma asere i jande ka ma i ko tientienbunoo fofoe n nu. ³² Nyini saŋga n kere ni, bu nyunu ata, na jama n sutientien, suyo nanmie, nbem ŋa so, nbem gusu ŋa ahin, ama, bu donɔɔ asi ma deke n bo i ti na ba ba atien bu nɔɔ ni. ³³ Na Yudafoṃ asun sɔno be bo bu fere i ka Alekizanda n adu jama n nyunu, nyini dee ti, mine nbem sunsun ka yiri faari nyini sam n kere baari a. Do na wo ye i saa su ka jama n yaki nanmie, na i sukan na minem si deke bo i wo nu. ³⁴ Ama, saŋga bo bu faari nu ka i ti Yudafoṃ ni, na bu kere atien kungerekun, bu ŋa, “Yere Efesofom dee amoe Atemisi ni, yiri ti yikofa a.” Ba tientien so o ace haari saŋga su. ³⁵ Na sɔno be bo i ti bu mie n nu kadasi kerefo n aba bu do, na wo se bu ka, “Am yaki nanmie.” Do na wo nya se bu ka, “Ambere Efesofom, am ti fen, ŋma wo bere bo i si ma ka Efesofom nie Atemisi amoe kpiri soo n ni yabue n bo i fiteeri angoro toori n su a?” ³⁶ Sɔno be wo ma bere bo i koro se ka ahin jore n ti ma nahore. Nyini ti, wo yo daka ka am tara am nyi, ma am koro nde yo sa be bo i kunma am. ³⁷ Ahin minem bo am afa bu aba fen ni, ba wo ma puitiripui afite ma amoe soo n nu, ba kaaki akpie ma nzuko be ajaraki ma ya amoe ni. ³⁸ Nzen Demetirosi ni i benɔɔ jumayofom ni, la jaraki fa ko bu be do, joredifom ni gomina nkpienkpienn wo bere, bu koro jaraki nyini minem bu do. ³⁹ Ama, nzen sa be wo bere buka su na am koro ka ya yo i donɔɔ a, am fa bra saŋga bo mie n nu jama n kere la bu tientienbunoo ni. ⁴⁰ Nanmie n bo am ayo i nyuma ni, i la ma kpere, i koro fa ya wura jore nu, dama ya koro kan ma deke n bo i ti na am ayo so ni. ⁴¹ I jojoori so wieri ni, na wo ma jama n asandi.

20

Kabo Pɔɔlu kɔɔri Makedoniya ni Girikifom deɛ awɔre n nu ni

¹ Minem ni yoori nanmie n wieweri ni, na Pɔɔlu afere yaradayofom n atien bu nɔɔ, na wo ma bu ahoresi, na wo kaari bu, na wo ko Makedoniya awore n nu. ² Na wo fa nyini awore n kere nu, na wo jojo yaradayofom kere do, na wo ma bu ahoresi, na wo fa do ako aju Girikifom deɛ awore n nu, ³ na wo wo do haari sara nsan. Na sanja bo i wo sesesu su ka i ko Siriya awore n nu ni, na wo ti ka Yudafoɔm akpa bu ŋu ako anjinda i atin nu, nyini deɛ ti, na wo yo i sunsunni ka i kpie i nyi fa Makedoniya a. ⁴ Na mine nbem asu i su ako, bere la Sopateri bo bu fere i si ka Pirihusi na i fite Beriya mie kpiri n nu ni, ni Arisitakusi, ni Sekundosi bo bu fite Tesalonika mie kpiri n nu ni, ni Gayosi bo i fite Derebi mie kpiri n nu ni, ni Tikikusi, ni Torofimosi bo bu fite Esiya deɛ awore n nu ni, ni Timoti. ⁵ Na bere kere adu mo ako anjinda ya Tɔrasi mie kpiri n nu. ⁶ Na yere aka Filipiya mie kpiri n nu, haari na Yudafoɔm aba adi bu ceenkpiri n asin, bo bu di i ni kpono na bu go ma ayiri nu na i yasu ni, na ya nya afa lee bambaka, na i lennu ceen na ya ko atu bu Tɔrasi, na ya wo do ako aju lesu.

Kabo Pɔɔlu kɔɔri Tɔrasi mie kpiri n nu awieweri su ni

⁷ Na Yudafoɔm bakue n bumboori, mone ceen, na ya kere atien ya nɔɔ ka ya sanja di diire. Na Pɔɔlu ajojo minem do, haari kongue jinanjin, dama i koroori ka nyini ceen alecin i kaari bu wo, na i ko yaki bu. ⁸ Ya tieɛnri ya nɔɔ angoro soɔ be nu wo, fitanam sunnu nu do. ⁹ Na gbefene be, bu fere i ka Itikusi, na wo fun atana soɔ angoro nsan n tukoro n su, na daafiri ati i. Pɔɔlu jojo ceeri na wo daafi, na wo fite angoro aba ato asiɛngu. Bu jura ko maari i su ni, nyini sanja wo wu. ¹⁰ Na Pɔɔlu ajura ako asiɛngu, na wo fun abutu i ŋu, na wo fa i saa abara aye i, na wo se bu ka, "Ma am ma sere ti am, dama i la ngɔɔ." ¹¹ Do na Pɔɔlu akpie i nyi afun ako angoro soɔ n nu do, na i ni bere kere asanga adi diire, na ba bo anzama, haari ale ako acin, na wo kaari bu na wo ko. ¹² Na ba nya afa gbefene n ako awuru ni laifie, na bu ahore ajo ako asin su.

Kabo Pɔɔlu fiteeri Tɔrasi kɔɔri Miletosi ni

¹³ Na Pɔɔlu afa sesesu ka yere fa lee bambaka du mo o, na yiri nati na ya ni yiri ko saa nu Asosi mie kpiri n nu. ¹⁴ Sanga bo i ba tuuri ya do ni, na wo wura lee n nu, na ya ni yiri kere ako mie kpiri n bo bu fere i ka Mitulene n su. ¹⁵ Na ya yasu do, i alecin, na ya ko dodo lui bambaka n bo bu fere i ka Kiyosi n su. Na i alecin bekun, na ya ko aju lui bambaka nyinga n bo bu fere i ka Samosi, na i alecin fofore, na ya ko aju mie kpiri n bo bu fere i ka Miletosi n su. ¹⁶ Na Pɔɔlu aboro i nyi ka i ju Yerusalem mie kpiri n nu ka, na bu di Pentekoti ceenkpiri ni, nyini ti, wo koro ma ka i ce Esiya deɛ awore nu, na wo san asin Efeso mie kpiri n deɛ bue ni.

Kabo Pɔɔlu kaariiri Efeso deɛ Kristo jama nkpienkpienn ni

¹⁷ Sanga bo Pɔɔlu wo Miletosi mie kpiri n nu ni, na wo sunma afere Kristo jama nkpienkpienn bo bu wo Efeso mie kpiri n nu n ka bu ma bu ni yiri ye. ¹⁸ Sanga bo bu ba juuri i do ni, na wo se bu ka, "Amberɛ ni am tii si kabo m woowa ti barasu, sangka kere bo m woori am do ni, fite ceen gbingbin n bo m ka bu juuri Esiya awore n nu ni. ¹⁹ M yoori m ŋu kaan wo, na ma yo Mibie n juma n ni nyunvuin. Haari ni bo Yudafoɔm seseeri su ka bu kere m wuwuruwa barasu n kere ni, m mindi deeri i wo. ²⁰ Am si ka deke kere bo i ti kpa na i buka am ni, m kaanri i kereeri am wo jama n kere nyunu, ma fa afie ma am su, na m sunati awuru awurum n kere nu na m sukere am. ²¹ M kan kereeri Yudafoɔm ni bo bu ti ma Yudafoɔm n kere wo, ka bu kaaki bu wo fa ko Nyeme do, na bu yo ya Mibie Yesu n yarada. ²² To, kisa Awiewie Casi ni ma m suko Yerusalem mie kpiri n nu n a, ama, m gusu si ma deke bo i ko yo m do. ²³ Deke bo m si i n la ka, mie kere bo m ko su ni, Awiewie Casi n se m ka bu kere m wuwuruwa, na bu nyi m dansaraka. ²⁴ Ama, m fa ma m tienɛngu ngɔɔ yo ma pui. Deke bo i kpie m daafiri n kere la ka, ma ka ma yo juma n bo Mibie Yesu n afa ama m n awie. Yiri la ka, m kan labari kpa n fa ko Nyeme ahoroma n bo wo fa ama minem ni.

²⁵ Kisa m si ka am be mmɔɔ ŋu ma m kun, amberɛ bo m yo nati am nu kan Nyeme jore fa ko i femeya n su kere am ni. ²⁶ Nyini deɛ ti, m suse am wo lee nyuma, ka woro kere bo a kaari ngbeen, i ti ma m jore. ²⁷ Dama deke kere bo Nyeme koroori ka am yo i ni, ma fa afie ma am su, ma kan i akere am. ²⁸ Nyini ti, am bita am ŋu nyunyumi, na am kaaki nie Kristo jama minem kere su, bere bo Awiewie Casi n afa ama am ka am nie bu dika ni, kabo boesasafu nie i nbœm su ni. Nyini minem ye Nyeme faari i tienɛngu Wa mbunja deeri bu juiri n a. ²⁹ M si tenle su ka m ko yakiiri am, mine tiem ba wura am nu, kabo bedi wura nbœm nu sandi bu n wo. ³⁰ Haari na am deɛ minem nbem bo bu wo am nu fen ni, bu ba kaaki nahore ni, na bu dadaka yaradayofom nbem na bu su bu

dɛɛ atin n su. ³¹ Nyini dɛɛ ti, am kpa am ŋu, na am tenge su ka afo nsan lɛɛ bo m nati bobo am ni nyunvuin, kongue ni wiesu. ³² Kisa, m sufa am wura Nyeme saa nu wo lɛɛ, na i nie am dika, na m kaaki fa am wura i dɛɛ noanie n bo i ma am ahoroma nu, na i buka am na i ma am nya deke n bo Nyeme ase ka i fa ma i tienjgu minem kere ni. ³³ M konviki awo ma be njwaa, wara sutura nu. ³⁴ Ambere mmoo ni am tii si ka m yo faari m saa yoori m juma a, ye m fa bukaari m ŋu ni m lamokom n kere a. ³⁵ Kabo ma yo juma n so ni, m sukere am ka am gusu yo i so o lɛɛ, na am buka yaarifom, na am tenge su kabo ya Mibie Yesu n ni i tii seeri ni. I ŋa, 'Terefie wo sono bo i ce aceeri n do tara sono bo i de aceeri ni.' " ³⁶ Sangga bo Pɔɔlu jojo wieeri ni, na i ni bere kere akutu bu jaa nangoroma su, na wo sere Nyeme. ³⁷ Na bu kere asun, na ba fa bu saa abara aye i, na ba biti i. ³⁸ Na bu ahore asaaki agaya, dama i seeri bu ka bu ŋu ma i kun. Na ba se i atin nu, na wo ko awura lee bambaka n nu.

21

Kabo Pɔɔlu kɔɔri Yerusalem ni

¹ Na ya kaari bu, na ya fa lee bambaka, na ya wo ya tii cein ako aju mie n bo i wo lui bambaka n su na bu fere i ka Kosi ni. Na i alecin na ya ko aju awore n bo bu fere i ka Rodesi ni, na ya fite do, na ya ko Patara mie kpiri n nu. ² Do na ya ŋu lee bambaka be ka i suko Fonisiya dɛɛ awore n nu, na ya wura i ako. ³ Ya suko ni, na ya ŋu Sipurusi lui bambaka ni, na ya yaki ya saa bie su, na ya sin ako Siriya awore n nu. Na ya nya ako ajina Tiro mie kpiri n nu, do ye bu yi bu soori n lee n nu a. ⁴ Na ya ko anienie Yesu susufom busu, na ya wo bu do lesu. Na Awiewie Casi n ama ba se Pɔɔlu ka ma i ko Yerusalem mie kpiri n nu. ⁵ Ama, ya yasu ceen n ba juuri ni, na ya fite ka ya ko, na bu ni bu yim, ni bu nbaam ase ya atin nu afite mie n nu ako tieku n so su. Do na ya ni bere kere akutu ya jaa nangoroma su, na ya sere Nyeme. ⁶ Nyini sin, na ya kaari ya bengu, na yere awura lee bambaka n nu, na bere gusu akpie bu nyi ako awuru.

⁷ Na ya fite Tiro ako aju mie kpiri n nu, na ya ko anie yaradayofom ni busu, na ya da bu do lekun. ⁸ I alecin fofore na ya fite bere ako aju Sizariya mie kpiri n nu. Do na ya ko awo sono be dika, bu fere i ka Filipu, i ti Nyeme jore kanfo o. Yiri bukaari mine nsom bo bu yo yiiri bu ka bu buka Kristo jama n bo bu wo Yerusalem n a. ⁹ I yo la nbaabaram nna a, bu be nya ja ma. Bere nati yo Nyeme noanie kanfo juma n a. ¹⁰ Ya woori do yoori lennyo, na Nyeme noanie kanfo be aba do, bu fere i ka Agabusi, i fite Yudiya awore n nu wo. ¹¹ Na wo ba ya do, na wo fa Pɔɔlu dambara, acici i dɛɛ jaam ni i saam. Na wo nya ase ka, "Awiewie Casi n ŋa o, kabo Yudafom bo bu wo Yerusalem ni cici ahin dambara n fo lɛɛ, na bu nya fa i ma minem bo bu ti ma Yudafom ni." ¹² Sangga bo ya tiiri nyini jore n so ni, na ya ni minem n bo bu wo do n asere Pɔɔlu jande ka ma i ko Yerusalem. ¹³ Ama, na wo bisa, "Nzu ti ye am suyo so na am saaki m ahore a? Mini, ma yo siriya na m ko Yerusalem, na bu ko cici m nyama, ma nyini ngumi, ama, haari na bu kun m, ya Mibie Yesu n dɛɛ ti." ¹⁴ I seeri so ni, ya koro akanda ma i ka ma i ko, na ya mo ya nso, na ya se i ka, "To, ma Mibie n dɛɛ koroowa yo."

¹⁵ Ya diiri lennyo do ni, nyini sin, na ya sese ya ŋu su, na ya nya ako Yerusalem. ¹⁶ Na Yesu susufom nbem bo bu fite Sizariya n asu ya su, na ba fa ya ako ka ya ko wo sono be dika, bu fere i ka Manesoni, i ti Sipurusif o, wo su Yesu dɛɛ atin n su ace.

Kabo Pɔɔlu ko niseri Yakobo busu ni

¹⁷ Sangga bo ya ko juuri Yerusalem mie kpiri n nu ni, na ya ninbaam n ade ya ni ahorejo nyunyumi. ¹⁸ I alecin na Pɔɔlu afa ya ako Yakobo do, na ya ko atu Kristo jama nkpienkpienm kere ka bu wo i do. ¹⁹ Ya bisaari ahin n wieeri ni, na Pɔɔlu akan deke n kere kun kun fa ko kabo Nyeme ma wo yo i juma ama minem bo bu ti ma Yudafom ni. ²⁰ Bu tiiri nyini noanie n so ni, na ba kansu Nyeme. Ama, na ba se i ka, "Ya niwa Pɔɔlu, m ŋa a ŋu Yudafom akpii beberebe bo bu wo ya nu fen na ba yo Yesu yarada, ye bu gusu nyunu aboro ka bu su Nyeme noanie kpamaawa n su. ²¹ Ba ti ka a kere Yudafom bo bu tana minem bo bu ti ma Yudafom n nu ni, ka ma bu su Nyeme noanie kpamaawa n bo Moyisi fa maari n su, ye a se bu ka ma bu wura bu nbaam kenkenne, na ma bu kaaki su Yudafom nana sayoowam su. ²² Nahore, bu ti ka a ba. Ye ya yo se wo? ²³ Ti fen, kabo ya yo n la ka, mine nna nbem wo ya nu fen bo ba tan ndie. ²⁴ Su bu su na a ko bie fin kabo bu yoowa kere ni, na a to bu tii su kaari, adena bu koro yi bu tii. Nyini ni ma sono kere si ka jore n kere bo bu kan i fa ko u do n ti kore wo, na bu si ka woro mmoo ni u tii su Nyeme noanie kpamaawa n su wo. ²⁵ Ama, minem bo bu ti ma Yudafom na ba yo yarada n yiri, ya kere kadasi ama bu, ka ma bu se ka bu di tie nie, wara mbunja, wara deke bo wo wu i ngumi na ba kpie ma i kom, na ma bu yo sakaraya." ²⁶ I alecin, na Pɔɔlu afa minem n ako na ba ko ayo fin bieewa yoowa ni, na wo nya awura Nyeme

Sereebiri Awuru n nu, na wo jojo akere Nyeme sayoowa donguyofom ni, eeen n bo bu ba bie fin n wie, na bu kun kun n kere yo bu tii su sayoowa ni.

Kabo bu taraari Pɔɔlu Nyeme Sereebiri Awuru n nu ni

²⁷ Sangha bo wo ka kaan na lesɔ eeen n wie ni, na Yudafo nbem afite Esiya dee awore n nu aba do, na ba nu Pɔɔlu Nyeme Sereebiri Awuru n nu. Na ba ye jama n kere ahore su, na ba tara Pɔɔlu. ²⁸ Na ba tien, bu na, "Yisarelifom, am buka ya. Ahin sono ni nati jengbe deke n kere kere minem kere o, ka ma bu bu Yisarelifom, ni Nyeme noanie kpamaawa ni, ni Nyeme Sereebiri Awuru ni. Ye wo kaaki afa minem bo bu ti ma Yudafo aba awura Nyeme Sereebiri Awuru n nu, na wo yo ahin woobiri casi n fin." ²⁹ Deke n bo i ti na bu seeri so n la ka, ba du mo anu Torofimosi bo i fite Efeso mie kpiri n nu ni, ni Pɔɔlu mie kunnu, nyini dee ti ye bu sunsuunri ka Pɔɔlu afa i awura Nyeme Sereebiri Awuru n nu n a. ³⁰ Na mie n abo nu, na minem kere anmati atien bu noo, na ba tara Pɔɔlu acin ayi i afite Nyeme Sereebiri Awuru n nu. Na ba kaba anyi Nyeme Sereebiri Awuru n ano ni ndende. ³¹ Ma bu koroori ka bu kun Pɔɔlu wo. Do na labari n atu Romafom sojam kere kprien n ka Yerusalem mie kpiri n abo nu. ³² Kpengga na wo yasu ndende, na wo fa sojam ni bu nkpienkpienm, na ba nmati aju do. Sangha bo jama n juuri soja kprien n i sojam ni, na ba yaki Pɔɔlu, ba bo ma i kun. ³³ Na sojam kprien n ako atara Pɔɔlu, na wo ma noo ka bu wura i joroko nnyo. Na wo bisa ka, "Ahin sono ti nzu sono o? Ye wo yo nzu wo?" ³⁴ Na jama ni nbem sutientien sujojo, bu jojowa n woori i ngumi ngumi wo, ba jojo ma jore kun. Bu nanmie dee ti, wo koro asi ma jore n bu. Na wo ma noo ka bu fa Pɔɔlu ko bere sojam dika bambaka n nu. ³⁵ Bu faari Pɔɔlu ko juuri bimbindi bo bu tientien su fun na bu wura gisan nu ni, na i boori i bu ka i fun ko soo n angoro ni, sojam n kukuuri i wo, dama jama n bieka n dee ti. ³⁶ Na bu sunmati su i su, sutien kpa, bu na, "Am kun i, am kun i."

Kabo Pɔɔlu kaanri i jore n kereeri jama n ni

³⁷ Sangha bo bu sukoro ka bu fa Pɔɔlu wura sojam dika bambaka n nu ni, na Pɔɔlu ase sojam kere kprien n ka, "Ma m kan jore be na a ti." Na sojam kere kprien n abisa i ka, "A ti Giriki anie?" ³⁸ Nyini yiri, a ti ma Ijipiti sono n bo i yo duuri mine akpii nna mo ka bu tu gomina n ni, na i faari nyini mine akpii nna n kere koori boro kpantain n nu ni." ³⁹ Na Pɔɔlu abo i nu ka, "Ai, mini, m ti Yudafo o, m ti miebaa a, m fite Tarasu wo, mie kpiri n bo i la duma na i wo Silisiya awore n nu ni. Jande, ma m jojo minem ni do." ⁴⁰ Na sojam kere kprien n ama i atin ka i jojo, na Pɔɔlu ajina bimbindi n bo bu tientien su fun na bu wura gisan nu ni, na wo fa i saa ayo minem n ka bu yaki nanmie. Na ba to amuna, na Pɔɔlu ajojo bu do Hiburu anie nu.

22

¹ I na, "M sim ni m ninbaam, am ti fen, m koro ka m kan m jore n na am ti." ² Sangha bo bu tiiri ka i sujojo bu do Hiburu anie nu ni, na ba yaki nanmie na ba mo bu noo surum. Na Pɔɔlu ase ka, ³ "M ti Yudafo o, bu wuuri m Tarasu mie kpiri n nu wo bo i wo Silisiya awore n nu ni, ama, bu taari m Yerusalem mie kpiri n nu fen wo, Gameli kereeri m kara a, ye m sonsoonri ya nam sayoowa atin n kere ni anyumboro. Na ma fa m nu kere ama Nyeme, kabo ambere bo am jina fen nyuma n afa am nu ama i ni." ⁴ Na ma kere minem bo bu su ahin atin n su n wuwuruwa, haari na ma kun bu nbem. Na ma tara bu nbiesom ni nbaram anyi bu dansaraka. ⁵ Nzen am bisaari Nyeme sayoowa donguyofom n kere kprien ni, ni tereterefom ni, bu se am ka noanie n bo m sujojo i n ti nahore wo. Haari na ba ma n kadasi ka m fa ko ma ya minem bo bu wo Damasiko mie kpiri n nu ni, adena m koro tara Yesu minem ni, na m wura bu joroko fa bu ba Yerusalem na bu ba cin bu sui."

Kabo Pɔɔlu kaanri kabo i kaakiiri i wo barasu ni

⁶ Na Pɔɔlu asa su ase bu ka, "Sangha bo m wo ko su n na m ko dodoori Damasiko mie kpiri n ni, wie kekete sangha lee, na sin be akaba afite angoro ata abara aye m." ⁷ Na ma kpaasi haari asienngu, na ma ti akonvi be nga, i na, 'Soolu, Soolu e, nzu ti ye a kere m wuwuruwa so a?' ⁸ Na ma bisa i ka, 'M Mibie, woro nma a?' Na wo bo m nu ka, 'Mini Yesu Nazaretifo n a, mini ye a kere m wuwuruwa n a.' ⁹ Na minem bo bu su m su n anu sin ni, ama, ba ti ma akonvi n yiri nga. ¹⁰ Na ma bisa i ka, 'M Mibie, ye a nja m yo nzu wo?' Na wo se m ka, 'Yasu na a ko Damasiko, do ye bu se u deke n kere bo Nyeme koro ka a yo i ni.' ¹¹ Sin n bo i ta wuraari m nyumbaa nu agaya n dee ti, na ma yo anyinsin, na minem ni bo bu su m su n aso m saa nu afa m awura Damasiko. ¹² To, sono be woori mie n nu, bu fere i ka Ananiyasi, i su Nyeme wo, na i su i noanie kpamaawa n su, i ti sono n bo Yudafo bo bu wo mie n nu n kere ma i jirima agaya a. ¹³ Na wo ba

m do ajina adodo m, na wo se m ka, 'M niwa Soolu, nie, a nu asi.' Jina n nu bere na ma nu asi bekun, na ma nie anju i. ¹⁴ Na wo se m ka, 'Nyeme n bo ya nam su i ni, yiri ye wo yi u a, na a si i sa koroowam, ye wo yi Sono n bo i yo sa bo i ko atin su n akere u, na a ti yiri ni i tii noanie joojowa. ¹⁵ Dama deke bo a nu i na a ti i ni, woro kan kere minem kere. ¹⁶ Ye kisa, a nminda nzu wo? Yasu na bu bie u Nyeme nzue. Bo fere i duma na i nmisi yi u satie kere.' "

Kabo Pöolu kaanri ka Nyeme asunma i minem bo bu ti má Yudafo m do ni

¹⁷ Na Pöolu asa su ase bu ka, "Nyini ti, na ma kpie m nyi ako Yerusalem mie kpiri n nu, sangha bo m wo Nyeme Sereebiri Awuru n nu wo nyemesere su ni, na wo yo m ka alele dee su wo, ¹⁸ na ma nu Yesu ka i sujojo m do, i na, 'Yasu na a fite Yerusalem ndende, dama minem bo bu wo fen ni de má m jore n bo a kan kere bu ni.' ¹⁹ Na ma bo i nu ka, 'M Mibie, bere ni bu ti si tenle su ka m yo wuraari bu tientienbunoo soom nu wo, na ma tara minem bo bu yo u yarada ni, na ma nyi bu dansaraka, na ma bo bu. ²⁰ Sasu bekun, sangha bo bu sukun Satefano bo i diiri u nusu daani kereeri minem ni, m yo jinaari bere, na ma soro su, mini neeri minem bo bu kuunri i n suturam su a.' ²¹ Na Mibie n ase m ka, 'Woro ko, m sunma u dede minem bo bu ti má Yudafo m do.' "

²² Nyini sangha n kere ni, minem ni soori bu sui wo, na ba ti jore n kere bo Pöolu kaanri i ni, ama, i ba kaanri so ni, na ba tien kpa, bu na, "Am yi i fite fen. Am mini m mmoo. Wo ti má ye ni ka i wo ni ngoo." ²³ Na bu sutientien, yaa ati bu n dee ti, na bu sufikindi bu suturam tu, na bu susa fa sutu sandi angoro. ²⁴ Na Romafom soja kere kpian n ama noo ka bu fa Pöolu wura bu dika bambaka n nu, na bu bisa i bisaawam na bu fin i ngbere na bu si deke bo i ti na Yudafo m ti tientien so ni. ²⁵ Ama, sangha bo bu ciciiri Pöolu nyama n ka bu bo i ni, na wo bisa soja kpian n bo i jina dodo i ka, "Atin wo nu ka am bo Roma miebaa na am asi má satie bo wo yo i?" ²⁶ Sangha bo soja kpian n tiiri nyini jore n so ni, na wo ko sojam kere kpian n do, ako abisa i ka, "A koro ka a yo ahin sono n se wo? I ti Roma miebaa a." ²⁷ Nyini ti, na sojam kpian n ako Pöolu do, ako abisa i ka, "A ti Roma miebaa a, nahore su?" Na wo bo i nu ka, "Een." ²⁸ Na sojam kpian n ase i ka, "Mini, m toori njaa beberebe wo ye m nya kaakiiri Roma miebaa a." Na Pöolu ase i ka, "Ama, mini yiri, bu wuuri m miebaa a." ²⁹ I seeri so ni, kpenga na sere ati sojam bo ba yi bu ka bu bisa i bisaawa ni, na ba ko bu sin. Na sere ati soja kpian ni mmoo, dama wo du mo abo Pöolu joroko ka, ye i nya siiri ka i ti Roma miebaa a.

Kabo ni faari Pöolu koori Yudafo tereterefo m do ni

³⁰ Na i alecin, sojam kpian n akoro ka i si sa bo Pöolu ayo i na Yudafo m jaraki i ni, na wo yi Pöolu joroko ni, na wo ma noo ka Nyeme sayoowa donguyofo nkpienkpienn ni, ni Yudafo tereterefo m n kere tien bu noo. Na wo ma Pöolu aba ajina bu nyunu.

23

¹ Na Pöolu afa i nyumbaa akpama Yudafo tereterefo m n nu, na wo se ka, "M ninbaam, m sunsunni ti kpa wo Nyeme do, fite m kaan nu haari ni nyuma." ² Na Ananiyasi bo i ti Nyeme sayoowa donguyofom n kere kpian n ama minem bo bu jina dodo Pöolu n noo, ka bu bo i noo dika, fa ko i noanie joojowa n dee ti. ³ Na Pöolu ase i ka, "Nyeme bo woro mmoo, woro bo a tana do ka kobe dawa bo ba bo i ngoro fofoe ni. A tana na a di m jore, fa ko Nyeme noanie kpamaawa n dee atin su, ama, woro ni u tii asu má i noanie kpamaawa n su na a tana ma noo ka bu bo m." ⁴ Na minem bo bu jina dodo Pöolu n ase i ka, "Woro la nma na a kpie i nzuko a, yiri Nyeme sayoowa donguyofom n kere kpian ni?" ⁵ Na Pöolu abo bu nu ka, "M ninbaam, ma si má ka yiri ti Nyeme sayoowa donguyofo n kere kpian n a. Dama ba kere i Nyeme Jore Kadasi n nu ka, 'Má a jojo sono bo i nie u minem su jore tie.' " ⁶ Sangha bo Pöolu faari nu ka, minem ni nbem ti Sodusifom, na bu nbem gusu ti Farasifom ni, na wo tien kpa jama n nu, i na, "M ninbaam, m ti Farasifo o. M sim mmoo suuri nyini atin ni su a. Deke n bo i ti na ya tien ya noo n la ka, m la tama ka minem wu, bu tégge bu yiwee nu wo." ⁷ Pöolu seeri so wieri na akuruwa aba Sodusifom ni Farasifom n afien, na bu tientienbunoo n akpaaki nu nnyo. ⁸ Sodusifom n na, sono wu, i tégge má i yiwee nu kun, ye bu kaaki na, Nyeme merékem, wara awiewiem wo má bere. Ama, Farasifom bere yo nyininim n kere yarada a. ⁹ Na jama ni sutientien suyo najmie agaya buka su. Na Nyeme noanie kerefo nbem bo bu wo Farasifom ase n nu n ayasu ajina atien fanga su, bu na, "Yere anu má ahin sono ni ngasi bo wo do i. Beni, awiewie be, wara Nyeme meréke ajojo i do a."

¹⁰ Sangha bo akuruwa n ba bi boroori agaya ni, na sere ati soja kpian ni, ka minem ni bá cincin titi Pöolu nu. Nyini ti, na wo ma sojam noo ka bu wura jama n nu na bu yi Pöolu fite bu nu, na bu fa i ba wura bu dee dika bambaka n nu. ¹¹ Nyini een n kongue, na Mibie n ayi i nu akere Pöolu, na wo se i ka, "Ma u ahore si, na má a soro sere. Kabo

a di m nju daani Yerusalem mie kpiri n nu fen ni, so ye i ti ye ni ka a ko di i Roma mie kpiri n nu gusu a.”

Kabo mine nbem seseeri su ka bu kun Pɔɔlu ni

¹² I alecin fɔfɔre, na Yudafo nbem atien bu nɔɔ, na ba fa seseesu na ba tan ndie ka bu di má, bu nu má, má ka ba kun Pɔɔlu. ¹³ Bere n bo bu tana faari nyini seseesu ni, bu taraari mine aburana. ¹⁴ Na ba ko Nyeme sayoowa donɔɔyɔfo nkpienkpienm ni, ni Yudafo tereterefo n do, ako ase bu ka, “Yere, ya tien ya nɔɔ atan ndie ka ya dí má pui, má ka ya kun Pɔɔlu. ¹⁵ Nyini ti, ambere ni tereterefo ni, am sunma Romafom soja kpien n do ko se i ka, i fa Pɔɔlu bra am do ka am koro ka am nie i jore n nu nyunyumi bekun wo. Ama, na ya yó siriya nminda i, na ya kún i atin nu na i nya ba ju fen.” ¹⁶ Ama, na Pɔɔlu niwa bara be wa ati seseesu n bo ba fa i ni, na wo ko awura sojam soɔ bambaka n nu, na wo se Pɔɔlu. ¹⁷ Do na Pɔɔlu afere sojam n kun, na wo se i ka, “Fa ahin gbefene n ko am kpien n do, i la jore be bo i kán kere i.” ¹⁸ Na soja n afa i ako bu kpien n do, na wo se i ka, “Pɔɔlu bo ba nyi i dansaraka ni fereeri m a, na wo se m ka m fa ahin gbefene n ba u do, dama i la jore bo i kán kere u.” ¹⁹ Na sojam kere kpien n aso i saa nu, na i ni yiri njumi afite aheme, na wo bisa i ka, “A koro ka a kan nzu jore kere m a?” ²⁰ Na wo se sojam kpien n ka, “Yudafo n asese su ye ba soro su ka ahunma bu bá sere u na a fa Pɔɔlu ma bu na bu fa i ko bu tereterefo ni do, na bu yó bu nju ka bu koro ka bu nie i jore n nu nyunyumi wo. ²¹ Ama, má a soro bu su, dama bu nbem nja bu ko nminda i atin nu wo, bu tara minem aburana. Ba tan ndie ka bu dí má, bu nú má, má ka ba kun Pɔɔlu. Kisa ba yo siriya su nminda na bu ti kabo a sé.” ²² Na sojam kere kpien n abobo i ka, “Má a ma be si ka a kan ahin jore n akere m.” Na wo ma gbefene n atin na wo ko.

Kabo bu faari Pɔɔlu kɔɔri Gomina Felika do ni

²³ Na sojam kere kpien ni, afere soja nkpienkpienm ni nnyo, na wo ma bu nɔɔ ka, “Am fa sojam yaa nnyo, ni soja kponɔɔfunfo aburaso, ni soja kpienbitafo yaa nnyo, na am yo siriya kɔngue n nu, kerefi njona sanɔa, na am ko Sizariya mie kpiri n nu. ²⁴ Na am nya kponɔɔ ma Pɔɔlu gusu, na am fa i haari na am ko ju Gomina Felika do, na má pui yo i.” ²⁵ Na sojam kpien n akere kadasi ama gomina n ka,

²⁶ “Mini Kalodisi Lisiyasi sukere ahin kadasi n bisa woɔ, m si Gomina Jirimafɔ Felika donɔɔ a. ²⁷ Yudafo taraari ahin sonɔ n a, má bu koro ka bu kun i wo. Ama, na ma ti ka i ti Roma miebaa a, nyini ti, na ma fa m sojam, na ya ko ade i aji. ²⁸ Na ma koro ka m si deke n bo i ti na bu jarakiiri i ni, nyini ti, na ma fa i ako Yudafo tereterefo do. ²⁹ Na ma nju ka fa ko bu noanie kpamaawa n dee atin su ye bu jarakiiri i a, ama, wo yo má sa be bo i ti ye ni ka bu kun i, wara bu nyi i dansaraka. ³⁰ M tiiri ka Yudafo asese su ako ada nminda atin nu ka bu kun i, nyini dee ti, ye m ma ba kaba afa i aba u do n a. Ma se minem bo bu jarakiiri i n ka bu fá jore n bra u do.”

³¹ Na sojam n ayo kabo i kereeri bu ka bu yo ni, na ba fa Pɔɔlu nyini kɔngue n kere, na ba fa i ako aju mie kpiri n bo bu fere i ka Antipatiriso n su. ³² Na i alecin fɔfɔre na sojam bo bu nati bu jaa su n akpie bu nyi ako sojam soɔ bambaka n nu, na ba ma soja kponɔɔfunfo n afa i ako aju deke bo bu suko ni. ³³ Bu ko juuri Sizariya ni, na ba fa kadasi n ama gomina ni, na ba nya afa Pɔɔlu awura i saa nu. ³⁴ Gomina n kaanri kadasi n wieri ni, na wo bisa Pɔɔlu awore bo i fite nu. I faari nu ka i fite Silisiya awore n nu wo, ³⁵ na wo se i ka, “Minem bo bu jarakiiri u n ba juuri, m tí u noanie.” Na wo ma nɔɔ ka bu fa Pɔɔlu wura Feme Herode dika n nu, na bu nie i dika nyunyumi.

24

Kabo Yudafo ni jarakiiri Pɔɔlu Gomina Felika n nyunu ni

¹ Na i lenu cɛen sin, na Ananiyasi bo i ti Nyeme sayoowa donɔɔyɔfo n kere kpien n aba aju Sizariya mie kpiri n nu, i ni Yudafo tereterefo nbem, na ba fa joresifo be bo bu fere i ka Tetulosi n abuka bu nju su. Na ba jaraki Pɔɔlu gomina n nyunu. ²⁻³ Bu faari Pɔɔlu ba juuri n na Tetulosi abo i bu na i kan ngasi bo Pɔɔlu ado i. I nja, “Ya si Felika jirimafɔ, u ngonle kpa n bo a la i n deɛ ti, nyini ma ya nya tanalaife ace a, ye kaaki aba ya asien n su a, fa ko nyini sunsunni n bo a la i ni. Deke kere bo ya wo ni sanɔa kere, ya nyunu ayi u fa ko deke n kere bo a yo ama ya ni, nyini dee ti, ya da u asi beberebe. ⁴ To, m koro má ka m jojo saaki u sanɔa, ama, m sere u wo, sawore n bo a la i n deɛ ti, ti ya ahin jore kaan ni. ⁵ Ya nju ka ahin sonɔ n ti miebofo ɔ, na i nati sukupkura Yudafo tii durunya n kere nu, na bu sudi aluwa ni bu benɔu. I ti mɔfo ɔ, fa ko minem bo bu su Nazaretifo n atin n su ni. ⁶ Haari i yo koroori ka i wura Nyeme Sereebiri Awuru n nu wo na i saaki i na i yo i fin, ye ya taraari i a. [Má ya koroori ka ya fa ya noanie kpamaawa n atin su di i jore wo, ⁷ ama, na sojam kpien Lisiyasi n ade i ya do ni fanɔa, ⁸ na wo ma

nɔɔ ka, bo bu ni yiri la jɔre n kere bra u do.] Na nzen wɔɔ mmɔɔ ni u tii nieeri jɔre n nu, a sí deke n bo i ti na jaraki i ni.”⁹ Na Yudafoɔm n kere ajina su ka, jɔre n kere bo bu jojo i n ti nahore wɔ.

Kabo Pɔɔlu kaanri i nahore Gomina Felika n nyunu ni

¹⁰ Na Gomina Felika ama Pɔɔlu atin ka i jojo, na Pɔɔlu ase ka, “M si ka a di jɔre ahin asien n su ace, nyini ti, m ahore ti siiwa ka ma ba u do na m kan de m tii.”¹¹ Wɔɔ mmɔɔ ni u tii koro bisa na a ti, ka i nyuma leburu lennyo lee, bo m kɔɔri Yerusalem mie kpiri n nu ka m ko su Nyeme.¹² Bere n anju má ka m ni be suse akuruwa Nyeme Sereebiri Awuru n nu, ba kaaki anju má ka m ni be suwura minem bu sin na bu yo sa be tientienbunɔɔ sɔɔm n nu, wara mie n nu.¹³ Bere gusu koro kan kere má u deke n bo i ti na kisa bu sujaraki m ni.¹⁴ Ama, deke bo m soro i su ka i ti nahore n la ka, m su Nyeme wɔ, kabo ya nam su i ni, nyini atin n gusu ye bu ɲa i ti má nahore n a. Ama, m yo deke bo ba kere i noanie kpamaawa n nu n yarada, na m kaaki yo deke bo ba kere i Nyeme noanie kanfom dee kadasi n nu n yarada.¹⁵ M la tama Nyeme do ka minem bo bu yo sa bo i ko atin su, ni bo bu yo sa bo i ko má atin su n kere bá tenge bu yiwee n nu, kabo bere n bo bu jaraki m n gusu la nyini tama ni.¹⁶ Nyini dee ti, sanja kere m boro m nyi wɔ, na m sunsunni ti casi fa ko Nyeme ni adamandem do.¹⁷ M fiteeri Yerusalem, wɔ ce, nyini sin, na ma kpie m nyi ako do ka m ko fa ɲwaa ce m minem bo bu ti yaarifom n na m yo m dee yoowa ma Nyeme.¹⁸ M wo nyini yoowa n yo su ye bu juuri m Nyeme Sereebiri Awuru n nu a. Nyini sanja ni, ma yo fin bie yoowa n awie mmɔɔ. Jama be awo má m do, be gusu ayo má nanmie be.¹⁹ Ama, Yudafoɔm nbem bo bu fite Esiya awɔre n nu ni, yo woori do a. Wɔ yo daka ka má bere mmɔɔ ni bu tii wo fen, na bu kan m ɲgasi bo ma do i n kere u.²⁰ Nzen má nyini, yaki na ahin minem bo bu jina fen n kan ɲgasi bo m doori, sanja bo m jinaari bu tereterefoɔm nyunu na bu diiri m jɔre ni.²¹ Má ka deke kun n kpein be bo bu yo sudi m jɔre na m jinaari bu nyunu ni. Yiri la bo m seeri ka minem wu, bu káaki tenge bu yiwee nu ni, nyini dee ti, ye a sudi m jɔre nyuma n a.”

²² Na Gomina Felika si Mibie n atin n sereya n kere nyunyumi n dee ti, na wɔ se bu ka, “Am ko ka, na sojam kpien Lisiyasi ba baari, na m nyá di jɔre ni.”²³ Na wɔ ma nɔɔ ka soja kpien n nie Pɔɔlu dika nyunyumi, ama, i ma i atin na i nati i koroyanu, na i ma i danfom gusu atin na bu koro ba buka i.

Kabo bu faari Pɔɔlu jinaari gomina n ni i yi n nyunu ni

²⁴ I yoori lennyo, na Gomina Felika akaaki aba, i ni i yi Durusila, i ti Yudafoɔ baa a. Na wo sunma afere Pɔɔlu na i ba kan kabo sɔɔɔ yo Yesu Kristo yarada barasu ni. Na wɔ so i sui ati.²⁵ Ama, sanja bo Pɔɔlu wo jojo su fa ko sa bo i ko atin su, ni tarabuɲu, ni kabo Nyeme bá di minem n jɔre ni, na sere ati Gomina Felika na wɔ se ka, “Tɔ, kisa, wɔ se su. A koro ko, na m ba nya sanja na m fére u.”²⁶ Nyini sanja n kere ni, i sunsunni la ka Pɔɔlu má i ɲwaa a, nyini ti ye sanja sanja i fere Pɔɔlu, na bu subo anzama n a.²⁷ Na afo nnyo aba asin, na sɔɔɔ be bo bu fere i ka Pɔkiyosi Fesitosi ade Felika jinaabiri ni. Na Gomina Felika akoro ka i jo Yudafoɔm n ahore, nyini dee ti, na wo yaki Pɔɔlu dansaraka n nu, i ma ba yi má i.

25

Kabo Pɔɔlu sereeri ka bu fa i jɔre n ko Romafoɔm feme kpiri n do ni

¹ Gomina Fesitosi ba juuri nyini awɔre n nu ni, i lesan, na wɔ fite Sizariya mie kpiri n nu, na wɔ fun ako Yerusalem mie kpiri n nu.² Na Nyeme sayoowa donguyofɔ nkpien-kpienm, ni Yudafoɔ tereterefoɔm n aba akan ɲgasi bo Pɔɔlu ado i n akere Gomina Fesitosi. Na ba sere i jande³ ka i boro i nyi na i ma bu fa Pɔɔlu ba Yerusalem. Deke n bo i ti na bu seeri sɔ n la ka, ba sese su ka bu ko ɲminda i atin nu wɔ na bu kun i.⁴ Na Gomina Fesitosi abo bu nu ka, “Pɔɔlu wo dansaraka nu Sizariya, mini ni m tii, m kpie m nyi ko do kisa.”⁵ Am ma am nu nbem bo bu la yiko n su m su, na ya ko Sizariya, na nzen wo do ɲgasi be a, na bu koro kan i na bu jaraki i.”

⁶ Na Gomina Fesitosi awo bu do, lemɔcɔe ni leburu afien, na wɔ nya aba Sizariya. I alecin na wɔ ko atana jɔre diibiri ni, na wɔ ma nɔɔ ka bu fa Pɔɔlu bra.⁷ Sanja bo bu faari Pɔɔlu ba juuri n ni, na Yudafoɔm bo bu fiteeri Yerusalem baari n atien bu nɔɔ abara aye i. Na ba kan i ɲgasi tietie beberebe bo bu ɲa wɔ do i, bu gusu akoro akere má ɲgasi n bo bu ɲa wɔ do i n tenle su.⁸ Na Pɔɔlu ase ka, “Ma do má ɲgasi be fa ko Yudafoɔm dee noanie kpamaawa n su, ma do má ɲgasi be fa ko Nyeme Sereebiri Awuru n su, ma kaaki ado má ɲgasi be fa ko Romafoɔm Feme Kpisi Siza n do.”⁹ Ama, na Gomina Fesitosi akoro ka i buka Yudafoɔm ni, na i da bu ahore, nyini dee ti, na wɔ bisa Pɔɔlu ka, “A soro

su ka ya ko Yerusalem na bu ko di u jore n do m nyunu, fa ko ahin sereyam kere su?"
¹⁰ Ama, na Pɔɔlu abo i nu ka, "M jina Romafom feme kpiri n jore diibiri wo lee, fen ye wo yo daka ka bu di m jore a. Woro mmoo ni u tii si tenle su ka ma do ma Yudafom ngasi be. ¹¹ NZEN ma do ngasi be bo wo yo daka ka bu kun m, ma kete ma ka ma bu kun m. Ama, nzen jore n kere bo ba kan i n be ti ma nahore, be la ma atin bo i koro fa m wura bu saa nu. Nyini ti, m sere ka a fa m jore n ko Romafom feme kpiri n do." ¹² Na Gomina Fesitosi ni i nkpienkpienm n atana anju bu nu, na ba soro su, na wo se Pɔɔlu ka, "A sere ka ya fa u jore n ko Romafom feme kpiri n do. To, ya fa u ko i do."

Kabo bu faari Pɔɔlu baari Feme Agiripa n nyunu ni

¹³ Na wo yo lennyo, na Feme Agiripa ni i siwa baabara Berenisi aba Sizariya mie kpiri n nu, ka bu ba nie Gomina Fesitosi busu. ¹⁴ Bu woori do ceeri kaan n dee ti, na Gomina Fesitosi akan Pɔɔlu jore n kere n akere feme ni. I na, "Felika yo yakiiri sono be dansaraka n nu fen. ¹⁵ Sangha bo m koori Yerusalem mie kpiri n nu ni, na Yudafom Nyeme sayoowa donguyofon nkpienkpienm, ni Yudafom tereterefom n aba m do, na ba kan nyini sono n jore, ka m boro m nyi di i jore n na m se ka wo do ngasi. ¹⁶ Ama, na ma se bu ka yere Romafom, ya yo ma so, nzen minem ajaraki sono, ya ma bu kere tien bu noo o, na i mi si deke n bo i ti na bu jaraki i ni, na i gusu nya kan i dee bo i la i ni. ¹⁷ Sangha bo bu suuri m su ba juuri fen ni, ma wura ma nnyo nu, i alecin m kaba ko tanaari jore diibiri n wo, na ma ma noo ka bu fa sono n bra. ¹⁸ Sangha bo bu yasu jinaari na bu jaraki i ni, ba kan ma satie bo ma m sunsun ka wo yo i na bu fa jaraki i ni. ¹⁹ Ama, i ti akuruwa ye bu seeri a, fa ko bu nyemesu atin su, ni sono be bo bu fere i ka Yesu n busu, bu na wo wu, ama, Pɔɔlu na i toko la ngoo. ²⁰ Ma si ma kabo m tara ahin jore n tii ni i jaa barasu, na ma bisa Pɔɔlu ka, i koro ka ya fa i ko Yerusalem na bu ko di i jore n do, nzen se? ²¹ Ama, na Pɔɔlu asere ka, i koro ka i ka dansaraka n nu haari i ba ko Romafom feme kpiri n do. Nyini ti, na ma ma noo ka bu subita i haari m ba nya atin na m ma bu fa i ko feme kpiri n do." ²² Na Feme Agiripa ase Gomina Fesitosi ka, "M koro ka mini ni m tii ti ahin sono n jore ni." Na Gomina Fesitosi ase i ka, "Ahunma a ti i jore ni."

²³ To, na i alecin, na Feme Agiripa, ni Berenisi afite ni bu femeya jirima bambaka, na bu ba wura tientienbunoo soo bambaka n nu, bu ni soja nkpienkpienm, ni mie n nu mine anyunyufom. Na Gomina Fesitosi ama noo, na ba fa Pɔɔlu awura. ²⁴ Na Gomina Fesitosi ase ka, "Ya si Feme Agiripa, ni ambere kere bo am atien am noo fen ni, am nie ahin sono ni. Yiri dee ti ma Yudafom kere bo bu wo Yerusalem, ni bo bu wo fen n yo baari m do a, na bu sutientien ka i ti ma ye ni ka i wo ni ngoo. ²⁵ Ama, m gusu afiiti i jore n nu, ma nu ma i ngasi bo wo do i na i ti ye ni ka i wu. Nyini ti, kabo yiri ni i tii asere ka m fa i jore n ko Romafom feme kpiri n do ni, m fa i ko do o. ²⁶ Ama, m la ma deke be tenle su bo m kere fa ma feme kpiri ni, fa ko ahin i jore n su. Nyini ti ye ma fa i aba woro Feme Agiripa do a, adena m ni ambere kere nie i jore n nu, na m si deke bo m kere ko ma feme kpiri ni. ²⁷ Dama mini do, wo ko ma atin su ka m fa sono bo ba nyi i dansaraka ko ma feme kpiri n na m la ma jore bo m kan kere i fa ko deke n bo i ti na bu jaraki i n su."

26

Kabo Pɔɔlu kaanri i jore Feme Agiripa nyunu ni

¹ Na Feme Agiripa ase Pɔɔlu ka, "Atin wo nu ka woro ni u tii jojo." Na Pɔɔlu aye i saa su, na wo bo i jore n bu, i na, ² Feme Agiripa, wo yo m fie nyuma ka m jina u nyunu, na m kan m jore n nahore su fa ko deke n kere bo Yudafom jaraki m n su. ³ Dama woro ni u tii asi kabo Yudafom nana sayoowam n ti, ni kabo ya se bu akuruwam barasu ni. Nyini dee ti, m sere u wo, ka a fa sawore na a ti m jore ni.

⁴ Yudafom kere si kabo m woowa yo ti barasu fite m gbefenya nu, sangha bo m wo m bosufom nu ni, haari ni bo m ko woori Yerusalem mie kpiri n nu ni. ⁵ Bu si m sa kabo m woowa yo ti, ma nyuma. NZEN bu na bu kan nahore, bu se u ka m yo ti Farasifom be wo, na ma su ya dee nyini atin n bo i su ti kekereke n su ni anyumboro. ⁶ Kisa, deke bo i ti na m jina am nu nyuma na am sudi m jore ni, yiri la tama n bo m la i fa ko deke n bo Nyeme seeri ka i yo ma ya nam ni. ⁷ Nyini n ye ya ano buru ni nnyo n bo ya su Nyeme ni anyumboro wiesu ni kongue n nminda ka ya nya i n a. Feme, ti fen, nyini tama n bo m la i n dee ti, ye Yudafom jaraki m n a. ⁸ Nzu ti ye am de ma ka Nyeme koro tenge minem bu yiwee nu a? ⁹ Nahore mini ni m tii yo sunsuunri ka wo yo daka ka m yo sam dongu na m saaki Yesu Nazaretifo n duma. ¹⁰ Kabo m yo yoori Yerusalem lee. Nyeme sayoowa donguyofon nkpienkpienm yo maari m yiiko, na ma tara Nyeme minem beberebe anyi bu dansaraka, na sangha bo bu diiri bu jore na bu na bu kun bu ni, mini mmoo jina bu sin wo. ¹¹ Sangha kere sangha, m nati wura ya tientienbunoo soom nu wo,

na m sucin bu sui, na m sumie bu ka bu kete Yesu. Na ma fa yaa bu ŋu agaya, haari na m suko mie nyingam su, ko sukere bu wuwuruwa.”

Kabo Pɔɔlu kaanri kabo i kaakiiri i wo ni

¹² Na Pɔɔlu asa su ase ka, “Nyini dɛɛ ti, na ma sere atin Nyeme sayoowa donguyofɔ nkpienkpienm n dɔ, na ba ma m yiko ka m ko Damasiko mie kpiri n nu. ¹³ Feme, ti fen, m wo atin n nu wo ko su ni, fa ko wie kekete sangga, na ma ŋu sin be ka i fite angoro, i ta tara wie, na i wein ata abara aye n ni minem kere bo bu su m su ni. ¹⁴ Na yere kere akpaasi haari asienggu, na ma ti akonvi be ŋga, ka i sujojo m dɔ Hiburu dɛɛ anie n nu, i ŋa, ‘Sɔɔlu, Sɔɔlu e, nzu ti ye a kere m wuwuruwa sɔ a? A sukere u ŋu yaari ngbeen wo, kabo bu fa toora dɔdɔorifo sudɔ na i kete, na bu fin i baka n wo.’ ¹⁵ Na ma bisa ka, ‘M Mibie, wɔɔ ŋma a?’ Na Mibie n abɔ nu ka, ‘Mini Yesu ye a sukere m wuwuruwa n a. ¹⁶ Ama, yasu jina. Deke n bo i ti na ma yi m ŋu akere u n la ka, m fa u yo m amusiusufɔ, na a di m daani kere minem fa ko deke bo a ŋu i nyuma n su, ni dekem bo m bá yi m ŋu kere u bekun n su. ¹⁷ Na m dé u tii fite minem saa nu, Yudafoɔm ni bo bu ti má Yudafoɔm ni, dama m susunma u bere dɔ a, ¹⁸ na a teke bu nyi, na a yi bu fite awosin nu ba wein nu, na a yi bu fite Sitana saa nu, na a fa bu wura Nyeme saa nu, adena bu yo m yarada na m fa bu satie ce bu, na bu nya jinaabiri Nyeme mine n nu, na bu kere sangga wo.’ ”

Kabo Pɔɔlu kaanri kabo i yoori i juma n ni

¹⁹ Na Pɔɔlu asa su ase ka, “Feme Agiripa, nyini dɛɛ ti ni, ma kete má deke n bo Nyeme yi kereeri m ka alele nu dɛɛ su ni. ²⁰ Nyini ti, m du mɔ boori i bu Damasiko mie kpiri n nu wo, na ma kan akere bu ka bu kaaki bu wo na bu su Nyeme, na bu yo sakpa bo i kere ka ba kaaki bu wo. Na ma ko akan akere Yerusalemfoɔm n gusu, na ma nya ako akan akere Yudiya dɛɛ awɔre n nu fom kere. Nyini sin, na ma ko akan akere minem bo bu ti má Yudafoɔm n gusu. ²¹ Nyini dɛɛ ti, ye Yudafoɔm taraari m Nyeme Sereebiri Awuru n nu, ka bu kun m n a. ²² Ama, Nyeme abuka m dɛɛ ti, ye m toko wo bere haari ni nyuma n a, adena m jina fen di daani kere nfangafom ni tarakam kere, ni mine barasum kere. M sukan má jɔre fɔfɔre be wo, má ka sam bo Nyeme noanie kanfom ni Moyisi yo seeri ka bu yó ni, ²³ ka, wo yo daka ka Kristo, Tiidefo n bo Nyeme ase ka i sunma i ni bá di wahara. Yiri ti sono bo i wú na i dú mɔ tenje i yiwee n nu a. Na i kán wein n jɔre kere Yudafoɔm, ni minem bo bu ti má Yudafoɔm n kere.”

²⁴ Pɔɔlu wo nyini jojoori n su na i kan i nahore ni, na Gomina Fesitosi atien i ŋu kpa, i ŋa, “Pɔɔlu, a bo fie wo. U kara sonson ni u si agaya n ma u tii yo má juma.” ²⁵ Na Pɔɔlu abo i nu ka, “Gomina Fesitosi jirimafɔ, ma bo má fie, ama, m jojo anyunkoro ni nahore jore wo. ²⁶ Feme Agiripa si ahin jorem kere, nyini dɛɛ ti, ye m la ahoresi jojo i nyunu n a. M si tenle su ka i si ahin sam n kere bo m sukan kere am ni, dama i be mmɔ ayo má fieewa nu. ²⁷ Feme Agiripa, a yo Nyeme noanie kanfom jore n yarada a? M si tenle su ka a yo yarada.” ²⁸ Na Feme Agiripa ase Pɔɔlu ka, “Ahin sangga kaan nu, a sunsun ka a koro jojo na a ma m kaaki Kristo susufɔ ɔ, nzen se?” ²⁹ Na Pɔɔlu abo i nu ka, “Nzen i ce o, i ce má o, mini yiri, m nyemesere la ka, wɔɔ ni minem n kere bo m sujojo am dɔ nyuma ni, am ba kaaki na am yo kabo m ti barasu ni, ama, bu wura má am jɔrɔko kabo ba wura m ni.”

³⁰ I seeri sɔ ni, na feme n ayasu ajina, yiri ni gomina ni, ni Berenisi, ni nyingam n kere bo bu tana bere ni. ³¹ Bu yasuuri na bu wo ko su ni, na ba se bu ŋuŋu nu ka, “Ahin sono n ayo má sa be bo i ti ye ni ka bu kun i, wara bu nyi i dansaraka nu.” ³² Na Feme Agiripa ase Gomina Fesitosi ka, “Nzen má ahin sono n asere má ka bu fa i jore n ko Romafom feme kpiri n dɔ, má ya koro yaki i nu jl.”

27

Kabo bu faari Pɔɔlu sufa ko Roma mie kpiri n nu ni

¹ Tɔ, sangga bo bu faari sesesu ka ya fa lee bambaka ko Roma mie kpiri n bo i wo Itali n asien n su ni, na ba fa Pɔɔlu ni dansaraka nyinga nbem ama soja kpian be bo bu fere i ka Julyosi ni, yiri nie soja asese be su a, bu fere i ka Romafom Feme Kpiri Agusito dɛɛm. ² Na ya ko awura lee bambaka be, i fite mie n bo bu fere i ka Adaramuteno n wo. Lee n ayo siriyá suko Esiya awore n nu dɛɛ mie nbem su, na ya wura i ako. Yere ni sono be bo bu fere i ka Arisitakusi n kɔori a, i fite Tesalonika mie kpiri n bo i wo Makedoniya awore n nu wo. ³ Na i alecin, na ya ko aju Sidon mie kpiri n nu, na Julyosi ayo Pɔɔlu sakpa, i maari i atin wo, na wo ko anie i danfom busu, adena i ko nya deke bo i koro. ⁴ Ya yasuuri Sidon ka ya ko ni, ya faari Sipurusi lui bambaka n dɛɛ bue n wo, ya koro fa má deke bo má ya sukoro ka ya fa ni, dama anjuma n cin ya ko ya sin wo. ⁵ Ya yasu bere ni, na ya kpie tieku n bo i wo Silisiya, ni Pamfliya dɛɛ aworem n nu ni, na ya nya ako aju

mie kpiri n bo bu fere i ka Mira na i wo Lisiya dɛɛ awɔrɛ n nu ni. ⁶ Dɔ na soja kprien n anju lee bambaka be ka i fite Alekizanderiya mie kpiri n nu suko Itali, na wɔ fa ya awura nu. ⁷ Ya yasuumi bere ka ya kɔ ni, anjuma n kpa ya atin wɔ, ya koro ako mɔ ndende. I yoori kekereke ye ya nya kɔ dodoori mie n bo bu fere i ka Kinidosi n a. Anjuma n dɛɛ ti, ya koro ako mɔ deke bo mɔ ya suko ni. Nyini dɛɛ ti, na ya fa lui bambaka n bo bu fere i ka Kereti dɛɛ bue ni, akpie ako adodo mie n bo bu fere i ka Salamone ni. ⁸ Ya faari bere ni, i yoori ya kekereke ye ya nya kɔ juuri mie kpiri n bo bu fere i ka Dika Nyunyumi n a, lee ngbingbirim jinaabiri ni, i mata mie kpiri n bo bu fere i ka Lasiya n wɔ.

⁹ Na ya wo dɔ ace, haari na Yudafoɔm nɔɔ cici n aba asin, bu ŋa nyini sanja ni, tieku n su natiiri ti tie. Nyini dɛɛ ti, na Pɔɔlu abɔɔ bu, i ŋa, ¹⁰ "Njam, ma ŋu ka nzen ya ŋa ya kɔ ya nyunu, i yɔ kekereke, na deke dɔŋgu sɔaki, mɔ lee bambaka n ni nengem ŋgumi, ama, ya ŋgɔɔ mmɔɔ wo nu." ¹¹ Ama, haari ni nyini mmɔɔ, soja kprien n keteeri Pɔɔlu nɔɔnɛ n wɔ, na wɔ de leekanfɔ n ni lee n fɔ n dɛɛ nɔɔnɛ ni. ¹² Deke bo ya wo ni, i ti mɔ kpa ka ya wo dɔ haari fufuku ba tu ya, nyini dɛɛ ti, na ya dɔŋgu asoro su ka ya yasuumi dɔ, na ya nie, beni, ya koro kɔ ju mie kpiri n bo bu fere i ka Foniki n su na i wo Kereti lui bambaka n su ni. Lee ngbingbirim jinaabiri wo dɔ ɔ, i nɔɔ wɔ wie atɔɔri dɛɛ bue n wɔ, ya koro kɔ wo dɔ, haari na fufuku n ba sin.

Kabo anjuma bambaka be yasuumi tieku n nu ni

¹³ Na anjuma fafari be sukpie fite ya nyunu ndiema bie su. Na ba sunsun ka bu koro kɔ deke bo ba fa bu tii awɔ ni. Nyini dɛɛ ti, na ba cin atu bulaari n bo bu fa kpamaari lee ni, na ya san tieku n aheme ako adodo Kereti lui bambaka n dɛɛ bue ni. ¹⁴ Ama, wɔ ce mɔ, na sɔɔ sin anjuma be bo i nati kprie fite wie afiiri saa fomboro su n akpie fanga su afite Kereti dɔ. ¹⁵ Ya kpa anjuma n atin wɔ, ya koro ako mɔ deke bo ya fa tii awɔ ni. Nyini dɛɛ ti, na ya yaki lee bambaka ni, na wɔ su anjuma n su. ¹⁶ Na ya kɔ adodo lui be bo bu fere i ka Kawuda ni, na ya fa i sin. Lee kaan be sa lee bambaka n su, i yoori kekereke ye ya nya koro taraari i jinaari a. ¹⁷ Na ba nya acin i afun awura lee bambaka n nu. Na ba fa nyama awura lee bambaka n bu, na ba cici i kenken, na i bu n ayo fanga. Bu soro sere ka lee ni kpama teteke n dika wo, mie kaan be wo bere, bu fere i ka Siritisi. Nyini dɛɛ ti, na ba jura lee tani n bo i bo anjuma na lee n kɔ ni, na ba nyanya i, na lee n asu anjuma n su. ¹⁸ Kabo anjuma n kereeri ya wahara sɔ ni, i alecin, na ba yi yi nengem bo bu wo lee n nu ni nbem ajiji nzue n nu. ¹⁹ I lesan ceen, na bu kere afa bu saa ayi lee n dɛɛ nenge kere aji nzue n nu. ²⁰ Na wɔ ce bo ya ŋu mɔ wie, wara asarambaam, na anjuma n sukpie agaya sɔ, haari na ya ba ayi tama ka ya fite mɔ nu.

²¹ To, wɔ ce bo minem n adi mɔ diire n dɛɛ ti, na Pɔɔlu ayasu ajina bu afien, na wɔ se bu ka, "Njam, nzen mɔ adi tiiri m nɔɔnɛ ni, mɔ ya yasuumi mɔ Kereti, mɔ ya nengem ni saaki mɔ, na bu ka ngbɛɛn sɔ. ²² Ama, kisa, m sutu am fɔ ɔ, am ma am ahoresi. Am be mmɔɔ ŋgɔɔ kɔ mɔ nu, mɔ ka lee bambaka ni ngumi saaki a. ²³ Dama anuma kongue, Nyeme n bo m su i na i dɛɛ la m ni, i mereke be ba jinaari m bi, ²⁴ na wɔ se m ka, 'Pɔɔlu, mɔ a ma sere ti u. Wɔ yo daka ka a kɔ jina Romafom feme kpiri n nyunu wɔ, na i dɔ u jore. Ti fen, Nyeme afa minem kere bo u ni bere sanja wo lee n nu n ama u.' ²⁵ Nyini ti, njam, am fa ahoresi. Dama m daafi Nyeme ŋu ka i yɔ kabo i seeri m n wɔ. ²⁶ Haari ni nyini mmɔɔ, anjuma ni sun ya kɔ jina lui bambaka be su wɔ."

²⁷ To, i bita ya fikindi Adiriya tieku n nu sɔ ɔ, haari i leburu lenna ceen kongue fa kɔ i jinanjin sanja, na lee jumayofom n afa nu ka bu sudodo asien. ²⁸ Nyini ti, na ba fa nyama bo bu bita sunsun nie kabo nzue ngongɔ ti barasu. Na ba ŋu ka i toko wo ŋgo. Na ba kɔ mɔ kaan abuka su, na ba sunsun bekun, na ba ŋu ka i wo mɔ ŋgo kun. ²⁹ Na sere ati bu, bu sunsun ka lee bambaka ni kɔ si yabuem wɔ, na i sandi nu, nyini dɛɛ ti, na ba cɔndi lee n sin bulaari nɔɔɔri nna asiengu. Na bu susere Nyeme ka ale cin bu. ³⁰ Na lee jumayofom n akoro ka bu wɔ ŋmati, na ba yi lee kaan n afa ase nzue n su, na ba kprie mbenle ka bu suyi bulaari nɔɔɔri nbem lee bambaka n tii dika a. ³¹ Ama, na Pɔɔlu ase soja kprien n ni i sojam ni ka, "Mɔ ka ahin minem n aka lee n nu, am be mmɔɔ fite mɔ nu." ³² Na sojam n akpie nyamam bo bu bita lee kaan n aji, na wɔ kɔ.

³³ Sanja bo ale ba sukoro cin ni, na Pɔɔlu asere minem kere ka, bu nya diire be di. I ŋa, "I nyuma leburu lenna lee, bo am wo ahoresaaki nu, na am adi mɔ pui. ³⁴ Nyini ti, m sere am wɔ, am di diire, adena i buka am na am nya ŋgɔɔ. Haari am be mmɔɔ tiingmie kun n kprien kɔ mɔ ngbɛɛn." ³⁵ Pɔɔlu seeri sɔ wiewi ni, na wɔ fa kɔɔɔ, na wɔ da Nyeme asi bu kere nyunu, na wɔ bu i nu, na wɔ di. ³⁶ Na bu kere afa ahoresi, na bere gusu adi diire. ³⁷ Yere bo ya yo woori lee bambaka n nu ni, ya ti mine yaa nnyo ni mine aburaso ni nsen wɔ. ³⁸ Bere kere diiri na bu kunnu yiiri ni, na ba sasa diire mbaa n bo wo ka n ago nzue n nu, adena lee bambaka n ka kafaki.

Kabo lee bambaka n sandiiri nu barasu ni

³⁹ Saŋga bo ale ba ciinri ni, lee jumayofom ŋuuri asien be, ba si má i, ama, na ba ŋu ka nzue be ati ada bere, ŋmie abara aye i. Na ba fa sunsunni ka nzen má bu koro yo, na ba boro bu nyi na bu fa lee bambaka n ko wura ŋmie n nu na i kpama. ⁴⁰ Na ba nyanŋi lee bambaka n bulaari nɔnɔrim n aji nzue n nu, na ba nyanŋi bakam bo bu fa kan lee n deɛ nyamam ni, na ba ye tani n bo i wo lee n tii su n angoro ka aŋuma n fa lee n ko, na bu sukan suko aheme. ⁴¹ Ama, na ba ko aju kunma kpiri saŋgaabiri, na ba wura ŋmie be nu, na lee bambaka n tii dika n aka akpama, wo koro ako má. Na nzue nyama ni subo lee ni, na wo paparaki i sin dika ni. ⁴² Na sojam n aseɛ su ka bu kun dansarakam n kere wo, adena má be wie kpie na i ŋmati ko. ⁴³ Ama, soja kpien n koroori ka i de Pɔɔlu tii ji n deɛ ti, na wo kete bu ŋu ka má bu yo so. Na wo ma nɔo ka, bo bu si nzue wie n kere, bu du mo ti to nu na bu wie kpie kpere su, ⁴⁴ na minem bo bu kaari n kere nya so baka sinsinn, ni lee buebuem n nu, na bu wie ko ju aheme. Kabo i yoori na ya kere koro fiteeri nu, na pui ayo má be n lee.

28

Deke bo i yoori Pɔɔlu Malite lui bambaka n su n jɔre

¹ Saŋga bo ya fiteeri nzue n nu wieeri ni, na ba se ya ka bu fere lui bambaka n ka Malite. ² Na mie n nufom ade ya na ba yo ya sakpa agaya. Nzue suto na ayeɛ wo bere n deɛ ti, na ba toɔ sin ama ya, na ya kere atun. ³ Na Pɔɔlu atientien yee nɔo ago sin n nu, jaa pumpuni wo yee n nu, na sin n warangu awura i, na wo fite akan i saa aka asense su. ⁴ Mie n nufom ni ŋuuri ka woo n akan asense Pɔɔlu saa su so ni, na ba se bu ŋunju nu ka, "Ahin soɔn n ti soɔn kunfo o nahore su, haari ni bo wo koro afite n nzue n nu ni, i nyeme atin su, wo yo má daka ka i nya ŋɔɔ." ⁵ Ama, na Pɔɔlu akpisi woo n aji sin n nu, wo ŋu má yaari be. ⁶ Na minem n asunsun ka i ce má, i ŋunie wura a, wara i kába kpaasi wu. Ama, bu ŋminda ceeri na bu ŋu má ka deke be ayo i ni, na ba kaaki bu sunsunni, na ba se ka, "I ti nyeme be wo."

⁷ Deke bo ya sekeeri ni, fie be wo dodo do, i fo n ti lui bambaka n su soɔn anyumbaafɔ o, bu fere i ka Pubiliyosi. Na wo de ya wɔfo nyunyumi, na ya ka ada i dika haari lesan. ⁸ Nyini saŋga Pubiliyosi si gusu la má laifie, i da soɔ, i ŋunie ado, na i suje toɔko. Na Pɔɔlu awura soɔ n bo i da nu ni, na wo fa i saa anana i ŋu, na wo sere Nyeme ama i, na wo nya laifie. ⁹ I yoori so n deɛ sin, na tukpakifom kere bo bu wo lui bambaka n su n gusu aba Pɔɔlu do, na wo tuntun bu, na ba nya laifie. ¹⁰ Na ba wura ya kpiri, na ba ce ya acerim beberebe. Na saŋga bo ya ba suyasu ka ya fa lee na ya ko ni, na ba fa deke kere bo i ti ya mieɛwa awura lee bambaka n nu ama ya.

Kabo Pɔɔlu yasu Malite na i ko juuri Roma mie kpiri n nu ni

¹¹ Ya woori do haari sara nsan, na ya nya fa lee bambaka be bo i fite Alekizanderiya deɛ mie kpiri n nu wo. Amɔɛ ndaam anyaari seewa mata i. Fufuku saŋga n deɛ ti, wo jina do ace. ¹² Na ya ko aju mie kpiri n bo bu fere i ka Sarakusasi n su, na ya wo do lesan. ¹³ Na ya nya akaaki ayasu bere bekun, ako aju mie kpiri n bo bu fere i ka Regiyoni n su. Na i alecin, na aŋuma abo i bu sukpie fite ya nyunu ndiema saa bie su. Na i lennyo ceen n na ya ko aju mie kpiri n bo bu fere i ka Potiyoli n su. ¹⁴ Na ya ŋu yaradayofɔ nbem do, na ba sere ya ka ya wo bu do lesa. Na ya nya yasu aba Roma mie kpiri n nu. ¹⁵ Saŋga bo yaradayofom n bo bu wo Roma n tiiri ya ŋga ka ya suba ni, na ba fite akpa ya atin, na ya ni bu nbem ako aye mie n bue bo bu fere i ka Apiyosi Goo n su, na ya ni bu nbem gusu ako aye Wɔfom Daabiri Awuru Nsan mie n nu. Saŋga bo Pɔɔlu ŋuuri bu ni, na wo da Nyeme asi, na wo nya ahoresi.

Kabo Pɔɔlu kaanri Yesu jɔre Roma mie kpiri n nu ni

¹⁶ Saŋga bo ya ko juuri Roma mie kpiri n nu ni, na ba ma Pɔɔlu atin ka i nya awuru be na yiri ni i tii suwo nu, na ba ma i soja kun ka i sunie i dika. ¹⁷ I woori do i lesan, nyini sin, na Pɔɔlu afere Yudafoɔm bo bu la anyunuyi na bu wo mie n nu ni, ka bu tien bu nɔo. Bu tien bu nɔo wieeri ni, na wo se bu ka, "M ninbaam, ma yo má ya minem n sa be, ma bu má ya nana sayoowa n be ngbeen, ama, haari ni nyini mmɔɔ, bu taraari m Yerusalem mie kpiri n nu wo, na ba nya afa m awura Romafoɔm saa nu. ¹⁸ Bere gusu bisaari m bisaawam wieeri ni, má bu ŋa bu fa m ji wo, dama ba ŋu má satie bo ma yo i na i ti ye ni ka bu kun m. ¹⁹ Ama, na Yudafoɔm n akete ka má Romafoɔm n yaki m nu ji, na wo yo daka ka m sere ka bu fa m jɔre n ko Romafoɔm feme kpiri n do, haari ni bo m la má jɔre be bo m fa jaraki m tienju minem ni. ²⁰ Nyini deɛ ti, ye m fere am a, na m jojo am do na am si bo i wo bere, ka, soɔn n bo Yisarelifom yo i tama n deɛ ti, ye m wo ahin joroko n nu a."

²¹ Na ba se ka, “Ya nya de má kadasi be Yudiyafoɗm do fa ko u jore su. Ya minem bo bu fiteeri do baari n gusu, be nya kan má, wara i jojo jore tie be fa ko u do. ²² Ama, ya koro ka ya ti fite u do kabo u sunsunni ti, dama ya si ka nyini atin n bo a bita i ni, deke kere bo a ko, mine jaraki i wo.” ²³ Na ba kpama ceen ka bu tien bu noo. Nyini ceen n na mine beberebe aba atien bu noo deke bo Pɔolu da ni. Na wo kan akere bu kabo Nyeme femeya n atin ti barasu. Fite ngarama haari kongue, na wo boro i nyi na i ma bu si kabo Yesu ti barasu, fite kabo ba kere i Moyisi dee noanie kpamaawa kadasi n nu ni, ni kabo ba kere i Nyeme noanie kanfoɗm dee kadasi n nu ni. ²⁴ Na bu nbem ade i noanie ni, ama, na nbem akete, ba yo má yarada. ²⁵ Nyini ti, bu noo ayo má kun, na ba yasu ka bu ko awuru, na Pɔolu ase bu jore kun be abuka su, i na, “Nahore ye Nyeme Awiewie Casi n jojori am jore n a. I yo maari Nyeme noanie kanfo Esaya seeri am nam ka,

²⁶ ‘Ko na a ko se nyini minem ka, Nyeme na o,

Am so am sui ni nahore su,

ama, am ti má deke bo am so am sui ka am ti i n bu.

Am kaaki nie ni nahore su,

ama, am nu má pui.

²⁷ Dama ahin minem tii ti kekereke,

ba to bu sui na má bu ti,

ba kata bu nyumbaa na má bu nu.

Má nyini, bu nyumbaa nu i wo,

na bu sui ti,

na bu si bu ahore su,

na bu kaaki bu wo,

na m má bu nya laifie.’ ”

²⁸ Na Pɔolu akun i jojowa n noo, na wo se bu ka, “Nyini ti, m koro ka am si ka Nyeme asunma ya ka ya fa tiide labari kpa n ko ma minem bo bu ti má Yudafoɗm ni. Bere de i a.”

[²⁹ Na Pɔolu kaanri so wieeri ni, na Yudafoɗm n ayasu afite ako ase akuruwa nyannyan bu nuju nu.] ³⁰ Na Pɔolu ade soo, na i suto kaari, na wo wo nu haari afo nnyo, na i sude minem kere bo bu ba i do ni, ³¹ na i sukan Nyeme femeya n nusu jore, na i sukere minem ya Mibie Yesu Kristo jore ni ahoresi, be akanda má i.

Pɔɔlu kadasi bo i kere fa maari ROMAFOM ni

¹ Mini Pɔɔlu sukere ahin kadasi n fa ma am a. M ti Yesu Kristo akoo o, ye wo fere m ka m kaaki i jaramasa, na wo yi m ka m kan labari kpa n bo i fite Nyeme do n jore. ² Nyini labari kpa n ye Nyeme yo seeri ka i fa ma ya n a, na wo ma i noanie kanfom akere i jusu jore ase i jore kadasi n nu. ³ Nyini labari kpa n kere ya i Wa n jore wo, nzen ya nie i fa ko i adamande dee woowa su, bu yo wuuri i fiteeri Feme Davidi dee busu n nu n wo. ⁴ Ama, kabo Nyeme faari i yiko tengeeri i yiwee nu ni, nyini ma Awiewie Casi n kere ka i ti Nyeme Wa a, yiri la ya Mibie Yesu Kristo ni. ⁵ Yiri dee ti, ma di Nyeme ahorama, ye wo ma ma yo i jaramasa, adena i duma n dee ti, na m ma daanfie barasu kere de i noanie ni, na bu yo i yarada. ⁶ Ambere Romafom gusu, am wo nyini minem bo Nyeme afere bu n nu wo, ka am kaaki Yesu Kristo dee minem. ⁷ To, ambere bo am wo Roma mie kpiri n nu ni, ye m sukere ahin kadasi n ma am a. Ambere bo Nyeme koro am na wo fere am na am ayo i dee minem ni, ya Si Nyeme ni ya Mibie Yesu Kristo ma am wura bu ahorama nu na am nya ahoreda.

Kabo ma Pɔɔlu koroori ka i ko nie Romafom busu ni

⁸ Ciciri su, Yesu Kristo dee ti, m da m Nyeme asi ma am kere, dama durunya n nufom kere ati kabo am ayo Yesu Kristo yarada ni. ⁹ Nyeme bo m su i ni m ahorembaa kun ni, na m kan i Wa n labari kpa n jore ni, yiri di m daani a, kabo m nati sere Nyeme ma am ni. ¹⁰ Sanga kere m sere i wo, ka nzen i ti i dee koroyanu, i teke atin ma m kisa, na i awieeri su na m koro ba nie am busu. ¹¹ Dama m nyunu aboro ka m ba ni am wo, adena m fa aceeri n bo i fite Awiewie Casi n do ba ma am na am koro jina fanga kenken ni nyemesu ni. ¹² Nahore, i ti deke bo ya fa ma ya benju na ya nya ahoresi wo, m ni ambere kere, kabo ya yo Yesu yarada n dee ti.

¹³ M ninbaam, m koro ka am si ka sangha kere, ma m koro ka m ba ni am busu wo, ama, m nya ma atin. Ma m koro ka m ba nya mine am nu ma Nyeme wo, kabo ma nya am benju nbem bo bu ti ma Yudafofom ni. ¹⁴ Dama wo yo daka ka m yo so ma mine barasu kere, bo bu nyunu ateke, ni bo bu nyunu ateke ma, ni bo ba sonson kara, ni bo ba sonson ma kara. ¹⁵ Nyini dee ti, ye m ahore abi ka m ba kan labari kpa n jore kere ambere gusu bo am wo Roma mie kpiri n nu n a.

Yiko bo i wo labari kpa n nu ni

¹⁶ Nyinse ti ma m fa ko labari kpa n su, dama yiri ti Nyeme yiko bo i ma sono kere bo i yo yarada n nya tiide a, bo bu ti Yudafofom ni du mo a, na bo bu ti ma Yudafofom n nya to su. ¹⁷ Labari kpa n kere kabo Nyeme de sono ka i yo sa bo i ko atin su i do a. Sono kere bo i yo yarada, i fite i yaradayo n dee ti ye Nyeme de i mi ka i yo sa bo i ko atin su i do a, na nyini ma i yarada n yo biiwa. Kabo ba kere i Nyeme jore Kadasi n nu ka, Nyeme na, "Sono bo i yo sa bo i ko atin su m do, i nya ngoo, i yarada n dee ti."

Kabo adamande kere ayo satie ni

¹⁸ Nyeme wo angoro akere kabo wo fa yaa acin minem sui ni, bere bo bu sunsunni ti tie na bu yo satie ni, bu satie n dee ti, ba kete ka ma minem si Nyeme nahore su. ¹⁹ Deke bo i ti na wo fa yaa n la ka, ba ni deke n kere bo i ma bu si Nyeme ni, dama yiri ni i tii ayi i kpain afite fofoe nu. ²⁰ Fite sangha bo Nyeme yiiri durunya n ba juuri ni kisa, mine anu i woowa, i ti ma ka bu nyumbaa anu i kabo i ti barasu wo, ama, ba ni dekem bo wo yi bu ni. Nyini dekem ni kere ka i ti Nyeme nahore su a, ni kabo i la yiko bo i la ma awieeri ni. Nyini ti, be wo ma bere bo i koro se ka i si ma i. ²¹ Haari ni bo bu si i n kere, ba kete ka bu ma ma i jirima ka i ti Nyeme, na bu kaaki da ma i asi. Nyini dee ti, ye bu sunsunni kere aka ngbeen ye ngonle akpie bu su, ye bu ahorembaa ayo biri n a. ²² Bu bu ni bu ni bu ni ngonlefom wo, ama, bu ti sinnzinm wo. ²³ Jirima bo ma bu fa ma Nyeme bo i wo bere sangha kere ni, ba fa ama amom bo ba yo bu na bu ferema ni adamandem, ni lanjpetefom, ni ajaannam, ni cinbukunnusufom wo.

²⁴ Nyini dee ti, ye Nyeme ayaki bu ye bu yo bu kunnu koroowa n a, na bu suyo dangba sam bu njuru nu suwura bu ni nyinse. ²⁵ Dama ba kete Nyeme nahorefo ni, na bu nya susu kore su. Na bu su dekem bo Nyeme ayi bu ni, bu su ma yiri bo i yiiri deke n kere ni. Yiri dee la kansi sangha kere a. Ami. ²⁶ Ba kete Nyeme n dee ti, ye wo yaki bu a, na bu suyo nyinse sam kabo bu kunnu koro n a, haari na nbaram yaki nbiesom do daari, na bu sufa bu benju nbaram da, na bu yo kabo ma wo yo ma daka ka bu yo ni. ²⁷ Na

nbiesom n gusu yaki nbaram do daari, na bu la konviki agaya fa ko bu benggu nbiesom do, na bu ni bere sangda ka bara ni bieso dee su. Nyini nyinse sam dee ti, ye ba nya suicin kabo wo yo daka ka bu nya i n a.

²⁸ Kabo ba kete ka bu si ma Nyeme ni, nyini ma wo yaki bu, ye bu sunsunni tie n ma bu yo sa bo ma wo yo ma daka ka bu yo i n a. ²⁹ Bu ahorembaa ayi ni satie barasu kere ngumi wo, bu konviki wura bu benggu nengem nu wo, na bu suyo bu bengum tie, na bu susi bu bengum kore, na bu sukun bu bengum, na bu sudi aluwa, na bu sudadaka bu bengum, na bu sukpo bu bengum, na bu sukan bu bengum jore, ³⁰ na bu susaaki bu bengum duma, na bu sukpo Nyeme, na bu sukpie bu bengum nzuko, na bu la karambani, na bu sufo, na bu susunsun kabo bu yo na bu yo satiem, na bu sukete bu wufom noanie, ³¹ na bu la ma ngonle, na bu yo ma sa bo ba se ka bu yo i ni, na bu koro ma minem, na bu si ma bu bengum anunfo. ³² Bu si kabo Nyeme akere ka, sono kere bo i nati yo so, wo yo daka ka i mi wu ni, haari ni nyini mmoo, bu toko yo nyini sam wo, ama, bo i ko tara i kere n la ka, bu jina mine bo bu gusu nati yo nyini sam ni sin wo.

2

Kabo Nyeme ba di sono kere jore barasu ni

¹ To, woro kere bo a kan nyini minem jore ni, a la ma kabo a yo na a kan fite nu Nyeme do. Dama jore n bo a kan jaraki u benggu na woro ni u tii yo nyini sam ni, nyini ma a kan jaraki u nu n a. ² Ya si kabo Nyeme di minem kere bo bu yo so n jore, na i jaraki bu ni, i jore diiwa n ti nahore wo. ³ Ye woro kere bo a kan minem n bo bu yo nyini sam n jore jaraki bu, na woro mmoo ni u tii yo so ni, a sunsun ka a koro fite Nyeme jore diiwa n nu, nzen se? ⁴ Kabo Nyeme ayo sakpa bambaka ama u na i la mindi ni sawore ni, nzu ti ye a bu i ngbeen a? A si ma ka deke bo i ti na i yoori nyini sakpa n la ka, i koro ka a kaaki u wo wo, nzen se? ⁵ Ama, kabo a yo u ahorembaa kekereke na a kete ka a kaaki ma u wo ni, a sukpinu suicin ma u nu wo lee, ceen n bo Nyeme ba di minem jore nahore su, na i cin bu sui na sono kere nu i ni. ⁶ Na i to sono kere nkato kabo i sayoowa ti barasu. ⁷ Mine nbem dee la ka, bu mindi nati yo sakpa, na bu kpini kansu, ni jirima, ni anuniembaa bo i kpoo ma n busu ni, bere ye Nyeme ma bu ngoo bo i la ma awieeri n a. ⁸ Ama, minem bo bu nati yo anyii sam, na bu kete deke kere bo i ko atin su Nyeme do, na bu su satie atin su ni, bere ye Nyeme fa yaa bu nu na i cin bu sui n a. ⁹ Minem kere bo bu nati yo satie ni, bu di wahara na bu nu anyumboro, bo bu ti Yudafom ni du mo nu nyini kekereke n a, na bo bu ti ma Yudafom gusu nya to su. ¹⁰ Ama, minem kere bo bu nati yo sakpa ni, Nyeme ma bu nya kansu ni jirima ni ahoreda, bo bu ti Yudafom ni du mo nya nyini deke kpam n a, na bo bu ti ma Yudafom n gusu nya to su. ¹¹ Dama Nyeme tambu ma nu.

¹² Minem kere bo bu la ma Nyeme noanie kpamaawa n na bu yoori satie, bu ka ngbeen, haari ni bo bu la ma Nyeme noanie kpamaawa n ni. Na minem kere bo bu la Nyeme noanie kpamaawa n na bu yoori satie, bere ye Nyeme fa i noanie kpamaawa n di bu jore, na i bo bu asi a. ¹³ Ma minem bo bu sui ti Nyeme noanie kpamaawa ni ye Nyeme de bu ka bu yo sa bo i ko atin su i do a. Ama, bo bu yo kabo Nyeme noanie kpamaawa n kere ni, bere ye Nyeme de bu ka bu yo sa bo i ko atin su i do a. ¹⁴ Minem bo bu ti ma Yudafom na bu la ma Nyeme noanie kpamaawa ni, ama, na bu yo kabo noanie n kere ni, bu sunsunni ni bu ahorembaa kpa n dee ti, bere ni bu tii akpama noanie ama bu nu lee. ¹⁵ Kabo ba de i so ni, nyini kere ka Nyeme noanie kpamaawa n wo bu ahore su a, na bu sunsunni gusu kere ka i ti so o, na i kaaki jaraki bu ka ba yo sa bo i ko ma atin su, wara i koro jina bu sin ka ba yo sa bo i ko atin su. ¹⁶ Nyini kere yo ceen bo Nyeme ma Yesu Kristo ba di adamide kere jore bo i wo asiri nu n wo. M labari kpa n bo m kan i kere mine ni, kabo m kere i lee.

Yudafom ni Nyeme noanie kpamaawa n jore

¹⁷ Ambere bo am na am ti Yudafom, na am daafi Nyeme noanie kpamaawa n nu, na am fa fo ka am si Nyeme ni, ¹⁸ na am si kabo Nyeme koroowa ti, na am sunsun nyunyumi, na am yi sa bo i ti kpa, dama am asi Nyeme noanie kpamaawa n kere awie, ¹⁹ am yo am nu ka ambere bita anyinsinm kpama a, na am ti wein ma minem bo bu wo awosin nu ni. ²⁰ Am na ambere teke minem bo bu la ma ngonle nyi a, na am kaaki kere minem bo bu ti ka nbaatumam ni, dama am na am si Nyeme noanie kpamaawa n dee ti, am sunsun ka am si ngonle ni nahore kere bo i wo i nu ni. ²¹ Ambere bo am kere minem ni, nzu ti ye am kere ma am nu a? Ye ambere bo am se minem ka ma bu wo ni, am wo, nzen am wo ma? ²² Am na ma be saaki ajaa ciire ni, ye am saaki i, nzen am saaki ma i? Am na am koro ma amoe jore ni, ye am wo nengem amoe soom n nu, nzen am wo ma? ²³ Ambere bo am bita Nyeme noanie kpamaawa n fa fo ka am si i, na am su ma i su ni,

ambere kaaki wura Nyeme nyinse a. ²⁴ Kabo ba kere i Nyeme Jore Kadasi n nu ni, ka, "Ambere Yudafom dee ti, ye minem bo bu ti ma Yudafom joro kaba wura Nyeme ngasi nu a."

²⁵ Nzen am yo kabo Nyeme noanie kpamaawa n kere ka am yo ni, nyini yiri, am kenkenne n bo am awura i n la kperere. Ama, nzen am yo ma kabo noanie kpamaawa n kere ni, i ti ka am awura ma kenkenne lee. ²⁶ Nzen bo ba wura ma kenkenne n yo kabo Nyeme noanie kpamaawa n kere ka bu yo ni, Nyeme de bu ka ba wura kenkenne wo lee. ²⁷ Nyini ti, i sukere ka, bere n bo ba wura ma kenkenne na bu yo kabo Nyeme noanie kpamaawa n kere ni, bu di ambere Yudafom jore jaraki am, dama am awura kenkenne na am la noanie kpamaawa ni, ama, am yo ma kabo i kere ni. ²⁸ Dama ma Yudafom bo ba wura kenkenne anjumbaa su ni ngumi ti Yudafom nahore su a. ²⁹ Ama, sono bo i ti Yudafom nahore su la bo wo kaaki wo i ahorembaa su ni, na kenkenne wurawa nahore su fite ahorembaa su wo, Nyeme Awiewie ni kaaki sono a, ma noanie kpamaawa ni. Nyini sono so, Nyeme kansi i a, ma adamande.

3

¹ To, bo bu ti Yudafom ni, bu la nzu kperere wo? Ye kenkenne wura buka nzu wo? ² Nahore, Yudafom tara minem bo bu ti ma Yudafom ni deke dongu nu. Ciciri su, Nyeme du mo faari i noaniam n wurari bere saa nu a, ka bu nie i su. ³ Ye nzen Nyeme fa wurari bere saa nu a, ye bu nbem ayo ma yarada, nyini kere ka Nyeme la ma dabunju lee, nzen se? ⁴ Ai, ma so. Haari ni bo sono kere ti korefom ni, Nyeme yiri ti i nahorefo o, kabo ba kere i Nyeme Jore Kadasi n nu ni, ka,

"Deke bo a kan ni, bu nu ka nyini ti nahore a,

na nzen bu di u jore jarakiiri u, a kunma bu."

⁵⁻⁶ Ye nzen ya satiem n bo ya yo bu n kere kabo Nyeme yo sa bo i ko atin su, na i cin ya sui, ya koro se ka wo yo ma sakpa, nzen se? Ai, ma so. Adamande sunsunni lee. Nzen Nyeme yo ma sa bo i ko atin su, i yo se koro di durunya n nufom jore a? ⁷ Be koro se ka nzen m bu kore, na i ma minem nu kabo Nyeme nahore ti barasu, adena bu ma i jirima, ye nzu ti ye i di m jore cin m sui ka m ti satieyofom a? ⁸ I ti kabo mine nbem nati kan wo, bu na, am sa ya yo satie adena Nyeme ba ma i kaaki sakpa. Bu kpie m nzuko ka mini mmoo se mo o. Bu bu kore wo. Nyeme di bu jore na i cin bu sui.

Be wo ma bere bo i yo sa bo i ko atin su sangha kere

⁹ To, ya se se wo? Yere bo ya ti Yudafom ni, ya tara bo bu ti ma Yudafom n nzu nu wo? Ai, ya tara ma bu pui, dama ma du mo ase am ka yere Yudafom ni, ni bo bu ti ma Yudafom n kere ti satieyofom wo. ¹⁰ Kabo ba kere i Nyeme Jore Kadasi n nu ni, ka, "Be wo ma bere bo i yo sa bo i ko atin su, haari sono kun n kpein mmoo.

¹¹ Be wo ma bere bo i la ngonle,

be wo ma bere bo i nienie Nyeme busu.

¹² Sono kere akaaki bu sin abo Nyeme dee atin ni, bu kere aka ngbeen,

be wo ma bere bo i yo sakpa,

haari sono kun n kpein mmoo wo ma bere."

¹³ Ba kaaki akere ka,

"Bu konvi ti ka fanjunma bo ba teke i su wo,

na bu fa bu taferema sudadaka minem."

"Na jore bo i fite bu noo nu yo ya ka pumpuni bore wo."

¹⁴ "Nzukolee ni jore tie ngumi fite bu noo nu a."

¹⁵ "Bu ce ma na bu yi mine ngoo ndende.

¹⁶ Deke kere bu ko, bu dee la ka bu yo minem ngbeenngbeen,

na bu saaki bu.

¹⁷ Bu dee la ka bu nati sukpini jore, bu koro ma tanalaife."

¹⁸ "Bu nyunu yi ma Nyeme, nyini dee ti, bu soro ma i."

¹⁹ Ya si ka deke n kere bo ba kere i Nyeme noanie kpamaawa n nu ni, i joro ni Yudafom bo bu su i su n wo, adena ma be koro teke i noo kan jore be, ama, durunya n nufom kere ba jina Nyeme nyunu na i di bu jore na i cin bu sui. ²⁰ Dama be wo ma bere bo i koro se ka i su noanie kpamaawa n su dee ti, ye Nyeme de i ka i yo sa bo i ko atin su i do a, ama, noanie kpamaawa ni ma minem si ka bu ti satieyofom a.

Kabo Nyeme na sono yo sa bo i ko atin su i do ni

²¹ Ama, kisa Nyeme ayi akere ya kabo ya yo sa bo i ko atin su i do, ma yiri la bo ya su noanie kpamaawa n su ni, ama, yiri la bo noanie kpamaawa n ni Nyeme noanie kanfom diiri i nusu daani ka i yo n wo. ²² Yiri la ka, sono kere bo wo yo Yesu Kristo yarada, yiri ye Nyeme na i yo sa bo i ko atin su i do a, nyini ti, ya la ma kpakpaakinu, ²³ dama sono kere ayo satie afun Nyeme jirima woowa ni, ²⁴ ama, Yesu Kristo ade sono kere ti ai,

nyini dɛɛ ti ye Nyeme ŋa sɔno kere ayo sa bo i ko atin su i do n a, i ti Nyeme aceeri wo. ²⁵⁻²⁶ Yiri Yesu ye Nyeme ma i deeri adamande jinaabiri n a, na wo fa i ŋu ayo yoowa na wo wu, adena nzen minem yoori i yarada, i mbunja n dɛɛ ti, Nyeme fa bu satie ce bu. Deke bo i ti na Nyeme yoori so n la ka, i koro ka i kere kabo yiri ni i tii yo sa bo i ko atin su n wo, dama dawa sangga Nyeme yo laari sawore fa ko minem bo bu yo satie n do. Ama, kisa wo kere ka yiri ni i tii yo sa bo i ko atin su wo, na sɔno kere bo i yoori Yesu yarada, Nyeme de i mi ka yiri yo sa bo i ko atin su i do a.

²⁷ Nyini dɛɛ ti, nzu deke ye ya koro fa fo a? Deke be wo ma bere. Nɔanie kpamaawa ni ma minem yo sa bo i ko atin su Nyeme do a, nzen se? Ai, ma so. Ama, bo minem yo Yesu yarada n dɛɛ ti a. ²⁸ Ya nie ka deke bo i kere ka Nyeme de sɔno ka i yo sa bo i ko atin su i do n la kabo wo yo Yesu yarada n wo, ma ka i su nɔanie kpamaawa n su n dɛɛ ti a. ²⁹ I ti nahore wo, ka Nyeme ti ma Yudafoŋ ŋgumi Nyeme, i ti bo bu ti ma Yudafoŋ n gusu Nyeme wo. ³⁰ Nyeme ti kun wo. Yarada n dɛɛ ti, ye Nyeme ŋa Yudafoŋ bo ba wura kenkenne n yo sa bo i ko atin su i do a, ye minem bo bu ti ma Yudafoŋ na bu wura ma kenkenne ni, bu yarada ma Nyeme de bu ka bu yo sa bo i ko atin su i do a. ³¹ Nyini sukere ma ka ya yo Yesu yarada n dɛɛ ti, ya fa ma nɔanie kpamaawa n yo ma juma a. I ti ma so, ama, nyini ma ya bita nɔanie kpamaawa n kenken a.

4

Kabo Abraham yoori Nyeme yarada barasu ni

¹ To, am ma ya nie ya na Abraham jore. Ya busu nu, yiri ti ya kere na a. ² Nzen ma i sakpa yoowa dɛɛ ti ye Nyeme ade i ka i yo sa bo i ko atin su i do, ma i koro fa fo yanfoya, ama, Nyeme do, i ti ma so. ³ Dama ba kere i Nyeme jore Kadasi n nu ka, "Abraham yoori Nyeme yarada, nyini dɛɛ ti ye Nyeme ade i ka i yo sa bo i ko atin su i do n a." ⁴ Nzen sɔno yo juma na ba to i kaari, i ti ma ka bu ŋa ba ce i aceeri wo, i ti juma ni ŋkato o. ⁵ Ama, sɔno bo i yoori yarada, ma ka i sakpa bo wo yo i n dɛɛ ti ye Nyeme ade i ka i yo sa bo i ko atin su i do n a, ama, wo yo yarada ka Nyeme de satieyofa ka i yo sa bo i ko atin su i do n dɛɛ ti a. ⁶ Feme Davidi mmoo yo kaanri nyini minem ŋusu jore, ka i mi la terefie, dama Nyeme ade i ka i yo sa bo i ko atin su i do, ma ka i sakpa n dɛɛ ti a. I ŋa, ⁷ "Terefie wo bu do, minem bo Nyeme fa bu ŋgasi ce bu ni.

Terefie wo bu do, minem bo Nyeme kata bu satie su ni.

⁸ Terefiefo la sɔno bo Micera n ŋa i la ma satie be ni."

⁹ To, minem bo bu wuraari kenkenne n ŋgumi la nyini terefie ni, nzen se a? Ai, minem bo bu wura ma kenkenne ni mmoo la i. Dama ya du mo ase ka, Abraham yarada n dɛɛ ti ye Nyeme ade i ka i yo sa bo i ko atin su i do n a. ¹⁰ Sangga bono ye Nyeme seeri so n a? Nyini sangga Abraham awura kenkenne, nzen wo nya wura ma? Ai, nyini sangga wo nya wura ma. ¹¹ Nyini sangga n sin, ye i ba wuraari kenkenne n a. Na i kenkenne wuraawa n kere ka i yarada n dɛɛ ti ye Nyeme deeri i ka i yo sa bo i ko atin su i do, sangga bo i nya wura ma kenkenne ni. I yoori so ni, adena yiri Abraham ba yo minem bo ba yo yarada n kere si, haari ni bo ba wura ma kenkenne ni, ye Nyeme ade bu ka bu yo sa bo i ko atin su i do n a. ¹² Yiri gusu kaaki ti minem bo ba wura kenkenne n si a, ma ka ba wura kenkenne n dɛɛ ti, ama, bo ba yo yarada kabo i yoori yarada sangga bo i nya wura ma kenkenne ni.

¹³ Nyeme yo seeri Abraham ni i busu nufom ka i fa durunya n kere ce bu ni, ma ka i su Nyeme nɔanie kpamaawa n su dɛɛ ti a, ama, kabo wo yo Nyeme yarada n ti ye Nyeme deeri i ka i yo sa bo i ko atin su i do a. ¹⁴ Nzen mine su Nyeme nɔanie kpamaawa n su ye bu nya deke n bo Nyeme seeri ka i ce bu ni, nyini la ka yaradayo n ti ŋgbɛɛn wo lee, na kabo Nyeme ase n gusu la ma kpere. ¹⁵ Nzen minem saaki nɔanie kpamaawa ni, nyini ma Nyeme fa yaa na i cin bu sui a, ama, nzen ma nɔanie kpamaawa be wo ma bere, ma deke be wo ma bere bo i kere ka sɔno ayo satie.

¹⁶ Nyini ti, deke bo Nyeme yo seeri ka i fa ma ni, i baari minem bo bu yo yarada n dɛɛ ti wo. I yoori so ni, adena deke n bo i yo seeri ka i yo n yoo aceeri kpama ma Abraham busu nufom kere, ma bo bu su nɔanie n kpamaawa n su ŋgumi, ama, bo ba yo yarada kabo Abraham yoori ni. Yiri ti ya kere si a, ¹⁷ kabo ba kere i Nyeme jore Kadasi n nu ni, ka, Nyeme ŋa o, "M ma a yo mine barasu doŋgu si." Nyeme ŋuuri ka Abraham ayo yarada ka yiri Nyeme tenge minem bo ba wu n yiwee nu, na yiri ma deke n bo i yo wo ma bere n wo bere a. ¹⁸ Nyini ti, sangga bo Abraham yoori yarada na i la tama ni, i ti kekereke na i yo tama ka i ba yo mine barasu doŋgu si, kabo ba kere i Nyeme jore Kadasi n nu ka, "U busu nufom ba sunnu beberebe ni." ¹⁹ Haari ni sangga bo wo ju afo yaa, na i si ka wo yo kpien ni, na i yi Saara ti ŋoroka na wo yo buke n kere ni, i ŋunie ayoroki ma i, i yoori yarada a. ²⁰ Wo yo ma sika fa ko deke bo Nyeme seeri ka i yo i n

su, ama, yarada n bo i yoori i n dɛɛ ti, na wɔ nya fanja na wɔ kansi Nyemɛ. ²¹ Na wɔ si tenle su ka Nyemɛ koro yo deke n bo i yo seeri ka i yó i ni. ²² Abraham yoori yarada a, nyini dɛɛ ti ye Nyemɛ ade i ka i yo sa bo i kɔ atin su i dɔ n a. ²³ Kabo ba kɛrɛ i ka, Nyemɛ ade i ka i yo sa bo i kɔ atin su i dɔ ni, má Abraham ngumi dɛɛ ti ye bu kɛrɛeri i sɔ a, ²⁴ ama, yerɛ gusu dɛɛ ti ye bu kɛrɛeri sɔ n a, yerɛ bo Nyemɛ bá de ya ka ya yo sa bo i kɔ atin su i dɔ n na ya yo i yarada ni, yiri bo i tengeeri ya Mibiɛ Yesu i yiwee n nu ni. ²⁵ Ya satie dɛɛ ti ye Yesu wuuri a, na wɔ tenge i yiwee n nu, adena Nyemɛ de ya ka ya yo sa bo i kɔ atin su i dɔ.

5

Kabo Nyemɛ ade ya ka ya yo sa bo i kɔ atin su ni

¹ Tɔ, ya yo yarada, na Nyemɛ ade ya ka ya yo sa bo i kɔ atin su i dɔ ni, ye ya ni yiri afien ayo dɔngɔ a, ya Mibiɛ Yesu Kristo dɛɛ ti. ² Yesu Kristo dɛɛ ti ma ya la atin jina deke bo ya wo kisa n a, yiri la Nyemɛ ahɔrɔma n bo wɔ fa ama ya ni, na ya la ahorejɔ, dama ya la tama ka ya nyá Nyemɛ dɛɛ jirima woowa n be. ³ Na nzen ya gusu la ahorejɔ sanja bo ya di wahara, ya si ka wahara di ni ma ya mindi a. ⁴ Nzen ya la mindi, nyini ma ya la wo kpa a, nzen ya la wo kpa, nyini ma ya la tama a. ⁵ Na tama n bo ya la i ni, i ma ya di má nyinse, dama Nyemɛ afa i Awiewie Casi n ama ya, yiri ma ya si ya ahore su kabo Nyemɛ koro ya agaya barasu a.

⁶ Sanja bo ya la má fanja mmɔɔ ni, nyini sanja n ye Kristo ba wu maari satieyofɔm n a. ⁷ I ti kekereke ka sɔnɔ soro su na i tɔ i ngɔɔ na i wu ma sɔnɔ bo i yo sa bo i kɔ atin su, ama, beni, be koro fa ahoresi na i soro su na i de sɔnɔ bo i yo sakpa agaya jinaabiri na i wu ma i. ⁸ Ama, Nyemɛ yiri akere ya kabo i koro ya barasu, dama sanja bo ya toko yo satiem ni, ye Kristo ba wu maari ya a. ⁹ Nyini dɛɛ ti, i yiwee n bo i wu maari ya ni, ye Nyemɛ ade ya ka ya yo sa bo i kɔ atin su i dɔ n a, nyini ti, i ti nahore wɔ ka i dé ya fite suicin n bo Nyemɛ fá cin satieyofɔm ni. ¹⁰ Sanja bo ya yo ti Nyemɛ kpɔfɔm ni, ye i wa Yesu wu maari ya n a, na wɔ yo ya ni Nyemɛ afien dɔngɔ, kisa na ya ni Nyemɛ afien ayo dɔngɔ ni, i dé ya tii ji nahore su, dama Yesu la ngɔɔ n dɛɛ ti. ¹¹ Má nyini ngumi a, ama, ya la ahorejɔ na ya bo tuntun Nyemɛ ya Mibiɛ Yesu Kristo dɛɛ ti, dama wɔ yo ya ni Nyemɛ afien dɔngɔ.

Adam ni Yesu Kristo jɔrɛ

¹² Am ma ya tenje ya kere na Adam jɔrɛ su. Yiri sɔnɔ kun dɛɛ sa bo i yoori i ni faari satie baari durunya n nu a, ye satie n gusu faari yiwee ba kuunri sɔnɔ kere n a, dama sɔnɔ kere yo satie wɔ. ¹³ Satie yo woori durunya n nu ka, ye Nyemɛ nya ba faari i noanie kpamaawa n maari a, ama, sanja bo Nyemɛ nya fa má i noanie kpamaawa n ma má ni, minem yo kan má satie jɔrɛ, dama noanie kpamaawa be wo má bere n dɛɛ ti. ¹⁴ Ama, haari nyini mmɔɔ, fite Adam sanja n kere ko ju Moyisi sanja ni, yiwee la yiko kun minem sɔ ɔ, haari ni bo ba yo má satie kabo Adam yoori ni. Adam woowa kere ya deke be fa ko yiri n bo i bá ba n jɔrɛ a.

¹⁵ Ama, aceeri n bo Nyemɛ afa ama ya ni, i ti má ka Adam dɛɛ satie ni. Sɔnɔ kun satie dɛɛ ti ye mine dɔngɔ wuuri a, ama, deke bo i tara i kere n la ka, mine dɔngɔ anya ahɔrɔma bambaka, i ti aceeri bo i fite Nyemɛ dɔ ɔ, sɔnɔ kun ahɔrɔma dɛɛ ti. Yiri la Yesu Kristo. ¹⁶ Bekun, Nyemɛ aceeri n ti má ka sɔnɔ kun n dɛɛ satie ni, dama sɔnɔ kun n dɛɛ satie ni, nyini ma Nyemɛ di mine jɔrɛ cin bu sui a, ama, mine dɔngɔ satie bo ba yo i n dɛɛ sin, ye Nyemɛ ace bo aceeri a, na wɔ de bu ka bu yo sa bo i kɔ atin su i dɔ. ¹⁷ Ya ŋu ka sɔnɔ kun dɛɛ satie ti, ye yiwee la yiko kun mine sɔ n a, yiri sɔnɔ kun n satie dɛɛ ti. Ama, deke bo i tara i kere n la kabo mine anya ngɔɔ adi femeya n wɔ, dama ba nya ahɔrɔma bambaka n bo i ti Nyemɛ aceeri ni, Nyemɛ ade bu ka bu yo sa bo i kɔ atin su i dɔ a. I kere fite sɔnɔ kun n dɛɛ ti wɔ, yiri la Yesu Kristo.

¹⁸ Nyini ti, kabo sɔnɔ kun dɛɛ satie ti na Nyemɛ di minem kere jɔrɛ cin bu sui ni, sɔ bekun ye sɔnɔ kun dɛɛ sakpayo ni ma Nyemɛ de minem kere ka bu yo sa bo i kɔ atin su i dɔ na bu nya ngɔɔ a. ¹⁹ Na kabo sɔnɔ kun keteeri Nyemɛ noanie n na minem kere ayo satieyofɔm ni, sɔ bekun ye sɔnɔ kun gusu ade Nyemɛ noanie n a, nyini ye Nyemɛ dé minem kere ka bu yo sa bo i kɔ atin su i dɔ a. ²⁰ Nyemɛ faari i noanie kpamaawa n kereeri a, na mine si kabo satieyo asunnu barasu a, ama, deke bo satieyo sunnu, Nyemɛ ahɔrɔma n bo wɔ fa ama n sunnu tara sɔ. ²¹ Nyini ti, kabo satie la yiko na i ma yiwee kun minem sɔ ni, sɔ ye Nyemɛ ahɔrɔma n dɛɛ ti, ye i de minem ka bu yo sa bo i kɔ atin su i dɔ a, na bu nya ngɔɔ bo i la má awieeri a, ya Mibiɛ Yesu Kristo dɛɛ ti.

6

Yesu Kristo dɛɛ ti ya la ŋɔɔ

¹ Tɔ, ye ya se sɛ wɔ? Ya koro kɔ su suyo satie, adena Nyeme ahɔroma buka su, nzen se? ² Ai. I koro yo má sɔ. I ti ka ya ti minem bo ba du mɔ awu wɔ, fa kɔ satie su. Ye nzu ti ye ya toko yo satie bekun a? ³ Am si má Nyeme nzue n biɛ n bu wɔ? Yere bo bu biɛri ya Nyeme nzue ni, ya ni Yesu Kristo ayo kun lɛɛ, na ya ni yiri asanɔa awu yiwee kun lɛɛ. ⁴ Sanɔa bo bu biɛri ya Nyeme nzue ni, i ti ka ya ni Yesu asanɔa awu, na ba kaaki ase ya ni yiri wɔ lɛɛ. Na kabo ya Si Nyeme Yikofɔ n tenɔgeeri Yesu i yiwee nu ni, so ye i má ya gusu nya nyini ŋɔɔ fɔfɔre n a.

⁵ Ya ti kabo i ti n wɔ, sanɔa bo i wuuri ni, so ye wɔ yo daka ka ya bá ti kabo i ti n a, i yiwee tenɔge n nu. ⁶ Ya si ka, ya woowa dawa ni, ba sanɔa akpama i ni Kristo i baka jaanu n su, adena má ya yo akɔɔm fa kɔ satie su kun, dama anɔuniɛmbaa n bo i yo satie n wo má bere kun. ⁷ Dama sɔnɔ kere bo wɔ wu, wɔ de i tii afite satie nu lɛɛ. ⁸ Tɔ, kabo ya ni Kristo sanɔa wuuri ni, so ye ya yo yarada ka ya ni yiri sanɔa nya ŋɔɔ a. ⁹ Ya si ka Kristo tenɔgeeri i yiwee n nu ni, i wú má kun, dama yiwee la má i nusu yiko kun. ¹⁰ Yiwee n bo i wuuri ni, i wuuri kpekun n kpein wɔ, na i yi satie, ama, ŋɔɔ n bo i la i ni, i wo Nyeme dɛɛ wo wɔ. ¹¹ Sɔ ye i ti ye ni ka ambere ni am tii si ka am awu fa kɔ satie su a, na am ni Yesu ayo kun, ye am la ŋɔɔ wo Nyeme dɛɛ wo a.

¹² Nyini ti, má am ma satie la yiko fa kɔ am nɔuniɛmbaa n su, na am yo am kunnu koroowa. ¹³ Má am fa am nɔuniɛmbaa be ma satie, na i kaaki deke bo i yo satie, ama, am fa am nɔa ma Nyeme ka minem bo ba tenɔge yiwee nu anya ŋɔɔ kisa, na am fa am nɔuniɛmbaa n kere ma Nyeme na i fa am yo deke bo i yo sa bo i kɔ atin su. ¹⁴ Satie la má yiko fa kɔ am dɔ, dama Nyeme nɔaniɛ kpamaawa n nie má am su kun, ama, Nyeme ahɔroma ni nie am su a.

Minem bo ba kaaki sa bo i kɔ atin su akɔɔm

¹⁵ Tɔ, nzu bekun a? Kisa, Nyeme nɔaniɛ kpamaawa n nie má ya su kun, ama, Nyeme ahɔroma ni nie ya su a. Nyini ti, ya koro yo satie, nzen se? Ai, má sɔ. ¹⁶ Am si ka nzen am faari am nɔa maari be na am deeri i mi nɔaniɛ, am ti i mi n akɔɔ sɔ lɛɛ. Kabo i nya ti sɔ ni, nzen am faari am nɔa maari satie, am ti satie akɔɔ sɔ, na am wú sɔ lɛɛ. Ama, nzen am gusu deeri Nyeme nɔaniɛ ni, i dé am ka am ayo sa bo i kɔ atin su i dɔ sɔ lɛɛ. ¹⁷ Sanɔa be am yo ti satie akɔɔm wɔ, ama, kisa ya da Nyeme asi ka Nyeme nɔaniɛ n bo bu fa kereeri am, na am ade i ni am ahorembaa kere ni, ¹⁸ am ade am tii afite satie nu lɛɛ, am akaaki sa bo i kɔ atin su n akɔɔm wɔ. ¹⁹ M fa adamande dɛɛ woowa, ye m fa kere kabo Nyeme ti a, dama am suti má i bu. Am yo fa am nɔuniɛmbaa n be yoori dangba sam wɔ, ni satie barasum wɔ, nyini ma am saaki nɔaniɛ kpamaawa n a, so ye kisa am fa am nɔuniɛmbaa yo sa bo i kɔ atin su, nyini ma am yo Nyeme mine casim a.

²⁰ Sanɔa bo am yo ti satie akɔɔm ni, be miɛ má am ka am yo sa bo i kɔ atin su. ²¹ Satiem bo am yo yoori bu ni, nzu kperɛ ye am nyaari i a? Pui. Kisa, bu ti am nyinse wɔ, na i awieeri kere la yiwee wɔ. ²² Ama, kisa na am ade am tii afite satie nu, na am ayo Nyeme akɔɔm ni, kperɛ bo am anya i ni, yiri la bo am ayo i mine casim ni, na i awieeri, am nyá ŋɔɔ bo i la má awieeri ni. ²³ Dama satie ŋkatɔ la yiwee wɔ, ama, Nyeme aceeri n bo wɔ fa ama ya n la ŋɔɔ bo i la má awieeri na i wo ya Mibie Yesu Kristo nu n wɔ.

7

Ajaa woowa kere kabo atin fɔfɔre n ti barasu a

¹ Tɔ, m ninbaam, m sujoɔ ambere bo am si nɔaniɛ kpamaawa ni dɔ a. Am si má ka nzen sɔnɔ toko la ŋɔɔ, ye nɔaniɛ kpamaawa n nie i su a? Ama, i nya wu wieeri, i koro nie má i su kun. ² Ya fa i ka, nzen bara aja, na i hun toko la ŋɔɔ, nɔaniɛ kpamaawa n ma má atin ka i yaki i ajaa, ama, nzen i hun n nya wuuri, i la atin bo i koro kɔ ja biesɔ fɔfɔre. ³ Nyini ti, nzen i hun n toko la ŋɔɔ na i kɔ jaari biesɔ fɔfɔre, bu fére i ka bara bo wɔ saaki ajaa ciire wɔ, ama, nzen i hun n awu ye i kɔ jaari biesɔ fɔfɔre, nɔaniɛ kpamaawa n ma i atin wɔ, wɔ saaki má ajaa ciire lɛɛ. ⁴ Tɔ, nyini ti, m ninbaam, i ti sɔ sɔ lɛɛ, ambere mmɔɔ dɔ. Kabo am ni Kristo ayo kun na wɔ wu ni, bu sanɔa kuunri am ni yiri wɔ lɛɛ. Nyini ti, nɔaniɛ kpamaawa n nie má am su kun, nyini ma am la atin na am kaaki be dɛɛm n a. Nyini la ka, am ti Kristo dɛɛm wɔ lɛɛ, yiri bo i tenɔgeeri i yiwee n nu ni. Deke n bo i ti na i yo sɔ n la ka, ya koro yo sakpa ma Nyeme. ⁵ Sanɔa bo ya yo su ya adamande woowa su ni, ya koroowa la ka, ya sufa ya nɔuniɛmbaa suyo satiɛm, nɔaniɛ kpamaawa n dɛɛ ti. Nyini satiɛm n awieeri la yiwee wɔ. ⁶ Ama, kisa, ya nya ya tii afite nɔaniɛ kpamaawa n bo i yo nie ya su ni, dama ya wu wɔ. Nyini ti, ya su Nyeme wɔ, ya

su má atin dawa n bo i su noanie kpamaawa n bo ba kere ase n su, ama, ya su Nyeme ni atin fofore n bo Awiewie Casi n afa ama ya ni su a.

Kabo noanie kpamaawa n ma mine yo satie barasu ni

⁷ Tɔ, ye ya se se wɔ? Ya koro se ka noanie kpamaawa n ti satie, nzen se? Ai, má so. Nzen má noanie kpamaawa n awo má bere, má m si má kabo satie ti. Dama nzen má noanie kpamaawa n ase má ka, “Má a ma u konviki wura be deɛ nenɛge nu,” má m si má ka nzen u konviki wuraari be deɛ nenɛge nu, i ti satie wɔ. ⁸ Noanie maawa n bo i seeri so n deɛ ti, satie anya atin m ahore su, nyini ma m la konviki barasu barasu fa ko minem nenɛge nu n a. Nyini kere ka nzen noanie kpamaawa n wo má bere, satie la má yiko, i ti ka deke bo wɔ wu wɔ. ⁹ Saɛga be m yo la ɲɔɔ ɔ, na m si má noanie kpamaawa n jore, ama, saɛga bo noanie maawa n baari ni, na wɔ ye satie su m ahore su, ¹⁰ na ma wu. Na ma ɲu ka noanie maawa n bo má i ma ɲɔɔ ni, mini do, i faari yiwee baari a. ¹¹ Noanie maawa n deɛ ti, ye satie anya atin awura m ahore su adadaka m, ye i kun m a. ¹² Nyini kere kere ka noanie kpamaawa n ni i ti, ti deke kpa fite Nyeme do ɔ, na noanie maawa kun kun n kere ti deke kpa a, na i kere sa bo i ko atin su.

¹³ Nyini ti, noanie kpamaawa n bo i ti kpa ni, wɔ ma ma wu wɔ, nzen se? Ai, má so. Ama, satie fa nyini noanie kpa n su wɔ, ye i ma m wu a, adena satie kere kabo i ti barasu nahore su, na noanie maawa n ma minem si kabo satie ti deke tie agaya ni.

Woowa barasu nnyɔ bo i wo adamande nu ni

¹⁴ Ya si ka noanie kpamaawa n ti awiewie jore wɔ, ama, mini yiri, m bita adamande deɛ woowa a, na m ti satie akɔɔ. ¹⁵ Sam bo m yo bu ni, m koro si má deke n bo i ti na m yo bu ni, dama deke n bo m koro ka m yo bu ni, m yo má nyini, ama, deke n bo m kpo bu ni, m yo nyini wɔ. ¹⁶ Nyini ti, nzen m yoori satie be, na m koro má i, ma soro su ka noanie kpamaawa n ti kpa wɔ leɛ. ¹⁷ Ma ɲu ka má m koroyanu ye m yo nyini satiem n a, ama, satie n bo i wo m ahore su ni ma m yo so a. ¹⁸ M si ka woowa n bo m bita i ni, i ti má kpa haari kaan so, i ti adamande woowa a, nyini ti, sakpayo wo m ahore su, ama, m koro yo má i. ¹⁹ M koro ka m yo sakpa, ama, m koro yo má i, satie n bo m koro má ka m yo i ni, m yo nyini wɔ. ²⁰ Satie n bo m yo bu na m koro má ka m yo bu ni, nyini la ka, má mini ni m tii yo bu a, ama, satie n bo i wo m ahore su ni yo bu a.

²¹ Ma ɲu ka nyini jore n ti nahore wɔ, ka, saɛga kere bo m koro ka m yo sakpa, nyini saɛga ye m yo satie a. ²² Dama m sunsunni ni m ahore su, m koro Nyeme noanie kpamaawa ni. ²³ Ama, ma ɲu ka noanie barasu be wo m ɲuniembaa n kere nu, nyini noanie tie n kun lue ni noanie kpamaawa n bo i wo m sunsunni ni m ahore su n wɔ, na i kunma m ɲuniembaa n kere nu, na i tara m nyi m. ²⁴ Oi. Mini aɲunfofo so. Nma dé m tii ji a, na i yí m fite ahin adamande aɲuniembaa n nu a, bo i sucin m ko yiwee n nu, na m ka ngbeen n a? ²⁵ M da Nyeme asi, dama wɔ de m tii aji, ya Mibie Yesu Kristo deɛ ti.

Tɔ, mini do, m sunsunni ni m ahore su, m su Nyeme noanie kpamaawa n su wɔ, ama, m adamande deɛ woowa su, m su satie atin su wɔ.

8

Minem bo bu woowa ti kabo Awiewie Casi n koro ni

¹ Nyini ti, kisa, soɔ kere bo i ni Yesu Kristo ayo kun, Nyeme di má i jore cin má i sui. ² Dama Awiewie Casi n deɛ noanie kpamaawa n bo i ma ya ɲɔɔ, na i fite Yesu Kristo do ni, ade u tii aji, na wɔ yi u affite noanie kpamaawa n bo i ma a yo satie na a wu n nu ni. ³ Nyini noanie kpamaawa n la má faɲga, dama adamande aɲuniembaa woowa n ayoroki. Deke bo noanie kpamaawa n akoro ayo má i ni, Nyeme ayo i, yiri la bo i sunmaari i tienɲu Wa durunya n nu fen, ni aɲuniembaa bo i ferema ni adamande deɛ n bo i yo satie ni, na wɔ di satie bo i wo adamande ɲunie n nu n jore, na wɔ yo i ngbeen. ⁴ Deke bo i ti na Nyeme yoori so n la ka, adena ya yo sa bo i ko atin su kabo noanie kpamaawa n kereeri ni, dama yere, ya su má adamande aɲuniembaa woowa n atin su kun, ama, ya su awiewie n deɛ atin ni su a. ⁵ Minem kere bo bu su adamande aɲuniembaa woowa n atin su ni, bu sunsunni kere wo adamande sa koroowa su wɔ, ama, minem bo bu su Awiewie Casi n deɛ atin n su ni, bu sunsunni kere wo Awiewie Casi n jore su wɔ. ⁶ Bo i sunsunni wo adamande aɲuniembaa woowa n su, i mi wú ɔ, ama, bo i sunsunni wo Awiewie Casi n jore su, i mi nyá ɲɔɔ, na i nyá ahoreda. ⁷ Dama soɔ kere bo i sunsunni kere wo adamande aɲuniembaa woowa n su ni, i mi ti Nyeme kpofɔ ɔ, i de má Nyeme noanie kpamaawa ni, i koro de má i wɔ mmɔɔ fieo, ⁸ na bo i su adamande deɛ aɲuniembaa woowa n su ni, i koro yo má sa bo i sun Nyeme nu.

⁹ Ama, ambere yiri, am su má adamande aɲuniembaa woowa n atin n su, am su Awiewie Casi n deɛ atin ni su a, dama Awiewie Casi n wo am nu n wɔ. Ama, soɔ kere

bo i la má Kristo Awiewie ni, i mi ti má Kristo dee. ¹⁰ Ama, amberε bo Kristo wo am do ni, am nuniembaa n bá wu wɔ, satie dee ti, ama, Awiewie Casi ni ama am ngɔɔ, dama Nyeme do, i de am ka am yo sa bo i kɔ atin su wo. ¹¹ Nahore su, Nyeme tengeeri Yesu i yiwee n nu, nyini ti, nzen i Awiewie Casi n wo am nu, haari am nuniembaa wuuri mmɔɔ, i tɛngge i kabo i tengeeri Yesu i yiwee n nu n wɔ, dama i Awiewie n wo am nu n dee ti.

¹² Nyini dee ti, m ninbaam, ya di kaari, má yere adamande anuniembaa woowa n su dee kaari, bo má ya fa su yere adamande anuniembaa woowa n atin su ni. ¹³ Dama nzen am su adamande dee anuniembaa woowa n atin su, am wú wɔ lee, ama, nzen am ma Awiewie Casi n bukaari am, na am yakiiri adamande anuniembaa woowa ni, am nyá ngɔɔ. ¹⁴ Minem kere bo bu ma Nyeme Awiewie n kere bu atin, bere ti Nyeme nbaam a. ¹⁵ Dama Awiewie Casi n bo am ade i ni, i yaki má am na am kaaki yo akɔɔm kun na am soro sere, ama, yiri ma am yo Nyeme nbaam a, na yiri ma am koro bo fere Nyeme ka, “*Abba,*” i bu la ka, “*M Si.*” ¹⁶ Awiewie Casi n ni i tii buka ya dee awiewie n ye i di daani ya ahore su se ka ya ti Nyeme nbaam a. ¹⁷ Kabo ya ti Nyeme nbaam ni, ya nyá deke n bo Nyeme ase ka i fá ma i minem ni, na ya ni Yesu Kristo gusu sánnga nya deke n bo Nyeme ase ka i fá ma i minem n a. Nzen ya ni yiri sannga diiri wahara, ya ni yiri gusu sánnga nya i jirima woowa ni.

Kabo ya woowa bá ti kabo Nyeme dee n ti ni

¹⁸ M sunsun ka wahara n bo ya sudi i kisa ni, i ti má pui, ya koro fa má i sunsun má jirima woowa n bo Nyeme bá yi i kere ya ni. ¹⁹ Deke n kere bo Nyeme ayi bu n n̄minda ni anyumboro wɔ, na bu bá n̄u kabo Nyeme yi i nbaam fite fofoe n nu. ²⁰ Dama deke n kere bo Nyeme ayi bu n wo bere wɔ, bu la má kperε, má ka bere koro so a, ama, Nyeme ma bu la má kperε a. Deke bo i ti na i yo so n la ka, i la tama ²¹ ka deke n kere bo wɔ yi bu ni, bu nyá bu tii, na má bu yo akɔɔm kun, na bu wu na bu kperɔ, ama, na bu nyá tiide ni jirima woowa kabo Nyeme nbaam kere nya i barasu ni. ²² Ya si ka deke n kere bo Nyeme ayi bu ni, wo waraki ni yaari nu wɔ, haari ni kisa, kabo bara ba suwu baa na i di yaari ni. ²³ Má deke n bo Nyeme ayi bu ni ngumi wo waraki su a, ama, yere mmɔɔ bo ya de i Awiewie bo i ti ciciri su aceeri ni, ya wo waraki su sun̄minda ni anyumboro wɔ, ka Nyeme bá fa ya yo i nbaam, na i de ya n̄unie ni. ²⁴ Tiide n bo ya nya i ni, nyini ma ya la tama n a. Nzen a la deke, a se má ka a la tama ka a nya i. Deke bo sonɔ la i, i se má ka i la i tama. ²⁵ Ama, nzen ya la tama ka ya nyá deke be na ya nya nya má i, ya mindi n̄minda ni anyumboro wɔ, na ya bá nya i.

²⁶ I ti so lee, sannga kere bo ya yoroki na ya si má kabo ya yo ni, Awiewie Casi n ba buka ya, beni, ya si má kabo ya sere Nyeme barasu, ama, Awiewie Casi n ni i tii waraki so ɔ sere Nyeme ma ya, ni waraki bo adamande koro jɔɔ má i. ²⁷ Nyeme fiiti adamande ahorembaa su na i si kabo i ti barasu a, yiri si deke bo i wo i Awiewie Casi n sunsuni nu a, dama Awiewie Casi n su kabo Nyeme koro ni su a, na i sere Nyeme ma i minem. ²⁸ Ya si ka Nyeme wo minem bo bu koro i n do, na i buka bu, adena i yo deke kere dongu ma bu, bere la minem bo i du mɔ sɛsɛeri su ka i fere bu ni, na wo fere bu. ²⁹ Nyeme du mɔ siiri nyini minem wɔ, na wɔ cici ka bu bá yo kabo i Wa n ti ni, nyini ma i Wa n yoori baakpien, i nbaam kere nu n a. ³⁰ Nyeme du mɔ ciciiri nyini n kere wɔ ka, na wo nya fere bu, na bere n bo wo fere bu n ye wɔ de bu ka bu yo sa bo i kɔ atin su i do n a, na bere n bo wo de bu ka bu yo sa bo i kɔ atin su i do ni, ye wɔ ma bu i jirima woowa n be n a.

Kabo Nyeme akere i koro barasu ni

³¹ To, kisa, ye ya se se wɔ bekun a, fa ko ahin sam kere su a? Nzen Nyeme wo ya do, n̄ma koro yo ya sa be a? ³² Nyeme akete má ka i fa má i tien̄gu Wa ni mmɔɔ ma má ya, ama, i faari i maari ya kere wɔ. Nyini ti, i yo se kete ka i má má ya deke n kere bo i ti kpa n a? ³³ N̄ma koro fa jɔre fa so Nyeme minem bo wɔ yi bu n a? Be wo má bere, dama Nyeme ni i tii ade bu ka bu yo sa bo i kɔ atin su i do a. ³⁴ Nyini ti, n̄ma koro di ya jɔre cin ya sui a? Be wo má bere. Dama Kristo ni i tii wuuri wo, nahore na wo tenge i yiwee n nu, i tana Nyeme saa fomboro su, susere i ma ya. ³⁵ Koro n bo Kristo koro ya ni, nzu deke koro kpaaki ya ni yiri a? Ai. Deke be koro kpaaki má ya ni yiri n nu. Kekereke o, wahara o, wuwuruwa o, ahɔe o, yaari o, anyumboro o, yiwee o. Deke be wo má bere bo i koro kpaaki ya ni yiri nu. ³⁶ Dama ba kere i Nyeme Jɔre Kadasi n nu ka, “*Wɔrɔ dee ti, ale kere bo i cin, bu kun ya so ɔ, ya ti ka nbɔem wɔ, ye bu kpie ya kɔm a.*”

³⁷ Haari ni nyini n kere mmɔɔ ni, ya di nasara a, na ya toko di nasara buka su, Kristo bo i koro ya n dee ti. ³⁸⁻³⁹ M si tenle su ka, deke be wo má bere bo i koro kpaaki ya ni koro n bo Nyeme koro ya, ya Mibie Yesu Kristo dee ti ni, yiwee wara ngɔɔ o, merɛkem

wara Sitana yikofom o, deke n bo bu wo bere o, wara deke n bo bu bá yo o, yiko bo i wo angoro wara asien bu o. Deke n bo Nyeme ayi bu ni, bu be wo má bere bo i koro kpaaki koro n bo i wo ya ni Kristo afien ni.

9

Minem bo Nyeme afere ayi bu n jore

¹ Tó, deke bo m sukan kere am ni, i ti nahore wo, m bu má kore, m ti Kristo dee wo, Awiewie Casi n gusu kere m sunsuni nu a, ye i di daani m ahore su a. ² Yiri la ka, m ahore asaaki agaya, na sanja kere i suyo m yaa ³ fa ko m ninbaa Yisarelifom dee busu. Nzen má mini ni m tii kaari ngbeen, na m kpaaki yakiiri Kristo, adena i buka m ninbaam, m dee tenju minem ni, má m koro. ⁴ Bere la Yisarelifom bo Nyeme maari bu atin ka bu yo i nbaam, na bu nyuri i jirima woowa ni, na i faari sesesum diiri i di ni bere ni, na i faari noanie kpamaawa n maari bu ni, na i kereeri bu kabo bu su i barasu ni, na i seeri ka i yó sakpa beberebe ma bu ni. ⁵ Bu ti ya nam busu nufom wo, haari Kristo Tiidefo n bo Nyeme sunmaari i na i kaaki adamande baari durunya n nu ni, bu wuuri i fite bu dee busu n nu wo. Kristo Tiidefo ni la yiko tara deke n kere, yiri ti Nyeme a, yiri ti ye ni kansi sanja kere a. Ami.

⁶ I ti má ka Nyeme noanie n ti má nahore wo, dama má bu kere bo bu wuuri bu Yisarelifom busu nu ni n ti Yisarelifom nahore su a. ⁷ Nahore, má nbaam kere bo Abraham wuuri bu ni ti i nbaam nahore su a, ama, Nyeme yo seeri Abraham ka, "U wa Izaki sinfom ngumi yó u busu nufom a." ⁸ Nyini la ka, má nbaam kere bo Abraham wuuri bu kabo adamande wu nbaam ni ti Nyeme nbaam nahore su a, ama, i nbaam bo Nyeme seeri ka i wú bu ni ngumi, ti i busu nufom nahore su a. ⁹ Dama kabo Nyeme yo seeri i n yaa, i na, "Ti fen, ngoo ceen ka buuso, m káaki ba na m bá nyu ka u yi Saara bita baabieso." ¹⁰ Má nyini ngumi a, am tenge su ka ya na Izaki yo maari i yi Rebeka akunnu, ye i wuuri ndaam n a. ¹¹⁻¹² Sangá bo Rebeka nya wu má i ndaam ni, na bu nya yo má sakpa wara satie be ni, nyini sanja n ye Nyeme seeri i ka, "Baakpien ni bá su baakan n a." Nyeme dee koroyanu ye i yoori so n a, yiri koro i sono ye i yiiri i a, má ka bu be sayoowa dee ti a. ¹³ Kabo ba kere i Nyeme Jore Kadasi n nu ni, ka, Nyeme na, "Jakabu, ye m koro i a,

ama, Isawu yiri, m kpo i wo."

¹⁴ Ye ya se se wo? Ya koro se ka Nyeme ayo má sa bo i ko atin su, nzen se? Ai, ya koro se má so fieo. ¹⁵ Dama Nyeme yo seeri Moyisi ka, "Sono kere bo m koro ka m buka i, m búka i wo,

na sono kere bo m koro ka m si i anjunfo o."

¹⁶ Nyini ti, má adamande koroyanu, wara deke bo i boro i nyi yo i ni ti jore a, ama, kabo Nyeme si anjunfo ni, nyini ti jore a. ¹⁷ Dama ba kere i Nyeme Jore Kadasi n nu ka, Nyeme yo seeri Ijipiti Feme Faaro ka, "Deke n bo i ti na m yiiri u tanaari femeya bie n su n la ka, m kére m yiko u ngoo su, na m duma tá bara ye durunya n kere nu." ¹⁸ Nyini kere kere ka, sono kere bo Nyeme koro ka i si i anjunfo, ye i si i mi anjunfo a, na minem bo i koro ka i yo bu ahorembaa kekereke ni, na i yo bu.

Nyeme yaafa ni i anjunfo si n jore

¹⁹ Nyini ti, beni, be koro bisa m ka, "Nzen i ti so, nzu ti ye Nyeme di minem bo ba kete i n jore na i jaraki bu a? Nma koro kete na i kanda sa bo Nyeme koro i n a?" ²⁰ M na, wofo la nma na a se Nyeme akuruwa a? Dundu koro bisa má yakati tafu n ka, "Nzu ti ye a taari m so a?" ²¹ Yakati tafu n la atin bo i fa i yakati n ta dundu bo i sufa yo juma ceen n kere ceen, na i kaaki la atin bo i fa be ta dundu bo i fa yo juma ceen kpiri ceen. ²² Nyini ti, Nyeme la atin bo i koro fa yaa, na minem nyu kabo i yiko ti barasu. I gusu koro mindi agaya fa ko minem bo bu ma yaa ati i ni, bere bo má wo yo daka ka bu ka ngbeen ni. ²³ Na i gusu la atin bo i fa i jirima woowa bo i la má anusu n fa kere minem bo wo si bu anjunfo ni, na wo du mo ase se su ka bu bá nya i jirima woowa n be ni. ²⁴ Yere la nyini minem bo i si ya anjunfo, na ya nya i jirima woowa n be ni, má ka yere Yudafo ngumi, ye wo fere ya nbem a, ama, wo fere bo bu ti má Yudafo ni mmoo nbem abuka su. ²⁵ I ti kabo Nyeme noanie kanfo Hoseya akere i dee kadasi n nu n wo ka, Nyeme na,

"Minem bo bu yo ti má m minem ni, m fére bu ka m minem.

Na yiri n bo ma koro má i ni, m fére i ka m sono koroowa.

²⁶ Dika n bo i nu na m fereeri bu ka, 'Am ti má m minem ni,'

do ye bu fére bu ka Nyeme bo i wo bere sanja kere n dee nbaam n a."

²⁷ Tó, na Nyeme noanie kanfo Esaya abo awie fa ko Yisarelifom jore su, i na, "Haari ni bo Yisarelifom sunnu beberebe ka nmie ni, bu nu mine kaan so nyá tiide a. ²⁸ Dama sa

n bo Micera ni yó i durunya n nu ni, i yó i wie ndende.” ²⁹ I ti kabo Esaya du mo seeri n wo, i na,

“Nzen má Micera Yikofó n ayaki má ya busu nufom nbem,
má i yo ya kabo i yoori Sodomfom ni Gomorafom wo,
mie tiem bo Nyeme saaki bu ni.”

Yisarelifom ni labari kpa n jore

³⁰ To, ye ya se se wo? Minem bo bu ti má Yudafom ni, akpini má atin kabo bu yo sa bo i ko atin su Nyeme do, ama, kisa, Nyeme ade bu ka bu yo sa bo i ko atin su i do, bu yarada n dee ti. ³¹ Ama, na Yisarelifom bere, akpini atin kabo bu su noanie kpamaawa n su, adena Nyeme de bu ka bu yo sa bo i ko atin su. Ama, haari ni nyini mmoo, ba koro asu má i su nyunyumi, na bu yo sa bo i ko atin su Nyeme do. ³² Nzu ma i yoori so n a? Dama ba kpini má atin kabo bu yo yarada na Nyeme de bu ka bu yo sa bo i ko atin su i do, ama, bu kpiniiri atin ka bu sayoowa ma Nyeme de bu ka bu yo sa bo i ko atin su i do a. Na ba bo bu jaa yabue n su na ba kpaasi. ³³ Kabo ba du mo akere i ase ni, Nyeme na,

“Am ti fen, m sufa yabue be se Siyon mie kpiri n nu lee,
nyini yabue ni, minem bó bu jaa su na bu kpaasi.
Ama, sono kere bo i yoori i yarada, i mi di má nyinse.”

10

¹ M ninbaam, deke bo m koro i m ahore su la ka, m minem Yisarelifom nya tiide, m nyemesere lee sangá kere. ² M si tenle su ka bu nyunu aboro ka bu su Nyeme atin n su nahore su, ama, bu si má kabo bu yo na bu su i su. ³ Dama bu si má atin bo Nyeme de minem ka ba yo sa bo i ko atin su i do ni, ama, bu kpini bu tienngu atin wo, na bu su i su. Nyini ti, na ba kete Nyeme atin ni, ba de má kabo Nyeme na bu yo sa bo i ko atin su i do ni. ⁴ I ti nahore wo, ka Kristo juma n bo i yoori i ni, yiri kuunri noanie kpamaawa n kere noo a, adena sono kere bo i yoori i yarada, Nyeme de i mi ka i yo sa bo i ko atin su i do.

Sono kere koro nya tiide

⁵ Moyisi yo kere fa koori kabo mine koro su noanie kpamaawa n su, na bu yo sa bo i ko atin su Nyeme do, i na, “Sono kere bo i su noanie kpamaawa n kere su, i mi nya ngoo.” ⁶ Ama, fa ko kabo yarada dee ti, na sono yo sa bo i ko atin su Nyeme do ni, i na, “Má a sunsun u ahore su la ka, nma fun ko angoro a?” Nyini la ka, i ko fa Kristo jura ba lee. ⁷ Wara “Nma júra kunma ngonggo n bo i la má awieeri nu a?” Nyini la ka, i ko fa Kristo fun fite bo ba wum n nu ba lee. ⁸ Deke bo i suse n la ka,
“Nyeme noanie n waari má ni woro.

I wo u noo nu, ni u ahorembaa mmoo su.”

Yiri la labari n bo ya kaanri i n fa ko yaradayo su ni. ⁹ Nzen a teke u noo joojooi minem nyunu ka, Yesu ti u Mibie nahore su, na a yoori yarada u ahore su ka Nyeme teengeeri i yiwee n nu, a nya tiide. ¹⁰ Dama sono kere bo i yoori yarada i ahore su, ye Nyeme de i ka i yo sa bo i ko atin su i do a. Na sono kere bo i teke i noo joojooi minem nyunu ka wo yo yarada, nyini ma i nya tiide a. ¹¹ Dama ba kere i Nyeme Jore Kadasi n nu ka, “Sono kere bo i yoori i yarada, i mi di má nyinse.” ¹² Nyini ti, bo bu ti Yudafom, ni bo bu ti má Yudafom, bu la má kpakpaakinu, Micera kun ni ti bu kere Mibie a. Yiri ma minem kere bo bu fere i duma deke kpa bo i la má ajusu n a. ¹³ Dama ba kere i Nyeme Jore Kadasi n nu ka, “Sono kere bo i bo fereeri Mibie n duma, i mi nya tiide.”

¹⁴ To, bu yo se koro bo fere i duma, má ka ba du mo ayo i yarada? Ye bu yo se koro yo i yarada, má ka ba du mo ati i jore? Ye bu yo se koro ti i jore a, má ka be adu mo akan i labari kpa n akere bu? ¹⁵ Ye bu yo se koro kan i labari kpa n kere minem a, má ka be asunma bu minem do? Kabo ba kere i Nyeme Jore Kadasi n nu, ka, “Bo bu suba kan Nyeme labari kpa n ma ya ni, bu natiiri yo fie.” ¹⁶ Ama, má sono kere soroori su deeri labari kpa n a, kabo Nyeme noanie kanfo Esaya yo seeri ni, ka, “Ya Mibie, nma ayo ya labari n yarada? Ai, be ade má i.” ¹⁷ Nyini ti, kana sono ba yo Yesu Kristo yarada, má ka wo ti i labari kpa n ka, kana sono gusu ba ti labari kpa ni, má ka be akan Kristo noanie ni akere i.

¹⁸ Ama, mine bo ba de má labari kpa ni, ba ti má jore n wo, nzen se a? Nahore, ba ti i. Dama ba kere i Nyeme Jore Kadasi n nu ka,
“Ba bo ndoori abara aye durunya n kere nu,
na bu noanie aju asien n kere su.”

¹⁹ M koro ka m bisa bekun ka, Yisarelifom ni, ba si má? Ba si. Moyisi du mo seeri ka, Nyeme na,

“M má am si kore fa ko minem bo bu ti má daanfie n nahore su ni,
m má am fa yaa fa ko minem bo bu la má ngonle n ju.”

²⁰ Na Esaya ayo ahoresi, na wo se bu ka, Nyeme na,

“Haari minem bo bu yo nienie má m busu ni, m ma ba ju m.

Na minem bo bu yo bisa má m busu ni, ma bo bu nu afa m ju akere bu.”

²¹ Na Esaya akaaki ase fa ko Yisarelifom su ka, Nyeme na, “Ale kere bo i cin, m tenje m saa fere nyini minem n wo, ama, bu ti atii kekereke ni ketemafom wo.”

11

Kabo Nyeme ma Yisarelifom nbem diiri i ahoroma ni

¹ M koro ka m bisa ka, Nyeme akete i minem wo, nzen se a? Ai, wo kete má bu e. Am ti fen. Mini Poolu ni m tii, m ti Yisarelifom o. M ti Abraham busu nufom o, m fite Benjamin dee lee ano n nu wo. ² Nyeme akete má i minem bo i du mo yiiri bu ni. Am nya kan má Nyeme Jore Kadasi n nu fa ko i noanie kanfo Eliya n su, kabo i jarakiiri Yisarelifom Nyeme do n wo, nzen se? ³ Bo i na, “Mitera, ba kun u noanie kanfom kere, ba kaaki afufu u yoowa yoobirim n kere, wo ko aka mini ngumi kpein wo, ye bu koro ka bu kun m gusu n a.” ⁴ Ama, Nyeme yo seeri i se wo? I na, “Ma yaki Yisarelifom mine akpii nso afa ase Yisareli asien n su. Bere ye bu nya kutu má amoe Baali n na bu su i a.” ⁵ Nyini dee ti, kisa gusu, i ti so o lee. Nyeme ayi Yisarelifom nu mine kaan so o, ye wo fere bu a, fa ko i ahoroma n dee ti. ⁶ I ahoroma n dee ti, ye wo yi bu a, má ka bu sayoowa dee ti a. Nzen má i ti ka bu sayoowa n dee ti, má ahoroma n ti má aceeri kun.

⁷ Nzu bekun a? Yisarelifom n anya má deke n bo bu kpiiri i busu ni, ama, minem n bo Nyeme yiiri bu ni, bere nyaari i a, na bo bu kaari n kere ahorembaa ayo kekereke.

⁸ I ti kabo ba kere i Nyeme Jore Kadasi n nu n wo, ka,

“Nyeme ama bu ahorembaa nonoori,

na i ma bu nyumbaa ju má asi,

na i ma bu sui ti má asui,

haari ni nyuma.”

⁹ Na Feme Davidi ase ka,

“Ma bu ceenkpiri diire diibiri n kaaki toroku ni diendie tara bu.

Ma bu kpaasi, na bu nya bu satie nkatō.

¹⁰ Ma bu nyunu si biri na bu koro ju má asi,

ma bu wi biri sanja kere sanja ka ba so soori nonoori wo.”

Kabo bo bu ti má Yudafom n anya tiide ni

¹¹ M koro ka m bisa ka, bo bu boori bu jaa kpaasi ni, bu yasu má kun wo? Ai, má so. Ama, nahore, bu kpaasi so n dee ti, ye minem bo bu ti má Yudafom nyaari tiide a, adena Yudafom ju i na bu si bu kore. ¹² Nyini ti, ba kpaasi n dee ti, ye durunya n nufom anya deke kpa beberebe a, ba fun deke n bo má bu nya i n dee ti, ye bo bu ti má Yudafom n anya deke kpa beberebe n a. To, nzen i ti so, na Yudafom bo bu bá yo yarada n búka su, i yó deke kpa tara so.

¹³ Kisa m sujojo amberé bo am ti má Yudafom ni gusu do a. Juma n bo Nyeme afa ama m ni, i sunmaari m ka m yo i jaramasa amberé bo am ti má Yudafom do o, nyini ti ye m fa m juma n fa fo a, ¹⁴ na i má m tienngu minem si kore, adena bu nbem nya tiide. ¹⁵ Dama sanja bo Nyeme keteeri bu ni, ye i ni durunya n nufom kere ayo kun a, ama, nzen i kaaki deeri bu bekun, i ti se wo? I yó ka ba nya ngoo afite yiwee nu wo lee. ¹⁶ Nzen be faari i alembaa fofore be fa yoori yoowa na i fa maari Nyeme, nyini la ka, i alembaa n kere ti Nyeme dee wo lee. Ye nzen baka bunlui n ti Nyeme dee, nyini la ka, i asambaa n kere gusu ti Nyeme dee wo lee.

¹⁷ Nahore, Yisarelifom ti ka baka n bo i su suuwa kpa n wo, ye ba kpie i asambaa ni nbem atu, na amberé ti ka boro baka bo i suuwa la má fanja, ye ba kpie am asa baka n bo i su suuwa kpa n dee asambaa n su a, nyini ti, am ni baka n bo i su suuwa kpa n asambaa n kere sanja nya ngoo fite i bunlui n do o. ¹⁸ Nzen i nya ti so, má am fa fo ka am ti kpa tara baka n bo i su suuwa kpa n ni i tii, dama má asambaa ni ma bunlui ni ngoo a, ama, bunlui ni ma asambaa ni ngoo a.

¹⁹ Beni, a se ka, “Ba kpie baka n bo i su suuwa n dee asambaa n be, adena mini nya sasubiri a.” ²⁰ To, i ti nahore wo, Yudafom ayo má yarada n dee ti, ye Nyeme kpieeri bu jiiri n a, ye u yarada n dee ti, ye a jina jinaabiri n bo a jina n a. Nyini ti, má a yo kpirikoro, ama, si u ju sa. ²¹ Dama nzen Nyeme ayaki má baka kpa n ni i tii dee asambaa ni, beni, i bá yaki má woro boro baka ni mmoo dee asambaa ni. ²² M ja a ju kabo Nyeme yo sakpa barasu ni, ni kabo i di mine jore na i cin bu sui ni anyumboro barasu ni. Minem bo bu yo má i yarada n ye i di bu jore cin bu sui ni anyumboro n a,

ama, wɔɔ yiri, i yo sakpa ma u wɔ, nyini ti, susu i sakpa n bo i yo ma u n su, má nyini, i kpɛ wɔɔ mmɔɔ ji wɔ lɛɛ. ²³ Nzen Yudafoɔm kaakiiri bu wo, na bu bá yoori Nyeme yarada, i koro fa bu sa bu woobiri dawa n su, dama i la yiko bo i koro yo sɔ. ²⁴ Ti fɛn. Wɔɔ mmɔɔ ni u tii ti ka boro baka asambaa n bo ba kpɛ i afa asa baka n bo i su suuwa kpa n su wɔ. Nyini ti, a si ka Nyeme do, i ti má kekereke na i káaki ba fa baka n bo i su suuwa kpa n asambaam n ba sa bu woobiri dawa n su bekun.

Kabo Nyeme si sɔno kere aɔunfo n jɔre

²⁵ M ninbaam, asiri nu jɔre be yaa, ye m koro ka am si i a, adena má am yo am ɔu kpiri ka am la si. Yiri la ka, kabo Yisarelifom nbem ayo bu ahorembaa kekereke ni, bu bita i sɔ haari fa ko ju saɔga bo minem bo bu ti má Yudafoɔm kere bá ba Nyeme do.

²⁶ To, i yó sɔ o, na Yisarelifom kere bá nya tiide, kabo ba kere i Nyeme Jɔre Kadasi n nu ni, ka,

“Tiidefo ni fite Siyon mie kpiri n nu ba,
na i bá yi deke n kere bo i ko má atin su fa tu,
na i yó Jakɔbu busu nufom casi.

²⁷ Kabo m fá sesesu di i di ni bere lɛɛ,
saɔga bo m ba yiiri satie n bo i wo bu ɔu ni.”

²⁸ Kabo Yudafoɔm n akete labari kpa n ni, nyini ma ba kaaki Nyeme kɔfoɔm kisa n a, ambere bo am ti má Yudafoɔm n deɛ ti. Ama, fa ko kabo Nyeme fereeri bu nam na i yiiri bu ni, bu ti i mine koroowam wɔ. ²⁹ Dama nzen Nyeme faari i aceeri fa ceeri mine nbem, wara nzen wɔ fere sɔno, i kaaki má i sunsunni. ³⁰ Ambere, am yo keteeri Nyeme noanie n wɔ, ama, kisa, wɔ si am aɔunfo, bere bo ba kete i noanie n deɛ ti. ³¹ To, kisa, i ti sɔ o, bere akete Nyeme noanie ni, dama Nyeme asi am aɔunfo, adena i awieeri su, na i bá si bere gusu aɔunfo. ³² Dama Nyeme abo sɔno kere kun ka bu kere kete i wɔ, adena i awieeri su na i bá si bu kere aɔunfo.

Nyeme kansi jɔre

³³ Nahore, Nyeme alecira ni i si bo i la i n wo ngo. Kabo i di i jɔre ni, be koro fiiti má nu na i ti i bu, i atin n gusu kere, sɔno koro si má i bu. ³⁴ Ba kere i Nyeme Jɔre Kadasi n nu ka,

“Nma nya si deke bo i wo Micera n sunsunni nu a?

Wara nma nya koro tu i fo a?”

³⁵ “Nma nya ce Nyeme deke be a,
adena Nyeme kaaki to i mi kaari a?”

³⁶ Dama deke kere fite yiri do a, deke kere ti i deɛ wɔ, na deke kere bá yo i deɛ wɔ. Yiri ti ye ni ka ya kansi i saɔga kere saɔga. Ami.

12

Minem bo bu yo Nyeme sa koroowa n woowa jɔre

¹ Nyini ti, m ninbaam, m sere am wɔ, am nie kabo Nyeme asi am aɔunfo ayo am sakpa ni, na am fa am ɔu ma i, kabo má am yo yoowa fa ma i ni, ama, am toko la ngoɔ, na am kaaki Nyeme minem na am su i ni anyumboro. Nyini ti nyemesu bo i sun i nu a, dama wɔ yo sakpa ama am. ² Má am ma am woowa ti kabo durunya n nufom woowa ti barasu ni, ama, am kaaki am sunsunni fofo, na am kaaki am wo, nyini ma am koro si Nyeme koroyanu sa a, bo i ti kpa, na i sun i nu, na i ti kabo i koro ka i ti ni.

³ To, Nyeme aceeri n bo wɔ fa ama m deɛ ti, m sutu am kere fo o ka, má be wura i ɔu kpiri tara kabo i ti ni, ama, sɔno kere sunsun na i nie i ɔu kabo i ti nahore su barasu, na i si kabo Nyeme ama i mi yarada barasu ni. ⁴ Adamande aɔuniembaa n ti mɔmɔ kun wɔ, ama, i la bue bue, i kere ni i juma bo i yo i. ⁵ Ya gusu do i ti sɔ o lɛɛ, ya sunnu, ama, ya ni Kristo ayo kun n deɛ ti, ya ti aɔuniembaa mɔmɔ kun wɔ, na ya kere ti aɔuniembaa n bue be bo ya buka ya beɔgu wɔ. ⁶ Nyini ti, aceeri barasu barasum bo Nyeme ahɔroma n deɛ ti na wɔ fa ama ya ni, am ma ya fa yo i juma ni. Nzen aceeri n bo Nyeme afo ama be n la ka i sukan Nyeme noanie ni, i ti ye ni ka i mi sufa yo juma, kabo i yarada n ti barasu ni. ⁷ Nzen Nyeme ama be aceeri ka i su amusui, i ti ye ni ka i mi sufa wɔ. Nzen wɔ ma be aceeri ka i fa kere minem, i ti ye ni ka i mi sufa kere bu. ⁸ Nzen wɔ ma be aceeri ka i sutu minem fo na i wura bu kpekperɛ kekereke, i ti ye ni ka i mi sutu fo yo sɔ. Nzen wɔ ma be aceeri ka i suyo sakpa na i ce minem aceeri, i ti ye ni ka i mi yo i ni ahorembaa kun. Nzen wɔ ma be aceeri ka i yo minem mɔfo, i ti ye ni ka i yo sɔ ni anyumboro. Ye nzen wɔ ma be aceeri ka i suyo sakpa ma minem bo bu wo ahoresaaki nu ni, i ti ye ni ka i yo sɔ ni ahorejo.

⁹ Am koro minem ni akunnu fofoe, am kpɔ satie, na am su deke bo i ti kpa su. ¹⁰ Am koro am benggu Kristofom ka am ti nibaam wo, na am bu am bengum ka bu tara am. ¹¹ Am su Mibie n ni anyumboro, má am yo nvieya, am ma am ahorembaa bi ni nyemesu. ¹² Am la ahoresi n deɛ ti, am ma am ahore jo. Sangga kere bo am sudi wahara, am mindi, na am sere Nyeme sangga kere ni anyumboro. ¹³ Am kpaaki am nengem nu ma Nyeme minem bo bu la má be ni, na am boro am nyi sude minem wofo.

¹⁴ Am sere deke kpa Nyeme do ma minem bo bu kere am wuwuruwa ni, am sere deke kpa ma bu, má am sere deke tie ma bu. ¹⁵ Nzen minem wo ahorejo nu, am ma am ni bere kere ahore ti joowa. Nzen minem wo ahoresaaki nu, am ma am ni bere kere wo ahoresaaki nu. ¹⁶ Am ma am ni am bengum sangga wo ni sawore, má am koro kpiri, ama, am fa am nu mata tarakam. Má am se ka ambere ngumi la ngonle a.

¹⁷ Nzen sono yo am satie, má am woro tie to i kaari. Ama, am boro am nyi na am suyo sa bo i ti kpa, na sono kere nu i, na bu se ka i ti kpa. ¹⁸ Nzen am koro yo i, am boro am nyi na am ni sono kere tana ni laife. ¹⁹ M danfo kpm, nzen be ayo am satie, má am woro tie to i kaari, ama, am yaki i, na Nyeme cin i mi sui, dama ba kere i Nyeme Jore Kadasi n nu ka, Micera n ja, “Mini cin bu sui a, mini to bu kaari a.” ²⁰ Ama, am yo kabo ba kere i Nyeme Jore Kadasi n nu ni, ka, “Nzen ahoe ati u kpofɔ na a la diire, ma i na i di. Nzen nzuheoe ati i, ma i nzue na i nu. Nzen a yoori so, i ti ka a toro sinmone ago i mi tii su wo lee.” ²¹ Má a ma satie yoowa kunma u, ama, ma u kpayo n kunma satie ni.

13

Kabo i ti ye ni ka ya de tereterefom noanie barasu ni

¹ I ti ye ni ka sono kere de tereterefom noanie, bere bo bu la yiko na bu nie am su ni, dama yiko be wo má bere bo i fite má Nyeme do. Bo bu la yiko kisa n kere, Nyeme akpama bu a. ² Nyini ti, sono kere bo i keteeri tereterefom noanie ni, i mi sukete deke bo Nyeme akpama i n wo lee. Sono kere bo i yoori so, i sukpini suicin ma i nu wo lee. ³ Dama sono kere bo i yo sakpa soro má tereterefom ni sere, ama, sono kere bo i yoori satie ni, yiri soro tereterefom n a. Nyini ti, nzen a koro má ka a soro tereterefom ni, yo sakpa, na bu kansu u. ⁴ Nyeme ma tereterefom wo bere yo bu juma a, na bu buka u na a yo sakpa. Ama, nzen a yoori satie, ma sere ti u, dama Nyeme ama bu yiko ka bu yo bu juma ma yiri Nyeme a, na bu cin minem bo de yo satie n sui. Bu cin má minem sui ngbeengbeɛn. ⁵ Nyini deɛ ti, i ti ye ni ka am de tereterefom n noanie, má ka am soro ka bu cin am sui n ngumi deɛ ti a, ama, am ahore su, ni am sunsunni kere ka am yo so n deɛ ti a. ⁶ Nyini deɛ ti, i kaaki ti ye ni ka am to am lampom, dama gominam n yo bu juma ni anyumboro wo, Nyeme akere ka bu yo so a. ⁷ Nyini ti, deke bo i ti ye ni ka am yo ma sono kere ni, am yo ma bu. Am to am lampom kaari, wara nzen ba kpie am kaari be, am to i, sono kere gusu bo i ti ye ni ka am ma i jirima, am ma i.

Kabo i ti ye ni ka ya yo fa ko ya bengum n do ni

⁸ Má am ma be deke be kaari su am su. Deke bo wo yo daka ka am bita am benggu kaari la ka, am sukoro am benggu. Dama sono bo i koro i benggu, i mi su Nyeme noanie kpamaawa n kere su wo lee. ⁹ Dama am si Nyeme noanie maawam n kere, ka, “Má a saaki ajaa ciire, má a kun sono, má a wo,” ni bo i ja, “Má a ma u konviki wura be deɛ nenge nu,” haari ni bo ba ka n kere jina nyini noanie kun ni su a, ka, “Koro u benggu kabo a koro u nu.” ¹⁰ Sono kere bo i koro i benggu yo má i mi satie. Nyini kere ka noanie kpamaawa n kere jina koro su wo lee.

Minem bo bu wo wein nu n jore

¹¹ I ti ye ni ka am yo so, dama am si kabo ahin sangga n ti ni. Sangga n aju, i ti ye ni ka am tenge, má am daafi. Dama sangga n bo ya nyá tiide n adodo, i waari má ka sangga bo ya du mo yoori yarada ni. ¹² Wo ka kaan na ya fite kongue nu, ale suicin lee. Nyini ti, am ma ya yaki awosin nu juma kere, na ya yo wein sayoowa, kabo luekunfom sana bu biesoya nengem na bo kun lue ni. ¹³ Ya wo wiesu wo lee, nyini ti, am ma ya woowa ko atin su. Má ya sudi ya tii, sunu nzan subo, suyo ngbeengbeɛn, má ya suyo sakaraya, suyo konvikiya ngbeengbeɛn, má ya sukpini jore, na má ya susi kore. ¹⁴ Ama, am ma ya fa ya Mibie Yesu Kristo n yo deke bo ya fa wura, kabo sono fa sutura wura barasu ni, na má ya su ya njuniembaa koroowa n su.

14

Má a jaraki u benggu

¹ Am de minem bo bu yarada ti má biiwa n ni am saa nnyo, má am se bu akuruwa fa ko deke n bo bu ci bu n su na am tanda bu ahore. ² Ma ya fa i ka, nbem la yarada bo

bu koro di deke kere bo bu koro, ama, nbem gusu wo bere, bu yarada ti má biiwa, bu ciire la nie, bu di toro nyawa n ngumi wo. ³ Sono bo i di nie kere nie ni, má i mi bu bo i di má nie ni ngbeen. Sono kere gusu bo i di nyawa n ngumi ni, má i mi jaraki bo i ci má pui ni, dama Nyeme ade i a. ⁴ Woro la nma na a jaraki be dee gbefene? I dee tiengu mibie ni sé ka i jina wara i kpáasi a. I ti nahore wo ka i jina a, dama i mibie ni koro ma i jina nyunyumi a.

⁵ Bekun, mine nbem do, bu sunsun ka ceen nbem ti kpa tara nbem, ama, nbem gusu sunsun ka ceen n kere ti kun wo, be tara má i benggu. I ti ye ni ka sono kere su kabo i sunsunni nu kere ka i ti kpa n su. ⁶ Sono kere bo i sunsun ka ceen be ti kpa tara ceen nbem ni, i mi koro ka i bu Nyeme dee ti, ye i yo so a, ye sono kere bo i ci má pui n gusu, i mi koro ka i bu Nyeme dee ti, ye i yo so a, dama i da Nyeme asi fa ko diire n su, ye i nya di a. Sono kere gusu bo i di má deke nbem ni, i mi gusu bu Nyeme dee ti, ye i yo so a, dama i mi gusu da Nyeme asi fa ko diire n su, ye i nya di a. ⁷ Sono be wo má bere bo i koro se ka i wo i tii su wo wo, be gusu wo má bere bo i koro se ka i wu i tii su yiwee. ⁸ Ai, nzen ya la ngoo a, Mibie n dee ti ye ya la ngoo a. Nzen ya wu gusu a, Mibie n dee ti ye ya wu a. Nyini ti, nzen ya la ngoo wara ya wu wo, Mibie n dee la ya a. ⁹ Dama nyini dee ti ma Kristo wuuri, ye i tengeeri i yiwee n nu n a, adena i yó sono kere Mibie, bo bu la ngoo n ni bo ba du mo awu n kere. ¹⁰ Woro la nma, woro bo a jaraki u benggu na a bu i ngbeen ni? A si má ka ya kere bá jina Nyeme nyunu na i dí ya jore? ¹¹ Kabo ba kere i Nyeme Jore Kadasi n nu ni, ka, Micera n na,

“Sono kere bá kutu m nyunu,

na sono kere bá teke i noo se ka mini ti Nyeme a.

Kabo ma se ni, nyini wo bere a.”

¹² Nyini ti, ya kere bá kan ya sa bo ya yo i n kere kere Nyeme.

Má a yo sa bo i ma u benggu Kristof bo i jaa na i kpaasi

¹³ Nyini ti, am ma ya yaki ya bengum jore kan, na má ya jaraki bu kun, ama, am ma ya sunsun kabo ya yo na má ya ma ya benggu Kristofom bo bu jaa, wara na bu kpaasi. ¹⁴ Kabo m ni ya Mibie Yesu ayo kun ni, nyini ma m si ka deke be mmoo ni i tii ti má ciire n a. Ama, nzen sono sunsun ka deke be ti ciire i do, má i mi di i. ¹⁵ Nzen diire n bo a di i n dee ti, na a saaki u benggu Kristof n ahore, nyini yiri, a suyo má koro sa lee. Kristo yo wuuri i dee ti wo, má a ma i mi ka ngbeen, u diire n bo a di i n dee ti. ¹⁶ Má am ma be jojo jore tie fa ko deke kpa n bo am si i n su. ¹⁷ Dama kabo Nyeme nie i minem su ni, i ti má di ni nu jore wo, ama, i ti aceeri bo Awiewie Casi n afa ama minem wo, yiri la ka, ya yo sa bo i ko atin su Nyeme do, ni tanalaife, ni ahorejo. ¹⁸ Sono kere bo i suuri nyini atin n su, na i su Kristo so, i mi yo sa bo i sun Nyeme nu a, na adamande kansi i ka i ti sono kpa.

¹⁹ Nyini ti, am ma ya boro ya nyi na ya su deke n bo i ma ya tanalaife n su, na ya buka ya bengum, na ya ko mo ni ya nyemesu ni. ²⁰ Má am saaki Nyeme juma ni, diire dee ti. Diire kere ti kpa a. Ama, nzen be di diire be na i ma i benggu bo i jaa na i kpaasi, nyini yiri, i ti má kpa. ²¹ Nzen a di nie, wara a nu nzan, wara a yo nyini n be so, na i ma u benggu Kristof bo i jaa na i kpaasi, i ti má ye ni ka a yo so. ²² Yarada n bo a yo i u ahore su fa ko nyini jorem su, ma i wo u ni u Nyeme aflen. Sono kere bo i yo sa bo i ko atin su, na i la má sika i ahore su ka wo yo satie, i mi la terefie nahore su. ²³ Ama, sono kere bo i ba sudi diire barasu nbem na i yo sika, Nyeme adi i mi jore ajaraki i ka wo yo satie, dama diire n bo i sudi i ni, wo yo má yarada. Deke kere gusu bo sono yo i, na i la má yarada, i ti satie wo Nyeme do.

15

Ya yo sa bo i jo ya bengum ahore

¹ Yere bo ya la fanga fa ko yarada su ni, wo yo daka ka ya yo sawore ni bere n bo bu yarada la má fanga ni, na ya buka bu, na ya dada bu ahore, má ya yo sa bo i sun yere ni ya tii nu. ² Sono kere yo deke bo i sun i benggu nu, na i yo sakpa, na i ko mo ni i nyemesu ni. ³ Dama haari Yesu Kristo ni i tii ayo má sa bo i sun yiri ni i tii nu, ama, i ti kabo ba kere i Nyeme Jore Kadasi n nu n wo, ka, “Nzukolee barasu n kere bo minem fa kpiერი woro Nyeme ni, bu fa kpiერი mini wo.” ⁴ Deke n kere bo bu du mo kereri i Nyeme Jore Kadasi n nu ni, bu kereri i ka i kere ya a, adena ya la tama, dama deke bo ba kere i ni, nyini ma ya ahoresi a, na ya koro mindi a. ⁵ Nyeme ma ya mindi ni ahoresi a, yiri ma am la anoose ni am benggu a, kabo Yesu Kristo kereri am ni, ⁶ adena am kere tien am noo fa anoose, na am kansi Nyeme, ya Mibie Yesu Kristo Si.

Kabo minem bo bu ti má Yudafo m gusu ade Kristo labari kpa n ni

⁷ Nyini deɛ ti, am de am beɲgum, ni am saa nnyo kabo Kristo ade am ni, nyini ma minɛ kansɩ Nyemɛ a. ⁸ Dama m suse am ka Kristo baari ka i ba buka Yudafoɱ n wo, i yoori so n deɛ ti, nyini ma deke n bo Nyemɛ seeri ka i yo ma Yudafoɱ nam n ayo biiwa nahore su n a. ⁹ Bekun i baari ka i ba buka minem bo bu ti ma Yudafoɱ wo, na bu gusu kansɩ Nyemɛ fa ko kabo wo si bu aɲunfo ni. Kabo ba kere i Nyemɛ Jore Kadasi n nu ni, ka,

“Nyini deɛ ti, m kansɩ woɔ Nyemɛ,
m kansɩ u duma minem bo bu ti ma Yudafoɱ nu,
na m di jue ma u.”

¹⁰ Ba kaaki akere i bekun ka,

“Amberɛ bo am ti ma Yudafoɱ ni,
am ma am ahore jo ni Nyemɛ minem bo wo yi bu ni.”

¹¹ Bekun, i ɲa,

“Amberɛ bo am ti ma Yudafoɱ ni, am kansɩ Micera ni,
na am ma daanfiem kere kansɩ Nyemɛ.”

¹² Na Nyemɛ noaniɛ kanfo Esaya gusu ase ka,

“Soɔ be ba fite Jese deɛ leɛ ano n nu,
i ti kabo baka tie i bunlui su n wo,
na i ba yo daanfiem kere femɛ,
yiri ma bu nya ahoresi a.”

¹³ Nyemɛ ma ya tama, m sere i ka i ma am ahorejo ni tanalaifie ko sin su, kabo am ayo i yarada n deɛ ti, adena Awiewie Casi n yiko ma am tama bo i la ma aɲusu.

Deke bo i ti na Pɔɔlu kereeri ahin kadasi n ni

¹⁴ To, m ninbaam, m si tenle su ka am la wo kpa, na am la si doɲgu, na am kaaki koro fa tu am beɲgu fo. ¹⁵ Haari ni nyini mmoo, ma fa ahoresi, ye m sukere ahin kadasi n fa ma am a, adena m tenge am ahin sam n su, dama Nyemɛ ayo sakpa ama m, ¹⁶ ka m yo Yesu Kristo amususufo ma minem bo bu ti ma Yudafoɱ ni, adena m kan Nyemɛ labari kpa n kere bere bo bu ti ma Yudafoɱ ni, na Awiewie Casi n ma Nyemɛ de bu ka bu ti i deɛ mine casim. M yoori so ni, i ti ka Nyemɛ sayoowa doɲguyofɔ n bo i yo yoowa bo i sun Nyemɛ nu ni. ¹⁷ Yesu Kristo deɛ ti, m la atin bo m koro fo fa ko Nyemɛ juma n bo wo fa ama m su. ¹⁸ Nahore, i la m sere na m kan sam bo nyingam ayo bu ni, ma ka sam n bo Kristo ma ma yo bu ni ngumi, yiri la bo wo ma ma kan i noaniɛ n akere minem bo bu ti ma Yudafoɱ ni, na ma yo alekutura sam, na ba de i noaniɛ ni. ¹⁹ I ma m faari alekutura sam, ni Awiewie Casi n deɛ yiko nu fa yoori nyini juma n a. M boori i bu Yerusalem mie kpiri n nu wo, na ma bara aye ako aju haari Ilirikum awore n nu, na ma kan Kristo labari kpa n jore n kere akere bu. ²⁰ Deke bo m nyunu boro su agaya n la ka, m kan labari kpa n jore kere minem aworem n kere bo bu nya ti ma Kristo duma ni, dama m koro ma ka m ta be deɛ ataari su, ²¹ kabo ba kere i Nyemɛ Jore Kadasi n nu ni, ka,

“Haari ni bo minem nya kan ma labari kpa n kere ma bu ni,
bu ɲu i,
haari ni bo bu nya ti ma labari kpa ni,
bu ti i, na bu si i bu.”

Kabo Pɔɔlu ɲa i koro ka i ko nie Romafom busu ni

²² To, nyini n kere deɛ ti, sangga kere, ma m koro ka m ba nie am busu wo, ama, m nya ma atin. ²³ Ama, kisa, mie fofore be wo ma bere bo m ko do na m ko yo juma ahin aworem n nu, nyini ti, kabo ma sangga kere na m koro ka m ba nie am busu ni, ²⁴ m la tama ka m ba susin ko Espani deɛ awore n nu, m jina am do na m nie am busu, na m ni amberɛ nya tana, na am buka m na m koro ko ju deke bo m suko ni. ²⁵ Ama, kisa yiri, m suko Yerusalem mie kpiri n nu wo, m la buka be bo m ko fa ma Nyemɛ minem bo bu wo do ni. ²⁶ Dama Kristofom bo bu wo Makedoniya ni, ni bo bu wo Akaya deɛ aworem n nu ni, wo yo bu fie ka bu yiɲi ɲwaa, na m ko fa ma Nyemɛ minem bo bu wo Yerusalem na bu ti yaarifom ni. ²⁷ Bere ni bu tii afa sunsanni kpa aru ka Yerusalemfom kaari su bu su, dama Yerusalemfom du mo faari Nyemɛ deke kpa maari bere n bo bu ti ma Yudafoɱ n wo, nyini deɛ ti, wo yo daka ka bere gusu nya durunya n nu nenge ma Yerusalemfom ni. ²⁸ To, nyini ti, nzen m koro yoori nyini juma n kere wieeri, na bu nya nyini buka n kere, m ba nie am busu, na m nya sin ko Espani. ²⁹ M si tenle su ka m baari, m fa deke kpa fite Kristo do ba ma am.

³⁰ M ninbaam, kabo Ya Mibie Yesu Kristo wo ya do, na Awiewie Casi n koro ya agaya n deɛ ti, m sere am wo, ka am buka m na ya sere Nyemɛ ni anyumboro, ³¹ ka i de m fite Yudiya awore n nufɔ nbem bo bu yo ma yarada n saa nu, na Nyemɛ minem bo bu

wo Yerusalem n dé buka n bo m sufa ko ma bu ni. ³² Na nzen i ti Nyeme koroowa, na m bá am dɔ ni ahorejɔ, na m ni ambere kere koro dada ya beŋgu ahore. ³³ Nyeme bo i ma tanalaifie n buka ya kere. Ami.

16

Kabo Pɔɔlu yoori Kristo jamam bo bu wo Roma mie kpiri n nu anse ni

¹ Tɔ, m koro ka am si ya niwa baabara n bo bu fere i ka Fibi ni, i yo Nyeme juma buka Kristo jama n bo i wo Kenciriya mie kpiri n nu n wo. ² Am de i kabo má am de Nyeme minem barasu ni, Mibie n deɛ ti, na am buka i ni deke kere bo i koro, dama yiri ni i tii abuka mine dɔŋgu, haari ni mini mmɔɔ.

³ Am bisa Pirisila ni Akuyila ni dɔŋgu ma m. M ni bere sanɔa yo juma ma Yesu Kristo wo. ⁴ Bu yo tɔɔri bu ngɔɔ maari m wo, nyini deɛ ti ye m da bu asi n a, má mini ŋgumi yo bu anse a, ama, Kristo jamam kere bo bu ti má Yudafoŋ gusu yo bu anse. ⁵ Am bisa Kristo jama n kere dɔŋgu, bo bu tien bu nɔɔ bu dika ni.

Am bisa m danfo kpa Epanetosi n dɔŋgu ma m, yiri du mo yoori Kristo yarada Esiya deɛ awore n kere nu a. ⁶ Am bisa Mariya dɔŋgu, bo wo yo juma agaya abuka am ni.

⁷ Am bisa Andorɔnikusi ni Juniya dɔŋgu, m lamoko Yudafoŋ bo m ni bere yo woori dansaraka nu ni, bu la dumaye Kristo jaramasam kere nu, bere du mo yoori Kristo susufom ka, ye m nya ba yoori a. ⁸ Am bisa m danfo Ampiliyatusi dɔŋgu, m Mibie n deɛ ti, m koro i agaya. ⁹ Am bisa Wuribanisi dɔŋgu ma m, bo yiri ni yere sanɔa yo juma ma Kristo ni, na am kaaki bisa m danfo Sitakisi dɔŋgu. ¹⁰ Am bisa Apelesi dɔŋgu, bo wo yi i ŋu ka i ti Kristo susufo nahore su ni, na am bisa Arisitobulosi dikafom kere dɔŋgu.

¹¹ Am bisa m lamoko Yudafoŋ n bo bu fere i ka Herodiyon n dɔŋgu, na am bisa Naracisi dikafom bo bu ti Mibie n deɛ minem n buka su. ¹² Am bisa Tirifena ni Tirifosa dɔŋgu, nbara nnyom bo bu yo juma ma Mibie ni, ni m danfo Perisisi, yiri mmɔɔ ayo juma agaya ama Mibie n ni. ¹³ Am bisa Rufusu dɔŋgu, yiri bo Nyeme ayi i ka i yo i juma n ni, ni i ni bo i ti mini mmɔɔ ni ni. ¹⁴ Am bisa ahin minem kere dɔŋgu ma m, bere la Asinkiritusi, ni Felegon, ni Heremesi, ni Patorobasi, ni Heremasi, ni ya ninbaam kere bo bu wo bu dɔ ni. ¹⁵ Am bisa Filolokusi ni Juliya dɔŋgu, ni Nerɛyusi, ni i niemabara ni, ni Olimpasi, ni Nyeme minem kere bo bu wo bu dɔ ni. ¹⁶ Am bisa am beŋgu dɔŋgu ni koro. Kristo jamam kere bo bu wo fen n bisa am dɔŋgu.

Awieeri su deɛ fɔtuuwa

¹⁷ M ninbaam, m sere am wo, am si am ŋu sa ni minem bo bu saaki kereewam bo am adu mo ade i ni, na bu fa kpakpaakinu ba ni, na bu ma minem kpaasi fa ko bu yarada n su ni. Má am dodo bu. ¹⁸ Dama nyini minem so, bu su má ya Mibie Yesu Kristo su, ama, bu su bu deɛ kunnu koroowa su wo, na bu bo minem bo bu si má pui n anɔɔfie, na bu dadaka bu. ¹⁹ Ama, ambere yiri, sono kere ati kabo am ade Kristo noanie nahore, nyini deɛ ti, m ahore aɔ akɔ asin su. M koro ka am la si fa ko deke n bo i ti kpa n su, ama, m koro má ka am la si haari kaan so mmɔɔ fa ko deke n bo i ti má kpa n su. ²⁰ Nyeme bo i ma tanalaifie ni, i cé má, i má am yiko na am fun tientien Sitana ŋu mereki i. Ya Mibie Yesu Kristo buka am.

²¹ Timoti bo m ni yiri sanɔa yo juma n bisa am dɔŋgu, na Lukiyosi, ni Jason, ni Sosipateri, m lamoko Yudafoŋ n gusu bisa am dɔŋgu.

²² Mini Teretiyesi gusu bisa am kere dɔŋgu, Mibie n deɛ duma n nu, mini ye Pɔɔlu ma m kereeri ahin kadasi n sufa ma am n a.

²³ M awurufobie Gayosi bisa am dɔŋgu. Kristo jama n kere tien bu nɔɔ i dika a. Irasitusi bo i ti mie n nu ŋwaa bitafo ni, ni ya niwa Kuwatosi kere bisa am dɔŋgu. [

²⁴ Ya Mibie Yesu Kristo buka am kere. Ami.]

Pɔɔlu deɛ awieeri su noanie ni

²⁵ Am ma ya kansu Nyeme. Yiri koro ma am jina fanɔa kenken fa ko Yesu Kristo labari kpa n bo m kaanri i jore na am ati i n su a. I ti jore bo bu yo fa fieeri dada kere wo, ama, kisa wo fite fofoe nu. ²⁶ Yiri ye Nyeme noanie kanfom kereeri i n a, na Nyeme bo i wo bere sanɔa kere n ama daanfie kere ati i, na ba de i, na ba yo i yarada. ²⁷ Nyeme ŋgumi la alecira a, yiri ti ye ni ka ya kansu i a, Yesu Kristo deɛ ti, sanɔa kere sanɔa. Ami.

Pöulu kadasi ciciri su bo i kerε fa maari KÖRINTOFÖM ni

¹ Mini Pöulu bo Nyeme dεε koroyanu na wö fere m ka m yo Yesu Kristo jaramasa ni, m ni ya niwa Sositeni ni sukerε ahin kadasi ma am a. ² Ya sukerε i na ya fa ma ambere Kristo jama n bo am wo Kōrinto mie kpiri n nu, na Nyeme afere am afa am ayo i dεε mine casim ni, na wö ma am ni Yesu Kristo ayo kun ni, fa sangā ni minem kere bo bu bo fere ya Mibie Yesu Kristo duma n deke kere ni, yiri ti ya ni bere kere Mibie a.

³ Ya Si Nyeme, ni ya Mibie Yesu Kristo buka am, na bu ma am tanalaifie.

Sakpam bo Pöulu ηa Nyeme ayo ama bu ni

⁴ Sangā kere m da Nyeme asi wö, ambere dεε ti, fa kō sakpa n bo wö yo ama am na i fite Yesu Kristo dō ni. ⁵ Yiri dεε ti, am anya deke kpa dōngu, haari fa sangā ni jore jōjōwa, ni si kere. ⁶ Daani n bo ya diiri i fa kō Kristo ŋusu jore ni, ambere mmō ni am tii si ka i ti nahore wö. ⁷ Nyini dεε ti, am fun má Nyeme aceeri kpa n haari kun n kpein mmō, na am ŋminda fa kō sangā bo ya Mibie Yesu Kristo bá yi i ŋu fite ni. ⁸ Yiri má am fanjā haari kō ju awieeri a, na am la má ŋgasi be ya Mibie Yesu Kristo dεε cεen ni. ⁹ Nyeme la dabunju, yiri afere am ka am ni i Wa ya Mibie Yesu Kristo n la wo fie ni am bengū a.

Kpakpaakinu n bo i woori Kristo jama n afien ni

¹⁰ M ninbaam, m sere am wö, Yesu Kristo dεε duma n nu, ka am kere fa anōse na má am ma kpakpaakinu be wo am nu, ama, am ma am sunsuni ni am nōanie yo kun nahore su. ¹¹ M ninbaam, deke bo i ti na m se sō ni, Kolowe dikafōm nbem ase m ka am la akuruwa am ŋuju nu. ¹² Yiri la ka, am nbem ŋa, “Mini su Pöulu su a,” nbem ŋa, “Mini su Apolosi su a,” nbem ŋa, “Mini su Petoro su a,” ye nbem gusu ŋa, “Mini su Kristo su a.” ¹³ Kristo akpakpaaki i ŋu nu wö, nzen sε? Ye bu kpamaari Pöulu baka jaanu n su maari am a? Bu biεeri am Nyeme nzue Pöulu dεε duma nu wö? Ai. ¹⁴ M da Nyeme asi ka ma bie má am be Nyeme nzue, má ka Krisipusi ni Gayosi n ŋgumi. ¹⁵ Nyini dεε ti, be koro se má ka m biεeri i Nyeme nzue m dεε duma nu. ¹⁶ Eεnheεn, ma tenge su bekun ka m biεeri Satefanasi dikafōm n gusu Nyeme nzue. Sin nyini sin, m koro tenge má su ka m biεeri be Nyeme nzue kun. ¹⁷ Dama Kristo asunma má m ka m ba bie minem Nyeme nzue wö, ama, i sunmaari m ka m ba kan i labari kpa n jore kere minem wö. Ma fa má adamande dεε alecira, ye m fa kan kereeri minem a, nzen má m yo sō, má yiwee n bo Kristo wuuri baka jaanu n su n ti ŋgbεen wö.

Kristo ti Nyeme yiko ni alecira a

¹⁸ Dama nzen ya kan yiwee n bo Kristo wuuri i baka jaanu n su n jore kere minem bo bu suka ŋgbεen ni, bere dō i ti sinnzinya jore wö lεε. Ama, yere n bo ya nya tiide ni, i ti Nyeme yiko sa bo wö yo ama ya a lεε. ¹⁹ Dama ba kere i Nyeme jore Kadasi n nu ka, Nyeme ŋa,

“M yó alecirafōm alecira ni ŋgbεen,
na m tó sifōm si n atin.”

²⁰ Tō, alecirafōm wo ni? Ye sifōm wo ni? Ye bo bu fiiti na bu si ahin durunya n nu jore n wo ni? Durunya n nu alecira ye Nyeme afa akaaki sinnzinya n a. ²¹ Nyeme la alecira, be koro fa má durunya n nu alecira na i fa si Nyeme. Nyeme koroyanu ye i ma ya kan labari kpa n bo i ti ka sinnzinya jore n kere minem a, na bo ba yo yarada ni, Nyeme ade bu tii aji. ²² Dama bo bu ti Yudafoam ni, bere koro ka bu ŋu alekutura sam wö, ye bo bu ti Girikifōm n gusu koro ka bu ti alecira jore wö. ²³ Ama, yere kan Kristo Tiidefō labari kpa n jore wö, kabo bu kpamaari i baka jaanu n su ni. Yudafoam dō, i ti ciire wö, ye bo bu ti má Yudafoam n dō, i ti sinnzinya jore wö. ²⁴ Ama, minem bo Nyeme afere bu ni, bo bu ti Yudafoam ni, ni bo bu ti Girikifōm ni, Kristo ti Nyeme yiko ni alecira a. ²⁵ Dama Nyeme sa bo wö yo i na i ti ka sinnzinya sa n tara adamande alecira kere bo i la i, na Nyeme sa bo wö yo i na i ti ka i la má fanjā ni, i tara adamande fanjā kere bo i la i.

²⁶ M ninbaam, am sunsun na am nie kabo am yo ti na Nyeme ba fereeri am ni. Nzen ya ŋa ya nie, durunya n nufōm yo bu má ka am dōngu la alecira, am dōngu yo ti má yikofōm, na am dōngu gusu yo fite má nfanjafōm n busu nu. ²⁷ Ama, Nyeme ayi dekem bo bu ti sinnzinya sa durunya n nu ni, na wö fa awura alecirafōm nyinse, na wö yi dekem bo bu la má fanjā durunya n nu ni, na wö fa awura nfanjafōm nyinse. ²⁸ Nyeme ayi bo bu ti tarakam durunya n nu fen, na wö yi minem bo bu má bu ni, ni dekem bo bu ti

ngbēen ni, na i ma dekem bo bu la fanga n ka ngbēen. ²⁹ Deke bo i ti na Nyeme yoori i so n la ka, adena má be koro fo yiri Nyeme do. ³⁰ Ama, Nyeme ama am ni Yesu Kristo ayo kun, na wo ma wo yo ya dee alecirafo. Yesu dee ti ye Nyeme de ya ka ya yo sa bo i ko atin su i do n a, ye wo yo ya i mine casim, na wo de ya tii aji. ³¹ Nyini dee ti, kabo ba kere i Nyeme Jore Kadasi n nu ni, “Soṅo kere bo i ŋa i fo, i ti ye ni ka i fo Mibie n ti.”

2

Kabo Pɔɔlu kaanri Yesu Kristo ni i yiwee n jore ni

¹ M ninbaam, sanja bo m baari am do na m ba kaanri labari kpa n kereeri am, na am si Nyeme asiri nu n jore ni, ma fa má adamande alecira ni si jore ajojo akere má am. ² Dama m yo baari ni, ma koro má ka m kan jore be am do, má ka Yesu Kristo Tiidefo n dee jore, ni kabo i wuuri baka jaanu n su ni. ³ Sanja m yo woori am do ni, m ŋunie ti m yorokiiwa a, na sere ati m agaya, na m ŋunie subobo m. ⁴ M noanie joojowa ni labari kpa n bo m kaanri i ni, i ti má adamande alecira ni si jore, ama, Nyeme Awiewie Casi ni yoori alekutura sam kereeri ka m noanie joojowa n ti nahore wo. ⁵ Adena má am yo yarada adamande alecira n dee ti, ama, Nyeme dee yiko n dee ti.

Nyeme alecira jore

⁶ To, ama, ya jojo alecira jore fa kere minem bo ba bi fa ko Nyeme atin n su n a. I ti má durunya n nu fen dee alecira, wara i ti má alecira bo durunya n nu nfangafom la i ni, bere kere ba ka ngbēen wo. ⁷ Ama, yere kan Nyeme alecira asiri nu jore n bo i yo fa fiɛeri adamande ŋu n wo, nyini alecira ni, Nyeme du mo ciciiri i wo ka, ye i nya ba yiiri durunya n a. I yoori so o, adena ya nya i jirima woowa ni. ⁸ Durunya n nu nfangafom be mmoo asi má nyini alecira ni, nzen má bu siiri i, má bu kpama má ya Mibie Jirimafom n baka jaanu n su. ⁹ Ama, i ti kabo ba kere i Nyeme Jore Kadasi n nu n wo, ka,

“Deke bo be nyumbaa nya ŋu má i ni,
wara deke bo be sui nya ti má i ni,
wara deke bo be nya sunsun má i, i ahorembaa su ni,
nyini ye Nyeme asese i su,
na i fá ma bo bu koro i n a.”

¹⁰ Ama, yere yiri, Nyeme ama i Awiewie Casi n ayi nyini n so akere ya, dama Awiewie Casi ni fiiti si deke n kere a, haari ni Nyeme jore bo i wo ŋgo ni. ¹¹ Adamande be koro si má sa bo i wo i bejgu adamande ahore su, má ka i mi ni i tii awiewie ni si deke bo i wo i ahore su a. So ye be koro si má sa bo i wo Nyeme ahore su a, má ka Nyeme Awiewie ni ŋgumi si a. ¹² Awiewie n bo yere anya i ni, i ti má durunya n nu fen dee, ama, i fite Nyeme do o, adena ya si aceerim kere bo Nyeme afa ama ya ni. ¹³ Nyini ye ya fa kere minem a. I fite má adamande alecira kereewa n nu, ama, i ti deke bo Awiewie Casi ni kereeri ya a, ye ya fa kere minem bo bu la Awiewie Casi n a. ¹⁴ Soṅo bo i la má Nyeme Awiewie ni, koro de má deke n bo i fite Nyeme Awiewie n do, dama yiri do, nyini jorem ti ka sinnzinya jore wo, na i koro ti má i bu, dama be koro si má i bu, má ka Nyeme Awiewie ni buka i na i koro fiiti si i bu. ¹⁵ Soṅo bo i la Nyeme Awiewie ni, i mi koro fiiti deke n kere a, ama, be koro fiiti má i mi yiri. ¹⁶ I ti kabo ba kere i Nyeme Jore Kadasi n nu barasu n wo ka,
“Ŋma asi sa bo i wo Mícera n sunsunni nu,
na i kére i kabo i yo a?”

Ama, yere yiri, ya si deke bo i wo Kristo sunsunni nu.

3

Nyeme amuisufom jore

¹ M ninbaam, ma koro ajojo má am do ka am ti minem bo bu si Awiewie Casi n jore, ama, m joojori am do ka am ti bo bu bita adamande woowa a, Kristo dee atin n su, am ti ka nbaatumam wo. ² Nbaatumam koro nu nyufini ŋgumi wo, bu koro di má diire nɔɔri, nyini dee ti ye m kereeri am bumboori su dee kereewam n a, dama am koro ti má kereewam bo bu ti kekereke n bu. Haari ni kisa, am nya koro ti má i bu. ³ Dama am toko bita adamande woowa n wo. Am si am bejgu kore wo, na am suse akuruwa am ŋuŋu nu. Kabo am yo so ni, durunya n nu adamande woowa atin lee, ye am bita i n a. ⁴ Dama nzen am nbem ŋa, “Mini su Pɔɔlu su a,” ye nbem gusu ŋa, “Mini su Apolosi su a,” am ti má ka durunya n nufom wo lee, nzen se?

⁵ Apolosi la ŋma? Wara Pɔɔlu la ŋma? Ya kere ti Nyeme amuisufom bo ya ba abuka am wo, ya kere ni ya juma bo wo fa ama ya na ya yo, ye am ayo yarada a. ⁶ Fa ko am yaradayo n su, i ti ka mini Pɔɔlu doori alembaa n a, ye Apolosi goori i nzue a, ama,

Nyeme yiko n nu ma wo nyi awura mbaa. ⁷ Nyini ti, bo i do mbaa n ni bo i go nzue n be mmoo ti ma pui. Deke bo i ti jore n la sa bo Nyeme yo i n wo, dama yiri ma i nyi wura mbaa a. ⁸ Bo i do mbaa n ni bo i go nzue n kere yo juma kun wo. Bu kere nya bu nkato kabo bu jumayoowa ti barasu n wo. ⁹ Dama ya kere sangha yo juma kun ma Nyeme wo, ye ambere gusu ti ka Nyeme fie ye ya do i a, na am kaaki ti ka Nyeme awuru ye ya ta i a.

¹⁰ Aceeri n bo Nyeme afa ama m ti ka sono bo i si ataari ta nyunyumi wo, ye m se soo n bumboori fa n a. Ye be gusu dee la ka i ta taka nyini n su a. Ama, wo yo daka ka sono kere si i nu sa kabo i ta taka su barasu. ¹¹ Dama Yesu Kristo ngumi ti ka soo fa bumboori n bo bu fa se soo n bu n a, be koro se ma soo fa be bekun sin yiri nu. ¹² Ama, sono kere bo i ta taka su, na i ti ka i faari sika, na be gusu faari jete, na be gusu faari afere bo i la anyunuyi ta takaari su, na be faari baka, na be faari wura, na be faari kara ta takaari su. ¹³ Ama, jina seen, sono kere jumayoowa ba fite fofoe nu, na bu nu i kabo i ti, dama sin ba yara sono kere juma, na sin ni yo i na i nie kabo i ti. ¹⁴ Sono kere bo i ta takaari bumboori fa seewa n su, na nzen sin n yaraari i jumayoowa na wo di ma i, i mi nya nkato. ¹⁵ Ama, sono kere bo sin n diiri i jumayoowa ni, i nya ma nkato, ama, yiri ni i ti nya tiide, se i ti ka sin n afundi i mi wo.

¹⁶ Am si ma ka am ti ka awuru bo Nyeme wo am nu wo, nzen se? Am si ma ka Nyeme Awiewie Casi n wo am nu wo? ¹⁷ Sono kere bo i saakiiri Nyeme awuru ni, Nyeme saaki i mi, dama Nyeme awuru n ti casi wo, ye ambere ni am ti ti ka nyini awuru n a.

¹⁸ Ma be se ka i dadaka i nu. Nzen be wo am nu, na i sunsun ka i la durunya n nu alecira, ma i mi yo i nu ka i ti sinnzin wo, adena i kaaki alecirafo nahore su Nyeme do. ¹⁹ Dama deke bo durunya n nufom bu i ka i ti alecira ni, Nyeme do i ti sinnzinya a. Nyini ti ye ba kere i Nyeme Jore Kadasi n nu ka,

“Alecirafo ye Nyeme fa bu ngonletie fa tara bu n a.”

²⁰ Ye ba kaaki akere i ka,

“Micera ni si deke kere bo i wo alecirafo sunsunni nu a,

i si ka i ti ngbeen wo.”

²¹ Nyini ti, ma be se ka i fa adamande be fa fo, dama deke n kere ti am dee wo. ²² Mini Poolu ti am dee wo, ni Apolosi, ni Petoro gusu, ni durunya, ni ngoo, ni yiwee, ni kisa dee sangha n bo ya wo nu ni, ni sangha bo i ba ba ni, deke n kere ti am dee wo, ²³ na ambere gusu ti Kristo deem, ye Kristo gusu ti Nyeme dee.

4

Kristo jaramasam juma n jore

¹ To, nyini ti, wo yo daka ka am nie ya ka ya ti Kristo amusuisufom wo, ya ti minem bo Nyeme afa i asiri nu jore n awura ya saa nu wo. ² Jore n bo i kaaki wo bere la ka, wo yo daka ka amusuisufo yo i juma ni nahore su ma i mibie. ³ Mini yiri, nzen am di m jore, wara adamande joredifom di m jore, m cece wo ma nu, haari mini mmoo ni m ti di ma m nu jore. ⁴ M sunsunni ni m ahore su, ma yo ma satie be, ama, nyini kere ma ka m la ma ngasi be wo lee, ma ka Mibie ni ngumi ti bo i di m jore a. ⁵ Nyini dee ti, ma sono be di i bengu jore, dama sangha nya ju ma bo Mibie ni ba. I ba baari, yiri yi deke kere bo i wo awosin nu na i fie n fite fofoe nu a, na i yi deke kere bo i wo adamande ahore su fite fofoe nu. Nyini sangha ni, ye sono kere nya i kansi Nyeme do.

⁶ To, m ninbaam, ambere dee ti ye m kaanri ahin n kere fa ko m ni Apolosi jore n a, na am nie ya woowa, na am su kabo ba kere i ase ni ngumi su, adena ma am be yo kpirikoro ka mofo be tara i lamoko nyinga ni. ⁷ Nma ase am ka am tara am bengu a? Nzu deke ye am la i, ye Nyeme afa ace ma am a? Deke bo am deer i ni, ye nzu ti ye am koro kpiri ka Nyeme afa ace ma am a?

⁸ Am sunsun ka am anya deke n kere bo am koro i n lee fan. Am ayo nengefom lee fan. Am akaaki nfemem ayaki ya lee fan. Nzen ma am adi femeya nahore su, ma i yo m fie, adena ya ni ambere kere sangha di femeya ni. ⁹ Mini do, yere n bo ya ti Kristo jaramasam ni, i ti ka Nyeme ma ya ka sin wo. Ya ti ka minem bo ba di ya jore abo ya asi ye ya wu a, na ya di nyini nyinse n na sono kere nyumbaa nu i, merékem ni adamandem kere. ¹⁰ Yere ti sinnzinm wo, Kristo dee ti, ama, ambere ti anyunutekefom wo, Kristo atin n su. Yere ti daburukafom wo, ye ambere ti nfangafom. Bu bu ambere wo, ama, yere yiri, bu bu ma ya. ¹¹ Haari fa ba ju ni kisa, ahoe ni nzuehoe sukun ya a, ya la ma sutura wurawa kpa, bu bita ya bo wo, ya kaaki la ma deke bo ya da. ¹² Ya yo ya saa nu juma ni anyumboro wo, ye ya di a. Nzen minem kpie ya nzuko, ya sere awieeri kpa ma bu wo. Nzen bu kere ya wuwuruwa, ya mindi de i wo. ¹³ Nzen bu saaki ya duma, yere jojo kpa ma bu wo. Ya ti ka wura tie bo durunya n nufom fa go bonfo su n wo, haari ni kisa.

¹⁴ I ti má ka m koro ka m wura am nyinse dɛɛ ti, ye m sukere ahin jɔrem ma am a, ama, am ti m nbaa koroowam dɛɛ ti, ye m subɔbo am a. ¹⁵ Dama nzen haari má am la kerefom akpii buru mmɔɔ fa kɔ Kristo dɛɛ atin n su, má am la má sim beberebe, mini ti am si a, Yesu Kristo dɛɛ atin n su, labari kpa n bo m kan kereeri am dɛɛ ti. ¹⁶ Nyini ti, m sere am wɔ, am sɔn m su, na am ma am woowa ti kabo m woowa ti barasu ni. ¹⁷ Nyini dɛɛ ti ye m susunna Timoti am dɔ n a. Yiri ti m wa koroowa nahore su a, na i kaaki la dabuɲu Mibie n atin n su. I tɛngge am su kabo m woowa ti Kristo atin n su, ni kabo m kere minem ka bu wo barasu, deke kere bo m kɔ ni, Kristo jamam n kere nu. ¹⁸ Am nbem sunsun ka m ba má am dɔ kun, nyini ti, ba fa kpirikoro. ¹⁹ Ama, nzen Nyeme soro su, i cé má, m bá nie am busu, na m bá si nyini minem bo bu la kpirikoro ni, má ka bu noanie jɔjɔwa ni ngumi, ama, m nie kabo bu yiko ti barasu. ²⁰ Dama kabo Nyeme nie i minem su ni, i ti má noanie jɔjɔwa n wɔ, ama, i ti yiko wɔ. ²¹ Ahin jɔre nnyom nu, am koro bɔno ɔ? Am koro ka m bá cin am sui, nzen se? Wara am koro ka m bá am dɔ bɛnle, ni koro wɔ?

5

Dangba sa n bo i wo Kristo jama n nu n jɔre

¹ Ma ti jɔre be, ka dangba sa wo am nu, yiri la ka sɔno be bita i si yi da a. Haari bo bu su má Nyeme ni mmɔɔ yo má nyini dangba sa ni. ² Am ayo nyini sa n ye am toko koro kpiri n a fan? Ye am ahore saaki má n a? Wɔ yo daka ka am yi nyini sɔno n fite am nu. ³⁻⁴ Haari ni bo mini wo má am dɔ ni, m awiewie wo am dɔ, na sɔno bo i yoori nyini sa ni, ma du mɔ adi i jɔre ajaraki i ya Mibie Yesu dɛɛ duma n nu, kabo má mini ni m tii wo am dɔ na m yo ni. Nzen am ba tieɛni am nɔɔ, na m awiewie wo am dɔ, na ya Mibie Yesu yiko n wo ya dɔ, ⁵ am fa nyini sɔno n fa wura Sitana saa nu, na i kere i kekereke fa kɔ i adamane anuniembaa koroowa n su, adena i awiewie n nya tiide cɛɛn n bo Mibie ni bá di minem jɔre ni.

⁶ Am yanfoya bo am nati fo i ni, i ti má kpa. Am si má ka ayiri kaan sɔ ma kpɔno n yasu a, nzen se? ⁷ Am sunsun fa kɔ Butara cɛɛnkpiri n su, bo bu di kpɔno na bu go má ayiri nu ni, kana bu ba di cɛɛnkpiri n ni, bu du mɔ fa ayiri dawa n tu wɔ. Am yi nyini ayiri dawa n fa tu, na am yo ka kpɔno fɔfɔre bo ba fa má ayiri ago má nu. Deke bo m suse n la ka, nzen satie kaan woori am nu, i sáaki am kere wɔ. Nyini dɛɛ ti, am yi satie kere bo i wo am nu ni. Nahore, am ti mine casim wɔ, am ti ka kpɔno fɔfɔre n wɔ, dama ba fa Kristo ayo yoowa ama ya. Yiri ti ka ya Butara cɛɛnkpiri bɔmbaa n bo ba kpie i kɔm n a. ⁸ Nyini ti, am ma ya bita Butara cɛɛnkpiri nyunyumi, na ya yaki satie bo i ti ka ayiri dawa ni, ama, am ma ya di i ka ya ti minem bo ya ti casi na ya la nahore wɔ, bo i ti ka kpɔno bo ba go má ayiri nu ni.

⁹ Kadasi n bo m yo du mɔ kere maari am ni, m seeri am ka, má am ni minem bo bu yo dangba sam saɲga wo. ¹⁰ Tɔ, m sukan má durunya n nufom ni jɔre a, bere bo bu nati yo dangba sam ni, ni bo bu nyunu aboro nenje kpini su ni, ni bo bu fin bu bengum ni, ni bo bu su amɔɛm ni. Nzen má i ti sɔ yiri, ŋka má am fite yaki durunya n wɔ. ¹¹ Tɔ, bo m sukan n la ka, má am saɲga ni minem bo bu yo bu ŋu ka bu ti am lamɔko Kristofom na bu yo dangba sam, wara bu nyunu boro nenje kpini su, wara bo bu su amɔɛm ni, wara bo bu nati kan minem jɔre, wara bo bu nati nu nzan bo ni, wara bo bu nati fin mine ni. Má am se ka am ni nyini sɔno n be sɔ mmɔɔ saɲga di diire. ¹²⁻¹³ Má m juma la ka m di bo bu wo durunya n nu jɔre. Nyeme di bu jɔre a. Bo bu wo Kristo jama n nu ni, ambere ti bo am di bu jɔre a. Nyini dɛɛ ti, kabo ba kere i Nyeme Jɔre Kadasi n nu ni, ka, "Am fon yi sɔno tie n bo i wo am nu ni."

6

Kabo bu fa bu beɲgu Kristofom kɔ jɔre diibiri ni

¹ Nzen am be ni i beɲgu Kristofɔ be nyaari jɔre be, i ti ye ni ka i mi fa jɔre n kɔ Nyeme minem n dɔ, má i se ka i fa kɔ durunya n nu joredifom bo bu si má Nyeme n dɔ fieo. ² Am si má ka Nyeme minem bá di durunya n kere jɔre a, nzen se? Ye nzen am bá di durunya n kere jɔre, nzu ti ye am koro yo má am ŋuɲu nu jɔre mumukum dongu a? ³ Am si má ka ya bá di haari ni merékem jɔre? Ye nzu ti ye am koro di má jɔrem fa kɔ dekem bo bu wo durunya n nu n su a? ⁴ Ambere, nzen am la nyini jɔre n be sɔ, ye nzu ti ye am fa kɔ minem bo Kristo jama n bu má bu n dɔ a? ⁵ Deke bo m sukan i ni, i ti am nyinse wɔ. Alecirafɔ haari kun n kpein mmɔɔ wo má am nu bo i koro di am ŋuɲu nu jɔrem, nzen se? ⁶ Ama, ambere, am fa am beɲgum kɔ jɔre diibiri wɔ, na am kɔ jina minem bo bu ti má yaradayofom nyunu, na bu di am jɔre.

⁷ Nahore, am akpaasi, kabo am nati fa am benggu ko jore diibiri ni. Nzen u niwa doori u ngasi be, i ti ye ni ka a mindi de i. Nzen u niwa be sisiiri u, yaki ce i, i ti ye ni bo a fa i ko jore diibiri. ⁸ Ama, ambere ni am tii wura am benggu ngasi nu wo, na am susisi am bengum, haari ni am benggu Kristofom kere.

⁹ Am si ma ka sono kere bo i yo satie koro wura ma Nyeme femeya n nu, nzen se? Ma am dadaka am em, minem bo bu yo dangba sa koro wura ma Nyeme femeya n nu, wara bo bu su amem, wara bo bu saaki ajaa ciire, wara nbiesom bo bu fa bu nu kaaki ka nbaram na bu ni bu benggu nbiesom sanja da ka bara ni bieso dee su ni, ¹⁰ wara awiefom, wara bo bu nyunu aboro nenje kpini su, wara bo bu nu nzan na bu bo, wara bo bu nati kan minem jore, wara bo bu nati fin minem ni, bere be mmoo koro wura ma Nyeme femeya n nu. ¹¹ Am nbem yo ti so o. Ama, Nyeme anmisi ayi am satiem ni, na wo fa am ayo i dee mine casim, na wo de am ka am yo sa bo i ko atin su i do, ya Mibie Yesu Kristo duma n dee ti, ni ya Si Nyeme Awiewie n dee ti.

Am fa am nuniembaa yo deke bo i ma Nyeme jirima

¹² Am nbem se ka, "M la atin bo m koro yo deke kere bo m koro ka m yo i," ama, ma deke kere la i kpere a. Mini mmoo koro se ka m la atin bo m koro yo deke kere bo m koro ka m yo i, ama, m yaki ma na deke be kunma m. ¹³ Nbem gusu na, "Diire ti akunnu dee wo, na akunnu gusu ti diire dee." I ti nahore wo, ama, Nyeme ba ma akunnu n ni diire n kere ka ngbeen a. Ama, anuniembaa n yiri, i ti ma sakaraya dee, ama, i ti Mibie n dee wo, na Mibie n gusu ti anuniembaa n dee. ¹⁴ Nyeme dee yiko n nu ye i tengeeri Mibie ni i yiwee nu a. I yiko n nu ye i ba tenge ya gusu a. ¹⁵ Am si ma ka am nuniembaa n ti Kristo anuniembaa n bue be wo, nzen se? Ye m koro fa Kristo anuniembaa n bue be yo sakaraya, nzen se? Ai, atin wo ma nu. ¹⁶ Am si ma ka sono kere bo i faari i nu mataari bara sakara na bu sanja woori, bere nnyo n ayo deke kun wo lee, nzen se? Dama ba kere i Nyeme Jore Kadasi n nu fa ko bieso ni i yi jore su, ka, "Bu mine nnyo n ayo deke kun lee." ¹⁷ Sono kere bo i faari i nu mataari Mibie n na bu sanja woori ni, i ni yiri dee awiewie n ayo kun lee. ¹⁸ Am nmati fite sakaraya nu. Ma satie kere bo sono yo i ye i saaki i nuniembaa n a. Ama, bo i yo sakaraya ni, i mi saaki i nuniembaa n wo. ¹⁹ Am si ma ka am nuniembaa n ti ka awuru bo Awiewie Casi n wo nu n wo, nzen se? Yiri ye Nyeme fa maari am n a, ma am dee la am nu. ²⁰ Nyeme ato am ato kaari wo, nyini ti, am fa am nuniembaa n fa yo deke bo i ma Nyeme jirima.

7

Kabo i ti ye ni ka bieso ni bara wo barasu ni

¹ To, jore n bo am kere maari m ni, am na, "I ti ye ni ka ma bieso si bara." ² I ti nahore wo, ama, mini do, sakaraya dee ti, i ti ye ni ka bieso kere la i tienju yi, na bara kere la i tienju hun. ³ I ti ma ye ni ka bieso kete na ma i ni i yi sanja, i kaaki ti ma ye ni ka bara kete na ma i ni i hun sanja. ⁴ Ma bara n dee la i nuniembaa ni, i ti i hun n dee wo, so ye i kaaki ti a, ma bieso n gusu dee la i nuniembaa ni, i ti i yi n dee wo. ⁵ Ma am kete am benggu daari, ma ka am ayo anookun ka am fa nyini sanja kaan sere Nyeme, nyini sin, na am kaaki sanja bekun, adena ma Sitana yo am nie na i nya am, dama am koro tara ma am nu dee ti. ⁶ I ti ma ka m suma am noo ka am yaki i wo, ama, m suma am atin ka am koro yo so o. ⁷ Mini do, nzen ma sono kere wo kabo m wo ni, i yo m fie, ama, sono kere ni i aceeri bo Nyeme afa ama i, be dee wo i ngumi, na be gusu dee wo i ngumi, i kere ti ma kun.

⁸ Kisa m sujoko ambere nbiesom ni nbaram bo am nya ja ma ni do a, ni nkunafom, nzen ma am wo kabo m wo ni, na am ja ma, i ti kpa. ⁹ Ama, nzen am koro tara ma am nu, am ja. Nzen am yo so, i ti ye ni bo sanja kere am la konviki agaya fa ko bara ni bieso dika, na am koro tara ma am nu ni.

¹⁰ Ahin ti nbiesom ni nbaram ajaafom dee jore ye m sukan i n a, ma mini suse a, ama, i ti Nyeme noanie maawa a, ka ma bara yaki i hun ajaa. ¹¹ Ama, nzen i ko yoori ka be afite i hun dika, ma i ja kun, i tana so, wara i kaaki ko i hun n dika. Ma bieso n gusu se ka i yaki i yi ajaa.

¹² Minem bo ba ka ni, m dee fo ye m sufa tu am n a, ma Nyeme seeri so a. Nzen Kristof be yi ti ma yaradayof, na wo soro su ka i tana i hun n ajaa bu, ma i yaki i ajaa, i bita i. ¹³ Nzen bara be ti Kristof, na i hun ti ma yaradayof, na bieso n asoro su ka i ni i yi n sanja tana, ma bara n yaki i ajaa, i tana. ¹⁴ Dama bieso n bo i yo ma yarada ni, Nyeme ade i ayo i dee sono, i yi n bo i ti Kristof n dee ti, na bara n gusu bo i yo ma yarada ni, Nyeme ade i ayo i dee sono, i hun n bo i ti Kristof n dee ti. Nzen ma nyini, Nyeme de ma bu nbaam, ama, kabo i ti ni, Nyeme ade bu. ¹⁵ Ama, nzen bo i ti ma yaradayof n kete ka i ja ma, yaki i na i ko, nyini sanja, Kristof n la ma ngasi be.

Nyeme afere ya ka ya wo ni tanalaifie wɔ. ¹⁶ Wɔrɔ bara ni, beni, wɔrɔ dɛɛ ti, u hun ni nyá tiide, na wɔrɔ biesɔ n gusu, beni, wɔrɔ dɛɛ ti, u yi ni nyá tiide.

Kabo ya yo ti na Nyeme fereeri ya ni, ya ti so

¹⁷ Tɔ, am ma sɔnɔ kere wo kabo Mibie n kereeri i saŋga bo Nyeme fereeri i ni. Deke kere bo m kɔ Kristo jamam n nu, kabo m kere bu ka bu yo lɛɛ. ¹⁸ Nzen be wo bere, na wɔ du mɔ awura kenkenne ka, ye Nyeme ba fereeri i, i ti ye ni ka i mi yaki i kenkenne yoowa n sɔ. Nzen be gusu wo bere, na wɔ wura má kenkenne, ye Nyeme afere i, i ti ye ni ka i mi wo sɔ, má i se ka i wura kenkenne. ¹⁹ Bo wɔ wura kenkenne n ni bo wɔ wura má kenkenne ni, i be mmɔɔ ti má pui, ama, deke bo i ti jɔre nahore su n la ka, sɔnɔ bita Nyeme noanie maawam ni. ²⁰ I ti ye ni ka sɔnɔ kere wo kabo i yo ti barasu na Nyeme nya ba fereeri i ni. ²¹ Nzen a ti akɔɔ, ye Nyeme afere u, má a ma i yo u yaa, ama, nzen a si ka a koro nya atin na a de u tii, a koro yo sɔ. ²² Dama sɔnɔ kere bo i ti akɔɔ na Mibie n afere i, i ti Mibie n dɛɛ sɔnɔ bo wɔ de i tii aji wɔ, sɔnɔ kere gusu bo i ti má akɔɔ na Mibie n afere i, sɔ ye wɔ kaaki Kristo akɔɔ a. ²³ Nyeme ato am ato kaari wɔ, nyini dɛɛ ti, má am yo adamandem akɔɔm. ²⁴ Nyini ti, m ninbaam, kabo sɔnɔ kere ti na Nyeme afere i ni, i ti ye ni ka i mi wo sɔ ni Nyeme.

Nbaram ni nbiesɔm bo bu ja má n jɔre

²⁵ Fa kɔ minem bo ba nya aja má ajaa n do ni, m la má kereewa bo i fite Mibie n do fa kɔ nyini n dika, ama, Mibie n asi m aɲunfo na m la dabuɲu n dɛɛ ti, ye m koro ka m se am deke bo i wo m sunsunni nu n a. ²⁶ Mie n bo ya wo nu kisa n dɛɛ ti, mini do, nzen má sɔnɔ kere koro wo i wo, má i ti kpa. ²⁷ Nzen a du mɔ aja bara, má a kpini atin na a yaki ajaa ni. Nzen a nya ja má gusu, má a kpini atin na a ja. ²⁸ Nzen a ti biesɔ ye a ja bara, a yo má satie, nzen a ti sunɲuru gusu ye a ja biesɔ, a yo má satie. Ama, wahara n bo ajaajafom di i durunya n nu n ye m koro má ka am di i be a.

²⁹ M ninbaam, deke bo m suse n la ka, saŋga n waari má kun. Nyini ti, fa kisa fa kɔ, bo bu la nbaram ni, i ti ye ni ka bu wo ka bu la má be. ³⁰ Na bo bu sun ni, ma bu wo ka bu sun má, na bo bu ahore ajo ni, ma bu wo ka bu ahore ajo má, na bo bu to nengem ni, ma bu wo ka má bu dɛɛ la nenge ni. ³¹ Na bo bu fa durunya n nu nengem fa yo bu jumam ni, ma bu wo ka bu cece wo má bu nu, dama ahin durunya n ni deke kere bo i wo nu n ti siinwa a.

³² M koro má ka deke be mie am, am sunsunni nu. Sɔnɔ bo i la má bara ni, i sunsunni kere wo Mibie n dɛɛ juma ni su a, i dɛɛ la ka, i yo sa bo i sun Nyeme nu wɔ. ³³ Ama, sɔnɔ bo wɔ ja bara, i sunsunni kere wo durunya n nu dɛɛ dekem ni su a, i dɛɛ la ka, i yo sa bo i sun i yi nu wɔ, ³⁴ nyini ti, i sunsunni ti nnyɔ nnyɔ o lɛɛ. Na bara bo i ja má, wara sunɲuru bo i si má biesɔ, i sunsunni kere wo Mibie n juma ni su a, adena i wo casi i ɲuniembaa ni i awiewie nu. Ama, bara bo i la hun, i sunsunni kere wo durunya n nu dɛɛ dekem ni su a, i dɛɛ la ka, i yo sa bo i sun i hun nu wɔ. ³⁵ M koro ka m buka am wɔ, nyini ti ye m se sɔ n a, i ti má ka m koro ka m kanda am atin wɔ. Ama, m koro ka am yo sa kere bo i kɔ atin su wɔ, na am fa am ɲu ma Mibie n nahore su, na am su i nyunyumi.

³⁶ Ama, nzen sunɲuru be wo bere na wɔ nya si má biesɔ, na ba ce i, na i ni biesɔ n kere ayo bu sunsunni nu ka bu ja má, ama, kasin na biesɔ n ba ɲu ka i koro tara má i ɲu, na bara n aju ajaa, i koro ja i, i ti má satie. ³⁷ Ama, nzen wɔ jina su kekereke i sunsunni nu, na i ti má deke bo bu mie i, na i koro tara i ɲu fa kɔ i kunnu koroowa su, na wɔ yo i sunsunni nu ka i ja má sunɲuru ni, ama, bu wo ka bu ti danfoya a, bo bu si má bu benɲu ka bara ni biesɔ, nyini ti kpa a. ³⁸ Nyini ti, sɔnɔ kere bo i jaari i sunɲuru ceewa ni, nyini ti kpa, ama, bo i ja má i fieo ni, i mi yo sakpa tara bo i ja i ni.

³⁹ Nzen bara ni i hun wo bere, na biesɔ n nya wu má, bara n la má atin bo i fite i ajaa n bu, ama, nzen i hun wuuri, i la atin bo i kɔ ja sɔnɔ kere bo i koro, ama, wo yo daka ka i mi ti Mibie n dɛɛ sɔnɔ. ⁴⁰ M dɛɛ sunsunni nu, nzen má i wo sɔ na i ja má, má i la terefie agaya tara bo i ja. M nie ka mini mmɔɔ ni m tii la Nyeme Awiewie ni.

8

Amɔɛ diire diiwam n jɔre

¹ Tɔ, fa kɔ dekem bo bu kpie bu kɔm yo tie fa ma amɔɛm dɛɛ jɔre, ya si ka ya kere la si. Ama, si ka nyini n sɔ ma mine wura bu ɲu kpiri wɔ, ama, koro yiri, i buka sɔnɔ o, na i woowa ti kpa. ² Sɔnɔ kere bo i yo i ɲu ka i si deke be, i mi nya la má si nahore su kabo má i sunsun ka i si i ni. ³ Sɔnɔ kere bo i koro Nyeme ni, Nyeme si yiri wɔ.

⁴ Nyini ti, fa kɔ kabo minem di amɔɛ tie diirem ni, ya si ka amɔɛ ti má pui durunya n nu, na nyeme be wo má bere sin ya Nyeme ni ɲgumi kpein ɲu. ⁵ Haari nzen dekem

bo minem ŋa bu ti amɔem wo angoro ni asienɔu fen, na nzen i ti nahore ka amɔem ni mibiem donɔu wo bere mmɔɔ, ⁶ yere do, Nyeme kun n kpein wo bere a, yiri la ya Si Nyeme, yiri yo yiiri deke n kere a, ya wo bere ma yiri wo. Ya kaaki la Mibie kun n kpein wo, yiri la Yesu Kristo, Nyeme ma yiri yiiri deke n kere a, i dee ti ye ya wo bere a.

⁷ Ama, má sɔnɔ kere la nyini si n a, nbem wo bere bo ba su amɔem ace, nyini ti, haari ni kisa nzen bu diiri nyini diire n be, bu sunsun ka bu toko di amɔe tie nie wo, na bu sunsunni suma bu nnyɔ nnyɔ ɔ, ka bu ti má casi. ⁸ Nyeme de má ya diire dee ti, nzen ya diiri i, i buka má ya pui, nzen ya di má i gusu, i kpie má ya su. ⁹ Ama, am si am ŋu sa, ambere bo am ade am tii ni, na má am yo sa be bo i ma am niwa n bo i jaa kpaasi, yiri n bo i yarada ti má biiwa ni. ¹⁰ Nzen sɔnɔ bo i sunsunni n ti nnyɔ nnyɔ n ŋu ka wɔɔ bo a la nyini si n sɔ wo amɔe awuru n nu sudi amɔe diire be, nyini ma i ahoresi ka i di be na i nie a, má sɔ? Eɛn, i mi dí ɔ. ¹¹ A yoori sɔ, u si n dee ti, a suma u niwa n ka ŋgbɛɛn lee, yiri n bo i yarada ti má biiwa ni. Yiri gusu ti u niwa bo Kristo wuuri i dee ti wo. ¹² Nzen am yo sɔ, am suyo am ninbaam satie wo lee, na am sufondo bu sunsunni bo i ti nnyɔ nnyɔ n lee, nyini n sɔ ni, am suyo Kristo gusu satie wo lee. ¹³ Nyini ti, nzen diire bo m di i, na i ma m niwa Kristofɔ bo i jaa kpaasi, m dí má nie bekun fieo, adena má m niwa n bo i jaa kpaasi.

9

Atin bo Kristo jaramasam la i fa kɔ bu juma n su ni

¹ M ti má sɔnɔ bo ma de m tii wo, nzen se? M ti má Kristo jaramasa a, nzen se? Ma ŋu má ya Mibie Yesu wo, nzen se? Kabo am ayo yarada ni, má ambere ti m jumayoowa, Mibie n dee ti a, nzen se? ² Haari nzen nyingam de má m ka m ti jaramasa, ambere si ka m ti i jaramasa a, dama kabo am ni Mibie n ayo kun ni, nyini kere am ka m ti i jaramasa a.

³ Nzen mine se m jɔre, ka m ti má Kristo jaramasa, má m bisa bu ka, ⁴ mini ni Banabasi, ya la má atin ka ya de deke bo ya di i, ni deke bo ya nu i, Kristo jama n do ɔ, nzen se? ⁵ Ya la má atin ka nzen ya sukɔ atin, ya koro fa ya yim bo bu ti yaradayofom bita nu, kabo ya beɔgu Kristo jaramasa nbem yo ni, ni kabo ya Mibie niemam, ni Kefasi bo bu kaaki fere i ka Peto gusu yo ni, nzen se? ⁶ Wara m ni Banabasi ŋgumi ye i ti ye ni ka ya yo ya saa nu juma ka, na ya nya di a? ⁷ Nma wo bere bo i yo soja juma na i to i tii su kaari a? Ai, bu to bu wo. Nma wo bere bo i ta bakam, na i dí má suuwam be a? Ai, bu di wo. Wara ŋma wo bere bo i sasa nengendɔrem na i nu má nɔnɔ a? Ai, bu nu wo. ⁸ M sufa má adamande dee sunsunni nu ye m sufa se sɔ n a, ama, kabo nɔanie kpamaawa n kere lee. ⁹ Ba kere i Nyeme nɔanie kpamaawa n bo i fa maari Moyisi n nu ka, "Nzen a bita toora subobo ŋgani, má a cici i nɔɔ." To, naanim ŋgumi ye Nyeme cece wo bu nu a, nzen se? Ai, má bere ŋgumi. ¹⁰ Nahore, ya ti ka dodɔɔrifom wo, yere dee ti ye bu kereeri sɔ a, adena bo i do ŋgani n ni bo i bobo i n kere la tama ka bu nyá be na bu kpáaki nu. ¹¹ Yere kaanri Nyeme nɔanie ni kereeri am a, kabo dodɔɔrifɔ do alembaa ni, na ambere ade i. Ye nzen i ti sɔ, yere la má atin bo ya koro nya deke be am do, nzen se? ¹² Nzen nyingam la atin ka bu de nengem am do, yere la má atin bo ya de tara sɔ, nzen se?

Ama, yere akere má ya yiko ka ya de nyini n be sɔ, dama ya koro má ka ya kanda minem, na má bu de Kristo labari kpa ni. ¹³ Am si má ka, minem bo bu yo juma Nyeme Sereebiri Awuru n nu ni di nyini nu wo, nzen se? Na bo bu nati yo juma Mikun yoowa yobiri n su ma minem gusu di nyini nu wo, nzen se? ¹⁴ Sɔ ye Mícera n ama nɔɔ a, ka bo bu kan labari kpa n jɔre n nya deke bo bu di i fite labari kpa n kan nu a.

¹⁵ Ama, haari ni bo má m la atin ka m yo sɔ ni, ma yo má nyini n be sɔ, na m sukere má ahin kadasi n ka m de deke be am do ɔ, dama nzen m wuuri, má i ti ye tara bo be se ka m fɔ yanfɔya ŋgbɛɛn ni. ¹⁶ Nzen m kan labari kpa n jɔre kere mine, m la má atin bo m fɔ, dama i ti m juma bo Nyeme ama m ka m yo i wo. Nzen m keteeri ka m yo má i, m nyá suicin. ¹⁷ Nyini ti, nzen m kan labari kpa n jɔre m koroyanu, m nya ŋkato, ama, i ti má m koroyanu, dama Nyeme afa nyini juma n ama m ka m yo i a. ¹⁸ M dee ŋkato la bonɔ? Yiri la ka m kan labari kpa n jɔre fa kere minem ŋgbɛɛn, m la atin bo m sere deke be bu do, ama, m yo má i.

¹⁹ Haari ni bo ma de m tii na m ti má be dee akɔɔ ni, m fa m ŋu yo akɔɔ ma sɔnɔ kere wo, adena m koro nya mine donɔu na bu su Kristo su. ²⁰ Nzen m kɔɔri Yudafoɔm do, m yo kabo bu yo n wo, adena m koro nya bu nbem na bu su Kristo su. Nzen m kɔɔri minem bo Nyeme nɔanie kpamaawa n nie bu su n do, haari ni bo nɔanie kpamaawa n nie má mini ni m tii su kun ni, m yo kabo bu yo n wo, adena m koro nya minem bo nɔanie kpamaawa n nie bu su ni nbem na bu su Kristo su. ²¹ Nzen m kaaki kɔɔri minem

bo bu la má nɔanie kpamaawa n do, m yo kabo bu yo n wo, i ti má ka m su má kabo Nyeme nɔanie kpamaawa n kere n su wo, ama, Kristo deɛ nɔanie ni nie m su a, adena m koro nya minem bo bu la má nɔanie kpamaawa n na bu nbem su Kristo su. ²² Nzen m kɔori minem bo bu yarada la má fanja n do, m yo m ɲu ka mini mmoo la má fanja wo, adena m koro nya bu nbem na bu su Kristo su. Deke kere bo m ko, m yo m ɲu kabo nyini minem yo barasu n wo, adena m koro ma bu nbem nya tiide. ²³ M yo nyini n kere so o, labari kpa n deɛ ti, adena m ni nyingam kere sanja di i kperɛ.

²⁴ Am si ka nzen minem awura akuruwa ka bu ɲmati, na bu nie bo i kunma i bengum, bu kere ɲmati wo, ama, bu nu sɔno kun bo i ko kunmaari bu kere ni, yiri nya aceeri n a. Nyini ti, sɔno kere mie i nyi, na i wo woowa kpa fa ko Kristo atin n su, kabo ɲmatiirifo n bo i kunma i bengum n ti ni, adena i nya aceeri ni. ²⁵ Minem bo bu ɲmati ɲmatiiri ni, wara bo bu bo baalo ni, bu kere boro bu nyi wo ni anyumboro fa ko nyini kokoro n su. Bu yo so o na bu nya aceeri n bo i ce má ni, ama, yere yiri, ya nya aceeri n bo i wie má na i wo bere sanja kere n wo. ²⁶ Nyini deɛ ti, mini, m ɲmati má ngbeɛngbeɛn ka sɔno bo i si má bo i wo nu ni. M ti má sɔno bo m bo aore n m bo fun. ²⁷ Ama, m kere m ɲunie n wahara a, na i yo kabo m koro ni, adena má m yo sɔno bo m kan labari kpa n jore kere minem, na mini mmoo fun aceeri ni.

10

Kabo Pɔɔlu bɔbɔori bu ka má bu su amɔɛm ni

¹ M ninbaam, m koro ka m tenje am su ka sanja bo ya nam yo suuri Moyisi su fiteeri Ijipiti asien n su ni, yinyingun n yo kataari bu kere ɲu wo, na bu kere ayo awura kunma nzue bambaka n nu na ba kpɛ. ² Kabo i yoori so ni, i yo ti ka ba bie bu Nyeme nzue, afa bu ama Moyisi wo leɛ. ³ Bu kere yo sanja diiri diire n bo i ti má durunya n nu fen deɛ diire n a, ⁴ na bu kere asanja anu deke nuuwa kun n bo i ti má durunya n nu fen deɛ ni, dama yabue n bo nze n songi fiteeri nu na bu nuuri i n na i suuri bu su ni, i fite má durunya n nu fen, nyini yabue n la Kristo Tiidefo ni. ⁵ Ama, haari ni nyini mmoo, bu dorɲu sayoowa asun má Nyeme nu, nyini deɛ ti na ba wu aka ngbeɛn boro kpantain n nu.

⁶ To, ahin sam kere bo bu yo yoori ni, bu ti deke bo bu sufa kere ya a, ka má ya sufa konviki, na ya su satiem su, kabo bu yo yoori ni. ⁷ Na má am su amɔɛm kabo bu nbem yo yoori ni. Kabo ba kere i Nyeme jore Kadasi n nu ni, ka, "Minem n yo tanaari wo, na ba di, na ba nu, na ba nya ayasu ago agore." ⁸ Má am ma ya yo sakaraya kabo bu nbem yo yoori, na cɛn kun nu na bu minem ko akpii aburanyo ni akpii nsan wuuri ni. ⁹ Má am ma ya yo Mibie n na ya nie, kabo bu nbem yo yoori i na bu nie, na woom kan kuunri bu ni. ¹⁰ Má am sunɲuti kabo bu nbem yo ɲunɲutiiri na mereke saakifo n ba kuunri bu na bu kaari ngbeɛn ni.

¹¹ Ahin sam kere bo bu yo yoori ni, bu ti deke bo bu sufa kere ya wo, nyini ma bu kereeri bu seeri n a, na bu fa bɔbɔ yere n bo ya wo ahin awieeri su sanja n nu ni.

¹² Nyini ti, sɔno kere bo i sunsun ka i jina nyunyumi, i ti ye ni ka i mi si i ɲu sa, na má i kpaasi. ¹³ Gberɛgere be wo má bere bo wo tu am, na i be nya tu má adamande. Nyeme la dabuɲu, i yáki má na gberɛgere bo i kúnma am bá tu am, ama, haari nzen gberɛgere be bá tuuri am, i kpini atin ma am, na i má am koro mindi de i.

¹⁴ Nyini deɛ ti, m ninbaa koroowam, am ɲmati fite amɔɛ su nu. ¹⁵ M sujojo am do ka am ti minem bo bu nyunu ateke wo, amberɛ mmoo ni am tii, am si deke n bo m sujojo i n bu. ¹⁶ Nzen ya sudi ya Mibie n diire ni, na ya faari awa n ni nzan n na ya yo kisi go su, na ya kere sanja nuuri i, i ti Kristo mbunja wo leɛ, ye ya nu i n a. Kpono n gusu bo ya kpɛkpɛ i nu na ya sanja di i ni, i ti Kristo ɲuniembaa n wo leɛ, ye ya di i n a. ¹⁷ Kpono n bo ya kere sanja di i n ti momo kun wo, nyini deɛ ti, yere bo ya ti mine beberebe ni, ya ti anjuniembaa kun wo leɛ, dama ya kere sanja di kpono kun n wo. ¹⁸ Am nie kabo Yisarelifom yoori ni. Minem bo bu di dekem bo bu fa yo yoowa Mikun yoowa yoobiri n su n ni, bu ni Nyeme la wo fie bo i ma bu yo anɔokun, fa ko bu nyemesu atin n su. ¹⁹ M suse má ka dekem bo bu yo tie n ma bu n wo má bere wo, wara amɔɛm ni bu tii wo má bere. Ai, má so. ²⁰ Ama, dekem bo amɔɛsufom yo tie ma bu ni, bu yo ma ajinim wo, bu yo ma má Nyeme. M koro má ka am di amɔɛ tie diirem, na am ni ajinim sanja. ²¹ Nahore, m koro ka am si ka am koro nu má ya Mibie ni nzan awa n nu, na am kaaki nu ajinim deɛ gusu buka su, nyini koro yo má, na am kaaki koro di má ya Mibie n diire ni, na am kaaki di ajinim deɛ buka su, nyini koro yo má, ²² wara ya koro ka Mibie n si ya kore na i fa yaa ya ɲu wo. Ya la fanja tara i wo, nzen se? Ai, ya lá má fanja.

Ya yo sa bo i sun Nyeme nu

²³ Am nbem se ka, “Ya la atin bo ya koro yo deke kere bo ya koro ka ya yo i ni.” I ti nahore wo, ama, má deke kere la kperere a. Am ña, “Ya la atin bo ya koro yo deke kere bo ya koro ka ya yo i ni.” I ti nahore wo, ama, má deke kere buka ya a. ²⁴ Má am nie kabo am yo na ambere ngumi yo ye, ama, am nie kabo am yo na am be ngum gusu yo ye. ²⁵ Nie kere bo nan kosim to i ni, am di i, má am yo sika. ²⁶ Dama ba kere i Nyeme Jore Kadasi n nu ka, “Durunya n ni deke n kere bo i wo nu n ti Micera n dee wo.” ²⁷ Nzen sono bo i yo má yarada baandiiri am ka am ba di diire, na am soro su, am di deke kere bo bu fa ma am ni, má am kere nu, sika dee ti. ²⁸ Ama, nzen be se am ka, ahin nie n ti tie nie wo, nyini yiri, má am di, yiri n bo wo se so ni, i sunsunni suma i nnyo nnyo n dee ti, má am di. ²⁹ I mi n dee sunsunni nnyo nnyo n dee ti, má a di i, má u dee ti a. M dee la m tii, ye nzu ti ye m ma be dee sunsunni nnyo nnyo n di m jore, na má m yo kabo m koro a. ³⁰ Nzen m da Nyeme asi go diire n su na m di i, be yo se koro jaraki m diire n dee ti a? Dama na du mo ada Nyeme asi ago diire n su.

³¹ Nyini ti, nzen am diiri diire, wara am nuuri deke nuuwa, wara deke kere bo am yoori i, am yo i na i wura Nyeme kpiri. ³² Má am yo sa bo i ma minem bo bu jaa na bu kpaasi, bo bu ti Yudafom ni, ni bo bu ti má Yudafom, haari ni Kristo jama ni. ³³ So ye mini mmoo ni m tii boro m nyi a, na m yo sa bo i sun sono kere nu, m sunie má kabo m yo na mini ngumi yo ye wo, ama, m yo deke bo i buka sono kere wo, adena bu nya tiide.

11

¹ Am son m su, na am ma am woowa ti kabo m woowa ti barasu n na m son Kristo su ni.

Tii kata su jore fa ko nyemesere su

² To, m kansi am wo, dama sanja kere am nati tenge m su wo, na am bita kereewam bo m fa kereeri am n ni nahore su ni. ³ Ama, deke bo m koro ka am si i la ka, bieso kere tiifo la Kristo wo, na bara kere tiifo la i hun, na Kristo gusu tiifo la Nyeme. ⁴ Nyini ti, bieso kere bo i susere Nyeme, wara i sukan Nyeme noanie n kere minem, na i kata i tii su, i mi awura i tiifo n nyinse wo lee. ⁵ Na bara kere bo i susere Nyeme, wara i sukan Nyeme noanie n kere minem, na wo kata má i tii su, nyini bara n suwura i tiifo nyinse wo lee. I ti ka wo yi i tii wo lee. ⁶ Nzen bara kete ka i kata má i tii su, nyini yiri, i ti ye ni ka i kpiekpie i tii ni, ama, nzen i ti i nyinse ka i kpiekpie i tii, wara i yi i, nyini yiri, i ti ye ni ka i fa deke kata su. ⁷ Nyini ti, i ti má ye ni ka bieso susere Nyeme na i fa deke be kata i tii su, dama i ferema ni Nyeme wo, i de Nyeme jirima woowa a, ama, bara n yiri, i de bieso n jirima woowa a. ⁸ Dama Nyeme afa má bara ye i fa yoori bieso a, ama, i du mo yiiri bieso o ka, na wo nya ayi bara afite i njunie nu. ⁹ Má bara dee ti, ye Nyeme yoori bieso a, ama, bieso dee ti, ye i yoori bara a. ¹⁰ Nyini dee ti, wo yo daka ka bara cin acici, na i kere ka be la i yiko, mererekem dee ti. ¹¹ Ama, haari ni nyini n kere ni, fa ko Mibie n dee atin n su, bara wo má i ngumi, na bieso gusu wo i ngumi. ¹² Dama kabo Nyeme yo yiiri bara fiteeri bieso njunie nu ni, so ye bara gusu wu bieso a, ama, deke n kere fite Nyeme do o. ¹³ Ambere mmoo ni am tii, am sunsun na am nie, i ti kpa ka bara sere Nyeme na má i cin acici? ¹⁴ Am nie kabo adamande woowa ti a, i kere ka nzen bieso yaki i tiijmie na i yo tintini jonjondi, minem bu má i. ¹⁵ Ama, nzen bara la tiijmie tintiin ye i la jirima a, dama Nyeme ama i tiijmie n ka i fa kata i tii su wo. ¹⁶ Nzen be wo am nu na i yo i ñu ka i se akuruwa fa ko kabo m suse ni, m koro ka m se am ka, yere, ya su má nyini yoowa n su, haari ni deke kere bo Kristo jamam tien bu noo ni, be yo má so.

Ya Mibie n diire n jore

¹⁷ To, ahin kereewam bo m koro ka m fa kere am ni, m koro kansi má am, dama sanja bo am ba tien am noo, sam bo am yo bu ni, bu buka má am, bu ma am ko am sin wo. ¹⁸ Ciciri su, ma ti ka sanja bo am ba tien am noo na am su Nyeme ni, am la kpakpaakinu wo. Ma yo yarada ka, beni, i ti nahore wo. ¹⁹ Nahore, wo yo daka ka am la kpakpaakinu am nu, adena am si bo bu ti yaradayofom nahore su ni. ²⁰ Am ba tien am noo ni, má ya Mibie n diire n ye am tien am noo di i n a. ²¹ Dama sanja bo am ba sudi ni, sono kere di i tien gu diire wo, be nminda má i bejgu, na ahoe suti nbem, na nbem nu nzan subo. ²² Am la má am tien gu awurum wo, bo am koro di na am nu wo, nzen se? Wara am bu Kristo jama ni ngbeen wo, haari na am suwura bo bu la má pui nyinse? Am ña m se am se wo? Am ña m kansi am wo, nzen se? Ai, m koro kansi má am ni nyini yiri.

²³ Dama deke n bo mini ni m tii deeri i fiteeri Mibie n do ni, nyini ye ma fa akere am n a. Kõngue n bo bu tooi ya Mibie Yesu maari i kpofom ni, na wo fa kpõnõ, ²⁴ na wo

da Nyeme asi, na wo bubu i nu, na wo se bu ka, "Ahin kpono n ti m nuniembaa lee ye m sufa ma am n a. Am yo ahin so adena am fa tenge m su." ²⁵ Bu diiri diire n wieri ni, na wo kaaki afa awa n ni nzan ni, na wo se bu ka, "Ahin nzan n ti sesesu fofore n bo Nyeme sufa m mbunja n sudi i di wo. Sangha kere bo am ba sunu nyini nzan ni, am tenge m su." ²⁶ Nyini la ka, sangha kere bo am ba sudi ahin kpono n na am sunu ahin nzan ni, am subo Mibie n yiwee ni ndoori wo lee, haari fa ko ju sangha bo i ba kaaki ba bekun ni.

²⁷ Nyini ti, sono kere bo i diiri ya Mibie n kpono ni, wara i nuuri i nzan ni, na i bu ma i, Nyeme di i mi jore jaraki i, dama wo fa ma ya Mibie nuni n ni i mbunja n ayo ma juma. ²⁸ Wo yo daka ka sono kere nie i ahorembaa su ka, na i nya di ahin kpono ni, na i nya nu nzan ni. ²⁹ Dama sono kere bo i diiri kpono n na i nuuri nzan n na wo si ma ka ya Mibie nuniembaa n lee, Nyeme ba di i mi jore jaraki i. ³⁰ Nyini dee ti ye am nu, mine dongu ayoroki ada tukpaki, haari nbem awu n a. ³¹ Nzen yere ni ya tii du mo fiiti nieeri kabo ya woowa ti, Nyeme di ma ya jore cin ma ya sui. ³² Ama, nzen Mibie n fiiti ya na i cin ya sui, i yo so o adena i di ma ya jore na i yo ya ngbeen, ceen n bo i ba di durunya n nufom jore ni.

³³ Nyini dee ti, m ninbaam, sangha kere bo am ba tien am noo, na am di, am kere nminda am bengu, na am sangha di. ³⁴ Nzen ahoe ati be, i ti ye ni ka i mi di diire awuru ka, na i nya ba, adena nzen am ba tien am noo, na ma Nyeme di am jore cin am sui. Jore n kere bo wo ka ni, nzen m ba baari, m yo i dongu.

12

Aceerim bo Awiewie Casi n fa ma minem n jore

¹ To, m ninbaam, m koro ka am si sa bo i wo bere fa ko Awiewie Casi n aceerim su. ² Am si ka sangha bo am yo su ma Nyeme ni, bu yo taari am nyi wo, na am susu amoem bo bu koro jojo ma ni. ³ Nyini ti, m koro ka am si ka sono kere bo Awiewie Casi n wo i do, i mi koro se ma ka, "Yesu aka ngbeen," na be gusu koro se ma ka "Yesu ti m Mibie," ma ka Awiewie Casi n wo i ma do.

⁴ Aceerim barasu barasu wo bere, ama, Awiewie Casi n ti kun wo. ⁵ Amusuim bo ya yo buka minem wo bere barasu barasu, ama, ya su Mibie kun wo. ⁶ Sono kere la atin barasu barasu kabo i mi koro fa yo i juma, ama, Nyeme kun ni yo nyini n kere a. ⁷ Nyeme ma sono kere Awiewie Casi n aceerim n bo i kere ka Awiewie Casi n wo i mi do a, na i fa buka Kristo jama n kere. ⁸ Awiewie Casi ni ma sono be jojo Alecira jore a, nyini Awiewie ni ma be gusu jojo si jore a. ⁹ Nyini Awiewie ni ma be yarada ye i yo yiko juma n a, nyini Awiewie kun ni ma be yiko ye i mi n koro tuntun tukpakifom na bu nya laifie a. ¹⁰ Nyini Awiewie ni ma be yiko ye i koro yo alekutura sam a, yiri ma be yiko ye i kan Nyeme noanie n kere minem a, yiri ma be yiko ye i koro si jore n bo i fite Nyeme Awiewie Casi n do a, yiri ma be yiko ye i koro jojo anie barasu barasu a, yiri gusu ma be yiko ye i koro kere anie barasu barasum bu a. ¹¹ Nyini Awiewie kun ni yo nyinin kere a, yiri ce sono kere aceeri barasu barasu n kabo i koro a.

Ajuniembaa kun n ni i bue barasu n jore

¹² Ajuniembaa n la bue barasu barasu beberebe wo, haari ni bo i la bue barasu barasu ni, i ti ajuniembaa kun wo, Kristo gusu ti so o lee, yere ti i bue barasu barasu n a. ¹³ Awiewie kun n ye ba abie ya kere Nyeme nzue a, ye ya kere ayo ajuniembaa kun, bo bu ti Yudafom, ni bo bu ti ma Yudafom, bo bu ti akoom, ni bo bu ti ma akoom, ya kere ade nyini Awiewie kun ni ya ahore su a.

¹⁴ To, ajuniembaa n la bue barasu barasu beberebe wo, bu ti ma kun. ¹⁵ Nzen ma ajaari n seeri ka, "M ti ma asaa, nyini ti, m ti ma ajuniembaa n be fieo," nyini kere ma ka i ti ma ajuniembaa n bue be kun wo. ¹⁶ Na nzen ma asui n gusu seeri ka, "M ti ma anyumbaa, nyini ti, m ti ma ajuniembaa n be fieo," nyini kere ma ka i ti ma ajuniembaa n bue be kun wo. ¹⁷ Nzen ma ajuniembaa n bue n kere tiiri anyumbaa, ma bu yo se koro ti deke nga a? Ye nzen ma bu kere tiiri asui, ma bu yo se koro de nvan a? ¹⁸ Ama, kabo Nyeme koro n ye wo fa ama ajuniembaa bue barasu n kere a, ye wo yo i ajuniembaa kun a. ¹⁹ Nzen ma i kere ti bue barasu kun, ma i ti ma ajuniembaa lee. ²⁰ Kabo i ti ni, ajuniembaa bue barasu n sunnu, ama, i ti ajuniembaa kun wo. ²¹ Nyini ti, anyumbaa n koro se ma asaa n ka, "Woro, a kun ma m kpere be, m koro ma u." Wara atii n koro se ma ajaari n ka, "Woro, a kun ma m kpere be, m koro ma u." ²² Ama, haari ajuniembaa bue barasum n bo ya na bu la ma fanga ni mmoo kun kpere wo. ²³ Na ajuniembaa bue barasu n bo i la ma jirima ni, yiri ye ya nie i dika nyunyumi a. Na ajuniembaa bue barasu n bo ya nu i ka i la ya nyinse ni, ya yo yiri dongu a, na ma ya di nyinse. ²⁴ Na ajuniembaa n bue n bo bu wo fofoe nu ni, ya nie ma bu dika nyunyumi. Ama, kabo

Nyeme yoori anjuniembaa n ni, deke n bo yere fa má i yo má pui ni, yiri ye wo wura i jirima a, ²⁵ adena má i la kpakpaakinu, ama, na bue barasu n kere cece wo i benngu nu. ²⁶ Nzen anjuniembaa bue kun diiri yaari, anjuniembaa bue n kere sudi yaari n a, ye nzen anjuniembaa n bue be sunya kansu, anjuniembaa bue n kere ahore ti joowa wo lee.

²⁷ Ambere kere ti Kristo anjuniembaa n wo, na am kere kun kun n ti i bue barasu be wo lee. ²⁸ Na Nyeme ayi i mine nmem Kristo jamam n nu, na wo ma bu kere ni bu juma. I du mo yiiri jaramasam wo, nnyo su, bo bu kan Nyeme noanie n kere minem ni, nshan su la kerefo, bo bu buka su la bo bu yo alekutura sam ni, ni bo bu tuntun tukpakifo na bu nya laifie ni, ni bo bu buka minem ni, ni Nyeme mine mofom bo bu kere nyaari ni, ni bo bu jojo anie barasu barasu ni. ²⁹ Sono kere ti jaramasa a? Ai. Sono kere kan Nyeme noanie n kan kere minem a? Wara sono kere koro kere a? Ai. Sono kere la yiko koro yo alekutura sam a? Ai, i ti má so. ³⁰ Sono kere la yiko koro tuntun tukpakifo na bu nya laifie a? Ai. Sono kere koro jojo anie barasu barasu a? Ai. Sono kere koro yi anie jooowa barasu barasu n bu a? Ai. ³¹ Ama, am kere boro am nyi na am nya aceerim n bo bu la má anjusu ni.

Kisa, m koro ka m kere am atin n bo i ti kpa tara i kere ni.

13

Koro jore

¹ Nzen m jojo adamande anie barasu barasu n kere, na nzen m jojo merekem anie, na m koro má minem, m ti ka adanjwore wo, wara m ti ka coco bo i bobo i benngu na i yo nanmie ngbeen wo. ² Nzen m de Nyeme noanie n Awiewie Casi n do, na m kan kere minem, na m la si kere na m si deke n kere bo bu wo asiri nu ni, na nzen m la yarada haari bo m koro se bukam ka bu yasubana bu tanaabiri, ama, na m koro má minem, m ti ngbeen wo lee. ³ Na nzen m faari m nenggem kere fa kpaaki nu maari yaarifom, na m faari m nuniembaa fa maari, na bu yara m sin, na m koro má minem, nyini n kere bo m yo i n ti ngbeen wo lee.

⁴ Sono bo i la koro, i mi la sawore wo, na i yo kpa, i mi si má mine kore, i mi fo má yanfoya, i mi koro má kpiri. ⁵ Sono bo i la koro, i mi la má anyumbaa wuruuwa, i mi yo má sa bo yiri ngumi yo ye, i mi fa má yaa ndende, i mi fa má jore se má i kunnu na i tenge su. ⁶ Sono bo i la koro, i mi ahore ti má joowa fa ko satie su, ama, i mi n ahore ti joowa fa ko deke bo i ti nahore su a. ⁷ Sono bo i la koro mindi de deke kere wo, na i la yarada fa ko deke kere nu, na i la ahoresi fa ko deke kere nu, na i la mindi sanja kere.

⁸ Koro la má awieeri. Ama, aceerim bo Awiewie Casi n fa ma minem na bu koro kan Nyeme noanie n kere minem ni, i la sanja bo i ba sin wo, minem bo bu jojo anie barasu barasum ni, bu bá mo bu noo o, na bo bu la si ni, i la sanja bo i bá sin wo. ⁹ Kisa ya si má deke n kere wie má, na Nyeme noanie n bo ya kan kere minem ni, ya si má i kere wie má. ¹⁰ Ama, nzen Kristo ba baari, nyini sanja deke n bo ya si má i kere ni aba i awieeri lee. ¹¹ Sanja bo m yo ti baatuma ni, m yo jojo baatumaya jore wo, na m sunsun kabo baatuma sunsun ni, ama, m nyunu ba tiiri ni, na ma yaki baatumaya jorem n kere. ¹² Kisa dekem bo ya nyi i ni, i ti ka ya nie nyi i nieenu nu wo, ama, ya bá nyi i fofoe nu, kabo ya nyi ya nyi n wo. Kisa m si má deke n kere, ama, sanja suba bo m bá si deke n kere, kabo Nyeme si m nahore su ni. ¹³ To, kisa ahin deke nshanm ni wo bere a, bere la yarada, ni tama, ni koro, ama, bo i tara bu kere n la koro wo.

14

Awiewie Casi n aceerim bo i buka su n dee jore

¹ To, am bita koro atin na am koro am benngu ni anyumboro, na am kpini Awiewie Casi n aceerim busu, maala bo i ma am koro kan Nyeme noanie n kere minem ni. ² Dama bo i jojo anie barasu barasu n jojo má adamandem do, ama, i jojo Nyeme do a. Nahore, be koro ti má kabo i sujoko n bu, dama Awiewie Casi n dee yiko n nu ye i jojo asiri nu jorem a. ³ Ama, sono bo i kan Nyeme noanie n kere minem ni, i jojo ma minem wo, na i buka bu na bu nya fanga buka su, na i ma bu ahoresi, na i kaaki ma bu ahoreda. ⁴ Sono bo i jojo anie barasu barasu n buka má be, i buka yiri ni i tii ngumi wo. Ama, bo i kan Nyeme noanie n kere minem ni, yiri buka Kristo jama n wo, na i nya fanga buka su. ⁵ To, nzen má am kere koro jojo anie barasu barasu, má i yo m fie. Ama, bo i yo m fie ko tara i kere n la ka, am koro kan Nyeme noanie n kere minem. Sono bo i kan Nyeme noanie n kere minem n tara bo i jojo anie barasu barasum ni, má ka be akoro akere nyini anie barasu barasum bu, na i buka Kristo jama n na i nya fanga.

⁶ M ninbaam, nzen kisa na m baari am do, na m jooori anie barasu barasum, nzu kperere ye am nya i a? Ai, am nya má kperere be. Má ka ma kan sa bo Nyeme ayi i akere

m n ama am, wara m kan si jore be kere am, wara m kan Nyeme noanie n kere am, wara m kan kereewa bo i fite Awiewie Casi n do kere am. ⁷ So ye i ti a, nzen be fitaari tere, wara be bo bieku, na wo to ma su, bu yo se koro di jue soro su a? ⁸ Bekun nzen be kaanri lue awie, na wo sun ma kabo lue awie sun ni, bu yo se koro cici lue a? ⁹ I ti so o lee, ambere mmoo do, nzen am jojo anie barasu, na i la ma bu, mine yo se koro si kabo am suse n a? I ti ka am sujoko go nzue awa sin wo lee. ¹⁰ Daanfie anie barasu barasum sunnu durunya n nu, i gusu be wo ma bere bo i la ma bu, i kere la bu. ¹¹ To, nyini ti, nzen be jojo anie be na m ti ma i, m ti daanfie barasu be wo lee i mi do, ye i gusu ti daanfie barasu be wo lee m do. ¹² Kabo am nyunu aboro ka am nya Awiewie Casi n aceerim ni, am boro am nyi ni aceerim bo bu koro buka Kristo jama n na i nya fanga buka su.

¹³ Nyini ti, sono kere bo i jojo anie barasu barasum, i ti ye ni ka i sere Nyeme na i ma i aceeri n bo i koro yi i bu kere minem ni. ¹⁴ Dama sangha kere bo m sere Nyeme na m sere anie barasu barasu be nu, m awiewie susere Nyeme a, ama, m ti ma i bu m sunsunni nu. ¹⁵ Nyini ti, deke bo i ti ye ni ka m yo la ka, m sere Nyeme fite m awiewie nu wo, na m kaaki sere i fite m sunsunni nu, na m di jue fite m awiewie nu kansu Nyeme, na m kaaki di jue fite m sunsunni nu kansu Nyeme. ¹⁶ Nzen a sukansi Nyeme na i fite u awiewie nu, na be wo u bi bo i nya si ma Nyeme atin ni, i mi yo se koro ti u nyemesere n bu a, na i soro su se ka, "Ami" a? ¹⁷ Haari nzen u nyemesere ti kpa, i buka ma yiri n bo i ti ma i bu ni. ¹⁸ M da Nyeme asi ka m jojo anie barasu barasum tara am kere. ¹⁹ Ama, nzen m ni Kristo jama n aba atien ya noo susu Nyeme, na m jojooi jore kaan bo i fite m sunsunni nu, na bu tiiri i bu, i tara bo m jojo jore beberebe anie barasu nu ni.

²⁰ M ninbaam, ma am sunsun kabo nbaatumam sunsun ni, ama, fa ko satieyo dika, am yo kabo nbaatumam yo ni, na am ma am sunsunni ti kabo anyunutifom dee ti ni. ²¹ Dama ba kere i Nyeme noanie kpamaawa n nu ka, Miceru n na, "M fa minem bo bu jojo daanfie anie barasu barasum na m ma bu jojo m tiengu minem do.

Ama, haari ni nyini n kere mmoo,
bu de ma m noanie ni."

²² Nyini ti, anie barasu barasum jooowa n kere minem bo ba nya yo ma Kristo yarada ni nyaari a, ma bo ba yo yarada ni. Na bo bu kan Nyeme noanie n kere minem ni, bu kere bo ba yo yarada ni nyaari a, ma bo bu yo ma yarada ni. ²³ Nyini ti, nzen ambere Kristo jama n atien am noo, na am kere sujoko anie barasu barasum, na bo bu nya si ma Nyeme atin ni, wara bo bu nya yo ma yarada wuraari am nu, bu se ka am nyunu akan am wo, ma so? ²⁴ Ama, nzen am atien am noo, na am kere sukan Nyeme noanie ni, na bo i nya si ma Nyeme atin ni, wara, bo i ti ma yaradayofa aba awura am nu, na i ti kabo sono kere sujoko ni, i mi n sunsunni nu kere i ka i ti satieyofa o, na Nyeme noanie n di i jore jaraki i. ²⁵ Nyini ma i mi n kan asiri jore kere bo i wo i ahore su n fite fofoe nu a, na i kutu i jaa su, na i kansu Nyeme, na i se ka, "Nyeme wo am do nahore su."

Kabo i ti ye ni ka sono kere tara i nu Kristo jama n nu barasu ni

²⁶ To, m ninbaam, nzu deke ye i ti ye ni ka am yo i a? Deke bo m koro ka m kan kere am la ka, nzen am ba tien am noo, na be la jue bo i di, wara be la kereewa be bo i kere, wara be la sayikereewa bo i fite Nyeme do, wara be la anie barasu be bo i jojo, wara be yi anie jooowa n bu kere am, deke n kere bo am yo i ni, am yo i na i buka Kristo jama ni, na i nya fanga buka su. ²⁷ Nzen nbem ba sujoko anie barasu barasum, i ni i agaya kere, bu yo mine nnyo, wara mine nsan, ma bu tara so. Bu na bu jojo, bu jojo kun kun, i ti ye ni ka be gusu kaaki yi i bu kere am. ²⁸ Ama, nzen be koro kaaki yi ma i bu kere ma am, i ti ye ni ka i mi n bo i sujoko anie barasu barasum n mo i noo Kristo jamam nu, na i jojo ma i nu ni Nyeme. ²⁹ Minem bo bu kan Nyeme noanie n kere minem ni, i ti ye ni ka bu mine nnyo wara bu mine nsan jojo a, na nyingam bo ba ka n fiiti i nu. ³⁰ Nzen be sujoko, na Nyeme ayi deke be akere sono nyinga, i ti ye ni ka sono n bo i du mo sujoko n mo i noo, na yiri n bo Nyeme ayi deke be akere i n jojo. ³¹ Dama am kere koro kan Nyeme noanie n kun kun kere am bengu wo, adena am kere sonson deke be nu, na i ma am ahoresi. ³² I ti ye ni ka bo bu kan Nyeme noanie n kere minem n kere la tarabu fu fa ko bu Nyeme noanie n kan su. ³³ Dama Nyeme ti ma bo i fa kpakpaakinu ba i minem do, ama, i ma bu la tanalaifia wo.

I ti so o lee, Kristo jama n kere nu, ³⁴ nzen am ba tieenri am noo, i ti ye ni ka nbaram mo bu noo, bu la ma atin ka bu jojo. Ama, wo yo daka ka bu yo bu nu benle, na bu su kabo noanie kpamaawa n kere n su. ³⁵ Nzen bu koro ka bu bisa jore be, i ti ye ni ka bu bisa bu hunn awuru, dama i ti nyinse wo ka bara jojo Kristo jama n nu. ³⁶ Nyeme noanie n du mo fite ambere do a, nzen se? Wara ambere ngumi ade Nyeme noanie n a?

³⁷ Nzen be sunsun ka i ti Nyeme noanie kanfo, wara i sunsun ka i si Awiewie Casi n aceerim jore, i ti ye ni ka i mi si tenle su ka ahin noanie n bo m sukere ma am ni, i ti Mibie n dee noanie maawa a. ³⁸ Nzen be wo am nu, na i de ma ahin jore n bo m sukere ma am ni, amberere mmoo bu i mi ngbeen. ³⁹ Nyini ti, m ninbaam, i ti ye ni ka am boro am nyi na am sukan Nyeme noanie n kere minem, na ma am kanda minem ka ma bu jajo anie barasu barasum ni. ⁴⁰ Na am yo deke kere nyunyumi na i ko atin su.

15

Yesu Kristo yiwee tenge n jore

¹ To, m ninbaam, kisa m koro ka m tenge am su fa ko labari kpa n bo m yo kan kereeri am n su. Am yo yoori i yarada a, na am ajina i su kenken. ² Nzen am bitaari labari kpa n bo m kan kereeri am kenken, nyini ma am tiide a, nzen ma nyini yiri, am yarada n bo am ayo i n ti ngbeen wo lee.

³ Dama labari kpa n bo m deeri i na m kan kereeri am ni, i jore anyumbaa la ka, Kristo wuuri ya satie ti wo, kabo ba kere i Nyeme Jore Kadasi n nu lee, ⁴ ka i wuuri na bu seeri i ni, na Nyeme atenge i yiwee n nu i lesan een, kabo Nyeme Jore Kadasi n kere lee. ⁵ I tengeeri ni, na wo yi i nu akere Kefasi bo bu kaaki fere i ka Petoro ni, na wo ba ayi i nu akere i susufo buru ni nnyom ni. ⁶ Nyini sin, na wo yi i nu akere ya ninbaam nbem, bu tara mine yaa nnu, bu kere sangga wo woobiri kun wo. Bu nu, bu dongu toko la ngoo, nbem gusu awu. ⁷ Na wo yi i nu akere Yakobo, na wo ba akaaki ayi i nu akere i jaramasam kere. ⁸ Awieeri su, na wo yi i nu akere mini, bo m ti ka baa bo ba wu i na i sangga nya ju ma ni. ⁹ Dama mini ti jaramasam kere nu kaan, haari ma wo ti ma ye ni ka bu fere m jaramasa mmoo, dama m yo kereeri Kristo jama n wuwuruwa wo. ¹⁰ Nyeme ahoroma n dee ti, ye m ti kabo m ti n a. Ahoroma n bo wo fa ama m ni, i ti ma ngbeen, ama, m koro se ka ma yo juma atara nyingam kere mmoo. Ma mini ni m tii yoori i a, ama, Nyeme dee ahoroma n bo wo fa ama m ni, nyini ma m koro yoori i a. ¹¹ Nyini ti, mini, wara bere o, labari kpa n ye ya kan i a, labari kpa n gusu dee ti ye am yoori yarada n a.

Kabo Nyeme minem ba tenge yiwee nu ni

¹² To, labari kpa n bo ya kan i ni, ya na, "Nyeme atenge Kristo i yiwee n nu." Ye nzu ti ye am nbem na yiwee tenge wo ma bere a? ¹³ Nzen yiwee tenge wo ma bere, nyini la ka, Nyeme atenge ma Kristo mmoo i yiwee n nu lee. ¹⁴ Nzen Nyeme atenge ma Kristo i yiwee n nu, nyini la ka, labari kpa n bo ya kan i ni, i ti ngbeen wo lee, na yarada n bo am ayo i n gusu ti ngbeen wo lee. ¹⁵ Ma nyini ngumi, nyini la ka, ya bu kore aso Nyeme wo lee, dama ya na wo tenge Kristo i yiwee n nu, ama, bu na bo ba wu n tenge ma yiwee nu. ¹⁶ Na nzen bo ba wu n tenge ma bu yiwee nu, nyini la ka, wo tenge ma Kristo mmoo i yiwee n nu lee. ¹⁷ Na nzen wo tenge ma Kristo i yiwee n nu, yarada n bo am ayo i n ti ngbeen wo lee, na am toko wo am satiem nu wo lee, ¹⁸ na bo bu yo yoori Kristo yarada na ba wu n kere aka ngbeen lee. ¹⁹ Nzen durunya n nu fen ngumi ye ya la tama n fa ko Kristo do, nyini yiri, ya ti minem bo ya la aunfo tara sono kere.

²⁰ Ama, nahore su, Nyeme atenge Kristo i yiwee n nu. Minem bo ba wu n kere nu, yiri tiiri bo i du mo tengeeri i yiwee nu a. ²¹ Adamande kun dee ti, ye yiwee kun sono kere n a, adamande kun gusu dee ti, ye mine ba tenge bu yiwee n nu a. ²² Na kabo Adam dee ti na adamande kere wu ni, so ye Kristo dee ti ma adamande kere ba tenge bu yiwee nu na bu nya ngoo a. ²³ Ama, sono kere ni i sangga bo Nyeme ba tenge i. Bo ba wu n kere nu, Kristo ti bo Nyeme du mo tengeeri i yiwee nu a, na bo bu ti i minem n gusu ba tenge sangga bo i ba kaaki ba ni. ²⁴ Nyini sin na deke n kere ba awieeri, na i nya fa femeya n wura i Si Nyeme saa nu, nyini sangga, wo kunma femeya kere, ni nfangafom kere, ni yikofom kere lee. ²⁵ Dama wo yo daka ka i di femeya ni haari i ba kunma i kpofom, na i nana bu kere nu. ²⁶ I kpofom n bo i ba kunma i awieeri su n la yiwee wo. ²⁷ Dama ba kere i Nyeme Jore Kadasi nu ka, "Wo fa deke n kere awura i saa nu ka i nie bu su." Bo i na wo fa deke n kere awura i saa nu ka i nie bu su ni, nyini kere ma ka Nyeme bo i faari deke n kere wurari yiri Kristo saa nu afa i tii awura i saa nu lee. ²⁸ Na sangga bo i ba faari deke n kere wurari i saa nu ni, na yiri Baa n ni i tii nya fa i nu wura i Si Nyeme saa nu. Nyini sangga Nyeme dee la deke n kere, na deke n kere wo bere yiri ti wo.

²⁹ To, nzen bu na yiwee tenge wo ma bere, ye bo bu de minem bo ba wu n jinaabiri na bu bie bu Nyeme nzue ma bu n di, bu yo se wo? Nzen bo ba wu n tenge ma bu yiwee nu, nzu ti ye bu bie Nyeme nzue ma bu a? ³⁰ Ye nzu ti ye yere to ya ngoo sangga kere n a? ³¹ Ale kere bo i cin, m wo yiwee nu wo, i ti so o lee, m ninbaam, m fa amberere bo m hoe ye m se so n a, ya Mibie Yesu Kristo dee ti. ³² Nzen m ni minem bo bu ti ka boro nengem, kun lue, Efeso mie kpiri n nu, na i ko yo ka adamande woowa dee ti m la tama,

nzu kpere ye ma nya i a? Nzen bo ba wu n tenge má bu yiwee nu, nyini yiri, i ti kabo mine nbem n nati se n wɔ, bu ŋa,

“Am ma ya di, na ya nu,
dama ahunma ya wú ɔ.”

³³ Má am ma be dadaka am, kabo minem nati se ni, ka,

“Sɔnɔ tie suuri sɔnɔ kpa su,
i sáaki i woowa kpa n wɔ.”

³⁴ Am kaaki sunsun nyunyumi, na má am yo satie kun, dama am nbem si má Nyeme. Nyini n bo m se sɔ ni, i ti am nyinse wo lee.

Bo bu bá tenge bu yiwee n nu n deɛ aɗuniɛmbaa n jɔre

³⁵ Tɔ, beni, be koro bisa ka, bo ba wu ni, bu tenge bu yiwee nu se wɔ? Aɗuniɛmbaa barasu bono ye bu fá ba? ³⁶ Wɔrɔ sinnzin ni, a si má ka nzen a dɔ deke mbaa, má ka i wu wɔ ka, ye i nya fi a, nzen se? ³⁷ Deke mbaa n bo a dɔ i ni, beni, ŋgani mbaa wara abuwe ye a dɔ i a, ama, i ba fiiri, i kaaki nyawa a, i ti má ka mbaa n bo a dɔɔri i ni. ³⁸ Nyeme ma i kere aɗuniɛmbaa n kabo i koro a, deke mbaa barasu n kere, ni i tienɗu aɗuniɛmbaa. ³⁹ Aɗuniɛmbaa n kere wo i ŋgumi wɔ, i ti má kun, adamande deɛ wo bere i ŋgumi, ajaannam deɛ wo bere bu ŋgumi, lanɗkpetefom deɛ wo bere bu ŋgumi, na jombaam deɛ wo bere bu ŋgumi. ⁴⁰ Dekem bo bu wo aɗgoro n wo bere, na a yaki bo bu wo durunya n nu fen ni. Aɗgoro deɛm nyumi wo bere bu ŋgumi, na durunya n nu fen n deɛm gusu nyumi wo bere bu ŋgumi. ⁴¹ Wie nyumi wo bere i ŋgumi, sara nyumi wo bere i ŋgumi, asarambaam nyumi wo bere bu ŋgumi, ama, bu nbem yo nyumi tara nbem.

⁴² Tɔ, kabo i ti lee fa ko yiwee tenge n su. Aɗuniɛmbaa n bo bu se i ni, i kporɔ ɔ, na bo i tenge, i kporɔ má fieo. ⁴³ Deke n bo bu se i ni, i la má anyunuyi, ama, i bá tengeeri, i woowa yo nyumi wɔ. Deke n bo bu se i ni, i la má fanɗa, ama, i bá tengeeri, i la fanɗa wɔ. ⁴⁴ Deke n bo bu se i ni, i ti durunya n nu adamande aɗuniɛmbaa a, i bá tengeeri, i ti aɗuniɛmbaa bo Awiewie Casi n ma i ŋɔɔ n wɔ. Kabo durunya n nu adamande aɗuniɛmbaa wo bere ni, sɔ ye aɗuniɛmbaa n bo Awiewie Casi ma i ŋɔɔ n gusu wo bere a. ⁴⁵ I ti kabo ba kere i Nyeme Jɔre Kadasi n nu n wɔ, ka, “Ciciri su deɛ adamande ŋɔɔfo n la Adam wɔ,” na Adam n bo i ka sin n ti awiewie bo i ma ŋɔɔ ni. ⁴⁶ Bo i ti awiewie ni, má yiri du mɔ baari a, ama, bo i ti adamande ŋɔɔfo ni du mɔ baari a, na bo i ti awiewie n anya to su. ⁴⁷ Ciciri su deɛ adamande n fite durunya n nu fen wɔ, Nyeme yo faari natie yoori i a, ama, bo i to su nnyo su n fite Nyeme dɔ aɗgoro baari a. ⁴⁸ Minem bo bu ti durunya n nufom ni, bu ti kabo sɔnɔ n bo Nyeme faari natie yoori i n ti n wɔ. Na bo bu ti Nyeme minem n gusu ti kabo sɔnɔ n bo i fite Nyeme dɔ aɗgoro n ti ni. ⁴⁹ Kabo ya ferema ni sɔnɔ n bo Nyeme faari natie yoori i ni, sɔ ye ya bá ferema ni sɔnɔ n bo i fite aɗgoro n a.

⁵⁰ M ninbaam, m suse am wɔ lee, ka, ya ŋuniɛmbaa n bo i ti nie ni mbunja ni, i koro wura má Nyeme femeya n nu, na deke n bo i kporɔ n koro nya má deke n bo i wo bere sanga kere ni. ⁵¹ Am ti fen, m suse am asiri nu jore wo lee, ka, má ya kere wú a, ama, ya kere ŋuniɛmbaa ni bá kaaki fɔfɔre wɔ. ⁵² I yó kungerekun wɔ, anyumbaa kata ni i teke, sanga bo bu bá fitaari awieeri su deɛ awie ni, na bo ba wu n ténge bu yiwee nu, bu kporɔ má kun, na yere gusu ŋuniɛmbaa n káaki fɔfɔre. ⁵³ Dama wɔ yo daka ka ahin aɗuniɛmbaa n bo i kporɔ n kaaki aɗuniɛmbaa n bo i kporɔ má ni, na aɗuniɛmbaa n bo i wu n gusu kaaki aɗuniɛmbaa n bo i wu má. ⁵⁴ Sanga bo aɗuniɛmbaa n bo i kporɔ n bá kporɔ má kun ni, na aɗuniɛmbaa n bo i wu n gusu bá wu má kun ni, nyini sanga Nyeme noanie ni yó yiwa lee, bo ba kere i ka, “Ba di nasara yiwee ŋu ayo i ŋgbeen ni.”

⁵⁵ “Keto, yiwee, u yiko n bo a fa kan n wo ni?

Keto, u nasara n wo ni?”

⁵⁶ Deke n bo yiwee bita kan n la satie wɔ, ye satie nya i yiko n fite Nyeme noanie kpamaa-wa n nu wɔ. ⁵⁷ Ama, ya da Nyeme asi, dama ya Mibie Yesu Kristo deɛ ti, i ma ya di nasara.

⁵⁸ Nyini deɛ ti, m ninbaa koroowam, am jina kenken na má am fa am ŋu ji, am boro am nyi suyo Mibie n juma n sanga kere, dama am si ka juma n bo am suyo i ma Mibie n ti má ŋgbeen.

16

Nyaa n bo bu yiwi i na bu fa ko ma Nyeme minem ni

¹ Tɔ, fa ko nyaa n bo am yiwi i na am fa ko buka Nyeme minem ni, am yo kabo m kereeri Kristo jamam n bo bu wo Galatiya awɔre n nu n ka bu yo ni. ² Yudafom bakue n bumboori, mɔne kere mɔne, am nie kabo Nyeme awura am abaraka fa ko dekem bo

am la bu n su, na am suyiyi n̄waa be se, adena nzen m bá baari, am yi má n̄waa kun. ³ Nyini san̄ga na m bá juuri, m kéré kadasi ma minem n bo am ayi bu ni, na m fá sunma bu na bu fá am aceerim kó Yerusalem mie kp̄iri n nu. ⁴ Na nzen i ti ye ni ka mini mm̄o kó, na m ni bere kere kó.

Kabo Pɔɔlu koro ka i kɔ nie Kɔrintofɔm busu ni

⁵ M koro ka m fa Makedoniya d̄e aw̄ore n nu, na m sin ba nie am busu. ⁶ Beni, m yó lennyo am d̄o, wara fufuku ni sín ka, ye m nyá ba yasu a, adena am buka m na m kó deke kere bo m koro ka m kó ni. ⁷ Dama m koro má ka m bá jina angoro nie am busu na m sin, m la tama ka nzen Mibie n soroori su, m yó lennyo am d̄o. ⁸ M wó Efeso mie kp̄iri n nu fen haari Butara C̄enkp̄iri n san̄ga. ⁹ Dama atin bambaka ateke ama m, na m yo juma n nahore su, ama, m kp̄ofom gusu asunnu.

¹⁰ Nzen Timoti bá baari am d̄o, am de i ni am saa nnyo, má am ma i ahore saaki, yiri mm̄o yo Mibie n juma n kabo m yo i n wó. ¹¹ Má be se ka i bu i ngbēen, ama, am kaari i ni ahoreda na i ba tu m, dama m sunie i ni ya ninbaam n atin nu ka bu bá.

¹² Fa kó ya niwa Apolosi yiri, ma sere i ni anyumboro ka i yo anie, na i ni ya ninbaam bá na bu bá nie am busu, ama, wó soro má su ka i bá kisa, ama, nzen Nyeme ba maari i atin, i bá.

Awieeri su jore ni anse

¹³ Má am fa am n̄u ji, am jina kenken ni am yarada ni, na am yo nbiesom, na am fa ahoresi. ¹⁴ Deke n kere bo am yo i ni, am yo i ni koro.

¹⁵ M ninbaam, am si Satefanasi ni i dikafom jore, bere duuri m̄o yoori Kristo yarada Akaya aw̄ore n kere nu a, na ba fa bu n̄u asu Nyeme minem amusui, nyini ti, m sere am wó jande, ¹⁶ ka am bu nyini minem bo bu ti so ni, ni minem kere bo bu buka su, na bu yo bu juma n ni anyumboro ni. ¹⁷ San̄ga bo Satefanasi, ni F̄otunatusi, ni Akayakusi ba tuuri m ni, na wó yo m fie agaya, dama bu deeri am d̄e jinaabiri wó, na ba yo deke n bo má am yo i ma m ni. ¹⁸ Dama kabo bu baari ni, bu ma m ni ambere kere anya ahoresi, nyini ti, i ti ye ni ka am bu minem bo bu ti so ni.

¹⁹ Kristo jamam bo bu wo Esiya aw̄ore n nu n kere bisa am d̄ongu. Akuyila, ni i yi Pirisila, ni Nyeme minem bo bu tien bu n̄o bu dika n kere gusu bisa am d̄ongu, Mibie n d̄e ti. ²⁰ Ya ninbaam kere bo bu wo fen n bisa am d̄ongu. Am gusu bisa am ben̄gum d̄ongu ni koro.

²¹ Mini Pɔɔlu ni m tii sufa m saa sukere ahin kereewa n bisa am d̄ongu a.

²² Sono kere bo i koro má Mibie ni, Nyeme yó i mi ngbēen. *Marana ta*, i bu la ka, Ya Mibie, bra.

²³ Ya Mibie Yesu buka am kere.

²⁴ M koro am kere Yesu Kristo d̄e ti. Ami.

Pöolu kadasi nnyo su bo i kerε fa maari KÖRINTOFÖM ni

¹ Mini Pöolu bo m ti Yesu Kristo jaramasa Nyeme dεε koroyanu ni, m ni ya niwa Timoti sukere ahin kadasi n ma am a. Ya sukere i na ya fa ma ambere Kristo jama n bo am wo Kōrinto mie kpiri n nu ni, ni Nyeme minem kerε bo bu wo Akaya dεε awore n nu ni. ² Ya Si Nyeme, ni ya Mibie Yesu Kristo buka am, na am nya tanalaifie.

Kabo Pöolu daari Nyeme asi ni

³ Am ma ya kansu Nyeme, yiri bo i ti ya Mibie Yesu Kristo Si ni. Yiri ti ya Si bo i si ya anjunfo a. Yiri ti Nyeme bo i dada ya ahore a. ⁴ Yiri dada ya ahore a, ya wahara kerε nu, adena yere gusu koro dada minem ahore, bere n bo bu wo wahara n kerε nu ni. Kabo Nyeme ama yere mmoo ni ya tii anya ahoreda ni, yere ma bere n gusu nya nyini ahoreda n a. ⁵ Dama kabo ya ni Kristo susanga di i wahara n agaya ni, so ye yiri dεε ti, ye ya nya ahoreda agaya n a. ⁶ Sanga kerε bo ya nu kekereke, i ma am nya ahoreda ni tiide wo. Na sanga kerε bo ya nya ahoreda ni, i ma am ahoreda a, na am yo sawore mindi de nyini wahara n bo ya di i n be. ⁷ Ya la tama fa ko am do, ya yo má sika. Dama ya si ka kabo am ni yere kerε susanga di ya wahara n be ni, so ye ya ni ambere kerε susanga nya ya ahoreda n a.

⁸ M ninbaam, ya koro ka am si kabo ya nuuri kekereke Esiya dεε awore n nu barasu ni, ya nuuri anyumboro bo i la má anusu, haari na ya yi tama ka ya wu awie. ⁹ Nahore, ya sunsun ka ya wu wo. Ama, i yo so na má ya daafi ya nu su, ama, na ya daafi Nyeme nu, dama yiri tenge bo ba wu n a. ¹⁰ Wo yi ya afite nyini yiwee n bo i la má anusu n nu, na i yi ya fite nu bekun. Ya yo yiri tama ka i toko súyi ya fite nu bekun a, ¹¹ kabo am buka ya ni am nyemesere ni. Nyini má mine dongu bá da Nyeme asi, fa ko kabo wo de mine dongu nyemesere n na wo yo sakpam ama ya ni.

Kabo Pöolu kaakiiri i sunsunni ka i kaaki ba má bu do ni

¹² Deke n bo ya fa fo n la ka, ya sunsunni nu kere ya ka ya bo má anoofie, na ya ahorembaa ti casi wo Nyeme do durunya n nu, maala fa ko am do, má ka ya su durunya n nu alecira su n dεε ti a, ama, Nyeme yo bukaari ya n dεε ti a. ¹³ Ya kerε má jore be ma má am, má ka jore bo am kan i na am kaaki koro ti i bu ni. M la tama ka am bá si i kerε haari ni i awieeri, ¹⁴ dama am adu mo asi ya nususu jore kaan, nyini ma am bá koro fa ya fo n a, kabo ya bá fa am fo, cεen n bo ya Mibie Yesu bá kaaki ba n a.

¹⁵ M la ahoresi fa ko nyini n su dεε ti, ma sese su ka m du mo ba nie am busu, adena má am nya buka kpe nnyo. ¹⁶ Deke bo i ti na m se so n la ka, ma sese su ka má m fa am do na m nie am busu, na m sin ko Makedoniya dεε awore n nu, na m ba sufite do ba, na má m fa am do bekun, adena am buka m na m koro ko ju Yudiya awore n nu. ¹⁷ Nyini n bo m seseeri su so ni, m la má jinakunsu wo lee, nzen se? Wara m sese su kabo durunya n nufom n yo n wo, na m se ka "Een," na m kaaki se ka "Ai," nzen se? ¹⁸ Nyeme la dabunu ni nahore n dεε ti, noaniem bo ya kan kereeri am ni, i ti má "Een," na i kaaki ti má "Ai". ¹⁹ Dama Nyeme Wa Yesu Kristo n bo ya kaanri i jore kereeri am ni, mini ni Silivanusi ni Timoti, yiri Yesu dεε jore ti má "Een," na i kaaki ti má "Ai," ama, i deke kerε ti "Een" o. ²⁰ Dama dekem kere bo Nyeme seeri ka i yó bu ni, bu kerε ti "Een" o, Yesu dεε ti. Nyini ti, i dεε ti ye sanga bo ya kansu Nyeme, ya se ka, "Ami" n a. ²¹ To, Nyeme ni i tii ma ya ni ambere kerε koro jina kenken a, kabo ya ni Kristo ayo kun ni. Yiri ayi ya ka ya su i n a. ²² Yiri ase ya nyaari ka ya ti i dεε minem a, na wo fa i Awiewie Casi n awura ya ahore su na i kere kabo i má ya deke n kerε bo i seeri ka i fá ma i minem ni.

²³ Nyeme di m daani m ahore su a, ma koro má ka m kan am ndie, nyini dεε ti ye ma kaaki aba má Kōrinto mie kpiri n nu n a. ²⁴ I ti má ka ya sumie am kabo am yo yarada n wo, ama, ya ni ambere kere buka ya benggu wo, na am nya ahorejo, dama yarada n dεε ti ye am jina kenken n a.

2

¹ Nyini ti, na ma yo m sunsunni nu ka m ba nie má am busu kun na am ahore saaki. ² Dama nzen m ma am ahore saakiiri, nmam ma m ahore da a? Má ambere bo ma saaki am ahore ni? ³ Deke bo i ti na m kereeri so n la ka, ma koro má ka m ba na má am ma m ahore saaki, ambere bo má i ti ye ni ka am ma m ahore jo ni. M la ahoresi fa ko am do, ka deke n bo i ma m ahore jo ni, nyini má am gusu kerε ahore jo n a. ⁴ Dama ni

woori ahoresaaki, ni ahorembaa yaari, ni nyunvuin agaya nu, ye m kereeri am n a. I ti má ka m koroori ka m saaki am ahore wɔ, ama, m koroori ka am si kabo m koro am agaya barasu n wɔ.

Kabo Pɔɔlu ɲa bu fa ce be bo wɔ do ɲgasi ni

⁵ Kabo be ayo ahoresaaki sa ni, má mini ye wɔ saaki m ahore a, ama, wɔ saaki am kere ahore a, nzen má nyini, wɔ saaki am nu be ahore. M gusu koro má ka m joɔ joɔ ɲɔɔ n na i kɔ sin su agaya. ⁶ Suicin n bo ambere mine beberebe n kere fa kereeri i mi ni, wɔ se i su sɔ. ⁷ Ama, kisa, kabo i ti ye ni ka am yo i n la ka, am kaaki de i mi, na ma fa i ɲgasi ce i, na am dada i ahore, má sɔ, ahoresaaki agaya ni má i kpaasi wɔ. ⁸ Nyini ti, m sere am wɔ, am kaaki de i na am kere i kabo am la koro fa kɔ i dɔ ni. ⁹ Deke bo i ti na m kereeri am n la ka, m koro ka m yo am na m niɛ ka am de deke n kere bo m se am ka am yo i ni. ¹⁰ Sɔnɔ bo am fa i ɲgasi ce i ni, mini mmɔɔ fa ce i mi. Sa bo i ti na ma fa i ɲgasi ace i ni, nzen i la ɲgasi bo i ti ye ni ka m fa ce i mmɔɔ, ma yo sɔ Kristo nyunu, ambere deɛ ti wɔ. ¹¹ Ya yo sɔ sɔ, adena má Sitana koro kunma ya. Dama ya si tenle su kabo i la ɲɔnletie barasu ni.

Kabo i miseri Pɔɔlu ka i ti bu ɲɔɔ Titosi dɔ ni

¹² Tɔ, m kɔ juuri Tɔrasi miɛ kpiri n nu ka m kan Kristo labari kpa n ɲɔɔ kere bu ni, na ma ɲu ka Mibie n adu mɔ ateke atin ama m. ¹³ Haari ni nyini n kere mmɔɔ, m ahore ada má, dama ma ɲu má ya niwa Titosi dɔ. Nyini deɛ ti, na ma kaari bu, na ma sin akɔ Makedoniya awɔɔɛ n nu.

¹⁴ Ama, ya da Nyeme asi, dama kabo Kristo adi nasara na ya ni yiri ayo kun ni, sanɲa kere, yiri Nyeme ma ya nati su Kristo su, i nasara natiiri nu a, na deke kere bo ya kɔ ni, yiri fa ya bara ye a, na ya ma minem si i ɲɔɔ, kabo deke nvani bara ye deke kere ni. ¹⁵ Dama ya ti ka ayiri kunkuunwa nvanvani bo Kristo fa ma Nyeme n wɔ, na i nvanvani n bara ye minem bo bu sunya tiide ni, ni bo bu suka ɲgbɛɛn n dɔ sɔ. ¹⁶ Bo bu suka ɲgbɛɛn ni, bere bu ya ka nvanvani n bo i sufa yiwee ba bu dɔ sɔ, bo bu sunya tiide ni, bere bu ya ka nvanvani n bo i suma bu nya ɲɔɔ Nyeme dɔ sɔ. Ahin juma n yiri, ɲma koro fa i tiɲɲu fanɲa yo i a? ¹⁷ Ya ti má ka mine dɔɲɲu bo bu bita Nyeme ɲɔɔ n yo wata na bu di i kpere ni, ama, yere yiri, ya ti nahorefom wɔ, haari na ya ti mine bo wɔ yi ya asunma ya wɔ, na ya jina i nyunu ye ya kan i ɲɔɔ a, kabo ya ni Kristo ayo kun n deɛ ti.

3

Sesesu fɔfɔɔɛ n bo Yesu adi i di n deɛ amususufom ɲɔɔ

¹ Ya sukaaki kan kere am kabo ya ti na am si ya, nzen se? Wɔ yo má daka ka ya yo kabo nbem yo ni, ka ya fa kadasi bo i kere kabo ya ti barasu, nzen se? ² Ai, ya kadasi n la ambere ni am tii wɔ, kadasi n bo ba kere i awura ya ahore su ni, na mine kere koro kan i na bu si kabo i ti. ³ Na bu koro ɲu ka ambere ti kadasi n bo Kristo akere awura ya saa nu afa asunma ya n a. Wɔ fa má deke kereewa nzue fa kereeri i a. Ama, Nyeme bo i wo bere sanɲa kere n deɛ Awiewie n ye i fa kereeri i a. Wɔ kere má i ago má yabue peperepe su wɔ, kabo Nyeme yo kereeri i noaniɛ kpamaawa n maari Moyisi ni, ama, i kereeri i goori adamandem ahore su wɔ.

⁴ Deke bo i ti na ya koro joɔ sɔ n la ka, ya la ahoresi Nyeme dɔ, Kristo deɛ ti. ⁵ Ya la má deke bo i kere ka yere ni ya tii koro yo juma n a. Deke bo i ma ya koro yo i n fite Nyeme dɔ sɔ. ⁶ Yiri Nyeme ama ya koro ayo i amususufom a, fa kɔ sesesu fɔfɔɔɛ n bo wɔ di i di n su a. Nyini sesesu n fite má Nyeme noaniɛ kpamaawa n bo wɔ kere i n dɔ, ama, i fite i Awiewie n dɔ sɔ. Noaniɛ kpamaawa kereewa n fa yiwee ba, ama, Awiewie n ma ɲɔɔ sɔ.

⁷ Tɔ, noaniɛ kpamaawa n bo Nyeme yo kereeri i goori yabue peperepe n su na i fa maari Moyisi ni, nyini sanɲa, i yoori sɔ ni, i jirima bambaka n taari wɔ, na Yisarelifom n akoro anie má Moyisi nyunuawa dika, dama i nyunuawa taari wein agaya, haari ni bo i ba saari wɔ. Kabo noaniɛ kpamaawa n bo i fa yiwee ba n ti n na Nyeme boori i juma n bu ni jirima bambaka n sɔ ni, ⁸ i Awiewie ni yó i deɛ juma n ni jirima bambaka bo i tara nyini ni, má sɔ? ⁹ Kabo noaniɛ kpamaawa n bo i yo diiri minem ɲɔɔ ciinri bu sui n ti n na i juma yo la jirima bambaka sɔ ni, nyini yiri, juma n bo i ma Nyeme de minem ka bu yo sa bo i kɔ atin su i dɔ n deɛ jirima bambaka tara sɔ. ¹⁰ Nahore, deke n bo i yo la jirima bambaka ni, i la má jirima kun, deke n bo i la jirima bambaka tara sɔ n deɛ ti. ¹¹ Kabo deke n bo i ti siinwa n ti n na i yo la jirima bambaka sɔ ni, nyini yiri, deke n bo i wo bere sanɲa kere n deɛ jirima bambaka n tara sɔ.

¹² Kabo ya la tama ka i ti so n dee ti, ye ya la ahoresi agaya koro jojo so n a. ¹³ Yere ti má ka Moyisi bo i yo faari sanvuin kataari na má Yisarelifom nu i nyunuawa bo i ta wein na i susaari ni. ¹⁴ Ama, haari ni nyini n kere mmoo ni, bu sui yo tiiri tantanantan a. Haari ni nyuma, sanja kere bo bu ti ka be sukan sesesu dawa n dee kadasim ni, i yoori bu ka nyini sanvuin n toko kata bu sunsunni su wo, má ka Kristo ngumi koro yi i a. ¹⁵ Haari ni nyuma, sanja kere bo bu kan kadasim n bo Nyeme ma Moyisi kereeri bu ni, i yoori bu ka sanvuin n toko kata bu sunsunni su wo. ¹⁶ Ama, bu koro yi i, kabo ba kere i fa ko Moyisi jore n su ni, ka, "Sanja bo i fa i nyunu wo Mibie ni, sanvuin n kata má i nyunuawa kun." ¹⁷ To, deke n bo bu kereeri i ka "Mibie n" ni, bu kere niiri i Awiewie n wo. Deke bo Mibie n Awiewie n wo ni, do ye mine nya bu tii a. ¹⁸ Yere yiri, ya la má sanvuin bo i kata ya nyunu. Kabo ya nie nu deke nieenu nu ni, so ye ya nie nu Mibie n jirima woowa n a, na i ma ya woowa kaaki kabo i ti ni, na ya sunya i jirima woowa ni, subuka su sanja kere. Ahin n fite Mibie n Awiewie n do o.

4

Ajeke n bo i ti ka i wo dundu nu n jore

¹ Nyini ti, kabo Nyeme asi ya anunfo na wo fa ahin juma n ama ya ni, ya nunie yoroki má ya. ² Yere, ya kete deke kere bo i ti nyinse sa na bu kata i su asiri nu ni, ya dadaka má be, ya kaaki má Nyeme noanie ni. Ama, ya kan nahore n fofoe nu wo, nyini ma ya fa kere sono kere na i si i sunsunni nu kabo ya wo ti Nyeme do a. ³ Na haari nzen deke be akata labari kpa n bo ya kan i n su, bere n bo bu suka ngbeen ni ngumi do, ye deke be akata i su a. ⁴ Dama Sitana bo i ti durunya n nu fen dee nyeme n ata bu nyi bu sunsunni nu na má bu yo yarada, adena má bu nu labari kpa n dee wein n fa ko Kristo jirima woowa n su, yiri bo i ti kabo Nyeme ti ni. ⁵ Ya kan má yere ni ya tii jore wo, ama, ya kan Yesu Kristo jore a, ka yiri ti sono kere Mibie a. Yere, ya ti am dee akoom wo, yiri Yesu dee ti. ⁶ Dama Nyeme bo i yo seeri ka, "Ma wein ta fite awosin nu" ni, yiri ma i wein ata ya ahore su a, na i ma ya si i jirima woowa n bo i ta fite Yesu Kristo nyunuawa dika ni.

⁷ Ahin jore n ti ajeke bo ya la i Nyeme do o, ama, yere yiri, ya ti ka dundu bo ba fa yakati ata ya n ye ya la ahin ajeke n a. I ti so o, adena mine nu i na bu si ka nyini yiko n bo i la má anjusu n ti Nyeme dee wo, i fite má ya do. ⁸ Bu mie ya so o deke kere nu, ama, Nyeme yi ya nu wo. Ya tanda so o, ama, ya yi má tama. ⁹ Bu kere ya wuwuruwa so o, ama, Nyeme yaki má ya. Bu bo ya ji asienju so o, ama, ya ka má ngbeen. ¹⁰ Sanga kere ya nati nu yiwee n bo Yesu wuuri i n be wo, adena minem koro nu ngoo n gusu bo Yesu la i n be, ya nunie nu. ¹¹ Nahore, yere bo ya la ngoo ni, sanja kere bu fa ya wura yiwee woobiri wo, Yesu dee ti, adena bu koro nu ngoo n gusu bo Yesu la i n ya nunie nu. ¹² To, yere, ya wo yiwee nu wo, ama, ambere wo ngoo nu wo, Nyeme do.

¹³ Ya jore n ti kabo ba kere i Nyeme Jore Kadasi n nu wo, ka, "M yo yoori yarada a, nyini dee ti ye m jooori so n a." To, yere gusu ayo nyini yarada kun n wo, nyini dee ti ye ya jojo so n a. ¹⁴ Dama ya si tenle su ka Nyeme bo i tenggeeri Yesu i yiwee n nu ni, yiri sanja tenje ya ni Yesu yiwee n nu a, na i fá ya ni ambere kere ko i nyunu. ¹⁵ Ahin n kere ma am nya kpere a, adena mine dongu sunya Nyeme ahoroma ni subuka su, na i la má anjusu, nyini ma bu suda Nyeme asi subuka su a, na i wura Nyeme kpiri.

Ya la yarada n ye ya nati a

¹⁶ Nyini dee ti, ya nunie yoroki má ya. Haari ni bo ya nuniembaa sugbaraki ni, ama, ya ahore su, ya sunya fanga fofore Nyeme do o, ale kere bo i cin. ¹⁷ Ahin waharam bo ya sudi bu ni, bu ti má pui, na bu ce má, nyini ni má ya nya jirima woowa bo i la má anjusu na i wo bere sanja kere n a. ¹⁸ Ya fa má ya nyumbaa kpama má dekem bo ya nu bu n su, ama, dekem bo ya nu má bu ni, ya fa ya nyumbaa kpama bere su a, dama bo ya koro nu i ni, i ce má, ama, bo ya koro nu má i ni, i wo bere wo, sanja kere.

5

¹ To, ya si durunya n nu fen dee anuniembaa n jore, i ti ka nambue wo, nzen wo saaki, sono kere la ataari kpa bo Nyeme ata i afa ase i. Má adamande taari i a, nyini awuru n wo angoro wo, i wo bere sanja kere wo. ² Kabo i ti so na ya toko wo fen ni, ya wo waraki su wo. Ya ahore su, ya koro ka Nyeme fa ya wura ya awuru n bo i fite angoro n nu wo, na i kata ya nu. ³ Ya koro i so o, na ya wura i ka sutura na má ya nati ya bu ngbeen. ⁴ Yere bo ya toko wo ahin nambue n nu ni, ya waraki wo, na ya wo ahore tanda nu so o lae. I ti má ka ya koro ka ya yi i se wo, ama, ya koro ka ya wura angoro dee n nu wo, na i kata ya nu, adena Nyeme ba kaaki ahin anuniembaa n bo i wu ni, na i ma ya i dee ngoo ni. ⁵ Nyeme ni i tii adu mo asese nyini deke n su ase ya a. Na wo fa i Awiewie n ama ya, na i kere kabo i má ya deke n kere bo i seeri ka i fá ma i minem ni.

⁶ Tɔ, nyini ma ya la ahoresi sangɔ kere n a. Ya si tenle su ka kabo ya toko wo ahin anuniembaa n nu ni, ya nya wo má Mibie n dika n nu lee. ⁷ Kisa ya la yarada ye ya nati a, má ka ya nyumbaa ye ya fa ŋu asi nati a. ⁸ Yere, ya la ahoresi n dee ti, ye ya ŋa ya yaki ahin anuniembaa n a, na ya kɔ awuru Mibie n dɔ. ⁹ Nyini ti, yere yiri, nzen ya wo ya awuru n nu, wara ya wo má nu, ya boro ya nyi ka ya yo sa bo i sun Mibie n nu wɔ. ¹⁰ Dama wɔ yo daka ka sɔnɔ kere bá jina Kristo nyunu, i jɔre diibiri ni, adena i mi nya i ŋkatɔ fa kɔ dekem bo i yoori bu i ŋgɔɔ n su ni, bo i ti kpa, ni bo i ti má kpa ni.

Kabo Yesu Kristo dee ti na ya ni Nyeme afien ayo dɔŋgu ni

¹¹ Ya si kabo i ti na ya soro Mibie n ni, nyini dee ti, ye ya boro ya nyi na ya ma minem kaaki bu sunsunni fa kɔ i jɔre n su a. Nyeme si kabo ya woowa kere ti barasu. Na m la tama ka am sunsunni nu, ambere mmɔɔ si ya woowa. ¹² Ya sukaaki kan kere má am bekun kabo ya ti wɔ, ama, ya sukere am deke bo i ti na am koro fa ya fɔ n wɔ, adena nzen minem bá koro ka bu fɔ deke bo bu koro ŋu i n su, na i fite má ahorembaa su, dama bu koro ka bu bu am ŋgbɛɛn n dee ti, tɔ, am koro bo bu nu ni jɔre kpa. ¹³ Nzen bu ŋa ya bo fie wɔ, Nyeme dee ti ye ya bo fie a, ye nzen ya nyunu ti koroowa gusu a, ambere dee ti ye ya nyunu ti koroowa a. ¹⁴ Koro n bo Kristo fa koro ya ni, yiri nie ya su a, dama ya yo ya sunsunni ka sɔnɔ kun n bo i wu maari sɔnɔ kere n dee ti ni, nyini la ka, sɔnɔ kere awu wɔ lee. ¹⁵ I wu maari sɔnɔ kere wɔ, adena bo bu wo ni ŋgɔɔ n bita bu ŋgɔɔ n ka i ti má bu dee, ama, i ti i dee wɔ, yiri n bo i wu maari bu na wɔ kaaki atenge i yiwee n nu bekun ni.

¹⁶ Nyini dee ti, fa i kisa fa kɔ, kabo durunya n nufɔm n bu sɔnɔ ni, yere, ya bu má be sɔ kun, haari ni bo ya yo buuri Kristo mmɔɔ sɔ ni, kisa ya bu má i sɔ kun. ¹⁷ Nyini yiri, nzen be ni Kristo ayo kun, i mi n ayo deke fɔfɔre wɔ lee, i woowa dawa n asin, na i deke n kere akaaki fɔfɔre wɔ lee. ¹⁸ Nyini n kere fite Nyeme dɔ ɔ. Yiri ama Kristo ayo ya ni yiri ni i tii afien dɔŋgu a, ye wɔ ma ya juma n bo i yo i ni minem afien dɔŋgu. ¹⁹ Nyini la ka, Nyeme ma Kristo yo i ni durunya n nufɔm afien dɔŋgu a, na i tenge má bu satie jɔre su, haari kaan sɔ, ye wɔ fa nyini afien dɔŋgu yo jɔre n awura ya saa nu, ka ya kan i. ²⁰ Nyini dee ti, ya ti sunmafom bo ya jina Kristo jaa nu wɔ. I ti ka Nyeme ni i tii sufa ya susere am jande a. Ya jina Kristo dee jaa nu susere am wɔ, ka, am ma yiri yo am ni Nyeme afien dɔŋgu. ²¹ Yiri Kristo n bo i la má satie be ni, yiri ye Nyeme ma wɔ de satiefom n jinaabiri a, yere dee ti, adena ya kaaki minem bo Nyeme de bu ka bu yo sa bo i kɔ atin su i dɔ.

6

¹ Yere bo ya ni Nyeme sangɔ yo juma ni, ya sere am wɔ, ahɔɔma n bo am ade i ni, má am ma i ka ŋgbɛɛn. ² Dama Nyeme ŋa, “Sangɔ kpa n ba juuri ni, ye m deeri am sere a, na tiide cɛɛn n ye m bukaari am a.”

Am ti fen, kisa ti sangɔ kpa n a. Am ti fen, kisa ti tiide cɛɛn n a.

³ Ya sukanda má be atin wɔ, adena má be jaraki ya fa kɔ ya juma n bo ya yo i n su. ⁴ Ama, deke n kere nu, ya kere ka ya ti Nyeme amususufom wɔ. Dama haari nzen ya wo wahara nu, ni kekereke nu, ni anyumboro nu, ya mindi de i wɔ. ⁵ Haari na ba bo ya, na ba nyi ya dansaraka, na ba di aluwa ya busu, na ya yo juma kekereke, na ya kpie daafiri, na ya da ahɔɔ, ⁶ nyini n kere ni, na ya kere ka ya woowa ti casi wɔ, na ya la si Nyeme dɔ, na ya mindi, na ya yo kpa, na ya wo ni Awiewie Casi ni, na ya la koro nahɔre su. ⁷ Ya kan nahɔre jɔre wɔ, na ya yo juma n ni Nyeme dee yiko n nu. Ya bita biesoya nenge bo i ti sa bo i kɔ atin su Nyeme dɔ ɔ, i wo ya saa fɔmbɔɔ, ni ya saa bie nu wɔ. ⁸ Bu wuru ya kpiri wɔ, na bu kaaki yo ya kaan. Bu kansa ya ɔ, na bu kaaki jaraki ya. Bu ŋa ya dadaka minem wɔ, ama, bu kaaki ŋa ya kan nahɔre wɔ. ⁹ Ya ti ka minem bo be si má ya wɔ, ama, deke kere minem si ya sɔ ɔ lee. Ya ti ka ya wu wɔ, ama, ya la ŋgɔɔ sɔ ɔ lee. Bu bo ya ni anyumboro sɔ ɔ, ama, ya wu má. ¹⁰ Ya wo ahoresaaki nu sɔ ɔ lee, ama, sangɔ kere ya la ahorejɔ ɔ. Yo wo ka ya ti yaarifom wɔ, ama, ya fa ajekɛ ma minem dɔŋgu wɔ. Ya ti ka ya la má pui wɔ, ama, deke n kere ti ya dee wɔ.

¹¹ Tɔ, ambere ya danfo Kɔrintofom, ya fa má deke be afie má am su, ya teke ya ahorembaa ama am. ¹² Yere, ya kpie má am ya koro, ambere yiri, am akpie ya am koro. ¹³ Am ti ka m nbaam dee ti ye m suse am sɔ n a, ka am gusu teke am ahorembaa ma ya, kabo ya teke ya dee ama am ni.

Má am fa am ŋu bo minem bo bu yo má Kristo yarada n su

¹⁴ Má am fa am ŋu bo minem bo bu yo má Kristo yarada n su, dama bo i yo sa bo i kɔ atin su Nyeme dɔ n ni ketemafɔ ni, i yo se ye bu koro sangɔ wo a? Wara wein ni awosin yo se koro sangɔ wo a? Ai, i koro yo má. ¹⁵ Nzu anɔɔse wo Kristo ni Sitana afien a?

Wara nzu tana wo sɔnɔ bo wɔ yo Kristo yarada n ni bo wɔ yo má i yarada n afien a? Ai, bu la má tana. ¹⁶ Nzu anɔɔse wo Nyeme Sereebiri Awuru n ni amɔem afien a? Ai, bu la má anɔɔse be. Yere ti ka Nyeme Sereebiri Awuru n a, ye yiri Nyeme bo i wo bere sanga kere n wo nu n a. Kabo Nyeme ni i tii ase ni, ka,

“M wó bu dɔ,

na m ni bere sánnga nati,

na m yó bu Nyeme,

na bu yó m minem.”

¹⁷ Nyini ti, Nyeme akaaki ase ka,

“Am fite yaki bu,

na am kpaaki yaki bu,

Micera ni seeri sɔ a.

Na má am fa am nju mata deke bo i ti má casi,

na m dé am.

¹⁸ Na m yó am Si,

na ambere gusu yó m dɛɛ nbaam.

Kabo Micera Kpiri n ase lɛɛ.”

7

¹ M ninbaa koroowam, ahin deke n kere bo Nyeme ase ka i yó ma ya n dɛɛ ti, am ma ya kpakpara ya nju fite deke kere bo i ma ya nuniembaa n ni ya awiewie n yo fin ni, na am ma ya soro Nyeme na ya woowa kere ti kabo Nyeme koro ka i ti ni.

Kabo bu sayoowa ma Pɔɔlu ahore jɔɔri ni

² Am teke am ahorembaa na am de ya. Ya do má am be ngasi, ya saaki má am be, ya sisi má am be. ³ Deke bo i ti na m se ahin sɔ ni, i ti má ka m sujaraki am wɔ, dama ma du mɔ ase am ka am jore wo ya ahore su, ya ni ambere ti kun wɔ, haari yiwee nu wara ngɔɔ nu. ⁴ M la ahoresi agaya fa kɔ am dɔ, na m fa am fɔ agaya, na m la ahoreda agaya ambere dɛɛ ti, haari ni wahara n bo ya di i n kere ni, m la ahorejɔ bo i la má anjusu.

⁵ Dama sanjga bo ya ba juuri Makedoniya awɔre n nu ni, ya nya má nɔmiiyi haari kaan sɔ mmɔɔ, ama, ya njuuri kekereke wɔ deke kere nu. Minem fa aluwa kpura ya sɔ ɔ, na sere suti ya, ya ahore su. ⁶ Ama, Nyeme yiri, yiri dada minem bo bu ahore asaaki n ahore a, yiri adada ya ahore a, Titosi baawa n dɛɛ ti. ⁷ Má ka i baawa ni ngumi dɛɛ ti a, ama, ahoreda n bo am ni yiri kere nyaari i n dɛɛ ti a. Wɔ se ya kabo am wara ado m na am koro ka am nju m barasu ni, ni kabo am ahore asaaki fa kɔ jɔre n su ni, ni kabo am ahore abi m busu barasu ni, nyini ma m ahore ajo ako asin su n a.

⁸ Haari nzen kadasi n bo m yo kere maari am n asaaki am ahore, ma yo má m si i n sɔ, fa kɔ nyini n dika. Nzen má m njuuri kabo nyini kadasi n ama am ahore asaaki, haari ni bo wɔ ce má ni, má m yoori m si i n sɔ. ⁹ Kisa m ahore ajo, má ka am ahore asaaki n dɛɛ ti a, ama, am ahoresaaki ni, wɔ ma am akaaki am wo n dɛɛ ti a. Nyini ahoresaaki ni, yiri ama am akaaki kabo Nyeme koro n a, adena má am kpaasi fieo, yere dɛɛ ti. ¹⁰ Dama ahoresaaki bo i ti kabo Nyeme koro ni, yiri ma ya kaaki ya wo ye ya nya tiide a, na ya yo má m si i n sɔ a. Ama, durunya n nu dɛɛ ahoresaaki n fa yiwee ba. ¹¹ Am nie sa bo Nyeme ma am ayo i a, nyini ahoresaaki n dɛɛ ti, kabo am nyunu aboro ka am yo jɔre n dɔngɔ na má be jaraki am ni, ni kabo yaa ti am fa kɔ yiri n bo wɔ do ngasi n su ni, ni kabo jɔre n ama sere ati am ni, ni kabo am wara ado m na am koro ka am nju m ni, ni kabo am ahore abi m busu ni, ni kabo am nyunu aboro ka am fa nahore cin i sui ni. Deke n kere nu, am akere ka am la má ngasi be lɛɛ, fa kɔ nyini jɔre n su. ¹² Deke bo i ti na m yo kereeri kadasi n maari am ni, má yiri n bo i doori ngasi n dɛɛ ti a, wara sɔnɔ n bo wɔ do i ngasi n dɛɛ ti a, ama, deke n bo i ti na m yo kereeri i sɔ n la ka, adena Nyeme ma am si kabo am cece wo ya nu ni anyumboro su barasu ni. ¹³ Nyini n kere adada ya ahore a.

Má nyini ahoreda n ngumi ye ya la i a, ama, deke bo i ma ya ahore ajo agaya n la kabo Titosi ahore ajo ni, dama ambere kere adada i ahore a. ¹⁴ Nyini ma ya ahore ajo sɔ a, dama ma du mɔ afa am afɔ kabo am ti barasu n akere yiri Titosi, na am ama ma di má nyinse. Kabo jɔre n kere bo ya kan kereeri am n ti nahore ni, sɔ ye minem koro nju kabo ya fɔɔri am nju jɔre n kereeri Titosi n gusu n ti nahore a. ¹⁵ Deke bo i ma yiri Titosi koro am agaya ni, maala bo i tenge su kabo am kere deeri i nɔanie n ni, ni kabo am deeri i ni am saa nnyɔ n na sere ti am agaya na am nɔnie subobo am ni. ¹⁶ M ahore ti jɔowa, dama deke n kere nu, m la ahoresi fa kɔ am dɔ.

8

Aceeri n bo bu de kō maari Yerusalem dēe Kristo jama n jōre

¹ Tō, m ninbaam, ya koro ka am si kabo Nyeme ama Kristo jamam bo bu wo Makedoniya dēe awōre n nu n adi i ahōroma barasu ni. ² Saŋga bo bu wo wahara ni kekereke nu agaya ni, na ba kere kabo bu ahore ajo ako asin su, na ba ce aceerim beberebe ni bu ahorembaa kun, haari ni bo yaari ati bu agaya ni. ³ M koro di daani ka bu maari bu faŋga nyaari wō, haari ba ma atara kabo má bu ma ni mmō. Bu koroyanu, ⁴ na ba sere ya jande ka ya ma bere mmō nya atin na bu saa wo nyini juma n nu, bo ya de aceerim fa ma Nyeme minem ni. ⁵ Haari na ba yo ako atara kabo má ya sunsun ka bu yo ni. Bu du mō faari bu ŋu maari Mibie n wō ka, na ba nya fa bu ŋu ama yere gusu, kabo Nyeme koro ni. ⁶ Tō, kabo Titosi ti sōnō bo i boori ahin aceeri juma n bu am nu ni, wō yo daka ka ya sere i jande na i suyo i sō ma am, haari i kō wie. ⁷ Ambere, am boro am nyi deke n kere nu wō, bere la yarada n bo am la i ni, ni kabo am koro jōjō ni, ni kabo am la si ni, ni kabo am cece wo deke n kere nu ni, ni kabo am la koro ma ya ni. Kabo i ti sō ni, wō yo daka ka am boro am nyi yo ahin aceeri juma n gusu.

⁸ I ti má ka m suma am nōō ka am yo sō o, ama, m koro ka m kere am kabo nyingam la koro ni anyumboro na bu buka n wō, adena m yo am na nie ka am la koro nahore su. ⁹ Am si juma kpa n bo ya Mibie Yesu Kristo yoori i ni, i yo ti ajekefō Nyeme dō o, ama, ambere dēe ti na wō kaaki jaarifo, adena am kaaki ajekefōm Nyeme dō, kabo wō kaaki jaarifo n dēe ti. ¹⁰ Ahin jōre n yiri, afara, ambere du mō boori nyini juma n bu a, má ka am du mō boori i bu ni ŋgumi, ama, ni kabo am koroori ka am yo i n gusu ni, nyini ti, fō bo m koro ka m fa tu am n la ka, ¹¹ i ti ye ni ka am yo juma n bo am ŋa am yo i n kō wie kisa, adena kabo am yo la anyumboro am sunsunni nu, na am koro ka am yo i ni, sō ye i am kere anyumboro a, na am fa deke n bo am la i n fa yo i wie. ¹² Nzen be la anyumboro na i koro ka i ce aceeri, Nyeme de i aceeri n fa kō deke bo i koro ce n su wō, má deke bo i koro ce má ni. ¹³ I ti má ka ya koro ka ya yi nbem fie nu, na ambere fie wō. Ai, ama, ya koro ka i se su ma sōnō kere wō. ¹⁴ Tō, kisa am la i, na nbem la má i ni, am buka bu. Na nzen bu gusu bá la i, na am la má i, bu gusu buka am. Sō ye i se su ma sōnō kere a. ¹⁵ I ti kabo ba kere i Nyeme jōre Kadasi n nu wō, ka, “Bo i tambuuri beberebe ni, wō sunnu asin má su, ye bo i tambuuri kaan n gusu, wō kpie má i su.”

Titosi ni i bukafōm n jōre

¹⁶ Ya da Nyeme asi, yiri ma Titosi nyunu aboro na i cece wo am dō a, kabo mini mmō dēe ti ni. ¹⁷ Ya sere yiri Titosi ka i ba am dō, na wō soro su, ama, yiri ni i tii dēe koroyanu ye i ŋa i kō a, dama i cece du mō wo am dō. ¹⁸ Bo i buka i su, ya susunma ya niwa be gusu am dō. I ti sōnō bo i yo labari kpa n juma a, nyini dēe ti, Kristo jama n kere kansi i wō. ¹⁹ Má nyini ŋgumi, ama, yiri ye Kristo jama n kere ayi i ka i susu ya su buka ya a, na ya nie ahin aceeri ceewa juma n su n a. Ahin juma n wura Nyeme kpiri wō, na i kere kabo ya koro ka ya buka minem ni anyumboro ni. ²⁰ Ya koro má ka be jarki ya fa kō kabo ya nie ahin aceeri beberebe n su ni. ²¹ Nyini ti, ya boro ya nyi wō, na ya yo sa bo i kō atin su, má Nyeme ŋgumi dō, ama, adamande mmō dō.

²² Ya kaaki susunma ya niwa be buka bu su. I ti sōnō bo ya yo i anie atin barasu nu, ŋu ka i la anyumboro fa kō deke dōnggu su. Kisa ya ŋu ka i la anyumboro tara sō, dama i la ahoresi fa kō am dō. ²³ Titosi yiri, i ti m matafō bo m ni yiri saŋga yo juma ma am wō. Ya ninbaa nnyom bere yiri, bu ti minem bo Kristo jamam n asunma bu wō, na bu kaaki wura Kristo kpiri. ²⁴ Nyini ti, am yi am ŋu fofoe nu, na am kere Kristo jamam ni kabo am la koro ni, na bu si deke n bo i ti na ya fa am fō ni.

9

Kabo ya buka ya bengu Kristofōm bo ba fun i ni

¹ Tō, aceerim bo am fa kō kabo Nyeme minem ni, mini dō, wō ti má ye ka m kere i jōre. ² Dama m si kabo am koro ka am buka barasu ni, haari ma du mō afa am afo Makedoniya awōre n nufōm dō, ka ambere Akaya awōre n nufōm n adu mō akpa am ŋu haari afara kere. Kabo am nyunu aboro na am koro ka am ce ni, wō yo bu dōnggu gusu ŋunie nyanyaka ye bu koro ka bu ce n a. ³ Nyini ye m susunma ahin ya ninbaam am dō n a, adena kabo ya fa am afo akere bu ni, na má i ka ŋgbeen, ama, am yo siriyā, kabo ma du mō ase bu ka am yo siriyā ni. ⁴ Má nyini, nzen Makedoniyafoŋm nbem suuri m su baari, na bu ba ŋu ka am nya yo má siriyā, i ti ya nyinse wō, ya kan má am dēe yiri, kabo ya yo am yarada n dēe ti. ⁵ Nyini dēe ti, ma ŋu ka wō yo daka ka m sere ya

ninbaam ni, na bu du m mo am do, na bu buka am, na am sese am aceeri n bo am yo sereeri ka am yi fa ma n su. Nyini ma i yo koro aceeri a, i ti má ka bu mie am wo.

⁶ Am tenge su, ka sono bo i do kaan, i bá kpie kaan wo. Na sono bo i do dongu, i bá kpie dongu wo. ⁷ Sono kere ce aceeri n kabo wo du mo asunsun i ahore su ka i ce barasu ni, má ka bu mie i wo, ama, i mi ma ni ahorejo, dama Nyeme koro bo i ce ni ahorejo o. ⁸ Yiri Nyeme ni, yiri koro ma am nya i aceeri barasu kere a, na am nya deke kere bo am koro sangga kere, na i se am su, na am nya i buka su, adena am koro yo juma kpa kere. ⁹ Kabo ba kere i Nyeme Jore Kadasi n nu ni, ka, "Wo sandi i aceerim afa ama yaarifom ni, na i kpayo n wo bere sangga kere."

¹⁰ Nyeme ti bo i ma dodoorifo ni alembaa n a, na i kaaki ma minem diire na bu di a, yiri ma am alembaa n a, na i ma i sunnu buka su, na i kaaki ma am kpayo subuka su sangga kere. ¹¹ Na i ma am sunya beberebe deke n kere nu, adena am koro suyo kpa ma minem sangga kere, nyini ma minem da Nyeme asi, fa ko deke n bo ya yo i n su a. ¹² Ahin aceeri juma n bo am yo i ni, i ti má ka i subuka Nyeme minem bo ba fun i ni ngumi wo, ama, i kaaki ma minem dongu da Nyeme asi wo. ¹³ Ahin juma n bo am suyo i ko wie ni, nyini kere kabo am woowa ti barasu a. Na minem nu i, na bu kansu Nyeme kabo am ade yiri Nyeme noanie n na am kan kere minem nahore, ka am su Kristo labari kpa n jore n su ni. Bo i buka nyini n su la kabo am yo kpa, na am kpaaki am nengem nu ma bere ni nyingam kere ni. ¹⁴ Kabo Nyeme ama am anya i ahorama ako asin su ni, bere, bu koro am ni anyumbo na bu sere Nyeme ma am. ¹⁵ Am ma ya da Nyeme asi fa ko i aceeri n bo wo fa ama ya na i la má ajusu ni.

10

Kabo Pöolu jojo fa köori i jumayoowa nyaari n su ni

¹ Mini Pöolu ni m tii, m susere am wo, Kristo sawore n ni i benle woowa n dee ti, mini bo nbem na nzen m wo am do, m san nya ni, ama, nzen m wo má am do yiri, m la ahore wo. ² Deke bo i ti na m susere am n bu la ka, m koro má ka am ma m yo ahore, sangga bo m ba baari am do ni, na m yo ahoresi jojo am, kabo m sunsun ka wo yo daka ka m jojo bu ni, bere bo bu na ya su durunya n nufom woowa n su ni. ³ Haari ni bo ya wo durunya n nu ni, ya kun má lue n kabo durunya n nufom kun lue ni. ⁴ Biesoya nengem bo ya fa kun lue n ti má durunya n nu fen dee biesoya nengem. Ama, i fite Nyeme dee yiko n nu wo, na i kunma na i saaki fanga woobiri kere, na i kunma na i saaki sunsunni kere bo i ti má nahore, ⁵ na i kunma na i saaki deke kere bo i wura i nu kpri na i kanda minem na má bu si Nyeme ni, na i ma ya kunma sunsunni kere bo i ti ka ya kpofom ni, na bu de Kristo noanie ni. ⁶ Ambere, am deeri i noanie n wieeri, ye ya bá cin bu kere sui a, bere bo ba kete ka bu de má i noanie ni.

⁷ Ambere, deke bo am nyumbaa nu i ni, nyini ye am sunsunni wo i su a. Nzen be la ahoresi ka i ti Kristo dee sono, i ti ye ni ka i mi kaaki sunsun ka ye mmoo ti Kristo minem wo, kabo yiri mmoo ti ni. ⁸ Haari nzen m fo yanfoya tara kabo má m fo ni, fa ko yiko n bo Mibie n afa ama ya n su, i la má m nyinse, nyini yiko n ye Mibie n maari ya, ka ya fa buka am, na am ko mo ni am nyemesu ni, wo ma má ya ka ya fa saaki am ji wo. ⁹ M koro má ka i yo ka m sukere am kadasim n na m wura am sere wo. ¹⁰ Dama nbem bo bu kan m jore ni, bu na, m kadasim wo na na bu la fanga, ama, sangga bo mini ni m tii ba wo am do, m ti sono yorokiiwa a, kabo m jojo ni, be fa yo má pui. ¹¹ I ti ye ni ka nyini minem so n si ka, kabo sangga bo ya wo má do na ya kere kadasim n nu ni, so ye ya yó a, sangga bo ya wo am do ni.

¹² Ahin minem ni, bere ni bu tii kan kere minem kabo bu ti wo, ama, yere yiri, ya soro sere ni bo ya fa ya nu bo bu su, wara na ya fa ya nu bu bu. Ama, kabo bu fa bu nu bo bu bengum su ni, na bu fa bu nu bu bu ni, nyini kere ka bu la má ngonle haari kaan so lee. ¹³ Yere yiri, ya wura má ya nu kpri, na ya fo tara kabo i ti ye ni ka ya fo ni. Ya yo ko jina ya juma yoobiri nyaari wo, deke bo Nyeme afa ama ya ka ya yo ni, haari ya yo abaaju ambere mmoo do. ¹⁴ Nzen má ya du má mo aba má am do, nyini yiri, ya suyo ko sin ya juma yoobiri nyaari wo lee, fa ko ahin jore n su. Ama, kabo i ti ni, yere ti minem bo ya duuri mo a, haari bo ya ba juuri am do, na ya kan Kristo labari kpa n akere am. ¹⁵ Yere, ya gusu fa má nbem juma fa fo má, na má ya fo tara ya juma yoobiri nyaari. Ama, ya la tama ka kabo am yarada subuka su ni, ya juma ni sandi bara ye am nu, kabo ya juma yoobiri nyaari ti ni. ¹⁶ Adena ya koro ko kan labari kpa n kere minem, bo bu wo asienm bo bu wo am nyunu do ni. Ya koro má ka ya yo wura nbem dee juma yoobiri bo ba du mo ayo i n nu, na ya fa fo. ¹⁷ Ama, kabo ba kere i Nyeme Jore Kadasi n nu ni, ka, "Sono kere bo i na i fo, i fo Mibie n dee ti." ¹⁸ Dama má sono bo yiri ni i

tii kan kere kabo i ti ni, ye Mibie n de i ka i ti sönö kpa, ama, bo Mibie n kere ni, yiri ti sönö kpa.

11

Pöolu ni jaramasa köreföm n jöre

¹ Tö, má am soro su, na am yo sawöre ma m, na m jöjö sinnzin jöre kaan so. Jande, am yo sawöre ma m. ² M si am köre kabo Nyeme si am köre ni, dama am ti m deë nbaam wö, ka baabara bo i nya si má biešo, ye ma fa am ace biešo kun, yiri la Kristo. ³ Ama, m soro sere wö, dama nzen m tengeeri Hawa jöre n su, yiri la kabo woo n yo faari ngönletie dadakaari i na i nyaari i na i kunmaari i ni, nyini ma m soro ka beni, ambere mmöö bá mini fa kö am sunsunni nu, na am yaki Kristo deë atin n bo am su i su, na am ahorembaa ti kun, na am woowa ti casi Kristo dö ni. ⁴ Dama nzen be ba baari am dö na i ba kaanri Yesu be jöre, na i ti má Yesu n bo ya kan i jöre kereeri am ni, wara nzen am deeri awiewie be, na i ti má Awiewie n bo am du mö deeri i ya dö ni, wara labari kpa barasu be bo i ti má bo am deeri i ni, ambere koro yo nyini sawöre na am de nyini n so a. ⁵ Bere bo bu yo bu nju ka bu ti Kristo jaramasam na bu la má anjusu ni, mini yiri, m sunsun má ka m ti kaan ni bere fieo. ⁶ Haari ni bo m ti má sönö bo i koro jöjö kabo bu jöjö ni, m la si yiri, ma du mö akere am ka i ti so o, deke n kere nu ni sanja kere.

⁷ Am anju má i? Sanja bo m ba kaanri Nyeme deë labari kpa n kereeri am ngbeën, na ma de má deke be ni, m yoori m nju kaan wö, na m wura am kpiri, ma do ngasi wö lee, nzen se? ⁸ M koro se ka m yo fiinri Kristo jamam nbem wö lee, dama m yo deeri buka bu dö o, ye m fa ba bukaari am a. ⁹ Sanja bo m yo wo am dö na m la má pui ni, ma fa má m fie afie má be, dama ya ninbaam bo bu fite Makedoniya awöre n nu yo bukaari m ni deke kere bo wö kpie m su ni. Ma koro má ka m fa m fie fie am be deke be nu. M woori so o, na m toko wo so o lee. ¹⁰ Kristo deë nahöre n bo i wo m nu n deë ti, be wo má bere bo i koro kanda m na m fö má nyini yanföya ni, Akaya awöre n kere nu. ¹¹ Nzu ti a? Ka m koro má am, nzen se? Ai, Nyeme si ka m koro am.

¹² Nyini ti, deke n bo m yo i ni, m kó su yo i so o, adena m tö bu atin, bere köreföm ni bo bu koro ka bu nya atin na bu fö, na bu se ka ya ni bere kere jumayoowa se ni. ¹³ Dama nyini minem so ti jaramasa köreföm wö, bu nati bu köre wö, fa kö bu jumayoowa su, na bu yo bu nju ka bu ti Kristo jaramasam wö. ¹⁴ Nyini n so n ti má alekutura, dama haari Sitana ni i tii mmöö yo i nju ka i ti mereke bo i ta wein n wö. ¹⁵ Nyini ti, i ti má alekutura, ka i amuisuföm mmöö yo bu nju ka bu su nahöre atin su wö. Ama, bu awieeri bá kere kabo bu jumayoowa ti a.

Kabo Pöolu diiri wahara i jumayoowa n deë ti ni

¹⁶ M koro ka m kaaki se am bekun wö, ka má be sunsun ka m ti sinnzin wö, ama, nzen am sunsun so yiri, am yo sawöre na am de m ka m ti sinnzin wö, adena mini mmöö koro fö kaan so. ¹⁷ Ahin ahoresi n bo m fa fö so ni, i fite má Mibie n dö, ama, m jöjö ka m ti sinnzin wö. ¹⁸ Kabo minem döngu fö kabo durunya n nuföm yo ni, so ye mini gusu fö n a. ¹⁹ Am anju má i? Ambere la alecira a, am mindi de minem bo bu ti sinnzin n wö, ni ahoreda a. ²⁰ Nahöre, haari minem bo bu mie am fa am yo bu akööm ni, am mindi de bu wö, wara nzen be asisi am, am mindi de i wö, wara nzen be anya am taraabiri, am mindi de i wö, wara nzen be kere i nju am dö, am mindi de i wö, wara nzen be boori am nyöonu, am mindi de i wö. ²¹ Yere, ya yo má nyini n be so am nu, i ti m nyinse wö, beni, ya yöröki ya nju n deë ti a.

Ama, kabo nyini minem soro má sere na bu fö deke kere ti ni, mini mmöö, kisa m gusu soro má sere na m fö fa kö nyini dekem n su. Beni, am sunsun ka m jöjö ka m ti sinnzin wö. ²² Bu nja bu ti Hiburuföm wö? Tö, mini mmöö, m ti so o. Bu nja bu deë la Yisarelifö nyemesu atin ni? Tö, mini mmöö, m su nyini n su a. Bu nja bu ti Abraham anumam wö? Tö, mini mmöö, m ti so o. ²³ Bu nja bu ti Kristo amuisuföm wö? Tö, m tara bu. Am nie, i ti ka m nyunu akan m ye m jöjö so n a. Ama, nahöre, ma yo juma atara bu, ba nyl m dansaraka bo i la má nö, bu boori m haari m ngöö ba kaari kaan so o, sanja döngu, kaan so, má ma wu. Nyinin kere nu, m tara bu. ²⁴ Kpe nnu lee bo Yudaföm n afin m ngbere mbaa kun kun aburana kun kpie su. ²⁵ Kpe nsen lee bo ba fin m ni bulaari ngbere. Ba tu m yabue kpekun. Kpe nsen lee bo m wo lee bambakam nu tieku n su na ba sandi nu, haari na ma da tieku n nu kpekun, köngue ni wiesu. ²⁶ M nati so lee sanja kere, m la má tana, ma nju anyumboro nzuetinm kpieebiri, ma nju anyumboro minem bo bu nati fin bu beŋgum n saa nu, ma nju anyumboro m tienju minem saa nu, ma nju anyumboro minem bo bu ti má Yudaföm saa nu, ma nju anyumboro mie kpirim su, ma nju anyumboro boro kpantainm nu, ma nju anyumboro

tieku n su, ma ñu anyumboro ya ninbaa korefom n do, bere bo bu yo bu ñu ka bu ti Kristo minem ni. ²⁷ Ma yo juma nahore su adi wahara, ma kpie daafiri sangá döngu, ma da ahoe ni nzuehoe, ma fun diire sangá döngu, na ayere ati m, na ma nati m ñunie ñgbeen. ²⁸ Dekem bo ba ka ni, m kán má bu jore, ama, deke bo i kpie m daafiri ale kere bo i cin ni, yiri la kabo m sunsun Kristo jama n kere jore n wo. ²⁹ Bu nu ñma agbaraki ye i gbarakiiwa n asa má m a? Bu nu ñma ye bu ma i yo satie ye i yo má m yaa?

³⁰ To, sangá bo wo yo daka ka m fo, m fo fa ko dekem bo bu kere ka m la má fanga n su wo. ³¹ Nyeme si ka m bu má kore, yiri ti ya Mibie Yesu Si a, yiri ti ye ni ka ya kansii sangá kere a. ³² Sangá bo m yo woori Damasiko mie kpiri n nu ni, na gomina be wo bere, yiri ye Feme Aretasi yo faari mie n yiko wurari i saa nu, na nyini gomina n ama tintinijinafom n ako anminda mie n ka bu tara m. ³³ Ama, na minem n afa m awura kandie bambaka nu, na ba fa m accondi kobe n tukoro nu, ajura asiengu, na ma foro gomina n saa nu.

12

Sayikereewa n ni deke n bo Pöolu ñuuri i ka alele nu n jore

¹ To, wo yo daka ka m fo, haari ni bo i la má kperere be ni. M la deke nbem bo m kan buka su, bere la kabo Nyeme yiiri deke nbem kereeri m ka alele nu ni, ni kabo i yiiri sayoowam kereeri m ni. ² M si sono be jore, i ti Kristo sono o, yiri ye Nyeme yo faari i fun koori angoro woobiri nsan su ni i do n a, i nyuma afo buru ni nna lee. Nzen i koori ni i ñuniembaa a, wara i awiewie nu, mini, m si má, Nyeme si a. ³⁻⁴ Nahore, m si nyini sono n jore, yiri ye Nyeme faari i fun koori alecema nu n a, na wo ti jorem bo bu la má kan, na be gusu la má atin ka i jojo bu, ama, kabo i yoori ni, ma si má, nzen i koori ni i ñuniembaa a, wara i awiewie nu, mini, m si má, Nyeme si a. ⁵ To, nyini sono n so, ye m fa fo n a, ama, mini ni m tii, m koro fo má deke be ti, má ka dekem bo bu kere ka m la má fanga n ye m fa fo a. ⁶ Haari nzen má m ña m fo mmoo, má m ti má sinnzin wo, dama má m kan nahore wo. Ama, m yaki i so o, adena má am be wura m kpiri tara dekem bo i ñu ka m yo bu, ni dekem bo i ti ka m kan bu ni.

⁷ To, fa ko sayikereewa beberebe n bo Nyeme fa kereeri m su, wo koro má ka nyini dee ti na m wura m ñu kpiri. Nyini ti, i maari Sitana faari tore be wurari m ñuniembaa nu, i ti ka buwe ye i wowo m a, na i sukere m wahara, adena má m wura m ñu kpiri. ⁸ Kpe nsan lee bo ma sere Mibie n fa ko ahin jore n su, ka i ma i fite yaki m. ⁹ Ama, na wo se m ka, "M ahoroma n ase u su, dama sangá bo a la má fanga ni, ye m kere m yiko kabo m koro a." Kabo i seeri so n dee ti, nyini ma m la ahoreda na m fo fa ko kabo m la má fanga n a, adena Kristo yiko n wo m do sangá kere a. ¹⁰ Nyini ma Kristo dee ti ye m ahore ti daawa n a, sangá bo m la má fanga n a, ni sangá bo bu kpie m nzuko ni, ni sangá bo m ñu kekere ni, ni sangá bo bu kere m wuwuruwa ni, ni sangá bo m ñu anyumboro ni. Dama sangá bo m la má fanga ni, nyini sangá n ye m la yiko Nyeme do a.

Kabo Pöolu kereeri ka bu jore kpie i daafiri ni

¹¹ To, kabo m jojo ni, ma yo ka sinnzin wo lee, ambere mie m a, ye m yo so n a. Má ambere ti minem bo am kan kereeri kabo m ti n a, má i ti ye. Dama bere n bo bu yo bu ñu ka bu ti Kristo jaramasan na bu la má anjusu ni, mini yiri, haari ni bo m ti má pui ni, m ti má kaan ni bere fieo. ¹² Nahore, sam bo bu kere ka m ti jaramasa ni, ye m yoori bu am do n a, ni mindi kere, ni alekutura sam, ni yiko sam, ni abono sam n a. ¹³ Nzu deke ye m yo maari Kristo jamam bo bu wo mie nyingam su n ye ma yo ama má am a? Má ka bo ma fa má m fie be afie má am ni. To, ma do ñgasi, am fa ce m.

¹⁴ Am ti fen, kisa ma sese m ñu su ka m ba nie am busu kpe nsan su lee, ama, m toko koro má ka m ba fa m fie fie am. M suba má ka m koro am nenge be wo, ama, m koro ambere wo. Dama má nbaam kpini nengem se bu wufom a, ama, bu wufom ni kpini se bu nbaam n a. ¹⁵ Mini, deke bo m la i ni, m di i ka a, na m fa buka am, na m fa m ñu kere ma am, nyini m m ahoreda. Ma si má, m koro am agaya n so n dee ti, ye ambere koro m kaan so n a? Ai, atin wo má nu. ¹⁶ To, am nbem ña ma fa má m fie be afie má am, ama, bu ña m fa ñgonletie wo, na ma dadaka am anya am taraabiri. ¹⁷ Ka se? Minem bo m yo sunmaari bu am do ni, m ma bu be sisiiri am be maari m, nzen se? Ai, be asisi má am ama má m. ¹⁸ M yo sereeri Titosi wo, na wo ba am do, na ma ma ya niwa n asunma i. Titosi yo sisiiri am, nzen se? Ai, wo sisi má am. Ambere mmoo anju ka m ni yiri kere sunsuni ti kun wo, na ya kere su atin kun su a.

¹⁹ Beni, nyini n kere bo ya jojo i so ni, am sunsun ka ya sukan de ya tii wo, nzen se? Ai, i ti má so. M ninbaa koroowam, kabo ya ni Kristo ayo kun na ya jina Nyeme nyunu n ye ya se so n a. Deke n kere bo ya yo i ni, i buka am na am ko mo ni am nyemesu n wo.

²⁰ M soro sere wo, m koro má ka m ba baari am do, na má m ba tu am kabo m koro ka am ti ni, wara na amberé gusu nju m kabo má am koro ka m ti ni. M soro sere ka, beni, m bá nju ka, am suse akuruwa, na am susi kore, na am sufa yaa, na am suyo anyii sam, na am sukan am benggu jore susaaki bu, na am sukpara tere, na am suyo kpirikoro, na am la kpakpaakinu. ²¹ M soro sere ka m ba juuri, na má Nyeme ma m yo m nju kaan am nyunu, na má m ahore saaki fa ma bu, bere bo ba du m ayo satie, na bu nya kaaki yaki má bu dangba sayoowam, ni sakaraya, ni konvikiya ngbennngbennm ni.

13

Awieeri su dee bobowa ni anse ni

¹ Tó, ahin baawa n bo m súa ni, yiri yo m kpe nsan su bo m ba nie am busu a. Kabo ba kere i Nyeme Jore Kadasi n nu ni, ka, "jore kere bo ba kan i na i ti nahore, má ka mine nnyo, wara mine nsan adi i daani." ² Sangga bo m yo baari am do ba nieeri am kpe nnyo su ni, m yo bobori am nbem. Kisa na m wo má am do ni, m koro ka m bobo bu bekun fa ko nyini n su, ka nzen m baari, m yáki má bere n bo bu yo yoori satie ni, ni bo bu buka bu su kisa n kere. ³ Dama am nja am koro ka am nju deke bo i kere ka Kristo fa m su, ye i joko am do so a. Tó, am anju ka yiri ti má bo i la má fanga, ama, i la yiko am nu. ⁴ Nahore, sangga bo bu yo kpamaari i baka jaanu n su ni, i yo la má fanga, ama, haari ni nyini n kere, kisa i la ngoo wo bere, Nyeme dee yiko n dee ti. So ye i ti a, yere bo ya ni yiri kere ayo kun ni, yere mmoo la má fanga lee, ama, Nyeme yiko n dee ti, ye ya ni yiri súwo a, na ya yo juma ma am.

⁵ Amberé ni am tii, am fiiti am nju na am nie ka am woowa kere ka am ayo yarada nahore su, wara am ayo má. Am si má ka Yesu Kristo wo am do o, nzen se? I wo am do yiri, nka am woowa kere ka am ayo má yarada nahore su wo. ⁶ M la tama ka am bá si ka, yere, ya ti má bo bu woowa kere ka ba yo má yarada nahore su ni. ⁷ Haari ni nyini mmoo, ya sere Nyeme ma am wo, ka, má am yo sa be bo i ko má atin su, má ka ya koro ka mine nju ya woowa na i kere ka ya yo yarada nahore su, ama, ya koro ka am yo sa bo i ti kpa a, haari nzen má minem nju ya woowa na i kere ka ya yo má yarada nahore su. ⁸ Yere, ya koro yo má deke bo i jaraki nahore ni, ama, ya yo deke bo i su nahore ni ngumi su a. ⁹ Ya ahore ti jooa a, sangga kere bo ya la má fanga, na amberé la yiko Nyeme do. Ahin n ye ya sere Nyeme ma am a, ka, i ma am woowa yo kabo i koro ni. ¹⁰ Nyini mmoo dee ti, ye m wo má am do ye m sukere am ahin kadasi n so n a, adena m ba baari am do, na má m fa Mibie n yiko n fa yi am anyumboro, nyini yiko n ye i maari m ka m fa buka am, na am ko mo ni am nyemesu n a, wo ma má m ka m fa saaki am ji wo.

¹¹ M ninbaam, jore bo wo ka n la ka, am ma am ahore jo, am boro am nyi na am wo wo kpa, am ti kabo m sereeri am ni, am la anooe ni am bengum, am wo ni tanalaifie. Nyeme ti tanalaifie ni korofoo a, yiri wó am do a. ¹² Am bisa am benggu danggu ni koro. Nyeme minem kere bo bu wo fen n bisa am kere danggu.

¹³⁻¹⁴ Ya Mibie Yesu Kristo dee ahoro ma ni, ni Nyeme dee koro ni, ni Awiewie Casi n dee wo fie n wo am kere do.

Pɔɔlu kadasi bo i kere fa maari GALATIYAFOM ni

¹⁻² Mini Pɔɔlu bo m ti Yesu Kristo jaramasa n ni ya ninbaam bo bu wo m do fen n kere, sukere ahin kadasi n ma ambere Kristo jama minem bo am wo Galatiya deɛ awore n nu n wo. Yesu Kristo ni ya Si Nyeme bo i tengeeri Kristo i yiwee n nu ni, afa m ayo i jaramasa, ma adamande yoori m a, bekun ma minem gusu faari juma n maari m a.

³ Ya Si Nyeme, ni ya Mibie Yesu Kristo buka am, na bu ma am ahoreda. ⁴ Ya Si Nyeme koroyanu n deɛ ti, na wo ma Yesu ade ya jinaabiri awu ya satie deɛ ti, adena i de ya fite ahin durunya tie n bo ya wo nu n nu. ⁵ Yiri ti ye ni ka minem kere kansu i sangga kere sangga. Ami.

Labari kpa kun n kpein n wo bere a

⁶ Am jore amie m bo m si ma kabo m kan. Kristo deɛ anunfo si ti, ye Nyeme afere am ka am ba su i, wo nya ce ma, ye am akaaki am sin abo i ndende, susu labari barasu be bo i wo i ngumi ni labari kpa n ni. ⁷ Labari kpa nyinga be wo ma bere, deke bo i ti na m se so n la ka, minem nbem koro ka bu ta am nyi wo, na bu fa kereewa barasu nbem kaaki Kristo labari kpa ni. ⁸ Ama, haari nzen yere be, wara nzen Nyeme mereke be fiteeri angoro ba kaanri labari barasu be, na i ti ma kabo ya du mo kaanri i ni, Nyeme yo i mi ngbeen. ⁹ Kabo ya du mo ase am ni, nyini ye m kaaki suse am bekun n a, ka, nzen be ba kaanri labari barasu be bo i wo i ngumi ni bo am ade i ni, Nyeme yo i mi ngbeen.

¹⁰ Bu na m suyo m juma n ka mine kansu m wo, ama, i ti ma so, m koro ka m yo bo Nyeme kansu m wo, m suyo ma sa bo mine se ka m ti kpa. Nzen ma m na m yo sa bo i sun mine nu, ma m koro yo ma Kristo ako.

Kabo Pɔɔlu ba yoori Kristo jaramasa barasu ni

¹¹ M ninbaam, m koro ka am si ka labari kpa n bo m kaanri i jore kereeri am ni, i ti ma deke bo i fite adamande sunsunni nu wo. ¹² I ti ma ka m deeri i fiteeri adamande do, ma be gusu kaaki fa kereeri m a. Ama, Yesu Kristo ni i tii yiiri i kereeri m a.

¹³ Am yo tiiri kabo m woowa yo ti barasu, sangga bo m yo suuri Yudafoɛ deɛ atin n su ni. M yo kereeri Kristo jama n wuwuruwa agaya, na ma m butu bu. ¹⁴ M yo suuri Yudafoɛ atin n su nahore su taraari m sara sufom dongu bo bu su nyini atin n su ni. M nyunu yo boroori agaya kabo m yo na m su ya nana sayoowam su. ¹⁵ Nyeme ahoroma n deɛ ti, sangga bo bu nya wu ma m ni, ye i yiiri m ka m yo i juma n a. Sangga n bo i suunri Nyeme nu n ba juuri ni, ¹⁶ na wo yi i Wa n akere m, adena m ko kan i labari kpa n jore kere minem bo bu ti ma Yudafoɛ ni, ye ma ko ma be do na i ko kere m kabo m yo n a. ¹⁷ Ma kaaki ako ma Yerusalem mie kpiri n nu na m ko nyu minem bo bu du mo ti Kristo jaramasam ni. M koori Arabiya asien n su wo, na m fite do, na ma nya akaaki ako Damasiko mie kpiri n nu. ¹⁸ I deɛ afo nsan sin, na ma ko Yerusalem ka m ko nie Kefasi busu, yiri bo bu kaaki fere i ka Petoro ni, na ma ko awo i do cɛen buru ni nnu. ¹⁹ Sangga bo m woori do ni, ma nyu ma Kristo jaramasam n be abuka ma su, ma ka Yakobo, ya Mibie niema ni.

²⁰ Noanie n bo m sukere ma am ni, i ti nahore wo, m bu ma kore. Nyeme ti m daanifo a. ²¹ Nyini sin na ma fite Yerusalem, na ma ko Siriya ni Silisiya deɛ aworem n nu. ²² Nyini sangga Kristo jamam n bo bu wo Yudiya awore n nu n be nya nyu ma m na bu ba si m, ²³ se ba ti ka mine na, "Ahin sono n yo kere ya wuwuruwa a, na i fun mine bo ba de Kristo labari kpa n na i mini bu, kisa i nati kan labari kpa n jore kere mine wo." ²⁴ Deke n bo Nyeme ma m koro yoori i n deɛ ti, na ba kansu Nyeme.

2

Pɔɔlu ni i beɗu jaramasa nbem jore

¹ Sangga bo ya fite Yerusalem mie kpiri n nu ni, i afo buru ni nna sin, na m ni Banabasi akaaki ako do bekun, na ya fa Titosi abuka ya nyu su. ² Deke n bo i ti na m koori n la ka, Nyeme kereeri m ka m ko a. Na m ni Kristo jama nkprienkprienm n atien ya noo ya ngumi deke be, na ma kan ateke bu nyi, akere bu fa ko labari kpa n jore bo m kan kere minem bo bu ti ma Yudafoɛ ni. Dama ma koro ma ka juma n bo m suyo i n kere ka ngbeen. ³ To, haari ni bo Titosi yo woori m do na i ti ma Yudafoɛ ni, ba mie ma i ka i wura kenkenne. ⁴ Ama, be abisa ma ya i jore be, se mine nbem ba sanggaari ya nu, bu yo bu nyu ka bu ti Kristo deɛ minem wo. Bere seeri ka wo yo daka ka i wura kenkenne

n a. Bu faari bu nju mataari ya a, adena bu nie kabo Yesu Kristo deɛ ti na ya nya ya tii ni. Má bu koro ka ya su noanie kpamaawa n su wo, na ya yo akoom. ⁵ Ama, na ya fa nu, ya ma má bu anyunu fieo, adena má be kaaki i sin bo labari kpa n bo i ti nahore, na ya kan kere am su. ⁶ Bere n bo mine bu bu ka bu ti nkpienkpienm ni, m cece awo má bu nu ka bu ti nkpienm, dama Nyeme tambu má nu, nyini nkpienkpienm n gusu ala má kaakiwa bo bu kaaki m fa ko m labari kpa n su. ⁷ Se deke bo bu nuuri i n la ka, Nyeme ye wo yi m ka m kan i labari kpa n jore kere minem bo bu ti má Yudafo m a, kabo wo yi Peto ro ka i kan i labari kpa n jore kere Yudafo m ni. ⁸ Dama Nyeme ama m yiko ka m kan i labari kpa n jore kere minem bo bu ti má Yudafo m ni, kabo wo ma Peto ro yiko ka i kan i labari kpa n jore kere Yudafo m ni. ⁹ Na Yakobo, ni Peto ro, ni Yohane bo mine bu bu ka bu ti Kristo jama mofom n anju ka, Nyeme ama m nyini juma n ka m yo i a, nyini deɛ ti, na ba fa bu saa awura m ni Banabasi saa nu, na ba de ya ni bu saa nnyo. Na ya kere asoro su ka m ni Banabasi ko yo juma ni minem bo bu ti má Yudafo m ni, na bere gusu ko yo juma ni Yudafo m ni. ¹⁰ Ama, jore n bo bu seeri ya n la ka, má ya wara fi yaarifom sa. Nyini ye m yo la anyumboro ka m yo i a.

Kabo Pɔɔlu jarakiiri Peto ro barasu ni

¹¹ Ama, Peto ro ba baari Antiyoki mie kpiri n nu na ma jaraki i, ma fie má i su, dama sa n bo i yoori i ni, wo ko má atin su. ¹² Sangga bo i du mo ba tuuri ya ni, i ni ya ninbaa Kristofom bo bu ti má Yudafo m ni sangga di diire a. Na mine nbem afite Yakobo do aba ka bu ba nie ya busu. Bu ba juuri ni, na wo cin i nju afite minem bo bu ti má Yudafo m n nu. I ni bere asanga adi má diire kun, dama i soro Yudafo m n ahore wo. ¹³ I yoori so ni, na Yudafo nyinggam bo bu wo Antiyoki n gusu ayo kabo i yoori ni. Bu si kabo má bu yo, ama, ba yo má so. Na Banabasi gusu ason bu su. ¹⁴ M njuuri ka bu su má Yesu labari kpa n bo i ti nahore n su ni, na ma se Peto ro jama n kere nyuru ka, "Wo ro, a ti Yudafo o, ama, u woowa ti ka bo bu ti má Yudafo m wo. Ye nzu ti ye a koro ka a mie minem bo bu ti má Yudafo m na bu wo kabo Yudafo m wo barasu n a?"

Yarada deɛ ti ye sono kere nya tiide a

¹⁵ Nahore, ya fiteebiri, yere ti Yudafo m wo, ya ti má minem bo bu su má Nyeme na ya fere bu ka satieyofom ni. ¹⁶ Ya si ka na nzen sono yo Yesu Kristo yarada, ye Nyeme de i mi ka i yo sa bo i ko atin su i do a, ama, i ti má ka i mi su Nyeme noanie kpamaawa n su, ye Nyeme de i ka i yo sa bo i ko atin su i do a. To, ye yere gusu ayo Yesu Kristo yarada, adena Nyeme de ya ka ya yo sa bo i ko atin su i do, i ti má ka ya su noanie kpamaawa n su n deɛ ti a. Dama be wo má bere bo i su noanie kpamaawa n su na Nyeme de i ka wo yo sa bo i ko atin su i do. ¹⁷ Kabo ya boro ya nyi na ya su Kristo su na Nyeme de ya ka ya yo sa bo i ko atin su i do ni, nyini kere ka yere Yudafo m gusu ti satieyofom ka minem bo bu ti má Yudafo m ti n wo. Ama, nyini n sukere má ka Kristo subuka minem na bu yo satie wo lee. Ai, i ti má so. ¹⁸ M yo su noanie kpamaawa n su wo, ama, ma yaki i, nzen kisa na ni m kaaki bo i bu su i su bekon, nyini sangga, ma fa m nju ayo satieyofom lee nahore su.

¹⁹ Mini do, fa ko nyini noanie kpamaawa n su, i yo m ka ma wu wo, m su má i su kun, adena m nya ngoo Nyeme do. I ti ka m ni Yesu Kristo asanga awu baka jaanu n su a. ²⁰ Ahin ngoo n bo m la i ni, durunya n nu fen ni, yiri Nyeme Wa n koro m deɛ ti, na wo wu ama m, na ma yo i yarada, nyini deɛ ti ye m la ngoo n a. ²¹ Ma kete má kabo Nyeme ayo ya sakpa akere i koro barasu ni. Ama, deke bo m suse n la ka, nzen sono nja i su noanie kpamaawa n su, na nyini kere ka wo yo sa bo i ko atin su Nyeme do, nyini la ka, yiwee n bo Kristo wuuri i n ti ngbeen wo lee.

3

Noanie kpamaawa n ni yarada jore

¹ Amberɛ Galatiyafom, am la má ngonle wo. Nma adadaka am a? M yo seeri am, kabo Yesu Kristo wuuri baka jaanu n su barasu ni, ma fie má am su. ² Am ma m bisa am ahin bisaawa ni, am suuri noanie kpamaawa n su n deɛ ti, ye am deeri Nyeme Awiewie Casi n a? Wara nzen bo am tiiri Yesu labari kpa n jore na am yoori yarada n deɛ ti, ye am deeri i a? ³ Nzu ti ye am la má ngonle so a? Am boori i bu ni Awiewie Casi n wo, ye i baari se ye am koro ka am fa am fanga wiewie i a? ⁴ Deke n kere bo Nyeme ayo i na am anju i n ti ngbeen wo lee, nzen se? Mini do, i ti má ngbeen. ⁵ Bo am ati labari kpa n na am ayo yarada n deɛ ti, ye Nyeme afa i Awiewie n ama am, ye Nyeme yoori alekutura sam am nu a, nzen bo am su noanie kpamaawa n su n a?

⁶ Nyini ye ba kere i Nyeme jore Kadasi n nu ka, "Abraham yoori Nyeme yarada n deɛ ti, ye Nyeme ade i ka i yo sa bo i ko atin su i do n a." ⁷ Nyini kere ya ka, bo ba yo Nyeme

yarada ni, bere ti Abraham busu nufom nahore su a. ⁸ Nyeme Jore Kadasi n kere ka, minem bo bu ti má Yudafom bá yo Nyeme yarada, na i de bu ka ba yo sa bo i ko atin su i do. Nyeme du mo kaanri labari kpa n jore kereeri Abraham wo, na wo se i ka, "Woro dee ti, ye m yo adamande kere kisi a." ⁹ Nyini ti, sono kere bo i yo yarada, Nyeme yo i kisi, kabo Abraham yoori yarada, na Nyeme yoori i kisi barasu ni.

¹⁰ Sono kere bo i su noanie kpamaawa n su na i sunsun ka Nyeme de i ka wo yo sa bo i ko atin su, Nyeme noo di i mi. Dama ba kere i Nyeme Jore Kadasi n nu ka, "Nyeme noo di sono kere bo i na i su noanie kpamaawa n su, na i su má i kere kpakpati su ko wie má." ¹¹ Ya si ka, má ka sono su noanie kpamaawa n su ye Nyeme de i mi ka i yo sa bo i ko atin su i do a. Dama ba kere i Nyeme Jore Kadasi n nu ka, Nyeme na, "Sono bo i yo sa bo i ko atin su m do, i nyá ngoo, i yarada n dee ti." ¹² Noanie kpamaawa n wo bere i ngumi, na yarada n bo ya yo Nyeme n gusu wo bere i ngumi. Ba kere i Nyeme Jore Kadasi n nu ka, "Sono kere bo i su noanie kpamaawa n kere su, i mi nyá ngoo." ¹³ Ama, sono kere bo i su noanie kpamaawa n su, Nyeme noo di i mi, nyini dee ti ye Kristo kaari ngbeen wuuri baka jaanu n su deeri ya tii jiiri n a. Dama ba kere i Nyeme Jore Kadasi n nu ka, "Nyeme yo sono kere bo ba sense i baka n su ngbeen." ¹⁴ Deke n bo i ti na Yesu Kristo wuuri nyini yiwee n la ka, noanie n bo Nyeme diiri i di ni Abraham ka i yo minem bo bu ti má Yudafom kisi ni, nyini dee ti, nzen ya yo Kristo yarada, Nyeme na i ma ya Awiewie Casi n bo wo di i di ka i fa ma ya ni.

Sesesu n bo Nyeme diiri i di ni Abraham n jore

¹⁵ M ninbaam, m koro ka m fa adamande woowa na m fa kere kabo Nyeme woowa ti barasu. Nzen mine nnyo afa sesesu adi i di ka bu yo deke be, sono wo má bere bo i koro kete i, wara i kaaki i. ¹⁶ Nyini ti, Nyeme diiri nyini di n ni Abraham ni i busu nufom n wo, wo se má ka i busu nufom kere, ama, i na i busu nufom kun, yiri la Kristo. ¹⁷ Deke bo m suse n la ka, Nyeme yo faari sesesu wo, na wo di i di ni Abraham ka i yo i. Na i dee afo yaa nna ni afo aburasan sin, na wo fa i noanie kpamaawa n ama Moyisi, ama, sesesu n bo wo du mo adi i di ni, i koro saaki má i. ¹⁸ Sesesu n bo Nyeme diiri i di n dee ti, ye Nyeme ceeri Abraham aceeri n a. Má ka bo i su noanie kpamaawa n su dee ti ye i ce i aceeri n a.

¹⁹ Nzen i ti so, nzu ti ye Nyeme ma Moyisi yo faari i noanie kpamaawa n maari minem a? Nyeme koro ka mine si kabo satie n ti wo, ye i faari i noanie kpamaawa n maari a, fa ko ju sangba bo Abraham busu nufom ni bá ba. Yiri ye Nyeme diiri i di ni Abraham n a. Nyeme yo faari i noanie kpamaawa n maari i merékem wo, na ba kan akere Moyisi bo i wo Nyeme ni i minem afien, na i gusu anya akan akere minem ni. ²⁰ Nyeme yo faari i noanie kpamaawa n maari merékem, ni Moyisi wo, ye bu kan kereeri minem a, ama, sesesu n bo Nyeme yo diiri i di ni Abraham ni, be wo má bu afien, se Nyeme ngumi.

Deke n bo i ti na Nyeme faari i noanie kpamaawa n maari i ni

²¹ Noanie kpamaawa n kete dekem bo Nyeme seeri ka i yo i ni, nzen se? Ai, i kete má. Nzen má noanie kpamaawa n be wo bere bo i koro ma ngoo, nyini la ka, nzen sono suuri noanie kpamaawa n su, ye Nyeme de i ka i yo sa bo i ko atin su i do a. ²² Ama, ba kere i Nyeme Jore Kadasi n nu ka, sono kere ti satieyofom o, adena minem bo bu yoori Yesu yarada ni, bere nyá deke n bo Nyeme seeri ka i fá ma yaradayofom n a. ²³ Sangba bo Yesu nya ba má na ya yo i yarada ni, ya yo su noanie kpamaawa n su a, nyini noanie kpamaawa ni, i kere ya kabo ya yo, ye i nie ya su a, haari ba fa juuri sangba n bo Yesu baari na ya yo i yarada ni. ²⁴ Nyini ti, kana Yesu bá ba ni, noanie kpamaawa n ti ka sono bo i bita ya a, haari na Yesu aba aba, adena Nyeme de ya ka ya yo sa bo i ko atin su i do, ya yarada n dee ti. ²⁵ Ama, ahin sangba n bo ya yo Yesu yarada ni, noanie kpamaawa n bita má ya kun. ²⁶ Ambere kere bo am ayo Yesu Kristo yarada ni, nyini dee ti ye am ayo Nyeme nbaam a. ²⁷ Ambere kere bo bu bieeri am Nyeme nzue ni, am ni Kristo ayo kun lee, nyini kere ka am ade i dee woowa n wo lee. ²⁸ Nyini ti, kabo am ni Kristo ayo kun ni, am kere ti deke kun wo lee. Bo bu ti Yudafom ni bo bu ti má Yudafom, bo bu ti akoonbaam ni bo bu ti má akoonbaam, nbiesom ni nbaram kere akaaki deke kun wo lee. ²⁹ Kisa am ti Kristo dee minem wo, nyini la ka, am ti Abraham busu nufom wo, bo am nyá deke n bo Nyeme seeri ka i fá ma i minem ni.

4

¹ Deke n bo m suse am la ka, awurubaa bo i bá di i si nenje n kere aja, na i nyunu nya ti má ni, i ni akoonbaa ti kun wo, haari bo i si aja n kere ti i dee ni. ² Sangba bo i toko ti kaan ni, i wo i minem saa nu wo, ye bu nie i su a, haari fa ko ju sangba bo i si seeri ka i di aja ni. ³ Ya gusu yo ti so o lee, dama sangba bo ya yo si má Yesu jore ni, ya

yo ti akoom wo, fa ko durunya n nu satie yoowam su. ⁴ Ama, sanja n ba juuri ni, na Nyeme asunma i Wa, na ba wu i kabo bu wu adamande ni, noanie kpamaawa ni bita i a, ⁵ adena i koro de minem bo noanie kpamaawa n bita bu n tii ji, na bu yo Nyeme nbaam nahore su.

⁶ Ya ti Nyeme nbaam dee ti ye i sunmaari i Wa n dee Awiewie n ka i ba wura ya ahorembaa su. Nyini ti, ye ya koro bo fere Nyeme ka, "Abba," i bu la ka, "M Si." ⁷ Nyini ti, a ti ma akoo kun, a ti Nyeme wa a. Nzen a nya ti Nyeme wa, nyini la ka, i ma u deke n kere bo i fa ma i nbaam ni.

Kabo Poo lu cece woori Galatiyafom nu ni

⁸ Sanja bo am nya si ma Nyeme ni, am yo suuri dekem bo bu ti ma Nyeme n wo, ye am ayo bu akoom a. ⁹ Ama, kisa, am asi Nyeme, wara yiri Nyeme asi am. Nzu ti ye am koro ka am kaaki am sin bo Nyeme a, na am su durunya n nu satie yoowam, bo bu la ma fanja n su a? Nzu ti ye am koro ka am yo bu akoom na am kaaki su bu bekun a? ¹⁰ Am nyunu aboro ceenkipirim ni yoowam n su a, bere la yoowa n bo am bu lemoe kere ni, ni bo am yo i sara kere ni, ni bo afo ba ye na am yo bu ni. ¹¹ M koro ma ka juma n kere bo ma yo i ama am n ka ngbeen, nyini ti ye am sayoowa kpie m daafiri ceen kere n a.

¹² M ninbaam, m susere am wo, am ma am woowa ti kabo m woowa ti barasu ni, dama m woowa ti kabo am woowa ti n wo. Am ado ma mini ngasi be. ¹³ Am si ka sanja bo m du mo ba kaanri labari kpa n jore kereeri am ni, m yo la ma laifie n dee ti, ye m koro nyaari atin a. ¹⁴ Haari ni bo m yo la ma laifie n kere ni, na i yoori kekereke ma am ni, am akete ma m, abu ma m ngbeen, ama, am deer m ni am saa nnyo o, kabo ma am de Nyeme mereke wara Yesu Kristo barasu n wo. ¹⁵ Nzu ti ye kisa am ahore ti ma joowa kabo i yo ti dawa n a? Nyini sanja ni, mini mmoo ni m tii si ka, nzen ma m yo seeri ka am lokoti yi am nyumbaa fa ma m, na ma am koro yo i, ma am yo i wo. ¹⁶ Bo m tu am fo seeri am nahore n dee ti, ye kisa ma kaaki am kpofo a? ¹⁷ Nyini minem bo bu boro bu nyi na bu cece wo am nu ni, bu sunsunni ti ma kpa. Bu koro ka am kaaki yaki Kristo atin n wo, na am boro am nyi su bu dee atin n su. ¹⁸ Nzen ma am nyunu aboro nahore su ka am yo sakpa sanja kere, ma i ti kpa, nzen haari m wo ma am do mmoo. ¹⁹ M nbaam, am jore yo m yaa, kabo bara ba suwu baa na i yo i yaa barasu n wo, i suyo m yaa so o, ma ka Kristo aba awo am nu, na am woowa ti kabo Kristo woowa ti barasu ni. ²⁰ M ahore su, ma m koro ka m wo am do kisa, na m da m boe na ya bo anzama, dama ma tanda fa ko am do.

Saara ni Haga woowa n dee jore

²¹ Ambere bo am koro ka am su Nyeme noanie kpamaawa n su ni, am si ma kabo i noanie kpamaawa n kere n wo, nzen se? ²² Ba kere i Nyeme Jore Kadasi n nu ka, Abraham yo la nbaa nbiesom nnyo o, baa n bo afani n wuuri i ni, ni baa n bo awurubara wuuri i ni. ²³ Baa n bo afani n wuuri i ni, kabo bara kere nyinse, na bu wu baa ni, i nyinse wuuri i so o. Ama, awurubara n dee wa n bo i wuuri i ni, kabo Nyeme yo seeri Abraham n ye i wuuri i a. ²⁴ Kabo nbara nnyom woowa n ti ma kun na bu woowa wo i ngumi ni, i la bu wo. Bu ti ka sesesu nnyom bo Nyeme diiri i di n wo. Kun la Haga, afani n bo i dee busu nufom ti akoom ni. I kere kabo Nyeme noanie kpamaawa n bo i yo fa maari Moyisi Sinayi Buka n su n maari minem yoori akoom barasu n wo. ²⁵ Haga ade Sinayi Buka n bo i wo Arabiya asien n dee jinaabiri wo, i ti ka Yerusalem mie kpiri n bo i wo durunya n nu fen kisa n wo, i ni i busu nufom kere ti akoom wo. ²⁶ Ama, Yerusalem n bo i wo angoro n dee minem anya bu tii, bere ti awurubara Saara dee nbaam a, yiri ti ya ni a. ²⁷ Dama ba kere i Nyeme Jore Kadasi n nu ka,

"Woro bara njoroka ni, bo a wu ma baa ni,
ma u ahore jo ko sin su.

Tien, na a siri ni ahorejo,

woro bara n bo a si ma baawu yaari ni,
dama bara n bo i hun akete i n la nbaam

tara bara n bo i la hun ni."

²⁸ M ninbaam, kisa ambere ti ka Izaki bo i ti awurubaa n a, dama yiri ye Nyeme seeri Abraham ka bu wu i n a, ye ambere gusu ti Nyeme nbaam n a. ²⁹ Kabo nyini sanja na afani n wa n yo kereeri awurubara n wa Izaki n wahara ni, yiri ye bu wuuri i ni Awiewie Casi n dee yiko nu a. Minem bo bu su Moyisi noanie kpamaawa n su ni, sumie yere n bo Nyeme Awiewie n yiko nu na ya kaaki Nyeme nbaam n so lee. ³⁰ Nyeme Jore Kadasi n se se wo? I ja, "Fon yi ahin afani n ni i wa n fite fen. Wo ti ma ye ni ka ahin bara n wa n nya aja nenje n be. Ama, i ti ye ni ka awurubara n wa ni fa i kere a." ³¹ Nyini ti, m ninbaam, ya ti ma afani n dee nbaam, ama, ya ti awurubara n dee nbaam wo.

5

Kabo ya bita ya tiide n bo ya nya i n kenken

¹ Kristo ade ya tii aji, nyini ti, am wo ni nyini tiide n bo am anya i n nu, am bita i kenken na má am wo ka am ti akoom kun.

² Am ti kabo mini Poolu suse am ni. Nzen am soro su na be wuraari am kenkenne, nyini la ka, deke n bo Kristo ayo ama am n ti ngbeen wo lee. ³ M koro ka m bobo am wo lee bekun, ka sono kere bo i soro su na bu wuraari i kenkenne, wo yo daka ka i mi su noanie kpamaawa n kere su, má i yaki kun n kpein mmoo. ⁴ Ambere bo am sunsun ka am su noanie kpamaawa n su, na am na nyini ma Nyeme de am ka am yo sa bo i ko atin su i do ni, am ni Kristo akpaaki lee, am di má Nyeme ahorama n kun. ⁵ Ama, yere yiri, Awiewie Casi n ama ya yo yarada, ye ya la ahoresi nminda ka Nyeme bá de ya ka ya yo sa bo i ko atin su i do. ⁶ Nzen ya ni Kristo ayo kun, na ya wura kenkenne, i ti má pui, nzen ya wura má kenkenne gusu, i ti má pui. Ama, nzen ya yo Yesu Kristo yarada, na ya koro ya bejgum na ya yo sakpa, nyini ti jore n a. ⁷ Kabo am yo su Kristo atin n su ni, am yo boro am nyi wo nahore su. Kisa nma adaka am ye am akaaki am sunsuni ka má am de nahore n a? ⁸ Nyini noanie n bo ba fa akaaki am sunsuni n fite má Nyeme bo wo fere am ka am ba su i n do. ⁹ Bu na, ayiri n bo bu fa go kpoo nu n ti kaan so o, ama, yiri ma i yasu yo dongu a. ¹⁰ Ama, m la ahoresi fa ko am do, kabo ya ni ya Mibie Yesu Kristo ayo kun ni, ka, am káaki má am sunsuni na am yaki atin n bo ya bita i ni. Sono kere bo i koro ka am kaaki am sunsuni ni, Nyeme cin i mi sui.

¹¹ M ninbaam, nbem na m toko nati kan i ka i ti ye ni ka Kristo minem kere wura kenkenne. Nzen má i ti nahore ka m kan i so o, ye nzu ti ye Yudafom kere m wuwuruwa n a? Nzen má m kan i so, ye haari nzen m kan fa ko yiwee n bo Yesu wuuri i baka jaanu n su ni, má i ti má jore. ¹² Minem bo bu mie am ka am wura kenkenne ni, má i yo m fie ka bu sa bu nu na má bu bieso dika yo juma.

¹³ M ninbaam, Nyeme afere am ka i de am tii ji wo. Ama, má am nie ka am anya am tii n dee ti, na am yo am kunnu koroowa, ama, am koro am bejgu nahore su, na am buka am bejgu. ¹⁴ Dama Nyeme noanie kpamaawa n kere jina noanie maawa kun su a, yiri la ka, "Koro u bejgu kabo a koro u nu ni." ¹⁵ Ama, nzen sanja kere na am sudi aluwa na am nuni sukpi am bejgu nu, na am asi má am nu sa, am saaki am nuju nu wo lee.

Nyeme Awiewie n ni adamande woowa

¹⁶ M suse am wo, am wo kabo Awiewie Casi n kere am ka am wo ni, adena má am yo am kunnu koroowa koro dawa na am yo yoori barasu ni. ¹⁷ Dama deke bo yere adamande kunnu koro i ni, Awiewie Casi n koro má i, ye deke bo Awiewie Casi n koro i ni, yere adamande dee woowa n koro má i. Nyini ti, sanja kere yere adamande dee woowa n ni Awiewie Casi n se akuruwa ni i bejgu wo. Nyini ye ya koro yo má kabo ya koro ka ya yo n a. ¹⁸ Nzen am yo kabo Awiewie Casi n koro ka am yo ni, noanie kpamaawa n nie má am su kun.

¹⁹ Sono kere si kabo minem bo bu su adamande woowa su n ti barasu. Yiri la sakaraya, ni dangba sayoowam, ni konvikiya ngbeenngeenm. ²⁰ Na bu su amoe, ni ayiri di ngbeenngeen, na bu sukpo mine, na bu sukpi jore, na bu susi kore, na bu sufa yaa, na bu suyo anyii sam, na bu suse akuruwa kpakpaaki na nuju nu, ²¹ na bu susi bu bejgum kore, [na bu sukun mine,] na bu sunu nzan bo, na bu suyo ngbeenngeen kabo nzan nufom yo barasu ni, na bu suyo sa barasu nbem. Kabo ma du mo ase am ni, m toko bobo am wo lee, ka, sono kere bo bu yo nyini sam ni koro wura má Nyeme femeya n nu.

²² Ama, deke bo Awiewie Casi n ma mine yo i la ka, bu koro bu bejgu, na bu la ahorejo, na bu ahorembaa ti daawa, na bu la mindi, na bu buka mine, na bu yo sakpa, na bu la dabunu, ²³ na bu yo bu nu tarakam, na bu la tarabunu. Noanie kpamaawa be wo má bere bo i jaraki minem bo bu bita nyini woowa atin ni. ²⁴ Minem bo bu si Yesu Kristo deem ni, ba yaki bu dawa dee koroowa ni i sayoowam n kere, bu ti ka ba kpama bu baka jaanu n su ye ba wu a. ²⁵ Awiewie Casi n ama ya ngoo. Nyini ti, am ma ya wo kabo i kere ya ka ya wo ni. ²⁶ Má am ma ya wura ya nu kpiri, na má am ma ya yo sa bo i ye mine ahore su, na má ya si kore.

6

Kabo ya buka ya lamoko Kristofom barasu ni

¹ M ninbaam, nzen am nu ka am nu be suyo satie, ambere bo am wo kabo Awiewie Casi n kere ka am wo barasu ni, am tara am nu benle, na am buka i mi na i yo sa bo i ti kpa. Na am si am nu sa, na má am gusu yo satie be. ² Nzen am nu ka am bejgu wo

kekereke nu, am buka i. Nzen am yo so, nyini kere ka am ade Kristo kereewam n bo wo fa ama ya n nahore su lee. ³ Woro kere bo a ti ma pui, na a sunsun ka a ti be ni, a dadaka u ngu wo lee. ⁴ Sono kere nie i sayoowa, nzen i mi ngu ka i sayoowa ti kpa, nyini sanja, i mi koro kansu i ngu. Ama, ma i nie ka i sayoowa tara i bengum dee ti, na i fa fo. ⁵ Dama sono kere la i tiengu sayoowa. ⁶ Ambere bo bu sukere am Nyeme noanie n ni, am buka bere n bo bu kere am ni, ni deke kere bo am la i.

⁷ Ma am dadaka am ngu, na am sunsun ka be koro dadaka Nyeme, dama deke kere bo sono yoori, Nyeme fa nyini to i mi kaari a. ⁸ Nzen sono yo kabo adamande woowa koro barasu ni, nyini ma i mi wu a na i ka ngbeen. Nzen i yo kabo Awiewie Casi n koro ka i yo ni, nyini ma i mi ba nya ngoo bo i la ma awieeri a. ⁹ Nyini ti, ma am ma ya fie ni sakpayo, dama nzen ya fie ma, na sanja n ba juuri, Nyeme to ya nkato. ¹⁰ Nyini ti, nzen ya la deke ya saa nu bo ya fa yo sakpa, ya yo buka sono kere, maala ya lamoko Kristofom ni, bere yiri, i ti ye ni ka ya buka bu sanja kere.

Awieeri su dee noanie bo Poo lu fa kaari bu ni

¹¹ Am nie, mini ni m tii sufa m saa sukere ahin kereewa n ngbingbiri n kere ma am a. ¹² Minem bo bu mie am ka am wura kenkenne ni, bu koro ka mine kansu bu wo. Deke n bo i ti na bu yo so n la ka, bu koro ma ka mine kere bu wuwuruwa fa ko yiwee n bo Kristo wuuri i baka jaanu n su ni. ¹³ Bere bo ba wura kenkenne ni, bere mmoo ni bu tii su ma Nyeme noanie kpamaawa n su. Ama, deke bo i ti na bu koro ka am wura kenkenne n la ka, bu koro ka bu fa fo o, ka, ba ma am asu bu dee yoowa n su. ¹⁴ Ama, mini yiri, m fo ma yanfoya fa ko deke be su, ma ka fa ko yiwee n bo ya Mibie Yesu Kristo wuuri baka jaanu n su ni. Nyini yiwee n bo i wuuri i n dee ti, mini do, m bu durunya n ka i ti ngbeen wo, na durunya n gusu bu m ka m ti ngbeen wo. ¹⁵ Dama nzen sono su Kristo atin n su na wo wura kenkenne, i ti ma pui, wo kaaki awura ma kenkenne gusu, i ti ma pui. Deke bo i ti jore nahore su n la ka, i ti ye ni ka mine nya wo fofore bo i fite Nyeme do ni. ¹⁶ Nyeme ma sono kere bo i su ahin atin n bo m kere n su ahoreda, na i si bu anunfo, dama bere ti Nyeme minem bo bu ti Yisarelifom nahore su a.

¹⁷ Kisa m koro ma ka be kpini jore be ma m kun, dama m la deke bo i wo m nyunie su sukere ka m ti Yesu dee wo.

¹⁸ M ninbaam, ya Mibie Yesu Kristo buka am kere. Ami.

Pɔɔlu kadasi bo i kerɛ fa maari EFESOFOM ni

¹ Mini Pɔɔlu bo Nyeme dɛɛ koroyanu na m ti Yesu Kristo jaramasa ni, sukere ahin kadasi n ma ambere Nyeme minem bo am wo Efeso mie kpiri n nu, na am bita Yesu Kristo atin n nahore su, na am ni yiri ayo kun ni. ² Ya si Nyeme, ni ya Mibie Yesu Kristo buka am na bu ma am ahoreda.

Kabo Nyeme ayo ya kisi ni

³ I ti ye ni ka minem kere kansu Nyeme, yiri bo i ti ya Mibie Yesu Kristo Si, kabo i ma ya ni Kristo ayo kun ni, nyini dɛɛ ti, wo fa deke kpa kere bo i wo angoro na i fite i Awiewie n do ni ayo ya kisi. ⁴ Dama sangga bo Nyeme nya yi ma durunya ni, ye i yiiri ya ka ya yo i minem a, na ya ni Kristo yo kun, adena ya yo casi, na ma be koro jaraki ya Nyeme do. Koro n bo i koro ya n dɛɛ ti, ⁵ wo du mo acici ka i fa ya yo i kunnu nbaam Yesu Kristo dɛɛ ti. Deke bo i koro ka i yo i ni, i koroowa lɛɛ. ⁶ I Wa koroowa n dɛɛ ti wo ma ya ahorama ace ya nyini aceeri n bo i la ma anjusu n a. Nyini dɛɛ ti, i ti ye ni ka minem kere kansu i fa ko sakpa n bo wo yo i ama ya n su. ⁷⁻⁸ Kabo ya ni Yesu Kristo ayo kun ni, i mbunja n bo i fiteeri i njunie nu sangga bo i wuuri n dɛɛ ti, ye Nyeme ade ya tii aji, afa ya satie kere ace ya. Wo buka ya agaya, ama ya ahorama bo i la ma anjusu, wo ma ya alecira ni si barasu kere. ⁹ Nyeme ayi deke bo i du mo koroori ka i yo i, na i wo i ahorembaa su na be si ma i n akere ya, Yesu Kristo ama wo yo yiiwa. I koroowa lɛɛ. ¹⁰ Nyini deke n bo Nyeme koroori ka i yo i n la ka, nzen sangga n ba juuri, i bo deke kere kun, bo bu wo angoro, ni bo bu wo asienggu n kere, na i ma Yesu Kristo yo i kere tii. ¹¹ Deke n kere bo Nyeme adu mo acici ka i yo i ni, kabo yiri Nyeme koro n lɛɛ ye wo yo i n a. Ye wo yi ya ka ya yo i dɛɛ minem, na ya ni Kristo yo kun. ¹² Adena minem nu ya woowa, yere bo ya du mo afa ahoresi ni Kristo ni, na bu kansu Nyeme na bu wura i kpiri.

¹³ I ti so o lɛɛ am gusu do. Am tiiri labari kpa n bo i ti nahore na i ma am nya tiide n jore ni, ye am yoori Kristo yarada a, ye Nyeme afa i Awiewie Casi n ase am nyaari, kabo i yo seeri ni, yiri kere ka am ti i dɛɛ minem a. ¹⁴ Kabo wo du mo ama ya Awiewie Casi ni, nyini kere ka Nyeme ma ya deke n kere bo i seeri ka i fa ma i minem n a. Yiri ma ya yo yarada, na ya la ahoresi haari fa ko ju cɛɛn n bo ya nya tiide nahore su a. Nyini dɛɛ ti, minem nu kabo ya ti barasu na bu kansu Nyeme jirima woowa n bo i la ma anjusu ni, na bu wura i kpiri.

Kabo Pɔɔlu sereeri Nyeme maari Efesofom ni

¹⁵ Nyini dɛɛ ti, fite sangga bo m tiiri ka am ayo Kristo yarada ni, ni kabo am koro Nyeme minem kere barasu ni, ¹⁶ am woowa dɛɛ ti, sangga kere m da Nyeme asi, na m susere i ma am. ¹⁷ M sere ya Si Nyeme, i jirima woowa la ma anjusu. Yiri ti ya Mibie Yesu Kristo Nyeme a. M sereeri i ka i ma i Awiewie Casi n buka am, na am nya alecira, na i teke am nyi, bo am si Nyeme nahore su. ¹⁸ M kaaki sere i ka i teke am nyi na am nu i wein ni, adena am si deke n bo i ti na wo fere am n na am la ahoresi fa ko i busu ni, na am kaaki si deke n bo i ti kpa na i la jirima agaya, bo wo se ka i fa ma i minem ni. ¹⁹ Na am si kabo i yiko n la ma anjusu barasu ni, na i koro yo juma ma yere n bo ya yo i yarada ni. Nyini yiko ni ti bambaka la fanga a, ²⁰ yiri ye Nyeme fa tengeeri Kristo i yiwee n nu, afa i atana angoro i saa fomboro su n a. ²¹ Deke bo i wo lɛɛ, i la yiko tara yikofom kere, amoe o, ayiri o, biefoya o, mereke o, jina o, njumi o, ni ajini o, na i duma n tara duma kere bo i wo ahin durunya n bo ya wo nu ni, ni durunya n bo i suba ni. ²² Nyeme afa deke n kere awura Kristo saa nu ka i nie bu su, na wo ma yiri Kristo bo i nie deke n kere su n ayo Kristo jama n kere tii a. ²³ Kristo jama n kere ti i njunie n a, ye i wo bu nu, ye i woowa ade deke n kere a.

2

Kabo ya fite yiwee nu na ya nya ngoo fofore barasu ni

¹ Sangga bo am yo keteeri Nyeme noanie na am yo satie ni, am ti ka am awu wo. ² Nyini sangga ni, am yo satie kabo kisa durunya n nufom yo n wo. Na am sude Sitana bo i bita asien ni angoro afien n yiko na am de i noanie. Yiri bita minem kere bo ba kete Nyeme noanie n a. ³ Nahore, yere mmoo yo ti so o lɛɛ, na ya suyo dekem bo ya konviki wo bu nu, na ya suyo deke kere bo i ti ma kpa na ya nu i, na ya koro i ya sunsunni nu ni. Ma

ya kere gusu di nyini wahara n bo Nyeme afa yaa ka i fa cin minem sui, bere bo ba kete i noanie n wo.

⁴ Ama, Nyeme si anjunfo agaya, na i kaaki koro ya agaya, ⁵ ya yo ti ka ya wuuri wo, fa ko i noanie n bo ya keteeri n su ni, haari ni nyini mmoo, i koro n dee ti, wo sannga ama ya ni Kristo ngoo. I dee ahoroma ni ma am nyaari tiide a. ⁶ Ya ni Yesu Kristo ayo kun n dee ti, Nyeme atenge ya yiwee nu kabo i tengeeri Kristo i yiwee n nu ni, na ya ni yiri kere sannga tana Nyeme femeya n nu. ⁷ Deke bo i ti na Nyeme yoori so n la ka, fa i kisa fa ko, i kere i ahoroma n bo i la ma anusu ni, yiri la kabo i ma Yesu Kristo ayo sakpa abuka ya barasu ni. ⁸⁻⁹ Am yarada n bo am ayo i n dee ti, Nyeme ahoroma ni ma am nyaari tiide a, ma am sakpa dee ti a, ama, Nyeme aceeri a. Nyini ti, ma be se ka i fa fo. ¹⁰ Kabo ya ti kisa ni, Nyeme yiiri ya so a. Ya ni Kristo ayo kun n dee ti, ye wo ma ya ngoo fofore a, ka ya fa yo sakpa n bo Nyeme yo fa seeri ya ka ya yo i n a.

Kristo ni i minem kere ayo kun

¹¹ Nyini ti, ambere bo am ti ma Yudafofm ni, am tenge su kabo am woowa yo ti barasu ni. Yudafofm fere am ka tokurukum wo, na bu fere bu nu ka minem n bo ba wura kenkenne, nyini n so ti adamande anuniembaa su yoowa a. ¹² Am tenge su ka sannga bo am yo si ma Kristo ni, am wo dede ni yiri wo, na am ti ma mine n bo Nyeme ayi bu n be. Sesesu n bo Nyeme yo diiri i di seeri ka i buka i minem ni, am wo ma nu. Am yo wo durunya n nu wo, ama, am yo la ma ahoresi be, na am kaaki si ma Nyeme. ¹³ Ama, kisa, na am ni Yesu Kristo ayo kun ni, ambere bo ma am yo wo dede ni Nyeme ni, Kristo mbunja n bo i fiteeri i nuni n nu, sannga bo i wuuri ni, acin am adodo Nyeme a. ¹⁴ Dama Kristo ti sono bo wo ma ya sesesu ni tanalaife a. Yiri yo faari i nu yoori yoowa yiiri kpo bo i ti ka kobe na i wo Yudafofm, ni bo bu ti ma Yudafofm n afien a, na wo yo bu kun. ¹⁵ I yiwee n bo i wuuri i n dee ti, wo ma Nyeme noanie kpamaawa n yo ma juma kun, i ni i noanie maawam, ni i atinm kere. I yoori so o, adena i fa yere Yudafofm, ni bo bu ti ma Yudafofm n yo ya daanife kun. Ya ni yiri ayo kun n dee ti, ye wo sese ya su ama ya tanalaife n a. ¹⁶ I yiwee n bo i wuuri baka jaanu n su n dee ti, wo yi kpo bo ma i wo ya afien ni, ayo ya mine kunm akaaki ya aba Nyeme do. ¹⁷ Kristo ba kaanri labari kpa n bo i yo minem afien dongu n maari ambere bo am ti ma Yudafofm, na am wo dede ni Nyeme n wo, ni Yudafofm bo bu dodo i ni. ¹⁸ Kristo dee ti, ye Awiewie Casi n ama ya ni bere kere atin ka ya koro ba ya Si Nyeme do a.

¹⁹ Nyini ti, ambere bo am ti ma Yudafofm ni, kisa am ti ma wofom kun Nyeme minem do, ama, am anya atin abo Nyeme dee minem su, ye am ayo i dikafom. ²⁰ Am kaaki ti ka soo n bo Nyeme suta i n wo, wo ta am ataka ataari fa bumboori seewa n su, yiri la bo Kristo jaramasam, ni Nyeme noanie kanfom du mo fa seeri soo n bu ni. Nyini fa seewa n la Nyeme noanie n bo bu yo kaanri i n wo. Ye Yesu Kristo ti ka soo n jantarako n a. ²¹ Soo n deke n kere wo yiri su a, ye i maari i yo woobiri casi ma Nyeme a. ²² Am ni yiri kere ayo kun n dee ti, ambere mmoo ti Nyeme Sereebiri Awuru n wo lee, bo i Awiewie Casi n wo nu ni.

3

Deke bo i yo wo fiεwa n nu na Nyeme yi kereeri Pooļu ni

¹ Mini Pooļu, m woori dansaraka nu, Yesu Kristo ni ambere bo am ti ma Yudafofm n dee ti wo. ² Nahore, m nie ka am ati kabo Nyeme asi m anjunfo ka m yo ahin juma n ma am ni. ³ Nyeme yo yiiri deke bo i wo i ahorembaa su n akere m, bo i koro ka i yo i na be si ma i ni. Ma du mo akere i jore kaan akere am. ⁴ Nzen am kaanri kadasi n bo ma kere i ni, am nu kabo m koro siiri Kristo nusu jore kere bo i wo asiri nu ni. ⁵ Dawa sannga ni, Nyeme ayo ayi ma nyini asiri nu jore n akere ma adamande be. Ama, kisa, Nyeme ma i Awiewie Casi n ayi i akere minem bo wo yi bu ka bu yo i jaramasam, ni i noanie kanfom n a. ⁶ Asiri bo i wo bere n la ka, ya de labari kpa n na ya ni Yesu Kristo ayo kun n dee ti, bo bu ti Yudafofm, ni bo ti ma Yudafofm, ya kere sannga nya deke n bo Nyeme fa ma i minem, na ya sannga yo i minem, na ya sannga nya deke n bo Nyeme seeri ka i fa ma i minem ni.

⁷ Nyeme ahoroma n dee ti, wo ce m aceeri ayi m ka m yo i labari kpa n amususufo, ye wo ma m yiko ka m fa yo i juma ni. ⁸ Nyeme minem n nu, mini ti bu kere kaan, ama, haari ni nyini n kere ni, Nyeme ayi m ama m ahin atin n ka m ko kan i labari kpa n jore kere minem bo bu ti ma Yudafofm ni, na bu si sakpa bo Kristo ayo i, na be koro si ma i kere bu ni. ⁹ Na wo kaaki ama m atin ka m ma sono kere nu sa bo minem si ma i, na Nyeme koro ka i yo i na i yo yiwa. Nyeme yiiri deke n kere a, na wo bita nyini asiri nu sam n bo i koro ka i yo i, i ahore su dawa ni. ¹⁰ Deke n bo i ti na i yoori so n la ka, nzen nfangafom ni yikofom bo bu wo angoro n nu ka minem bo bu ti Yudafofm, ni bo

bu ti má Yudafoṃ n abo kun ayo Kristo jama ni, ka kisa bu sí alecira barasu barasu bo Nyeme la i na i la má aṅusu ni.

¹¹ Nyeme yoori nyini kere, kabo dawa na i sunsun ka i yo i ni, ya Mibie Yesu Kristo dɛɛ ti, ye i ma i kere yoori yiiwa a. ¹² Kabo ya yo Kristo yarada na ya ni yiri ayo kun ni, nyini ma ya la ahoresi koro ba Nyeme nyunu na ya soro má sere n a. ¹³ Nyini ti, m sere am wɔ, má am ma am ṅunie yoróki am, fa kɔ wahara n bo m sudi i amberɛ dɛɛ ti ni, i ti deke bo i wura am kpiri wɔ.

Koro bo Kristo fa koro i minem barasu ni

¹⁴ Nyini kere dɛɛ ti ye mini Pɔɔlu kutu sere ya Si Nyeme ma am n a. ¹⁵ Yiri ti lamɔsi kere bo i wo aṅgoro ni asiṅgu n kere Si a. ¹⁶ M nyemesere la ka, i la jirima woowa bo i la má aṅusu n dɛɛ ti, i Awiewie Casi n ma am nya yiko bambaka am ahore su, ¹⁷ na kabo am yo Kristo yarada ni, i wo am ahore su, na m kaaki sere i ka am la koro nahore su, na am jina kenken, fa kɔ koro n bo am la i n su. ¹⁸ Adena am ni Nyeme minem kere sangga fiiti ni anyumboro, na am si kabo Kristo koro am agaya, ni kabo i koro la má aṅusu ni. ¹⁹ M nyemesere bekun la ka, i ma am kaaki si kabo Kristo koro am ni, haari ni bo adamande koro si má nyini koro n bo i la má aṅusu ni, na m sere i ka i ma am woowa kere ti kabo yiri Nyeme woowa ti barasu ni.

²⁰ Nyeme yiko n bo i wo ya ahore su suyo juma n dɛɛ ti, i koro yo deke n kere ma ya tara kabo má ya sunsun ka ya sere i barasu ni. ²¹ Nyeme ti ye ni ka ya kansa i sangga kere sangga, yere kere bo ya ti Kristo jama n na ya ni Kristo ayo deke kun ni. Ami.

4

Kristo jama n kere ti deke kun wɔ

¹ Nyini ti, mini Pɔɔlu bo m su Mibie n dɛɛ ti na m wo dansaraka nu ni, m susere am jande ka, am wo wo bo i kɔ atin su, kabo Nyeme fereeri am na i kereeri am ka am wo barasu ni. ² Am yo am ṅu kaan na am yo benle, na am yo sawore, na am la mindi de am benggu ni koro, sangga kere. ³ Anɔɔse n bo Awiewie Casi n afa ama am na am ayo kun n dɛɛ ti, am boro am nyi na am tana laife na am bita nyini anɔɔse n ni am benggu. ⁴ Yere kere bo ya ti Kristo minem ni ayo ka aṅuniembaa kun wɔ. Na Awiewie Casi kun ni wo ya kere dɔ a, na ya kere kaaki la ahoresi fa kɔ deke kun n bo i ti na wo fere ya ni. ⁵ Ya la Mibie kun wɔ, deke kun ye ya yo i yarada. Mibie kun n duma nu ye bu fa bie ya kere Nyeme nzue a. ⁶ Nyeme kun wo bere a, yiri ti ya kere Si a, yiri kaaki ti ya kere Mibie a, i ma ya kere yo i juma a, na i wo ya kere dɔ.

⁷ Ama, Kristo akpaaki i aceeri n ama ya kun kun n kere kabo i koro ni. ⁸ Nyini ti, ye ba kere i Nyeme Jore Kadasi n nu ka, "Sangga bo i fun kɔari aṅgoro ni, na wo fa domuem akɔ, na wo ce mine aceerim." ⁹ Bo ba kere i ka wo fun akɔ aṅgoro n la ka, i du mo wo aṅgoro dɔ ye i jura baari asiṅgu fen a, ye wo kaaki akɔ aṅgoro dɔ bekun a. ¹⁰ Yiri n bo i jura baari asiṅgu n la bo wo fun akɔ aṅgoro dede n wo, ye i woowa ade deke n kere a. ¹¹ Yiri faari i aceerim ceeri i minem n a, yiri la bo wo yi nbem ka bu yo i jaramasam, na wo yi nbem ka bu yo Nyeme noanie kanfoṃ, ye wo yi nbem ka bu kan Nyeme labari kpa n jore kere minem, ye wo yi nbem ka bu yo sasafom, ni kerefom. ¹² Kristo faari nyini aceeri maari a, na bu sese Nyeme minem su, adena bu buka bu bengum na bu yo i juma ni, na Kristo jama n nya fanga buka su. ¹³ Na ya kere fa anɔɔse fa kɔ kabo ya yo Nyeme Wa n yarada ni, na ya si i nahore su subuka su, na ya yarada yo biiwa, na ya kɔ ya nyunu buka su, na ya woowa kere ti kabo Kristo wo ti barasu ni. ¹⁴ Na má ya yo ka nbaatumam, adena má kɔrefom ba fa bu ṅgonletie kere ya na bu dadaka ya, na ya mini.

¹⁵ Ama, am ma ya koro ya benggu, na ya sujojo nahore, na ya kɔ ya nyunu buka su, na ya woowa kere ti kabo Kristo woowa ti barasu ni, dama yiri ti ya tii a. ¹⁶ Na yere bo ya ti i minem ni ti ka i ṅuniembaa a. Kristo ti bo i bita aṅuniembaa bue barasu n kere a, na ya kere bo kun, na ya kere suyo juma n bo wo fa ama ya ni, subuka ya benggu, na ya koro ya benggu, na aṅuniembaa n kere nya fanga buka su.

Kabo ya kaaki wo fɔfɔre barasu ni

¹⁷ Nyini ti, m koro ka m fa yiko n bo Mibie n afa ama m ni, na m boḅo am, ka, má am ma am woowa ti kabo minem bo bu su má Nyeme woowa n ti barasu ni, dama bu sunsunni kere ti ṅgbɛɛn wɔ. ¹⁸ Bu wo awosin nu n dɛɛ ti, bu la má ṅgɔɔ n bo Nyeme ma i minem ni, dama bu si má be, na bu ahorembaa kaaki ti kekereke n dɛɛ ti. ¹⁹ Nyinse ti má bu fa kɔ deke be su kun, sangga kere bu dɛɛ la ka, bu suyo sa ṅgbɛɛnṅgbɛɛnm wɔ, na bu suyo dangba sam, bu tara má bu ṅu, na bu suyo anyii sam barasu kere.

²⁰ Ama, ambere yiri, sangga bo bu kereeri am fa ko Kristo nusu jore ni, má kabo bu kereeri am lee. ²¹ M nie ka am adu mo asonson i nusu jore kere, am nya ti i susufom ni, ba kere am ka Yesu ti bo i la nahore n a. ²² Nyini dee ti, am yaki am woowa dawa n bo i ti má kpa n ji. Am woowa dawa n koro ka i daka am na i saaki am a, dama i ma am yo dekem bo bu ti má kpa a, na bu mini am. ²³ Am ma Nyeme kaaki am sunsunni ni am ahorembaa fofore. ²⁴ Na am fa wo fofore n bo Nyeme afa ama am na i ferema ni yiri Nyeme dee woowa ni. Nyini woowa ni ko atin su a, na i kaaki ti casi nahore su a.

²⁵ Nyini ti, má am bu kore, am kan nahore ma am benggu, dama ya kere ti anuniembaa kun n bue barasu be wo. ²⁶ Nzen am be fa yaa, má i yo satie, má i fa yaa haari wie ko to. ²⁷ Má am ma Sitana atin haari kaan so, na i ma am yo satie. ²⁸ Sono kere bo i yo wo, i ti ye ni ka i mi yaki awie, na i yo i tienngu juma ni anyumboro su, na i nya i koroowa, adena i koro buka yaarifom. ²⁹ Má am ma jore tie fite am noo nu, ama, am ma am noo fite kpa, na i buka minem, na bu ko bu nyunu buka su, na sono kere bo i tiiri i, i mi koro su Nyeme atin n su nyunyumi. ³⁰ Má am saaki Nyeme Awiewie Casi n ahore, dama yiri ye Nyeme afa i ase am nyaari a, ka i bá de am tii ji ceen be a. ³¹ Má am ma am kunnu yo wiwi, má am ma yaa ti am, má am kan am benggu ndie, má am se akuruwa, má am kpie am benggu nzuko, má am kpo am benggu deke be ti. ³² Ama, am yo am benggu kpa, na am si am benggu anunfo, na am fa am benggu ngasi ce bu kabo Nyeme afa ace am Kristo dee ti ni.

5

Nyeme minem woowa a

¹ Nyini ti, kabo am nya ti Nyeme nbaa koroowam ni, am boro am nyi, na am ma am woowa ti kabo i woowa ti barasu ni. ² I ti ye ni ka am ma koro wo am do, kabo Kristo koro ya barasu na i faari i nu yoori yoowa maari ya na i suunri Nyeme nu ni.

³ Kabo am ti Nyeme minem ni, má am yo sakaraya, má am yo dangba sam, má am se ka am nyunu boro nenge kpini su, má am bo nyini sereyam n be mmoo anzama am nu. ⁴ Na má am ma jore ngbeenngbeen fite am noo nu, má am jojo jore bo ngonle wo má nu, má am yo kokoro tie. Ama, i ti ye ni ka am da Nyeme asi sangga kere. ⁵ Am si tenle su ka sono kere bo i yo sakaraya, ni dangba sam, ni bo i nyunu boro nenge kpini su, sono kere bo i yo so, i mi su má Nyeme, i su nengem wo. Kristo ni Nyeme bá nie má i su, na i nya má deke n bo Nyeme ase ka i fá ma i minem ni.

⁶ Má am ma be fa i jore ngbeen be dadaka am, dama nyininim so dee ti, ye Nyeme fá yaa cin minem bo ba kete ka bu de má i noanie n sui n a. ⁷ Nyini ti, má am ni nyini minem so sangga wo. ⁸ Sangga be, ambere mmoo ni am tii yo woari awosin nu yo satie wo, ama, kisa, na am akaaki ya Mibie Yesu minem ni, am ti wein nufom wo lee. Nyini ti, am ma am woowa kere ka am ti wein nufom wo. ⁹ Má pui ti ye m se so a, dama minem bo bu wo wein nu ni, bere la wo kpa a, ye bu yo sa bo i ti kpa kere a, na bu yo sa bo i ko atin su Nyeme do, na bu bita nahore. ¹⁰ Nyini ti, am boro am nyi, na am si deke bo i sun Nyeme nu. ¹¹ Má am fa am nu bo minem bo bu wo awosin nu n su, na am yo sa ngbeenngbeen n bo bu yo i ni, ama, am yi bu nyini sayoowam fite fofoe nu. ¹² I ti nyinse wo mmoo, ka ya bo su fa ko bu nyini sam bo bu yo bu asiri nu ni. ¹³ Ama, deke kere bo i wo fieewa nu, na i nya fiteeri fofoe nu, nyini sangga, kabo i ti kere, i nyunu da casi wo lee, dama i wo wein nu wo. ¹⁴ Dama deke kere bo i nya fiteeri fofoe nu ti wein wo. Nyini ti ye ba se ka,

“Woro daafirifo ni, yasu
na a tenge u yiwee nu,
na Kristo dee wein n ta go u nu.”

¹⁵ Nyini ti, am si am nu sa na am si wo, má am wo kabo bo bu si má be n wo barasu ni, ama, am wo kabo minem bo bu la ngonle n wo barasu ni. ¹⁶ Sangga kere am boro am nyi na am suyo Nyeme juma, na má am tana ngbeen, dama ahin sangga n bo ya wo nu ni, satieyo asunnu agaya. ¹⁷ Nyini ti, má am yo ka sinnzinm, ama, am boro am nyi, na am si deke bo Mibie n koro ka am yo i. ¹⁸ Má am nu nzan bo, dama nzan saaki sono tii wo, ama, am ma Awiewie Casi n wo am do sangga kere. ¹⁹ Am fa Nyeme noaniem bo bu wo kansu jue kerewam n n fa di jue ma am benggu, na am di jue n bo Awiewie Casi n kere am, na am di jue kansu Nyeme am ahore su. ²⁰ Am da ya Si Nyeme asi sangga kere, fa ko deke kere su, ya Mibie Yesu Kristo dee ti.

Nbaram ni bu hunn jore

²¹ Am soro Kristo n dee ti, am de am benggu noanie. ²² Nbaram, am de am hunn noanie kabo am de Mibie n noanie barasu ni. ²³ Dama bieso la yiko nie i yi su, kabo Kristo la yiko nie i jama n su barasu ni. Kristo jama n ti i njuniembaa a, yiri ni i tii, ti

bu Tiidefo a. ²⁴ Kabo Kristo jama de i noanie barasu ni, so ye i ti ye ni ka nbaram de bu hunm noanie deke kere nu n a.

²⁵ Nbiesom, am koro am yim kabo Kristo koro i jama n na i toori i ngoo wu maari bu barasu ni, ²⁶ adena i yo bu casi wo. Nyeme noanie n bo bu tiiri i ni, ye bu bieseri bu Nyeme nzue yiiri satie kere bo i wo bu ahore su a, ²⁷ adena i fa bu bo i ngu su na bu wo i do, na bu yo nyumi agaya, na bu yo casi na bu la ma fin be wara bu la ma ngasi be, na be koro jaraki ma bu. ²⁸ So ye i ti ye ni ka nbiesom koro bu yim kabo bu koro bu ngu barasu n a. Dama bieso kere bo i koro i yi koro i ngu wo lee. ²⁹ Sono be wo ma bere bo i koro ma i ngu, ama, sono kere nie i ngu su wo nyunyumi, kabo Kristo nie i jama su barasu ni, ³⁰ dama ya kere ti Kristo nuniembaa n wo lee. ³¹ Ba kere i Nyeme Jore Kadasi n nu ka, "Nyini dee ti, bieso yaki i si, ni i ni, na i fa i ngu mata i yi, nyini sanja bu mine nnyo n ayo deke kun lee."

³² Asiri nu jore bambaka be wo ahin noanie n nu, na ma ngu i la ka, i sukan fa ko Kristo ni i jama n jore wo. ³³ Ama, jore n bo m koro ka m se am n la ka, i ti ye ni ka bieso kere koro i yi, kabo i koro i ngu ni, na bara kere bu i hun.

6

Nbaatumam ni bu wufom jore

¹ Nbaatumam, am de am wufom noanie, Mibie n dee ti, dama nyini ti kpa a. ² Ka, "Bu u si ni u ni." Ahin n ti Nyeme noanie maawa ciciri su bo Nyeme bukaari su seeri ka nzen a yoori so, i ma u deke kpa, ³ ka, "Nyini ma a ngu u ngu fie a, na u ngoo ko tintiin durunya n nu fen a."

⁴ Nbaasim, ma am yo sa bo i ye am nbaam yaa su. Ama, am ta bu ataari bo i ti kpa, na am tu bu fo fa ko Mibie n dee atin n su.

Akoom ni bu mibiem jore

⁵ Ambere bo am ti akoom ni, am de am mibiem bo bu wo durunya n nu fen n noanie, na am soro bu ahore, na am yo deke kere bo bu nga am yo i ni am ahorembaa kun, kabo am yo ma Kristo barasu ni. ⁶ Ma am yo ka bu nie am dee ti, na am koro ka am yo na bu kunnu jo am ngu, ama, am yo bo i sun Nyeme nu, ni am ahorembaa kun, ka am ti Kristo dee akoom ti. ⁷ Am yo am juma kere ma am mibiem ni ahorejo, ka am suyo ma ya Mibie Yesu wo, ama, ma ka am suyo ma adamande wo. ⁸ Nahore, ye m nga am si ka, sono kere bo i yoori i juma nahore su, Mibie ni to i mi nkatu, nzen i ti akoo o, wara i ti ma akoo o.

⁹ Ambere gusu bo am ti bu mibiem ni, am bita bu nyunyumi, ma am suwura bu sere. Ma am ma am wara fi ka am ni bere kere Mibie n bo i wo angoro n ti kun wo. I tambu ma nu.

Biesoya nejge bo Nyeme afa ama ya n jore

¹⁰ Jore n bo wo ka n la ka, am ma Mibie n ma am fanja fa ko i yiko bambaka n bo i la i n su. ¹¹ Am fa biesoya nejge n kere bo Nyeme afa ama am n sana, adena am ba koro jina kenken na am kunma Sitana ngonletie kere bo i fa dadaka am ni. ¹² Dama ma ya ni adamande kun lue n a, ama, ya kun lue n ni Sitana ni yikofom barasu barasum kere bo bu wo angoro ni, ni bo bu la yiko bita minem bo bu wo awosin nu durunya n nu fen n wo. ¹³ Nyini ti, am fa biesoya nengem bo Nyeme afa ama am sana, adena sanja kere bo Sitana ba kun am lue, am koro kete i na am kunma i nahore su, na am jina kenken. ¹⁴ Nyini ti, am kpa am ngu, na am jina kenken, na am fa nahore fa yo ka dambara bo am wii nu, na am yo sa bo i ko atin su sanja kere, nyini kanda am a, ka bulaari peperepe bo am fa kanda am hoe su. ¹⁵ Na am ma labari kpa n bo i ma ahoreda n yo ka gbagbaa bo am koro fa wura jina kenken. ¹⁶ Am yoori nyini wieeri na am nya fa yarada yo deke bo am fa kanda de Sitana awiem kere bo i tu bu na bu je ka sin ni. ¹⁷ Am fa tiide n bo Nyeme afa ama am n yo ka bulaari kere bo am fa butu kanda am tii, na am fa Nyeme noanie n yo ka takobe bo Awiewie Casi n afa ama am. ¹⁸ Am yoori nyinim kere ni, am sere Nyeme ka i jina am sin buka am, na am susere i sanja kere, kabo Awiewie Casi n kere am ka am sere i barasu ni. Nyini dee ti, sanja kere am sere i so, ma am daafi, na ma am fa am ngu ji, na am susere Nyeme ma i minem kere. ¹⁹ Am sere Nyeme ma m, na sanja kere bo m nga m jojo, na Nyeme ma m noanie bo m jojo, adena m koro jojo ni ahoresi, na m koro teke m noo kan labari kpa n bo minem si ma i n jore n kere minem. ²⁰ Dama Yesu Kristo ayi m ka m yo i jaramasa na m kan nyini labari kpa n jore dee ti, ye m wo dansaraka nu n a. Nyini ti, am sere Nyeme na i ma m ahoresi, na m kan labari kpa n jore kere minem, kabo ma i ti ye ni ka m kan kere bu ni.

Awieeri su dee anse yoowa ni

²¹ Ya niwa Tikikusi bo ya koro i agaya na i la dabunju na i yo Mibie n juma n ni, yiri bá kan m nusu jore kere kere am, na am si kabo m woowa ti barasu. ²² Nyini deɛ ti, ye m susunma i am do a, adena am si kabo ya kere woowa ti barasu, na i ma am ahoresi. ²³ M sere ya Si Nyeme ni ya Mibie Yesu Kristo ka bu ma ya ninbaam kere ahoreda, ni koro, ni yarada. ²⁴ Nyeme buka ambere kere bo am koro ya Mibie Yesu Kristo n ni koro bo i la má awieeri ni.

Poolu kadasi bo i kere fa maari FILIPIYAFOM ni

¹ Mini Poolu ni Timoti bo ya ti Yesu Kristo akoom ni, yere sukere ahin kadasi n ma Nyeme minem bo bu wo Filipiya mie kpiri n nu ni, na ba de Yesu Kristo na bu ni yiri ayo kun ni, fa ko tu Kristo jama mofom, ni bu bukafom kere. ² Ya Si Nyeme, ni ya Mibie Yesu Kristo buka am kere na bu ma am ahoreda.

Kabo Poolu sereeri Nyeme maari Filipiyafom ni

³ Saŋga kere bo m ba tenge am jore su, m da Nyeme asi ma am wo. ⁴ Na saŋga kere gusu bo m sere Nyeme ma am, m sere i ni ahorejo, ⁵ dama fite ceen n bo am deeri Kristo labari kpa haari ba ju ni nyuma ni, am abuka m bo ma koro akan Kristo labari kpa n jore akere minem. ⁶ Nyini ti, m la ahoresi ka Nyeme wo am do, yiri boori i bu yoori nyini sakpa ni am nu a, yiri suyo i so a, haari ko ju ceen n bo Yesu Kristo ba kaaki ba ni.

⁷ Saŋga kere am jore wo m ahore su wo, nyini ti, kabo m sunsum fa ko am do ni, wo yo daka ka m yo so. Dama am kere abuka m fa ko juma n bo Nyeme afa ama m ka m yo i ni. Haari ni bo kisa m wo dansaraka nu ni, wara saŋga bo m nati m koroyanu ni, am bukaari m wo, na ma kan akere mine ka labari kpa n ti nahore wo, adena bu yo yarada nahore su. ⁸ Nyeme di m daani ka am sa wo m ahore su saŋga kere a, ka m koro am ni koro bo Yesu Kristo fa koro ya ni. ⁹ M nyemesere la ka, am sukoro am bengu buka su saŋga kere, na am susi Nyeme atin n kere, na am si nahore atin, ¹⁰ adena am si na am koro tambu yi deke bo i ti kpa nahore su, na am yo casi na am la ma ngasi be fa ko ceen bo Kristo ba kaaki ba ni. ¹¹ Na m susere Nyeme ka Yesu Kristo buka am, na am wo wo kpa, na am suyo sakpa saŋga kere, na mine nu i na bu kansi Nyeme na bu wura i kpiri.

Yesu Kristo dee ti ye m la ngoo a

¹² M ninbaam, m koro ka am si ka sa bo wo tu m na m wo dansaraka n nu ti ma tie, nyini ma labari kpa n akoro abara aye a. ¹³ Nyini dee ti, tintinijinafom ni minem kere bo bu wo fen n asi ka, m ti Kristo dee amususifo dee ti ye m wo dansaraka nu a. ¹⁴ M dansaraka n nu woowa n awura ya ninbaam dongu kperere kekereke Mibie n dee ti, wo ma ba nya ahoresi abuka su bo bu koro sukan labari kpa n jore saŋga kere na bu soro ma sere.

¹⁵ Nahore, koresi ni akuruwa se ti, ye bu nbem kan Kristo labari kpa n jore n a, ama, nbem gusu kan i ni akunnu fofoe wo. ¹⁶ Bere n bo bu yo i ni akunnu fofoe ni, Nyeme koro ti ye bu yo so n a, dama bu si ka Nyeme ma m wo fen a, na m tu ngoni fa ko Kristo labari kpa n jore su. ¹⁷ Nyingam ni, bu kan ma Kristo labari kpa n jore ni bu sunsumni kpa, ama bu bita anyii sunsumni wo, adena bu ma m di wahara dansaraka n nu.

¹⁸ Nyini n kere bo bu suyo i ni, i be mmoo kpie ma m daafiri. Ama, deke bo i yo m fi n la ka, bu ma Kristo labari kpa ni susandi bara ye buka su wo. Nzen bu kan ma i ni bu sunsumni kpa, wara bu kan i ni bu akunnu fofoe, m dee la ka, saŋga kere m ahore ti jooa. ¹⁹ Dama m si ka nyemesere bo am sere Nyeme ma m saŋga kere n ni buka bo m nya i fite Yesu Kristo Awiewie Casi n do ni, nyini ma m nya m ti a. ²⁰ M fa ahoresi ni tama yo m juma ni anyumboro saŋga kere, na ma nyinse ti m, adena nzen m wuuri, ni bo ma wu ma kere, m woowa koro ma mine kansi Kristo dee duma. ²¹ Mini do, nzen m la ngoo, Kristo dee ti a, nzen ma wu, i ti m kperere wo. ²² Ama, nzen m toko la ngoo ahin durunya n nu fen na m koro yo sa bo i kun kperere Nyeme do, nyini yiri, m si ma bo m yi ahin deke nnyom nu. ²³ Ma ka afien ni afien wo, dama m koro ka ma m wu wo na m ko wo Kristo do, m nu ka nyini n ti ye tara durunya n nu fen bo m wo ni. ²⁴ Ama, nzen m kaaki nie bekun a, ambere dee ti, i ti ye ni ka ma m wu, ama, m wo ni m ngoo durunya n nu fen. ²⁵ To. Nyini dee ti, m si tenle su ka m wu ma kisa, m wo bere wo, na m buka am na am koro yo Kristo yarada ni nahore, na am ahore jo. ²⁶ Adena nzen m ba kaaki ba nierei am busu bekun, nyini saŋga, am la deke bo am koro fa kansi Yesu Kristo, fa ko sa n bo wo yo ama m ni.

²⁷ To, kisa, jore kere bo i wo bere la ka, am ma am woowa ti kabo Kristo labari kpa n kere ka am wo barasu ni, na nzen m ba koro ba nierei am busu, wara ma koro aba ma n kere, na m ti am jore ka Awiewie Casi n ma am la jinakunso, na am la sunsumni kun ni anoose, suboro am nyi sutu ngoni kan Kristo labari kpa n jore kere minem na bu yo yarada. ²⁸ Na ma am soro sere fa ko am kporom do, am ma am ahore ti siiwa saŋga kere, nyini ma bu nu nu na bu si ka bu ka ngbeen a, ama, ambere yiri, am nya tiide,

dama Nyeme má am nyá tiide a. ²⁹ Dama Nyeme ace am aceeri Kristo deɛ ti, ka am yo Kristo yarada, má nyini ngumi, ama, am kaaki di wahara ma i. ³⁰ Nyini ti, kisa am koro buka m na ya kere kun nyini lue ni. Yiri ye am yo nyuuri ka m tu i ngoni n a, ye kisa am ti ka m toko tu i ngoni n a.

2

Kabo Yesu Kristo yikofɔ n yoori i nyu kaan barasu ni

¹ Kristo wo am nu n deɛ ti, yiri ma am ahore si a, na i deɛ koro bo i fa koro am ni, da am ahore. Am ni Awiewie Casi n la wo fie, am yo sakpa na am si am beɗgum anjunfo. ² Nyini deɛ ti, m sere am wo, jande, am kere fa sunsunni kun, na am koro am beɗgu, na am fa anɔɔse, na m ahorejɔ kɔ sin su. ³ Má am sunsun kabo am yo na ambere ngumi nya i, má am wura am nyu kpiri, ama, am yo am nyu kaan, am bu am beɗgu ka bu tara am. ⁴ Má am nie kabo am yo na ambere ngumi yo ye, ama, am nie kabo am yo na am beɗgum gusu yo ye. ⁵ Am ma am sunsunni ti kabo Yesu Kristo deɛ ti barasu ni. ⁶ I woowa ti kabo Nyeme woowa ti n wo sangga kere, ama, wo se má cɛn be ka i tú ngoni wura i nyu kpiri na i ni Nyeme se, ⁷ ama, i keteeri nyini n kere bo má i ti i deɛ n wo, na wo fa i nyu ayo akɔɔ, na wo kaaki adamande. I woowa ti kabo adamande woowa ti barasu n wo, ⁸ i yoori i nyu kaan wo, na wo de Nyeme noanie ni, haari na wo wu yiwee tie, yiri la bo bu kpamaari i baka jaanu n su ni. ⁹ Nyini deɛ ti, ye Nyeme awura i kpiri agaya aye i su angoro ama i duma bo i tara duma kere n a, ¹⁰ adena mine ni deke kere bo bu wo angoro, ni bo bu wo durunya n nu fen, ni bo bu wo asien bu n tiiri Yesu duma ni, bu kútu i na bu sú i. ¹¹ Na sɔno kere teke i noɔ kan ka Yesu Kristo ti deke n kere Mibie a, nyini wura ya Si Nyeme kpiri a.

Am ma ya woowa ta wein durunya n nu

¹² Nyini deɛ ti, m ninbaa koroowam, am yo deeri m noanie n wo sangga kere, kisa bo m wo má am do ni, nyini ti ye ni ka am de m noanie n tara kabo m yo wo am do n a. Tiide n bo am anya i n deɛ ti, am yo Nyeme juma n ni anyumboro, bo i kere ka am anya tiide, na am soro Nyeme. ¹³ Dama Nyeme suyo i juma am ahore su a, na i ma am de i noanie ni, na am yo i koroowa. ¹⁴ Deke kere bo am yo i ni, má am nyuɗuti na am se akuruwa, ¹⁵ adena am yo mine casim bo be koro jaraki má am, na am yo Nyeme nbaam bo am la má ngasi be na am ma am woowa ti wein, na am wo nyumafɔ satieyofɔ ngbeɛn m n nu, na am ta ka asambaam. ¹⁶ Na am bita Nyeme noanie ni, yiri ma minem ngɔɔ a. Nzen am yo so, nyini ma m koro bo m hoe fa kɔ am woowa n su a, cɛn n bo Kristo bá kaaki ba ni, na m si ka juma n bo m yiiri anyumboro yoori am nu ni, aka má ngbeɛn. ¹⁷ Kabo am ayo Kristo yarada, na am sukun am nyu yo i juma n ni nahore su ni, na haari nzen m wuuri mmɔɔ na am yarada buka su, m ahore ti jɔɔwa, na i yo m ni ambere kere fie, ¹⁸ am gusu ma am ahore jɔ kabo m ahore ti jɔɔwa barasu ni.

Timoti ni Ipaforoditosi jɔre

¹⁹ Nzen ya Mibie Yesu soro su, m la ahoresi ka i ce má, m súnma Timoti am do na i ba nie am busu, na i ba kaaki baari, na m gusu ti kabo am wo ti na m ahore da. ²⁰ Deke bo i ti na m sunma i am do n la ka, be cece wo má am nu, yiri ngumi ti bo i buka m su bo i cece wo am nu a. ²¹ Bo ba n kere, bu cece wo má Kristo juma n nu, se bu cece wo bu sa koroowam nu a. ²² Ambere mmɔɔ ni am tii si ka Timoti woowa kere kabo i su Nyeme atin n su ni nahore su, na am si ka m ni yiri sangga yo juma kabo baa ni i si bo su yo juma n wo, adena mine donɗu de labari kpa ni na bu yo yarada. ²³ Nyini ti, nzen m nyuuri m jɔre n kere nyaari, m súnma i kisa bere na i ba nie am busu. ²⁴ Nzen Mibie n soro su, m la ahoresi ka i ce má, mini mmɔɔ ni m tii bá nie am busu.

²⁵ Ma nyu ka, i ti ye ni ka m súnma ya niwa Ipaforoditosi am do. M ni yiri sangga yo juma na ya ti ka sojam bo bu buka bu beɗgu lue n nu wo, ya Mibie Yesu deɛ atin su. Na ambere ni am tii sunmaari i m do, na wo ba abuka m ni deke kere bo m koro ni. ²⁶ I wara ado am, ka i ba nie am busu, i ahore akaaki asaaki, dama am yo tiiri ka wo da tukpaki. ²⁷ Nahore, i tukpaki m wuraari i, kaan so, má wo wu. Ama, na Nyeme asi i anjunfo, má yiri ngumi, m ni yiri kere, adena má m ahore saaki buka su. ²⁸ Nyini deɛ ti, ye m koro ka i ba am do ndende, na am nyu i na am ahore kaaki jɔ beken, na má m ahore saaki kun. ²⁹ Am de i ni am saa nnyo ni ahorejɔ, Mibie n deɛ ti. Na am bu minem kere bo bu woowa ti kabo i woowa ti barasu ni. ³⁰ Dama Yesu Kristo deɛ juma n deɛ ti, i yo tɔori i ngɔɔ o, má wo ka kaan so na i wu. I yoori so ni, adena i buka m na i yo deke n bo am akoro ayo má i ni.

3

Sɔnɔ bo i yo sa bo i kɔ atin su Nyeme dɔ nahɔre su

¹ M ninbaam, jɔre bo i wo bere la ka, am ma am ahore jɔ kabo am ni Mibie n ayo kun ni. I ti ye ni ka m kaaki kere na m tenge am su fa kɔ kabo m yo kere seeri am ni, dama i ti deke bo i buka am wɔ, na má am wura kekereke nu. ² Am si am ɲu sa, ni minem bo bu ti satieyofom na bu ti ka caam ni, na bu ɲa nzen sɔnɔ awura má kenkenne, i nya má tiide ni. ³ Yere ti Nyeme minem bo ba wura kenkenne nahore su a, má bere, dama Nyeme Awiewie Casi ni buka ya ye ya koro su Nyeme na ya la ahorejɔ a, fa kɔ kabo ya ni Yesu Kristo ayo kun ni. Nyini ti, ya daafi má sayoowa be ɲu fa kɔ aɲuniembaa su.

⁴ Mini ni m tii, má m la atin bo m koro se ka m daafi m ɲu fa kɔ sayoowam su. Nzen be ɲa i la atin, na i daafi i ɲu fa kɔ nyini sayoowam su, má m koro se ka, m la atin tara i mi fieo. ⁵ Bu wuuri m ni, m lemocue cɛen bu wuraari m kenkenne wɔ. M ti Yisarelifo baa a, na m fite Benjamin deɛ lee ano n nu wɔ, na m ti Hiburufom anuma a nahore su. M yo ti Farasifom kun wɔ, na m su Nyeme noanie kpamaawa n su kabo i ti ye ni ka bu su i su barasu ni. ⁶ M yo bita i ni anyumboro wɔ, kabo m yo na m kere Kristo jama n wuwuruwa ni. Fa kɔ kabo sɔnɔ de Nyeme noanie kpamaawa n na i su i su nahore su, mini la má ɲgasi be. ⁷ Ama, nyini deke n kere bo m yo buuri bu ka bu la kperɛ ma m ni, Kristo deɛ ti, ma ɲu ka bu kere ti ɲgbɛen wɔ kisa. ⁸ I ti nahore wɔ ka, ma ɲu ka deke n kere ti ɲgbɛen wɔ, adena m koro si m Mibie Yesu Kristo, yiri tara deke n kere a. Yiri deɛ ti, ma yaki deke n kere bo m yo yoori bu n ka bu ti ɲgbɛen wɔ. M nie bu kere ka wura a, adena m koro de Kristo ni m saa nnyɔ, ⁹ na m ni yiri yo deke kun nahore su. Kisa m koro se má ka m yo sa bo i kɔ atin su Nyeme dɔ, kabo Nyeme noanie kpamaawa n kere ni, ama, kisa, kabo ma yo Kristo yarada n deɛ ti, ye Nyeme de m ka m yo sa bo i kɔ atin su i dɔ a. Deke n bo i ma i de m ka m yo sa bo i kɔ atin su i dɔ n la bo ma yo i yarada n wɔ. ¹⁰ Deke bo m koro i n kere la ka, m sí Kristo, na m nyá i yiko n bo i koro tengeeri i yiwee n nu ni, na m dí i deɛ wahara n bo i diiri n be, na m wú i deɛ yiwee n be. ¹¹ Nyini ma m la tama ka mini gusu tɛɲge m yiwee nu a.

Kabo ya boro ya nyi na ya nya Kristo aceeri ni

¹² M suse má ka ma du mɔ aju su na m ti kabo Nyeme koro ka m ti ni, wara ma du mɔ ayo casi wɔ, ama, m toko boro m nyi wɔ, adena m nya deke n bo i ti na Yesu Kristo afa m ayo i deɛ sɔnɔ ni. ¹³ M ninbaam, mini ni m tii suse má ka ma ju su kabo i koro ka m woowa ti barasu n wɔ, se deke kun ye m nyunu aboro i su a, m wara afi dekem kere bo m yo yoori bu n sa, ama, m sukoro ka m boro m nyi wɔ, na m saa kan deke n bo i wo m nyunu ni. ¹⁴ Nyini ti, m mie m nyi wɔ na m kɔ m nyunu, adena m kɔ ɲu i awieeri, na m nya aceeri n bo Nyeme afere m ama m ɲgɔɔ i dɔ ni, Yesu Kristo deɛ ti. ¹⁵ I ti ye ni ka yere kere bo ya yarada ti biiwa ni, ya nyunu boro fa kɔ nyini dika. Na nzen am sunsunni ba woori i ɲgungumi, fa kɔ i noanie n su, Nyeme yí i nyi kere am, na am tí i bu. ¹⁶ Ama, bo i wo bere la ka, kabo ya bita Nyeme atin ba ju haari ni nyuma ni, am ma ya toko bita i sɔ.

¹⁷ M ninbaam, am ma am woowa ti kabo m deɛ n ti barasu ni. Woowa kpa n bo ya du mɔ afa akere am ni, am nie minem bo bu bita nyini woowa kpa n ni, na am sɔn bu su. ¹⁸ Dama sanɲa kere m nati se am ka, nbem woowa kere ka bu ti Kristo kpofom wɔ, fa kɔ i yiwee n bo i wuuri i baka jaanu n su ni. Ye kisa m kaaki suse am bekun ni nyunvuin n a. ¹⁹ Nyini minem sɔ, bu nyeme la bu kunnu wɔ, na deke bo má i ti bu nyinse ni, bu fa nyini fa yo yanfoya. Bu sunsunni kere wo durunya n nu fen nengem ɲgumi sɔ a, nyini ti, bu awieeri, bu ká ɲgbɛen wɔ. ²⁰ Ama, yere yiri, ya ti Nyeme dika n bo i wo aɲgoro n nu nbaam wɔ, ye ya sunminda ya Mibie Yesu Kristo, ya Tiidefo ni, ni anyumboro, ka i fite Nyeme dika n bo i wo aɲgoro n nu ba. ²¹ Na i bá kaaki ya ahin aɲunie n bo i wú ni, na i má i yo aɲunie fɔfɔre barasu be bo i ti kabo i deɛ aɲunie woowa n bo i la jirima ti barasu ni. I fá i yiko n bo i fa nie deke n kere su ni fá yo nyini kere a.

4

Kabo Pɔɔlu tuuri bu fɔ ni

¹ M ninbaam, m koro am agaya, na m ahore abi ka m ɲu am ni, amberɛ ti, ye m ahore ti jɔɔwa sanɲa kere a, amberɛ ti m kperɛ bo ma di i m jumayoowa n nu a. Nyini ti, am bita Mibie n deɛ atin n ni nahore su. ² Yuwodiya, ni Sintiki, m sere am wɔ jande, ka, am fa anɔɔse, dama am ti nibaam wɔ, Mibie n deɛ ti. ³ Tɔ, wɔrɔ gusu bo a ti m matafo nahore su ni, m sere u wɔ, ka, a buka nyini nbara nnyɔm ni, dama bere yiri anyumboro bukaari m, ye ya kaanri labari kpa n jɔre n a, fa sanɲa ni Kerementi, ni nyingam bo m ni bere sanɲa yo juma ni. Nyeme akere bu kere duma awura ɲgɔɔ kadasi n nu. ⁴ Ya

Mibie n dɛɛ ti, am ma am ahore jɔ sanɔa kɛrɛ, m kaaki suse am bekun wɔ ka, am ma am ahore jɔ. ⁵ Am ma sɔnɔ kɛrɛ nɔ ka am ti bɛnlɛ, dama Mibie ni káaki ba kisa. ⁶ Má am koko fa kɔ deke be su, ama, am kan am sa bo i ti am miɛɛwa kɛrɛ fa kere Nyeme sanɔa kɛrɛ, na am sere i, na am da i asi am ahore su. ⁷ Am yoori sɔ, Nyeme má am ahoreda bo i la má anɔsu, na i súnie am dika fa kɔ am ahore su ni am sunsunni nu, dama am ni Yesu Kristo ayo kun n dɛɛ ti.

⁸ M ninbaam, jɔrɛ n bo wɔ ka n la ka, am ma am sunsunni kɛrɛ wo dekem bo bu ti kpa, na bu la kansu n su. Bere la deke bo i ti nahɔrɛ, ni bo i la anyunuyi, ni sa bo i kɔ atin su, ni bo i ti casi, ni bo i ti koro sa, ni bo i la jirima. ⁹ Dekem bo am sɔnsɔn bu fiteeri m dɔ ni, ni bo am deeru m dɔ ni, bɛrɛ la m nɔanis ni, ni m sayoowa ni, am su bu su na am fa yo juma. Nyeme la ahoreda, yiri wó am dɔ a.

Kabo Pɔɔlu yoori bu anse fa kɔ bu buka n su ni

¹⁰ Ya Mibie n dɛɛ ti, m ahore ajɔ ako asin su, dama wɔ ɛɛ bo m ti má am nɔga, ama, kisa am akaaki akere ka am ɛɛɛ wo m nu. M si ka sanɔa kɛrɛ am ɛɛɛ wo m dɔ, se kabo am yo na am buka m n ye am anya má atin a. ¹¹ Bo m suse sɔ ni, i ti má ka deke be miɛ m wɔ ye m sukan sɔ n a, dama nzen m la i, ni bo m la má i kɛrɛ, m si kabo m tara m nɔ na m wo barasu. ¹² M si kabo yaari ti sɔnɔ na i ti barasu, na m kaaki si kabo sɔnɔ nya i agaya na i ti barasu. Deke kɛrɛ bo m wo, na sa be atu m, nzen m di na m kunnu yi o, wara nzen m da ahɔɛ o, nzen m la nenɔge beberebe o, wara i ti kaan o, m si kabo m tara m nɔ barasu na m nyunu yi i. ¹³ Yesu Kristo maari m fanɔa n dɛɛ ti ye m koro yo deke n kɛrɛ a.

¹⁴ Ama, am ayo sakpa, kabo miɛ tuuri m na m ni ambere kɛrɛ sanɔa di wahara ni. ¹⁵ Ambere Filiphiyafom si ka fite sanɔa bo m boori i bu ba kaanri labari kpa n jɔrɛ kereeri am ni, nyini sin, na m ba fiteeri Makedoniya awɔrɛ n nu ni, Kristo jama kun n kpein be mmɔɔ ace má m aceeri be, má ka ambere nɔgumi ceeri m aceeri a. ¹⁶ Sanɔa bo m toko wo Tesalonika miɛ kpiri n nu ni, na miɛ tuuri m ni, am yo sunmaari m dɔ ni aceeri kpe nnyo. ¹⁷ I ti má ka m koro ka sanɔa kɛrɛ m sude aceeri fite am dɔ ɔ, ama, m koro ka am yo sɔ, na Nyeme yo am kisi. ¹⁸ Deke n kɛrɛ bo am fa sunmaari m dɔ ni, m saa akan i, am ace m atara kabo má m koro ni mmɔɔ. Kisa m koro má pui kun, dama Ipaforoditosi afa am aceeri n kere aba ama m. I ti ka yoowa bo ba yo i ama Nyeme na wɔ sun i nu ade i ni akunnujo wɔ. ¹⁹ M Nyeme Feme ni, yiri la nenɔge ni ajeke kɛrɛ a, i kɛrɛ wo Yesu Kristo dɛɛ jirima nu wɔ, i má am deke kɛrɛ bo am fun i. ²⁰ Ya Si Nyeme ni, yiri ti ye ni ka ya kansu i sanɔa kɛrɛ sanɔa. Ami.

Kabo Pɔɔlu yoori bu anse awieeri su ni

²¹ Am bisa Nyeme minem kɛrɛ dɔnɔgu ma m. Bere ti Yesu Kristo dɛɛm a. Ya ninbaam bo bu wo m dɔ fen n bisa am kɛrɛ dɔnɔgu. ²² Nyeme minem kɛrɛ bisa am dɔnɔgu, maala bo bu yo juma Romafom Feme Kpiri Siza dika ni. ²³ Ya Mibie Yesu Kristo buka am kɛrɛ.

Pɔɔlu kadasi bo i kerɛ fa maari KOLOSIYAFŌM ni

¹ Mini Pɔɔlu bo Nyeme dɛɛ koroyanu na m ti Yesu Kristo jaramasa ni, m ni ya niwa Timoti ² sukere ahin kadasi n ma Nyeme minem bo wɔ yi bu Kolosiya mie kpiri n nu n a, na bu ti ya ninbaam bo bu su Kristo su nahore su ni. Ya Si Nyeme buka am na i ma am ahoreda.

Kabo Pɔɔlu sereeri Nyeme na i daari i asi ni

³ Saɗga kere ya sere Nyeme ma am wɔ, yiri ti ya Mibie Yesu Kristo Si a, na ya da i asi fa kɔ kabo am woowa ti barasu n wɔ, ⁴ dama ya ti kabo am ayo Yesu Kristo yarada, ni kabo am koro Nyeme minem kere barasu ni. ⁵⁻⁶ Deke n bo i ti na am yoori sɔ n la ka, am la ahoresi ka am nyá deke n bo Nyeme afa ase angoro ka i fá ma am ni. Am du mɔ tiiri nyini ahoresi n jore saɗga bo minem ba kaanri labari kpa n bo i ti nahore n jore kereeri am n wɔ. Labari kpa n bo am deeri i ni, wɔ tereki abara aye durunya n kere, mine ade i, bu suyo sakpa durunya n kere nu. Fite saɗga bo am tiiri i ni, am deeri i ye am siiri sakpa n bo Nyeme ayo ama am ni nahore su n a. ⁷ Ya lamokɔ akoo Ipafarasi bo ya koro i ni, yiri du mɔ kereeri am ahin labari kpa n a. Yiri ti Kristo amususufɔ bo i la dabunɔ na i yo i juma buka am a, ⁸ yiri seeri ya kabo Nyeme Awiewie Casi n abuka am na am koro minem barasu n a.

⁹ Nyini ti, fite cɛɛn bo ya tiiri kabo Nyeme ayo sakpa n ama am ni, saɗga kere ya sere Nyeme ma am wɔ, ka i ma am si nahore su kabo i koro ka am yo barasu ni, na i kaaki ma Awiewie Casi ma am nya si ni alecira barasu kere. ¹⁰ Nyini ma am koro wo kabo i ti ye ni ka Ya Mibie minem wo barasu n a, na am yo kabo i koro n kere, na am yo sakpa barasu barasu kere, na am si Nyeme nahore su buka su. ¹¹ Ya kaaki sere Nyeme ka i ma i jirima ni i yiko n bo i la má anjusu n ma am faɗga barasu kere, na am koro mindi, na am la sawore fa kɔ kekereke kere bo i tu am, ni ahorejo. ¹² Na am da ya Si Nyeme asi, dama yiri ama am ayo minem bo am aju su ka am saɗga nya deke n bo i fá ma i minem bo bu wo wein n nu ni. ¹³ Yiri ye wɔ yi ya afite awosin dɛɛ femeya yiko n kere nu, ye wɔ fa ya awura i Wa koroowa n dɛɛ femeya n nu a. ¹⁴ Yiri Kristo dɛɛ ti, ya nya tiide, ye wɔ fa ya satie ace ya.

Kabo Kristo woowa ni i juma ti barasu ni

¹⁵ Kabo Nyeme bo ya ɗu má i n woowa ti ni, yiri Kristo woowa ti sɔ o, yiri ti Nyeme Wa kpian n bo i ti deke kere bo Nyeme ayi bu n ti a. ¹⁶ Yiri ye Nyeme maari i yiiri deke kere bo i wo angoro ni asiɗgu n a, ni dekem bo ya ɗu bu, ni bo ya ɗu má bu ni, ni yikofom kere, ni nfaɗgafom, ni nfemem kere. Nyeme maari yiri yiiri deke n kere a, adena deke n kere wura i kpiri. ¹⁷ Yiri du mɔ woori bere wɔ ka, ye Nyeme nya ba yiiri deke n kere a. Yiri ma deke n kere toko wo bere a. ¹⁸ Yiri ti i jama n kere ti a, ye i jama n ti i ɗuniɛmbaa ni, yiri ti i jama n bumboori a, yiri ye Nyeme adu mɔ atenge i yiwee nu a, adena i yo deke n kere bo Nyeme ayi bu n mofɔ. ¹⁹ Dama wo sun Nyeme nu ka, i dɛɛ woowa kere wo i Wa n nu. ²⁰ Na Baa n dɛɛ ti ma Nyeme akoro akaaki deke n kere bo bu wo angoro ni asiɗgu ama bu ni Nyeme ayo kun, i mbunja n bo i fiteeri i ɗunie nu baka jaanu n su ni, ayo bu ni Nyeme afien dɗɗu a.

²¹ Amberɛ, saɗga be, am yo woori dede ni Nyeme wɔ, am yo ti i kpɔfom wɔ, dama am yo yo satiem wɔ, na am sunsunni ti má kpa, ²² ama, kisa i Wa n woori ka adamande wɔ, na i wuuri baka jaanu n su ni, nyini ma am ni yiri ayo kun a, adena i yó am casi, na má be koro jaraki am, na am lá má ɗgasi be Nyeme do. ²³ Ama, i ti ye ni ka am subita yarada n bo am la i kenken saɗga kere, na má am yaki i, má am ma deke be kanda am fa kɔ kabo am tiiri labari kpa n bo i maari am yoori i tama n jore ni. Nyini labari n ye bu kaanri i jore durunya n kere nu n a, ye mini Pɔɔlu mmɔ ti i amususufɔ, ye m kan i jore n a.

Kabo Pɔɔlu yo juma ma Kristo jama n barasu ni

²⁴ Ama, kisa wɔ yo m fie kabo m sudi wahara amberɛ dɛɛ ti ni, na wahara n bo m di i m ɗunie n nu ni, m sudi i sɔ haari m kɔ wie i, kabo Kristo gusu diiri wahara ni, m dí i ma i jamam bo bu ti i ɗuniɛmbaa n wɔ. ²⁵ Nyeme ayi m ka m yo Kristo jama n amususufɔ a, ye wɔ ma m ahin juma n ka m yo buka am a. Nyini la bo i ja m kan i noɗɗie n kere pepere kere am ni. ²⁶ I ti jore bo Nyeme yo fa fiɛeri dawafom kere su wɔ, ama, kisa wɔ fa i akere i minem bo wɔ yi bu ni. ²⁷ Bere ye Nyeme koro ka i kere bu jore

bo i wo fiēewa nu n a, yiri la alekutura sa bo i la má aṅusu na i koro ka i yo ma ambere bo am ti má Yudafoṃ ni. Yiri la ka, Kristo wo am nu, na am la ahoresi ka am nyá i dēē jirima woowa n be. ²⁸ Ya kan Kristo jōrē kere sōnō kere wō, na ya kere bu na ya bōbō bu, ni alecira bo wō fa ama ya ni, na bu ba i dō ba su i ka minem bo bu nyunu ati Kristo dēē atin su. ²⁹ Nyini dēē ti, ye m yo ahin juma n ni anyumboro n a. I dēē yiko n bo i la má aṅusu ni ma m fanḡa ye m koro yo juma n a.

2

¹ M koro ka am si kabo m tu ṅgoni yo juma n ni anyumboro ma ambere, ni Lawodikayafōm, ni minem bo bu nya si má m ni. ² M koro ka m yo sō na i wura am kperē kekereke, na am la aṅōsē, na am koro am benḡu ni nahōre su, na am si Nyemē nahōre su, na am de i nōaniē ni, na i ma am ahorejō, na am si jōrē n bo Nyemē yo fa fiēeri ni. Yiri la Yesu Kristo. ³ Yiri ṅgumi ti bo i koro ma ya alecira ni si kere fa kō Nyemē jōrē n bo i wo fiēewa nu wo i dō ni.

⁴ M koro má ka be fa aṅōfiēfiē daka am, nyini dēē ti, ye m se am sō n a. ⁵ Haari ni bo m wo má am dō ni, m sunsunni yiri wo am dō, kabo am ayo Kristo yarada nahōre su na am la aṅōsē bita i atin kenken ni, nyini ayo m fiēfiē agaya.

Am ma am woowa ti kabo Kristo dēē ti ni

⁶ Kabo am asoro su ade Yesu Kristo ka am Mibiē ni, am ma am woowa ti ka minem bo bu ni yiri ayo kun ni. ⁷ Am bita i kekereke, na am subuka su fa kō Nyemē atin su, na am ma am yarada yo biiwa nahōre su kabo ba kere am ni. Na am suda i asi agaya.

⁸ Am si am ṅu sa, na má be fa adamande ṅḡonle, ni sa ṅḡbēen be dadaka am na am su bu su. Bere la adamande kereewam, ni durunya n nu satie yoowam bo bu fa kere minem na i ti má Kristo dēē kereewa ni. ⁹ Dama Nyemē dēē woowa kere wo Kristo dēē ṅuniē n nu wō. ¹⁰ Kabo am ni yiri ayo kun ni, nyini ma am anya deke kere pepere a. Yiri ti yikofōm, ni nfanḡafōm kere ti a.

¹¹ Kabo am ni Kristo ayo kun ni, nyini kere ka am awura kenkenne nahōre su a, má aṅuniēmbaa su yoowa bo adamande yo i ni, ama, yiri la bo Kristo ayi am satie n kere ni. ¹² Saṅḡa bo bu biēeri am Nyemē nzue ni, i kere ka ba saṅḡa ase am ni Kristo wō lēē, na am ni yiri asaṅḡa atēṅḡe i yiwee n nu lēē, dama am la yarada ka Nyemē dēē yiko n nu ye wō tēṅḡe Kristo i yiwee n nu a. ¹³ Saṅḡa be, am yo ti fuinm wō, dama am ti satieyofōm wō, na am ayo awura má kenkenne na am su má Nyemē. Ama, kisa Nyemē ama am ni Kristo asaṅḡa anya ṅḡōō fōfōrē. Wō fa ya satie kere ace ya. ¹⁴ Satie kere bo ya yo yoori na ba kere i ka i ti ṅgasi jōrē ni, Yesu yiwee n bo i wuuri baka jaanu n su n dēē ti, wō ṅmisi ayi nyini ṅgasi sa n kere, ¹⁵ na wō kunma yikofōm ni nfanḡafōm kere, awura bu nyinse fofoe nu.

¹⁶ Nyini ti, má am ma be jaraki am fa kō sayoowa be su, kabo am yo fa kō diire diiwam ni bu ciirem, wara deke nuuwam ni bu ciirem, wara cēenkpiri ciirem, wara sara fofore ciire yoowam, wara ṅumiyi cēen n ciirem. ¹⁷ Nyini yoowam kere ferema ni deke n bo i suba n wō, yiri la Kristo. ¹⁸ Am si am ṅu sa ni minem bo bu ṅa ba ṅu deke yikereewa nbem, na bu yo bu ṅu ka bu ti tarakam, na bu su merekem ni. Adamande dēē sunsunni nu kpirikoro la nyini n kere bo bu yo sō ni. Má am ma bu ṅu am ṅgasi be. ¹⁹ Nyini minem sō da má Kristo bo i ti i jama n tii n ṅu. I jama n ti i ṅuniēmbaa a. Yiri niē i ṅuniēmbaa barasu barasu n kere suyo i kun a, na i ma i wura i benḡu nu, na i sasa suyo fanḡa, na i buka nyemesu atin su, kabo Nyemē koro ni.

²⁰ Kabo am ni Kristo asaṅḡa awu ni, am anya am tii afite durunya n nu satie yoowam kere nu. Nzu ti ye am su bu nyini ciirem su a? ²¹ Bo bu ṅa, má am tara ahin, má am di ahin, ni bo bu ṅa má am fa am saa kan ahin dekem ni. ²² Nyini ciirem kere ti adamande dēē kereewam wō, nzen sōnō suuri bu su, bu kere kaari ṅḡbēen wō. ²³ Nyini ciirem ni, mine sunsun ka bere n bo bu su nyini n kere su n ti alecirafoṃ wō, ama, bu ti má alecirafoṃ, bu su dekem bo bu ahorembaa koro ni su a, na bu yo bu ṅu taraka, na bu sukere bu ṅu wahara, ama, nyini n kere bo bu yo i ni, bu koro tara má bu ṅu fa kō adamande konviki dika.

3

Woowa dawa n ni woowa fōfōrē n jōrē

¹ Nyini ti, kabo am ni Kristo asaṅḡa atēṅḡe i yiwee n nu ni, am ma am ahorembaa kere wo dekem bo bu wo aṅgoro n su, dika n bo Kristo tana Nyemē saa fōmbōrō su ni. ² Am ma am sunsunni kere wo dekem bo bu wo aṅgoro n su, ama, má dekem bo bu wo durunya n nu fēn ni. ³ Dama am ni Kristo asaṅḡa awu wō, ye am ni yiri ayo kun a, ye

Nyeme afa am ni yiri ngɔɔ afie yiri ni i tii dɔ a. ⁴ Kristo ti am ngɔɔ nahɔre su a, i ba baari, am ni yiri kere sɔngga fite a, na am nyá i jirima woowa ni.

⁵ Nyini deɛ ti, am yaki am nɔniɛmbaa sa koroowa kere, má am yo sakaraya, am yaki dangba sayoowam, am yaki konviki ngbɛɛngbɛɛn, má am ma am nyunu boro satieyo su. Má am ma am nyunu boro nenjge kpini su, sɔnɔ kere bo i yo sɔ, i mi su má Nyeme, i su nengem wo. ⁶ Nyini deɛ ti, ye Nyeme fá yaa cin minem sui a, bɛre bo ba kete ka bu de má i nɔaniɛ na bu yo nyini sam ni. ⁷ Sɔngga be, ambere mmɔɔ ni am tii yo yo nyini sam wɔ, dama kabo am woowa yo ti lɛɛ. ⁸ Ama, kisa, am yaki nyini kere fieo, yaafa ni aɔunkpini, na má am ma nzuko kpie ni jɔre ngbɛɛngbɛɛn fite am nɔɔ nu, ⁹ má am bu kɔre sɔ am benggu, dama am ayaki am dawa deɛ yoowa n kere fieo fieo, ¹⁰ am afa wo fɔfɔre. Nyeme suma am nyini woowa fɔfɔre n a, adena i má am woowa ti kabo i deɛ woowa ti barasu ni, na am koro si i nahɔre su. ¹¹ Nyini woowa fɔfɔre n bo Nyeme ayo i n deɛ ti, Yudafoɔm ni minem bo bu ti má Yudafoɔm ti kun wɔ, minem bo ba wura kenkenne o, ni bo ba wura má kere ti kun wɔ, ni minem bo bu jɔɔ aniɛ barasu nbem, ni minem bo bu nyunu nya teke má, ni akɔɔm ni awurunbaam, bu kere ti kun wɔ. Ama, bo i kɔ tara bu kere n la Kristo, yiri wo bu kere ahore su a.

¹² Am ti minem bo Nyeme koro am, na wo yi am afa ayo i deɛm wɔ. Nyini ti, i ti ye ni ka am si aɔunfo na am buka minem, na am yo am nɔ kaan, na am yo benle, na am la mindi, ¹³ na am yo sawɔre de am benggu. Nzen be ni i benggu anya jɔre, am fa ce am benggu. Kabo Kristo afa am ngasi ace am ni, ambere gusu fa am benggu ngasi ce bu. ¹⁴ Bo i tara i kere n la ka, am koro am benggu, dama koro ma am yo kun a, na am yo aɔɔse nahɔre su. ¹⁵ Kristo afere am ayo am deke kun ama am ahoreda, nyini deɛ ti, am ma nyini ahoreda n wo am dɔ sɔngga kere, na am suda Nyeme asi. ¹⁶ Am ma Kristo jɔre n wo am ahore su ni nahɔre su. Am fa Nyeme nɔaniɛ na am fa kere am benggu, ni alecira kere bo am la i ni, na am fa tu am benggu fɔ. Am fa Nyeme nɔaniɛm bo bu wo kansí jue kereɛwam n nu n fa di jue kansí Nyeme, na am di jue n bo Awiewie Casi n kere am, na am di jue da Nyeme asi am ahore su. ¹⁷ Am sayoowa, ni am jɔɔɔwa kere nu, am yo i ya Mibiɛ Yesu deɛ duma n nu, na am da ya Si Nyeme asi Kristo deɛ ti.

Kabo i ti ye ni ka Kristo susufɔm bita bu awuru barasu ni

¹⁸ Nbaram, am de am hunn nɔaniɛ kabo i ti ye ni ka Mibiɛ n susufɔm yo ni. ¹⁹ Nbiɛsɔm, am koro am yim, má am bita bu ni joko tie. ²⁰ Nbaatumam, am de am sim ni am nim nɔaniɛ fa kɔ deke kere su. Nzen am yo sɔ, nyini yo Mibiɛ n fie a. ²¹ Nbaasim, má am yo sa bo i ye am nbaam yaa su, na bu ahore saaki. ²² Ambere bo am ti akɔɔm ni, am de am mibiɛm bo bu wo durunya n nu fɛn n nɔaniɛ deke kere nu, má am yo ka bu nie am deɛ ti, na am koro ka am yo na bu ahore jɔ am nɔ, ama, am yo deke kere bo bu nɔ am yo i n ni am ahorembaa kun, ka am su Mibiɛ n deɛ ti. ²³ Am yo am juma kere ni am ahorembaa kun, ka am suyo ma Mibiɛ n wɔ, ama, má ka am suyo ma adamande wɔ. ²⁴ Am si ka am nyá nkato bo Nyeme ase ka i fá ma i minem ni. Dama am Mibiɛ n bo am su i ni, yiri la Kristo wɔ. ²⁵ Sɔnɔ kere bo i yoori sa bo i ti má kpa, Nyeme tó i mi kaari, dama Nyeme tantambu má nu.

4

¹ Ambere gusu bo am ti mibiɛm ni, am yo am akɔɔm kpa, na am yo deke bo i ti ye ni ka am yo ma bu ni, dama am si ka am gusu la am Mibiɛ n bo i wo aɔngoro.

Nyemesere ni fɔtu jɔre

² Am susere Nyeme sɔngga kere ni anyumboro, má am fa am nɔ ji, am suda i asi. ³ Nzen am sere Nyeme, am sere ma ya gusu, na Nyeme teke atin ma ya na ya kan labari kpa n fa kɔ Kristo jɔre n bo i yo wo fieɛwa nu n kere minem. Dama labari kpa n deɛ jɔre ti, ye m wo dansaraka nu n a. ⁴ Am sere Nyeme ma m, na i jina m sin na m koro kan labari kpa n kabo i ti ye ni ka m yi i bu nyunyumi kere minem na bu ti i bu. ⁵ Am fa ngɔnle na am si kabo am wo fa kɔ minem bo bu ti má Kristofɔm dɔ. Sɔngga kere bo am nya atin, am fa yo sakpa, kabo i ti ye ni ka am yo ni. Má am saaki am sɔngga n bo am la i ni. ⁶ Sɔngga kere bo am nɔ am jɔɔ minem dɔ, am ma am nɔaniɛ fite kpa na i yo bu fiefie, na am si kabo am bo sɔnɔ kere nu barasu.

Kabo Pɔɔlu yoori bu anse awieeri su ni

⁷ Ya niwa Tikikusi bá kan m nɔsu jɔre kere kere am. Yiri ye ya koro i agaya, i bita nahɔre fa kɔ i juma su, i ti ya lamokɔ akɔɔ ɔ, fa kɔ Mibiɛ n juma n su. ⁸ Nyini ti, ye m susunma i am dɔ n a, ka i ba kan kere am kabo ya kere ti barasu, na am ahore si.

⁹ I ni Onisimɔ suba a. Yiri mmɔɔ ti ya niwa bo ya koro i wɔ, i bita nahɔre fa kɔ i juma su, i ti am be wɔ. Bu bá kan deke kere bo i suyo fɛn kere am.

¹⁰ Arisitakusi bo m ni yiri kere wo dansaraka nu fen ni, bisa am kere dɔŋgu. Banabasi niema Marako gusu bisa am kere dɔŋgu. Ma du mɔ ase am kabo am yo barasu, ka i baari, am de i ni am saa nnyɔ. ¹¹ Yesu n bo bu kaaki fere i ka Jusitosi n gusu bisa am kere dɔŋgu. Bere mine nsan n ŋgumi ti m lamɔkɔ Yudafɔm bo ba yo yarada, na m ni bere sangɔ yo Nyeme femeya n nu juma n a. Bu ti minem bo bu ma m ahoresi. ¹² Ipafarasi gusu bo i ti am be na i ti Kristo akɔɔ n bisa am dɔŋgu. Sangɔ kere i sere Nyeme ni anyumboro ma am wɔ, adena am la jinakunsu na am su Nyeme ni nahore, na am yarada yo biiwa, na am de i nɔaniɛ ni kabo Nyeme koro n kere. ¹³ Mini mmɔɔ ni m tii koro di i daani, kabo i yi anyumboro yo juma ma ambere, ni Lawodikayafɔm, ni Herapolisifɔm barasu. ¹⁴ Luka bo ya koro i na i ti dɔkɔtie ni, i ni Demasi kere bisa am dɔŋgu.

¹⁵ Am bisa ya ninbaam kere bo bu wo Lawodikaya ni, ni Nimfa, ni Kristo jama n kere bo bu nati tien bu nɔɔ i dika n dɔŋgu. ¹⁶ Nzen am kaanri ahin kadasi n wieeri, am yo anie na am fa ma Lawodikayafɔm na bu gusu kan i. Na am boro am nyi na am gusu kan m kadasi n bo bere Lawodikayafɔm fa ma am ni. ¹⁷ Am se Akipusi ka i boro i nyi, na i yo juma n bo Mibie n fa maari i ni, na i wie i.

¹⁸ Mini Pɔɔlu ni m tii sufa m saa sukere ahin kereewa n bisa am dɔŋgu a. Má am ma am wara fi ka m wo dansaraka nu wɔ. Nyeme buka am kere.

Pɔɔlu kadasi ciciri su bo i kerɛ fa maari TESALONIKAFŌM ni

¹ Mini Pɔɔlu, ni Silivanusi, ni Timoti sukere ahin kadasi n ma ambere Kristo jama n bo am wo Tesalonika miɛ kpiri n nu na am ti ya Si Nyeme ni ya Mibie Yesu Kristo deɛ minem ni. Nyeme buka am, na i ma am ahoreda.

Kabo Tesalonikafom woowa ni bu yarada tiiri barasu ni

² Sanja kere ya da Nyeme asi ambere kere deɛ ti wo, na ya susere Nyeme ma am, ³ na ya sutenge am su ya Si Nyeme do, kabo am fa am yarada fa yo juma barasu ni, ni kabo am la koro, na am fa yo juma barasu ni, ni kabo am bita am tama n kenken fa ko ya Mibie Yesu Kristo do ni. ⁴ Ya ninbaam, Nyeme koro am, na ya si ka wo yi am ka am yo i tienju deɛ minem, ya si ka i ti so o, ⁵ dama sanja bo ya kaanri labari kpa n kereeri am ni, wo ti ma noanie jooowa ngumi wo, ama, i fite Awiewie Casi n deɛ yiko n nu wo, ye am siiri tenle su ka i ti nahore a. Sanja bo ya woori am do ni, am nuuri kabo ya wo tiiri barasu, i fiteeri ka ambere deɛ ti ye ya woori so a, adena i buka am. ⁶ Na am ason ya ni Mibie n deɛ wo n su, haari ni bo am diiri wahara agaya n kere ni, am deeri labari kpa n wo, ni ahorejo n bo i fite Awiewie Casi n do ni. ⁷ Am nyini wo n ti, yaradayofom kere bo bu wo Makedoniya ni Akaya aworem n nu anju ka i ti ye ni ka bu son am su. ⁸ Ma ka Makedoniya ni Akayafom tiiri Mibie n labari n fiteeri am do n ngumi, ama, yarada n bo am yoori Nyeme ni, i jore abara aye deke kere. Nyini ti, ya la ma jore be bo ya kan kun. ⁹ Nyini minem n kere kan kabo am deeri ya barasu, sanja bo ya baari am do ni, ni kabo am kaakiiri am sin boori amcem na am su Nyeme bo i ti nahorefɔ na i wo bere sanja kere ni, ¹⁰ na am nminda i Wa Yesu, yiri fite Nyeme do angoro ba a, yiri ye Nyeme atenje i yiwee n nu n a, yiri yi ya fite jina cem deɛ kekereke n nu a.

2

Kabo Pɔɔlu yoori i juma Tesalonika miɛ kpiri n nu barasu ni

¹ Ya ninbaam, ambere mmoo ni am ti si ka, ba n bo ya baari am do ni, wo ka ma ngbeen. ² Am si kabo bu boori ya, na bu wuraaari ya nyinse Filipiya miɛ kpiri n nu ka, ye ya nya baari am do Tesalonika a. Ama, na Nyeme ama ya ahoresi na ya koro akan i labari kpa n akere am, haari ni bo mine donju asoro ma ya su mmoo ni. ³ Noanie n bo ya kan kereeri am ni, i ti ma ka ya mini atin wo, wara i ti ma ka ya la sunsunni tie be wo, i sa su ti ma ka ya koro ka ya dadaka be wo. ⁴ Ama, sanja kere ya jooori kabo Nyeme koro n wo, dama yiri jina ya sin a, ye wo fa labari kpa n ama ya ka ya kan i. Ya yo ma ka i sun adamande nu wo, ya yo ka i sun Nyeme nu a, dama yiri fiiti si deke bo i wo ya ahore su a. ⁵ Am si tenle su ka ya ba abo ma am anofie wo, na ya ba akan ma labari kpa n ka ya nyunu aboro nenje kpini su wo. Nyeme wo ya daani, ⁶ ya yo akoro ma kansa am do, wara be do. ⁷ Ma kabo ya ti Kristo jaramasam ni, ma ya koro se am ka am yo deke kere ma ya. Ama, sanja bo ya woori am do ni, ya woori benle wo, kabo bara baawufɔ nie i nbaam dika n wo. ⁸ Koro bo ya fa koro am n deɛ ti, ye ya kaanri Nyeme labari kpa n maari am a, na ya gusu akun ya nu ama am, dama ya koroori am agaya n deɛ ti. ⁹ Nahore, ya ninbaam, am tenje su kabo ya boroori ya nyi yoori juma nahore su, ya yoori juma wiesu, ni kongue, adena ma ya fa ya fie fie be, sanja bo ya kaanri Nyeme labari kpa n maari am ni.

¹⁰ Ambere yaradayofom ni, am ni Nyeme mmoo kere wo ya daani, kabo ya wo tiiri, sanja bo ya woori am do ni. Ya woori am do ni akunnu fofoe wo, na ya sa kere ako atin n su, ya yo ma sa be bo i fa jaraki ba. ¹¹ Am si ka sanja bo ya woori ni ambere ni, ya bitaari am kabo sono bita i nbaam n wo. ¹² Ya maari am ahoresi, na ya dada am ahore, na ya ye am nyi ka am wo kabo i ti ye ni ka Nyeme minem wo barasu n a. Yiri fereeri am a, ka, am ba yo i deɛ minem bo i nie am dika, na am ba nya i deɛ jirima ni.

¹³ Na ya gusu da Nyeme asi sanja kere, dama sanja bo am deeri Nyeme noanie n bo ya kan kereeri am ni, am ade ma i ka i fite adamande do o, ama, am ade i ka i ti Nyeme noanie wo, na i ti so o nahore su, ye i wo ambere yaradayofom ahore su yo juma a. ¹⁴ Ya ninbaam, sam bo bu yo tuuri Kristo jamam bo bu wo Yudiya asien n su ni, nyini sam ye ba tu ambere gusu n a. Kabo am tienju minem akere am wahara barasu ni, so ye Yudafom yo fa kereeri Kristo jamam n a. ¹⁵ Bere kuunri Nyeme noanie kanfom ye bu kaaki kuunri ya Mibie Yesu, na ba kere ya wuwuruwa, na ba yo sa bo i sun ma Nyeme nu, na ba yo adamande kere kpofom. ¹⁶ Na ba koro ka bu kanda ya ka ma ya kan Nyeme

nɔanie n kere minem bo bu ti má Yudafom ni, adena má bu nya tiide. Na nyini satie n aba abuka bu satie n kere su ako asin su. Ama, kisa, Nyeme afa yaa bu ɲu, i sudi bu jore.

Kabo má Pɔɔlu koroori ka i kɔ nie Tesalonikafom busu ni

¹ Ya ninbaam, sanɓa bo ya kpaaki yakiiri am kaan so ni, ya sunsunni yiri woori am do o, na ya wara ado am agaya, na ya boro ya nyi ka ya ba nie am busu. ¹⁸ Má ya koroori ka ya kpie ya nyi ba am do. Haari na mini Pɔɔlu ni m tii akoro ka m kpie m nyi ba am do, kpe nyenye kere, ama, Sitana akanda ya. ¹⁹ Ya koro ka ya kpie ya nyi ba am do, dama sanɓa bo ya Mibie Yesu bá kpie i nyi ba ni, ya lá ahoresi ambere dee ti, na ya lá ahorejo, na ya káaki koro fo ka ya nya teremasa i do. ²⁰ Nahore, ambere ti, ye ya la ahorejo koro bo ya hoe n a.

3

¹ Kabo ya ni ambere akpaaki ace n dee ti, ya wara ado am agaya, nyini ti, ya ɲa yere ka Atensi mie kpiri n nu. ² Na ya sunma ya niwa Timoti ka i ba nie am busu. Ya ni yiri sanɓa yo juma fa kɔ Kristo labari kpa n kan su, ye ya sunmaari i ka i ma am nya ahoresi, na i ma am jina kenken fa kɔ am yarada n su. ³ Adena má am be ɲunie yoroki i fa kɔ ahin wuwuruwam bo bu sukere am n ti. Ambere mmoo ni am tii si ka, nyini sam bo bu tú yere yaradayofom ni, Nyeme koroowa lee. ⁴ Dama sanɓa bo ya toko wo am do ni, ya yo seeri am ka bu bá kere ya wuwuruwa. Kabo am si ni, nyini lee ye wo tu ya n a. ⁵ Nyini ti, ma koro amindi má, ye m sunmaari Timoti na i ba nie ka am toko bita am yarada n kenken n a. Beni, kisa Sitana akoro anya atin adadaka am, wo ma ya juma n bo ya yo i am do n kere aka ngbeen.

⁶ Ye kisa, Timoti akpie i nyi afa labari aba ama ya fa kɔ kaboo am yarada, ni am koro n ti barasu. Wo se ya ka am la sunsunni kpa fa ma ya sanɓa kere, na am koro ka am ɲu ya kaboo ya gusu koro ka ya ɲu am ni. ⁷ Nyini ti, ya ninbaam, haari ni bo ya wo kekereke nu na ya sudi wahara n kere ni, am yarada n ama ya ahoresi. ⁸ Na nzen am jinaari kun su, fa kɔ Mibie n dee atin n su, ya koro da na ya daafi. ⁹ Kisa ya si má kaboo ya da Nyeme asi fa ma am mmoo, fa kɔ ahorejo bambaka n bo wo fa ama ya, am dee ti. ¹⁰ Kongue ni wiesu kere ya sereeri Nyeme nahore su wo, ka, i ma ya ba ɲu ya ɲu, na ya kere am dekem bo i kpie am su fa kɔ am yarada n su.

¹¹ Ya sere ya Si Nyeme, ni ya Mibie Yesu ka bu teke atin ma ya, na ya koro ba am do. ¹² Na ya sere Mibie ni, ka, i ma am la koro buka su, na am fa koro am benggu ni minem kere kɔ sin su, kaboo ya gusu koro am ni. ¹³ Na i ma am nya ahoresi, na am jina kenken, na am ba yo mine casim bo be koro jaraki má am, ya Si Nyeme do, sanɓa bo ya Mibie Yesu bá baari ni i tienɓu minem kere ni.

4

Kabo ya wo wo bo i sun Nyeme nu barasu ni

¹ Ya ninbaam, ya yo kereeri am kaboo i ti ye ni ka am wo barasu na i yo Nyeme fie. Ya si ka am wo nyini wo n wo nahore su. Ama, ya sere am jande wo, ya Mibie Yesu duma n nu, ka, am wo wo bo i kɔ tara so. ² Dama am si nɔanie n bo ya Mibie Yesu fa maari ya na ya gusu fa maari am ni. ³ Nyeme koro ka am wo wo casi wo, na má be yo sakaraya. ⁴ I ti ye ni ka bieso kere ni i yi tara bu ɲu, na bu wo wo bo i ti casi na i la kansi. ⁵ Má am ma am konviki wo sakaraya sereya nu kaboo minem bo bu su má Nyeme n yo ni. ⁶ Kaboo i nya ti so ni, má Kristo susufo be se ka i bu i niwa Kristo susufo ngbeen fa kɔ nyini sam su. Ya yo seeri am wo ni nahore kekereke, ka, soɔo kere bo i yoori so, Mibie ni cin i mi sui. ⁷ Nyeme fereeri ya ka ya wo wo bo i ti casi wo, i koro má ka ya fa ya ɲu wura sakaraya sereya n nu. ⁸ Nyini ti, soɔo kere bo i keteeri ahin kereewa ni, i ti má ka i sukete adamande wo, ama, i sukete Nyeme wo, yiri ma am i Awiewie Casi n a.

⁹ To, fa kɔ kaboo am koro am ninbaam ni, ya la má jore be bo i ti ye ni ka ya kere ma am, dama Nyeme akere ambere ni am tii kaboo am koro am benggu barasu. ¹⁰ I ti nahore wo, ka, am koro ya ninbaam kere bo bu wo Makedoniya awore n nu ni. Haari ni nyini mmoo, ya susere am wo, am koro bu koro bo i kɔ tara so. ¹¹ Am yo anie na am wo benle, na am nie am tienɓu juma bo am yo i, na am fien anɓuye na am di, kaboo ya du mo seeri am ni. ¹² Nzen am yoori so, nyini má minem bo bu nya yo má Yesu yarada n bu am a, na am nie má be anyumbaa fa kɔ am sa koroowa su.

Kabo Mibie ni bá kpie i nyi ba n jore

¹³ To, ya ninbaam, ya koro ka am si deke bo i ti nahore fa kɔ minem bo ba wu n do, adena má am ahore saaki ka minem bo bu la má tama be ni. ¹⁴ Ya yo yarada ka Yesu

wuuri wo na wo tenge bekun, nyini ti, ya kaaki la yarada ka Nyeme ténge minem bo bu yoori Yesu yarada na ba wu ni, na i má bu su Yesu su ba. ¹⁵ Kereewa bo ya sufa kere am kisa n fite Mibie n do o, ka, yere bo ya toko la ngoo ni, ceen n bo Mibie n ba baari ni, yere, ya dú má bere n bo ba wu n mo. ¹⁶ Dama Mibie n ni i tii bá fite angoro n nu jura na i má noo, na Nyeme mereke kpien n tien, na bu kán Nyeme awie ni. Na minem bo bu yoori Yesu yarada na ba wu n dú mo tenge bu yiwee n nu. ¹⁷ Nyini sangha, na Nyeme fá bere, ni yere bo ya toko la ngoo ni, na ya kpá Mibie n atin angoro yinyingu n nu. Na ya kó wo Mibie n do sangha kere. ¹⁸ Nyini ti, am fa ahin noaniem fa si am bengum ahore.

5

¹ Ya ninbaam, fa ko sangha n bo Mibie ni bá ba ni, ya la má jore be bo i ti ye ni ka ya kere ma am fa ko nyini sangha n su kun. ² Dama ambere mmoó ni am tii si tenle su ka ceen n bo Mibie ni bá kaaki ba ni, i yó kabo awiefo ba kongue ba wo n wo. ³ Sangha bo minem ba suse ka tanalaifie ni ahoreda wo bere ni, nyini sangha n nu ye kekereke kába ba tu bu a, kabo bara ba kutu ka i wu baa na i ti barasu ni. Nyini kekereke ni, sono be koro fite má nu. ⁴ Ama, ambere, ya ninbaam ni, am wo má awosin nu bo Mibie n ba ceen ni bá fura am nu, kabo awiefo ba fura sono nu na i wo n wo. ⁵ Ambere kere ti minem bo am wo wein n nu wo, kabo wiesu ti ni. Ya wo má kongue nu, wara awosin nu. ⁶ Nyini ti, má am ma ya daafi kabo nyingam daafi ni, am ma ya nyunu wo su na ya tara ya nu. ⁷ Kongue ye minem daafi a, kongue gusu ye minem nu nzan bo a. ⁸ Ama, yere wo wein nu wo, nyini ti, am ma ya tara ya nu, na ya fa yarada ni koro fa kanda ya nu ka bulaari peperepe bo ya fa kanda ya hoe su, na ya fa ahoresi ka ya nya tiide yo ka bulaari kere bo ya fa butu kanda ya tii. ⁹ Dama Nyeme ayi má ya ka i fá yaa na i cin ya sui wo, ama, i yiiri ya ka ya nyá tiide, ya Mibie Yesu Kristo dee ti wo. ¹⁰ I wuuri yere dee ti wo, na sangha bo i bá ba ni, nzen ya la ngoo o, wara nzen ya wu wo o, ya ni yiri sangha wo a. ¹¹ Nyini ti, am ma am bengum ahoresi, na am buka am bengum na am ko mo ni am nyemesu ni, kabo kisa na am suyo ni.

Fotu jore

¹² Ya ninbaam, ya sere am wo, ka, am bu mofom ni, bere bo bu yo Nyeme juma ni anyumboro ma am ni, na bu nie am su, na bu kere am Nyeme atin ni. ¹³ Am ma bu jirima nahore su, ni koro, fa ko bu juma n bo bu yo i n dee ti. Am ma tanalaifie wo am ni am bengum do.

¹⁴ Ya ninbaam, ya kaaki sere am wo, ka, am bobo nviyafom ni, na am ma seréfom n ahoresi, na am buka daburukafom ni, na am fa sawore ni sono kere. ¹⁵ Má be se ka i fa i bengum satie bo i yo i fa to i mi kaari, ama, sangha kere am ma am sunsunni la ka, am yo sakpa ma am bengum ni sono kere.

¹⁶ Am ma am ahore jo, sangha kere, ¹⁷ na má am se ka am yaki am nyemesere, ¹⁸ na am da Nyeme asi, haari fa ko sa kere bo i tu am. Kabo Nyeme koro ka am yo lee, dama am ni Yesu Kristo ayo kun n ti. ¹⁹ Má am kanda Awiewie Casi ni, am ma i yo i juma. ²⁰ Noanie bo minem deer i Awiewie Casi n do kan kereeri am ni, má am bu i ngbeen, ²¹ ama, am fiiti i kere nu na am nie, na am de bo i ti kpa ni, na am su i su, ²² na am kete sa ngbeenngbeen kere pepere.

Awieeri su dee anse yoowa

²³ Ya sere Nyeme, yiri n bo i ma ahoreda n ka, i nmisi am ahorembaa, ni am njunie, ni am sunsunni kere casi, adena am wo wo bo fin be mata má am, haari fa ko ju sanga bo ya Mibie Yesu Kristo bá kpie i nyi ba ni. ²⁴ Yiri bo wo fere am ni, yiri la dabunu, i yó nyini sam n kere.

²⁵ Ya ninbaam, am sere Nyeme ma ya gusu, ²⁶ na am bisa ya ninbaam kere dongu ni koro. ²⁷ M susere am wo, am nie Mibie n ti, na am kan ahin kadasi n kere ya ninbaa yaradayofom n kere na bu ti.

²⁸ Ya Mibie Yesu Kristo buka am.

Ɖoolu kadasi nnyo su bo i kere fa maari TESALONIKAFOM ni

¹ Mini Ɖoolu, ni Silivanusi, ni Timoti sukere ahin kadasi n ma ambere Kristo jama n bo am wo Tesalonika mie kpiri n nu na am ti ya Si Nyeme, ni ya Mibie Yesu Kristo dee minem n a.

² Ya Si Nyeme ni ya Mibie Yesu Kristo buka am, na bu ma am ahoreda.

Kabo Yesu ba di minem jore barasu ni

³ Ya ninbaam, wo yo daka ka ya da Nyeme asi, ambere ti, sangga kere. Atin wo nu ka ya yo so, dama am yarada n buka su wo nahore su, na koro bo am koro am bengu n gusu subuka su so o. ⁴ Nyini dee ti, ya fa am fo so o, deke bo Kristo jamam wo kere. Ya fo fa ko kabo am ayo yarada na am la mindi fa ko wuwuruwa n kere bo minem sukere am, ni wahara n kere bo am wo i nu ni. ⁵ Nyini kere ka Nyeme di minem jore ni i nahore atin su a, na i se ka ambere ti ye ni ka am wura i femeya n nu a, wahara n bo am adi i n dee ti. ⁶ Nahore, Nyeme yo sa bo i ko atin su wo, i ma minem bo bu sukere am wahara n gusu di wahara, ⁷ na i ma ambere bo am sudi wahara n ni yere kere nya ya nu. Nyini sam kere ba yo so sangga bo ya Mibie Yesu ba fite angoro ba ni i merokem, ni bu yiko bambaka ni, ⁸ ni sin, na i ba cin minem bo ba kete Nyeme n sui, ni bo ba de ma ya Mibie Yesu labari kpa ni. ⁹ Nyeme cin bu sui haari bu duma ba bo ma, na bu nu ma Mibie ni, ni i yiko bambaka ni. ¹⁰ Nyini ceen n bo i ba baari n ye i minem kere wura i kpiri a, na nyini minem kere bo bu yo i yarada n ma i jirima. Ambere mmoo wo nyini minem n nu, dama am ayo labari n bo ya fa maari am n yarada.

¹¹ Nyini dee ti, ye ya sere Nyeme ma am sangga kere n a. Ya sere i ka i ma am wo wo bo i ti ye ni ka i dee minem bo wo fere bu n wo ni. Na ya kaaki sere i ka i fa i yiko n buka am, na am yo am kunnu koroowa, ni juma kere bo i ti kpa ko wie. ¹² Nzen am nya yoori so, nyini ma minem ma ya Mibie Yesu duma n jirima a, am dee ti, na i gusu ma am nya jirima. Nyeme ni ya Mibie Yesu Kristo dee ahorma n ma i yo so a.

2

Sonotie n jore

¹ To, ya ninbaam, m sujoo am do fa ko ya Mibie Yesu Kristo ba n su wo, ni kabo ya tien ya noo na ya ni yiri ko ye n wo. Ya sere am wo, ² ka, ma am kaaki am sunsunni wara am birisi, dama nbem na Mibie n adu mo aba asin n dee ti. Haari nzen be na wo de noanie Nyeme Awiewie Casi n do, wara nzen be jooori nyini jore n so, wara nzen be seeri ka yere akere i kadasi n nu ase so a, ma am de i. ³ Ma am ma be dadaka am fa ko deke be su fieo, dama nyini ceen ni ba ma, ma ka sangga n bo minem dongu ba kete ka bu su ma Nyeme ni, na sonotie n bo i bu ma ka pui wo bere n nya yi i nu fite fofoe nu, yiri n bo Nyeme fa i ji ceema sin n nu ni. ⁴ I kete deke kere bo bu fere i ka Nyeme, ni deke kere bo adamande kutu su i, na i kere i nu ka i tara bere kere pepere. Haari na i ko wura tana Nyeme Sereebiri Awuru n nu, na i se ka yiri ti Nyeme a. ⁵ Am tenge ma su ka sangga bo m woori am do ni, m yo seeri am ahin jorem kere, nzen se? ⁶ Kisa, am si deke bo i kanda i na wo nya ba ma ni, ma ka sangga n aju bo i yi i nu fite fofoe nu. ⁷ Ama, sonotie n bo i bu ma ka pui wo bere ni, yiri suyo i asiri nu juma wo kisa, ma ka yiri n bo i kanda i ni, aba acin ayaki atin ni. ⁸ Do na sonotie n nya yi i nu fite fofoe nu, ama, sangga n bo ya Mibie Yesu ba ni, na i fita kun i, na i baawa n dee wein n gusu yo i ngbeen. ⁹ To, kabo sonotie ni ba ba n yaa. I ba ni Sitana dee yiko n na i ba yo alekutura sam beberebe fa dadaka minem ka nyini sam fite Nyeme do o, ¹⁰ na i ba bu kore ngbeenngbeen barasu barasu dadaka minem bo bu ngoo ka ngbeen ni. Bu ngoo ka ngbeen, dama ba koro ma ka bu su atin n bo i ti nahore n su na bu nya tiide. ¹¹ Nyini ti, na Nyeme ta bu nyi, adena bu yo deke kere bo i ti kore n yarada. ¹² Nyini minem so, bo ba yo ma nahore n yarada ni, ama, na ba fa satieyo acici bu tii ni, Nyeme di bu jore na i cin bu sui.

Kabo Nyeme ayi am ka am nya tiide ni

¹³ Ya ninbaam, ambere bo Mibie n koro am ni, wo yo daka ka ya da Nyeme asi ambere dee ti sangga kere, dama fite bumboori n ye Nyeme yiiri am ka am nya tiide a. Deke bo i ma am nya tiide n la ka, Awiewie Casi ni ma am yo Nyeme mine casim a, na am bita nahore atin, na am yo yarada. ¹⁴ Labari kpa n bo ya kan kereeri am na am deerin n dee

ti, ye Nyeme fereeri am ka am nya tiide a, na am nya ya Mibie Yesu Kristo dee jirima woowa n be. ¹⁵ Nyini ti, ya ninbaam, am bita nahore atin n kenken, bo ya kaanri i na ya kereeri i maari am ni, ma am kaaki am sin bo i. ¹⁶ Ya sere ya Mibie Yesu Kristo ni i tii, ni ya Si Nyeme, yiri bo i koro ya, na i dee ahoroma n nu, na wo ma ya ahoresi sangga kere, ni tama kpiri ni, ¹⁷ ya sere bu ka bu ma am ahoresi buka su, na bu ma am fanja, na am yo sakpa, na am jɔɔ jɔɔ bo i ko atin su sangga kere.

3

Am sere Nyeme ma ya

¹ Ya ninbaam, jɔɔ bo wo ka n la ka, am sere Nyeme ma ya, na Mibie n labari kpa n sandi bara ye ndende na bu de i ni jirima, kabo am deer i ni. ² Am kaaki sere Nyeme, na i yi ya fite mine tiem saa nu, dama ma sɔɔ kere yo labari kpa n yarada a. ³ Ama, Mibie n la dabunɔ, yiri ma am fanja, na i yɔ am kanda bo Sitana koro yo ma am pui. ⁴ Ya Mibie n ama ya ahoresi ka am suyo deke n kere bo ya ma am nɔɔ ka am yo i ni, am ko su suyo i sangga kere. ⁵ Ya sere Mibie n ka i ma am si kabo Nyeme koro am barasu, ni kabo Kristo mindiiri barasu ni.

Wo yo daka ka sɔɔ kere yo juma

⁶ Ya ninbaam, ya maari am nɔɔ ya Mibie Yesu Kristo dee duma n nu ka, ma am fa am ɲu go ya ninbaam bo bu koro ma ka bu yo juma, na bu ti nviyafom n ɲu, ba kete ka bu su ma noanie n bo ya fa maari am n su lee. ⁷ Ambere ni am tii si tenle su ka, i ti ye ni ka am yo kabo ya yo ni. Am si ka sangga bo ya woori am do ni, ya yo ti ma nviyafom. ⁸ Ya di ma sɔɔ be diire ngbeen. Ama, ya yoori juma wo nahore su, wiesu ni kongue, adena ma ya bo be kaari. ⁹ Ya yoori so ni, i ti ma ka ya la ma atin bo ya se ka am buka ya a, ama, ya yoori so, adena am ɲu i na am gusu son ya su wo. ¹⁰ Sangga bo ya woori am do ni, ya maari am ahin nɔɔ ni, ka, sɔɔ kere bo i kete ka i yo ma juma, ma am ma i na i di. ¹¹ Ma pui ti ye ya se so a, dama ya ti labari ka am nbem wo bere bo bu ti nviyafom wo, bu yo ma juma be, se bu nati ngbeenngbeen wo, na bu sufa bu nɔɔ bo minem jɔɔ nu. ¹² Nyini ti, ye ya sutu bu fo ni anyumboro su ya Mibie Yesu Kristo dee duma n nu n a, ka, bu yo anie tara bu ɲu, na bu yo juma na bu koro bita bu ɲu. ¹³ Ama, ya ninbaam, ambere yiri, ma am ma am ɲunie yoroki am ni sakpayo. ¹⁴ Sɔɔ kere bo i keteeri noanie n bo ya kere i ahin kadasi n nu afa ama am ni, am yi koresi na am si i mi. Ma am dodo i mi, adena nyinse ti i. ¹⁵ Ama, ma am fa i mi yo am kpɔfo, am tu i fo ka am niwa a.

Awieeri su dee anse yoowa

¹⁶ Ya sere Mibie n ni i tii, yiri bo i ma ahoreda ni, ka, i ma am ahoreda sangga kere fa ko deke kere nu, na i wo am kere do.

¹⁷ Mini Pɔɔlu ni m tii sufa m saa sukere ahin kereewa n bisa am donɲu a. Kabo sangga kere na m kere lee. ¹⁸ Ya Mibie Yesu Kristo buka am kere.

Pɔɔlu kadasi ciciri su bo i kerɛ fa maari TIMOTI ni

¹ Mini Pɔɔlu sukɛrɛ ahin kadasi n a. M ti Yesu Kristo jaramasa a, Nyemɛ bo i ti ya Tiidefɔ ni, yiri ama m nɔɔ ka m yo nyini juma n a, i ni Yesu Kristo bo i ma ya tama ni.

² M sukɛrɛ ahin kadasi n ma wɔrɔ Timoti wɔ, a ti ka m wa a nahɔrɛ su, dama mini ni wɔrɔ yo yarada kun wɔ. Ya Si Nyemɛ, ni ya Mibiɛ Yesu Kristo buka u, na bu si u anjunfɔ, na bu ma u ahoreda.

Am si am ŋu sa ni minɛm bo bu kereewa kɔ má atin su ni

³ M koro ka a wo Efeso miɛ kpiri n nu, kabo sangɔ bo m sukɔ Makedoniya dɛɛ awɔrɛ n nu na m seeri u ni. Mine nbem wo dɔ bo bu kereewa kɔ má atin su, i ti ye ni ka a ma bu nɔɔ ka bu yaki nyini kereewa ni. ⁴ Se bu na bu yaki korɛ jɔrɛm, ni nana dumam beberebe ni. Nyini jɔrɛm fa akuruwa ba a. Bu koro buka má sɔnɔ na i yo deke n bo Nyemɛ koroori ka i yo i. Be koro yo má kabo Nyemɛ koro, má ka i mi ayo i yarada. ⁵ Deke n bo i ti na m maari u ahin nɔaniɛ n la ka, i fa koro ba a, nyini koro n fite ahorembaa fofoe wɔ, ni sunsunni kpa, ni yarada nahɔrɛ su. ⁶ Nyini mine n nbem amini ahin kereewam ni, na bu subo anzama ŋgbɛɛnŋgbɛɛn. ⁷ Bu koro ka bu yo Nyemɛ nɔaniɛ kerefɔm, bu kan i ni ahoresi wɔ, ama, berɛ ni bu tii si má bu tienjɔ nɔaniɛ jɔjɔwɔ n bu.

⁸ Ya si ka Nyemɛ nɔaniɛ kpamaawa ni ti kpa a, nzen ya bitaari i kabo i ti ye ni ka ya bita i ni. ⁹ Ya kaaki si nu ka, ba fa má nɔaniɛ kpamaawa n ase má sakpayofɔm n ti wɔ, ama, ba fa ase ama minɛm bo bu ma má Nyemɛ nɔaniɛ kpamaawa n jirima n wɔ, ni bo bu ketɛ i ni, ni bo bu soro má Nyemɛ ni, ni bo bu nati yo satie ni, ni bo bu woowa ti má casi ni, ni bo bu bu Nyemɛ ŋgbɛɛn ni, ni bo bu nati kun mine ni, ni bo bu kun bu nim ni bu sim mmɔɔ ni. ¹⁰ Fa kɔ bo bu nati yo sakaraya ni, ni bo bu nati fa bu ŋu kaaki ka nbaram na bu ni bu benjɔ nbiɛsɔm sangɔ da ka bara ni biɛsɔ dɛɛ su ni, ni bo bu tara minɛm fanjɔ tɔ bu ni, ni bo bu bu korɛ ni, ni bo bu di korɛ daani ni, ni sa kerɛ bo i kɔ má kereewa kpa atin su ni, berɛ kerɛ dɛɛ ti, ye ba fa nɔaniɛ kpamaawa n ase n a. ¹¹ Nyini kereewa n fite Nyemɛ labari kpa n nu wɔ, bo Nyemɛ afa ama m ka m kan kere minɛm ni. Labari kpa n ti Nyemɛ kpiri n dɛɛ wɔ, yiri ti ye ni ka minɛm kansɔ i a.

Pɔɔlu daari Nyemɛ asi fa kɔ kabo Nyemɛ siiri i anjunfɔ ni

¹² M da ya Mibiɛ Yesu Kristo asi ka, yiri ye wɔ ma m fanjɔ, na m koro yo m juma n a. M da i asi ni kabo wo bu m ka m la dabunju, na wo yi m ka m su i ni, ¹³ haari ni bo m yo jɔjɔ wuraari i ŋgasi nu, na m kpɛɛri i nzukɔ, na m kereeri i wuwuruwa ni, ama, nyini n kerɛ ni, Nyemɛ siiri m anjunfɔ ɔ, dama m yo nya yo má i yarada, nyini ti, m yo si má sa bo m yo i ni. ¹⁴ Na yiri Mibiɛ n ama ma di i ahɔrɔma akɔ asin su, na wo ma ma yo i yarada na m koro minɛm, kabo ya ni Yesu Kristo ayo kun n dɛɛ ti. ¹⁵ Ahin nɔaniɛ n ti nahɔrɛ wɔ, i ti ye ni ka sɔnɔ kerɛ de i ni bu saa nnyɔ, yiri la ka, Yesu Kristo baari durunya n nu ka i ba de satieyofɔm tii ji wɔ. Mini ti sɔnɔ bo m satie taraari sɔnɔ kerɛ dɛɛ a. ¹⁶ Ama, Nyemɛ siiri m anjunfɔ. I yoori sɔ ɔ, adena Yesu Kristo koro kere kabo i la sawɔrɛ beberebe ni mini bo m satie sunnu taraari sɔnɔ kerɛ dɛɛ ni. I yoori nyini sɔ ɔ, adena i fa m fa kere minɛm bo bu ba ka sin ni, na bu yo i yarada nya ŋgɔɔ bo i la má awieeri ni. ¹⁷ Yiri ti Fɛmɛ Kpɛri a, na i femɛya n la má awieeri, i wo berɛ wɔ sangɔ kerɛ, na be gusu koro ŋu má i, yiri ŋgumi kpein ti Nyemɛ a, i ti ye ni ka minɛm kerɛ kansɔ i na bu ma i jirima. Ami.

¹⁸ M wa Timoti, m sufa ahin nɔaniɛ n fa wura u saa n nu wɔ lɛɛ, i su kabo Nyemɛ nɔaniɛ kanfom du mɔ jɔjɔri i fa kɔ u dɔ n su wɔ. Fa nyini nɔaniɛm ni yo ka u biɛsɔya nengɛm na a fa kun lue nyunyumi, ¹⁹ na a bita u yarada ni sunsunni kpa. Nbem akete ka bu fa má sunsunni kpa na bu yo sa bo i kɔ atin su, nyini ti, bu yarada bo bu yo yoori i ni aka ŋgbɛɛn. ²⁰ Berɛ nbem la Himenasi ni Alekizanda, berɛ ye ma fa bu awura Sitana saa nu ka i kere bu ŋgɔnlɛ, adena bu sonsɔn kabo má bu wura Nyemɛ ŋgasi nu kun.

2

Kabo i ti ye ni ka ya su Nyemɛ barasu ni

¹ Deke bo i du mɔ la ka, m susere am ni anyumboro wɔ, ka, am sere Nyemɛ ma minɛm kerɛ, fa kɔ deke bo i ti bu miɛwɔ su, na am da i asi fa ma sɔnɔ kerɛ. ² Sere Nyemɛ ma nfemɛm, ni bo bu wo yiko woobiri n kerɛ, na ya koro wo ni tanalaifɛ, na ya woowa kerɛ ka ya su Nyemɛ atin n su ni nahɔrɛ, na ya wo jirima wo ni ya benjɔ. ³ Nyini nyemɛsere

n ti kpa a, na i sun Nyeme nu, yiri ti ya Tiidefo a. ⁴ Yiri koro ka sono kere nya tiide a, na bu si nahore atin ni. ⁵ Dama ya kere si ka Nyeme kun n kpein wo bere a,
 na sono kun be gusu wo bere
 bo i yo adamande ni Nyeme afien dongu a,
 yiri la Yesu Kristo,

⁶ i wu maari adamande na i de bu kere tii ji.

Kabo i yoori so n kere ka, sangga bo Nyeme koro ka i de adamande kere tii ji lee. ⁷ Nyini ti ye Nyeme yiiri m ka m ba yo Yesu jaramasa, na m kan i labari kpa n kere minem bo bu ti ma Yudafom ni, na m kere bu kereewam bo bu ti nahore ni. M sukan nahore wo, m bu ma kore.

⁸ Deke kere bo Kristo jamam tien bu noo, m koro ka nbiesom ye bu saa su sere Nyeme. Nyini nbiesom ni, i ti ye ni ka bu nyemesu ko atin n su, na ma yaafa wara akuruwa be wo bu ahore su. ⁹ M koro ka nbaram gusu di sunguruya nyunyumi, bo i se su. I ti ma ye ni ka bu di bu tiinmie sunguruya ko sin su, na ma bu wura sika, wara aferem bo bu la go agaya, wara suturam bo bu la go agaya. ¹⁰ Ama, bu nyumi kere fite bu sakpa yoowa a, kabo i ti ye ni ka nbaram bo bu se ka bu su Nyeme atin n su n yo ni. ¹¹ I ti ye ni ka nbaram mo bu noo na bu yo bu nu benle, na bu so bu sui ti kereewam bo i ti ye ni ka bu sonsom ni. ¹² M soro ma su na bu kere nbiesom kereewam, wara bu la yiko nie nbiesom su. Bu dee la ka, bu mo bu noo. ¹³ Dama Nyeme du mo yiiri Adam wo ka, ye i nya ba yiiri Awa. ¹⁴ Ma Adam ye woo dadakaari i a, ama, i dakaari Awa wo, na wo kete Nyeme noanie ni. ¹⁵ Ama, nzen nbaram laari yarada, ni koro, ni wo casi, na bu bita bu nu nyunyumi sangga kere, bu nya bu tiide fite bu baawu nu.

3

Kristo jama n mafom ni bukafom jore

¹ Ahin noanie jooowa n ti nahore wo, ka, sono kere bo i boro i nyi na i yo Kristo jama n mafom, i mi koro juma kpa lee. ² Kristo jama n mafom ni, wo yo daka ka ma i la ngasi be, na i ja bara kun n kpein, na i bita i nu, na i la tarabunu, na i yo sa bo i la anyunuyi. I ti ye ni ka i de wafom, na i koro kere minem Nyeme noanie nyunyumi. ³ I ti ma ye ni ka i nu nzan agaya, wara i ti aluwa korofom, ama, i yo i nu benle, na i koro tanalaife. I kaaki ti ma ye ni ka i koro nwaagaya. ⁴ Wo yo daka ka i koro bita i awurufom nyunyumi, na i ma i nbaam de i noanie na bu ma i jirima deke kere nu. ⁵ Dama nzen sono koro bita ma i awurufom, i mi yo se koro bita Kristo jama n a? ⁶ I ti ma ye ni ka i mi ti Yesu susufom fofore, adena ma i wura i nu kpiri na Nyeme di i jore yo i ngbeen kabo i yoori Sitana ni. ⁷ Wo kaaki ayo daka ka i mi ti sono bo minem bo bu ti ma Kristo jama n nufom ma i jirima, adena, ma Sitana nya i taraabiri na i yo sa be bo i di nyinse.

⁸ I ti so o fa ko Kristo jama n bukafom gusu do. Wo yo daka ka bu ti minem bo bu la anyunuyi, na ma bu yo anoo nnyo nnyofom, na ma bu nu nzan agaya, na ma bu nyunu boro nwaagaya kpini su. ⁹ Wo yo daka ka bu subita Kristo jama n kereewa n bo Nyeme ayi akere n kenken, na bu la ma ngasi be bu sunsunni nu. ¹⁰ I ti ye ni ka bu du mo fiiti bere Kristo jama n bukafom ni na bu nie. Na nzen bu la ma ngasi be, am ma bu yo bukafom n juma ni. ¹¹ I ti so o nbaram gusu do. Wo yo daka ka bu ti minem bo bu la anyunuyi, na ma bu susaaki mine duma. Wo yo daka ka bu bita bu nu, na bu la dabunu deke n kere nu. ¹² Kristo jama n bukafom, i ti ye ni ka i ja bara kun n kpein, na i koro bita i nbaam, ni i dikafom nyunyumi. ¹³ Nyini bukafom bo bu yo bu juma na i ko atin su ni, bu kpini duma kpa ma bu nu wo, na bu kaaki koro joo ni ahoresi kabo bu yo Yesu Kristo yarada ni.

Kereewa n bo Nyeme ayi akere Kristo jamam ni

¹⁴ Kabo m sukere ahin kadasi n ma u ni, m la tama ka m ba u do kisa. ¹⁵ Ama, nzen haari ma ba aba ma nde, ahin kadasi ni ma a si kabo wo yo daka ka Nyeme minem wo ti barasu a. Bere ti Kristo jama n a, yiri n bo i wo bere sangga kere n deem a, bere bita i kereewa n bo i ti nahore n kenken a, kabo so o fa seewa n ni i jantarakana n bita i kenken ni. ¹⁶ Be koro kete ma ka ya nyemesu atin n bo i wo asiri nu la ma anusu, ka o,
 “Na wo kaaki adamande ayi i nu fofoe nu.

Na Nyeme Awiewie Casi n akere ka wo yo sa bo i sun Nyeme nu.

Na Nyeme merekem anu i.

Na i susufom n ako ajoo i jore durunya n kere nu.

Na durunya n nufom dongu ayo i yarada.

Na Nyeme afa i ako awo i bi angoro, jirima kere woobiri ni.”

4

Nɔ́anié barasu barasu bo Pɔ́ɔlu fa maari Timoti ni

¹ Awiewie Casi n ajojo wein ka, ahin awieeri su sangga n bo ya wo nu ni, mine nbem yáki bu yarada atin ni, na bu su ajinim bo bu dadaka minem su, ni bu kereewam ni.

² Nyini kereewam so fite minem bo bu ti dadakafom na bu nati bu kore n do o, bo bu sunsunni akaaki haari na bu yo satie mmoo, na bu sunsunni ma má bu ka ba yo satie.

³ Nyini minem so kere minem wo, ka, má bu ja ajaa, na má bu kaaki di diire barasu nbem. Ama, Nyeme ayi nyini diirem n ka ya di bu wo, nyini ti, yere bo ya yo i yarada na ya si kabo nahore atin n ti barasu ni, i ti ye ni ka ya sere Nyeme, na ya da i asi ka, na ya nya di bu. ⁴ Deke kere bo Nyeme ayi i ti kpa a, deke be wo má bere bo ya kete i, ama, i ti ye ni ka ya de i na ya da Nyeme asi, ⁵ dama Nyeme noanie n ni nyemesere ma nyini diire n yo casi wo Nyeme do.

⁶ Nzen a faari ahin kereewam kere ya ninbaam ni, nyini kere ka a ti Yesu Kristo amususufo kpa. Nyini kereewam bo a du mo ade bu ni, na a yo bu yarada, na a si ka bu ti nahore, na a su bu su ni, bu ti ka diire bo i ma u fanga n wo. ⁷ Ama, kete jore ngbeen ngbeen bo bu ko má Nyeme atin su ni, na a boro u nyi na a sonson sa bo i ko Nyeme atin n su nahore su. ⁸ Dama sa bo a boro u nyi yo i na i buka anuniembaa n fanga n la kperere kaan, ama, nzen a boro u nyi yo Nyeme dee atin n su sa, i la kperere beberebe, nyini ma a si ka a nya deke kpa kisa, na a kaaki nya deke kpa buka su fa ko fa ba. ⁹ Nyini noanie n ti nahore wo, bo i ti ye ni ka ya de i na ya yo i yarada. ¹⁰ Nyini dee ti, ye ya boro ya nyi, na ya yo juma ni nahore su, dama ya daafi Nyeme nu, yiri wo bere sangga kere a, yiri ti mine kere Tiideto a, maala bo bu yo i yarada ni.

¹¹ Fa ahin kereewam n fa kere bu, na a ma bu su bu su. ¹² Má a ma be bu u ngbeen ka a ti gbefene n dee ti, ama, ma yaradayofom ni nu u sayoowam na bu son u su. Bere la u noanie jooowa, ni deke bo a yo i, ni kabo a koro minem ni, ni u yarada n bo a la i ni, ni u woowa casi ni. ¹³ Yo anie na a sukan Nyeme jore Kadasi n na Kristo jama n ti, na a sukan Nyeme jore, na a sukere minem Nyeme atin ni, na m nya ba. ¹⁴ Má a ma u wara fi aceeri n bo Awiewie Casi n fa maari u ni, sangga bo i noanie kanfom jooori na Kristo jama nkpienkpienm faari bu saa nanaari u nu sereeri Nyeme maari u ni, ma u cece wo i nu, na a fa i yo juma. ¹⁵ Yo ahin juma ni anyumboro na a fa u nu ma nyinim kere, adena minem kere nu kabo u nyemesu n ko atin su barasu. ¹⁶ Si u nu sa ni u kereewam ni. Ko su suyo ahin sam ni, dama nzen a nya yoori so, woro ni minem kere bo bu ti u noanie ni nya tiide.

5

Kabo i ti ye ni ka Kristo jama n mofu n bita i jama n barasu ni

¹ Má a tien kpien nu, ama, jojo i do kabo a jojo u si do ni, na a tu ngbefenem fo ka u ninbaam, ² na a fa nbara nkpienm yo ka u nim, na a fa tarawam ni nsungurum yo ka u ninbaam, na u ni bere wo ni ahorembaa casi.

³ Bita nkunafom bo bu la má bukafo be n ni jirima. ⁴ Ama, nzen kunafu la nbaam, wara anumam, i ti ye ni ka bu sunie i dika kabo Nyeme koro ni. Nyini kere ka, bu sufa bu wufom nkato to bu kaari wo lee. Dama nyini n so yo Nyeme fie a. ⁵ Nzen kunafu wo i ngumi na i la má bukafo be, wo fa i tama kere awura Nyeme saa nu lee. Na i susere Nyeme jande wiesu ni kongue ka i buka i. ⁶ Ama, kunafu kere bo i nati yo i kunnu koroowa, haari ni bo i la ngoo mmoo ni, i ti ka wo wu wo lee. ⁷ Fa ahin kereewam kere kere nkunafom, ni bu dikafom, adena má be nu bu ngasi. ⁸ Ama, nzen be cece wo má nu ka i nie i lamosi dika, maala i dikafom, i ti ka i mi akete Kristo atin n lee. Nyini sangga ni, sono bo wo yo má yarada tara i mi co lee.

⁹ Kunafu kere bo wo nya ju má afo aburasen, má a kere i duma buka Kristo jama nkunafom su. Bekun, na i ti bo wo du mo aja bieso kun wo, ¹⁰ na minem di i daani ka i yo sakpa a, má pui ti, i ti bo wo ta nbaam ataari kpa, na wo de wofom i dika, na wo yo i nu kaan ka i su Nyeme minem, na wo buka minem bo bu woori kekereke nu, na wo su amusui kpa.

¹¹⁻¹² Ama, nkunafom bo bu nyunu nya ti má ni, má a kere bu duma buka nkunafom n su, dama nzen ajaa konvi ba wurari bu na bu koro ka bu kaaki ja ajaa, nyini sangga, sesesu bo bu faari i na bu diiri i di ni Kristo ni, bu koro su má i su ni nahore su lee, bu yaki i wo, na bu kaaki bu sin bo Kristo lee. Nyini ti ye Nyeme di bu jore cin bu sui a. ¹³ Bekun, nyini ma bu koro ba yo nvieyafom na bu ba sunati awuru awurum nu, i ti má ka bu yo nvieyafom ngumi wo, ama, na bu sukpara tere, na bu sufa bu nso suwura minem jore nu, na bu sujojo jorem bo wo ti má ye ni ka bu jojo bu. ¹⁴ Nyini ti, mini do, nzen nkunafom toko ti tarawam, i ti ye ni ka bu ja na bu wu nbaam, na bu bita bu

awurum, na má ya kpófom koro ñu ngasi be bo bu koro nya atin jójo ya ngbænnngbæen kabo bu koro. ¹⁵ Dama nkunafom nbem adu mɔ akete Kristo atin n asu Sitana su. ¹⁶ Ama, Kristo susufɔ bara kere bo nkunafom wo i dika, i ti ye ni ka yiri ni i tii nie bu dika, na má bu fa bu fie fie Kristo jama n ni, adena Kristo jama n koro nie nkunafom bo bu la má bukafɔ be fieo n su.

¹⁷ Kristo jama ni nkpienkpienm bo bu yo mɔfɔ juma nyunyumi ni, i ti ye ni ka bu nya bu ñkatɔ busu nnyɔ, maala bere bo bu yo bu juma ni anyumboro ka bu kan Nyeme jore na bu kaaki kere minem Nyeme atin n ni. ¹⁸ Dama ba kere i Nyeme Jore Kadasi n nu ka, "Nzen a bita toora subobo ngani, má a cici i nɔɔ." Na ba kaaki akere ka, "I ti ye ni ka jumayofɔ nya i ñkatɔ." ¹⁹ Má a se ka a de jore be bo ba kpie asɔ Kristo jama n bukafɔ n kpien be, má ka mine nnyɔ, wara nsan adi jore n daani ka i ti nahore. ²⁰ Ama, bo bu yo satie ni, se bu nahore jama n kere nyunu, adena nyingam kere soro sere. ²¹ M suma u noanie lee, Nyeme ni Yesu Kristo ni merkem kere nyunu, ka, a de ahin kereewam ni, na má a fa tantambunu, wara má a koro be tara be fa ko deke kere bo a yo i n su. ²² Má a koro nde na a fa u saa nana sɔnɔ be ñu, na a sere Nyeme ma i mi ka i yo Nyeme juma, má a ma u saa n wo be dee satie yoowa n nu. Ma u woowa yo casi.

²³ A la má laifie sanja sanja n dee ti, má a nu nzue ngumi, ama, nu nzan mmɔɔ kaan, na i buka u fa ko akunnuyaari n bo i yaki má u ni.

²⁴ Mine nbem satie yoowa kere kaba da fofoe nu wɔ, na sɔnɔ kere ñu i, nyini satiem ye Nyeme fá di bu jore a, ama, na nbem gusu dee satie bo bu yo i bá fite fofoe nu kasin. ²⁵ I ti sɔɔ lee bekun, sakpa ti deke bo sɔnɔ kere ñu i fofoe nu wɔ, na nzen haari sakpa bo i wo má fofoe nu ni mmɔɔ, i ti deke bo bu koro fie má i.

6

¹ Kristo jama nbaam bo bu ti akɔɔm ni, i ti ye ni ka bu ma bu mibiem jirima nyunyumi, adena be koro saaki má Nyeme duma, wara ya kereewam ni. ² Akɔɔm bo bu mibiem gusu ti yaradayofom ni, i ti má ye ni ka bu bu bu mibiem ngbæen ka bu kere ti yaradayofom n ti, ama, i ti ye ni ka bu su bu tara mibiem bo bu ti má yaradayofom ni, dama bere n bo bu sudi bu amusui n kperɛ n ti bu ninbaam bo bu koro bu wɔ.

Kereewa bo i ko má atin su ni ñwaa koro awaraye jore

Fa ahin kereewam n kan kere u jama n na a se ka bu yo bu. ³ Mine nbem wo bere bo bu kere kereewa nbem bo bu ni ya dee n ti má kun, na bu sunsun ka ya Mibie Yesu Kristo dee noanie kereewam n ti kore wɔ, na bu kereewam kaaki su má Kristo dee atin n su. ⁴ Nyini minem n ti kpirikorofom wɔ, na bu kaaki si má pui. Na bu la sunsunni tie, na bu se akuruwa ni minem fa ko noanie kereewam bu. Nyini ma bu si kore a, na bu di aluwa, na bu kpie bu benju nzuko, na bu la sunsunmase fa ko bu benju do, ⁵ na bu nati suse akuruwa. Bu la má sunsunni kpa, na nahore wo má bu do. Na bu sunsun ka nzen sɔnɔ su Nyeme atin su, i nyá kperɛ wɔ. ⁶ I ti nahore wɔ, sɔnɔ kere bo i nyunu yi deke bo i la i, na i su Nyeme atin su, i mi nyá kperɛ Nyeme do. ⁷ Dama ya fa má pui aba má durunya n nu fen. Ya kaaki koro fa má pui fite má fen. ⁸ Nyini ti, nzen ya la diirem ni suturam, i ti ye ni ka ya nyunu yi bu. ⁹ Ama, minem bo bu nyunu aboro nenje kpini su agaya, na bu koro ka bu nya ajeke beberebe ni, bu nyini nenje koro n sɔ bu nge wɔ, na i nya bu taraabiri fa ko bu konvikiya sunsunni ngbænnngbæen n su. Nyini ma bu kpaasi a, na bu ka ngbæen. ¹⁰ Dama ñwaa koro awaraye ti satie kere bunlui a. Nbem wo bere bo bu koro ñwaa agaya, nyini sɔ ma bu kaaki bu sin bo Kristo atin n wɔ, na i fa bu wura ahoresaaki bambaka nu.

Kabo Pɔɔlu maari Timoti nɔɔ ka i yo i juma barasu ni

¹¹ Ama, wɔɔ Timoti, a ti Nyeme sɔnɔ ɔ, nyini ti, i ti ye ni ka má a dodo nyini sam kere be. Boro u nyi na a yo sa bo i ko atin su, na a su nyemesu atin n su, na a yo i yarada, na a koro minem, na a la mindi, na a wo benle. ¹² Boro u nyi na a tu ngoni kpa bita u yarada n kenken. Nyini má a di nasara, na a nyá ngɔɔ n bo i la má awieeri ni, ahin ngɔɔ n ye Nyeme fereeri u ka i fá ma u a, na wɔɔ ni u tii diiri i daani mine beberebe nyunu ni. ¹³ Nyeme ma deke n kere ngɔɔ a, na Yesu Kristo gusu jinaari Gomina Pɔntiyo Pilato nyunu diiri daani kpa, nyini dee ti ye m suma u nɔɔ Nyeme ni Yesu Kristo nyunu n a, ¹⁴ ka, a yo u juma n bo Nyeme afa ama u n ni nahore su, na u woowa ti casi na má be koro ñu u ngasi be, haari fa ko ju ceen n bo ya Mibie Yesu Kristo bá kpie i nyi ba ni. ¹⁵ Nyeme afa nyini sanja n bo i koro ka Yesu ba n afa ase, nyini sanja n juuri, ye Nyeme má i ba a. Yiri ngumi nie deke n kere su ye kansi wo i do a. Yiri ti nfeme ngbingbirim kere Feme a, na i ti mibiem kere Mibie. ¹⁶ Yiri ngumi kpein wo bere sanja kere a, na i woobiri n bo i wo n ti wein wɔ, na be koro dodo má nyini wein ni. Be nya ñu má i ceen

be da, be gusu koro ŋu má i wɔ mmɔɔ cɛɛn be cɛɛn be. I dɛɛ la jirima ni fanga, saŋga kɛɛ. Ami.

¹⁷ Se bo bu la ajeke durunya n nu fɛn n ka má bu fɔ, na má bu fa bu tama gɔ nyini ajeke bo bu ce má n ŋu, ama, bu fa gɔ Nyeme ŋu, yiri bo i ce ya deke n kɛɛ kɔ sin su n na ya fa yo ya koroowa ni. ¹⁸ Se bu ka bu yo sakpa dɔŋgu, na bu ce aceerim, na deke kɛɛ bo bu la i, na bu sukpaaki nu ma nyingam. ¹⁹ Nzen bu nya yoori sɔ, i ti ka ba tien ajeke nɔɔ abo i bu afa ase fa kɔ fa ba lɛɛ, adena bu nyá ŋgɔɔ n bo i ti ŋgɔɔ nahɔɛ su ni.

²⁰ Timoti, niɛ deke bo Nyeme afa ama u ka a niɛ i dika n su nyunyumi. Cin u ŋu yaki minem bo bu jɔjɔ jɔjɔowa ŋgbɛɛnŋgbɛɛn na bu má Nyeme, na bu sunsun ka bu si wɔ, ama, bu si má pui. ²¹ Dama nbem afun ajina su ka bu la si, nyini dɛɛ ti, ba mini Kristo atin ni.

Nyeme buka am kɛɛ.

Ɖoolu kadasi nnyo su bo i kere fa maari TIMOTI ni

¹ Mini Ɖoolu sukere ahin kadasi n a. M ti Yesu Kristo jamarasa a, Nyeme dee koroyanu, yiri Nyeme asunma m ka m ko kan kere minem kabo i yo seeri ka minem bo bu ni Yesu Kristo yo kun ni, bu nya ngoo.

² M sukere ahin kadasi n ma woro Timoti bo a ti ka m wa koroowa n wo.

Ya Si Nyeme, ni ya Mibie Yesu Kristo buka u, na bu si u anjunfo, na bu ma u ahoreda.

Kabo Ɖoolu maari Timoti ahoresi ka i yo juma barasu ni

³ M da Nyeme asi, yiri ye m su i ni sunsunni kpa, kabo m nam yo suuri i ni. M sere Nyeme so o, kongue ni wiesu, na m nati suda i asi ma u. ⁴ M tenge su kabo a yo suunri ni nyunvuin ni, m wara ado u, m koro ka m ju u, adena m ahore jo. ⁵ M wara fi ma u yarada n bo a yo i nahore su n sa, nyini yarada n gusu ye u nabara Loyisi, ni u ni Yunisi laari i a. Ma yo yarada ka woro mmoo la i so o. ⁶ Nyini dee ti, aceeri n bo Nyeme Awiewie Casi n fa ceeri u ni, sanja bo m faari m saa nanaari u ju, na m sereeri Nyeme maari u ni, m koro ka m tenge u su ka a kaaki ye i su fa yo juma. ⁷ Dama Awiewie Casi n bo i fa maari ya ni, wo fa ama ma ya ka ya yo serefom wo, ama, i fa maari ya ka i buka ya fanja na ya koro minem na ya la tarabuju wo.

⁸ Nyini ti, ma a ma nyinse ti u ka a kan Mibie n jore n kere minem, wara ma a ma nyinse ti u ka m wo dansaraka nu, Kristo dee ti. Ama, woro mmoo di wahara fa ko labari kpa n kan su, kabo m diiri i ni, na Nyeme ma u fanja na a koro mindi de i. ⁹ I deeri ya ti ji wo, na wo fere ya ka ya yo i dee tiergu minem, ma ka ya sakpa bo ya yo i n dee ti, ama, i dee kunnu koroowa ni i ahoroma n dee ti a. Sanja bo i nya yi ma durunya ni, ye i yoori ya nyini sakpa n a, Yesu Kristo dee ti. ¹⁰ Ama, kisa na Yesu Kristo, yiri bo i ti ya Tiidefo n aba durunya n nu ni, ya ju Nyeme koro ni. Labari kpa n dee ti, ya si ka Kristo akunma yiwee fanja, na ya koro nya ngoo n bo i la ma awieeri ni.

¹¹ Nyeme ayi m ka m yo Yesu jaramasa na m kan Nyeme labari kpa n kere minem, ¹² nyini dee ti ye m di ahin waharam n kere n a. Ama, nyinse ti ma m, dama m si sono bo ma daafi i ju ni, na labari kpa n bo wo fa ama m ni, m si tenle su ka i koro nie i su fa ko ju haari jina ceen. ¹³ Bita noanie n kere bo ma kan akere u na i ti nahore n kenken, na a yo yarada na a koro minem, kabo ya ni Yesu Kristo ayo kun n dee ti. ¹⁴ Bita labari kpa n nyunyumi. I ti aceeri kpiri wo, ye Nyeme afa awura u saa nu a. Awiewie Casi n bo i wo ya do n buka u, na a bita i nyunyumi.

¹⁵ A si ka yaradayofom kere bo bu wo Esiya dee awore n nu ni, fa sanja ni Figelosi ni Hemogenesi n kere, anmati ayaki m. ¹⁶ M sere Nyeme ka i si Onesiforosika dikafo m kere anjunfo, dama sanja kere yiri titi m nyunu a. Nyinse ati ma i ka m wo dansaraka nu, ¹⁷ ama, i ba juuri Roma mie kpiri n nu fen ni, i nienieeri m busu wo ni anyumboro, haari na wo ba anju m. ¹⁸ M sere Nyeme ka i si Onesiforosika anjunfo, jina ceen. Woro ni u tii kaaki si buka bo i fa bukaari m barasu, sanja bo m wo Efeso mie kpiri n nu ni.

2

¹ Nyini dee ti, woro m wa, ahoroma n bo Yesu Kristo ma a diiri i n dee ti, ma a yoroki u ju, yo u ju kenken. ² Jore n bo a tiiri i m do, na mine beberebe woori do tiiri i ni, fa wura minem bo bu la dabuju n saa nu, na bere gusu koro fa kere nyinggam. ³ Kabo a ti Yesu Kristo dee soja kpa ni, yo siria na woro mmoo di wahara n kabo nyinggam di i barasu ni. ⁴ Sono bo i yo soja juma, i cece wo ma juma bo i ti ma soja juma nu, se i dee la ka i yo i soja juma a, na i yo i kpian fie. ⁵ Bekun, sono bo i nmati nmatiiri ka i nya teremasu na i nya aceeri, ma ka i mi asu atin bo bu fa kere nyini dee nmatiirifom n su, i koro nya ma aceeri ni. ⁶ Dodoorifo bo i yo juma nahore su ni, wo yo daka ka yiri du mo nya diire fofore n be di a. ⁷ Sunsun fa ko deke bo m suse u n su, na Mibie n buka u na a ti i kere bu.

⁸ Tenge su fa ko Yesu Kristo jore n su, ka i fiteeri Feme Davidi dee busu n nu wo, ye i wuuri a, na wo tenge i yiwee n nu, m labari kpa n lee, so ye m kan i a. ⁹ Labari kpa n dee ti, ye m di wahara n a, haari ba wura m joroko ase ka m ti satiefoyo o, ama, Nyeme dee noanie n yiri, i wo ma joroko nu. ¹⁰ Nyini ti, minem bo Nyeme ayi bu ka bu ti i dee minem n dee ti, ma mindi ade deke n kere, adena bere mmoo nya tiide n bo i fite Yesu Kristo do ni, na i ma bu jirima n bo i la ma awieeri Nyeme do ni. ¹¹ Ahin jooowa n ti nahore wo, bo i na,

ka Antiyoki, ni Ikoniyom, ni Lisitira ni, má wuwuruwa lée ye minem kereeri m a. Ama, na Mibié n ayi m afite nyinim kere nu. ¹² Sónó kere bo i koro ka i su Nyeme atin su na i ni Yesu Kristo yo kun, i mi nju wuwuruwa, ¹³ na mine tiem ni kerefo korefom yo satie ko sin su, bu dadaka mine, na mine dadaka bere gusu. ¹⁴ Ama, woro yiri, nahore atin n bo bu fa kereeri u, na a yoori i yarada nahore su ni, su i su so, dama a si minem bo bu kereeri u nyini atin ni. ¹⁵ A si ka fite u kaan nu kere, ye a sonsonri Nyeme Jore Kadasi n kere n ye a siiri i a. Nyini koro ma u alecira a, na a yo Yesu Kristo yarada na a nya tiide. ¹⁶ Nyeme Jore Kadasi n bo ba kere i n kere fite yiri do a, na i la kpere bo a koro fa kere minem nahore atin ni, na a fa kan sonó bo i yo satie ndie, na a fa kere sonó atin fa ko deke bo i ko má atin su, na a fa kere sonó na i yo sa bo i ti kpa. ¹⁷ Nyini n kere koro ma sonó kere bo i su Nyeme kpama bi a, na i koro yo juma kpa barasu kere.

4

¹ M suma u noanie lée, Nyeme ni Yesu Kristo n nyunu, yiri bá di ngwofom ni yiweefom n jore a, na i bá di feme na i nie i minem su. ² Boro u nyi kan Nyeme noanie ni, sukan i sangá kere. Tenge yaradayofom su fa ko kereewa bo i ko atin su. Jaraki bu na bu yaki satieyo. Jojo bu do na bu yo sakpa buka su. Na a yo sawore ni nyini n kere na a kere bu nyunyumi. ³ Dama fa ko fa ba, minem koro má ka bu so bu sui, na bu ti Kristo kereewa n bo i ko atin su ni. Ama, bu sú bu dee koroowam su wo, na bu tien kerefom donggu noo bo bu kere bu dekem bo bu koro ka bu ti i ni. ⁴ Bu káaki bu sin bo nahore atin ni, na bu só bu sui ti kore jorem. ⁵ Ama, woro yiri, tara u nyi sangá kere, na a mindi ni wahara di, na a boro u nyi kan Yesu labari kpa n jore, na a yo u juma n kere kabo Nyeme koro ka a yo i ni.

⁶ Mini yiri, sangá n aju bo bu yi m ngoo ni, Yesu Kristo dee ti, sangá n aju bo m fite durunya n nu fen. ⁷ Ma boro m nyi atu ngoni Nyeme atin n su, ma yo m juma awie, ma kan labari kpa n ni m yarada kun. ⁸ Kisa Nyeme bita teremasu aceeri nminda m, dama wo de m ka m yo sa bo i ko atin su i do o. Ya Mibié Yesu Kristo, yiri di minem jore ye i ko atin su a, yiri fá nyini teremasu aceeri n ce m jina een a, má mini ngumi, ama, sonó kere bo i koro Yesu na i tana nminda ka i ba n a.

Poolu ni i tii jore lee

⁹ Yo anie na a bra m do kisa kisa. ¹⁰ Dama Keresensi ako Galatiya awore n nu, ye Titosi ako Dalamatiya awore n nu. Demasi anmati ayaki m, wo ko Tesalonika mie kpiri n nu, kisa i koro ka i wo kabo durunya n nufom wo n wo. ¹¹ Luka ngumi wo m do a. Fa Marako na u ni yiri bra, dama i koro buka m ni juma ni. ¹² Ma sunma Tikikusi Efeso mie kpiri n nu. ¹³ A na a ba, bita m ayere tanlee n ba ma m, bo m yakiiri i Torasi mie kpiri n nu, Kapusi dika ni. Fa m kadasim n gusu bita m nu, maala bo ba fa nenggendore njuma ayo bu ni.

¹⁴ Alekizanda bo i ti tunmi n ayo m satie agaya, Mibié ni to i kaari fa ko sa bo wo yo i n su a. ¹⁵ Si u nyi sa ni yiri, dama wo jina su kekereke akete noanie n bo ya kan i ni. ¹⁶ Ciciri su bo m sukan na m de m tii jore diibiri ni, be ajina má m sin, bu kere nmati yakiiri m wo. M sere Nyeme ka i fa bu ngasi ce bu. ¹⁷ Ama, na Mibié n ajina m sin a, na wo ma m fanja, na ma koro akan labari kpa n akere minem, na bo bu ti má Yudafom n kere akoro ati. Na wo de m afite minem bo bu koro ka bu kun m n saa nu. ¹⁸ Yiri Mibié ni yi m fite jore tie kere nu a, na i fá m ko wura i femeya n nu angoro ni laifie a. Jirima bambaka ti i dee sangá kere. Ami.

Awieeri su dee anse yoowa ni

¹⁹ Bisa Pirisila ni i hun Akuyila fa tu Onesiforosi dikafom kere donggu ma m. ²⁰ Irasitusi kaari Korinto mie kpiri n nu wo, na ma yaki Torofimosi gusu Miletosi mie kpiri n nu, dama wo la má i nyi. ²¹ Yo anie na a bra ka, na fufuku nya ju. Ya ninbaam bisa u donggu, bere la Eyabulusi, ni Pudensi, ni Linosi, ni ya niemabara Kalodiya, ni ya ninbaam nyingam kere. ²² Ma Mibié n wo ni woro. Nyeme buka am kere.

Pɔɔlu kadasi bo i kere fa maari TITOSI ni

¹ Mini Pɔɔlu sukere ahin kadasi n a. M ti Nyeme akoo, na m kaaki ti Yesu Kristo jaramasa. Nyeme ayi m na wo sunma m ka m ko buka minem bo wo yi bu n na bu yarada yo biwa, na bu si nahore fa ko Nyeme atin n su. ² Kana Nyeme ba yiiri durunya n ni, i yo seeri ka i ma ya ngoo n bo i la ma awieeri ni. Nyeme bu ma kore. Nyini ngoo n tama dee ti, ye ya la yarada ni si jina kun su n a. ³ Na sangga n ba juuri ni, na wo yi i noanie n afite fofoe nu, na wo fa ama m ka m ko kan i kere minem. Nyeme ni i tii, yiri bo i ti ya Tiidefo ni, maari m noo ka m ko kan i noanie n a.

⁴ Mini Pɔɔlu sukere ahin kadasi n ma woro Titosi a. A ti m wa a, nahore su, dama m ni woro kere asanga ayo Yesu Kristo yarada. Ya Si Nyeme ni ya Tiidefo Yesu Kristo buka u, na bu ma u ahoreda.

Juma bo Pɔɔlu na Titosi yo i Kereti asien n su ni

⁵ Deke bo i ti na m yakiiri u Kereti asien n su n la ka, m koro ka a yo juma n bo wo wie ma n wie, na a sese i su, na a yi Kristo jama nkpienkpienm se miem kere su, kabo m seeri u ni. ⁶ Nyini nkpienkpienm n kere bo a yi bu ni, i ti ye ni ka bu be la ma ngasi be. I ti ye ni ka bu ja bara kun n kpein. I ti ye ni ka bu nbaam yo Kristo yarada, na be koro jaraki ma nbaam ka bu nati yo sa ngbengenngbeen na bu de ma bu wufom noanie. ⁷ Nyeme afa i juma n awura nkpienkpienm saa nu n dee ti, wo yo daka ka, ma bu la ngasi be. I ti ma ye ni ka bu ti anjukerefom, wara bu fa yaa ndende, wara bu nu nzan agaya, wara bu ti aluwa korofom, wara bu koro nwaa agaya. ⁸ Ama, i ti ye ni ka nkpienkpienm kere ti minem bo bu de wofom, na bu ti minem bo bu koro sakpayo, na bu la tarabuju, na bu yo sa bo i ko atin n su, na bu ti casi, na bu bita bu ju. ⁹ I kaaki ti ye ni ka bu ti minem bo bu bita Nyeme noanie n bo i la dabuju n kenken, kabo ya kereeri bu ni, adena bu koro fa kereewa n bo i ti nahore n fa kere minem na bu nya ahoresi, na bu kaaki koro kan kere minem bo ba kete nyini kereewa n kabo ba mini barasu ni.

¹⁰ Dama minem dongu wo bere bo ba kete kereewa bo i ti kpa ni, na bu sujoo jore ngbengenngbeen na bu sudadaka minem, maala yaradayofom bo bu toko bita Yudafo sayoowa ni. ¹¹ Ma bu mo bu noo, dama bu sufa nyini kereewa n bo i ti ma ye ni ka bu fa kere ni, sufa saaki awurukpa lee. Nwaa dee ti ye bu yo so a. ¹² Haari bere Keretifom mmoo dee tienju sifo be yo seeri ka, "Bere Keretifom ti korofom wo dada kere, na bu ti ka boro nenge tiem, na bu ti nviyafom, ni ayaa kpirifom wo." ¹³ Kabo i yo seeri n ti nahore wo. Nyini dee ti, jaraki bu, na bu yarada yo fanga, ¹⁴ na ma bu su Yudafo nana jorem su, na ma bu su deke bo minem bo ba kete nahore n akpama i n su. ¹⁵ Minem bo bu woowa ti casi ni, deke kere ti casi wo bu do, ama, minem bo bu woowa ti ma casi na bu yo ma Yesu Kristo yarada ni, deke be mmoo ti ma casi bu do. Bu sunsunni, ni bu ahore kere ti fin wo, na nzen haari bu yo satie mmoo, bu si ma ka i ti satie. ¹⁶ Bu na bu si Nyeme, ama, bu sayoowa kere ka bu si ma i, dama bu sayoowa kere ti ciire wo Nyeme do, na bu de ma Nyeme noanie ni, na bu koro yo ma sakpa be.

2

Kereewa n bo i ti kpa n dee jore

¹ Ama, woro yiri, i ti ye ni ka a fa kereewa bo i ti nahore na i ko atin su, na a sufa kere yaradayofom ni. ² Se nbieso anyunutifom ka, bu bita bu ju, na bu yo sa bo i la anyunuyi, na bu la tarabuju. Kaaki se bu ka, bu ma bu yarada yo fanga, na bu koro minem nahore su, na bu la mindi nahore su. ³ Se nbara anyunutifom gusu ka, bu ma bu woowa kere ka bu soro Nyeme. Nyini la ka, ma bu susaaki mine duma, na ma bu ma nzan ja bu. Kaaki se bu ka, bu kere kereewa kpa, ⁴ na bu tu tarawam fo ka, bu koro bu hunm ni bu nbaam, ⁵ na bu la tarabuju, na bu ma bu woowa ti casi, na bu bita bu awurum nyunyumi, na bu yo sakpa, na bu de bu hunm noanie, adena ma be koro bu Nyeme noanie ni ngbeen. ⁶ Tu ngbefenem gusu fo ka, bu tara bu ju, ⁷ ni deke kere. Woro mmoo ni u tii, ma u sayoowa kere ko atin su, na minem ju i, na bu son u su. Fa sunsunni kpa ni atin bo i la jirima fa kere minem ⁸ kereewa kpa, na be koro kan ma jore be. Kere bu so, adena minem bo bu kete ya kereewa n di nyinse, dama bu ju ma ngasi be bo bu fa saaki ya. ⁹ Se akoom gusu ka, bu de bu mibiem noanie, na bu yo sa kere bo bu mibiem koro, na ma bu se jore be. ¹⁰ Kaaki se bu ka, ma bu wo awie mumuku, ama,

bu kere ka bu la dabuɲu deke kere nu. Nzen bu yoori sɔ, bu woowa kpa ni kere minem ka, Nyeme, yiri bo i ti ya Tiidefo ni, i deɛ kereewa n ti nahore wo.

¹¹ Dama Nyeme ayi i ahɔroma afite fofoe nu, na sɔnɔ kere nya tiide. ¹² I ahɔroma ni kere ya ka ya yaki sam bo bu ko má nyemesu atin n su a, ni dekem bo bu wura ya konvi durunya n nu ni, na ya tara ya ɲu, na ya yo sa bo i ko atin su, na ya bita nyemesu atin, ahin durunya n bo ya wo nu ni. ¹³ Ya yo ahin na ya ɲminda deke n bo ya la i tama bambaka ka i fite fofoe nu, yiri la ya Mibiɛ Yesu Kristo, kabo i fite fofoe nu ni i jirima woowa ni. Yiri ti ya Nyeme kpiri, ni ya Tiidefo a. ¹⁴ Yiri wu maari ya, adena i ma ya nya ya tii, na i yi ya fite ya satie nu, na i kpakpara yi ya fin kere, na i yo ya casi, na ya yo i deɛ minem bo bu nyunu aboro sakpayo su.

¹⁵ Ahin kereewam kere, fa kere yaradayofom, na a ma bu ahoresi, na a kan bu ndie. Fa yiko n bo Nyeme afa ama u n yo sɔ, na má a ma be bu u ɲgbɛɛn.

3

Kabo yaradayofom wo ti barasu ni

¹ Teɲge yaradayofom su ka, bu yo bu ɲu benle ma nɛmɛm ni gomina nkpienkpienm, na bu de bu noaniɛ, na bu kpa bu ɲu na bu yo sa kere bo i ti kpa, ² na má bu saaki minem duma, na má bu se akuruwa ni minem, ama, bu yo bu ɲu kaan, na bu yo bu ɲu benle ma sɔnɔ kere.

³ Má pui ti, yere mmɔɔ ni ya tii yo ti sinnzinm wo, ya si má Nyeme jore, na ya kaaki de má i noaniɛ, na ya mini i atin ni, ya yo ti minem bo ya yo deke kere bo i wura ya konvi wo, na ya suyo ya sa koroowa, na ya la aɲunkpini, na ya si kore, na ya yo ti minem bo minem kpo ya a, na ya gusu kpo ya beɲgu. ⁴ Ama, haari ni nyini mmɔɔ, Nyeme bo i ti ya Tiidefo ni, yo faari i sakpa, ni i koro kereeri ya, ⁵ na wo nya ade ya tii aji. Má ka ya sakpa yoowa deɛ ti, ye i deeri ya tii jiiri a, ama, i aɲunfo si deɛ ti. Kabo i deeri ya tii n la ka, i Awiewie Casi ni ɲmisiiri ya a, na wo ma ya wo fɔfore, ni ɲgoɔ fɔfore. ⁶ Na Nyeme ama ya Tiidefo Yesu Kristo afa Awiewie Casi n ama ya ako asin su. ⁷ Nyeme yoori sɔ ni, adena ya yó i nbaam, na ya yó tama ka ya nyá ɲgoɔ n bo i la má awieeri. Nyeme ahɔroma n deɛ ti, wo de ya ka ya la má ɲgasi be i do, nyini ti ye wo fa ya ayo i nbaam n a. ⁸ Ahin jore n ti nahore wo.

M koro ka a kere ahin dekem ni anyumboro, adena bo bu yo Nyeme yarada ni, bu fa bu sunsunni kere yo sa bo i ti kpa. Ahin kereewam n la kperɛ, na bu kaaki ti kpa ma sɔnɔ kere. ⁹ Ama, má a fa u ɲu wura akuruwa ɲgbɛɛnɲgbɛɛn barasu kere nu, ni ya nana Yudafom dumam, ni aluwa ɲgbɛɛnɲgbɛɛn fa ko Nyeme noaniɛ kpamaawa n su. Ahinm kere ti ɲgbɛɛn wo, bu kunma kperɛ be. ¹⁰ Sɔnɔ kere bo i fa kpakpaakinu ba, i ti ye ni ka a tu i mi fo kpe nnyo o, na nzen wo nya de má i, má a bu i wura am nu. ¹¹ Si ka nyini sɔnɔ n sɔ akete kereewa kpa n leɛ, na i yo satie bo yiri mmɔɔ ni i tii si ka i ti satie wo.

Pɔɔlu deɛ awieeri su noaniɛ bo i fa maari Titosi ni

¹² M súnma Aratema, wara Tikikusi u do, nzen bu be baari, boro u nyi na m ni wɔro sa nu Nikopoli mie kpiri n nu. M koro ka m wo do fufuku sang a. ¹³ Zena bo i ti joredifo ni, i ni Apolosi, bu ba ɲa bu yasu, boro u nyi na a buka bu, na má deke be kpiɛ bu su. ¹⁴ I ti ye ni ka a ma ya minem gusu sɔnsɔn kabo bu boro bu nyi suyo sa bo i ti kpa, na bu buka minem ni deke bo i ti bu mieɛwam ni, adena má ya minem ni wo wo ɲgbɛɛn.

¹⁵ M labari n kere leɛ. Minem bo bu wo m do n kere bisa u. Bisa ya danfom kere bo bu yo Yesu yarada ni. Nyeme buka am kere.

Pɔɔlu kadasi bo i kerɛ fa maari FILEMON ni

¹ Mini Pɔɔlu bo Yesu Kristo dɛɛ ti na kisa m wo dansaraka nu ni, ni ya niwa Timoti sukere ahin kadasi n a. Wɔrɔ Filemon bo ya koro u na ya ni wɔrɔ sangɔ yo juma ni, ya bisa u dɔŋgu. ² Ya kaaki bisa Kristo jama n bo bu tien bu nɔɔ u dika ni, ni ya niwa baabara Afiya, ni ya niwa Akipusi bo ya ni yiri kere ti ka soja ni, Yesu dɛɛ atin n su ni. ³ Ya Si Nyɛmɛ ni ya Mibie Yesu Kristo buka am, na bu ma am ahoreda.

Filemon koro ni i yarada n jɔrɛ

⁴ M niwa Filemon, sangɔ kere bo m sere Nyɛmɛ, m wara fi má u sa, m da i asi ma u wo. ⁵ Dama ma ti kabo a yo ya Mibie Yesu yarada ni, ni kabo a koro Nyɛmɛ minɛm kere ni. ⁶ M kaaki sere Nyɛmɛ ka i ma wɔrɔ ni bo ba yo yarada na am sangɔ su Nyɛmɛ ni la wo fie, nyini ma a si nahɔre su kabo Nyɛmɛ afa deke kpa ama ya, Kristo dɛɛ ti. ⁷ M niwa, koro n bo a bita i ni, wɔ ma m ahore ajo agaya, na wɔ kaaki ama m ahoresi, dama wɔrɔ dɛɛ ti, Nyɛmɛ minɛm anya ahoresi.

Kabo Pɔɔlu taraari Filemon jaa maari Onisimɔ barasu ni

⁸ Tɔ, kabo Kristo dɛɛ ti na a ti m niwa ni, m la ahoresi, na m la atin bo m koro se u ka a yo deke bo i ti ye ni ka a yo i. ⁹ Ama, m koro u n dɛɛ ti, ye m susere u a, ka a buka m, haari ni bo m jina Yesu Kristo dɛɛ jaa nu n ni, na i dɛɛ ti na m kaaki ti dansaraka kisa ni. ¹⁰ Deke bo i ti na m susere u n la ka, m susere u ma m wa Onisimɔ n wɔ, bo Yesu Kristo dɛɛ ti na wɔ kaaki m wa dansaraka nu n ni. ¹¹ Sangɔ be, i yo kun má kperɛ be ma má u, ama, kisa, i kun kperɛ ma wɔrɔ ni mini kere wɔ.

¹² Yiri bo m koro i ni m ahorembaa kun ni, ye m suma i ba u dɔ n a. ¹³ Kabo Nyɛmɛ jɔrɛ kaanwa n dɛɛ ti na m wo dansaraka n nu ni, má m koro ka i wo m dɔ fɛn na i buka m, kabo má wɔrɔ wo fɛn na a buka m ni. ¹⁴ Ama, m koro má ka m yo deke be bo a soro má su, ama, m koro ka wɔrɔ mmɔɔ ni u tii buka m u koroyanu, má ka i yo ka m miɛ u wo. ¹⁵ Beni, Onisimɔ fiteeri u saa nu ni, wɔ ce kaan, adena i ba kaaki ba wo u dɔ sangɔ kere. ¹⁶ Kisa, i ti má u akɔɔ ŋgumi kun, ama, i tara akɔɔ ɔ. I ti ya niwa koroowa a. Koro bo m fa koro i ni, wɔrɔ koro i tara so. I ti u akɔɔ ɔ, ama, Mibie n dɛɛ ti, i kaaki ti u niwa a.

¹⁷ Nyini ti, nzen a fa i ka m ti u matafo, de i kabo má a de m ni. ¹⁸ Nzen wo do u ŋgasi be, wara i bita u kaari, ma nyini kaari n yo m dɛɛ kaari. ¹⁹ Mini Pɔɔlu ni m tii sufa m saa sukere ahin jɔrɛ n a, ka m tɔ kaari n kere bo i bita i n ma u. M kaaki koro se u ka, m kaari su u su, fa kɔ u ŋgɔɔ bo a nyaari i Yesu dɔ ni. ²⁰ Nyini ti, m niwa, m koro ka a yo ahin sakpa n ma m, Mibie n dɛɛ ti. Kabo ya kere ti nibaa Kristo dɛɛ ti ni, da m ahore.

²¹ M la ahoresi ka a dé m noanie ni, nyini ti ye m sukere ahin kadasi n a. Na kabo ma se ni, m si ka a yó i kɔ tara so. ²² Bo i buka su la ka, m koro ka a yo soɔ dɔŋgu se m, dama m la tama ka Nyɛmɛ bá de am sere, na i má m kaaki ba am dɔ.

Pɔɔlu awieeri su dɛɛ anse yoowa ni

²³ M lamɔko Ipafarasi bo m ni yiri wo dansaraka nu, Yesu Kristo dɛɛ ti ni, i ŋa m bisa u dɔŋgu. ²⁴ Marako, ni Arisitakusi, ni Demasi, ni Luka kere gusu ŋa m bisa u dɔŋgu, m ni bere sangɔ yo juma. ²⁵ Ya Mibie Yesu Kristo buka am kere.

Kadasi n bo bu kere fa maari HIBURUFOM ni

Nyeme noanie n bo i jojo fiteeri i Wa n do ni

¹ Dawa sanja Nyeme yo faari i noanie maari i noanie kanfom wo, sanja barasu ni atin barasu barasum, na bu sukan i kere ya nam. ² Ama, ahin awieeri su sanja n bo ya wo nu ni, Nyeme afa i Wa n su ye i fa i noanie n jojo ya so a. Nyeme maari yiri yiiri durunya n a. Na wo se ka, awieeri su, deke n kere ba yo i dee wo.

³ I jirima woowa wein ni kere kabo Nyeme ti a. Kabo Nyeme ti ni, i woowa ti so o. I noanie n bo i la yiko ni, i fa nyini bita durunya n kere a. I faari i ju fa yoori yoowa, adena Nyeme fa adamande satie ce i. Nyini dee sin, na wo nya ako atana angoro, Miceera Kpiri n saa fomboro su. ⁴ Nyeme maari i jinaabiri bambaka bo i tara i meretekem dee, na wo kaaki ama i duma bo i tara bu dee ni.

Kabo Nyeme Wa n tara i meretekem barasu ni

⁵ Dama kabo Nyeme seeri i Wa n ni, ka,

“Woro ti m Wa a,
nyuma, m kaaki u Si,”

wo se ma i merete n be so. Bekun, i na

“M yo u Si,
na u gusu yo m Wa.”

⁶ Sasu bekun, sanja bo Nyeme yo na i sunma i Wa kun n kpein n durunya n nu ni, na wo se ka,

“Ma Nyeme meretekem kere su i.”

⁷ Fa ko kabo Nyeme jooori i meretekem jore ni, i na,

“Mini, m ma m meretekem yo bu juma
kabo anjuma, ni sin yo bu juma barasu n wo.”

⁸ Ama, kabo Nyeme jooori i Wa n do ni, i na,

“Woro ti Nyeme a, u femeya bie n la ma awieeri.

A bita u femeya n ni nahore atin su wo.

⁹ A koro sa bo i ko atin su wo,
na a koro ma sa bo i ko ma atin su a.

Nyini dee ti ye Nyeme ayi u a,
ye wo ma u ahoreda bo i tara u bengum kere n a.”

¹⁰ Na Nyeme akaaki ase i Wa n ka,

“Ya Mibie, bumboori ni, woro yiiri asienju a.

U sa bo a yoori i dee ti, ye angoro wo bere a.

¹¹ I kere ba ka ngbeen wo,
ama, woro wo bere wo sanja kere.

Angoro n ni asienju kere yo dawa
kabo sutura yo dawa barasu n wo.

¹² A pondi bu ka sanvuin bo wo do wo,
na a ba kaaki i fofore.

Ama, woro kaaki ma fieo,
na u afo la ma awieeri.”

¹³ Na Nyeme akaaki ase i Wa n ka,

“Ba tana m saa fomboro su fen,
haari m ba ma a kunma u kpofom na a nana bu kere ju.”

Kabo i seeri so ni, wo nya ase ma i merete n be so.

¹⁴ Ye i meretekem ti nzum wo? Bu ti awiewiem bo bu su Nyeme wo, na i sunma bu na bu ko buka minem bo bu ba nya tiide ni.

2

Tiide bambaka n jore

¹ Nyini dee ti, wo yo daka ka ya bita Nyeme noanie n bo ya du mo ati i nyunyumi, adena ma ya mini. ² Ya si ka noanie n bo Nyeme yo fa maari i meretekem, na bu kan kereeri ya nam ni, i ti nahore wo, na minem bo bu tiiri i na bu keteeri, na ba de ma i ni, bere nyaari suicin n a. ³ Nzen yere gusu keteeri nyini noanie kpiri n bo i kere kabo Nyeme de ya tii ji ni, ya yo se koro fite nu na ya nya ma suicin a? Ahin tiide n bo ya kan

i jore ni, Mibie n ni i tii du mo kan kereeri minem a, na bo bu tiiri i n adi i daani, ase ya ka i ti nahore wo. ⁴ Nyini sannga n na Nyeme mmoo adi i daani abuka su, yiri la bo i yoori alekutura sa barasu barasum kereeri i yiko, na i maari minem nyaari i Awiewie Casi n acerim kabo i koro barasu ni.

Yesu ti adamandem goro o

⁵ Nahore, Nyeme afa ma durunya fofore n bo ya kan i jore, na i suba ni, awura ma i merékem saa nu. ⁶ Ama, be akere i Nyeme Jore Kadasi n awore be nu, ka, "Ya Micera Nyeme, adamande gusu ti nzu wo,

ye u cece wo i nu a?

Adamande wa ti nzu wo,

ye a nie i dika?

⁷ Kabo a yoori i ni, a ma i jinaabiri kpieeri su sannga kaan afien ni u merékem dee,

na a nya awura i kpiri na a ma i jirima bambaka,

⁸ na a fa deke kere awura i saa nu."

Ba kere i Nyeme Jore Kadasi n nu kabo Nyeme afa deke n kere awura adamande saa nu ka i nie i dika ni, nyini kere ka deke be wo ma bere bo i ti ma i dee. Ama, kisa, kabo i ti ni, ya nya nu ma i so. ⁹ Ama, ya nu Yesu kabo Nyeme yoori i ni, i ma i jinaabiri kpieeri su sannga kaan afien ni i merékem dee wo. Na i dee ahoro ma n nu na wo wu sono kere dee ti. Kisa, wahara n bo i diiri i na i wu n dee ti, Nyeme awura i kpiri, na wo ma i jirima bambaka.

¹⁰ Nyeme yiiri deke n kere a, yiri la deke n kere yiko a. I tiiri ye ni ka Nyeme kpini atin bo i mine beberebe ba nya i jirima woowa n be. Nyini dee ti, ye i ma Yesu ba diiri wahara n a, adena i yo minem mof bo i ti kabo Nyeme koro ka i ti ni, dama yiri ma bu nya tiide a. ¹¹ Yiri Yesu bo i yo minem casi ni, i ni minem kere bo wo yo bu casi n sannga Si wo. Nyini dee ti, i la ma i nyinse na i fere bu ka i ninbaam n a. ¹² Na wo se Nyeme ka,

"M bo u duma kere m ninbaam.

Na sannga kere bo bu tieeri bu noo,

m di jue kansi u duma."

¹³ Na wo kaaki ase ka,

"Mini, m daafi Nyeme nu,"

Na wo kaaki ase bekun ka,

"Mini ni nbaam bo Nyeme afa ama m ni, yere yaa."

¹⁴ Kabo nbaam n ti adamande ni, nyini dee ti ye yiri mmoo kaakiiri adamande a, adena i wu na i yo sono bo i la yiwee yiko ni ngbeen, yiri la Sitana a, ¹⁵ na i de minem tii ji, bere kere bo bu ngoo su na bu soro yiwee n dee ti, na ba kaaki akoom ni. ¹⁶ I ti nahore wo ka, ma merékem ye i buka deeru bu tii a, ama, Abraham busu nufom ye i buka deeru bu tii a. ¹⁷ Nyini kere ka, wo yo daka ka i woowa ti ka i ninbaam i deke n kere nu wo, adena i yo Nyeme sayoowa donguyofom kpian bo i la dabunu na i si anjuno fa ko i nyemesu n nu, na i fa i nu yo woowa ma minem na Nyeme fa bu satie ce bu. ¹⁸ Yiri ni i tii yo diiri wahara, na ba so i nge na bu nie ni. Nyini dee ti, ye i koro buka minem bo bu so bu nge na bu nie n a.

3

Kabo Yesu tara Moyisi barasu ni

¹ M ninbaam, amere bo Nyeme ayi am ni yere ka matafo casim ni, am fa am sunsuni se Yesu nu, yiri bo Nyeme asunma i na i ti ya sayoowa donguyofom kpian n ni. Ya su yiri su a, ye ya di i daani kere minem a. ² I yoori i juma n bo Nyeme yiiri i ka i yo i n ni nahore su wo, kabo Moyisi mmoo yo yoori i juma kere Nyeme awuru n nu, bukaari Nyeme minem ni nahore su n wo. ³ Kabo sono bo i ta awuru n la jirima tara awuru n ni i tii ni, so ye Yesu la jirima tara Moyisi a. ⁴ Awuru kere la i tafo, ama, Nyeme ti deke n kere tii a. ⁵ Moyisi yo laari dabunu yoori i juma kere Nyeme awuru n nu, bukaari Nyeme minem n ka amususufo o, na wo kere bu deke bo Nyeme koroori ka i ba se bu ni. ⁶ Ama, Kristo yiri ti Nyeme Wa a, yiri la dabunu Nyeme awuru n nu koro bita Nyeme minem a. Nzen ya bita ya tama n ni ahoresi, yere ti i awuru n nufom a.

Nyeme minem numiyi n dee jore

⁷ Nyini dee ti, kabo Awiewie Casi n se ni,

"Nyuma, nzen am tiiri kabo Nyeme suse,

⁸ ma am ma am sui yo tantanantan,

kabo am nam yo yoori bu sui tantanantan na bu yoori Nyeme na bu nie ni,

sangá bo bu wo boro kpantain n nu na bu keteeri i nɔ́anie ni.

⁹ Na Nyeme ase ka,

'Do ye am nam yo yoori m na bu nie a,
haari ni bo bu njuuri sam bo m yoori bu,
nyini afo aburana n kere nu ni,
bu yoori m wo na ba nie.

¹⁰ Nyini dee ti ye m faari yaa bu nju a,
ye m seeri ka, ba mini atin n a,
dama ba yo ma m sa koroowam ni.

¹¹ Na yaa ati m, na ma tan ndie ka,

bu ny ma atin wura ma asien n bo ma m ma bu nya numiyi n nu ni.' "

¹² M ninbaam, am si am nju sa na ma am be ahorembaa yo kekereke, na i kaaki i sin bo Nyeme, yiri bo i wo bere sangá kere n dee atin ni. ¹³ Ceen kere bo ale acin na bu fere i ka, "Nyuma," am sutu am benju fo, na ma am ma be dadaka am na am yo satie na am sui yo tantanantan. ¹⁴ Nzen ya koro bitaari bumboori su nɔ́anie n kenken haari ko juuri i awieeri, nyini n kere ka ya ni Kristo sangá yo juma kun wo lee. ¹⁵ Kabo ba kere i Nyeme Jore Kadasi n nu ni, ka,

"Nyuma, nzen am tiiri kabo Nyeme suse,

ma am yo am sui tantanantan,

kabo am nam yo yoori bu sui tantanantan."

¹⁶ Nmam yo tiiri Nyeme nɔ́anie n ye bu yoori bu sui tantanantan n a? Ma minem kere bo Moyisi yo yiiri bu fiteeri Ijipiti asien n su ni, nzen se? ¹⁷ Ye nmam ye Nyeme yo faari yaa bu nju afo aburana n a? Ma bo bu yo yoori satie na bu wuuri boro kpantain n nu ni? ¹⁸ Nmam ye Nyeme yo taanri ndie ka, "Bu nya ma atin wura ma asien n bo ma m ma bu nya numiyi n nu n a?" Ma bere n bo bu yo keteeri i nɔ́anie ni, nzen se? ¹⁹ Deke bo i ti na ya nju ka ba wura ma asien n su na bu nya numiyi n la ka, ba yo ma i yarada.

4

¹ Nyini ti, am ma ya si ya nju sa, na ma be fun nyini numiyi n bo Nyeme ase ka i fa ma ya na atin toko wo bere ka ya nya i ni. ² Dama yere mmoo ati labari kpa n kabo bere mmoo yo tiiri i ni, ama, bere ayo ma i yarada, nyini dee ti, ye wo kun ma kpere ama ma bu n a.

³ Ama, yere bo ya yo Yesu yarada ni, ya nya nyini numiyi n bo Nyeme seeri ka i fa ma i minem ni. I ti kabo Nyeme seeri n wo, i na,

"Na yaa ati m, na ma tan ndie ka,

bu nya ma atin wura ma asien n bo ma m ma bu nya numiyi n nu ni."

Fite sangá bo Nyeme yiiri durunya n kere wieeri ni, i juma awieeri lee. ⁴ Dama ba kere leso ceen n jore, Nyeme Jore Kadasi n awore be nu, ka, "Nyeme yo yiiri i numi, i jumayoowa kere nu wo leso ceen ni." ⁵ Ya kaaki anju ka wo jojo nyini jore n so ka, bu nya ma atin wura ma asien n bo m ma bu nya numiyi n nu. ⁶ Bo bu du mo tiiri labari kpa n ni, ba wura ma ma nyini numiyi n nu, dama ba yo ma Nyeme yarada. Ama, atin toko wo bere bo nbem nya nyini numiyi ni. ⁷ Nyini dee ti, na Nyeme ma wo ce ka, na wo kpama ceen fofore be, na wo fere i ka nyuma, na wo ma Feme Davidi ajojo nyini ceen n jore, kabo ba kere i Nyeme Jore Kadasi n nu ka,

"Nyuma, nzen am tiiri kabo Nyeme suse,

ma am ma am sui yo tantanantan."

⁸ Nzen ma Yosua koro maari Yisarelifom nyaari atin wuraari asien n bo Nyeme ma bu nya numiyi n nu, ma Nyeme ayo akaaki ase ma ka ceen n be wo bere bo i ma i minem nya numiyi kun. ⁹ Ama, kabo i ti ni, numiyi ceen wo bere bo Nyeme ba fa ma i minem.

¹⁰ Dama sono kere bo i nya numiyi Nyeme do, i mi yi i numi fa ko i juma su, kabo Nyeme yo yoori i juma wieeri na i yiiri i numi n wo. ¹¹ Nyini dee ti, am ma ya boro ya nyi, na ya nya numiyi n bo Nyeme ba fa ma ya ni. Ama, ma am ma ya be kete Nyeme nɔ́anie ni, adena ma ya fun numiyi ni, kabo Yisarelifom nbem yo keteeri na bu funuri i ni.

¹² Nyeme nɔ́anie n la ngoo na i la fanga. I kaaki wo na tara takobe, i kpie wura sono ahorembaa su wo, ni i numi, ni i awiewie nu, na i kpie kpaaki buwe sasuubiri, na i ko kpura boroko nu, na i fiiti sono sunsunni nu, na i si deke bo i ahorembaa koro, deke bo i ti kpa, ni bo i ti ma kpa. ¹³ Deke be wo ma bere bo i koro fie Nyeme, dama deke be wo ma bere bo Nyeme ayi i na i nyumbaa nju ma i. Yiri ye ya kere ba kan ya sayoowa kere i a.

Yesu ti Nyeme sayoowa donguyofom kere kpien n a

¹⁴ Kisa, na ya la Nyeme sayoowa donɗuyofɔ kpien bo i la má anjusu, na wo ko angoro, na wo wura Nyeme dika n nu ni, yiri la Nyeme Wa Yesu, nyini deɛ ti, ye am ma ya bita i deɛ atin n bo ya ŋa ya yo i yarada n kenken. ¹⁵ Ya deɛ Nyeme sayoowa donɗuyofɔ kpien n ti má be bo i koro si má ya anjunfo ɔ. I koro si ya anjunfo fa ko sanɗa bo ya fanɗa akpie su, ni i deɛ atin su, dama ngeɛ barasu barasu kere bo bu fa so ya ni, bu yo fa soori yiri mmɔɔ so ɔ, ama, haari ni nyini n kere ni, wo yo má satie be. ¹⁶ Nyini deɛ ti, am ma ya fa ahoresi, na ya cin dodo Nyeme femeya tanaabiri ni, yiri ti ahoromafɔ a, adena i si ya anjunfo, na sanɗa kere bo ya ba koro buka, na i buka ya.

5

¹ Nyeme sayoowa donɗuyofɔ kpien kere, bo Nyeme yo yiiri i minem n nu ka i yo juma ni, i deɛ la ka, i jina minem deɛ jinaabiri Nyeme do, na i de bu aceerim ni yoowam na i fa ma Nyeme fa ko minem satie bo ba yo i n deɛ ti. ² Yiri mmɔɔ ni i tii koro si minem anjunfo bo ba si má na ba mini atin ayo satie ni, dama yiri mmɔɔ fanɗa akpie su Nyeme do. ³ Nyini deɛ ti, wo yo daka ka i du mo yo yoowa ma i ŋu fa ko i ngasi bo wo do i ka, ye i nya koro yo yoowa ma minem kere ngasi n a. ⁴ Be koro wura má i ŋu kpiri na i se ka i ti Nyeme sayoowa donɗuyofom kpien, má ka Nyeme ni i tii ayi i mi, kabo i yo yiiri Aaron ni.

⁵ Nyini deɛ ti, Kristo gusu awura má i ŋu kpiri ayo má i ŋu Nyeme sayoowa donɗuyofɔ kpien, se Nyeme yiiri i a, na wo se i ka,

“Woro ti m Wa a,
nyuma, m kaaki u Si.”

⁶ Ba kaaki akere i Nyeme Jore Kadasi n awore be nu ka, Nyeme ŋa,

“Woro ti Nyeme sayoowa donɗuyofɔ,
kabo Melekisideki busu nu ti n a,
a wo bere so ɔ sanɗa kere, be de má u.”

⁷ Sanɗa bo Yesu wo durunya n nu fen ni, i yo sereeri Nyeme ni anyumboro su, na wo bo afere Nyeme na wo sun, ka, i de i fite yiwee n nu. I yo yoori i ŋu kaan, na i soro Nyeme n deɛ ti, na Nyeme ade i sere.

⁸ Haari ni bo i ti Nyeme Wa ni, Nyeme maari i diiri wahara, adena i si kabo i deer i Nyeme noanie ni. ⁹ Sanɗa bo Nyeme ma i tiiri kabo i koro ka i ti ni, ye wo ma sono kere bo i deer i noanie n nya tiide bo i la má awieeri n a. ¹⁰ Dama Nyeme yiiri i ka i yo Nyeme sayoowa donɗuyofɔ kpien, kabo Melekisideki yo ti barasu n a.

Fotu fa ko kabo má ya fa ya yarada n ji ni

¹¹ Má ya la deke donɗu bo ya kan kere am fa ko jore bo ya jojo i n su, ama, i ti kekereke kabo ya kan teke am nyi, dama am koro ti má i bu ndende. ¹² Sanɗa bo am boori i bu ka am su Nyeme ni, am ace nu, má am aju bo am sukere minem Nyeme noanie ni, ama, am toko tana koro ka bu kere am dekem bo ba du mo afa akere am, fa ko Nyeme noanie n su. Am toko nu nyufini wo, am nya koro di má diire nonoori. ¹³ Dama sono kere bo i nu nyufini toko ti baakan wo lee, i nya koro si má deke bo i ko atin su Nyeme do. ¹⁴ Minem bo bu nyunu ati Nyeme deɛ atin n su, bere di diire nonoori a. Ba sonson Nyeme noanie ni, na bu su i su kabo i kere ni. Nyini ti ye bu la alecira koro si deke bo i ti kpa, ni bo i ti má kpa n a.

6

¹ Nyini ti, má am ma ya ka Kristo ciciri su noanie kereewam ngumi su, ama, am ma ya boro ya nyi na ya ko mo. I ti má ye ni ka ya sukan nyini jorem ni sanɗa kere. Nyini jorem ni la kaaki bu wo, fa ko bu satie su na bu yo Nyeme yarada ni, ² ni kabo bu bie bu Nyeme nzue barasu, na bu fa bu sa nana yaradayofom ŋu ka Nyeme yo bu kisi, ni kabo mine ba wu na bu tenge bu yiwee nu ni, ni kabo Nyeme ba di mine jore na be koro kaaki má i kun ni. ³ Nzen Nyeme soroori su, ya koro ko mo bo i tara so. ⁴ Minem bo ba yo asi ka Nyeme atin n ti wein, na ba kaaki bu sin abo i ni, bu yo se koro kaaki ba Nyeme do bekun a? Dama bu yo nyaari Nyeme aceerim wo, na ba de Awiewie Casi ni. ⁵ Ba yo asi kabo Nyeme noanie n ti kpa barasu, ni kabo durunya n bo i suba n yiko ti. ⁶ Ama, na ba kaaki bu sin abo i, i ti kekereke bo nyini minem ŋusu koro kaaki ba i do bekun, dama bu sayoowa kere ka bu sukaaki kpama Nyeme Wa n baka jaanu n su bekun wo lee, na bu suwura i nyinse minem nyunu. ⁷ Asien kere bo nzue to sanɗa kere na mine do su, na i yo diire nyunyumi, Nyeme wura nyini asien n abaraka beberebe. ⁸ Ama, asien bo buwe ni wura ngbeengbeeng fi su na i kunma kperɛ, i ce má, Nyeme yo i ngbeɛn, na i awieeri su, sin bá yara i kere.

⁹ Ama, m ninbaam, haari ni bo ya kan so n kere ni, ya la ahoresi fa ko ambere do, dama am bita atin kpa n wo, yiri la tiide n bo am anya i ni. ¹⁰ Nyeme ti kpa, i wara fi ma sakpa n bo am yo i ni, kabo am abuka i minem, na am toko buka bu ni. Nyini kere ka am koro i a. ¹¹ Ya koro ka am kere boro am nyi haari ko ju awieeri, adena deke n bo am la i tama n yo yiiwa. ¹² Ma am ma nviya ti am, ama, minem bo bu yo yarada na bu la sawore, na bu nya deke n bo Nyeme seeri ka i fa ma bu ni, am su bu dee sayoowam su.

Deke bo Nyeme seeri ka i yo i ni, i kaaki ma

¹³ Sangga bo Nyeme seeri Abraham ka i ba yo i kisi ni, be wo ma bere bo i tara yiri Nyeme. Nyini dee ti, ye i faari i duma taanri ndie maari i a. ¹⁴ Na wo se i ka, "M yo u kisi, na u busu nufom ba sunnu beberebe." ¹⁵ Na Abraham amindi haari na wo ba anya deke n bo Nyeme seeri ka i ma i ni. ¹⁶ Nzen sono na i tan ndie, i tan deke bo i tara i mi n wo. Deke bo akuruwa nya yoori na bu taanri ndie, wo kun akuruwa n kere noo lee. ¹⁷ Nyeme yo koroori ka i kere i minem ka deke bo i ba ma bu ni, i wo ma i noo i busu, nyini ti ye i kaaki taanri ndie n a. ¹⁸ Deke bo i seeri ka i yo i ni, ni i ndie taanwa n ti deke nnyo lee, bo bu kaaki ma. Nyini kere ka Nyeme koro bu ma kore a. Nyini ti ye yere bo ya ba i do ka ya nya tiide n la ahoresi bita ya tama n bo ya la i ni anyumboro n a. ¹⁹ Tama n bo ya la i ni, i ti kabo ba kpama lee barasu n wo. Nyini ma ya ahorembaa abi kekereke, ye ya kaaki yaki ma atin n bo ya bita i n a. Nyini tama n ti bo wo sin tani bambaka n bo i kanda n nu awura Soo Casi n nu a. Yiri bita ya a. ²⁰ Do ye Yesu adu ya mo awura, ade ya dee jinaabiri a. Yiri ti ya Nyeme sayoowa dongguyofo kpian n bo i la ma defo fieo, kabo Melekisideki busu nu n ti n a.

7

Nyeme sayoowa dongguyofo Melekisideki n jore

¹ Melekisideki ni, yiri yo ti mie n bo bu fere i ka Salem dee feme a, na i kaaki ti Micera Kpiri sayoowa dongguyofo. Sangga bo Abraham ko kuunri lue ni nfeme nna nbem na i kunmaari bu na i sukaaki ko awuru ni, yiri Melekisideki ni kpaari Abraham atin ye i yoori kisi goori i nu n a. ² Na Abraham ayi dekem kere bo i kun lue n na i deeri i ni, deke buru kere nu, na wo yi i kun kun ama Melekisideki. I duma Melekisideki n bu la ka, feme bo i sayoowa ko atin su. I kaaki ti Salem feme wo, i bu la ka, feme bo i fa tanalaifie ba. ³ Melekisideki ni, be si ma i si, wara i ni, wara i busu nufom, wara kabo bu wuuri i, wara kabo i wuuri. I yo ti Nyeme sayoowa dongguyofo bo wo la ma defo, kabo Nyeme Wa n ti n wo.

⁴ Am nie kabo i yo ti sono bambaka barasu a. Dama ya kere na Abraham yo yiiri deke n kere bo i ko kuunri lue n na i deeri i ni, deke buru kere nu, i yiiri kun kun maari yiri Melekisideki n wo. ⁵ Nyeme noanie maawa n kun bo i wo i noanie kpamaawa n nu n kere ka, deke buru kere nu, bu yi kun kun fa ma Levifom, bu ti Nyeme sayoowa dongguyofom n dee ti, haari ni bo bu kere ti mine kunm na bu ti Abraham busu nufom ni. ⁶ Melekisideki yo fite ma Levifom dee busu n nu, ama, Abraham yo yiiri deke n kere buru nu kun kun maari i wo, na wo yo kisi ago Abraham nu, yiri Abraham ye Nyeme yo seeri ka i ba yo i kisi n a. ⁷ Sono kere si ka, sono bo i yo kisi go minem nu n tara bo bu de kisi ni. ⁸ Levifom bo bu ti Nyeme sayoowa dongguyofom na minem yo yiiri bu deke kere buru nu kun kun maari bu ni, bu ti yiweefom wo. Ama, Melekisideki bo Abraham yiiri i deke kere buru nu kun kun maari i ni, Nyeme Jore Kadasi n kere ka i toko wo bere wo lee. ⁹ Nyini ti, sangga bo Abraham yiiri deke n kere nu buru kun kun maari Melekisideki ni, ya koro se ka i wa Levi bo i ni i busu nufu yo deeri nyini n so ni, bu minem gusu mmoo ato lee. ¹⁰ Dama sangga bo Melekisideki ni Abraham yeri ni, na Abraham nya wu ma Levi bo i fite i busu nu ni, nyini ti, ya koro se ka Abraham deeri i wa Levi dee jinaabiri, ye i yi maari Melekisideki n a.

Nyeme sayoowa dongguyofo be bo i ti ka Melekisideki ni

¹¹ Nyeme noanie kpamaawa ni, i yo wo Levifom bo bu ti i sayoowa dongguyofom n saa nu a. Ama, nzen ma Levi busu nufom dee sayoowa dongguyofom dee juma n koro yoori deke n kere bo ma i ti ye ni ka bu yo i ni, ma Nyeme ayi ma i sayoowa dongguyofo bo i ti ka Melekisideki. Ma i kaaki yi i sayoowa dongguyofo bo i fite Aaron dee Levifom busu n nu ba. ¹² I ti nahore wo ka, nzen Nyeme akaaki ano fofore fa ko i sayoowa dongguyofom dee atin n su, wo yo daka ka i kaaki i noanie kpamaawa n gusu. ¹³ Kabo bu kereeri Mibie n nusu jore ni, i fite ano barasu be nu a, nyini ano n nufu be ayo ma Nyeme sayoowa dongguyofo juma be fieo. ¹⁴ Sono kere si ka i fite Yuda dee ano n nu wo, ama, fa ko Yuda dee ano n nu, ya ti ma ka Moyisi kereeri ka bu be ba yo Nyeme sayoowa dongguyofo.

¹⁵ Deke bo i ma ya ti jore n bu nyunyumi n tara nyini su n la ka, Nyeme ayi i sayoowa dɔnguyofɔ bo i ti ka Melekisideki ama ya. ¹⁶ Má i nam busu dɛɛ ti ye i la atin ka i yo Nyeme sayoowa dɔnguyofɔ a, se i la ngɔɔ bo i la má awieeri n dɛɛ ti, ye i la atin a.

¹⁷ Dama ba kere i Nyeme Jore Kadasi n nu ka,

“Wɔɔ ti Nyeme sayoowa dɔnguyofɔ bo a la má defo fieo,
kabo Melekisideki busu n nu ti n a.”

¹⁸⁻¹⁹ Nyeme noanie maawa dawa n la má kperɛ ni fanɔa, dama wɔ ma má deke n ati má kabo má Nyeme koro ka i ti n a. Nyini dɛɛ ti, ye Nyeme ace i ase, ye wɔ ma ya tama n bo i tara nyini n a. Nyini tama n dɛɛ ti, ye ya koro cin dodo Nyeme n a.

²⁰ Nyini sin, na Nyeme atan ndie. Ama, sanɔa bo Nyeme yo yiiri Levifom n ka bu yo i sayoowa dɔnguyofɔm ni, wɔ yo atan má ndie. ²¹ Sanɔa bo Nyeme yiiri Yesu ka i yo Nyeme sayoowa dɔnguyofɔ ni, i taanri ndie wɔ, ka,

“Mini Micera Nyeme n atan ndie,
m wɔɔ má m nɔɔ,

wɔɔ ti Nyeme sayoowa dɔnguyofɔ bo a la má defo fieo a.”

²² Nyeme taanri nyini ndie n dɛɛ ti, nyini ma ya si ka Yesu jina sesesu fɔfɔre n sin ka i ti kpa tara dawa n a.

²³ Deke bo i ma i kaaki wo i ngumi n la ka, Levifom dɛɛ Nyeme sayoowa dɔnguyofɔm yo wu wɔ, na bu nbem de bu jinaabiri, nyini dɛɛ ti ye bu yo sunnu n a. ²⁴ Ama, Yesu yiiri, i ti Nyeme sayoowa dɔnguyofɔ bo i wo bere sanɔa kere n dɛɛ ti, be wo má bere bo i koro de i jinaabiri na i yo yoowa. ²⁵ Nyini dɛɛ ti ye i koro de minem tii ji fieo n a, bere bo i ma bu cin dodo Nyeme ni, dama yiiri wo bere sanɔa kere de bu nyemesere, fa kɔ Nyeme do a.

²⁶ Nyini ti, Yesu ti Nyeme sayoowa dɔnguyofɔ kpɛn bo i koro yo deke n kere bo wɔ yo daka ka i yo ma ya nahore su a, yiiri ti bo i ti casi na i la má ngasi be a, i la má satie be, i woowa wo bere i ngumi ni satieyofɔm, ye Nyeme awura i kpɛri atara sonɔ kere bo i wo angoro n a. ²⁷ Kabo Nyeme sayoowa dɔnguyofɔ nkɛn nyingam yo ti ni, yiiri ti má so. Bere do, ale kere bo i cin, bu du mɔ yo yoowa ma bu nɔ fa kɔ satie bo ba yo i wɔ ka, na bu nya ba yo ma minem satie bo ba yo i. Ama, yiiri yiiri, yoowa kpekun n kpɛn ye i yoori i a, yiiri la bo i faari i nɔ yoori i ni. ²⁸ Kabo Nyeme noanie kpamaawa n kere ni, haari ni bo minem bo bu yiiri bu ka bu yo Nyeme sayoowa dɔnguyofɔ nkɛn n akoro ayo má deke n kere bo má wɔ yo daka ka bu yo i ni, bu yiiri bu wɔ. Ama, nyini noanie kpamaawa n dɛɛ sin, na Nyeme afa i tienɔu duma atan ndie, na wɔ yi i Wa n ka i yo i sayoowa dɔnguyofɔ kpɛn. Yiiri ti bo Nyeme ma i tiiri kabo i koro ka i ti sanɔa kere n a.

8

Yesu ti ya Nyeme sayoowa dɔnguyofɔ kpɛn n a

¹ Deke n bo m koro ka m se n kere la ka, ya la ahin Nyeme sayoowa dɔnguyofɔ kpɛn n bo i tana angoro, Micera Kpɛri n saa fombɔɔ su. ² I yo i Nyeme sayoowa dɔnguyofɔ kpɛn juma n dika n nu wɔ, bo i ti Nyeme sereebiri nahore su, Nyeme ni i tii taari nyini dika n a, má adamande taari i a. ³ Nyeme sayoowa dɔnguyofɔ kpɛn kere bo Nyeme yo yiiri i, i dɛɛ la ka, i de minem aceerim, ni bu yoowam na i fa ma Nyeme. Nyini dɛɛ ti ye wɔ yo daka ka ahin Nyeme sayoowa dɔnguyofɔ kpɛn n gusu la yoowa be bo i yo ma Nyeme n a. ⁴ Nzen má Yesu wo durunya n nu, má i yo má Nyeme sayoowa dɔnguyofɔ fieo, dama minem bo Nyeme adu mɔ ayi bu ka bu yo sayoowa n wo bere wɔ, kabo Nyeme noanie kpamaawa n kere lee. ⁵ Juma n bo Nyeme sayoowa dɔnguyofɔm yo i ni, i ti kabo i wo angoro n wɔ, ama, i ti má kun. Moyisi dɛɛ n gusu yo ti so o, nyini ti ye sanɔa bo i nɔa i bo Nyeme Sereebiri Nambue n ye Nyeme seeri i ka, “Si nu, na a yo deke n kere kabo m kereeri u buka n su ka a yo i ni.” ⁶ Ama, kisa, Yesu dɛɛ Nyeme sayoowa dɔnguyofɔ juma n tara nyingam dɛɛ ni. So ye sesesu fɔfɔre n bo Yesu afa aba na i yo Nyeme ni minem afien dɔngɔu n tara dawa dɛɛ n a. Dama sesesu fɔfɔre n dɛɛ ti, ye Nyeme nɔa i fa deke n bo i ti kpa na i la má anɔu n fa ma ya n a.

⁷ Nzen má sesesu n bo Nyeme adu mɔ diiri i di n koro yoori deke n kere bo wɔ yo daka ka i yo ni, má i kaaki fa má sesesu fɔfɔre na i di i di kun. ⁸ Ama, na Nyeme anɔu i minem ni ngasi, na wɔ se bu ka,

“Micera n nɔa o,

sanɔa suba bo m fá sesesu fɔfɔre

na m dí i di ni Yisarelifom ni Yudafoɔm.

⁹ I ti má ka dawa dɛɛ sesesu ni,

bo m yo faari i na m diiri i di ni am nam ni,

sanɔa bo m yiiri bu fiteeri Ijipiti asien n su ni.

Ba yo abita má i kabo m yo seeri bu ni,
nyini dɛɛ ti, ye m ɛɛɛ awo má bu nu n a.
Kabo Micɛra n seeri lɛɛ.

¹⁰ Sɛsesu n bo m bá di i di ni Yisarelifom la ka,
fa kɔ fa ba,

m fá m nɔaniɛ n wura bu sunsunni nu,
na bu bíta i bu ahore su,

mini yó bu Nyemɛ a,
na bu yó m minɛm.

Kabo Nyemɛ seeri lɛɛ.

¹¹ Be wo má bɛɛ bo i bá kere i lamokɔ
ka i si Micɛra ni.

Dama sɔno kere bá si m,
fa i tarakam kɔ tu i nfanɔafom kere.

¹² M sí bu anjunfo, na m fá bu satie bo ba yo i n fa ce bu,
na m tɛngge má i su fieo.”

¹³ Deke bo i ti na Nyemɛ yo kaanri sɛsesu fɔfɔre be jɔre ni, i bu la ka, ciciri su dɛɛ n ayo dawa. Deke kere bo i nya yoori dawa wieeri, i ɛɛ má, i busu míni wɔ.

9

Ciciri su sɛsesu n ni sɛsesu fɔfɔre n dɛɛ nyemɛsu jɔre

¹ Kabo i ti n la ka, ciciri su dɛɛ sɛsesu n bo Nyemɛ diiri i di ni, yo la atin kereewa kereewam bo bu fa su Nyemɛ, na i kaaki la dika bo ba ta i ase durunya n nu fɛn na bu wo nu su Nyemɛ. ² Bu yo boori nambue be wɔ, na ba fa sanvuin ati i nu nnyɔ. Anɔ nu dɛɛ sɔɔ ni, fitana takaabiri, ni teebiri, ni kpɔno bo bu fa ma Nyemɛ n wo dɔ, bu fere bɛɛ n ka Sɔɔ Casi. ³ Mɔ dɛɛ sɔɔ ni, bu fere i ka Casi Kere Casi Sɔɔ. ⁴ Mikun yoowa yoobiri n bo ba mata i sika n wo dɔ, nyini yoobiri n su ye bu kunkun tulaalɛ nvanvani fa ma Nyemɛ a. Alaka n bo ba mata i sika n gusu wo dɔ, nyini alaka n kere kabo Nyemɛ faari sɛsesu diiri i di n a. Deke bo bu wo alaka n nu n la sika torosɛ n bo ba fa diire n bo bu fere i ka *mana* n awura nu ni, ni Aaron kpama n bo i fiefiɛri nyawa ni, ni yabue pɛpɛrɛpɛ nnyom bo Nyemɛ akere i nɔaniɛ maawa burum n agɔ su ni. ⁵ Na ba yo deke nnyɔ nbem bo bu la lanɔkpɛtɛ ase alaka n tii su, nyini dekem ni kere kabo Nyemɛ wo i minɛm dɔ barasu a, bu fere bu ka *Cerubim*, ba fa bu lanɔkpɛtɛm akata dika n bo Nyemɛ si i minɛm anjunfo n su. Kisa, ya koro kere má deke n kere kun kun kabo bu ti barasu.

⁶ Kabo i ti ni, bu nya sɛɛ nyini nengɛm kere su wieeri, nyini sanɔa, Nyemɛ sayoowa dɔnguyofom suwura sɔɔ n bo i wo anɔ nu n wɔ, na bu suyo bu Nyemɛ juma sanɔa kere. ⁷ Ama, Nyemɛ sayoowa dɔnguyofom kpɛn ni ngumi koro wura sɔɔ n bo i wo mɔ n nu a. Afo kere afo, i wura dɔ kpekun wɔ, nzen i ɔa i wura dɔ gusu, i bita nengɛndɔrem mbunja a, na i du mɔ yo yoowa ma i ɔu ka, na i nya yo ma minɛm dɛɛ satie bo ba yo i na bu si má ni. ⁸ Deke bo i ti na Awiewie Casi n nu fɛn n be wɔ, nyini atin n sɔ ni, na i kere ya ka, sanɔa bo bu yo boori nyini nambue na bu sɛɛ deke n kere su ni, Nyemɛ nya teke má atin na minɛm kere koro wura Casi Kere Casi Sɔɔ n nu. ⁹ Nyini n kere bo bu yo yoori i ni, i la bu ma ya kisa. I bu la ka, acerim ni nengɛm kere bo bu yo fa yoori yoowa suuri Nyemɛ ni, ba koro ama má bu sunsunni ati má kabo má i ti ye ni ka i ti ni. ¹⁰ Dama nyini yoowa atin n kere diire diiwam, ni deke nuuwam, ni bu yoowam kabo bu ɔmisi bu ɔu na bu yo bu ɔu casi ngumi wɔ. Nyini n kere la i sanɔa nyaari wɔ, yiri la bo bu suyo i sɔ ɔ, haari kɔ ju sanɔa bo Nyemɛ bá yo deke n kere dɔngɔ.

¹¹ Ama, kisa, Kristo aba, yiri ti Nyemɛ sayoowa dɔnguyofom kpɛn n a, yiri bita atin kpa n bo bu yo seeri ka i fa ba n a. Nyemɛ Sereebiri Nambue n bo wɔ wura nu, na i suyo i Nyemɛ sayoowa dɔnguyofom kpɛn juma ni, nyini nambue n la má anusu durunya n nu fɛn, i ti kabo Nyemɛ koro ka i ti n wɔ, dama i ti má deke bo adamande taari i ni bu saa a, wara dekem bo Nyemɛ yiiri bu durunya n nu fɛn n be wɔ. ¹² Má naanim ni sirim dɛɛ mbunja ye i fa wuraari nambue n nu a, ama, i faari i tienɔu mbunja a, na wɔ fa awura Casi Kere Casi Sɔɔ n nu kpekun n kpein, na wɔ fa ayo yoowa ama ya, adena ya koro nya tiide n bo i la má awieeri ni. ¹³ Minɛm bo fin yo wo bu ɔu, na bu koro cin dodo má Nyemɛ ni, bu fa sirim ni tooram mbunja ye bu fa yɔyɔkɔti go bu ɔu a, na bu yara nambaa, na bu fa nzuin n go bu ɔu. Nyini sanɔa, ba kpakpara bu fin ayo bu casi lɛɛ. ¹⁴ Nzen nyini yoowam bo bu yo bu n ma minɛ yo casi, nyini yiri, Kristo dɛɛ mbunja ni koro yo bo i tara sɔ ɔ. Awiewie Casi ni, yiri bo i wo bɛɛ sanɔa kere n dɛɛ yiko n nu ma Kristo koro faari i ɔu yoori yoowa bo i la má gela be maari Nyemɛ n a. I dɛɛ mbunja

ni koro kpakpara yi satiem bo bu ma ya ka ngbeen ya ahore su, ni ya sunsunny nu n a, nyini ma ya koro su Nyeme bo i wo bere sanja kere n a.

¹⁵ Kristo yoori so n dee ti, yiri ti afien donguyofa n bo wo fa sesesu fofore n aba, adena minem kere bo Nyeme afere bu n nya deke n bo i diiri i di ka i ma bu ni. Nyini deke n la aja n bo bu di i na i la ma awieeri ni. Yiwee n bo Kristo wuuri ni, nyini deke n minem tii ji fa ko bu satie ti, na ba do Nyeme ngasi, ni ciciri su sesesu dee atin n su. ¹⁶ Sesesu fofore n bo Nyeme diiri i di ni, i ti kabo sono toko la ngoo na i kere kabo bu ba kpaaki i aja nu barasu n wo, ma ka wo wu ka, ye bu koro di i aja n a. ¹⁷ Sanja bo i toko la ngoo ni, be koro di ma i aja ni, ma ka wo wu ka. ¹⁸ Nyini dee ti, ye haari kana ciciri su sesesu n bo Nyeme diiri i di n ba yo juma, ma ka ba yi nengendore mbunja. ¹⁹ Nyini sanja, Moyisi du mo kaanri Nyeme noanie maawam n kere kereeri minem n wo, kabo bu wo Nyeme noanie kpamaawa n nu n ka, na i nya fa tooram ni sirim mbunja na i sanja nzue nu, na i fa nyawa ni boe ndore kokore bo ba wu i tani, na i fa bo nu, na i fa yokoti go Nyeme noanie kpamaawa kadasi n su ka, na i nya yokoti go minem kere nu, ²⁰ na i nya se bu ka, "Ahin mbunja ni ti deke bo i kere sesesu n bo Nyeme adi i di ase am ka am bita i noanie n a." ²¹ So ye Moyisi yo fa mbunja n yokoti go nambue n su a, ni nenje n kere bo bu bita yo juma ma Nyeme n gusu. ²² Nahore, kabo Nyeme noanie kpamaawa n kere ni, i ti ka deke kere bo bu na bu yo i casi, ma ka ba fa mbunja ayokoti su ka. Nyeme fa ma bu ngasi ce ma bu, ma ka ba yi deke mbunja.

Kabo Yesu faari i nu yoori yoowa na i deeri mine dongu fiteeri bu satie nu ni

²³ Nyini dee ti, Nyeme Sereebiri Nambue ni, ni dekem n kere bo bu wo nu ni na bu ferema ni angoro deem ni, wo yo daka ka bu fa nengendore mbunja yo bu casi. Ama, nengem n bo bu wo angoro n yiri, wo yo daka ka bu fa deke bo i mbunja tara nengendorem dee fa yo bu casi a. ²⁴ Kristo awura ma dika casi n bo i ferema ni angoro dee n nu a, bo minem taari i ni, ama, i wuraari angoro dee n ni i tii nu a, ye kisa, wo de ya jinaabiri Nyeme do. ²⁵ Afo kere afo Nyeme sayoowa donguyofom kpien ni yo wura Casi Kere Casi So n nu wo, na i fa nengendore mbunja n yo yoowa. Ama, Kristo yiri awura ma angoro dee dika n nu ka i sufa i nu yo yoowa sanja kere sanja. ²⁶ Nzen ma i na i sufa i nu yo yoowa sanja kere sanja, ma i sudi wahara a sanja kere, fite kabo Nyeme yiiri durunya n ba ju ni nyuma. Ama, kabo i ti n la ka, ahin sanja n bo deke n kere aba awieeri su ni, na wo ba kpekun n kpein, afa i nu ayo yoowa, adena Nyeme fa adamande satie ce i. ²⁷ Nyeme akpama i ka adamande kere wu kpekun wo, nyini sin, na Nyeme di i jore. ²⁸ Kabo Kristo gusu yoori lee. Kpekun n kpein ye i faari i nu yoori yoowa, adena i de mine dongu satie bo ba yo i ni. Nyini sin, i kaaki ba bekun. Ma mine satie bo ba yo i n dee ti ye i ba, ama, i ba de minem bo bu nie i atin nu n tii ji wo.

10

Kabo Yesu yoori yoowa kpekun n kpein ni

¹ Nyeme noanie kpamaawa ni, i ferema ni deke kpa n bo Nyeme na i fa ba n wo, ama, ma yiri lee. Nyini ti, yoowa n bo bu yo bu sanja kere akoro ama ma bere bo bu cin dodo Nyeme ni, ati ma kabo ma i koro ka bu ti ni. ² Nzen ma nyini yoowam n kere koro yiiri minem n bo bu su Nyeme n fiteeri bu satiem nu, ma bu sunsunny ma ma bu ceen be ka ba yo satie, ma bu yaki nyini yoowam wo. ³ Ama, kabo i ti n la ka, nyini yoowa n bo bu yo i afo kere afo n tenje bu su fa ko bu satiem bo ba yo bu n su wo. ⁴ Dama tooram ni sirim mbunja koro yi ma satie bo i wo adamande ahore su ni, ceen be.

⁵ Nyini dee ti, sanja bo Yesu koro ka i ba durunya n nu fen ni, na wo se Nyeme ka, "A koro ma ka mine fa aceerim

ni nengendorem n yo yoowa ma u,

ama, adamande juniembaa ye a fa ama m

ka m fa yo yoowa n a.

⁶ U nyunu ayi ma yoowam

bo bu yo bu na bu kpie nengendorem kom,

na bu yara bu sayoowa yoobiri n su ni,

ni yoowam n bo bu yo satie na bu yo bu ni."

⁷ Na wo kaaki ase Nyeme ka,

"Mini yaa, ma ba ka m ba yo u koroowa n wo,

kabo ba kere m jusu jore u noanie kpamaawa n dee kadasi n nu ni."

⁸ I du mo seeri Nyeme ka, "A koro ma ka mine fa aceerim ni nengendorem n fa yo yoowa ma u, u nyunu ayi ma yoowam bo bu yo na bu kpie nengendorem kom, na bu yara bu sayoowa yoobiri n su ni, ni yoowam n bo bu yo satie na bu yo bu ni." I seeri so o, haari ni bo Nyeme noanie kpamaawa n kere so ni. ⁹ Na wo se Nyeme ka, "Mini yaa,

ma ba ka m ba yo u koroowa n wo.” Nyini la ka, Nyeme akun ciciri su dee yoowam kere nɔɔ lee, ye wo fa fofore aba. ¹⁰ Nyeme koroowa n lee ye i yoori n a. Kpekun n kpein ye i faari i nju yoori yoowa. Nyini ti ye wo kpakpara ya kere fin ayo ya casi n a.

¹¹ Yudafofom Nyeme sayoowa dongyufofɔ kere yo i Nyeme juma cɛn n kere wo, na i suyo nyini yoowa kun n sanja kere. Haari ni nyini yoowam n kere, bu be koro yi má minem satie bo i wo bu sunsunni nu ni. ¹² Ama, Yesu yiri yoori yoowa kpekun n kpein wo, bo i yo juma sanja kere, fa ko mine satie bo bu yo i su. Na wo nya ako atana angoro Nyeme saa fomboro su. ¹³ Fite nyini sanja ni, i nminda kabo Nyeme ba ma i kunma i kpofom na i nana bu kere nju. ¹⁴ Nyini yoowa kun n dee ti, wo kpakpara minem fin kere na wo ma ba ti kabo Nyeme koro ka bu ti ni, sanja kere.

¹⁵ Awiewie Casi n gusu kaanri i so kereeri ya. Wo du mo ase ka,

¹⁶ “Micera na, sesesu n bo m ni bere adi i di

fa ko sanja bo i suba n la ka,

m fá m noanie kpamaawa n wura bu sunsunni nu,

na m kere i go bu ahore su.”

¹⁷ Na wo kaaki ase ka,

“M teŋge má bu satiem bo ba yo bu n su,

kabo bu keteeri na ba su má m noanie kpamaawa n su kun.”

¹⁸ To, Nyeme afa satie bo minem ayo i ace bu, nyini la ka, yoowa be wo má bere bo be yo i fa ko satie su kun.

Am ma ya cin dodo Nyeme

¹⁹ M ninbaam, Yesu dee mbunja n ti ye ya la ahoresi kere ka ya koro cin dodo Nyeme a, na ya koro wura Casi Kere Casi Soɔ n nu a. ²⁰ Yesu ateke atin fofore bo i ma ngɔɔ nahore su ama ya. Kabo i faari i nju yoori yoowa ni, i ti ka wo teke atin ama ya na ya koro sin tani bambaka n bo bu fa kanda n nju, na ya wura Casi Kere Casi Soɔ n nu. ²¹ To, kisa na ya la Nyeme sayoowa dongyufofɔ bambaka bo i nie yere n bo ya ti Nyeme minem n su ni. ²² Nyini dee ti, am ma ya cin dodo Nyeme ni ya ahorembaa kun, na má ya yo sika be. Yesu mbunja n akpakpara ayi satie kere bo i wo ya ahore su a, na má ya sunsunni nu suma ya sanja kere ka ya yo satie. Nyeme nzue n gusu bo ba fa abie ya ni ama ya nɔɔ ayo casi a. ²³ Tama n bo ya na ya la i ni, am ma ya bita i ni ya saa nnyo, má am ma ya fa sika wura nu, dama ya si ka Nyeme yo deke n bo wo fa sesesu adi i di ka i yo i ni. ²⁴ Am ma ya sutu ya bengum fo, na ya buka ya bengum, na koro wo ya afien na ya yo sakpa. ²⁵ Kabo i ti ye ni ka ya sutien ya nɔɔ na ya su Nyeme sanja kere ni, má am ma ya yaki i kabo nbem suyo barasu ni, ama, am ma ya sutu ya bengum fo na bu nya ahoresi buka su, dama ya kere nju ka Micera n dee cɛn n adodo lee.

²⁶ To, kisa na ya si kereewa n bo i ti nahore ni, na nzen ya toko kete i yo satie ni, yoowa be wo má bere bo ya yo i na Nyeme fa ya satie ce ya kun, ²⁷ má ka ya nminda ni sere fa ko cɛn n bo i suba na Nyeme bá di minem jore, na i fa bo ba kete i noanie n wura sin n bo i ti kekere agaya n nu, na bu ka ngbeen ni. ²⁸ Nyeme noanie kpamaawa n bo i yo fa maari Moyisi ni, nzen soɔ be keteeri na i yoori satie, na mine nnyo wara nsan diiri daani ka i ti so, nkpienkpienm si má i mi anjunfo, bu kun i wo. ²⁹ Ye nzen i nya ti so, soɔ kere bo i buuri Nyeme Wa ni ngbeen na i sunsun ka Yesu mbunja n bo i yo ya casi n ti ngbeen, na i jojo wura Awiewie Casi n bo i si ya anjunfo ni ngasi nu, suicin barasu bono ye am sunsun ka Nyeme fá cin i a? ³⁰ Dama ya si ka Micera n ase ka, “Mini cin bu sui a. Mini tó bu kaari a,” na wo kaaki ase ka, “Mini di m minem jore a.”

³¹ Woro kere bo a to Nyeme saa nu, yiri bo i wo bere sanja kere ni, i la sere agaya.

³² Am teŋge su, na am nie sanja bo am du mo nyaari anyunuteke fa ko labari kpa n su ni, haari ni bo am yo diiri wahara agaya ni, am afa ahoresi ade nyini kekereke n kere. ³³ Sanja be bu yo kpie am nzuko, na bu kere am wuwuruwa jama nu. Na sanja be gusu na am asanja adi wahara ni am bengum bo bu kere bu wuwuruwa ni. ³⁴ I ti nahore wo ka, am asi dansarakam anjunfo. Bekun, haari nzen mine fiinri am nengem kere bo am la i ni, am ahore ti jowa a, dama am si ka am la deke bo i tara nyinim bo ba de am do ni, nyini deke n yiri wo bere wo sanja kere. ³⁵ Nyini dee ti, má am ma am nɔɔ ayo yoroki am, dama ahoresi n bo am la i ni, nyini ma am nya aceeri bambaka Nyeme do a. ³⁶ Kisa, wo yo daka ka am la mindi, adena am yo Nyeme koroowa, na am nya deke n bo Nyeme afa sesesu adi i di ka i ma am ni. ³⁷ Dama ba kere i Nyeme Jore Kadasi n nu ka,

“Wo ka kaan, i cé má,

yiri n bo i suba ni, i bá.

³⁸ M soɔ bo i yo sa bo i ko atin su m do,

i nya ngɔɔ, i yarada n dee ti,

ama, sɔnɔ kere bo i kaakiiri i sin boori m,
m ahore jɔ má i mi ɲu.”

³⁹ Yere yiri, ya ti má minem bo bu kaaki bu sin, na bu ka ɲgbɛɛn ni, ama, ya ti minem bo ya yo Nyeme yarada na ya nya tiide wɔ.

11

Yaradayo jɔɛ

¹ Nzen ya yo Nyeme yarada, ya la ahoresi ka deke n bo ya yo i tama ni, ya nya i, na ya kaaki la ahoresi ka deke n bo ya nyumbaa ɲu má i n wo bere nahore su. ² Dawafom yoori Nyeme yarada n dɛɛ ti, ye i se ka i nyunu ayi bu sayoowa n a.

³ Ya yo Nyeme yarada n dɛɛ ti, ye ya koro fa si ka Nyeme yo jɔjɔori nɔanɛ wɔ, ye i fa yiiri durunya n a. Nyini ma ya si ka, dekem bo ya nyumbaa koro ɲu bu ni, Nyeme afa deke bo ya koro ɲu má i ayi bu n a.

⁴ Abeli yo yoori Nyeme yarada n dɛɛ ti, ye i koro yoori yoowa bo i ti kpa tara i gɔɔ Keen dɛɛ n bo i yo maari Nyeme n a. I yarada n dɛɛ ti, ye Nyeme nyunu yiiri i aceeri n ye i seeri ka i ti sɔnɔ bo i yo sa bo i kɔ atin su i dɔ n a. Abeli ti sɔnɔ bo wɔ wu wɔ, ama, haari ni kisa, i yarada sayoowa toko yo juma ya dɔ.

⁵ Henoki yo yoori Nyeme yarada n dɛɛ ti, wɔ wu má, na Nyeme afa i akɔ i bi angoro, nyini ti ye be anu má i n a, dama Nyeme afa i akɔ i bi. Ba kere i Nyeme Jɔɛ Kadasi n nu ka, sangga bo Nyeme nya fa má i kɔ má i bi angoro ni, Nyeme nyunu yiiri i sayoowa a.

⁶ Nzen sɔnɔ ayo má Nyeme yarada, i mi koro yo má sa bo i yi Nyeme nyi, dama sɔnɔ kere bo i ba Nyeme dɔ, wɔ yo daka ka i mi yo yarada ka Nyeme wo bere, na i tɔ mine n bo bu nienie i busu ni ɲkatɔ nahore su.

⁷ Nowa yo yoori Nyeme yarada n dɛɛ ti, ye i yo deeri kabo Nyeme bɔbɔori i fa kɔ sam bo bu bá yo n su n a. I deeri Nyeme nɔanɛ n kpaari lee bambaka n ye i ni i dikafom wurari nu ye ba wu má n a. I yoori sɔ n dɛɛ ti, nyini kere ka minem bo bu kaari durunya n nu n ti satieyofom a, ama, Nowa yiri, i yarada n dɛɛ ti, Nyeme ade i ka i yo sa bo i kɔ atin su i dɔ ɔ.

⁸ Abraham yo yoori Nyeme yarada n dɛɛ ti, sangga bo Nyeme fereeri i, na i seeri i ka i kɔ asien be bo i seeri ka i fá ma i n su ni, haari ni bo i si má deke bo i sukɔ ni, yarada n dɛɛ ti, ye i yo deeri Nyeme nɔanɛ n ye i fiteeri i nam asien su kɔori nyini asien n su a.

⁹ Yarada n dɛɛ ti, ye i kɔ juuri asien n bo Nyeme ase ka i fá ma i n su n a, dɔ ye i tanaari ka i ti wɔfɔ n a. I ni i wa Izaki, ni i anuma Jakɔbu yo boori nambue woori dɔ sangga be su wɔ. Haari ni bo bere yo ti minem bo bu nyaari deke n bo Nyeme ase ka i fá ma bu n a. ¹⁰ Abraham boroori i nyi nienieeri mie kpiri n bo Nyeme ni i ti ata i na i la má awieeri n a.

¹¹ Abraham yi Saara mmɔɔ yo yoori Nyeme yarada n dɛɛ ti, haari ni bo wɔ yo buke na i ti ɲɔɔka ni, yarada n dɛɛ ti, ye i koro wuuri baa n a. I yo yarada ka Nyeme yó deke n bo i seeri ka i yó i ni. ¹² Haari ni bo má Abraham ti ka sɔnɔ bo wɔ wu ni, yiri nyini sɔnɔ kun n ye i busu nufom asunnu ka asarambaam bo bu wo angoro n a, ni kabo kunma ɲmie sunnu na i la má nɔ n a.

¹³ Nyini minem kere yoori Nyeme yarada a, haari bu ba wuuri. Ba nya má deke n bo Nyeme seeri ka i yó ma bu, bu ɲgɔɔ su ni. Ama, yarada dɛɛ n ti, bu ɲuri deke n ka i wo dede wɔ, na ba de i ni ahorejɔ, na ba soro su ase ka bu ti wɔfom wɔ, wara nanatiirifom wɔ, durunya n nu fen. ¹⁴ Nyini minem kere bo bu seeri sɔ ni, i kere ka, bu boro bu nyi nienie bu tienɲu asien busu wɔ. ¹⁵ Nzen má bu faari bu ahorembaa seeri asien n bo ba yo ayaki i n su ni anyumbo, má bu koro nya atin bo bu kaaki kɔ nyini asien n su bekun. ¹⁶ Ama, bu yo koroori asien be bo i tara bo bu yo yakiiri i n wo, yiri la Nyeme dɛɛ woobiri n bo i wo angoro ni, nyini dɛɛ ti, ye i ti má nyinse Nyeme dɔ ka bu fereeri i ka bu Nyeme n a, dama yiri ye wɔ sese mie kpiri be su ase bu a.

¹⁷ Abraham yo yoori Nyeme yarada n dɛɛ ti, ye i yo faari i wa Izaki ka i fa yo yoowa, sangga bo Nyeme yo koroori ka i yo i na i nie n a. Yiri bo Nyeme yo seeri i ka i yó sakpa ma i ni, i soroori su wɔ, ka i fa i wa kun n kpein n yo yoowa ma Nyeme, ¹⁸ haari ni bo Nyeme yo seeri i ka, “Izaki dɛɛ ti, ye a nyá busu nufom a.” ¹⁹ Abraham siiri ka Nyeme koro tenge Izaki fite yiwee nu. Nahore, i yarada n dɛɛ ti, na Nyeme atenjege Izaki yiwee nu, dama Abraham dɔ, Izaki ti ka sɔnɔ bo wɔ wu ye wɔ tenge a.

²⁰ Izaki yoori Nyeme yarada n dɛɛ ti, ye i yo seeri i nbaa nnyom ni Jakɔbu ni Esawu ka, fa kɔ fa ba, Nyeme yo bu kisi n a. ²¹ Jakɔbu yoori Nyeme yarada n dɛɛ ti, sangga bo i ba sudodo ka i wu ni, na wo sere Nyeme ayo Yosefu nbaam nnyɔ ni kisi, na wo mie i kpama su ayasu asu Nyeme.

²² Yosefu yoori Nyeme yarada n dɛɛ ti, sangba bo i ba suwu ni, ye i jooori ka, Yisarelifom bá fite Ijipiti asien n su n a, na wɔ kere kabo bu yo i fuin n barasu.

²³ Moyisi si, ni i ni yo yoori Nyeme yarada n dɛɛ ti, bu wuuri i ni, ba soro má noanie n bo Ijipitifom fɛmɛ n fa maari ni, na ba fa i afie sara nsan, dama bu ŋuuri ka i yo nyumi agaya. ²⁴ Moyisi yo yoori Nyeme yarada n dɛɛ ti, ye sangba bo i ba biiri biesɔ, i keteeri ka má bu fere i ka fɛmɛ wa baabara n dɛɛ wa n a. ²⁵ I koroori kabo i ni Nyeme minem sangba di wahara n tara bo i di fiefie n bo i cɛ má na i do Nyeme ŋgasi ni. ²⁶ Yiri do, nzen bu kpɛɛri i nzuko kabo bu kpɛ Kristo Tiidefo n ni, nyini la kpɛɛ tara deke kere bo má i nya i Ijipiti asien n su ni, dama i nyunu yo boroori aceeri n bo i bá nya i Nyeme do ni su a. ²⁷ I yoori Nyeme yarada n dɛɛ ti, ye i fiteeri Ijipiti asien n su n a, haari ni bo fɛmɛ n faari yaa i ŋu ni, wɔ soro má sere. I ti ka i nie ŋuuri Nyeme wɔ, yiri bo be koro ŋu má i ni, nyini dɛɛ ti ye i koro mindi jinaari ni nahore su n a. ²⁸ I yoori Nyeme yarada n dɛɛ ti, ye i yo kpamaari Butara cɛɛnkpiri n a, na wɔ kaaki ase Yisarelifom ka, bu kun nbombaa, na ba fa mbunja bɔrɔki bu sɔ anɔm su, adena Nyeme mereke n bo i kun n ba baari, na má i kun Yisarelifom nbaabiesɔ nkpienm n a.

²⁹ Yisarelifom yo yoori Nyeme yarada n dɛɛ ti, ye sangba bo bu ŋa bu kpɛ kunma kpiri n bo bu fere i ka Kunma Kɔkɔre ni, ye i tiiri nu nnyɔ na atin ada afien, na ba nati asien wuruuwa su asin n a. Ama, sangba bo Ijipitifom koroori ka bu kpɛ ni, nzue n diiri bu kere wɔ.

³⁰ Yisarelifom yo yoori Nyeme yarada n dɛɛ ti, sangba bo bu bara yɛeri Yeriko mie kpiri n lesɔ ni, na kobe n bo ba ta abara aye mie n kere atɔ. ³¹ Bara sakara n bo bu fere i ka Rahabu yo yoori Nyeme yarada n dɛɛ ti, sangba bo Yisarelifom kuunri i minem bo bu keteeri na ba de má Nyeme noanie n ni, ba kun má i, dama yiri yo deeri Yisarelifom kɔresiyifom wɔfo faari bu fieeri a.

³² To kisa, m si má kabo m se kun, m la má sangba bo m kan fa kɔ Gedɛyon, ni Balaki, ni Samson, ni Yefeta, ni Fɛmɛ Davidi, ni Samuweli, ni Nyeme noanie kanfom n jɔre n su. ³³ Bu yoori Nyeme yarada n dɛɛ ti, bu nbem kunmaari bu kpɔfo nfangafom lue nu wɔ, na nbem ayo sa bo bu kɔ atin su, na nbem anya deke n bo Nyeme seeri ka i yó ma bu ni, na nbem gusu akata jaram nɔɔ bo ba koro ayo má pui. ³⁴ Na ba fa nbem awura sin bambaka nu ka bu yara bu, ama, na sin n anɔ, wɔ koro ayo má bu pui. Na ba koro ka bu kpɛ nbem takobe ka bu kun bu, ama, na ba fite nu. Haari ni bo nbem ti daburukafom ni, bu nyaari fangba a, na ba tu lue ni asien nbem su sojam, na ba kunma bu. ³⁵ Nbara nbem yo yoori Nyeme yarada n dɛɛ ti, na Nyeme atenge bu lamokom bo ba wu n yiwee nu ama bu. Ama, na ba kere nbem wahara akun bu. Ba saaki má bu nɔɔ na bu yaki bu nu ji, dama bu si ka bu bá tege bu yiwee nu, na bu nya ŋɔɔ bo i la má anjus. ³⁶ Na ba yo bu nbem anzasi afin bu ŋgbere, na ba cici bu nbem jorɔko, na ba fa bu awura dansaraka nu. ³⁷ Na ba tu nbem yabue abo akun bu, na ba kpɛ ati nbem nu nnyɔ, na ba fa takobe akun bu, na yaari ati nbem na bu sufa nbɔem ni sirim ŋuma sufa yo bu suturam kata bu ŋu, na minem akere bu wahara ayo bu ŋgbɛɛngbɛɛn kere. ³⁸ Bu ti mine kpam bo bu woowa tara durunya n nufom woowa, bu wɔ má woobiri kun, bu nati yereŋgi boro kpantain n nu wɔ, ni bukam su, na bu suwura yabue buem, ni asiengu kunma n nu suda.

³⁹ Nyeme nyunu yo yiiri nyini minem kere sayoowa, bu yarada n dɛɛ ti, ama, ba nya má deke n bo Nyeme seeri ka i yó ma bu ni. ⁴⁰ Dama Nyeme koro ka i ma yere deke kpa nahore su, kana deke n bo i koro ka i yo n yo yiwiwa, má ka ya ni bere abo kun na i ma ya kere ti kabo i koro ka ya ti ni.

12

Kabo Nyeme cin i nbaam sui barasu ni

¹ Nyini minem bo bu yo yoori Nyeme yarada n sunnu, ba bara aye ya, na bu nie kabo ya su Nyeme atin n su. Nyini ti, am ma yere gusu yaki deke kere bo i kanda ya na ya koro su má Nyeme ni, na ya yaki satie n bo ya koro i agaya ni, na am ma ya fa anyumboro na ya su atin n bo i ti ye ni ka ya su i n su. ² Am ma ya sunie Yesu. Yiri ti ya wɔfo a, na i ma ya yo Nyeme yarada kabo wɔ yo daka ka ya yo ni. I yo diiri wahara baka jaanu n su, na ba wura i nyinse, ama, haari ni nyini n kere, i cece awo má nu, dama i nie ŋuuri fiefie n bo i bá di i ni, nyini ti, ye kisa, i tana Nyeme saa fombɔɔ su i femeya n nu n a.

³ Am nie kabo i yo diiri wahara satieyofom saa nu, na ba koro má i jɔre, na i laari mindi barasu a. Am su i su, adena má am ŋunie yɔrɔki am. ⁴ Kabo satieyofom kere am wuwuruwa na am mindi ni, am nya mindi ju má juubiri bo bu yi am ŋɔɔ. ⁵ Kabo am ti Nyeme nbaam na wɔ tu am fo asi am ahore ni, má am ma am wara afi nyini ni, bo i ŋa,

“M wa, nzen Nyeme tu u fo, má a kete,

nzen i cin u sui gusu a, má a ma u njunie yoroki u.

⁶ Dama minem bo i koro bu n ye i tu bu fo a,

na minem kere bo wo fa bu ayo i nbaam ye i cin bu sui a.”

⁷ Wahara n bo am sudi i ni, am mindi na am fa i ka am si sucin am sui a. Nyini sukere am ka am ti i nbaam wo lee, dama baa be wo má bere bo i si cin má i sui. ⁸ Nzen Nyeme acin má am sui kabo i cin bo bu ti i nbaam kere sui ni, nyini la ka, am ti má i nbaam nahore su, am ti ka soma nbaam wo lee. ⁹ Ya sim bo bu wuuri ya ni, bu ba yo, bu cin ya sui wo, na ya ma bu jirima. Nzen i nya ti so yiri, wo yo daka ya de ya Si Nyeme noanie tara bu dee, adena ya nya ngoo. ¹⁰ Sanga bo ya yo ti nbaatumam ni, ya sim yo cin ya sui sangka kaan wo, kabo i ti ye ni ka bu yo ni, ama, Nyeme yiri cin ya sui, i yo i ni kpa dee ti wo, i koro ka ya nya i dee woowa n be wo. ¹¹ Sangka kere bo bu cin ya sui ni, i ti ka ya ahore ti saakiwa a, i yo má ya fie, ama, nyini n kere sin, minem kere bo Nyeme cin bu sui na bu si ka ba yo sa bo i ko má atin su, bu nya ahoreda na bu wo yo kpa.

¹² Nyini ti, má am ma am njunie yoroki am, ama, am ma am kpekpeye yo kenken. ¹³ Am susu Nyeme atin n su, na am nya fanga, adena má am gbaraki buka su.

Fotu kabo wo yo daka ka má ya kete Nyeme noanie n ni

¹⁴ Am kere boro am nyi na am tana laifie ni sono kere, na am wo wo bo i ti casi, dama woro kere bo a ti má casi, a nu má Nyeme. ¹⁵ Am si am nu sa, na má be fun Nyeme ahoroma ni. Am kaaki si am nu sa, na má be fa sunsunni tie be ba saaki mine dongu na bu kaaki bu sin bo Nyeme. ¹⁶ Am si am nu sa, na má be sukpini nbaram, na má be gusu yo i nu ngbeen na i cece wo má Nyeme su nu, ka Esawu, bo diire dee ti na i toori i tiengu baawu kpien jinaabiri maari i niema ni. ¹⁷ I toori i baawu kpien jinaabiri n dee sin, sangka bo i seeri i si ka, i yo nyini kisi go i nu ni, na i si akete, haari ni bo i sun ni nyunvuin ni, wo koro akaaki má deke n bo wo yo i n kun.

¹⁸ Juubiri n bo am aba aju ni, i ti má deke bo am koro nu i, i ti má ka buka n bo Yisarelifom yo ko juuri su na bu fere i ka Sinayi ni. Bu ko juuri su ni, na ba nu ka i suje sin fofoe, na awosin awura dika n nu, na wo kata liim, na anjuma akpisi dika ni. ¹⁹ Na ba ti awie nga ka i fita ni fanga su, na ba ti akonvi nga ka i sujojo fanga su. Bu tiiri akonvi ni nga so ni, na bu seeri ni anyumboro ka bu koro má ka bu ti nyini jojoowa n kun. ²⁰ Dama ba koro ade má noanie n bo Nyeme fa maari bu ni, i na, haari nzen nengendore be faari i nu kaanri buka ni, bu tu i yabue bo kun i. ²¹ Dekem bo bu nuuri bu buka n su n laari sere agaya n dee ti, na Moyisi mmoo ase ka, “Sere ati m agaya, na m njunie subobo m.”

²² Ama, deke bo am aba aju ni, am aba aju buka n bo bu fere i ka Siyon ni su a, ni Nyeme bo i wo bere sangka kere n dee mie kpiri ni, yiri la mie kpiri n bo bu fere i ka Yerusalem na i wo angoro ni, do ye Nyeme mereke akpiim atien bu noo ni ahorejo n a. ²³ Am aba jama n bo bu ti ka Nyeme nbaakpienn, na ba kere bu duma Nyeme dika n nu ni do a. Am aba Nyeme do, yiri bo i di sono kere jore ni. Am aba dawafom woobiri ni, bere bo bu yoori sa bo i ko atin su Nyeme do na wo ma ba ti kabo i koro ka bu ti n wo. ²⁴ Am aba Yesu do o, yiri ti afien donguyofo a, yiri ye wo fa sesesu fofore n aba. I mbunja n bo wo fite ago ni, ayo ya casi a, i la kperere tara Abeli dee.

²⁵ Am si am nu sa, Nyeme sujojo am do, má am kete i, dama sangka bo i yo jooori Yisarelifom do durunya n nu fen na bu keteeri ni, wo yaki má bu. Nyini ti, nzen i wo angoro sujojo ya do, na ya keteeri, ya yo se koro fite nu a? ²⁶ Nyini sangka, i konvi ngumi mmoo ma asien kpisi wo. Ama, kisa, wo se ka, “M kpisi asien n ni angoro n kere kpekun buka su.” ²⁷ Kabo i seeri ka i kpisi i kpekun buka su n kere ka, deke n kere bo wo yi bu ni, i bá kpisi yi bu, adena dekem bo be koro kpisi má bu n bá ka. ²⁸ Nyini ti, kabo Nyeme ama ya atin ka ya ni yiri sangka di i femeya n bo be koro kpisi má i ni, am ma ya da i asi. Am ma ya kaaki da i asi, na ya bu i, na ya soro i ahore, na ya su i, kabo wo yo daka ka ya su i ni. ²⁹ Dama Nyeme bo ya su i n ti ka sin bo i di deke kere bo i ti má kpa n wo.

13

Kabo ya yo na i sun Nyeme nu ni

¹ To, kabo Kristo dee ti na am ayo ka nibaa kun ni, am sukoro am benju. ² Am tenje su na am sude wofom. Nbem yo yoori so o haari na ba de merékem wofa, ama, ba si má ka bu ti merékem. ³ Má am ma am wara fi minem bo bu wo dansaraka nu n sa, am fa i ka am ni bere ye ba sangka anyi am a. Na má am ma am wara fi minem bo bu sudi wahara n gusu sa, am fa i ka amberere sudi wahara n a.

⁴ Am ma jirima wo am ajaam nu, na bieso n ni bara n kere bita bu nu, na má be yo ngbeenngbeen, dama Nyeme bá di minem kere jore bo bu kpini nbaram, ni bo bu ko somaya ngbeenngbeen n kere. ⁵ Má am ma am nyunu boro iwaa koro su agaya, ama, am ma am nyunu yi deke n bo am la i ni, dama Nyeme ase ka, “M yáki má am ngbeen, m káaki fa má am ji má.” ⁶ Nyini ti, am ma ya fa ahoresi, na ya se ka, “Mícera ni ti m bukafó,
m soro má sere.

Adamande koro yo m nzu wo?”

⁷ Am nie am mofom bo bu kan Nyeme jore n kereeri am ni. Am nie kabo bu woori wo kpa barasu, na am son bu yarada bo bu yoori i n su. ⁸ Yesu Kristo kaaki má, kabo i yo ti ni, i toko ti so o, na i ti so o sanja kere. ⁹ Má am su kereewa fofore barasu nbem su, na bu ma am mini atin kpa ni. I ti ye ni ka ya de Nyeme dee ahoroma n bo i ma ya ahoresi ni, na má ya de atin bo bu ciirem kere fa ko diire diiwam su, bo bu su nyini ciirem su ni, i buka má bu. ¹⁰ Sa bo Yesu ayo ama ya n dee ti, ya fa i ka ya la Nyeme sayoowa yobiri n dee diire bo Yudafom Nyeme sayoowa donguyofom bo bu yo juma Nyeme Sereebiri Nambue n nu n la má atin na bu di be. ¹¹ Afó kere afó, Nyeme sayoowa donguyofó kpian n fa nengendorem mbunja a, na i fa wura Casi Kere Casi Soó n nu. Na i fa yo yoowa ma Nyeme, fa ko minem satie bo ba yo i n su, na i ma bu nya fa nie n kere fite mie n aheme, na bu yara i sin. ¹² Nyini dee ti, ye Yesu gusu wuuri mie n aheme n a, adena i koro fa i mbunja n yo minem casi. ¹³ Sa n bo wo yo ama ya n dee ti, am ma ya ko i do mie n aheme, na ya su i atin su, na ya ni yiri kere sanja di nyinse n bo i diiri n be. ¹⁴ Dama durunya n nu fen, ya la má mie be bo ya suwo nu sanja kere, ama, ya boro ya nyi sunienie mie kpiri n bo i bá ba n wo. ¹⁵ Nyini ti, buka n bo Yesu ayo ama ya n dee ti, am ma ya fa kansi fa ma Nyeme sanja kere. Ya saraka yoowa n bo ya fa ma Nyeme n la ka, ya teke ya noo, na ya kan kere minem ka Yesu ti Mibie n a. ¹⁶ Má am yaki kpayo, am buka am bejgum sanja kere, dama nyini saraka yoowam so, ye Nyeme koro a.

¹⁷ Am de am mofom noanie, na am su atin n bo bu fa kere am su, dama bere sukpie daafiri am busu n dee ti, ye Nyeme bá bisa bu kabo bu yoori bu juma n barasu n a. Nzen am deeri bu noanie, bu yó bu juma ni ahoreda a, ama, nzen am ade má bu noanie, nyini ma bu yo bu juma ni ahoresaaki a, na nyini so gusu buka má am.

¹⁸ Am susere Nyeme ma ya sanja kere. Yere do, i ti nahore wo ka ya yo sa bo i ko atin su wo, na ya sunsunni nu ma ya ka ya yo sa bo i ko atin su wo sanja kere. ¹⁹ M sere am wo, am boro am nyi sere Nyeme ma m, na i buka m, adena i ce má, na m kaaki ba am do bekun.

Awieeri su dee nyemesere ni

²⁰ Nyeme ahoredafó n atenje ya Mibie Yesu Kristo i yiwee n nu. Nyeme faari Yesu mbunja n faari sesesu diiri i di n ti ye Yesu yoori ya sasafó kpiri n a. Nyini sesesu n la má awieeri. ²¹ Nyini ti, m sereeri Nyeme ka i ma am deke kpa n kere bo i ti ye ni ka am nya i, na am yo i sa koroowa, na i kaaki ya wo, na ya yo mine n bo i ahore jo ya nu. Yesu Kristo dee ti, ye i yo nyini n kere a. Yiri ti ye ni ka ya kansi i sanja kere sanja. Ami.

²² M ninbaam, m sere am wo, am yo sawore, na am so am sui, na am de ahin jore n bo i wo ahin kadasi n nu, na m sufa tu am fo ni. Dama jore n bo m sukere ma am n sunnu má. ²³ M koro ka am si ka, ya niwa Timoti wo má dansaraka nu kun, ba yaki i, nzen i ba tuuri m nde, na m ba suba, m ni yiri kere bá nie am busu.

²⁴ Am bisa am mofom kere ni Nyeme minem kere dongu ma ya. Ya ninbaa yaradayofom bo bu wo Itali asien n su n kere bisa am dongu.

²⁵ Nyeme buka am kere.

Kadasi n bo YAKOBO akerɛ i ni

¹ Mini Yakobo bo m ti Nyeme ni ya Mibie Yesu Kristo deɛ akoo ni, m bisa Kristo jamam n kere dongu, bere bo ba sandi abara aye durunya n kere nu ni.

Yaradayo ni alecira jore

² M ninbaam, nzen gberɛgberɛ be tu am, am ma am ahore jo. ³ Dama am si ka am yarada bo am ayo Nyeme n deɛ ti, ye nyini gberɛgberɛ n tu am a, na am mindi nyuri i awieeri, am koro mindi nyu gberɛgberɛm bo bu tara nyini n mmoo awieeri. ⁴ Am ma am mindi n sun am nu, adena am woowa kere ti kabo Nyeme koro ka i ti ni na ma pui kpie am su.

⁵ Ama, nzen alecira akpie am nu be su, i ti ye ni ka i mi sere i Nyeme do, yiri bo i ce sono kere aceeri ni i kunnu kun ni, na i wura ma be nyinse ka i mi asere i n deɛ ti. Nyini ti, nzen be sere Nyeme, yiri ma i mi alecira n a. ⁶ Ama, nzen be sere Nyeme, i ti ye ni ka i mi yo yarada ka deke bo i sere i ni, Nyeme ma i wo, na ma i mi yo sika, dama sono kere bo i yo sika, i ti ka nzue bo ajuma bo i ko i sin ba i nyunu wo. ⁷⁻⁸ Nyini sono n bo i yo sika so ni, i sunsunni ti nnyo nnyo o, fa ko Nyeme do, i si ma i jinaabiri. Ma i mi n sunsun ka i nya pui fite Mibie n do.

Fotu fa ko Kristo jama n yaarifom ni nengefom do

⁹ To, ya niwa bo i ti yaarifom, na Nyeme awura i kpiri, i ti ye ni ka i mi ma i ahore da. ¹⁰ Na ya niwa bo i ti nengefom gusu, na Nyeme ayo i kaan, i ti ye ni ka i mi ma i ahore da. Dama i ce ma na i ni i nenje n kere ba wo ma bere, kabo wura pum ce ma, na i ni i nyumi n kere kponkpon barasu ni. ¹¹ I ti so o, kabo wie ba bi, na i kekere n bo kponkpon wura pum na i wu, na i nyumi wie ni. Kabo nengefom n gusu ni i nenje n ti lee. Sangba bo i nyunu aba aboro i juma su ni, i ni i nenje n kere ba wo ma bere kun.

Fotu fa ko sangba bo am wo gberɛgberɛ nu ni

¹² Terefie wo sono kere bo gberɛgberɛ tu i, na i mi saaki ma i noo n do. Nyini sono n koro mindi nyuri nyini gberɛgberɛ n awieeri, i nya ngoo Nyeme do, nyini la aceeri n bo i yo seeri ka i fa ma bere bo bu koro i ni. ¹³ Nzen gberɛgberɛ n so n atu be na i ma i wura satie nu, ma i mi se ka, "Nyeme ayo m ye m wura satie nu a." Dama pui koro yo ma Nyeme na i wura satie nu, na i gusu yo ma be na i mi wura satie nu. ¹⁴ Ama, deke bo i ma sono wura satie nu n la i mi ni i ti deɛ konvikiya a, nyini ma i cin dodo satieyo a, ¹⁵ na nyini konvikiya n nya cin i wura satie nu na i mi yo satie be, na nyini satieyo n nya ba bi wieeri, i fa yiwee ba a.

¹⁶ M ninbaa koroowam, ma am daka am nyu. ¹⁷ Aceeri kere bo i ti kpa na i ti kabo Nyeme koro ka i ti ni, i kere fite angoro ya Si Nyeme do o, yiri yiiri deke n kere bo i ta angoro n a. I wo ti i wo wo, na i ma ma awosin yo ma na i kaaki deke be. ¹⁸ I deɛ koroyanu, na wo fa i noanie n bo i ti nahore n ama ya, ye ya yo i nbaam. I yoori so o, adena ya yo deke n kere bo wo yi bu n ti.

Am de Nyeme noanie n na am yo kabo i kere ni

¹⁹ M ninbaa koroowam, i ti ye ni ka am ti ahin sereya n bu, ka, sono kere so i sui ndende na i ti, ma i mi koro nde jojo, ma i kaaki fa yaa ndende. ²⁰ Dama yaa kere ma sono na i yo sa bo i ko atin su Nyeme do. ²¹ Nyini ti, am yaki sa ngbenngben, ni satie kere yo. Am yo am nyu kaan fa ma Nyeme, na am de i noanie n bo wo fa awura am ahorembaa su ni. Dama nyini noanie ni koro de am tii ji a.

²² Am yo kabo Nyeme noanie n kere ni. Ma am dadaka am nyu ka am ati i na am yo ma kabo i kere ni. ²³ Dama nzen be tiiri noanie n na i yo ma kabo i kere ni, i mi ti ka sono bo i fa nieenu nie, na i nyu i nyu wo, ²⁴ ama, na i nya faari nieenu n seeri, na i ko wieeri, a nyu ka i wara afi kabo i nyunuawa ti barasu. ²⁵ Ama, sono kere gusu bo i fitiiri Nyeme noanie kpamaawa n nu, noanie kpamaawa n bo i ti kabo Nyeme koro ka i ti n na i ma minem nyaari bu tii ni, na nzen i mi boro i nyi su noanie n su, na i mi ti ma sono bo i ti noanie n na i wara afi i, ama, na i ti sono bo i yo kabo noanie n kere ka i yo ni, i mi yiri, Nyeme yo i kisi fa ko i sayoowa kere nu.

²⁶ Sasu bekun, sono kere bo i nyu i su Nyeme atin su, na i koro tara ma i noo, i mi daka i nyu wo lee, na i nyemesu atin n ti ngbeen wo. ²⁷ Nyemesu atin bo be su i su n na i la ma gela be ya Si Nyeme do n la ahin, ka, i mi nie ayikam ni nkunafom su, bere bo bu di yaari ni, na i mi kaaki tara i nyu na ma durunya n nufom ma i yo fin be Nyeme do o.

2

Fotu fa kɔ tantambunu

¹ M ninbaam, kabo am yo Yesu Kristo yarada ni, yiri bo i ti ya Mibie Jirimafɔ ni, má am fa tantambunu ni am beɗgu. ² Ma m fa i ka, nzen mine nnyɔ nbem ba wuraari am tientienbunɔɔ sɔɔ n nu, na kun wura sutura kpakpa ni sika ngaa, na nyinga n ti yaarifɔ na i wura sutura titiwa, ³ na nzen am nu kun se bo i wura sutura kpakpa n ka, “Jande, ba tana ahin tanaabiri nyunyumi n su,” na i nya se yaarifɔ n ka, “Wɔɔ, ka jina dɔ, nzen má nyini, ba tana m jaa bu fɛn,” ⁴ nyini kere ka am sufa tantambunu atin lɛɛ, na am sunsunni tie ma am sufa kpakpaakinu ba lɛɛ, má sɔ?

⁵ M ninbaa koroowam, am ti fɛn. Má Nyeme yiiri yaarifɔm bo bu wo durunya n nu n ka bu ti ajekefɔm i dɔ, bu yarada n dɛɛ ti a, na bu nyá femeya n bo wo se ka i fa ma minem bo bu koro i n a, nzen se? ⁶ Ama, amberɛ bu yaarifɔm ngbɛɛn wɔ. Nmam kere am wahara n a? Nmam kaaki cin am kɔ jɔɛ diibirim n a? Má nenggefɔm n a? ⁷ Má berɛ jɔɔ wura duma n bo i la anyunuyi ni ngasi nu n a? Yiri ye Nyeme afa ama am na i kere ka am ti i dɛɛm ni.

⁸ Ba kere i Nyeme Jɔɛ Kadasi n nu ka, “Koro u beɗgu kabo a koro u ɗu ni.” Nyeme femeya n nu noanie kpamaawa bambaka n lɛɛ. Nzen am yo sɔ, nyini ti kpa a. ⁹ Ama, nzen am laari tantambunu, am ayo satie, na Nyeme noanie kpamaawa n kere ka am ti ketemafɔm wɔ lɛɛ. ¹⁰ Wɔɔ kere bo a suuri Nyeme noanie kpamaawa n kere su, ama, na a saakiiri i kun n kpein mmɔ, a saaki noanie kpamaawa n kere lɛɛ. ¹¹ Nyeme bo wo se ka, “Má a kpini u beɗgu yi” ni, yiri akaaki ase ka, “Má a kun sɔɔ” n a. Ama, nzen haari a kpini má u beɗgu yi, ye a kuunri sɔɔ, a yo ketemafɔ fa kɔ noanie kpamaawa n su lɛɛ. ¹² Am ma am jɔɔɔwa ni am sayoowa kere ka am ti minem bo Nyeme bá fa i noanie kpamaawa ni fá di am jɔɛ a, nyini noanie kpamaawa n bo i ma minem nya bu tii ni. ¹³ Dama jɔɛdi cɛɛn, minem bo bu si má bu beɗgum aɗunfɔ ni, Nyeme si má berɛ mmɔ aɗunfɔ. Ama, aɗunfɔ sifɔm ni, berɛ di nasara, jɔɛdi cɛɛn ni.

Fotu fa kɔ yarada ni i sayoowa

¹⁴ M ninbaam, nzen sɔɔ ɗa i yo Nyeme yarada, na i sayoowa kere má ka i la yarada, nyini yarada ni koro de i tii ji, nzen se? Ai, nyini ti ngbɛɛn wɔ lɛɛ. ¹⁵ Ma m fa i ka, nzen am ninbaa Kristo jama nbem wo berɛ bo bu la má diire, na bu la má sutura, ¹⁶ na nzen am nu kun seeri i ka, “Kɔ ni ahoreda. Nyeme ma u na a di, na i ma a nya sutura.” Nzen a seeri sɔ, na a ma má i mi koroowa ni, i kpa la bonɔ? ¹⁷ Nyini ti, nzen a la yarada n ɗgumi, na u sayoowa kere má ka a la yarada, i ti yarada ngbɛɛn wɔ lɛɛ.

¹⁸ Be koro se ka, “Ahin sɔɔ n yiri yo Nyeme yarada wɔ, ama, ahin n yiri yo sakpa a.” Tɔ, ye sɔɔ yo se kere ka i yo Nyeme yarada, bo i yo má sakpa a? Mini yo sakpa a, nyini kere ka m yo Nyeme yarada. ¹⁹ A ɗa a yo yarada ka Nyeme ɗgumi wo berɛ a. Nfan. Haari ajinim mmɔ si i sɔ ɔ, na bu ɗunie subobo bu ni sere. ²⁰ Wɔɔ sinnzin ngbɛɛn ni, a koro ka m kere u ka yarada yoowa bo i kere má sakpa n ti yarada ngbɛɛn wɔ, nzen se? ²¹ I yo se ye Nyeme deerɛ ya na Abraham ka i yo sa bo i kɔ atin su i dɔ a? Abraham sayoowa n dɛɛ ti ye Nyeme deerɛ i sɔ a, dama Abraham yo faari i wa Izaki fa seeri Mikun n yoowa yoobiri n ka i fa i yo yoowa ma Nyeme ni. ²² A ɗu má i? I yarada yoowa fa sanɗa ni i sakpa yoowa kere yoori kun wɔ. Na i sayoowa n akere ka i yarada n ti kabo Nyeme koro ka i ti n wɔ. ²³ Sɔ ye deke n bo bu kerɛeri i Nyeme Jɔɛ Kadasi n nu n ayo yiwa a, ka, “Abraham yoori Nyeme yarada n dɛɛ ti, na Nyeme ade i ka i yo sa bo i kɔ atin su i dɔ.” Nyini ti, ye bu fereeri i ka Nyeme danfɔ n a. ²⁴ Tɔ, m ɗa am aɗu i e, ka sɔɔ sayoowa ma Nyeme de i ka i yo sa bo i kɔ atin su i dɔ a, má ka i mi yarada ɗgumi ti. ²⁵ I ti sɔ ɔ lɛɛ, fa kɔ bara sakara be bo bu fere i ka Rahabu n dɔ. Dama dawa sanɗa, yiri yo bukaari Yisarelifɔm dɛɛ koresiyifɔm n a, na wɔ kere bu atin na ba foro bu kpɔfɔm saa nu. Nyini sayoowa n dɛɛ ti, na Nyeme ade i ka i yo sa bo i kɔ atin su i dɔ ɔ. ²⁶ Tɔ, kabo ɗumi awo má aɗuniembaa n nu na i ti fuin ni, sɔ ye i ti a, nzen a la yarada na u sayoowa kere má ka a la yarada, yarada ngbɛɛn lɛɛ.

3

Fotu fa kɔ kabo ya bita ya taferema

¹ M ninbaam, má am dɔɗgu yo am ɗu kerefɔm. Dama am si ka yere bo ya ti kerefɔm ni, ya jɔɛ diiwa bá yo kekereke agaya a. ² Ya kere ba yo, ya yo sam bo bu kɔ má atin su wɔ. Ama, nzen sɔɔ kere bo i jɔɔɔwa kere kɔ atin su, i mi woowa n ayo kabo Nyeme koro ka i yo n wɔ lɛɛ. I kere ka i mi n la tarabuɗu sa kere nu lɛɛ. ³ Am ma ya nie kpɔɗɔ. Ya fa karafi wura kpɔɗɔm nɔɔ ɔ, na ya kunma bu fanɗa na bu yo deke kere bo ya koro ka bu yo i ni. ⁴ Am ma ya nie lee bambaka gusu, i ni i bambaka n kere ni, haari nzen

anjuma bambaka subo i kɔ deke be, lee kanfɔ n koro fa napoku baka n bo i ti kaan ni lee ni, na i kan i kɔ deke kere bo i koro. ⁵ I ti so lee ni taferema n gusu, i ni bo i ti kaan anjuniembaa n nu n kere ni, i koro saaki deke donju.

Nie kabo sin ti barasu a, haari i ti kaan se, i koro je boo bambaka. ⁶ Taferema n ti ka sin wo lee. Bekun, ya njuniembaa n nu, i kaaki ti ka satiem bo ba yi durunya n nu n wo, i satie n sa anjuniembaa n kere wo. I yo juma ka sin wo, na i saaki sono njuniembaa n fite seen n bo bu wuuri i n fa kɔ ju haari i yiwee seen. Yiko bo taferema n la i na i yo so n fite seena sin n nu wo. ⁷ Adamande kunma deke n kere fanga, i ajaannam o, i lanjpetefom o, i cinbukunnusufom o, ni jombaam o. Na wo koro ata bu kere. ⁸ Ama, taferema yiri, sono be nya koro kunma ma i fanga. I ti deke tie wo, bo be koro tara ma i. I ti ka wo yi ni bore bo i kun wo. ⁹ Ya fa yiri fa kansi Micera n bo i ti ya Si n a. Na ya kaaki fa yiri saaki minem bo Nyeme ayi bu ka bu ferema ni yiri n a. ¹⁰ Nyini anoo kun n ye kansi ni saaki fite nu a. M ninbaam, wo yo ma daka ka i ti so. ¹¹ Bura kun koro tie nzue kpa, ni nzue tie, nzen se? Ai, i koro yo ma. ¹² M ninbaam, am si ka damba baka koro su ma nguimbbaa. Cumi baka gusu koro su ma damba. I ti so o lee, bura bo i nzue ti lalaraki, i koro tie ma nzue bo i yo fie.

Fotu fa kɔ alecira bo i fite Nyeme do ni

¹³ Nma wo am nu bo i la alecira ni si a? I ti ye ni ka i mi kere ka i ti so o, fa kɔ i woowa kpa su, na i yo sakpa, na i wo benle, nyini kere ka i la alecira. ¹⁴ Ama, nzen am susi kore ahorembaa su, na am suyo wi, na am bita anyin sunsuni, ma am bita fo ka am la alecira, na ma am bu kore jaraki nahore n so. ¹⁵ Nyini alecira n so fite ma Nyeme do, ama, i fite durunya n nu fen wo, i nati ma Nyeme atin su, i ti Sitana dee wo. ¹⁶ Deke bo koresi, ni anyii wo, kpakpaakinu ni satie yoowa barasu kere wo do o. ¹⁷ Ama, sono bo i la alecira n bo i fite Nyeme do n la ka, i woowa ti casi. Bo i to su n la ka, i koro tanalaifie, na i la wo benle, na i de fotu, na i si anjuno agaya, na i yo sakpa beberebe, na i la ma tantambunu, na i kaaki la ma burukoonu. ¹⁸ Tanalaiefom bo bu yo tanalaifie juma ni, bu njato n la sam bo bu kɔ atin su Nyeme do n wo.

4

Fotu fa kɔ kabo ya da ya nyu asienju fa ma Nyeme ni

¹ Nzu ti ma am di aluwa, na am suse akuruwa am nyu nu a? I fite ka am sunsuni ti tie, fa kɔ am ahorembaa koroowa beberebe n bo i wo am njuniembaa nu, na i kpie am daafiri n dee ti a, ma so? ² Am koro deke nbem, na am nya ma bu n ti, ye am koro ka am kun am bengum n a. Am konviki wura minem nenje nu, na am nya ma i n ti, ye am se akuruwam, na am di aluwa n a. Am sere ma Nyeme n dee ti, ye am nya ma am koroowa n a. ³ Deke bo i ti na am sere Nyeme na am nya ma i n la ka, am sere ni sunsuni tie wo. Am sere dekem ka am fa yo am kunnu koroowa a. ⁴ Ambere bo am su ma Nyeme ni, am si ma ka sono kere bo i koro durunya n nu nenjem agaya, ti Nyeme kporo o, nzen se? Nyini ti, sono bo i fa i ahorembaa se durunya n nu nenjem su, i mi ti Nyeme kporo o lee. ⁵ Ma am sunsuni ka deke bo ba kere i Nyeme Jore Kadasi n nu n ti ngbeen wo, ka, "Sono kere bo i fa i awiewie n bo Nyeme afa ama i n suuri deke be sin Nyeme nyu, Nyeme si i kore agaya." ⁶ Ama, ahorama n bo Nyeme afa ama ya n sunnu. Nyini ti, ye ba kere i Nyeme Jore Kadasi n nu ka, "Nyeme kete kpirikorofom wo,

ama, na i fa i ahorama n ma tarakam."

⁷ Nyini ti, am fa am nyu ma Nyeme. Am kete Sitana, na i nmati yaki am. ⁸ Am cin dodo Nyeme, na i gusu cin dodo am. Ambere satieyofom, am yi am saa fite satie nu. Ambere anoo nnyo nnyofom, am yo am ahorembaa casi. ⁹ Am satie dee ti, am ma am ahorembaa saaki, na am sun. Am fa am siri fa kaaki sun, na am fa am ahorejo fa kaaki ahoresaaki. ¹⁰ Am da am nyu asienju ma Nyeme, na yiri ba wura am kpiri.

Fotu fa kɔ kabo ma ya jaraki ya bengum ni

¹¹ M ninbaam, ma am jojo tie ma am bengum. Woro bo a jojo tie ma u lamoko, wara a jaraki i, a jojo tie afa ako Nyeme noanie kpamaawa n su ajaraki i lee. Nzen a nya yoori so, a nya ti ma sono bo i de Nyeme noanie kpamaawa n lee, ama, a yo u nyu ka joredifo lee. ¹² Nyeme ngumi ti i noanie n kpamafo a, na yiri ngumi kaaki ti i joredifo a, yiri bo i koro de minem tii ji na i kaaki koro ma bu ka ngbeen ni. Woro la nma na a jaraki u bengum a?

Fotu fa kɔ yanfoya atin su

¹³ Am ti fen, ambere bo am se ka, "Nyuma, wara ahunma, ya ko ahin mie n su, na ya ko yo afo kun do, na ya yo juma, na ya nya njwaa beberebe ni." ¹⁴ Ambere, haari am si

má sa bo i bá yo am ahunma mmɔɔ. Am ni am ngɔɔ ti ka se? Am ti ka bore wo, bo i to na i ce má, na wie ba tie, a nu ka wo kpɔnkpɔn ni. ¹⁵ Deke bo i ti ye ni ka am se n la ka, "Nzen Nyeme diiri su, ya wó bere, na ya yó ahin ni ahin." ¹⁶ Ama, kabo i ti ni, ambere koro kpiri wo, na am sufɔ. Nyini yanfɔya so n kere ti má kpa. ¹⁷ Tɔ, nyini ti, sɔnɔ kere bo i si sakpa bo i yo i, na i yo má i, i mi yo satie wo lee.

5

Fɔtu fa kɔ nenɛfɔm do

¹ Ambere nenɛfɔm, am ti fen. Sa ngbɛɛngbɛɛnm bo bu bá tu am n dɛɛ ti, am sun na am subo awie. ² Am ajɛke n kere susaaki, na nvɔrem sumuka am suturam n kere. ³ Am sika ni am jete kere suwura ngambulaari, na bu ngambulaari wurawa ni bá ma Nyeme jaraki am, na i káaki ba yara am ka sin, am nuniembaa nu. Am atien ajɛke nɔɔ afa ase fa kɔ durunya n awieeri wo lee. ⁴ Sasu bekun, am akete ka am tɔ má jumayofɔm nkato, bere bo bu tambu am fiesu nenɛ mbaa ni. Am ti kabo bu kan am ndie a, bu awie bo n kere ato Micera Yikofɔ n sui nu. ⁵ Kabo am wo durunya n nu fen ni, am adi fie, na am ayo am kunnu koroowa. Am adi ayo ngbingbiri ka toora dɔdɔɔrifɔm bo bu sukɔ ka bu kpie bu kom ni. ⁶ Minem bo bu la má ngasi be ni, bere n ye am ama ba di bu jɔre acin bu sui akun bu a. Bu kete má am wo.

Awieeri su dɛɛ fɔtu jɔrem ni

⁷ Nyini ti, m ninbaam, am yo sawɔre nminda fa kɔ cɛɛn n bo Mibie ni bá ni. Am nie kabo dɔdɔɔrifɔ yo sawɔre nminda, haari kabo bu fiesu diire bá yo kpakpa barasu. I yo sawɔre nminda kpányini nzue kɔ tu takoku wo. ⁸ Am gusu yo sawɔre. Am ma am ahore si, dama Mibie n ba sanɔa n adodo. ⁹ M ninbaam, má am wo waraki su, sukan am bengɔ ndie, adena má Nyeme bá di am jɔre. Am ti fen, yiri Jɔredifɔ n lee, yiri jina aɔ n nu n a. ¹⁰ M ninbaam, am ma ya tenɛge su, fa kɔ Nyeme nɔɔnie kanfɔm n bo bu yo jɔjɔri Micera n duma n nu ni. Am su bu jaa yiiwa su, kabo bu yo yoori sawɔre mindi diiri wahara ni. ¹¹ Nahore, minem bo sa tu bu, na bu la mindi kɔ nu i awieeri ni, bere ye ya fere bu ka terefiefɔm a. Am tiiri kabo sɔnɔ be bo bu fere i ka Yobo n yo laari mindi barasu, fa kɔ ni wahara n kere bo i yo diiri i ni. Am si kabo kasin na Micera n abuka i ni. Dama Micera n si anjɔnɔ na i la koro agaya.

¹² M ninbaam, jɔre bo i buka i kere su n la ka, má am tan deke be ndie fieo. Má am se ka am tan asiɛngu, wara am tan angoro. Nzen u jɔjɔwa n bu la ka ɛɛn, am se ka, "ɛɛn." Na nzen u jɔjɔwa n bu la ka ai, am se ka, "Ai." Adena, má Nyeme di am jɔre na i yo am ngbɛɛn.

¹³ Nzen be wo am nu bo sa be atu i, i ti ye ni ka i mi sere Nyeme. Na nzen be wo am nu bo i ahore ajo, i ti ye ni ka i mi di jue kansii Nyeme. ¹⁴ Nzen be wo am nu bo i la má laifie, i ti ye ni ka i mi fere Kristo jama nkpienkpienn na bu ba sere Nyeme ma i, na bu nunuka i nguin, Mibie n duma n nu. ¹⁵ Nyini nyemesere n bo bu sere i ni yarada ni, i má tukpakifɔ n nya laifie, na Mibie ni má i yasu. Na nzen haari wo yo satie mmɔɔ, Nyeme fá i satie n ce. ¹⁶ Nyini dɛɛ ti, am kan am satie bo am ayo i kere am bengɔ, na am sere Nyeme ma am bengɔ, adena am nya laifie. Sɔnɔ bo i yo sa bo i kɔ atin su Nyeme dɔ ni, i nyemesere la fanga, na i yo juma nahore su. ¹⁷ Nyeme nɔɔnie kanfɔ n bo bu fere i ka Eliya ni, i yo tiiri adamande ka yere wo, na wo sere Nyeme ni anyumboro su, ka, má nzue tɔ, na nzue n atɔ má asien n su afo nsan ni sara nsen. ¹⁸ Na wo kaaki asere Nyeme, ka, i ma nzue n tɔ, na wo tɔ, na asien n diire mbaa kere akaaki ayo.

¹⁹ M ninbaam, nzen am nu kun miniiri nahore atin ni, na am nu kun be faari i kpieeri i nyi baari atin n su, ²⁰ i ti ye ni ka i mi n si nu ka, sɔnɔ kere bo i yiiri satieyofɔ fiteeri i satie atin n su, i mi de nyini sɔnɔ n tii fite yiwee nu, na i ma Nyeme fa i mi satie beberebe n fa ce i.

Kadasi cìciri su bo PETORO akere i ni

¹ Mini Petoro bo m ti Yesu Kristo jaramasa ni, sukere ahin kadasi n na m fa ma ambere Nyeme minem bo wo yi am na am ti wofom na am asandi abara aye, na am wo Pontusi, ni Galatiya, ni Kapadosiya, ni Esiya, ni Bitiniya aworem n nu ni. ² Nyeme koroyanu dee ti, ye wo du mo ayi am ye i Awiewie Casi n ama am ayo i dee minem a, adena am de Yesu Kristo noanie ni, na i mbunja n nmisi am na i yo am casi. Nyeme buka am na i ma am ahoreda ko sin su.

Deke bo ya la i tama ni

³ Am ma ya kansi Nyeme, yiri bo i ti ya Mibie Yesu Kristo Si. Wo si ya anjuno agaya n dee ti, ye wo ma ya yo mine fofore, ye ya la tama wo ni ngoo a, dama i tengeeri Yesu Kristo i yiwee n nu wo. ⁴ Na am nya aceerim bo Nyeme afa ase angoro anjinda ka i fa ma am ni. I ti aceeri bo i saaki ma, i yo ma fin, na i kaaki wie ma. ⁵ Am ayo Kristo yarada n dee ti, Nyeme la yiko bo i sasa am haari ni bo am ba nya tiide n bo wo sese i su ka am ba nya i awieeri su sangja ni.

⁶ Nyini kere dee ti, ye am la ahorejo n a, haari nzen wo yo daka ka am ahore saaki kaan fa ko kekereke barasu barasu n bo kisa am sunju i ni. ⁷ Nzen am koro mindi deeri nyini kekereke barasu n kere, nyini kere ka am ayo Kristo yarada nahore su a. Kabo am ayo Kristo yarada ni, i la anyunuyi tara sika bo i ka ngbeen ni. Sika yiri, bu fa i wura sin nu wo, na bu nie kabo i ti barasu, so ye Nyeme ma am di nyini waharam n a, na i nie kabo am ayo Kristo yarada n barasu ni. Nzen am ayo i yarada ni nahore su, ceen n bo Yesu Kristo ba yi i nju fite fofoe nu ni, am nya kansi, na bu wura am kpiri, na bu ma am jirima. ⁸ Am nyumbaa nya njo ma yiri Yesu ni, ama, am koro i, haari ni bo am nyumbaa koro njo ma i kisa ni, am yo i yarada a, na am ahore ajo ako asin su, na am si ma kabo am se barasu, ⁹ dama am anya am yarada n kperere, yiri la tiide n bo am anya i ni.

¹⁰ Nyini tiide n jore ye dawa dee Nyeme noanie kanfom fittiiri i nu na bu si i n a, ye bu kan kereeri minem fa ko sakpa n bo Nyeme ba yo ma am n su n a. ¹¹ Na Kristo Awiewie n bo i wo bu do n adu mo akere bu kabo Kristo, Tiidefo n bo Nyeme ase ka i sunma i n ba diiri wahara ni, ni kabo i woowa ti kpiri barasu ni, i wahara di n sin. Na ba boro bu nyi na bu si kabo yiri Kristo Tiidefo n ti barasu, ni sangja n bo nyini sam ni ba yo ni. ¹² Na Nyeme ama bu asi nu ka jore n bo ba kan i ni, i ti ma ka i buka bere ni bu ti wo, ama, i ti deke bo i buka ambere wo. Yiri ye kisa am ati i afite minem bo bu kan labari kpa n kereeri am do n a. Nyeme maari i Awiewie Casi n fiteeri angoro ba maari bu yiko ye bu kaanri i jore n kereeri mine a. Nyini jorem ye Nyeme meretekem mmoo koro ka bu nie nu na bu si i bu n a.

Kabo i ti ye ni ka ya woowa ti casi barasu ni

¹³ Nyini dee ti, am sese am sunsunni su, na am tara am nju, na am fa am tama kere wura sakpa n bo Nyeme ba yo ma am n nu, sangja bo Yesu Kristo ba yi i nju fite fofoe nu ni. ¹⁴ Am de Nyeme noanie n ka nbaatumam bo bu de bu si noanie ni, ma am yo am kunnu koroowa, na am suyo satiem n bo am yo bu sangja bo am yo si ma Nyeme atin ni. ¹⁵ Ama, am ma am woowa kere ti casi, kabo yiri Nyeme woowa ti casi ni, yiri bo wo yi am ka i deem ni, ¹⁶ dama ba kere i Nyeme jore Kadasi n nu ka, "Mini, m ti casi wo, nyini ti, wo yo daka ka ambere gusu ti casi."

¹⁷ Kabo am sere Nyeme, na am fere i ka am Si ni, am tara am nju na am bu i fa ko deke kere bo am yo i am ngoo su ni, ahin durunya n bo i ti ma am woobiri n nu ni, dama kabo i di minem jore fa ko bu kere sayoowa su ni, i tambu ma nu. ¹⁸ Am si kabo Nyeme ade am tii aji afite am sayoowa ngbeenngbeenm n bo am nam yo fa maari am n nu ni. Deke n bo wo fa ade am tii aji n ti ma ka sika wara jete bo bu koro ka ngbeen ni, ¹⁹ ama, wo fa Yesu Kristo dee mbunja n bo i la ma anjusu na i ti ka bombaa bo i la laifie na i la ma fin be n dee n wo. ²⁰ Nyeme du mo yiiri i ka i ba yo so ka, ye i nya ba yiiri durunya n a. Ama, ahin awieeri su sangja n bo ya wo nu n ye Nyeme ma wo fite fofoe nu, ambere dee ti a. ²¹ Yiri dee ti ye am ayo Nyeme yarada n a. Nyeme tengeeri i yiwee n nu, na wo wura i kpiri, nyini dee ti ye am yo yarada na am la tama fa ko Nyeme do n a.

²² Kabo am ade Nyeme noanie n bo i ti nahore, na wo yo am casi ni, nyini ma am koro am benju bo dadaka wo ma nu a. Nyini ti, am sukoro am benju ni am ahorembaa

fofoe ni nahore su. ²³ Am akaaki mine foforem, i ti má kabo adamande wu baa na i wu ni, ama, bo i wuuri am ni, i wu má. Nyeme faari i noanie n bo i la ngoo na i la má awieeri n ye i ma am akaaki mine foforem n a. ²⁴ Dama ba kere i Nyeme Jore Kadasi n nu ka,

“Adamande kere ti ka wura a,
i ce má na i wu.

Na bu nyumi kere ti kabo wura pum yo nyumi barasu n wo,
i ce má na i yoroki na i kponkpon.

²⁵ Ama, Micera n dee noanie n wo bere wo sangga kere.”
Nyini noanie n ti labari kpa n bo ba kan akere am n a.

2

Nyeme mine n bo wo yi bu n jore

¹ Nyini dee ti, am yaki sa kere bo i ti má kpa, má am kpo am bengum, má am sisi am bengum, má am yo am bengum burukoonu sa, má am si am bengum kore, má am kan am bengum jore saaki bu. ² Kabo baakan koro nyufini ni, am gusu, am koro Nyeme noanie n bo i ti ka nono casi ni, nyini buka am ye am koro nyi na am nya tiide a, ³ dama ambere ni am tii si kabo Micera n ti kpa barasu. ⁴ Am bra Kristo do, yiri ti ka yabue n bo i la ngoo n a. Yiri ye fatafom ayi i atu n a. Ama, Nyeme ayi i ka i la anyunuyi. ⁵ Ambere gusu, am ti ka yabuem n bo bu la ngoo n wo, na Nyeme sufa am ta awuru n bo i Awiewie Casi n wo nu, na am yo i sayoowa donguyofo casim, na Awiewie Casi buka am na am yo yoowa bo i sun Nyeme nu, Yesu Kristo dee ti. ⁶ Dama ba kere i Nyeme Jore Kadasi n nu ka, Nyeme na,

“Am ti fen, m sufa yabue bo i la anyunuyi
sufa bo Siyon mie kpiri n bu,
sono kere bo i yoori i yarada,
i mi dí má nyinse.”

⁷ To, ambere bo am ayo i yarada ni, am anya deke bo i la anyunuyi ni, ama, minem bo bu yo má i yarada ni, ba kere i Nyeme Jore Kadasi n nu ka,

“Yabue n bo bondo tafom n faari i tuuri ni,
yiri ye wo kaaki bondo n jaa yabuem n kere tii a.”

⁸ Na ba kaaki akere i Nyeme Jore Kadasi n nu ka,
“Nyini yabue ni, minem bo bu jaa su,
na bu kpaasi.”

Deke n bo i ti na bu kpaasi n la ka, ba de má Nyeme noanie ni, kabo wo yo daka ka i yo lee.

⁹ Ama, ambere, am ti daanfie n bo Nyeme ayi am wo, am ti sayoowa donguyofom bo am su Nyeme bo i ti am feme n wo, am ti Nyeme dee mine casim wo, am ti Nyeme dee awurunbaam wo. Yiri ye wo yi am ka am kan i sakpam kere minem a, dama wo yi am afite awosin nu, afa am awura i dee wein n bo i la má anusu n nu. ¹⁰ Ba kere i Nyeme Jore Kadasi n nu ka,

“Sangga be, am yo ti má i dee minem,
ama, kisa, am ti Nyeme deem wo.

Nyini sangga, Nyeme yo si má am anunfo,
ama, kisa, wo si am anunfo.”

Kabo Nyeme akoom woowa ti barasu ni

¹¹ M danfo kparam, am ti wofom wo, ni minem bo bu la má woobiri durunya n nu fen, nyini dee ti, m sere am ni anyumboro wo, má am ma am nyunu boro am ajuniembaa koroowa su, dama am ajuniembaa koroowam sukoro ka bu kunma am wo. ¹² Am ma am woowa ti kpa, na nzen minem bo bu su má Nyeme n jaraki minem bo bu yo sakpa ni, bu ba nu am sakpa n bo am yo i ni, na bu kansu Nyeme, ceen n bo i bá nie i minem su ni.

¹³ Ya Mibie n dee ti, am de nfangafom kere noanie, feme bo i nie adamande kere su ni, ¹⁴ ni nkpienkpienm bo wo yi bu ka bu sunie am su ni, am de bu noanie, dama ba fa bu ase ka bu cin minem bo bu yo satie n sui wo, na bu kansu minem bo bu yo sakpa ni.

¹⁵ Nyeme koro ka am yo sakpa a, na minem bo bu ti sinnzinm na bu si má be ni, na bu si má kabo bu kan. ¹⁶ Am ti minem bo am ade am tii wo, má am nie ka am anya am tii n dee ti, na am sufie yo satie. Ama, am ma am woowa ti kabo Nyeme akoom woowa ti barasu ni. ¹⁷ Am bu sono kere sono, am koro am ninbaam kere, am soro Nyeme, na am bu Romafom feme kpiri ni.

Kabo ya son Kristo wahara diiwa n su ni

¹⁸ Ambere bo am ti akoom ni, am de am mibiem noanie, na am bu bu nahore su, má ka bo bu ti benle na bu yo am sakpa ni ngumi, ama, haari bo bu ti tie ni mmoo, am bu bu. ¹⁹ Nzen am ayo má satie be, na bu kere am wahara na am mindi deeri i, ka am soro Nyeme n dee ti, nyini ti kpa a. ²⁰ Nzu kperere ye am nyá i a, nzen am yoori satie na bu boori am na am mindi deeri i? Ama, nzen am yoori sakpa, na bu kere am wahara, na am mindi deeri i, nyini ti kpa Nyeme do a. ²¹ Nyini dee ti, ye Nyeme afere am a, dama Kristo ni i tii adi wahara ama am, nyini kere am ka i ti ye ni ka am son i su di i wahara n be. ²² Bu na, yiri,
 “Wo yo má satie be,
 wo kaaki abu má kore be.”

²³ Bu kpieeri i nzuko ni, wo woro má nzuko ama má bu. Bu kereeri i wahara ni, wo se má bu ka bu nu i. Ama, yiri faari i deke kere maari Nyeme wo, yiri bo i di jore bo i ko atin su ni. ²⁴ Ya satie dee ti, ye Kristo deeri ya jinaabiri diiri wahara wuuri baka jaanu n su a. I yoori so, adena i kere ka ya wu wo, fa ko ya satie su, na ya la ngoo bo ya koro yo sakpa. Wahara n bo Kristo diiri i njanie nu n dee ti, ye am anya laifie a. ²⁵ Am yo ti ka nbem bo ba mini wo, ama, kisa, am akaaki aba yiri bo i ti am sasafoo na i nie am dika n do.

3

Kabo i ti ye ni ka nbaram ni bu humn wo barasu ni

¹ To, ambere nbaram gusu, am de am humn noanie. Na nzen bu nbem nya yo má Nyeme noanie n yarada, na am woowa ti kpa, nyini ma bu yo yarada, má ka am noanie jooowa n dee ti, ² ama, nzen bu nyuri ka am woowa ti casi, na am ma bu jirima, nyini ma bu kaaki bu wo na bu su Nyeme a. ³ Deke bo i kere ka am yo nyumi ni, i ti má kabo am yo am nu di am tiijmie sunguruya ni, ni kabo am wura sikam, ni kabo am kara sutura kpakpam n barasu ni, ⁴ ama, deke bo i kere ka am yo nyumi n la wo kpa bo i fite am ahorembaa su, na i saari má ni. I ti ye ni ka am yo am nu kaan, na am wo benle, nyini ti deke bo i la anyunuyi nahore su Nyeme do a. ⁵ Dama kabo dawa sangga, nbaram nbem bo bu ti casi na bu la tama ni Nyeme n yo yoori bu nu nyumi lee, bu deeri bu humn noanie wo, ⁶ kabo Saara gusu yo yoori lee, i deeri i hun Abraham noanie wo, na wo fere i ka “M awurufobie.” Nzen am yoori sa bo i ti kpa na am soro má sere, am akaaki Saara nbaam wo lee.

⁷ Ambere nbiesom, i ti ye ni ka am gusu yo so. Am si kabo am fa ngonle bita am yim barasu. Am si ka nbaram fanga ni am dee se má, nyini ti, am bu am yim. Dama am ni bere kere sangga nya Nyeme aceeri n a, yiri la ngoo bo i la má awieeri ni. Am bita bu nyunyumi, adena má deke be kanda am nyemesere.

Kabo yaradayofom diiri wahara fa ko sakpa dee ti

⁸ To, deke bo m koro ka m fa kun jore n kere noo n la ka, am kere fa anoose, na am cece wo am benggu nu, na am koro am benggu ka am ti nibaam wo, na am si am benggu anunfo, na am yo am nu kaan ma am benggu.

⁹ Nzen be yo am satie, má am yo tie to i kaari, na nzen be kpieeri am nzuko, má am woro nzuko ma i, ama, kabo am yo la ka, am yo bu kisi, dama deke n bo i ti na Nyeme afere am la ka, i yo am kisi wo. ¹⁰ Dama ba kere i Nyeme jore Kadasi n nu ka,
 “Sono kere bo i koro ka i nu i nu fie,

na i wo wo bo i yo fie,

i mi tara i taferema na má i sujoo jore tie,

na má i sudadaka minem.

¹¹ I mi yaki satieyo,

na i yo sa bo i ti kpa,

i mi boro i nyi

na i sukpini tanalaifie busu.

¹² Dama Nyeme nyumbaa ta minem bo bu yo sa bo i ko atin su ni,

na i so i sui ti bu nyemesere,

ama, i koro má ka i nyumbaa nu bo bu yo satie ni.”

¹³ Nzen am nyunu aboro ka am yo sa bo i ti kpa, nma koro yo am pui a? ¹⁴ Ama, nzen am yo sa bo i ko atin su n dee ti, ye am sudi wahara, am terefie lee, má am soro bu, má am ma am ahore saaki. ¹⁵ Ama, am ma Kristo yo am Mibie n na am bu i am ahore su. Na am kpa am nu nminda sangga kere, na nzen be ba bisa am fa ko deke n bo i ti na am la tama ni, na am si kabo am bo i nu barasu, ¹⁶ ama, am joo benle, na am bu i mi, na am si am sunsunni nu ka am ayo sakpa, adena nzen minem jooori am ngbeengbeen fa ko

am wo kpa n su ka am su Kristo dɛɛ ti, na bu dí nyinse. ¹⁷ Dama nzen am yo sakpa na am di wahara na i ti Nyemɛ koroyanu, i ti ye ni bo am yo satie na bu kere am wahara.

¹⁸ Ya satie dɛɛ ti ye Kristo gusu diiri wahara kpekun n kpein a, na yiri bo i yo sa bo i ko atin su n awu, yere bo ya ti satieyofom dɛɛ ti, na i yo ya ni Nyemɛ afien donɔgu. Bu kuunri i ni, na Nyemɛ ama i ngɔɔ awiewie n nu, ¹⁹ na wo nya ako akan jore akere awiewiem bo bu wo dansaraka n nu ni. ²⁰ Dawa sangɔ, bere yo keteeri Nyemɛ noanie n a, na Nyemɛ ayo sawore anjinda, sangɔ bo Nowa sukpa lee bambaka n ni. Nyini lee ni, mine kaan so wurari nu n a, bu mocue nyaari tiide, ye nzue n adi má bu a. ²¹ Nyini nzue n ti deke bo i kere fa ko Nyemɛ nzue bieɛwa bo i ma am anya tiide nyuma n wo. Nyemɛ nzue bie ti má deke bo i yi am njunie su fin, ama, i kere ka am si am sunsunni nu ka, am la má ngasi be Nyemɛ do, dama Yesu Kristo tengeeri i yiwee n nu n dɛɛ ti. ²² Yiri ye wo ko angoro ako atana Nyemɛ saa fomboro su n a, ye i la yiko nie merékem kere su a, ni yikofom, ni nfangafom barasu kere.

4

Kabo i ti ye ni ka yaradayofom wo ni

¹ To, kabo Kristo diiri wahara i njunie n nu ni, i ti ye ni ka am gusu kpa am nu bita nyini sunsunni ni, dama sono kere bo i diiri wahara i juniembaa nu yo má satie kun. ² Nyini dɛɛ ti, má am yo am kunnu koroowa, ama, am yo kabo Nyemɛ koro ni, haari am ngɔɔ awieeri. ³ Sangɔ be am yo yoori am kunnu koroowa, deke bo minem bo bu si má Nyemɛ n yo i ni, wo se su so. Am yo tara má am nu, na am yo su konvikiya ngbeɛnngbeɛn, na am nu nzan bo, na am nu nzan yo sa ngbeɛnngbeɛn kabo nzan nufom yo ni, na am susu amɔem, deke bo Nyemɛ koro má i ni. ⁴ Kisa na am ni bere sangɔ wo má nyini wo ngbeɛn ni, jore n amie bu wo, nyini dɛɛ ti ye bu kpie am nzuko n a. ⁵ Ama, bere ni bu tii, bu bá jina Nyemɛ nyunu, na bu kán deke kere bo ba yo i. Yiri ye wo yo siriya ka i dí minem bo bu la ngɔɔ ni bo ba wu n jore a. ⁶ Nyini dɛɛ ti, ye bo ba wu n gusu tiiri labari kpa n jore kaanwa n a, adena haari ni bo bu wuuri kabo adamande kere wu ni, bu nyá ngɔɔ awiewie n nu kabo Nyemɛ la ngɔɔ ni.

Nyemɛ amusuifom kpa jore

⁷ Deke n kere suko awieeri lee. Nyini dɛɛ ti, má am fa am nu ji, am tara am nu na am koro sere Nyemɛ. ⁸ Sa n bo i tara deke n kere n la ka, am koro am benggu ni nahore su, dama koro kata satie donɔgu su wo. ⁹ Nzen am benggu aseke am wofa, am de bu, má am njunuti. ¹⁰ Nyemɛ ama am kere aceeri barasu barasu, nyini ti, i ti ye ni ka am fa nyini aceerim buka am benggu. Sono kere suyo i juma nyunyumi kabo Nyemɛ afa ama n ni. ¹¹ Woro kere bo Nyemɛ ama u aceeri ka a kan i jore, si ka Nyemɛ jore ye a sukan i a, woro kere bo Nyemɛ ama u aceeri ka a fa buka minem, buka bu ni fanga n bo Nyemɛ afa ama u ni, adena am sayoowa kere nu na Nyemɛ nya kansu, Yesu Kristo dɛɛ ti. Yiri la yiko ni jirima sangɔ kere sangɔ. Ami.

Kabo i ti ye ni ka Kristo susufom di wahara barasu ni

¹² M danfo kpa, má am ma wahara kekereke n bo am sudi i n yo am fura nu, dama Nyemɛ suyo am na i nie a. Má am sunsunni ka i ti sa bo wo nya tu má be wo. ¹³ Ama, kabo am sudi Kristo dɛɛ wahara n bo i diiri i n be ni, am ma am ahore jo, adena cɛɛn n bo Kristo jirima woowa bo i la má anjusu n bá fite fofoe nu, am ahore jó na i yó am fie. ¹⁴ Nzen bu kpieeri am nzuko, ka am ti Kristo dɛɛm ti, nyini la ka am terefie lee, dama Nyemɛ Awiewie Casi n wo am do lee, yiri bo i la jirima woowa n na i la má anjusu ni. ¹⁵ Ama, nzen am be diiri wahara, má i yo ka i mi akun sono, wara wo wo, wara wo yo sa ngbeɛnngbeɛn be, wara wo wura minem jore nu, nyini n so ti má kpa. ¹⁶ Ama, nzen sono sudi wahara ka i ti Kristo susufom n dɛɛ ti, má i mi ma nyinse ti i, ama, i mi kansu Nyemɛ, ka i ti Kristo dɛɛ ti.

¹⁷ Dama sangɔ n aju bo Nyemɛ dí minem jore. I dú mo bo i bu di i tienɔgu minem jore wo ka. Ye nzen i nya du mo diiri yere jore, minem n bo ba ka na ba de má i labari kpa ni, bu wie se wo lee? ¹⁸ Dama ba kere i Nyemɛ Jore Kadasi n nu ka,

“Nzen i ti kekere ka minem bo bu ti kpa n nya tiide,
ye satieyofom, ni bo bu bu má Nyemɛ ni,
i yó bu se wo?”

¹⁹ Nyini ti, minem bo bu sudi wahara Nyemɛ koroyanu n dɛɛ ti ni, i ti ye ni ka bu boro bu nyi na bu suyo sakpa, na bu fa bu nu wura Nyemɛ saa nu, dama yiri bo wo yi bu ni, i yáki má bu cɛɛn n be da.

5

Kristo jama n woowa jɔɛ

¹ Ambere bo am wo Kristo jama n nu, na am ti nkpienm ni, mini mmɔɔ ti Kristo jama n kpien kun wɔ, ma ɲu kabo Kristo diiri wahara barasu ni, na m bá nya i dɛɛ jirima woowa n be, sanɓa bo i bá fite fofoe nu. Nyini ti, m susere am jande wɔ, ² am nie Nyeme minem bo bu wo am do n su, kabo bɛɛsasafɔ nie i nbɔɛm su barasu ni. Am nie bu dika nyunyumi, má ka bu mie am wɔ, ama, am koroyanu, dama Nyeme koro ka am yo i a, má am yo i ka ɲwaa kpini dɛɛ ti, ama, am yo i ka am nyunu aboro ka am yo i wɔ. ³ Bere n bo Nyeme afa bu ama am ka am nie bu su ni, má am mie bu ka am ti bu mibiem wɔ. Ama, am ma am sayoowa kɔ atin su, na bu ɲu i na bu sɔn am su. ⁴ Nzen am yoori sɔ, cɛɛn bo bɛɛsasafɔ kpɛn n bá fiteeri fofoe nu, am nyá aceeri bo i la má aɲusu na i wie má fieo ni.

⁵ Ambere gusu bo am nyunu nya ti má ni, am bu nkpienm ni, na am de bu nɔanie. Am kere yo am ɲu kaan na am buka am benggu, dama ba kere i Nyeme Jɔɛ Kadasi n nu ka,

“Nyeme kete kpirikorofɔm wɔ,
ama, na i fa i ahɔɔɔma n ma tarakam.”

⁶ Nyini ti, am da am ɲu asiɛɲgu fa ma Nyeme yikofɔ ni, na sanɓa n ba juuri, yiri wúra am kpiri a. ⁷ Deke kere bo i mie am, am fa tu Nyeme nyunu, dama yiri cɛɛ wo am nu a.

⁸ Am tara am ɲu sanɓa kere, má am fa am ɲu ji. Dama am kpɔfɔ Sitana ni, i sansan am kabo jara sansan ɲuundi koro sɔnɔ na i kpɛse i n wɔ. ⁹ Am yo Nyeme yarada jina kenken na am kete Sitana, dama am si ka am ninbaam bo bu wo durunya n kere nu n gusu sudi wahara n bo am sudi i n be n wɔ. ¹⁰ Nzen am diiri wahara sanɓa kaan su, Nyeme sése am su yo am dɔɲgu a, yiri má am jina kun su a, na i wúra am fanɓa, na i kpáma am. Buka kere fite yiri Nyeme do a, Kristo dɛɛ ti ye wɔ fere am ka am bá nya i dɛɛ jirima woowa n bo i la má awieeri n be a. ¹¹ Yiri la yiko sanɓa kere a. Ami.

Awieeri su dɛɛ nɔanie ni

¹² Ya niwa Silivanusi, m si i ka i la dabuɲu am do, yiri bukaari m ye ma kere ahin kadasi kaan n sufa ma am n a, na am ahore si, na m ma am si ka jɔɛ n bo ma kere ama am ti Nyeme aceeri wɔ nahɔɛ su, na am jina kenken. ¹³ Kristo jamam bo Nyeme asaɲga ayi am ni bere kere, na bu wo Babilɔn mie kpiri n nu ni, ni m wa Marako kere bisa am dɔɲgu. ¹⁴ Am bisa am benggu dɔɲgu ni koro. Nyeme ma ambere kere bo am ti Kristo dɛɛm ni ahoreda.

Kadasi nnyo su bo PETORO akere i ni

¹ Mini Simon Petoro bo m ti Yesu Kristo akoo na m kaaki ti i jaramasa ni, mini sukere ahin kadasi n ma ambere bo Nyeme ama am ayo Kristo yarada n a, kabo wo ma yere mmoo ayo i yarada ni. Yesu Kristo bo i ti ya Nyeme ni ya Tiidefo ni, i sakpa yoowa n dee ti, ye ya kere ayo i yarada. ² Am Si Nyeme ni ya Mibie Yesu n dee ti, Nyeme buka am agaya, na i ma am ahoreda buka su.

Minem bo Nyeme afere bu, na wo yi bu n jore

³ Nyeme la yiko, nyini yiko n nu, wo ce ya deke kere bo wo yo daka ka ya la i na ya nya ngoo na ya su i nahore su. Ya si i n dee ti, ye wo yo nyini n kere ama ya n a. Yiri ye wo yi ya ka ya nya i woowa kpa ni i jirima n a. ⁴ Nyini n dee ti, wo se ka i ce ya aceerim bambaka bo bu la ma anjusu, adena i yi ya fite durunya n nu satie kere bo i wura mine konviki na i saaki bu n nu, na ya nya Nyeme dee woowa n be.

⁵ Nyini dee ti, kabo am ayo Kristo yarada ni, wo yo daka ka am boro am nyi, na am yo yarada buka su. Ma am yo yarada ngumi, ama, am yo sakpa gusu. Ma am yo sakpa ngumi, ama, am kpini si. ⁶ Ma am kpini si ngumi, ama, am la tarabuju. Ma am la tarabuju ngumi, ama, am la mindi. Ma am la mindi ngumi, ama, am ma am woowa ko Nyeme atin su. ⁷ Ma am ma am woowa ko Nyeme atin su ngumi, ama, am yo am benju kpa. Ma am yo am benju kpa ngumi, ama, am koro minem kere. ⁸ Nzen am la nyini woowam ni, na am woowa ti so nahore su sangka kere, nyini kere ka, kabo am asi ya Mibie Yesu Kristo ni, am woowa la kpere, i ti ma ngbeen. ⁹ Ama, sono kere bo i la ma nyini woowam ni, i mi ti ka sono bo i koro nu ma nyunyumi, wara i ti ka anyinsin wo, na i kaaki ti ka sono bo i wara afi ka Nyeme akpakpara ayi i afite i satie dawam nu ayo i casi. ¹⁰ Nyini dee ti, m ninbaam, kabo Nyeme afere am na wo yi am ni, am boro am nyi, adena am woowa kere ka am ti i dee minem. Nzen am yoori nyininim so, am kpasi ma fieo. ¹¹ Nyini ma am nya aceeri bambaka bo am la atin, na am wura Yesu Kristo dee femeya woobiri n nu a, yiri bo i ti ya Mibie ni ya Tiidefo na i femeya n wo bere sangka kere ni.

¹² Nyini dee ti, ye i wo m ahore su ka m sutenje am ahin jorem su sangka kere n a, haari ni bo am si bu na am ade kereewam bo bu ti nahore n na am bita bu kenken n ni. ¹³ Mini do, wo yo daka ka m sutenje am su so, sangka bo m toko la ngoo ni. ¹⁴ Dama m si ka i ce ma, m ba wo ma bere, kabo ya Mibie Yesu Kristo yi kereeri m ni. ¹⁵ Nyini ma m boro m nyi yo deke kere bo m koro yo i n a, adena sangka bo m ba wo ma bere, na am koro tenje nyini jorem su sangka kere.

¹⁶ Ya yo kan kereeri am ka, kabo ya Mibie Yesu Kristo la yiko na i kaaki ba barasu ni, bo ya kan so ni, i ti ma ka ya faari ngonle boori ya tienu kaanri i a, ama, yere mmoo ni ya tii nyumbaa juuri kabo i la yiko bambaka barasu ni. ¹⁷ Sangka bo ya Si Nyeme yo wuraari i kpiri na i maari i woowa taari wein ni, Nyeme konvi yo fiteeri angoro dika n nu na i jooori i do ni, na yiri bo i woowa la ma anjusu n ase ka, "M dee Wa bo m koro i n lee, m ahore ajo i nu." ¹⁸ Yere ni ya tii tiiri kabo akonvi n fite angoro ni, sangka bo ya woori i do, Nyeme buka n su ni.

¹⁹ Nyini n kere ma ya la ahoresi buka su, ka jorem bo Nyeme noanie kanfom yo kaanri bu n ti nahore wo. Nyini ti, am boro am nyi na am de kabo bu yo seeri ni, na am su i su. Noanie n bo bu jooori i n ti ka fitana bo i taari awosin nu n ti n wo, i teke am nyi ko ju ceen bo Kristo kaaki ba ni, na i fa wein n ba teke am nyi nahore su, kabo alecin na asaakojo tie fa wein ba ni. ²⁰ Jore bo i tara bu kere na am si i n la ka, noanie n kere bo Nyeme fa maari i noanie kanfom na bu kereeri i Nyeme Jore Kadasi n nu ni, be wo ma bere bo i koro fa adamande si ngumi na i fa kere nyini noanie n bu. ²¹ Dama ma adamande koroyanu ye bu kaanri Nyeme noanie n a, ama, Nyeme Awiewie Casi ni maari bu noo ye bu kaanri noanie n bo Nyeme koro ka bu kan i n a.

2

Korefom bo bu yo bu nu ka bu kere Nyeme noanie n jore

¹ Kabo mine korefom woori Nyeme minem nu dawa sangka ni, bere bo bu yo bu nu ka bu ti Nyeme noanie kanfom ni, so ye kerefo korefom ba wo am gusu nu a. Bu fie wo, na bu fa bu dee kereewam kere am, kereewa bo bu ma am mini Nyeme atin ni, haari na bu kaaki bu sin bo Mibie ni, yiri bo wo to bu tii su nkato ni. Nyini ti, bu sayoowam

má Nyeme yo bu ngbeɛn anyumbaa kata ni i teke. ² Na mine donɗu sɔn bu sayoowa ngbeɛnngbeɛnm su. Bere deɛ ti, mine bá bu atin n bo i ti nahore ni ngbeɛn. ³ Nyini kerefo korefoɗm ni, bu nyunu aboro nenɗe su deɛ ti, bu bó bu tieɗu jore kan ma am a, na bu fá am kpini. Ama, Nyeme daafi má, wɔ du mo adi bu jore, i bá yo bu ngbeɛn wɔ.

⁴ Ya si ka Nyeme merɛkem bo bu yo yoori satie ni, Nyeme ayaki má bu. I faari bu tuuri ceema sin n nu wɔ, na wɔ bo tobari ase awosin n nu, ka bu suwo do haari jina ceen n bo i bá cin bu sui ni. ⁵ Ya si ka, dawa saɗga, minem bo bu soro má Nyeme ni, wɔ yaki má bu, i cin bu sui wɔ, na wɔ ma wɔmbu bambaka adi bu kere, ama, na wɔ de Nowa tii aji, i ni mine nso nbem, yiri kan kereeri minem deke bo i ti sakpa na i ko atin su n a. ⁶ Ya si ka Nyeme yo saakiiri Sodom ni Gomora miem ni, i faari sin jiiri su yaraari bu wɔ, na i kere aje ato nzuin. I yoori so ni, i kere kabo i bá yo minem n bo bu soro má Nyeme n wɔ lee. ⁷ Ya si kabo i yo deeri Loti tii jiiri ni, i yo ti sonɔ bo i yo sa bo i ko atin su Nyeme do o, na i ahore yo ti saakiwa fa ko minem bo bu bu má deke be na bu nati yo sa ngbeɛnngbeɛnm ni. ⁸ Nyini sonɔ n bo i yo sa bo i ko atin su ni, yiri ni nyini minem ni yo saɗga wo a, ceen kere ceen, na i suɗu sa ngbeɛnngbeɛnm bo bu yo bu ni, na i sui suti jore ngbeɛnngbeɛn bo bu jojo bu ni, nyini deɛ ti, na wɔ di wahara ahoresaaki nu, yiri bo i ahore ti fofoe ni. ⁹ To, nyini n kere kere ka Nyeme si kabo i yó na i dé minem bo bu su i atin su n fite kekereke nu a. Na i si kabo i sucin minem bo bu su má i atin su n sui, ko ju saɗga bo i bá di bu jore ni. ¹⁰ Bere n bo i cin bu sui tara minem kere n la bo bu su anuniembaa koroowa ni dangba sam su, na bu kete ka má Nyeme nie bu su ni.

Nyini minem ni, bu tii ti kekereke, bu soro má be. Haari ngoofoɗm bo bu wo angoro na bu la jirima woowa ni, bu kpie bu nzuko o, bu soro má sere. ¹¹ Haari Nyeme merɛkem bo bu la yiko ni fanɗa tara nyini minem ni, bu kpie má nyini ngoofoɗm ni nzuko na bu jaraki má bu kere má Mikun ni. ¹² Nyini minem so, kabo bu koro, ye bu yo a, bu ti ka boro nenɗe tiem bo mine tara bu na bu kpie bu kom n wɔ. Bu kpie nzuko fa ko dekem n bo bu si má bu n su wɔ. Kabo mine ma boro nenɗe tiem ka ngbeɛn ni, so ye Nyeme má bu gusu bá ka ngbeɛn a. ¹³ Kabo bu ma minem di wahara ni, bere gusu bá di wahara so o. Bu konvikiya sam bo bu yo bu ni, i yo bu fie wɔ, bu yo bu wiesu wɔ, bu fie má su. Bu ti dangbafom wɔ, na bu wura am nyinse saɗga bo am ni bere tiem am noo sudi diire ni, bu sununni kere la ka bu daka am. ¹⁴ Bu nyunu boro mine yim kpini su wɔ, na bu kunnu yi má bu satieyo. Bu dadaka minem bo bu nya si má Nyeme atin n nyunyumi n wɔ, na bu yaki i, adena bu su bu deɛ kereewam n su. Bu ahorembaa abi nenɗe kpini su wɔ. Nyeme ayo bu ngbeɛn awie lee. ¹⁵ Ba yaki atin n bo i ti kpa ni, ba mini. Atin n bo Baalam bo i si la Beori n yo bitaari i ni, ba son i su lee. I yo koroori nɗwaa bo minem ma i n wɔ, na i yo satie. ¹⁶ Ama, na Nyeme akan i ndie, i satie yoowa n deɛ ti. Ya si ka kaako koro jojo má, ama, Nyeme ama kaako ajojo Baalam do, kabo adamande jojo ni. Na Baalam bo i ti Nyeme noanie kanfo ni, na wɔ yaki sa n bo má i suyo i na i ti ka i nyunu ti má koroowa ni.

¹⁷ Nyini minem ti ka bura bo i tie má nzue wɔ, na bu kaaki ti ka nzue munaawa bo anjuma fa i sin n wɔ. Bere ye Nyeme asese awosin n bo i la má anjusa ase bu n a. ¹⁸ Bu fo yanfoya a, na bu sujoo ngbeɛnngbeɛn, na bu fa anunie koroowa na bu fa dadaka minem bo ba kaba afite kore jorem nu na ba nya ace má ni. ¹⁹ Bu se minem ka bu má bu nya bu tii wɔ. Ama, bere ni bu tii bo bu kan so ni, bu ti ka akoom wɔ, satie bo i ma bu ka ngbeɛn ni aja bu, dama deke bo wɔ kunma sonɔ ni, i mi n ti nyini deke n akoo lee. ²⁰ Minem bo bu si Yesu Kristo ni, yiri bo i ti ya Mibie ni ya Tiidefo ni, na i ma ba yaki durunya n nu deɛ dangba sam ni, na ba kaaki akpie bu nyi ama nyini sam atara bu akunma bu bekun ni, bu awieeri ti tie tara bumboori ni. ²¹ Nzen má ba si má woowa bo i ko atin su ni, má i ti ye tara bo ba kaaki bu sin abo Nyeme noanie maawa n bo ba du mo ade i ni. ²² Kabo bu yoori so ni, nyini kere ka ahin anyunderem ni ti nahore wɔ, bo bu nɗa,

“Caa kaaki fa deke n bo wɔ fi i n di bekun wɔ,”

na bekun,

“Nzen a taraari afa bieeri i nzue,

i kaaki ko wura natie nu wɔ bekun.”

3

Ya Mibie n ba n jore

¹ M danfo kɗam, ahin kadasi ni ti kadasi nnyo su bo m sukere ma am a. Ahin kadasi nnyo n kere, m koro ka m tenɗe am su na am bita sunsunni kpa. ² M koro ka am tenɗe su fa ko noaniam bo Nyeme noanie kanfoɗm yo seeri bu dawa saɗga ni, na am kaaki

tenge su fa ko noanie maawa n bo Mibie n bo i ti ya Tiidefo n kaanri i, na i jaramasam seeri am ni.

³ Jore bo i tara bu kere na am si i n la ka, fa ko durunya n awieeri su, mine nbem ba ba, na bu susu anuniembaa koroowa su, na bu yo am anzasi fa ko am yarada n su, ⁴ na bu se ka, "I seeri ka i kaaki ba bekun, ye i wo ni? Ya nam wo ma bere kun, ama, deke n kere toko ti i tii wo, kabo Nyeme yiiri durunya n ba ju ni nyuma." ⁵ Bu si tenle su, ama, ba kete ka bu tenge ma su ka, dada sanja, Nyeme yo faari i nco jooori ye angoro wo bere a, na wo jojo na wo kpaaki nzue n ni asien n nu, na asien n afite nzue n nu. ⁶ Nyini nzue n ye i fa saakiiri durunya n a dawa sanja, sanja bo wombu nzue n diiri deke n kere ni. ⁷ Ama, angoro ni asiengu n bo i wo bere ni, Nyeme yo jooori i noanie bekun wo, ka, i bita bu wo, na bu wo bere haari sanja bo i ba fa sin saaki i kere. I ma i kere wo bere wo, ko ju sanja bo i ba di minem jore, bere bo bu soro ma i ni, na bu ka ngbeen.

⁸ M danfo kpm, am si tenle na ma am wara fi ahin jore kun ni, yiri la ka, een kun ti ka afo akpii wo Nyeme do, na afo akpii gusu ti ka een kun wo i do. ⁹ Kabo Micera n seeri ka i yo ni, mine nbem bita kan ka i ti niniki. I ti ma ka i ti niniki wo, ama, i la mindi ni ambere wo, i koro ma ka be ka ngbeen, ama, i koro ka sono kere kaaki i wo wo. ¹⁰ Ama, Micera n een ni, i ba kabo awiefo ba fura nu na i wo n wo. Nyini een ni, angoro ni yo nanmie fanga su, na i busu mini, na sin yara deke kere bo i wo angoro ni, na i ka ngbeen. Na asien n ni deke kere bo i wo asien n su n ba wo ma bere.

¹¹ Kabo nyini deke n kere ba ka ngbeen so ni, wo yo daka ka am ti nzu mine barasum wo? Wo yo daka ka am woowa ti casi, na am fa am nu ma Nyeme ngumi, ¹² na am nminda fa ko Nyeme een ni, na am boro am nyi yo sa bo i ma i ba ndende. Nyini een n ye sin yara angoro n kere na i ka ngbeen n a, na i kekere ma deke n kere bo i wo angoro n koro. ¹³ Ama, ya nminda sa bo Nyeme yo seeri ka i ba yo ni, ka, i yi angoro ni asien fofore, do ye bu nati yo sa bo i ko atin su ngumi a.

¹⁴ To, m danfo kpm, kabo am nminda fa ko nyini een n ni, am boro am nyi, adena Nyeme ba nu ka am ni yiri nco ayo kun, na am woowa ti casi na am la ma nggasi be i do. ¹⁵ Am tenge su ka ya Mibie mindi n dee ti, ye mine nya tiide a. So ye ya niwa koroowa Poolu yo kere maari am a, Nyeme ceeri i alecira n a. ¹⁶ Wo kere ahin n be so i kadasi n kere n nu, ama, jore nbem wo nu, bo i ti kekereke na sono ti i bu. Nyini ye minem bo bu si ma be na bu nya bi ma Nyeme su atin su ni, nbem fa bu dee ngonle kaaki i, ye i ko ma atin su n a, kabo bu kaaki kereewa nyingam bo bu wo Nyeme Jore Kadasi n nu n lee. Kabo bu yo so ni, nyini ma bu ka ngbeen a.

¹⁷ M danfo kpm, ambere, am du mo si nyini ni. Nyini ti, am si am nu sa, adena ma am son minem bo bu ma be n su, na am mini atin n bo am su i su ni. ¹⁸ Ama, am ko su, na am subita Yesu Kristo dee atin ni, yiri bo i ti ya Mibie ni ya Tiidefo ni, adena am koro di i ahoroma, na am si i buka su. Yiri Yesu Kristo ni, i ti ye ni ka minem kere wura i kpiri, kisa ni sanja kere. Ami.

Kadasi ciciri su bo YOHANE akere i ni

Noanie n bo i ma ngoo n dee jore

¹ Ya sukere ma am fa ko noanie n bo i ma ngoo n su wo. Kana Nyeme ba yi durunya n ni, nyini noanie n bo i ma ngoo n woori bere wo. Deke bo ya ti i, na ya nyumbaa anu i, na ya nie anu i kabo i ti barasu, na ya fa ya saa akan i, ye ya sukere fa ma am n a. ² Nyini noanie n la Yesu bo i ma ngoo ni, i yo fiteeri fofoe nu wo, na ya nyumbaa anu i, nyini ti ye ya di ngoo n bo i la ma awieeri n daani kan i kere am n a. Yiri bo i ma ngoo n bo i la ma awieeri n yo woori i Si Nyeme do o, ye wo yi i nu akere ya a. ³ Deke n bo ya nu i, na ya ti i ni, ye ya sukan i kere am n a, adena ya ni ambera la wo fie ni ya benggu, na ya kere la wo fie ni ya Si Nyeme ni i Wa Yesu Kristo ni. ⁴ Deke n bo i ti na ya sukere ahin dekem ma am n la ka, adena ya nya ahorejo nahore su.

Kabo i ti ye ni ka ya bita wein atin ni

⁵ Ahin labari n bo ya yo tiiri i Nyeme Wa n do n lee, ye ya sukan kere am n a, ka Nyeme ti wein wo, na awosin haari kaan so wo ma i do. ⁶ Nzen ya na ya ni yiri la wo fie ni ya benggu, ama, na ya toko wo awosin nu yo satie, ya ti korefo wo lee, ya bita ma nahore. ⁷ Ama, nzen ya bita wein atin kabo yiri Nyeme atin n ti wein ni, ya ni yiri la wo fie ni ya benggu lee, na i Wa Yesu mbunja ni kpakpara yi ya satie kere bo i wo ya nu ni. Nyini ti, am ma ya bita wein n atin ni.

⁸ Nzen ya na ya ti ma satieyofom, ya dadaka ya nu wo lee, na nahore wo ma ya ahore su. ⁹ Ama, nzen ya kan ya satie kereeri Nyeme, i fa ya satie n ce ya a, na i kpakpara yi ya fite ya sa kere bo i ko ma atin su nu, dama i la dabuju, na i yo sa bo i ko atin n su. Nyini ti, am ma ya kan ya satie kere kere Nyeme. ¹⁰ Nzen ya na ya yo ma satie, ya yi Nyeme korefo lee, na i noanie n wo ma ya ahore su lee.

2

Yesu Kristo ti ya bukafu a

¹ M nbaam, m koro ma ka am yo satie, nyini dee ti ye m sukere ahin jore n ma am n a, ama, nzen am be yoori satie, ya la sono be bo i yo ya ni ya Si Nyeme afien donggu, yiri la Yesu Kristo bo i yo sa bo i ko atin su sangha kere ni. ² Ya satie ti, na yiri Yesu ade ya jinaabiri, na wo fa i nu ayo tie afa ama Nyeme, adena Nyeme fa ya satie ce ya, ma yere ngumi dee satie, ama, durunya n nufom kere dee satie.

³ Am ma ya de Nyeme noanie maawam ni, nyini kere ka ya si yiri Nyeme lee. ⁴ Sono kere bo i na, i si Nyeme, na i de ma i noanie maawam ni, i mi ti korefo o, na nahore wo ma i ahore su. ⁵⁻⁶ Ama, sono kere bo i deeri Nyeme noanie ni, i mi ti sono bo i koro Nyeme nahore su a. Na sono kere bo i na i wo ni Nyeme, wo yo daka ka i mi wo kabo Yesu wo ti ni. Nyini ye ya fa si ka ya wo ni Nyeme a.

⁷ M ninbaa koroowam, ma noanie maawa fofore ye m sukere ma am n a, ama, noanie maawa dawa n bo am du mo tiiri i n a. Nyini noanie maawa dawa n la jore n bo am yo tiiri i sangha bo am boori i bu suuri Yesu su ni. ⁸ To, ama, noanie maawa n bo m sukere ma am ni, i kaaki ti noanie maawa fofore wo bekun, na ya nu ka i ti nahore wo, fite kabo Yesu Kristo wo ti ni, ni kabo am wo ti ni, dama awosin n susin, ye wein nahore su wo ta su.

⁹ Sono kere bo i na i wo wein n nu, na i kpo i niwa, i mi toko wo awosin nu wo lee. ¹⁰ Sono kere bo i koro i niwa wo wein n nu wo, i yo ma sa be bo i ma i niwa bo i jaa kpaasi. ¹¹ Sono kere bo i kpo i niwa, i mi wo awosin nu wo, na i suyo satiem, dama awosin n ata i nyi, nyini ti, ye i si ma dekem bo i yo bu n a.

Sono bo i na i si Nyeme, i ti ma ye ni ka i koro durunya ni

¹² M nbaam, deke bo i ti na m sukere ahin kadasi n ma am n la ka,

Nyeme afa am satie ace am, Yesu Kristo dee ti.

¹³ Sim, deke bo i ti na m sukere ma ambera n la ka,

am si Yesu,

yiri bo i wo bere kana Nyeme ba yiiri durunya n kere ni.

Ngbefenem, deke bo i ti na m sukere ma ambera n la ka,

am akunma Sitana n dee ti.

¹⁴ M nbaam, deke bo i ti na m toko kere ma am n la ka,

am si ya Si Nyeme n dɛɛ ti.
 Sim, deke bo i ti na m toko kɛrɛ ma am n la ka,
 am si Yesu bo i wo bɛrɛ durunya n bumboori n kɛrɛ ti.
 Ngɛfɛnɛm, deke bo i ti na m toko kɛrɛ ma am n la ka,
 am yarada n ti faɲga,
 na Nyeme noaniɛ n wo am ahore su,
 na am akunma Sitana n dɛɛ ti.

¹⁵ Tɔ, má am koro durunya n ni, ni deke n kɛrɛ bo bu wo nu ni. Sɔno kɛrɛ bo i koro durunya ni, i mi koro má ya Si Nyeme lɛɛ. ¹⁶ Dama deke n kɛrɛ bo i wo durunya n nu fen na i wura sɔno konvi, ni deke bo sɔno nyumbaa ɲu i na i koro i, ni deke bo sɔno nya i na i fa fɔ, i fite má ya Si Nyeme do, ama, i kɛrɛ fite durunya n nu fen wo. ¹⁷ Durunya n ni deke kɛrɛ bo i wura mine konvi kɛrɛ la awieeri, ama, sɔno kɛrɛ bo i yo Nyeme sa koroowa, i nyá ɲgɔɔ bo i la má awieeri.

Kabo ya si ya ɲu sa ni Kristo kpɔfo n ni

¹⁸ M nbaam, durunya ni sukɔ awieeri lɛɛ. Am yo tiiri ka nzen durunya n ba sukɔ awieeri, Kristo kpɔfo ni bá, ama, kisa Kristo kpɔfɔm doɲgu ayi bu ɲu fofoe nu. Nyini ti, ya si ka durunya ni sukɔ awieeri lɛɛ. ¹⁹ Nyini minɛm n bo bu ti Kristo kpɔfɔm na ba fite ya nu ni, nahore su, bu ti má ya minɛm. Nzen má bu ti ya minɛm, má bu ka ya do o. Ama, ba fite ya nu, nyini ye ya si ka, bu be mmɔɔ ti má ya minɛm a.

²⁰ Ama, ambere yiri, Kristo n afa i Awiewie Casi n awura am ahore su, na am si deke bo i ti nahore ni. ²¹ Má ka am si má nahore n dɛɛ ti, ye m sukere ma am n a, ama, am si i, na am si ka kore koro yo má nahore. ²² Nma ti korefɔm kere tii n a? Korefɔ n la sɔno kere bo i ɲa Yesu ti má Kristo Tiidefo n bo Nyeme sunmaari i ni, yiri n bo i yo sɔ n akete ya Si Nyeme, ni i Wa n lɛɛ, i mi ni ti Kristo kpɔfo n a. ²³ Dama sɔno kere bo i keteeri Nyeme Wa ni, akete i Si Nyeme mmɔɔ lɛɛ. Ama, sɔno kere bo i ɲa Kristo ti Nyeme Wa ni, i mi n ade i Si Nyeme mmɔɔ lɛɛ. ²⁴ Nyini ti, noaniɛ n bo am tiiri i sangɔ bo am boori i bu suuri Kristo su ni, am ma i wo am ahore su. Nzen am bita nyini noaniɛ ni am ahore su, nyini ma am ni Nyeme Wa ni, ni i Si n yo deke kun a. ²⁵ Deke bo Kristo seeri ka i fá ma ya n la ɲgɔɔ bo i la má awieeri ni.

²⁶ M sukere ahin noaniɛ n ma am, na am si am ɲu sa fa kɔ minɛm bo bu koro ka bu dadaka am ni. ²⁷ Ama, ambere yiri, Awiewie Casi n bo Kristo afa ama am wo am do. Nyini ti, i ti má ye ni ka be fa kereawa be kere am kun, dama Awiewie Casi ni kere am deke kere a, na deke kere bo i kere am ti nahore wo, kore wo má nu. Nyini dɛɛ ti, am wo ni Kristo kabo Awiewie Casi n akere am ni.

²⁸ M nbaam, kisa am wo ni Kristo, na cɛɛn n bo i ba yiiri i ɲu fiteeri fofoe nu n na ya la ahoreni, na má nyinse ti ya. ²⁹ Am si ka Yesu yo sa bo i kɔ atin n su, nyini ti, am si ka sɔno kere bo i yo sa bo i kɔ atin n su, i ti Nyeme wa a.

3

Bo bu ti Nyeme nbaam ni

¹ Am nie koro bo ya Si Nyeme fa koro ya barasu a. Nyini dɛɛ ti, ye i fere ya ka i nbaam n a, i ti nahore ka ya ti i nbaam wo. Durunya n nufɔm si má ya Si Nyeme, nyini dɛɛ ti, ye bu si má ka ya ti i nbaam n a. ² M ninbaa koroowam, kisa ya ti Nyeme nbaam wo, na Nyeme nya yi kere má ya kabo ya bá ti barasu, ama, ya si ka Yesu bá baari, ya tí kabo i ti n wo, dama ya ɲú i kabo i ti barasu. ³ Nyini ti, sɔno kere bo i la tama ka i bá yo kabo Yesu ti ni, i bita i ɲu casi, kabo Yesu ti casi ni.

⁴ Sɔno kere bo i yo satie, i mi ti Nyeme noaniɛ kpamaawa n ketefo o, dama satieyo ti Nyeme noaniɛ kpamaawa n kete wo. ⁵ Am si ka Yesu baari durunya n nu, ka i ba yi satie bo i wo ya ɲu n wo, ama, yiri ni i tii la má satie be. ⁶ Nyini ti, sɔno kere bo i wo ni Yesu, koro suyo má satie, ama, sɔno kere bo i toko yo satie, nyini kere ka, wo nya ɲu má i lɛɛ, na i mi kaaki si má i.

⁷ M nbaam, má am ma be dadaka am. Sɔno kere bo i yo sakpa, Nyeme de i ka i mi yo sa bo i kɔ atin su i do, kabo Yesu ti ni. ⁸ Sɔno kere bo i yo satie, i mi ti Sitana dɛɛ sɔno o, dama fite durunya n bumboori n kere ye Sitana n yoori satie a. Deke bo i ti na Nyeme Wa n baari durunya n nu la ka, i ba yo Sitana n juma ɲgbɛɛn wo. ⁹ Sɔno kere bo i ti Nyeme wa koro suyo má satie, dama Nyeme woowa n wo i mi do, na Nyeme ti i Si n dɛɛ ti, i koro suyo má satie. ¹⁰ Deke bo ya fa si minɛm bo bu ti Nyeme nbaam, ni bo bu ti Sitana n nbaam n la ka, sɔno kere bo i yo má sakpa, wara sɔno kere bo i koro má i niwa, i mi ti má Nyeme wa.

Kabo ya koro ya benggu barasu ni

¹¹ Jore n bo am tiiri i sangga bo am boori i bu suuri Yesu su n la ka, am ma ya koro ya bengum. ¹² Má am ma ya yo ka Keen, bo i yo ti Sitana dee wa ni, na i kuunri i niema ni. Nzu ti ye i kuunri i niema n a? I sayoowa ti má kpa n dee ti, na i niema n dee n ti kpa n ti. ¹³ Nyini ti, m ninbaam, nzen durunya n nufom kpo am ka am yo sakpa n dee ti, má am ma i yo am alekutura. ¹⁴ Kabo yere koro ya ninbaam n ti, nyini ma ya si ka ya fite yiwee n nu anya ngoo nahore su a. Sono kere bo i koro má i niwa toko wo yiwee nu wo lee. ¹⁵ Sono kere bo i kpo i niwa ti sono kunfo o Nyeme do. Am si ka sono kere bo i kun sono la má ngoo bo i la má awieeri ni. ¹⁶ Yesu deeri ya dee jinaabiri wo, na wo to i ngoo awu ama ya, nyini ma ya fa si kabo koro ti barasu a. Nyini ti, wo yo daka ka ya gusu to ya ngoo ma ya ninbaam, haari nzen i yo yiwee mmoo. ¹⁷ Sono kere bo i la nenje, na i nu ka i niwa wo yaari nu, na i si má i anjuno ka i buka i, Nyeme koro wo má i mi n ahore su lee. ¹⁸ M nbaam, má am ma ya jooowa n ngumi kere ka ya la koro, ama, am ma ya sayoowa kere ka ya koro ya ninbaam nahore su. ¹⁹ Nyini ma ya fa si ka ya su nahore n su a, na i ma ya la ahoresi Nyeme do a, ²⁰ na nzen ya sunsunni maari ya ka ya yo satie, ya si ka Nyeme tara ya sunsunni ni, na i kaaki si deke n kere. ²¹ Nyini ti, m ninbaa koroowam, nzen ya sunsunni ase má ya ka ya yo satie, ya la ahoresi Nyeme do lee. ²² Na deke kere bo ya sereeri i, ya nya i wo, dama ya de noanie maawa n bo Nyeme fa maari ya ni, na ya yo sa bo i sun i nu. ²³ Noanie maawa n bo Nyeme fa maari ya ni la ka, ya yo i Wa Yesu Kristo yarada, na ya koro ya ninbaam ni, kabo wo se ya ni. ²⁴ Sono kere bo i deeri Nyeme noanie maawam n wo ni Nyeme, na Nyeme mmoo wo ni i mi ni. Awiewie Casi n bo wo fa ama ya ni, ma ya si ka Nyeme wo ni yere a.

4

Awiewie n bo i ti nahore ni bo i ti kore n jore

¹ M ninbaa koroowam, má am yo minem kere bo bu na Nyeme Awiewie n wo bu do n yarada, ama, am yo bu na am nie ka bu kereewa n fite Awiewie Casi n do, nzen i fite má. Dama korefofom dongu bo bu yo bu nu ka bu ti Nyeme noanie kanfom n asandi abara aye durunya n nu. ² Nyeme noanie kanfo kere bo i se ka Yesu Kristo kaakiiri adamande baari durunya n nu fen, yiri ye Nyeme Awiewie n wo i do a. Nyini ye am fa si bo Awiewie Casi n wo bu do, ni bo i wo má bu do a. ³ Ama, sono kere bo i keteeri ka, Yesu akaaki má adamande ni, Nyeme Awiewie n wo má i mi do, ama, i dee kereewa n fite Kristo kpofo n do o. Yiri ye am yo tiiri ka i bá durunya n nu, ye kisa wo ba n a.

⁴ M nbaam, am ti Nyeme dee minem wo, ye am akunma nyini korefofom bo bu yo bu nu ka bu ti Nyeme noanie n kanfom ni, dama Awiewie Casi n bo i wo am nu n la yiko tara Sitana n bo i wo durunya n nufom nu ni. ⁵ Nyini korefofom bo bu yo bu nu ka bu ti Nyeme noanie kanfom ni, bu kan durunya n nu jore kere minem a, na durunya n nufom de kabo bu kere ni, dama bu ti durunya n nufom wo. ⁶ Ama, yere yiri, ya ti Nyeme dee minem wo, sono kere bo i si Nyeme de kabo ya kere n wo, ama, sono kere bo i ti má Nyeme dee de má kabo ya kere ni. Nyini ye ya fa si minem bo bu la Nyeme Awiewie n bo i kere nahore n a, ni bo bu bu kore n fite Sitana do n a.

Ya koro ya bengu kabo Nyeme koro ya ni

⁷ M ninbaa koroowam, am ma ya koro ya niwa, dama koro fite Nyeme do o, na sono kere bo i koro i benggu ti Nyeme wa a, na i mi si Nyeme a. ⁸ Nyeme ti koro wo, nyini ti, sono kere bo i koro má i benggu si má Nyeme. ⁹ Kabo Nyeme kereeri i koro fa ko ya do n la ka o, wo sunma i kunnu Wa kun n kpein durunya n nu, adena yiri dee ti na ya nya ngoo. ¹⁰ Kabo koro ti lee, má ka yere koroori Nyeme a, ama, yiri koroori ya a, na wo sunma i Wa, na wo de ya jinaabiri na wo fa i nu ayo tie afa ama Nyeme, adena Nyeme fa ya satie ce ya. ¹¹ M ninbaa koroowam, kabo Nyeme koro ya so ni, wo yo daka ka ya gusu koro ya benggu. ¹² Be nya nu má Nyeme, ama, nzen ya koroori ya benggu, Nyeme wo ya do lee, na nyini ma i dee koro n wo ya do na i ti kabo i koro ka i ti n a.

¹³ Awiewie Casi n bo Nyeme afa ama ya ni, nyini ma ya si ka ya wo ni yiri a, na i gusu wo ni yere a. ¹⁴ Na yere anu kabo ya Si Nyeme n asunma i Wa n ka i ba yo durunya n nufom Tiidefo, ye ya di i daani a. ¹⁵ Sono kere bo i tekeeri i noo seeri ka Yesu ti Nyeme Wa, Nyeme wo i mi n do, na i mi n gusu wo ni Nyeme lee. ¹⁶ Yere mmoo ni ya tii si kabo Nyeme koro ya barasu, ye ya yo yarada ka i koro ya.

Nyeme ti koro wo, nyini dee ti, sono kere bo i koro i benggu ni, i mi wo ni Nyeme, na Nyeme wo ni yiri. ¹⁷ Nyeme koro wo ya do, i ti kabo i koro ka i ti n wo, nyini ti ye ya bá koro jina i nyunu ni ahoresi, ceen n bo Nyeme bá di durunya n nufom kere jore ni, má pui ti, kabo Kristo ti ni, ya gusu wo ti so o, durunya n nu. ¹⁸ Sono kere bo Nyeme koro wo i do soro má sere, dama koro bo i ti kabo Nyeme koro ka i ti ni, i fon yi sere wo, nyini ti, sono kere bo i soro sere, Nyeme koro wo má i do kabo má Nyeme koro ka i ti ni,

dama sere ni suicin nati a. ¹⁹ Nyeme du mo koroori ya, nyini dee ti ye ya gusu la koro n a. ²⁰ Sono kere bo i na i koro Nyeme, na i koro ma i ninbaam ni, i mi ti korefo o. Nzen i koro ma i niwa bo i nyumbaa nju i ni, i yo se koro Nyeme bo i nyumbaa nju ma i n a? ²¹ Noanie maawa n bo Yesu afa ama ya n la ka, sono kere bo i koro Nyeme, wo yo daka ka i mi koro i ninbaam gusu.

5

Kabo ya kunma durunya n ni

¹ Sono kere bo i yo yarada ka Yesu ti Kristo Tiidefo n bo Nyeme asunma i ni, i mi ti Nyeme wa a, na sono kere bo i koroori baa n wufo ni, i koro baa n gusu. ² Deke bo ya fa si ka ya koro minem bo bu ti Nyeme nbaam n la ka, ya koro Nyeme, na ya de noanie maawam n bo wo fa ama ya ni. ³ Nzen ya deeri Nyeme noanie maawam ni, nyini kere ka ya koro i a. I noanie maawam n gusu ti ma kekereke, ⁴ dama sono kere bo i ti Nyeme wa kunma durunya n wo. Deke bo ya fa kunma durunya n la kabo ya yo Yesu yarada n wo. ⁵ Nma koro kunma durunya n la sono bo wo yo yarada ka Yesu ti Nyeme Wa ni.

Daani diiwa fa ko kabo Yesu Kristo ti Nyeme Wa ni

⁶ Yiri Yesu Kristo yo baari durunya n nu n a, na ba bie i Nyeme nzue, nyini sin, na wo ba awu, na i mbunja afite ago. I baari ni, ma ka bu bieeri i Nyeme nzue n ngumi wo, ama, i wuuri wo, na i mbunja afite ago. Awiewie Casi ni di i daani a, dama Awiewie Casi n ti nahorefo o. ⁷ Deke nsan di i daani a. ⁸ Bu daani diiwa n ti kun wo. Bere la Awiewie Casi ni, ni kabo bu bieeri i Nyeme nzue ni, ni kabo i wuuri na i mbunja fite goori ni. ⁹ So ye Nyeme ni i ti adi i tiejgu Wa n daani a. Ya de minem daani diiwa, nyini ti, i ti ye ni ka ya de Nyeme daani diiwa, dama i daani diiwa n la fanja tara minem dee. ¹⁰ Nyini ti, sono kere bo i yoori Nyeme Wa n yarada, i mi la daani difo, yiri la Awiewie Casi n bo i wo i ahore su ni, na sono kere bo wo yo ma i yarada ayi Nyeme korefo lee, dama wo yo ma daani n bo Nyeme adi i fa ko i Wa n su yarada. ¹¹ Nyeme daani diiwa n la ka o, wo ma ya ngoo n bo i la ma awieeri ni, nyini ngoo n wo i Wa n do o. ¹² Sono kere bo i ni Nyeme Wa n ayo kun, i mi la nyini ngoo ni, na sono kere bo i de ma Nyeme Wa ni, i la ma ngoo.

Ngoo bo i la ma awieeri n jore

¹³ M koro ka ambere bo am ayo Nyeme Wa n yarada n si ka am la ngoo bo i la ma awieeri ni, nyini dee ti ye ma kere ahin kadasi n ama am n a. ¹⁴ Ya la ahoresi ni Nyeme, ka, deke kere bo ya sereeri i, na i ti i dee koroowa, i de ya sere wo. ¹⁵ Ya si ka deke kere bo ya sereeri i, na i de ya sere, ya si ka wo yo i ama ya lee.

¹⁶ Nyini ti, nzen sono nju ka i niwa be ayo satie be bo i kpaaki ma i ni Nyeme afien fieo, i mi sere Nyeme ma yiri n bo wo yo satie ni, na Nyeme ma i ngoo. Ama, satie be wo bere bo i kpaaki sono ni Nyeme afien fieo, m suse ma ka am sere Nyeme ma minem bo bu yo nyini satie n wo. ¹⁷ Sa kere bo minem yo i na i ti ma kpa ti satie wo Nyeme do, ama, satieyo nbem wo bere bo i kpaaki ma sono ni Nyeme afien fieo.

¹⁸ Ya si ka minem kere bo bu ti Nyeme nbaam koro suyo ma satie, dama Nyeme Wa ni nminda i a, na Sitana koro yo ma i mi pui. ¹⁹ Ya si ka durunya n nufom kere wo Sitana n saa nu wo, ama, yere ti Nyeme deem wo. ²⁰ Ye ya kaaki si ka Nyeme Wa n aba na wo ba ateke ya nyi wo, adena ya si yiri n bo i ti Nyeme nahore su ni. Ye ya wo ni Nyeme n bo i ti nahore n ni i wa Yesu Kristo ni. Yiri ti Nyeme nahore su n a, na i ma ngoo bo i la ma awieeri n a.

²¹ To, m nbaam, am tara am nju, na ma am su amoom.

Kadasi nnyɔ su bo YOHANE akerɛ i ni

¹ Mini bo m ti am kpien ni, sukere ahin jɔre n fa ma wɔrɔ bara bo Nyeme ayi u, ni u nbaam n a. M koro am nahɔre su, má mini ngumi koro am a, ama, bo bu si nahɔre atin n kere koro am wɔ, ² dama nahɔre n wo ya dɔ ɔ, na i bá wo ya dɔ ɔ, sanja kere bo i la má awieeri.

³ Ya Si Nyeme, ni i Wa Yesu Kristo buka ya, na bu si ya arjunfo, na bu ma ya ahoreda, na ya su nahɔre atin su ni koro.

Am koro am beɔgu na am si am ɔu sa ni dadakafɔm ni

⁴ Ma ɔu ka am nbaam nbem bita nahɔre n kabo ya Si Nyeme afa i noanie n ama ya ni, nyini deɛ ti, wɔ yo m fie agaya. ⁵ Kisa, bara, m susere am wɔ, ka am ma ya koro ya beɔgu. Ahin ti má noanie maawa fɔfɔre ye m sukere ma am n a, ama, i ti noanie maawa kun n bo ya tiiri i sanja bo ya boori i bu suuri Yesu su n wɔ. ⁶ Koro n bo m sujɔɔ i jɔre n la ka, ya wo kabo Nyeme noanie maawa n kere ni. Noanie maawa n bo am du mɔ tiiri i n la ka, am koro am beɔgu.

⁷ Dadakafɔm beberebe asandi abara aye durunya n nu, bu ɔa Yesu Kristo akaaki má adamande aba má durunya n nu. Bere ti dadakafɔm wɔ, na bu ti Kristo kpɔfɔm. ⁸ Nyini ti, am si am ɔu sa, na má deke n bo ya yi anyumboro afa akere am n ka ngbeɛn, ama, na am ba nya i kere ɔkatɔ. ⁹ Sɔnɔ kere bo i su má Kristo deɛ kereewa n su, na i kere i deɛ kereewa kɔ sin nyini ɔu, Nyeme wo má i mi dɔ, ama, sɔnɔ kere bo i su Kristo deɛ kereewa n su, ya Si Nyeme, ni i Wa n wo i mi n dɔ leɛ. ¹⁰ Nyini ti, sɔnɔ kere bo i baari am dɔ, na i bita má Kristo deɛ kereewa ni, má am ma i mi wura am dika, má am yo i anse ni ba mmɔɔ. ¹¹ Dama wɔrɔ kere bo a yoori nyinim be sɔ anse, a jina i mi sin fa kɔ i satiem n bo i yo bu n su wɔ leɛ.

Awieeri su deɛ jɔre ni

¹² Má m la jɔre beberebe bo má m se am, ama, m koro má ka m kere i kere wura ahin kadasi n nu, ama, m la tama ka m bá nie am busu, na ya ɔú ya ɔu, na ya bó anzama, bo ya ahore jɔ ni nahɔre su.

¹³ U niemabara n bo Nyeme ayi i ni i nbaam kere bo bu wo fen n bisa am kere dɔngɔ.

Kadasi nsan su bo YOHANE akere i ni

¹ Mini bo m ti u kpien ni, sukere ahin jore n fa ma woro m don Gayosi bo m koro u nahore su n a.

² M don koroowa, m nyemesere la ka, Nyeme ma u anuniembaa nu laifie, na u deke kere ko atin su nyunyumi, kabo u nyemesu ni sukɔ atin su ni. ³ Dama ya ninbaa nbem baari fen, na ba se m kabo a bita nahore ni, na wo yo m fie agaya. M si ka a su nahore atin n su wo. ⁴ Deke be wo ma bere bo i yo m fie agaya tara bo m ti kabo m nbaam su nahore atin n su ni.

Boro u nyi na a sude u ninbaa Kristo susufom wofɔ

⁵ M don koroowa, a bita nahore kabo a nati yo sakpa ma u ninbaam bo bu ba u do wofɔ ni, haari ni bo a si ma bu ni mmoo. ⁶ Bere bo a buka bu ni, ba kan kabo a koro bu n akere Kristo jama n bo bu wo fen ni. Boro u nyi na a buka bu kabo Nyeme koro ni, na bu koro ko deke bo bu sukɔ ni. ⁷ Kristo dee ti, bu nati kan i noanie n kere minem wo, na bu koro ma pui minem n bo bu su ma Nyeme n do. ⁸ Nyini ti, yere bo ya ti Kristo susufom ni, wo yo daka ka ya buka bu ni juma n bo bu yo i ni. Nzen ya bukaari bu, nyini la ka, ya ni bere abo kun sukan Kristo noanie n bo i ti nahore n kere minem wo lee.

⁹ M yo kereeri jore be maari Kristo jama ni, ama, Diyoterefesi bo i koro ka i kere ka yiri ti mofɔ n atana su, wo bo ma jore be nu. ¹⁰ Nyini ti, nzen m baari, m yi i sayoowa fite fofoe nu, dama wo jɔɔ jore ngbeengbeeen abu kore aso ya, ma nyini ngumi, wo kete ka i de ma Kristo minem wofɔ, na nzen nbem koro ka bu de minem wofɔ mmoo, i soro ma su, na i koro ka i fon yi bere bo bu koro ka bu de wofom n fite Kristo jamam n nu ni.

¹¹ M don koroowa, ma a son satieyo su, ama, son sakpayo su. Sono kere bo i yo sakpa ti Nyeme dee wo, ama, sono kere bo i yo satie si ma Nyeme. ¹² Sono kere di daani kpa fa ko kabo Demetiroasi bita nahore n wo, na i woowa gusu kere ka i bita nahore wo. Yere mmoo di i daani wo, ye a si ka kabo ya se n ti nahore wo.

Kasin dee anse yoowa ni

¹³ Ma m la jore beberebe bo ma m se u, ama, m koro ma ka m kere i kere wura kadasi n nu. ¹⁴ M la tama ka m ba nie u busu kisa, na ya nu ya nu, na ya bo anzama. ¹⁵ Nyeme ma u ahoreda. U danfom kere bo bu wo fen bisa u dongu. Woro gusu bisa ya danfom kere dongu ma ya.

Kadasi n bo JUDA akere i ni

¹ Mini Juda bo m ti Yakobo niema na m ti Yesu Kristo akoo ni, sukere ahin kadasi n ma ambere kere bo ya Si Nyeme koro am na wo fere am, na Yesu Kristo bita am ni. ² Nyeme si am anjunfo agaya, na i ma am ahoreda buka su, na i koro am ko sin su.

Korefom bo bu yo bu nu ka bu kere Nyeme noanie n dee jore

³ M ninbaa koroowam, ma m suboro m nyi wo, na m kere kadasi ma am fa ko tiide n bo m ni ambere kere anya i n su ni. Ama, wo yo daka ka m du mo kere am, na m sere am jande ka am boro am nyi tu ngoni bita am yarada n kenken, nyini yarada ni, yiri ye Nyeme afa ama i minem kpekun n kpein n a. ⁴ Dama minem nbem awo awura am nu benle, nyini minem ni, bu soro ma Nyeme, bu kaaki Nyeme ahoroma n bo wo fa ama ya n wo, na bu su bu dee konviki koroowa atin n su, na bu kete Kristo. Yiri ngumi ti ya Tiidefo ni ya Mibie a. Dawa dee Nyeme noanie kanfom kereeri bu jore, ka, Nyeme di bu jore na i yo bu ngbeen.

⁵ Haari ni bo am adu mo asi ahin jore n kere ni, m koro ka m tenge am su wo, fa ko kabo Micera n yo yiri Yisarelifom fiteeri Ijipiti asien su ni, ama, kasin na wo ma bo ba yo ma i yarada n kere aka ngbeen. ⁶ Na Nyeme merékem nbem bo bu keteeri ka bu wo ma bu yiko woobiri ni, na bu yakiiri bu jinaabiri ni, bere ye Nyeme awura bu joroko bo bu fite ma nu kun, afa bu ase awosin liim nu n a, ka bu wo do, haari fa ko ju jore di bambaka n ceen. ⁷ So ye Sodom ni Gomorafom, ni miem bo bu bara ye bu n mmooyoori a, bu faari bu nu wuraari sakaraya sereyam nu wo, na bu suyo konviki sam bo bu ko ma atin su. Nyini dee ti, na Nyeme acin bu sui, afa bu awura sin n bo i je sangja kere n nu. Nyeme yoori so o, na mine nu i, na bu fa tu bu nu fo.

⁸ So ye nyini minem nati cin alele ngbeenngbeen a, na bu suyo dangba sam, na bu kete Nyeme yiko ni, na bu kpie ngdofom nzuko, bere bo bu wo angoro na bu woowa la jirima ni. ⁹ Haari Mikali bo i ti Nyeme merékem n kere ti ni mmooyo, wo yo abo ma su ka i jaraki Sitana kpie i nzuko, sangja bo Moyisi wuuri na bu seeri akuruwa fa ko i juniembaa n busu ni. Ama, kabo i seeri i n la ka, "Nyeme bisa u." ¹⁰ Ama, ahin minem ni, bere yiri, deke bo bu si ma i ni, nyini ye bu kpie i nzuko a. Haari nzen bu na ba ti deke bu, bu sunsunni ti ka nenngendorem dee wo. Bu nyini sunsunni n bo bu bita i na i ti ma kpa ni, nyini ma bu ka ngbeen a. ¹¹ Keto, keto, bu nu kekereke. Dama ba fa satie atin n bo Keen faari i ni, na njwaa dee ti, bu su Baalam dee dadaka atin n su wo, na ba kete nahore atin kabo Kora yo keteeri ni. Nyini ti, kabo i kaari ngbeen ni, bere gusu ka ngbeen so o. ¹² Nzen am ba tien am noo sudi anoose diire, bu sata am afien kabo fin ta sutura n wo, dama bu ni ambere sangja di a, na bu san ma nya, bu koro ka bere ngumi kunnu yi a, bu la ma kpere be. Bu ti ka nzue bo i muna na njuma fa i sin n wo. Na bu kaaki ti ka baka bo i su ma suuwa bakam su sangja, na i wu kporo na i bu to n wo. ¹³ Bu nyinse sam bo bu yo bu ni, bu ti kabo tieku nzue bo na i yasu fufuku n wo. Bu kaaki ti ka asarambaa bo bu jengbe bara ye n wo. Nyeme ase se awosin liim su njminda bu ka bu ko wo do sangja kere.

¹⁴ Sono be bo bu fere i ka Henoki, na i to ya na Adama su nso su ni, Nyeme yo faari i noanie n maari i wo, na wo yo ajojo nyini jore n ka, "Am ti fen, Micera ni suba ni i merékem akpii akpii buru, ¹⁵ na i ba di sono kere jore, na i cin bu sui fa ko bu satiem bo ba yo bu n su, ni kabo bu jooori ngbeenngbeen na bu keteeri Nyeme ni. Bu ti satie-yofom wo, nyini ti, ye bu keteeri Nyeme noanie n a." ¹⁶ Nyini minem ni so, bu njuti wo sangja kere, na bu sujaraki bu benngu, na bu susu bu konvikiya sa ngbeenngbeen bo bu bita i n su, na bu sifo yanfoya, na bu subo minem anoose, adena bu nya bu dee sa koroowam.

Jore babowam ni atin kereewam ni

¹⁷ Ama, ambere, m danfo kpm, wo yo daka ka am tenge su fa ko jore n bo ya Mibie Yesu Kristo jaramasam yo seeri am ni. ¹⁸ Bu seeri am ka, "Sangja bo durunya n ba sukoo awieeri su ni, mine nbem ba ba, na bu yo am anzasi, fa ko am yarada n su, na bu su bu dee tienngu ajuniembaa sa koroowam n su bo bu ko ma Nyeme atin su ni." ¹⁹ Ahin minem so, bu sutiti am nu wo lee, bu su adamande dee ngonle su a, Nyeme Awiewie Casi n wo ma bu do. ²⁰ Ama, ambere, m danfo kpm, am boro am nyi na am ma am yarada casi n buka su, na am sere Nyeme, Awiewie Casi n dee yiko nu, ²¹ na am ma Nyeme dee koro n wo am do. Na am njminda fa ko sangja bo ya Mibie Yesu Kristo ba si

am aṅunfɔ, na am nya ɲɔɔ bo i la má awieeri ni. ²² Nbem wo am nu bo bu la sika bu sunsunni nu, am si bu aṅunfɔ, ²³ nbem gusu, am cin yi bu fite sin nu, na am de bu tii ji, na nyiṅgam gusu, am si bu aṅunfɔ, ama, am si am ɲu sa haari na má am ma bu sutura fin mmɔɔ ta am.

Awieeri su dɛɛ nyɛmɛsɛrɛ

²⁴⁻²⁵ Nyɛmɛ ɲgumi ti ya Tiidefɔ a, ya Mibiɛ Yesu Kristo dɛɛ ti. Yiri koro bita am na am kpaasi má a, yiri koro fa am ba jina i jirima bie n nyunu a, na am la má ngasi be na i ma am ahorejɔ a. Yiri ye i ti ye ni ka ya kansɪ i na ya wura i kpiri a, yiri ti yikofɔ a, yiri ti faṅgafɔ a, yiri yo woori berɛ a, yiri toko wo berɛ kisa ni saṅga kerɛ a. Ami.

SAYIKEREWA bo Yesu yi kereeri YOHANE ni

¹ Ahin jore n ye Nyeme seeri Yesu Kristo ka i yi kere i akoom fa ko sam bo i ce má na bu bá yo n a. Na Yesu asunma i mereke i akoo Yohane do, na i ko se i jore ni. ² Jore n bo Nyeme ni Yesu Kristo yi kereeri Yohane na i juuri i ni, nyini ye wo di i daani akere i n a.

³ Sono kere bo i kaanri ahin kadasi ni, terefie wo i do. Na minem kere bo bu tiiri i jore na bu deer i, terefie wo bu do, dama sang a n adodo bo nyini sam kere bá yo.

Kabo Yohane kereeri kadasi yoori Kristo jama n anse ni

⁴⁻⁵ Mini Yohane akere ahin kadasi n na m fa ma Kristo jama ase se nso n bo bu wo Esiya awore n nu n a. Nyeme bo i wo bere, na i yo woori bere, na i bá wo bere sang a kere ni, ni i awiewie busu nsom n bo bu wo yiri Nyeme kpiri n nyunu ni ma am ahoreda, na am di bu ahoroma. Bekun, Yesu Kristo, yiri bo i di i daani na i la dabunju ni, na yiri ti bo i du mo tengeeri yiwee nu ni, na i kaaki ti durunya n nu nfemem kere ti ni, ma am ahoreda, na am di i ahoroma. Yiri koro ya, na wo fa i mbunja ade ya afite ya satie kere nu, ⁶ na wo yo ya i femeya n nu minem na ya yo i sayoowa dongyofom, na ya su i Si Nyeme. Yiri Yesu Kristo ni, yiri ti ye ni ka ya wura i kpiri a, i dee la yiko sang a kere. Ami.

⁷ Am nie, i fite angoro yinyingju n nu ba, na sono kere nyumbaa bá ju i, fa sang a ni minem bo bu woori i kpie n kere. Yiri ti, durunya n nufom kere sun.

I ti so o. Ami.

⁸ Ya Mi Nyeme Feme Kpiri bo i wo bere ni, na i yo woori bere, na i bá wo bere sang a kere n ase ka, "Mini ti mofa a, na m kaaki ti kasinfo."

Kabo Yohane juuri Kristo ka alele nu ni

⁹ Mini Yohane ti am niwa bo m ni ambere kere sang a di wahara ni mindi Yesu dee ti, na ya ti i femeya n nu minem ni. Nyeme noanie n bo ma kan i ni, ni Yesu daani n bo ma di i n dee ti, na ba fa m ako aji mie be bo i wo lui bambaka n bo i wo tieku n nu na bu fere i ka Patamosi n su. ¹⁰ Ya Mibie n dee ceen ni, na Nyeme Awiewie Casi n awura m ju, na ma ti akonvi bambaka be nga m sin, ka awie dee su. ¹¹ Na wo se m ka, "Kere deke n kere bo a ju i n wura kadasi n nu, na a fa ma Kristo jama ase se nsom bo bu wo ahin mie kpirim n su ni, bere la Efeso, ni Samirina, ni Peregamon, ni Tiyatira, ni Saradisa, ni Filadelfiya, ni Lawodikaya."

¹² Na ma ce anie m sin ka m ju sono n bo i jajo m do ni, m ce nieeri ni, na ma ju fitana takaabiri nsom bo bu ti sika ni. ¹³ Na ma ju be ka adamande wa ni, i wo bu afien, i wura tanlee tintiin yorom, na wo fa sika dambara abo i hoe su. ¹⁴ I tiijmie kere ti fofoe papasi ka gise wo, na i nyumbaa kere je ka sin fofoe. ¹⁵ Na i jaa gbagbaa kere boro ka jawii bo ba fa awura sin nu na wo boro sonsoen, na i konvi bo awie kabo nzue beberebe songi na i bo awie barasu ni. ¹⁶ I bita asarambaam nso i saa fomboro nu, na takobe nana afite i noo nu. I nyunu je kabo wie ba bi na i je n wo.

¹⁷ M juuri i so ni, na ma kaba ada i jaa bu asiengju ka ma wu dee su wo, na wo fa i saa fomboro anana m ju, na wo se m ka, "Ma a soro sere. Mini ti deke kere bumboori ni i awieeri a. ¹⁸ Mini ti bo i wo bere sang a kere n a. Nie fen. M yo wuuri wo, ama, kisa, ma tenge yiwee nu. M la ngoo bo i la ma awieeri. Mini bita yiwee ni Yiweefom Woobiri kadombaa a. ¹⁹ Nyini ti, kere sam bo a ju bu ni, ni bo bu suyo kisa ni, ni bo bu bá yo ahin dee sin ni. ²⁰ Asarambaa nsom bo a ju bu m saa fomboro n bu la ka, Kristo jama ase se nsom n merekem. Na fitana takaabiri nsom bo bu ti sika ni gusu bu la ka, Kristo jama ase se nsom ni."

2

Noanie n bo bu fa maari Kristo jama n bo i wo Efeso ni

¹ Na wo se m ka, "Kere kadasi fa ma mereke n bo i nie Kristo jama n bo i wo Efeso mie kpiri n nu ni, na a se bu ka, 'Ahin noanie n fite mini bo m bita asarambaa nsom m saa fomboro nu ni, na m kaaki nati fitana takaabiri nsom bo bu ti sika n afien n do o. ² M si am sayoowam, m si kabo am ayo am juma ni anyumboro barasu, ni kabo am la mindi barasu ni, na m si kabo am de má satieyofom ni. Na m kaaki si kabo am ayi koresi anju minem bo bu ja bu ti m jaramasam, ama, bu woowa kere ka bu ti má so, na am anju ka

bu ti korefom ni. ³ Mini dee ti, am ayo sawore amindi am wahara nu, am nya fie má, am toko su m su.

⁴ Ama, jore kun bo m fa jaraki am la ka, kisa am koro má m kabo am yo koro m ni. ⁵ Nyini ti, am bu am tii nu fo na am si deke bo am akpaasi ni, na am kaaki am wo, na am yo sam bo am yoori bu bumboori ni. Nzen am akaaki má am wo, m bá cin yi am fitana takaabiri n deke bo i taka ni. ⁶ Ama, am sa kun bo i yo m fie n la kabo am koro má Nikolaitafom sayoowam ni, mini mmoo koro má bu sayoowam ni.'

⁷ Sono kere bo i koro ka i ti ahin jore n bu, i ti ye ni ka i mi so i sui na i ti kabo Awiewie Casi ni suse Kristo jamam barasu ni. Sono kere bo i di nasara, m má i atin na i di baka n bo i ma ngoo n dee suuwa na i wo Nyeme dika n nu ni."

Noanie n bo bu fa maari Kristo jama n bo i wo Samirina ni

⁸ Na wo se m ka, "Kere kadasi fa ma mereke n bo i nie Kristo jama n bo i wo Samirina mie kpiri n nu ni, na a se bu ka, 'Ahin noanie n fite mini bo m ti deke kere bumboori ni i awieeri ni, na m yo wuuri na ma tenge yiwee nu ni do o. ⁹ M si kabo am adi wahara agaya barasu, ni kabo am ti yaarifom ni, ama, am ti nejgefom wo Nyeme do. Na m si kabo minem kpie am nzuko ni, bo bu yo bu ju ka bu ti Yudafom, ama, bu ti má Yudafom ngba, bu ti Sitana dee jama n wo. ¹⁰ Am di wahara kisa, ama, má am soro sere. Am ti fen, Sitana wura am nbem saraka na i yo am na i nie na am nu kekereke leburu. Ama, am su m ni nahore haari am bá wu, na m to am nkato, yiri la ngoo bo i la má awieeri n a.'

¹¹ Sono kere bo i koro ka i ti ahin jore n bu, i ti ye ni ka i mi so i sui na i ti kabo Awiewie Casi ni suse Kristo jamam barasu ni. Sono kere bo i di nasara nu má yiwee kpe nnyo su n kun."

Noanie n bo bu fa maari Kristo jama n bo i wo Pergamon ni

¹² Na wo se m ka, "Kere kadasi fa ma mereke n bo i nie Kristo jama n bo i wo Pergamon mie kpiri n nu ni, na a se bu ka, 'Ahin noanie n fite mini bo m la takobe nana n do o. ¹³ M si deke bo am woori ni, am woobiri n ti Sitana femeya tanaabiri wo, ama, am toko su m ni nahore wo, am ayaki má m yaradayo, haari ni sangba bo bu kuunri Antipasi bo i diiri m daani nahore su am mie n nu, deke bo Sitana wo ni. ¹⁴ Ama, m la jore nbem bo m fa jaraki am, am nbem bita Baalam kereewa atin n wo. Yiri yo kereeri Feme Balaki, ye i maari Yisarelifom yoori satie diiri tie nie, na ba yo sakaraya. ¹⁵ Am nbem gusu ti so o, bu su Nikolaitafom dee atin kereewa n su wo. ¹⁶ Nyini ti, am kaaki am wo, má nyini, m bá am do kisa, na m fá takobe n bo i wo m noo nu kun lue ni minem bo bu yo so ni.'

¹⁷ Sono kere bo i koro ka i ti ahin jore n bu, i ti ye ni ka i mi so i sui na i ti kabo Awiewie Casi ni suse Kristo jamam barasu ni. Sono kere bo i di nasara, m má i mi diire n bo bu fere i ka mana * ni, na i wo fieewa nu ni. Na m kaaki ma i mi yabue fofoe be, ba kere duma fofore su, be koro si má duma n bo i wo su ni, má ka yiri n bo i de i ni si i a."

Noanie n bo bu fa maari Kristo jama n bo i wo Tiyatira ni

¹⁸ Na wo se m ka, "Kere kadasi fa ma mereke n bo i nie Kristo jama n bo i wo Tiyatira mie kpiri n nu ni, na a se bu ka, 'Ahin noanie n fite mini Nyeme Wa n do o, mini bo m nyumbaa je ka sin fofoe, na m jaa gbagbaa kere boro ka jawii dee su ni. ¹⁹ M si am sayoowam, m si kabo am la koro barasu, ni kabo am su m ni nahore su ni, ni amusui bo am su i ni, na m kaaki si kabo am la mindi, na m si kabo kisa am boro am nyi tara bumboori ni.

²⁰ Ama, jore bo m fa jaraki am la ka, am amoo am noo ye am nie Yezebeli, bara n bo i yo i ju ka i ti Nyeme noanie kanfo ni. I kere m akoom wo na i daka bu, na bu suyo sakaraya, na i ma m minem di tie nie. ²¹ Ma se i ka i kaaki i wo na i yaki somaya ko ni, wo kete ka i kaaki má. ²² Nyini ti, m má i da tukpaki kekereke, na i ni minem bo bu yo sakaraya n di wahara agaya, nzen ba kaaki má bu wo ayaki má sam bo bu ni yiri yo bu ni. ²³ Na m kún i nbaam, na Kristo jama ase n kere si ka, mini fiiti si deke bo i wo sono kere ahore su, ni i sunsunni nu. Na m fá sono kere sayoowa to i kaari.

²⁴ Ama, ambere Tiyatrafom nbem bo am aka, na am su má i kereewa atin n su ni, ambere asonsón má deke bo nbem fere i ka Sitana asiri nu sa bambaka ni. M suse am wo lee, m so má am soori nonoori buka má su. ²⁵ Ama, atin bo am bita i ni, am bita i kenken haari sangba bo m bá kaaki ba.

²⁶⁻²⁸ Sono kere bo i di nasara na i yo m sa koroowa ko juuri awieeri, m má i yiko kabo m Si ama m yiko ni, na i nie daanfie daanfie kere su. Na i bita bu kekereke kabo nanjasi fa bulaari koroma tu bo i naanim barasu ni, na i fufu bu kabo bu fufu yakatise barasu

ni. Na m má i asaakojo.’ ²⁹ Sóno kere bo i koro ka i ti ahin jore n bu, i ti ye ni ka i mi so i sui na i ti kabo Awiewie Casi ni suse Kristo jamam barasu ni.”

3

Nɔ́aniɛ n bo bu fa maari Kristo jama n bo i wo Saradisa ni

¹ Na wɔ se m ka, “Kere kadasi fa ma mereke n bo i nie Kristo jama n bo i wo Saradisa mie kpiri n nu ni, na a se bu ka, ‘Ahin nɔ́aniɛ n fite mini bo m la Nyeme awiewie busu nso n na m bita asarambaam nso m saa nu dɔ ɔ. M si am sayoowam, am wo ka am la ngɔɔ, ama, am ti fuinm wɔ. ² Nyini ti, am yasu na am bita deke n bo am toko la i n kenken, má nyini, i wú wɔ. Dama ma ɲu ka am sayoowam n akpie su Nyeme dɔ. ³ Am tenge su, kabo am yo tiiri Nyeme nɔ́aniɛ n na am deer i ni, am kaaki am wo na am bita i, nzen am ayasu má, am si má sanɲa bo m bá ni, dama m bá fura am nu ka awiefɔ deɛ su wɔ.

⁴ Ama, m la mine nbem bo bu wo Saradisa Kristo jama n nu, bo ba saaki má bu sutura ayo má bu fin, bu sayoowam nu. Bere bá wura tanlee fofoe na m ni bere sanɲa nati a, dama bu ti ye ni sɔ ɔ. ⁵ Sóno kere bo i di nasara, i wúra nyini tanlee fofoe n be sɔ ɔ. Na m yí má i mi duma fite má ngɔɔ kadasi n nu, ama, m bá jina m Si ni i merékem nyunu, na m sé bu ka i ti m deɛ sɔnɔ ɔ.’ ⁶ Sóno kere bo i koro ka i ti ahin jore n bu, i ti ye ni ka i mi so i sui na i ti kabo Awiewie Casi ni suse Kristo jamam barasu ni.”

Nɔ́aniɛ n bo bu fa maari Kristo jama n bo i wo Filadelefiya ni

⁷ Na wɔ se m ka, “Kere kadasi fa ma mereke n bo i nie Kristo jama n bo i wo Filadelefiya mie kpiri n nu ni, na a se bu ka, ‘Ahin nɔ́aniɛ n fite mini bo m ti casi na m ti nahɔrefɔ, na m bita Feme Davidi kadombaa n bo i kere ka m la i deɛ yiko n be wɔ, na nzen m tekeeri anɔ, be koro tu má i, na nzen m tuuri i gusu, be koro teke má i. ⁸ M si am sayoowam, am nie, ma teke anɔ ama am bo be wo má bere bo i koro tu i. M si ka am la má fanɲa agaya, ama, haari ni nyini mmɔɔ, am fite má m sin, am toko bita m nɔ́aniɛ n ni nahɔre wo. ⁹ Am yaki bo bu su Sitana n na bu yo bu ɲu ka bu ti Yudafoɲ ni, bu ti korefoɲ wɔ, bu ti má Yudafoɲ ngba. M má bu ba kutu am nyunu na bu si ka m koro am. ¹⁰ Am ade m nɔ́aniɛ ni, na am amindi n deɛ ti, m yí am fite kekereke n bo Nyeme bá fa yo durunya n nufɔm kere na i nie ni.

¹¹ M cé má, m káaki ba kisa. Atin n bo am bita i ni, am bita i kenken na má be fin am ɲkatɔ ni. ¹² Sóno kere bo i di nasara, m fá i yo jantaraka Nyeme Sereebiri Awuru n nu na i wó nu dɔ sanɲa kere. Na m kéré Nyeme duma mata i, na m kéré Nyeme mie n duma, mie n bo i fite anɲoro Nyeme dɔ na bu fere i ka Yerusalem fɔfore, na m káaki kere m duma fɔfore n gusu mata i mi ɲu.’ ¹³ Sóno kere bo i koro ka i ti ahin jore n bu, i ti ye ni ka i mi so i sui na i ti kabo Awiewie Casi ni suse Kristo jamam barasu ni.”

Nɔ́aniɛ n bo bu fa maari Kristo jama n bo i wo Lawodikaya ni

¹⁴ Na wɔ se m ka, “Kere kadasi fa ma mereke n bo i nie Kristo jama n bo i wo Lawodikaya mie kpiri n nu ni, na a se bu ka, ‘Ahin nɔ́aniɛ n fite mini bo m ti Ami na m la dabuɲu, na m di daani ni nahɔre su n dɔ ɔ. Mini ni Nyeme du mɔ yo woori bere a, ye ya yiiri deke n kere a. ¹⁵ M si am sayoowam, am ti má niniki, am kaaki ti má kekere, nzen má am ti niniki wara kekere, má m koro. ¹⁶ Ama, am ti bɔbɔrɔki n deɛ ti, m púuti am m nɔɔ nu butu. ¹⁷ Am ɲa am ti nenɲefɔm wɔ, deke be kpie má am su, ama, am si má ka am la anɲunfɔ, na am si má ka am ti yaarifɔm, na am kaaki si má ka am ti anyinsim, na am kaaki si má ka am nati am ɲunie ngbeen wɔ. ¹⁸ Nyini ti, m koro ka m tu am fɔ, na am bra m dɔ ba to sika kpa bo ba fa awura sin nu na wɔ fite casi ni, adena am yo nenɲefɔm nahɔre su, na am ba to sutura fofoe m dɔ, na am fa kata am ɲu, na má mine ɲu ka am nati am ɲunie ngbeen na i la nyinse. Na am ba to anyumbaa ayiri m dɔ, na am fa wura am nyumbaa nu na am koro ɲu asi nyunyumi. ¹⁹ Bo m koro ka m ni, bere ye m jaraki bu na m cin bu sui a, nyini ti, am boro am nyi na am kaaki am wo. ²⁰ Am ti fen, m jina sɔɔ anɔ n sin subobo, sɔnɔ kere bo i ti m konvi ɲga na i tekeeri anɔ ni, m bá wura i mi dɔ, na m ni yiri sanɲa di diire.

²¹ Sóno kere bo i di nasara, m má i atin na i bá tana m bi m femeya bie n su, kabo ma di nasara na m ni m Si sanɲa tana i femeya bie n su ni.’ ²² Sóno kere bo i koro ka i ti ahin jore n bu, i ti ye ni ka i mi so i sui na i ti kabo Awiewie Casi ni suse Kristo jamam barasu ni.”

4

Kabo bu su Nyeme i femeya n nu barasu ni

¹ Nyini sin, na wɔ yo m ka alele deɛ su, na ma ɲu ka ano be ateke angoro. Na ma ti akonvi ɲga ka awie deɛ su sɔjɔ m do, i ti akonvi n bo i du mo jɔjɔri m do n wɔ. I ɲa, “Fun bra angoro fen, na m kere u sam bo bu ba yo ahin sin.”

² Jina nu n bere na Awiewie Casi n aba awura m ɲu na ma ɲu ka femeya bie wo angoro, be tana su. ³ Bo i tana femeya bie n su je piepieu kabo cenceeri nbem je barasu wo, nbem je fofoe na nbem je kɔkɔre, na i femeya bie ni, deke be je piepieu angoro kabo nzue ba muna na ayi kpie nu ni. ⁴ Femeya bie aburanyo ni nna tana biem su, bu wura tanlee fofoe na bu butu sika kere. ⁵ Na femeya bie ni sukpeɛ ka nzue deɛ su, na i sutientien, na i suyo nanmie. Fitana nso taka femeya bie n nyunu wo je su, bere la Nyeme awiewie busu nsom ni. ⁶ Deke be gusu da femeya bie n nyunu ka nzue bambaka deɛ su, i nyunu da cain ka nieɛnu wɔ.

Deke ɲɔɔfo nna nbem gusu abara aye femeya bie ni, bu la anyumbaa beberebe, bu nyunu ni bu sin n kere. ⁷ Ciciri su deɛ n ti ka jara a, nnyo su n ti ka toora, nsan su n nyunuawa ti ka adamande wɔ, na nna su n ti ka kajiri bo i sutu landi. ⁸ Bu kun kun kere la lanɲpete nsen nsen wɔ, bu la anyumbaam bu ɲuniɛmbaa nu, ni bu ɲunie kere su. Na bu sudi jue kɔɲgue ni wiesu kere, ka, “Casi, casi, casi la ya Mi Nyeme Feme Kpiri,

i yo woori bere, na i toko wo bere, na i ba wo bere saɲga kere ni.”

⁹ NZEN bu nya sudi jue na bu fa kansu, ni jirima, ni anse ma yiri n bo i tana femeya bie n su ni, na i wo bere saɲga bo i la ma awieeri ni, ¹⁰ nyini saɲga, a ɲu ka nkpienkpienm aburanyo ni nna n sukutu i nyunu, na bu su i, yiri bo i wo bere na i la ma awieeri na i tana femeya bie n su ni. Na bu yi bu kere, sufa se femeya bie n nyunu, na bu sudi jue, ka,

¹¹ “Ya Micera ni ya Nyeme, wɔro ti ye ni ka

a de kansu a, ni jirima, ni yiko.

Dama wɔro yiiri deke n kere a,

u koroyanu ye a maari deke n kere la ɲɔɔ a.”

5

Kadasi n ni Bombaa n jɔre

¹ Na ma ɲu ka kadasi nyanyaawa be wo yiri n bo i tana femeya bie n su n saa fomboro n nu, kereɛwa wo i kunnu ni i sin kere su, ba fa wie mene amie amata i busu nso. ² Na ma ɲu Nyeme mereke fangafa be ka i subo ndoori fangfa su ka, “Nma ti ye ni bo i koro cin ɲmanɲi wie mene n na i teke kadasi n a?”

³ Ama, angoro, ni asiɲgu, ni bo bu wo asien bu, be awo ma bere bo i koro teke kadasi ni, na a ba kan ka i koro nie nu n deɛ ti, na ma sun ni nyunvui ɲgba. ⁵ Na nkpienkpienm n nu kun, ase m ka, “Ma a sun. Nie fen, Feme Davidi anuma kpiri ni, bo bu fere i ka Yudafom busu nu jara n adi nasara, i koro cin ɲmanɲi wie mene nso n na i teke kadasi ni.”

⁶ Na ma ɲu bombaa be, i ti ka ba kpie i kom wɔ, i jina femeya bie n afien. Deke ɲɔɔfo nnam, ni nkpienkpienm n abara aye i. I la mbie nso wɔ, i nyumba gusu ti nso wɔ. Bere la Nyeme awiewie busu nsom bo wo sunma bu durunya n kere nu ni. ⁷ Na wo ko yiri n bo i tana femeya bie n su n do, na wo de kadasi n afite i saa fomboro nu. ⁸ I ko deeri kadasi n ni, na deke ɲɔɔfo nnam, ni nkpienkpienm aburanyo ni nnam n akutu i nyunu. Bu kere la bieku, na bu kere bita sika ayaba bo wo yi ni ayiri kunkuunwa nvanvani ɲgumi wɔ. Ayiri kunkuunwa nvanvani n ti nyemesere bo Nyeme deɛ mine sere i wɔ. ⁹ Na ba di jue fofore ama yiri Bombaa n ka,

“Wɔro ti ye ni ka a de kadasi ni,

na a ɲmanɲi wie mene n a,

dama wɔro ye bu kpieri u kom, ye a fa u mbunja ade minem tii aji a.

Adamande kere, ni daanfie kere, ni aniem kere,

ni asien barasu barasu kere bo bu wo durunya n nu ni,

bu nbem ayo Nyeme deɛ minem.

¹⁰ A fa bu ayo u femeya n nu minem,

na bu yo u sayoowa doɲguyofom,

na bu nie durunya n kere su.”

¹¹ Na ma nie anu Nyeme merékem beberebe, akpii akpii buru no, ka, ba bara aye femeya bie ni, ni deke ɲɔɔfo nnam, ni nkpienkpienm ni. Na ma ti ka ¹² ba ye bu konvi su sudi jue, ka,

“Bombaa n bo bu yo kpieri i kom ni,
yiri ti ye ni ka i de yiko a, ni nenje, ni alecira, ni fanga,
ni jirima, ni kpiri, ni kansi a.”

¹³ Na ma ti ka deke kere bo bu wo angoro, ni asienngu, ni bo bu wo asien bu, ni bo bu wo nzue nu, ni deke kere bo Nyeme ayi bu, ka bu sudi jue, ka,

“Yiri n bo i tana femeya bie n su n ni Bombaa ni,
bere ti ye ni ka bu de kansi a, ni jirima, ni kpiri, ni yiko,
sanga kere sanga.”

¹⁴ Na deke ngoofo nnam n ase ka, “Ami.”

Na nkpienkpienn n akutu asu Nyeme ni Bombaa ni.

6

Wie mene bo bu fa mata kadasi n jore

¹ Na ma nu ka Bombaa n aba acin anmanji wie mene nso n bo bu fa mataari kadasi n nu kun. Na ma ti deke ngoofo nnam n nu kun konvi nga, kabo nzue tientien barasu ni, ka, “Fite.”

² M nieeri na ma nu ka, kponggo fofoe lee. Bo i fun i n bita taa ni awie, na ba butu i femeya kere, na wo ko ka luekunfo na i di nasara.

³ Na Bombaa n acin anmanji wie mene nnyo su ni, na ma ti ka deke ngoofo nnyo su ni suse ka, “Fite.”

⁴ Na kponggo kokore afite, na ba ma i funfo n takobe tintiin, na ba ma i yiko ka i yi tanalaife fite durunya n nu, na minem kun bu benngum.

⁵ Na Bombaa n acin anmanji wie mene nsan su ni, na ma ti ka deke ngoofo nsan su ni suse ka, “Fite.”

M nieeri na ma nu ka, kponggo biri lee. I funfo n bita deke bo bu bita sunsun diire ni i saa nu. ⁶ Na ma ti akonvi be nga deke ngoofo nnam n nu, i nga, “Ngani ayaba ngboroko kun ti jumayofe lekun nkato o. Na abuwe ayaba ngboroko nsan ti jumayofe lekun nkato. Ama, ma am saaki nguini ni nzan ni.”

⁷ Na Bombaa n acin anmanji wie mene nna su ni, na ma ti ka deke ngoofo nna su n suse ka, “Fite.”

⁸ M nieeri na ma nu kponggo nzuin faa, i funfo n duma la Yiwee, na bo bu fere i ka Yiweefom Woobiri n gusu su i su. Na Nyeme ama bu durunya kpaaki nu nna buekun yiko ka bu fa lue, ni ahoe, ni tukpaki, ni boro nengendore tiem, na bu kun bu.

⁹ Na Bombaa n acin anmanji wie mene nnu su ni, na ma nu minem awiewie Mikun yoowa yoobiri n bu, bere la minem bo bu yo kuunri bu fa ko bu Nyeme jore kaanwa, ni bu daani diiwa n dee ti. ¹⁰ Na bu sutien fanga su ka, “Ya Mi Nyeme Feme casi, nahorefo, ceen nzu ye a di minem bo bu yo kuunri ya n jore na a cin bu sui ma ya?”

¹¹ Na Nyeme awura bu kun kere sutura fofoe, na wo se bu ka, “Am yi am nuni kaan ka, na bu ba kun am benngu akoom, ni am benngu Kristofom kere ko wie ka, kabo bu yo kuunri am barasu ni, na m di bu jore.”

¹² Na ma nu ka Bombaa n acin anmanji wie mene nsen su ni, na asien akpisi fanga su, na wie akaaki biri didiki ka nambiri numa, na sara n akaaki kokore ka mbunja dee su. ¹³ Na asarambaam afite angoro ati atoto kabo anuma ba kpisi damba baka na i poorim titi toto barasu ni. ¹⁴ Na angoro n kere anyanya kabo bu nyanya bie ni, na wo mini, na bukam, ni nzue nu lui bambakam kere ayasu bu tanaabiri. ¹⁵ Na durunya n nu nfemem, ni tereterefom, ni soja nkpienkpienn, ni nengefom, ni nfanggafom, ni akoom, ni sono kere ako afie yabue ngbingbirim buem nu, ni yabue bambakam bu, bukam su. ¹⁶ Na ba se ka, “Ma bukam bereki go ya nu, na ma yabue ngbingbirim kata ya nu, ma i ti ye, adena ma sono n bo i tana femeya bie n su n nu ya, na ma Bombaa n gusu cin ya sui. ¹⁷ Dama ceen bo Nyeme ni Bombaa ni cin sono kere sui n aju, ye nma koro jina bu nyunu a?”

7

Yisarelifom mine akpii yaa ni akpii aburana ni nna n jore

¹ Nyini sin na ma nu merেকে nna, ka bu jina durunya n awore nna n kere nu na bu kanda anuma, na ma i kpie asien n su, ni tieku nu, wara i kpie go baka su. ² Na ma nu merেকে be ka i fite wie afiiri, i bita deke be bo Nyeme bo i wo bere sanga kere n fa se i minem nyaari. Na wo tien fanga su ajojo merেকে nnam bo Nyeme ama bu yiko ka bu saaki asien n ni tieku n do, ³ na wo se bu ka, “Ma am se ka am saaki asien n ni tieku n ni bakam ni, ma ka ya ba ase Nyeme minem kere numa su nyaari awie ka.”

⁴ Na wɔ kan minem bo ba se bu nyaari bu ŋuma su ni, na wɔ kere m bu nɔ, bu kere ko yasuari mine akpii yaa ni akpii aburana ni nna a, bu fite Yisarelifom deɛ busu n kere nu wɔ.

⁵ Yuda deɛ busu nufom ti mine akpii buru ni akpii nnyɔ bo ba se bu nyaari, na Ruben deɛ busu nufom ti mine akpii buru ni akpii nnyɔ, na Gadi deɛ busu nufom ti mine akpii buru ni akpii nnyɔ. ⁶ Na Aseri deɛ busu nufom ti mine akpii buru ni akpii nnyɔ, na Nafatali deɛ busu nufom ti mine akpii buru ni akpii nnyɔ, na Manase deɛ busu nufom ti mine akpii buru ni akpii nnyɔ. ⁷ Na Simeyon deɛ busu nufom ti mine akpii buru ni akpii nnyɔ, na Levi deɛ busu nufom ti mine akpii buru ni akpii nnyɔ. Na Izaki deɛ busu nufom ti akpii buru ni akpii nnyɔ. ⁸ Na Zabulon deɛ busu nufom ti mine akpii buru ni akpii nnyɔ, na Yosefu deɛ busu nufom ti mine akpii buru ni akpii nnyɔ, na Benjamin deɛ busu nufom ti mine akpii buru ni akpii nnyɔ.

Jama beberebe bo ba nya tiide n jɔre

⁹ Nyini sin na ma ŋu jama beberebe, bu la má nɔ, bu fite durunya asien n kere su, ni adamande kere nu, ni durunya daanfie n kere nu, ni durunya aniem kere nu, ka, bu jina yiri n bo i tana femeya bie n su n ni Bombaa n nyunu. Bu wura tanlɛ fofoe yorom, bu bita kpakpa nyawam bu saa nu. ¹⁰ Na ba bo afere fanga su ase ka, “Nyeme bo i tana femeya bie n su n ni Bombaa n ama ya nya ya ti a.”

¹¹ Na merekem n kere ajina abara aye femeya bie, ni nkpienkpienm, ni deke ŋɔɔfo nnam ni, na ba dada bu nyunu su asienŋu Nyeme bo i tana femeya bie n su n nyunu, na ba su i. ¹² Na bu suse ka,

“Ami. Kansi, ni kpiri, ni alecira,

ni anse, ni jirima,

ni yiko, ni fanga

ti ya Nyeme deɛ wɔ sangɔ kere sangɔ. Ami.”

¹³ Na nkpienkpienm n nu kun abisa m ka, “Ŋmam ye a ŋu ka bu wura tanlɛ fofoe yorom n a, ye bu fite ni wɔ?”

¹⁴ Na ma se i ka, “M mibie, wɔɔ si a, mini si má.” Na wɔ se m ka, “Bere ti minem bo ba fite anyumboro kekereke nu n a, bere ye ba ŋmisi bu sutura Bombaa ni mbunja n nu ayo bu fofoe n a.

¹⁵ Nyini deɛ ti, ye bu jina Nyeme Sereebiri Awuru n nu,

i femeya bie n nyunu ye bu su i koŋgue ni wiesu n a,

na Nyeme bo i tana i femeya bie n su n wó bu do na i yó bu kanda.

¹⁶ Ahɔe ni nzuehɔe tí má bu kun cɛen be,

wie bó má bu,

na i kekere gusu wúra má bu.

¹⁷ Dama Bombaa n bo i wo femeya bie n afien ni yó bu sasafɔ a,

na yiri fá bu ko bura nzue bo i tie

na i ma ŋɔɔ bo i la má awieeri n a.

Na Nyeme núnuka bu nyunvuin kere bu nyunu.”

8

Wie mene nso su n jɔre

¹ Sangɔ bo Bombaa n cin ŋmanggiiri wie mene nso su n ni, na deke kere atɔ amuna aŋgoro n nu, haari miti aburasan.

² Na ma ŋu mereke nsom bo bu jina Nyeme nyunu ni, na ba fa awie fitaawa nso ama bu.

³ Na ma ŋu mereke nyinga ka i bita sika ayaba, bo bu fa ayiri kunkuunwa nvanvani go nu na bu kunkun i ni, na wɔ ko ajina Mikun n yoowa yoobiri n bi. Na ba ma i ayiri kunkuunwa nvanvani beberebe ka i fa buka Nyeme minem nyemesere su, na i fa kunkun Mikun yoowa yoobiri n bo bu fa sika mata su, na i wo femeya bie n nyunu ni. ⁴ Na ayiri kunkuunwa nvanvani n ŋmisini n ni Nyeme minem nyemesere n ayasu mereke n saa nu afun ako Nyeme nyunu. ⁵ Na mereke n ayi sin Mikun n yoowa yoobiri n su, na wɔ fa awura ayaba n nu, na wɔ yi, na wɔ fa atu asandi durunya n nu. Na nzue sukpara sutientien, na i sujeje, na i sukpekpese, na asien n akpisi.

Awie nso n bo bu kan i n jɔre

⁶ Na mereke nsom n bo bu bita awie fitaawam n asese bu ŋu su ka bu kan awiem ni.

⁷ Na mereke n bo i du mo n akan i deɛ awie ni. Na nzue yabue, ni sin, sangɔ ni mbunja atɔ durunya n nu, na sin aje durunya n kpaaki nu nsan buekun, ni bakam kere bo bu wo durunya n nu kpaaki nu nsan buekun, ni wura mone kere.

⁸ Na mereke n bo i to su nnyo su n akan i awie ni, na deke be, i ti ka buka bambaka wo, ye wo so sin su a, na ba fa i atu tieku n nu, na tieku n kpaaki nu nsan buekun akaaki mbunja. ⁹ Na deke ngoofoom kere bo bu wo tieku n nu kpaaki nu nsan buekun awu, na lee bambakam bo bu wo tieku n nu kpaaki nu nsan buekun gusu asaaki.

¹⁰ Na mereke n bo i to su nsan su n akan i awie ni, na asarambaa bambaka bo i je sin ka wura sin afite angoro aba ato kunmam ni nzuettim bo bu wo durunya n nu kpaaki nu nsan buekun nu. ¹¹ Asarambaa n duma la Wiwi, na nzue n bo i wo durunya n nu n kpaaki nu nsan akaaki wiwi, nzue n ti wiwi n dee ti, na minem donngu bo bu nuuri nyini nzue n awu.

¹² Na mereke n bo i to su nna su n akan i awie ni, na deke be aba ato wie, ni sara, ni asarambaam kere kpaaki nu nsan buekun su asaaki bu, na ba kaaki biri tuum. Wiesu ni kooŋgue n kpaaki nu nsan buekun, ayo ma wein.

¹³ Na ma nie, na ma ŋu ka kajiri be sulaandi tu angoro, na ma ti kabo i tien barasu ni, i ŋa, "O*i*, keto, keto, keto wo soŋo kere bo i wo durunya n nu n ŋu, kabo mereke nsanm bo ba ka n koro ka bu kan bu awiem ni, na bu tiiri."

9

¹ Na mereke nnu su n akan i awie ni, na ma ŋu ka asarambaa be afite angoro n aba ato asienngu. Na ba ma i kadombaa ka i teke kunma n bo i ko ngonggo na i la ma awieeri ni. ² Na wo teke nyini kunma n ni. I tekeeri i ni, na ŋmisini afite kunma n nu, i ti ka sin bambaka torooŋwa ŋmisini wo. Na ŋmisini n bo i fite kunma n nu n ama wie ni angoro n kere asi biri didiki. ³ Na lalom afite ŋmisini n nu asandi ade asien n su, na Nyeme ama bu yiko, ka bundaanim dee su. ⁴ Na wo se bu ka ma bu di wura ni diire mbaa wara bakam, ama, bu kan minem n bo bu la ma Nyeme anyaari seewa bu ŋuma su ni. ⁵ Wo ma ma bu yiko ka bu kun minem wo, ama, bu kere bu wahara sara nnu. Wahara ni ti kabo bundaani kan soŋo na i yo ya n wo. ⁶ Nyini sanŋa ni, adamande sun kpini yiwee busu na bu wu, ama, bu nya ma.

⁷ Lalom n ti ka kooŋgom bo ba cici bu ka bu ko lue dee su wo, deke be wo bu tii su, ka sika kere dee su, na bu nyunuawa ti ka adamande dee su. ⁸ Bu ndore ti tintiin kabo bara bo i la tiinmie tintiin ti n wo, na bu jee ti ka jara dee. ⁹ Deke be kata bu hoe su pepererepe ka bulaari dee su, na bu lanjpetem suyo nanmie kabo kooŋgom ni bu torokum n beberebe suŋmati ko lue na bu yo nanmie n wo. ¹⁰ Bu lo, bo bu fa kan n ti ka bundaani dee su wo. Bu la yiko bu lo n nu, bo bu fa kere mine wahara sara nnu. ¹¹ Bu fema n la mereke n bo i nie kunma ngonggo n bo i la ma awieeri n su ni. Hiburu anie nu bu fere i ka, Abadon, ye Giriki anie nu bu fere i ka, Apolin, i bu la ka, saakifo.

¹² To. Ciciri su dee ahoresaaki n asin, nnyo wo sin suba.

¹³ Na mereke nsen su n akan i awie n na ma ti akonvi be ŋga ka i fite Mikun yoowa yoo*biri* n bue nna n kere, ba fa sika amata su na i wo Nyeme nyunu ni. ¹⁴ Na akonvi n ajojo mereke nsen su n bo i bita awie n do, i ŋa, "Ko mereke nnam bo bu wo kunma kp*iri* n bo bu fere i ka, Yufarati n do, na a nyangi bu ji."

¹⁵ Na wo nyangi mereke nnam bo ba du mo akpa bu ŋu anminda nyini ceen n gbingbin na bu kun mine bo bu wo durunya n nu kpaaki nu nsan buekun ni. ¹⁶ Na ma ti kabo bu sojam bo bu fun kooŋgo no ti, bu no ko yasuuri akpii akpii busu yaa nnyo o.

¹⁷ Deke n bo i yo m ka alele ni, m ŋuuri kooŋgom, ni bo bu fun bu ni, ka bulaari pepererepe be kata bu hoe su, nbem boro kokore ka sin wo, na nbem ti biri ka bura nzue, na nbem ti ka ndere nzue, kooŋgom tii dika ti ka jara tii wo. Na sin, ni ŋmisini, ni ferewita sufitte bu noo nu. ¹⁸ Ahin deke kekereke nsanm ni kuunri mine n bo bu wo durunya n nu kpaaki nu nsan buekun n a, bere la sin, ni ŋmisini, ni ferewita n bo i fite bu noo nu ni. ¹⁹ Dama kooŋgom n yiko kere wo bu noo, ni bu lom nu wo. Bu lom ti ka woom wo, bu la atii, ye bu fa kere mine wahara a.

²⁰ Minem bo ahin wahara n akun ma bu na bu kaari ni, ba kaaki ma bu wo, ba yaki ma amoem su, ni dekem bo ba fa sikam, ni jetem, ni jawiim, ni yabuem, ni bakam ayo bu ka bu amoem, nyini dekem koro ŋu ma asi, na bu koro ti ma asui, na bu koro nati ma ni, ba yaki ma bu su. ²¹ Ba kaaki ma bu wo fa ko kabo bu kun minem ni, ni kabo bu di ayiri ni, ni kabo bu yo sakaraya ni, ni kabo bu wo awie ni.

10

Mereke ni kadasi kaan n jore

¹ Na ma ŋu mereke fangafo be bekun ka i fite angoro sujura ba. Na yinyinggu akata i ŋu ka tani dee su. Na ayi bo i kp*ie* angoro n abara aye i tii, i nyunu ti ka wie wo, na i jaam ti ka sin taferema. ² I bita kadasi kaan be i saa nu, i ti tekeewa a. Na wo fa i jaa

fomboro atien tieku n su, na wo fa i jaa bie atien asien n su. ³ Na wo tien fanga su kabo jara njuundi ni, na nzue tiɛnwa nso n abo i nu. ⁴ Nzue n tiɛnri kpe nso ni, má m ɲa m kere wo, na ma ti akonvi be ɲga angoro. I ɲa, “Má a kere jɔjɔwa n bo nzue tiɛnwa nso n ase ni. Má a kan kere be.”

⁵ Na mereke n bo m ɲuuri i ka i jina tieku n ni asien n su, n aye i saa fomboro su akere angoro, ⁶ na wo tan Nyeme bo i la ɲɔɔ na i wo bere sanja kere ni, yiri bo i yiiri angoro, ni asien, ni tieku, ni deke kere bo bu wo nu ni, na wo se ka, “Nyeme ɲminda má kun. ⁷ Ama, sanja n bo mereke nso su n ba sukan i awie n ye Nyeme asiri nu jore ni yó yiiwa, kabo i yo seeri i akɔɔm bo bu ti i noanie kanfɔm ni.”

⁸ Na akonvi n bo i jɔjɔri m do angoro n nu n ajojo m do bekun, i ɲa, “Ko de kadasi kaan n bo wo teke na i wo mereke n bo i jina tieku n ni asien n su n saa nu.”

⁹ Na ma ko mereke n do, na ma se i ka, “Fa kadasi kaan n ma m.” Na wo se m ka, “De na a kpɛse i, i yó u nɔɔ nu mamari ka wie wo, ama, i to u kunnu, i yó wiwi wo.”

¹⁰ Na ma de kadasi kaan n mereke n do, na ma kpɛse i. I ti mamari m nɔɔ nu ka wie wo, m miiri na wo yo wiwi m kunnu. ¹¹ Na wo se m ka, “Kaaki jojo sam bo Nyeme ase ka bu bá tu mine barasu doɲgu, ni daanfie barasu doɲgu, ni nfemem doɲgu.”

11

Daanidifo nnyom jɔre

¹ Na ba fa deke be bo bu bita sunsun ama m, i ti ka kpama a, na ba se m ka, “Ko sunsun Nyeme Sereebiri Awuru n ni Mikun n yoowa yoobiri ni, na a kan minem bo bu wo nu do su Nyeme ni. ² Ama, má a sunsun awore n bo i bara yeeri Nyeme Sereebiri Awuru n kere na ba ta kobe abara aye i n buka su, dama ba fa nyini fofoe n ama minem bo bu su má Nyeme ni, na bu náti saaki Nyeme mie casi ni, sara aburana ni nnyo afien. ³ M súnma m daanidifo nnyom ni, na bu fá boto kara ka tani dee su, bo i kere ka bu wo ahoresaaki nu, na bu kán m noanie n kere minem, nyini cɛen akpii kun ni yaa nnyo ni aburasen n nu.”

⁴ Daanidifo nnyom ni, bere la ɲguinmbaa baka nnyom, ni fitana takaabiri nnyom bo bu jina Nyeme bo i dee la asien nyunu ni. ⁵ Sono kere bo i koro ka i yo bu sa be, sin fite bu nu nɔɔ nu ba yara bu kpɔfɔm. Nyini ti, nzen be ɲa i yo bu sa be, kabo i ti ye ni ka i wu lee. ⁶ Bu la yiko bo bu koro kanda nzue angoro na má nzue to, sanja bo bu wo Nyeme noanie n kan su ni, na bu la yiko bo bu koro ma nzuem kaaki mbunja, na bu kaaki la yiko bo bu koro ma alooba to durunya n nu, sanja kere bo bu koro.

⁷ Nzen bu ba diiri bu daani kaanri Nyeme jore n wiewi, na boro nengendore n bo i fite kunma n bo i ko ɲgongo na i la má awieeri ni kún lue ni bere, na i kúnma bu, na i kún bu. ⁸ Na bu fuin ká da mie bambaka n atin afien. Nyini mie n nufom sayoowa ti tie wo, nyini ti ye bu fa bu sunsun Sodomfom wara Ijipitifom n a. Nyini mie n nu ye minem kpamaari bu Mibie baka jaanu n su n a. ⁹ Bu fuin ni ká da bere lesan ni wie sin, na minem, ni daanfem, ni aniem, ni asienm kere bo bu wo durunya n nu, bu nu nbem sín na bu nie bu, na bu dú má su na be se bu. ¹⁰ Bu yiwee n dee ti, durunya n nufom síri taari, na bu gó agore, na bu cé bu bengum acerim, dama nyini Nyeme noanie kanfo nnyom bo ba wu n akere bu kere wuwuruwa.

¹¹ Lesan ni wie sin n dee sin, na Nyeme ayi i ɲumi bo i ma ɲɔɔ n ago bu ɲu, na ba yasú ajina, na sere ati sono kere bo bu ɲuuri bu ni. ¹² Na bere Nyeme noanie kanfo nnyom n ati akonvi bambaka be ka i jojo angoro nu, i ɲa, “Am fun bra angoro fen.” Na ba wura yinyingu n nu ako angoro, bu kpɔfɔm jina sunie bu. ¹³ Jina n nu bere na asien akpisi fanga su, na mie bambaka n kpaaki nu buru buekun afufu, na wo kun mine akpii nso, na sere ati minem bo bu kaari ni, na bu sukansi Nyeme bo i wo angoro ni.

¹⁴ To. Na nnyo su dee ahoresaaki n gusu asin, bo i to su nsan su ni suba kisa.

Awie nso su n jɔre

¹⁵ Na mereke nso su n akan i awie ni, na akonvim atien fanga su angoro n nu, bu ɲa, “Durunya n nu femeya kere fanga ti ya Micera ni Kristo Tiidefo n dee wo.

I dee femeya ni wó bere sanja kere a.”

¹⁶ Na nkpienkpien aburanyo ni nnam n bo bu tana bu femeya biem su Nyeme nyunu n ada bu nyunu su asiengu na bu subo tuntun Nyeme. ¹⁷ Bu ɲa,

“Ya Mi Nyeme Kpiri bo a la má aɲusu ni,
woɔ bo a wo bere na a yo woori bere ni,
ya da u asi, dama a de u yiko bambaka n
ye a sunie durunya n kere su a.

¹⁸ Durunya n nufom kere afa yaa,

ye sanƙa aju bo u gusu ahore ayasu,
na a dí minem bo ba wu n jore.

Na sanƙa n akaaki aju bo a tó u akwóm ñkato,
bere bo bu ti Nyeme nɔanie kanfóm ni,
ni u minem kere bo bu su u ni,
nfanƙafóm ni tarakam kere.

Ye sanƙa n akaaki aju bo a sáaki bere n bo bu saaki durunya ni.”

¹⁹ Na Nyeme Sereebiri Awuru n bo i wo angoro n ateke, na ma ñu Nyeme alaka n bo i kereeri ka wo fa sese su adi i di n ka i wo do, na nzue sukpese na i sutientien, na i suyo nanmie, na asien sukpisi, na nzue yabue ngbingbiri sutoto.

12

Bara ni Sitana n deε jore

¹ Na alekutura sa be ayo angoro do. Bara be awo do, wo fa wie akara ka tani deε su, na sara gusu awo i jaa bu, asarambaa buru ni nnyo butu i tii ka femeya kere deε su. ² I bita akunnu, na baawu yaari afa i na i subo awie.

³ Na alekutura sa be gusu ayo angoro do, m ñuuri woo tie kókore bambaka be, i tii ti nso wo, na i la mbie buru, femeya kere nso butu atii nso kun kun n kere su. ⁴ Na wo fa i lo abaandi asarambaam kpaaki nu nsan buekun aji asienggu. Na wo ba ajina bara n nyunu, adena i wuuri baa n na i kaba fa baa n mi. ⁵ Na bara n awu baabieso, bo i bá nie daanfie daanfitem kere su, na i bita bu kekereke kabo nanƙasi fa bulaari koroma tu bo i naanim barasu ni. Na ba fa baa n ako yiri Nyeme ni, i femeya tanaabiri n do. ⁶ Na bara n anmati ako boro kpantain awore be nu, bo Nyeme aseε i su ama i na bu sunie i dika haari ko ju ceen akpii kun ni yaa nnyo ni aburasen.

⁷ To, na Nyeme mereke Mikali ni i jamam, ni woo tie ni i deε jamam sukun lue ni bu benggu angoro. ⁸⁻⁹ Ama, na Mikali ni i deε jamam n akunma woo tie n ni i deε jamam ni, na ba fon bu afite angoro, ba nya má woobiri do kun. Na ba fa woo tie bambaka n ni i deε jamam n kere aji asienggu. Yiri ti dada deε woo tie n a, yiri la Sitana, bu kaaki fere i ka Dadakafo, yiri dadaka durunya n nufom kere n a.

¹⁰ Na ma ti akonvi bambaka be ñga ka i sutien fanƙa su angoro. I ña,
“Kisa, ya ñu kabo ya Nyeme n la fanƙa na i de i minem tii ji,
na i di i femeya ni.

Kisa, ye Kristo Tiidefo n akere i yiko a,
dama ba fon ayi Sitana angoro aji durunya n nu fen,
yiri bo i ti saakifo na i jina Nyeme nyunu
na i jaraki ya ninbaam kongue ni wiesu ni.

¹¹ Bombaa n deε mbunja, ni bu daani diiwa
ye bu fa kunmaari i a,

ba soro má bu yiwee,
bu soroori su wo, ka bu wu.

¹² Nyini ti, angoro ni ambere kere
bo am wo angoro ni,

am ma am ahore jo,
dama Sitana la má am fanƙa kun.

Ama, ahoresaaki bá to asien n ni tieku n su,
dama Sitana ajura am do.

Yaa ti i agaya,
dama i si ka i sanƙa sunnu má kun.”

¹³ Sanƙa bo woo tie n ñu ka ba yi i angoro aji asienggu ni, na wo nya ñmati afon bara n bo i wuuri baabieso n ka i tara i. ¹⁴ Ama, na Nyeme ama bara n kajiri bambaka lanƙpete nnyo, adena i tu ko boro kpantain n awore n bo wo sese su ama i ni, na i nie i dika afo nsan ni kpaaki nu, na má woo tie n tu i. ¹⁵ Na woo tie n apuuti nzue afite i nco nu ka wombu nzue deε su, na má i so bara n ko. ¹⁶ Ama, na asien n ade bara n aji, i kpaaki nu nnyo o, na nzue n bo i sojgi fiteeri woo tie n nco nu n awura asien bu, nyini ti, nzue n atu má bara ni. ¹⁷ Woo tie n atu má bara n deε ti, na yaa ati i agaya, na wo kaaki ka i ko kun lue ni bara n busu nufom, bo ba de Nyeme nɔanie maawam n na bu di daani ni Yesu labari kpa n ni. ¹⁸ Na woo tie n ako ajina tieku n nco su.

13

Boro nengdore nnyom jore

¹ Na ma ŋu boro nenggendore be ka i sufite tieku n nu, i la atii nso wo, na i mbie ti buru, mbie n kere butu femeya kere, ye duma kerewa be bo i kpie Nyeme nzuko n wo atii kun kun n kere su. ² Boro nenggendore n bo m ŋuuri i n ti ka awoba a, ama, i jaa ti bambaka, na i la fanja, na i nco ti ka jara dee. Woo tie n afa i dee yiko, ni i femeya, ni i fanja afa ama i. ³ Na ma ŋu ka ba kpie boro nenggendore n kun tii, i ti ka ba kpie i kom wo, ama, kani n awie, na wo yo durunya n nufom kere alekutura na bu susu i su. ⁴ Na bu kere sukutu na bu su woo tie ni, dama wo fa i yiko ama boro nenggendore ni, na bu sukutu na bu su boro nenggendore n gusu, na bu suse ka, “Ŋma ti ka boro nenggendore n a? Ŋma ni yiri koro kun lue na i kunma i a?”

⁵ Na ba ma boro nenggendore n atin ka i jojo kpiri koroya jooori, na i jojo wura Nyeme ngasi nu, na ba ma i atin ka i la yiko haari sara aburana ni nnyo. ⁶ Na i jojo sukpie Nyeme nzuko, na i susaaki i duma ni i dika ni, ni bo bu wo Nyeme dika n nu angoro n kere. ⁷ Na wo nya yiko ka i kun lue ni Nyeme minem na i kunma bu, na wo kaaki anya yiko na i nie adamande kere, ni daanfie kere, ni aniem kere, ni asien barasu kere bo bu wo durunya n nu. ⁸ Minem kere bo bu wo durunya n nu ni su i wo, ma ka minem n bo ba du mo akere bu duma ago ngoo kadasi n nu, na durunya n boori i bu ni. Kadasi n ti Bombaa n bo ba kpie i kom n dee wo.

⁹ Sono kere bo i koro ka i ti ahin jore n bu, i ti ye ni ka i mi so i sui na i ti.

¹⁰ “Sono kere bo Nyeme ase ka bu wura i dansaraka,

bu wura i wo,

na sono kere bo Nyeme ase ka bu kun i ni takobe,

bu kun i wo.”

Nyini dee ti, i ti ye ni ka Nyeme minem fa sawore ni mindi ni yarada na bu fa su Nyeme.

¹¹ Na ma ŋu boro nenggendore n be bekun ka i fite asien n nu, i la mbiem nnyo, bu ti kabo Bombaa dee ti n wo, ama, i jojo kabo woo tie n jojo n wo. ¹² I jina bumboori dee boro nenggendore n jinaabiri wo, na i la i yiko n kere, na i sumie durunya n nufom kere ka bu su bumboori dee boro nenggendore bo ba kpie i tii ni, i ti ka ba kpie i kom wo, ama, kani n awie. ¹³ Na boro nenggendore nnyo su n ayo alekutura sam beberebe, na i ma sin fiteeri angoro ba tooi asienju wo, na minem anju i. ¹⁴ Alekutura sam n bo i nya yiko yoori bu bumboori dee boro nenggendore n nyunu n dee ti, na wo dadaka durunya n nufom. Na wo se bu ka bu ta amoe na i ferema ni boro nenggendore n bo bu faari takobe fondoori i ni, ama, i toko la ngoo. ¹⁵ Na boro nenggendore nnyo su n anya atin, na wo ma amoe nuni, na wo nya ngoo na i koro jojo na i koro kun minem kere bo ba kete ka bu su ma i ni. ¹⁶ Na i sumie mine barasu kere, nfangafom ni tarakam, nengefom ni yaarifom, minem bo ba de bu tii, ni akoom, na wo ma ba se bu nyaari bu saa fomboro wara bu numa su. ¹⁷ Sono kere bo i la ma nyini nyaari seewa n be, koro to ma deke be na i kaaki koro to ma deke be gusu, dama nyini nyaari seewa n ti boro nenggendore n duma, wara i duma lamba.

¹⁸ Sono koro si ma boro nenggendore lamba n bu, ma ka i mi la alecira, i ti adamande duma a. I lamba n ti yaa nsen ni aburasen ni nsen wo.

14

Bombaa n ni minem bo wo de bu tii aji n jore

¹ Na ma nie anju Bombaa n ka i jina Siyon Buka n su. Mine akpii yaa ni akpii aburana ni nnam wo i do. Bere ye ba kere Bombaa n ni i Si Nyeme duma ago bu numa su n a. ² Na ma ti ka mine nbem sudi jue angoro, i yo nanmie kabo nzue songi na i yo nanmie n wo, na i yo kabo nzue tientien na i yo nanmie ni, na i sun kabo bu bo bieku na i sun barasu ni. ³ Na mine akpii yaa ni akpii aburana ni nnam n jina femeya bie n nyunu, ni nenge ngoofo nnam ni, ni nkpienkpienn n nyunu, na bu sudi jue fofore. Be wo ma bere bo i koro sonson i, ma ka bere ngumi bo Nyeme ade bu afite durunya n nufom n nu ni. ⁴ Bere la minem n bo bu ni bara be ada ma, na bu ti casi ni. Bere la bo deke kere bo Bombaa n ko na bu su i su ni. Bere ye Nyeme ade bu tii aji afite durunya n nufom nu n a, na ba yo i ni Bombaa n dee ciciri su minem. ⁵ Kore be mmoo wo ma bu nco nu. Na bu kaaki la ma ngasi be.

Mereke nsann jore

⁶ Na ma ŋu mereke be bekun ka i wo tu su angoro, na i sukan labari kpa n bo i la ma awieeri n jore kere adamande kere, ni daanfie kere, ni aniem kere, ni asien barasu kere bo bu wo durunya n nu ni. ⁷ Na mereke n aye i konvi su atien fanja su agaya ase ka, “Am soro Nyeme na am wura i kpiri, dama sanja n aju bo i di minem jore. Am su Nyeme bo i yiiri angoro ni asien, ni tieku ni nzue ni.”

⁸ Na mereke nnyo su n afite asu ciciri dɛɛ n su, na i suse ka, “Wɔ kpaasi, Babilon mie kpiri n akpaasi, yiri bo i maari durunya n nufɔm kere nuuri i nzan n na bu yoori sa ngbɛɛngbɛɛn ni.”

⁹ Na mereke nsan su n afite ago ciciri dɛɛm su. Na i sujojo faŋga su suse ka, “Sɔno kere bo i suuri boro nengendɔre n ni i amɔɛ ni, na wɔ se bu nɔma su wara bu saa fɔmboro su n nyaari, ¹⁰ Nyeme fá yaa bu nɔ, na i cin bu sui agaya, na i má sin ni ferewita tɔ bu nɔ na bu dí wahara agaya, i mereke casim n ni Bɔmbaa n nyunu. ¹¹ Na nɔmisini sufite nyini sin n bo i kere bu wahara n nu kɔ angoro sanɔa kere, i la má awieeri. Minem kere bo bu suuri boro nengendɔre n ni i amɔɛ n na wɔ se bu nyaari ni, bu nya má nɔmiiyi, kongue ni wiesu kere.”

¹² Nyini ti, i ti ye ni ka Nyeme minem la mindi, bere bo bu de i nɔanie maawam ni, na bu bita bu yarada n kenken fa kɔ Yesu dɔ ni.

¹³ Na ma ti ka akonvi be sujojo angoro suse m ka m kere ka, “Terefie wo minem n bo bu suuri Mibie n na bu wuuri n dɔ fite kisa fa kɔ.”

Na Nyeme Awiewie Casi n asoro su ka, “I ti nahore wɔ, bo ba wu ni, bu yí bu nɔmi, bu nkatɔ ye bu sudi i n a, dama bu sakpayo su bu su a.”

Kabo Nyeme dí durunya n nufɔm kere jɔre ni

¹⁴ Na ma nie anɔ yinyingu fofoe be angoro n su, be tana su, i ferema ni adamande wɔ, i butu sika femeya kere, i bita goroku nana i saa nu. ¹⁵ Na Nyeme mereke n be bekun afite Nyeme Sereebiri Awuru bo i wo angoro n nu, na i sutien faŋga su suse yiri n bo i tana yinyingu n su ka, “Durunya n nu alembaa n abi, fa u goroku n fa wura nu na a kpie i, dama sanɔa n a ju.” ¹⁶ Na yiri n bo i tana yinyingu n su n afa i goroku n ada awura durunya n nu na wɔ kpie alembaa ni.

¹⁷ Na mereke n be bekun afite Nyeme Sereebiri Awuru bo i wo angoro n nu, i gusu bita goroku nana be.

¹⁸ Na mereke n be bekun bo i nie sin su afite Mikun yoowa yoobiri n dika, na wɔ tien faŋga su ase nyini mereke n bo i bita goroku n ka, “Fa u goroku n fa kpie durunya n nu baka suuwam gɔ, dama baka suuwa n aboro.”

¹⁹ Na mereke n afa i goroku n ada awura durunya n nu akpie baka suuwam n kere atien bu nɔɔ ago kunma bambaka n bo bu miemie yiiri baka suuwa nzue n nu ni. Nyini kere kabo Nyeme ahorembaa ayasu na i cin minem sui. ²⁰ Na ba tientien baka suuwa n su, kunma bambaka n bo i wo mie n aheme n nu, na mbunja asonɔi afite kunma n nu. Nzen kpɔngɔ wura nu, na i kɔ se ka wɔ dodo ngɔngɔ dika, i tii nyaari nɔgumi kɔ ka. I tintiin gusu waari agaya.

15

Merɛkam bo bu bita awieeri su kekereke ayaba nsom jɔre

¹ Na ma nɔ alekutura sa bambaka be angoro, ka Nyeme mereke nso nbem bita kekereke barasu nso n bo bu ti awieeri su dɛɛ ni. Nyini kekereke n dɛɛ sin, Nyeme fá má yaa kun.

² Na ma nɔ deke be, i ti ka nzue bambaka a, i je ka nieɛnu wɔ, wɔ sanɔa ni sin. Na ma nɔ minem bo ba kunma boro nengendɔre n ni, ba kɔ ayaki i ni i amɔɛ n ni i duma lamba. Bu jina tieku n bo i je ka nieɛnu n su, bu bita bieku n bo Nyeme afa ama bu ni. ³ Na ba di Nyeme akɔɔ Moyisi ni Bɔmbaa n dɛɛ jue, ka,

“Ya Mi Nyeme Feme Kpiri,

wɔɔ ti adamande kere feme durunya n nu a.

U sayoowa ti bambaka na i ti alekutura.

U sayoowa kere kɔ atin su wɔ, na i ti nahore.

⁴ Micera, nɔma wo bere bo i soro má u a,

na i wura má u kpiri a?

Dama wɔɔ nɔgumi ti casi a.

Adamande kere bo bu wo durunya n nu,

bu bá kutu u na bu kánsi u,

dama u nahore sam n afite fofoe nu.”

⁵ Nyini sin, na ma nɔ Casi Kere Casi Sɔɔ n bo i wo Nyeme Sereebiri Nambue n nu, na i wo angoro n ka bu suteke i. ⁶ Na mereke nsom n bo bu bita kekereke nsom n afite Nyeme Sereebiri Awuru n nu, bu wura sutura fofoe papasi, ba fa sika dambara abo bu hoe su. ⁷ Na deke ngɔɔɔ nnam nu kun, afa sika ayabam n nso afa ama Nyeme mereke nsom n ni. Ayabam n ayi ni Nyeme ahorembaa yasu, bo i kere ka Nyeme bo i la ngɔɔ na i la má awieeri n afa yaa agaya. ⁸ Na Nyeme yiko ni i jirima woowa n ama Nyeme

Sereebiri Awuru n ayi ni n̄misini, bo be akoro awura má awuru n nu, fa kɔ ju sangga bo mereke nsom fa kekereke nsom n fa jiiri durunya n nu n kɔ wieeri.

16

Ayabam bo bu kere ka Nyeme afa yaa n jore

¹ Na ma ti akonvi bambaka be nga Nyeme Sereebiri Awuru n nu, i sujɔjɔ mereke nsom dɔ, i ɲa, “Am kɔ na am kɔ kaaki Nyeme ahore yasu ayaba nsom n gɔ durunya n nu.”

² Na mereke ciciri su n akaaki i ayaba n ago durunya n nu, na kani tiem, bo bu yo ya agaya, akpɛ minem bo bu la boro nengendɔre n nyaari seewa n na bu su i amɔe n ni.

³ Na mereke nnyɔ su n akaaki i ayaba n ago tieku nzue n nu, na tieku nzue n akaaki ka sɔnɔ bo wɔ wu mbunja. Na deke ngɔɔfɔ kere bo bu wo tieku n nu awu.

⁴ Na mereke nsan su n akaaki i ayaba n ago kunmam nzue ni buram nzue nu, na i kere akaaki mbunja. ⁵ Na ma ti ka mereke n bo i niɛ nzue n su n ase ka,

“Nyeme, wɔrɔ ti casi a,
wɔrɔ bo a wo bere na a yo woori bere ni,
kabo a cin minem sui sɔ ni,
u sayoowa akɔ atin su.

⁶ Dama ba kun u dɛɛ minem, ni u nɔanie kanfɔm
na bu mbunja afite,

ye u gusu ama bu nzuem n akaaki mbunja na bu nu.
I ti ye ni ka a yo bu sɔ ɔ.”

⁷ Na ma ti akonvi be nga ka i fite Mikun yoowa yooberi n bi, i ɲa,
“Ya Mi Nyeme Feme Kpɛri,

kabo a di bu jɔre ni, i ti nahore wɔ, na i kɔ atin su.”

⁸ Na mereke nna su n akaaki i ayaba, n ago wie n ɲu, na Nyeme ama i kekere agaya suyara minem ka sin dɛɛ su. ⁹ Na sin n kekere ayara minem, na ba kpɛ Nyeme nzuko, yiri bo i la yiko na i ma bu di nyini wahara ni, na ba kete ka bu kaaki má bu wo na bu ma i jirima.

¹⁰ Na mereke nnu su n akaaki i ayaba n ago boro nengendɔre n femeya bie n su, na i femeya asien n kere asi biri didiki. Na minem sukan bu saa, yaari n ti. ¹¹ Kambue n ni yaari n bo i wo bu ɲu n dɛɛ ti, ye bu sukpɛ Nyeme bo i wo angoro ni nzuko a, haari ni nyini mmɔɔ, ba kaaki má bu wo na bu yaki bu satie ni.

¹² Na mereke nsen su n akaaki i ayaba n ago kunma kpɛri n bo bu fere i ka Yufarati n su, na nzue n kere anu, na wɔ kpɛ atin ama nfemem bo bu fite wie afiiri ni. ¹³ Na ma ɲu awiewie tie nsan nbem, bu ti ka pontirim wɔ, kun sufite woo tie n nɔɔ nu, kun sufite boro nengendɔre n nɔɔ nu, na kun gusu sufite sɔnɔ bo wɔ yi i ɲu ka i ti Nyeme nɔanie kanfɔ n nɔɔ nu. ¹⁴ Bu ti Sitana dɛɛ awiewie barasu nbem wɔ, na bu suyo alekutura sam, na bu kɔ durunya n nu nfemem kere dɔ kɔ tien bu nɔɔ, na bu cici lue n̄minda ya Mi Nyeme Feme Kpɛri n jina cɛɛn.

¹⁵ Ya Mi Nyeme ɲa o, “Am ti fen, m ba ni yó am fura nu ka awiefɔ dɛɛ su wɔ, terefie wo sɔnɔ kere bo i n̄minda fa kɔ m ba n dɛɛ su, i fa má i ɲu ti má, na i wura i sutura, adena má i nati i bu ngbɛɛn, na má mine ɲu i, na nyinse ti i.”

¹⁶ Na Sitana awiewiem n atien nfemem nɔɔ dika n bo bu fere i Hiburu anie nu ka, Amagedon n ni.

¹⁷ Na mereke nso su n akaaki i ayaba n ago aɲuma n nu. Na akonvi bambaka be ajojɔ afite femeya bie n nu, Nyeme Sereebiri Awuru n nu, i ɲa, “Wɔ yo awie.”

¹⁸ Na nzue sukpekpeɛ, na i sutientien, na i suyo naɲmie, na asien sukpisi fanga su. Kabo Nyeme yiiri adamande ni, be nya ɲu má nyini asien kpisiwiwa n ɲusu sɔ. ¹⁹ Na mie kpɛri n ati nu nsan, na miem kere bo bu wo durunya n nu n atoto, dama Nyeme atenge Babilon mie kpɛri n jɔre su, nyini ti ye wɔ fa yaa i ɲu, sucin i sui n a. ²⁰ Na lui bambakam kere bo bu da nzue afien, ni bukam kere amini. ²¹ Na nzue yabuɛm sutoto minem ɲu, i kun kun nɔnɔɔri la ɲma. Na minem sukpɛ Nyeme nzuko, dama nzue yabuɛ n bo i toto ni sukere bu wahara agaya.

17

Bara sakara n jore

¹ Na Nyeme mereke nsom n nu kun, bo i bita ayaba nsom n nu kun, aba m dɔ, aba ase m ka, “Bra fen, na m kére u kabo Nyeme cin bara sakara tie n sui ni, yiri bo i tana kunma nzue beberebem n su ni. ² Yiri ye durunya n nu nfemem akpini i afa ayo bu

soma, na wɔ fa i sakaraya asa durunya n nufɔm kere, na bu gusu akpini i afa ayo bu soma.”

³ Na Awiewie Casi n dɛɛ yiko nu, na mereke n afa m ako boro kpantain nu. Na ma ŋu bara be ka i tana boro nengɛndɔre kɔkɔre be su, duma kerɛewa nbem bo bu kpɛ Nyeme nzuko n wo boro nengɛndɔre n ŋuniɛ kere su. I la atii nso, na i mbie ti buru. ⁴ Bara n adi sunguruya anyɔnyɔndi i ŋu, i wura sutura kɔkɔre nyunyumi, na wɔ wura i kom, ni i saam, ni i suim jɔrɔkom, ni lalankundim, ni afere nyunyumim, ni sikam, ni afere fofɔem bo bu la go agaya. I bita sika kɔpu i saa nu, wɔ yi ni dangba ni i sayoowa ngbɛɛngbɛɛn n wɔ. ⁵ Ba kere i asiri nu duma i ŋuma su, nyini duma n bu la ka, Babilɔn mie kpiri, bo i ti sakaram kere ni, na i kaaki ti saa ngbɛɛngbɛɛn yofɔm kere bo bu wo durunya n nu n ni. ⁶ Na ma ŋu ka bara n anu Nyeme minem mbunja abo, ni minem bo bu di Yesu daani n dɛɛ ti na ba kun bu ni gusu mbunja abo.

M ŋuuri i sɔ ni, na wɔ yo m alekutura. ⁷ Na mereke n abisa m ka, “Nzu ti ye a ma wɔ yo u alekutura? M kere u asiri nu jɔre bo i wo bere fa ko bara n ni boro nengɛndɔre n bo bara n tana su, na i la atii nso ni mbiɛm buru ni. ⁸ Boro nengɛndɔre n bo a ŋuuri i ni, ti deke bo i yo woori bere wɔ, ama, kisa i wo ma bere kun. Wo ka kaan na i fite kunma ngɔngo n bo i la ma awieeri n nu, na i kɔ di wahara na i ka ngbɛɛn. Na durunya n nufɔm bo bu duma wo ma ngɔɔ kadasi n nu, fite sangba bo Nyeme nya yi ma durunya ni, bu ba ŋuuri i, i yɔ bu alekutura, dama i yo woori bere, ye kisa, i wo ma bere kun, na i ba kaaki ba cɛɛn be.

⁹ Nyini dɛɛ ti, sɔnɔ kere fa i alecira ni sunsunni na i ti ahin jɔre n bu. Boro nengɛndɔre n tii nso n ti buka nso bo bara n afun atana su wɔ. Bu gusu kaaki ti nfemem nso wɔ. ¹⁰ Bu nu nnu akpaasi, nsen su n toko wo bere, nso su n nya ba ma, ama, i ba baari, i ce ma, i femeya ni kpaasi wɔ. ¹¹ Boro nengɛndɔre n bo i yo woori bere, ama, kisa i wo ma bere kun ni, yiri ti feme n bo i buka su mocue su n a, ama, i ti nfeme nsom nu kun wɔ, na i kɔ di wahara na i ka ngbɛɛn.

¹² Mbie burum bo a ŋuuri bu n ti nfeme burum bo bu nya di ma femeya, ama, bu nya yiko na bu di feme buka boro nengɛndɔre n su sangba kaan sɔ. ¹³ Nyini nfeme burum n yɔ bo nookun, na bu fa bu fanga ni bu yiko kere na bu fa ma boro nengɛndɔre ni. ¹⁴ Bu kɔn lue ni Nyeme Bombaa ni, ama, i ni i minem ni kɔnma bu, dama yiri ti mibiɛm kere Mibie, na i ti nfemem kere Feme. I minem bo bu wo i dɔ n la bo wɔ fere bu ni, ni bo wɔ yi bu na bu jina i sin nahɔre su ni.”

¹⁵ Na mereke n ase m ka, “Kunmam nzue n bo a ŋuuri i ni, na bara sakara n tana su ni, ti durunya n nu minem, ni durunya n nu asien barasu barasu kere, ni daanfie kere wɔ lee. ¹⁶ Mbie burum bo a ŋuuri bu ni, ni boro nengɛndɔre ni, bu ba kpo bara sakara ni, bu de i nengge kere na i ka i bu ngbɛɛn, na bu di i juniɛmbaa kere, na bu yara bo wɔ ka n sin. ¹⁷ Dama Nyeme maari bu yoori kabo i koro a. I maari bu yoori bu nookun na bu fa bu femeya n kere buka boro nengɛndɔre, na i di femeya n ko ju sangba bo Nyeme noanie ni ba yo yiiwa ni.

¹⁸ Bara n bo a ŋuuri i n la mie kpiri n bo i ti durunya n nu nfemem kere tii n a.”

18

Kabo Babilɔn mie kpiri n kpaasi barasu ni

¹ Nyini sin, na ma kaaki anu mereke be ka i fite angoro sujura, i la yiko agaya, na i woowa n ata wein abara aye durunya n kere. ² Na wɔ ye i konvi su atien fanga su ka, “Wɔ kpaasi. Babilɔn mie kpiri n akpaasi.

Wɔ kaaki awiewie tiɛm, ni ajinim,
ni deke ngbɛɛngbɛɛnm,
ni anuma tiɛm woobiri wɔ.

³ Dama durunya n nufɔm kere nuuri i nzan
ye bu kɔori somaya yiri dɔ a.

Na durunya n nu nfemem kere ko kpiniiri yiri yoori bu soma.

Na kabo i la ajeke na i koro tara ma i ŋu ni,
durunya n nu watafɔm gusu nya bu ajeke fite i dɔ ɔ.”

⁴ Na ma kaaki ati akonvi be nga bekun, ka i sujojo angoro n nu, i ŋa,
“M minem, am fite mie n nu,

na ma am yo bu satie yoowa n be,
na ma wahara n bo i suba bu dɔ n tu am.

⁵ Dama mie n nufɔm satie yoowa n aju Nyeme dɔ angoro,
na i wara koro fi ma bu satie yoowa n sa.

⁶ Sam bo bara n yoori bu ni, yo i gusu sɔ,

tó i kaari i ɲusu nnyo.

Ma i ɲu kekereke tara kabo i yo ma minem ɲuuri kekereke ni.

⁷ Kabo i yo wurari i ɲu kpiri na i diiri i tii barasu ni,

kere i kekereke na i ahore gusu saaki so.

Dama i ɲa, ‘Ma di femɛ, m ti má kunafo,

m ahore saaki má cɛɛn be.’

⁸ Nyini dɛɛ ti, lekun ye kekereke bá tó i ɲu a.

Yiri la tukpaki, ni ahoresaaki, ni ahɔɛ.

Na sin yára i,

dama Mícɛra Nyɛmɛ n bo i cin i sui n la yiko agaya.”

⁹ Na durunya n nu nfemem bo bu kó kpiniiri i na bu ni yiri diiri bu tii ni, bu ɲu kabo sin je i, na bu ɲu kabo ɲmisini yasu kó angoro barasu, na bu sún, na bu bó awie.

¹⁰ Kekereke n bo wó tu i n dɛɛ ti, i ma bu sere wó, na bu jina dede, na bu nya suse ka, “Keto, keto, am niɛ ahin miɛ bambaka ni.

Babilon bo i ti miɛ kpiri n lee

ye ba kaba acin i sui, ye i kɛɛɛ aka ɲgbɛɛn,

anyumbaa kata ni i teke n nu bɛɛɛ n a.”

¹¹ Na watafom bo bu wo durunya n nu ni susun, na bu sukoko miɛ ni, dama be to má bu gɔɔri n kun. ¹² Be to má bu sika, ni jete, ni afere barasu nbem bo bu yo nyumi na bu la gɔ ni. Be to má bu suturam barasu barasu bo bu yo nyumi na bu la gɔ ni. Be to má bu bakam bo bu fa yo biɛ kpakpam ni, ni bu ayaba barasu kɛɛɛ bo bu fa sui jee yo bu ni, ni deke kɛɛɛ bo bu fa baka fa sense bu, ni deke kɛɛɛ bo bu fa jawii bulaari, ni yabue fa yo bu na bu la gɔ agaya. ¹³ Be kaaki to má bu toro neɲge barasum bo bu la nvanvani, ni ayiri kunkuunwa nvanvani, ni baka nyunvuin nvanvanifo, ni nzan, ni ɲguin, ni kpono samene, ni diire, ni naanim, ni nbɔɛm, ni kponɲom, ni kponɲo torokum, ni akɔɔm, ni domuem. ¹⁴ Na watafom n ase i ka,

“Dekem bo a yo koro bu agaya n kɛɛɛ

anmati ayaki u,

u ajekɛm, ni u neɲge kpakpam kɛɛɛ bo a la bu

ako ayaki u,

a nyá má i be kun.”

¹⁵ Watafom bo bu yoori neɲgefom nyini miɛ n dɛɛ ti ni, bu kó jina dede wó, dama sere ti bu fa kó kekereke n bo wó tó miɛ n nu ni, na bu ahore saaki agaya na bu sun. ¹⁶ Na bu se ka,

“Keto, keto, am niɛ ahin miɛ bambaka ni.

I yo kara sutura barasu barasu nyunyumi,

na i la sika jorokom,

ni aferem barasu barasu

bo bu yo nyumi na bu la gɔ agaya ni.

¹⁷ Nyini neɲge n kɛɛɛ akaba aka ɲgbɛɛn,

anyumbaa kata ni i teke n nu bɛɛɛ n a.”

Na lee bambaka kanfom, ni leefom, ni lee wurafom, ni bo bu juma nati tieku nzue n su n kɛɛɛ ako ajina dede. ¹⁸ Na bu jina niɛ kabo miɛ ni suje sin barasu na ɲmisini yasu kó angoro ni, na bu bo awie se ka, “Miɛ bono wo bɛɛɛ bo i ju ahin miɛ bambaka n a?”

¹⁹ Na bu susasa tuturi gɔ bu tii su na bu kere ka bu ahore asaaki agaya, na bu susun, na bu suse ka,

“Keto, keto, am niɛ ahin miɛ bambaka n ni.

Dama minem kɛɛɛ bo bu la lee bambakam na bu juma nati tieku nzue n su n

nya bu neɲgem fite nyini miɛ n dɛɛɛ ajekɛ n nu wó.

Ye wó kaba aka ɲgbɛɛn,

anyumbaa kata ni i teke n nu bɛɛɛ n a.

²⁰ Ambere bo am wo angoro nu,

ni Nyɛmɛ minem, ni Yesu jaramasam, ni Nyɛmɛ noaniɛ kanfom,

am ma am ahore jo

fa kó kabo miɛ kpiri n aka ɲgbɛɛn barasu bɛɛɛ ni,

dama Nyɛmɛ subisa i nɔɔ nu ma am a.”

²¹ Na Nyɛmɛ merɛke fanɲafo be n afa yabue bambaka, na wó fa atu aji tieku nzue n nu, na wó se ka,

“So ye Nyɛmɛ fá Babilon miɛ kpiri n

fa ji wuum a,

na i busu be bá ɲu má.

²² Be ti má deke be ɲga miɛ n nu kun,

i bieku kanfo o, i jue difo o, i tere kanfo o, ni awie kanfom.
Na jumayofo barasu be mmoo gusu wo ma mie n nu kun,
be ti ma ngani san yabue be nga mie n nu kun.

²³ Na fitana haari kun n kpein

je ma mie n nu ceen be na be nu i.

Be ti ma konya ni konyafan kuyigindi nga mie n nu kun,

dama watafom bo bu yo wo nyini mie n nu

yo ti nfangafom wo durunya n kere nu,

na mie nufom yo boboyaya sam dadaka durunya n nufom kere.

²⁴ Nyeme acin mie n nufom sui a,

dama bere yo kuunri Nyeme minem, ni i noanie kanfom n a,

ni minem kere bo ba kun bu durunya n nu ni, bere yiiri bu mbunja.”

19

¹ Nyini sin, na ma ti akonvi be nga angoro, ka jama beberebe akonvi, bu na,

“Haleluya, ya kansi Nyeme,

ya Mi Nyeme n ama ya nya tiide a,

yiri ti kpiri ni yikofa a.

² I di jore ni i atin su, ni nahore wo.

Wo di bara sakara n jore,

yiri bo i maari durunya n nufom kere kpini nbaram

na bu ko somaya

na bu yo sa ngbreenngbreenm kere,

na wo cin i sui, dama yiri yo kuunri Nyeme akoom n a.”

³ Na jama n bo bu wo angoro n akaaki aye bu konvi su atien ase ka,

“Haleluya.

Sin n bo i sudi mie ni nmisini n suyasu suko angoro

haari ni sangha bo i la ma awieeri.”

⁴ Na nkpienkpien aburanyo ni nnam, ni deke ngoofo nnam sukutu sukansi Nyeme bo

i tana femeya bie n su ni, na bu se ka,

“Ami. Haleluya.”

Nyeme Bombaa n konyaya jore ni

⁵ Na akonvi be afite femeya bie n nu, i na,

“Ambere Nyeme akoom kere,

tarakam ni nfangafom,

bo am soro Nyeme ni,

am kere kansi i duma.”

⁶ Na ma ti akonvi be nanmie nga, i ti ka jama beberebe suyo nanmie wo, na i yo

nanmie, kabo nzue songi na i yo nanmie ni, na i kaaki ti kabo nzue tientien na i yo

nanmie ni, i na,

“Haleluya,

Ya Mi Nyeme Feme Kpiri n

adi i femeya n kisa.

⁷ Am ma ya ahore jo na ya yo ya kunnu koroowa,

na ya wura i kpiri,

dama sangha n aju bo Bombaa ni ja i konya ni,

konya n gusu ase se i nu su nminda i.

⁸ Nyeme ama i sutura casi fofoe papasi ka i fa kara.”

Sutura fofoe papasi n la Nyeme minem sakpa yoowam ni.

⁹ Na mereke n ase m ka m kere ka, “Terefie wo minem bo Bombaa n abaandi bu ka

bu ba di konyaya diire n be i do.”

Na wo kaaki ase ka, “Ahin noanie ti nahore wo, i fite Nyeme do o.”

¹⁰ Na ma kutu i jaa bu asienngu ka m su i, na wo se m ka ma m yo so, ama, m kansi

Nyeme ngumi. Na wo kaaki ase m ka, “M ti u bengu akoo, ni u ninbaam bo bu di Yesu

daani kere mine n be wo.” Jore n kere bo Nyeme noanie kanfom kaanri i ni, bu diiri

ahin Yesu n daani wo.

Sono n bo i fun kpengga fofoe n jore

¹¹ Na ma nu ka angoro ateke, kpengga na ma nu kpengga fofoe be, bu fere bo i tana

su n duma ka, Bo i la Dabuju ni Nahorefo, i di minem jore kabo i ti ye ni ka i di bu

nahore su wo, na i kun i lue ni nahore su. ¹² I nyumbaa kere je ka sin fofoe, na i butu

femeya kere beberebe i tii su. Duma kereewa be mata i, be si ma nyini duma ni, ma

ka yiri ngumi si a. ¹³ I wura sutura yorom barasu be bo ba fa i awura mbunja nu, na bu fere sɔnɔ n duma ka Nyeme Noanie. ¹⁴ Na Nyeme sojam bo bu wo angoro n fun kpɔngɔ fofoe su i su, bu wura sutura casi fofoe papasi. ¹⁵ Takobe nana bo i fá kunma durunya n nufom wo i nɔɔ nu, na i bita bu kekereke kabo nanƙasi fa bulaari korɔma tu bo i naanim barasu ni, na i tiéntien bu su kabo bu fa baka suuwa gɔ kunma nu na bu miemie yi i nzue ni, dama Micera Nyeme Kpiri n afa yaa agaya. ¹⁶ Ba kere i duma i sutura n su, ni i jaa soowa su ka, "Nfemem kere Feme ni mibiem kere Mibie."

¹⁷ Na ma ɲu mereke be ka i jina wie n su, na wo ye i konvi su atien fanga su ase anumam kere bo bu tu angoro na bu di nie n ka, "Am bra na am ba tien am nɔɔ na am di ahin diire beberebe n bo Nyeme sufa ma am ni, ¹⁸ am ba di nfemem ɲuniembaa, ni sojam nkpienm ɲuniembaa, ni nfangafom ɲuniembaa, ni kpɔngɔ nie, ni minem bo bu fun kpɔngɔm n ɲuniembaa, ni adamande barasu kere ɲuniembaa, bo bu ti akɔɔm ni bo ba de bu tii, ni bo bu ti mine ngbingbirim, ni bo bu ti mine kan kanm ni."

¹⁹ Na ma ɲu boro nengendore n ni durunya n nu nfemem, ni bu sojam, ka, ba tien bu nɔɔ acici na bu kun lue ni yiri n bo i tana kpɔngɔ fofoe n su ni, ni i jama nbaam. ²⁰ Na ba tara boro nengendore n ni korɔfo n bo i yo i ɲu ka i kan Nyeme noanie ni. Yiri yo yoori alekutura sam boro nengendore n nyunu, na wo dadaka minem bo bu deeri boro nengendore n anyaari seewa na ba su i amɔe ni. Na ba fa boro nengendore n ni korɔfo n ni nu ngɔɔ aji sin n nu, bo i je ka ferewita na i da ka tieku ni. ²¹ Minem bo bu kaari ni, na yiri n bo i tana kpɔngɔ n su n afa takobe n bo i wo i nɔɔ nu n akun bu kere. Na anumam kere adi nie na bu kunnu ayi.

20

Kabo bu nyi Sitana afo akpii kun n jore

¹ Na ma ɲu mereke be ka i fite angoro suba, i bita deke nbem i saa nu, kun la kadombaa bo i tu kunma ngɔngɔ bo i la má awieeri ni, na kun gusu la joroko bambaka fangafɔ be. ²⁻³ Na wo tara woo tie ni, dada deɛ woo tie n bo i ti Sitana ni, na bu kaaki fere i ka Dadakafɔ ni, na wo fa joroko n acici i, na wo fa i atu kunma ngɔngɔ n bo i la má awieeri n nu, ka i wó do haari afo akpii, na wo tu kunma n ano ni, na wo ta akata su, na má i koro fite na i dadaka durunya n nufom bekun, ama, i wo do haari afo akpii n ba ju. Nyini sin, na bu nyangi i ji kaan.

⁴ Na ma ɲu femeya biem, Nyeme ama bo bu tana sum n atin ka bu di minem jore. Na ma kaaki anu bere bo bu yo wuuri Yesu ti ni. Mine yo kpieeri bu tii a, dama bu yo kaanri Nyeme jore na ba di Yesu daani n deɛ ti. Bere keteeri ka bu su má boro nengendore n ni i amɔe n a, bere la bo bu kaaki keteeri ka bu de má i nyaari seewa bu ɲuma wara bu saa su n a, ye ba tenge bu yiwee n nu anya ngɔɔ, na bu ni Kristo Tiidefo n sangɔ di femeya afo akpii. ⁵ Ahin ti yiwee tenge ciciri su n a. Ama, minem bo ba wu na ba ka ni, bere tenge má haari ko ju afo akpii n awieeri. ⁶ Bere n bo bu du mɔ tengeeri bu yiwee nu ni, na bu ti mine casim n ni, terefie wo bu do, bere ɲu má yiwee nnyo su n kun, bere yó Nyeme ni Kristo Tiidefo sayoowa donɲuyofom a. Na bu ni yiri sangɔ di femeya n afo akpii.

Kabo Nyeme kunmaari Sitana ni

⁷ Afo akpii n nyaari ko juuri, na Nyeme má bu yi Sitana n dansaraka soɔ n nu ji. ⁸ Na i kó dadaka adamande barasu barasu kere bo bu wo durunya n nu ni, Gogi ni Magogi asien n kere, na i tien bu kere nɔɔ na bu kó kun lue. Bu sunnu beberebe ka kunma ɲmie wo. ⁹ Na ba tereki abara aye durunya n deke kere, na ba bara aye mie n bo Nyeme koro i agaya ni, deke bo i minem wo ni, ama, na sin afite angoro aba ayara bu. ¹⁰ Na ba fa Sitana n bo i dadaka bu n aji ceema sin n nu, bo i je ka ferewita na i da ka tieku ni, deke bo bu faari boro nengendore n ni korɔfo n bo i yo i ɲu ka i kan Nyeme noanie n jiiri nu ni. Do na bu dí wahara, kongue ni wiesu sangɔ kere.

Kabo Nyeme dí minem jore awieeri su ni

¹¹ Na ma ɲu femeya bie bambaka fofoe be, ni bo i tana su ni. Na angoro ni asienɲu kere amini i nyunu, bu wo má bere kun. ¹² Na ma ɲu minem bo ba wu ni, nfangafom ni tarakam kere, ka bu jina femeya bie n nyunu. Na ma kaaki anu ka be suteke kadasim, na be gusu suteke kadasi bo i ti ngɔɔ deɛ ni. Nyini kadasim ye bu fa diiri minem bo bu wuuri n jore a, bu sayoowa kere bo bu yo yoori wo nyini kadasim n nu. ¹³ Na tieku n awɔɔ minem bo ba wu n ama, na Yiwee, ni Yiweefom Woobiri n awɔɔ minem bo ba wu n ama, na Nyeme afa bu sayoowa bo bu yo yoori adi bu jore. ¹⁴ Na wo fa Yiwee, ni Yiweefom Woobiri n aji sin n nu, bo i je ka ferewita na i da ka tieku ni. Ahin sin ni ti yiwee nnyo su n a. ¹⁵ Na ba fa sɔnɔ kere bo i duma awo má ngɔɔ kadasi n nu aji sin ni.

21

Angoro ni asien fofore n jore

¹ Na ma ŋu angoro fofore ni asien fofore, dama angoro dawa n ni asien dawa n kere wo má bere kun, na ma ŋu ka tieku nzue n gusu wo má bere kun. ² Na ma ŋu mie casi ni, Yerusalem fofore n ka i fite Nyeme do angoro sujura ba asienŋu, wo sese i ŋu su ka konya bo i sukɔ ajaa. ³ Na ma ti akonvi bambaka be ŋga femeya bie n nu, i ŋa, “Am nie fen, Nyeme woobiri wo adamandem do,
na i wó bu do.

Na i fá bu yo i minem.

Yiri ni i tii wó bu do na i yó bu Nyeme a.

⁴ Yiri núnuka bu nyunvuin kere bu nyumbaa nu a, yiwee wo má bere kun, ahoresaaki wó má bere kun, minem sún má kun, na minem dí má yaari kun, dama deke dawam kere asin.”

⁵ Na bo i tana femeya bie n su n ase ka, “Nie fen, m suyo deke kere fofore.” Na wo kaaki ase m ka, “Kere ahin noanie ni, dama i ti nahore wo, na i la dabuju.” ⁶ Na wo se m ka, “Wo yo awie, mini ti mofɔ a, na m kaaki ti kasinfo, mini ti deke kere bumboori ni i awieeri a. Sono kere bo nzuehɔe tiiri i, m má i nu nzue n bo i ma ŋɔɔ ni, na i mi tó má kaari. ⁷ Sono kere bo i diiri nasara, m má i ahin aceerim ni, na m yó i Nyeme, na m fá i yo m wa. ⁸ Ama, serefom, ni minem bo ba yo má m yarada, ni dangba yofom, ni mine kunfom, ni nbara kpinfo, ni somaya kofom, ni bo bu di ayiri ŋbɛɛnŋbɛɛn, ni munzueyifom, ni amɔe sufom, ni korɛfom kere, bu woobiri la cɛema sin n bo i je ka ferewita na i da ka tieku ni. Nyini yiwee ni ti yiwee nnyɔ su n a.”

Yerusalem fofore n jore

⁹ Na mereke kun aba m do, i ti mereke nsom bo bu bita awieeri su deɛ kekereke ayaba nsom nu kun wo, na wo ba ase m ka, “Bra, na m kere u Bombaa n konya ni.”

¹⁰ Na Awiewie Casi n deɛ yiko nu, na mereke n afa m ako buka bambaka n bo i ti lenlenge n tii su, na wo kere m Yerusalem mie kpiri n bo i ti casi ni, i fite Nyeme do angoro sujura ba. ¹¹ Na i je na i ta wein kabo Nyeme jirima woowa n ti ni, na i sujeje kɔkɔre ni sosofura nzue ka afere nyunyumi barasu be bo i da cain ka nieɛnu. ¹² Ba ta kobe bambaka bo i wo angoro abara aye mie ni, na i la ano buru ni nnyɔ, anom kere su la mereke kun kun bo bu jina ŋminda. Ba kere Yisareli ano barasu buru ni nnyɔ n duma ago ano n kun kun kere su. ¹³ Kobe n bue nna n kere la ano nsan nsan, nsan wo wie afiiri, na nsan wo wie atɔɔri, na nsan nsan wo gbɛɛnŋbɛɛn bue nnyɔ n kere. ¹⁴ Mie n kobe n ajaari seewa yabue n ti buru ni nnyɔ ɔ, ye bu nya taari kobe n taka su. Ba kere Bombaa n jaramasa buru ni nnyom duma ago yabue n kun kun kere su.

¹⁵ Na mereke n bo i jɔɔɔri m do n bita sika kara i saa nu, bo i fa sunsun nie kabo mie n ti bambaka barasu, ni kabo kobem n anom ti teterɛ barasu, na i kaaki sunsun nie kabo kobe n angoro ti barasu. ¹⁶ Mie n ataari n ti ka sɔɔ langba deɛ su wo, i tintiin, ni i teterɛ kere se wo. Na mereke n afa i sika kara sunsunwa n asunsun mie ni, i tintiin su ti kilo akpii nnyɔ ni yaa nna wo, nyini ti, i tintiin, ni i teterɛ, ni i angoro kere se wo. ¹⁷ Na mereke n asunsun kobe n gusu, kabo adamande bo ajaari ni, na i angoro ako ayasu ka ajaari boowa kun kun kɔ ju yaa ni aburana ni nna. ¹⁸ Bu faari yabue nyunyumi barasu be bo bu fere i ka jasapa ni taari kobe n a, na ba fa sika bo i da cain ka nieɛnu, ata mie n ni i tii. ¹⁹ Yabue n bo bu fa seeri mie n kobe n ajaari n ti yabue barasu nyunyumi, na i kere busu wo i ŋgumi ŋgumi. I ti kabo Nyeme sayoowa doŋguyofɔ kpian n sana i tanɛɛ su na i wo i hoe su ni. Bu fere bu ka jasapa, ni safiri, ni agota, ni emeradi, ²⁰ ni oniki, ni caniliya, ni krisolite, ni berili, ni topasi, ni krisoparasi, ni jasinti, ni ametisiti. ²¹ Bu faari afere fofoe nyunyumi barasu be fa yoori ano buru ni nnyom n a. Bu faari sika fa yoori mie n atin natiwa kere a, na i da cain ka nieɛnu.

²² Ma ŋu má Nyeme Sereebiri Awuru be mie n nu, dama ya Mi Nyeme Feme Kpiri n ni Bombaa n ade Nyeme Sereebiri Awuru n jinaabiri a. ²³ Mie n koro má wie ni sara na bu ta wein ma i, dama Nyeme jirima woowa ni ti i wein a, na Bombaa n ti i fitana. ²⁴ Na durunya n nu adamande barasu kere sunati i wein nu wo, na durunya n nu nfemem fa bu ajeke kere ba wura nu. ²⁵ Mie n ano ni téke wo saŋga kere, dama ka koŋgue wo má do. ²⁶ Na adamande barasu kere bo bu wo durunya n nu ni fá bu nenge kpakpam ni bu jirima na bu fá wura nu. ²⁷ Ama, deke kere bo i ti má casi wúra má mie n nu, ni minem bo bu su amɔem, ni minem bo bu bu korɛm ni. Má ka minem bo bu duma wo Bombaa ni ŋɔɔ kadasi n nu ni ŋgumi wúra nu a.

22

¹ Na mereke n akaaki akere m kunma nzue bo i ma ngoo, i da cain kabo nienun ti n wo, i songi fite Nyeme ni Bombaa n femeya bie n nu wo, ² na i susongi mie n atin n afien ni. Kunma n bue nnyo n kere, baka n bo i ma ngoo n jinjina aheme. Na i susu suuwa barasu buru ni nnyo afo kere, sara kere ni i suuwa. Na bu sufa i nyawa n tuntun durunya n nu adamande kere torem. ³ Deke bo Nyeme ayo i nno ngbeen wo ma mie n nu. Ama, Nyeme ni Bombaa n femeya bie ni wo do, na i akoom n susu i. ⁴ Bu nu i nyunuawa dika kabo i ti barasu, na i kere i duma go bu numa su. ⁵ Awosin wo ma do, be koro ma fitana do, na bu kaaki koro ma wie do, dama ya Mi Nyeme Feme ni i tii yo bo wein a. Na bu di femeya bo i la ma awieeri.

Kabo Yesu seeri ka i ce ma, i kaaki ba ni

⁶ Na mereke n akaaki ase m ka, "Ahin noanien m ti nahore wo, na i ti deke bo sono yo i yarada. Ya Mi Nyeme Feme bo i faari i Awiewie Casi n wurraari n noanie kanfom nu ni, yiri asunma i mereke n ka i ba se i akoom fa ko sa bo i yo kisa bere n a."

⁷ Ya Mibie Yesu na, "Am so am sui. I ce ma, m ba kisa. Terefie wo sono kere bo i deeri noanie n bo i wo ahin kadasi n nu na i jojo fa ko sa bo i ba yo n nu."

⁸ Mini Yohane tiiri, ye m nuuri ahin deke n kere, m tiiri na m nuuri i so ni, na ma kutu mereke n bo i kereeri nyini dekem n jaa bu ka m su i. ⁹ Na wo se m ka, ma m yo so, ama, m kansa Nyeme ngumi. Na wo kaaki ase m ka, "M ti u benggu akoo, ni u ninbaam bo bu ti Nyeme noanie kanfom, ni bo bu de noanie n bo i wo ahin kadasi n nu n be wo."

¹⁰ Na wo kaaki ase m ka, ma m se ka m fie noanie n bo i wo ahin kadasi n nu na i jojo fa ko sa bo i ba yo n nu, dama i ce ma, i kere yo kisa. ¹¹ I na sono kere bo i yo satie, ma i ko su yo i satie, sono kere gusu bo i yo i dangba sa ni, ma i ko su yo i dangba sa ni, na sono kere gusu bo i yo sakpa, ma i ko su yo i sakpa ni, na sono kere gusu bo i ti casi, ma i ko su wo i casi wo.

¹² Ya Mibie Yesu na, "Am so am sui. I ce ma, m ba kisa, na m ba to sono kere kaari kabo i jumayoowa ti barasu. ¹³ Mini ti mofa a, na m kaaki ti kasinfo, mini ti deke kere bumboori ni i awieeri n a."

¹⁴ Terefie wo minem bo ba nmisi bu suturam ayo casi n do, adena bu koro nya atin di baka n bo i ma ngoo n dee suuwa ni, na bu fa mie n ano n wura mie n nu. ¹⁵ Ama, dangba yofom, ni bo bu di ayiri ngbeenngbeen, ni bara kpinfo, ni somaya kofom, ni mine kunfom, ni amoe sufom, ni bo bu bu kore bu noanie jojoowa ni bu sa yoori nu n kere koro wura ma mie n nu.

¹⁶ "Mini Yesu asunma m mereke n ka i ba se am ahin jore n a, ambere bo am wo Kristo jamam n nu ni. Mini ti Feme Davidi anuma a, na m ti asaakojo bo i ta ni."

¹⁷ Awiewie Casi n ni konya n na, "Bra."

Sono kere bo i ti ahin, ma i mi gusu se ka, "Bra."

Na sono kere bo nzuehoe ati i,

na i koro ngoo nzue ni,

i bra na i ba de nu ngbeen.

Awieeri su n jore

¹⁸ Mini Yohane subobo sono kere bo i ti ahin kadasi n nu jore fa ko sa n bo i ba yo n lee, ka sono kere bo i faari noanie be bukaari su, Nyeme fa kekereke n kere bo i wo ahin kadasi n nu n buka i mi su. ¹⁹ Na sono kere gusu bo i yiri noanie n bo i wo ahin kadasi n nu n be, Nyeme yi i mi n aceeri na i nya ma baka n bo i ma ngoo n dee suuwa n be, na i ma i wura ma mie casi n nu, kabo ba kere bu jore ahin kadasi n nu.

²⁰ Yiri n bo i di ahin jorem kere daani n ase ka, "Nahore. I ce ma, m ba kisa."

Ma i yo so. Ya Mibie Yesu, bra. Ami.

²¹ Ma ya Mibie Yesu buka Nyeme minem kere. Ami.